


PAULI IONIHISTO



TOM. I. SEC. V.



3735

3736

HISTORIA


CIMELIA



1621

1622

22X
64



Hist 3735

~~15~~ 12. a.
~~17~~ ~~16~~

Johann. Pipan.

P A V L I
IOVII NOVOCO-

MENSIS EPISCOPINVS

cerini historiarum sui
temporis.

TOMI SECVNDI

ALTERA PARS.

* *
* *

*Biblico thes. maioris coll. vniu.
Graecis, Exegetes Testam. Clauss.
olin. D. M. Joannis Jarzynski
Phil. et Med. Doctoris, donavit*

B A S I L E Æ, 1696.

M. D. LXVII.



Cim. O. 1621-1622


PA
v



plis
nam
rabil
uarie
pum
bellis
lunt,
lufibi
cipite
rande
ta Or
da in
adlec
fi Ch
opib

3
PAVLI IOVII NO.
VOCOMENSIS, EPISCOPI
NVCERINI HISTORIARVM
fui temporis.

LIBER XXXVI.



IC annus, qui fuit à partu Vir-
ginis supra mille & quingentos
trigesimus septimus, uaria bella
in diuersissimas orbis terrarum
partes dispersa continebit, sed
que magnis potius regum co-
natibus, quàm certis aut peram-

1537
plis uictorijs famam tulerint, ideo tamen non par-
nam legentibus afferrent uoluptatem, quoniam admi-
rabilem grauiſſimorum consiliorum rerumq; gestarū
uarietatem explicent, proindeq; maximorum princi-
pum animos intiteri agnoscereq; iuuat, qui bella ex
bellis serere proferreque potentiam, quàm pace frui ma-
lunt, scilicet, ut nemini dubium decus uarijs Fortunæ
lusibus subiectum, superba contentione per anxios an-
tipitesque labores querant. Ante omnes Solymanus pa-
randis nouis regnis, tam sua insatiabili, quàm usita-
ta Ottomanis regibus cupiditate incensus, ad occupan-
da Indię emporia, pellēdosque inde Lusitanos animū
adiecit, nequaquā sibi decorū aut tutū fore existimans,
si Christiani nominis gētem præpotētis Lusitaniæ regis
opibus fretam, maximeque inuictis classibus pollentem,

firmatis imperijs inueterascere in India sineret, ubi iam pleriq; reges antiquissimis ritibus fabulosa numina colere soliti, Mahometana sacra suscepissent. Recenti quoq; bello, quod cum Tammašo Persarum rege gesserat, inter eius auxilia, Lusitanos sclopettarios, tormentorumq; magistros, qui maiora tormenta fusili metallo fabrefacere, periteq; dirigere Persas hostes suos docerent, militasse didicerat. Ceterum Solymanus magno afficiebatur incommodo, quòd Lusitanæ classes Arabici sinus navigationes, interclusissent, quibus Memphim atq; Alexandriam aromata atq; odores, Indicaq; omnis generis mercimonia aduehi in Europam solebant, magno quidem totius Aegypti uectigalium detrimento, quum ea mercium negotiatio ferè omnis, per immensum Oceanum in Hispaniam auerteretur, dispensareturq; inde per emporia Belgarum, Britanno- rumq; & extremæ Germaniæ, quarum regionum regna, Gothosq; populos, Venetorum aduectionibus repleti paulò ante solitos constabat. Prouidebat quoque Solymanus eandem curam incessisse animo Campsonis Memphitici Sulthani, qui sub id tempus, quo eum inuadebat Selymus pater, ingentem classem Rubro in mari edificasset, ut inde Lusitanos fretum Erythræasq; angustias ingredi ausos, non Arabico tantum sinu, sed ulteriore etiam India, ubi iam munitas arces condidisset, expelleret: sed Amyraßis & Raysalomonis prefectorum dissidio atque perfidia factum est, ut tantorum sumptuum apparatus infelicem exitum haberit. Itaque Solymanus, adhortante Aegypti prefecto, ingentem trirremium classem instituit, qua Lusitanos adoriretur.

adoriretur. Præerat tum Aegypto Solymanus Eunu-
 chus natione Epirota, propter militaris ingenij soler-
 tiam inter Bassas receptus. Is materiam ædificandis tri-
 remibus à sinu usq; Attalico Ciliciaq; casam ex dedola-
 tam Pelusium deuehi curabat, atq; inde aduerso Nilo
 Memphim ratibus perduci iubebat, ubi ita magnum
 naualium fabrorum numerum coegerat, ut paucis
 mensibus multas plicatiles triremes efficeret, quæ demum
 camelis membratim ad Suetiam olim Arsinoes portum
 Rubri maris per arenas siticulosæ regionis trahebantur,
 atq; ibi intextis carminis ex erectis malis, atq; in-
 structæ omnibus armamentis in mare deducebantur.
 Id iter à Memphi ad Suetiam octoginta millium spa-
 tium implet. Constat autem antiquissimis temporibus,
 dum Aegypti reges ad extendendam nominis famam
 prodigiosis operibus uacarent, fossam pernauigabilem
 à Memphi ad Arsinoem, admirando labore sumptuq;
 fuisse perductam, ad summas conuectionum commodi-
 tates, quæ demum oblimante uetustate, arenis scilicet
 alueum sensim opplentibus, quanquam pernauigari
 nequiret, Niloticam tamen aquam, secundum amnis
 incrementa, ad ipsas Arsinoes cisternas deferrebat. Sed
 huius quoq; salubris aquæ copia atq; usus ferè omnis,
 aduentu Arabum Mahometanæ sectæ, qui illac irru-
 perunt, ex totam ferè Africam, superato Nilo usq; ad
 Atlanticum Oceanum inuaserunt, ita est interruptus,
 ut eius regionis incolæ à remotis quibusdam puteis sal-
 sores, ex iniucundos ad potum latices, per utres ca-
 melis impositos petere cogantur. In hoc isthmo terræ,
 intimoq; Arabici sinus termino, mons Sinas natura sa-

PAULI IOVII

xeus, & abruptus in celum exurgit, adeo ut difficilens
 laboriosissimumq; ad cacumen euadentibus ascensum
 præbeat: nam in summo iugo, quo maria despectantur
 positum est delubrum diuæ Catharinæ dicatum, quod
 peregrini ex omni Europa Christiani religionis causa
 adire solent, immensoq; pijs animis gaudio concepto
 monumenta Mosaicæ historiæ de mari rubro, quod
 Pharaonis impij regis copias trāsire ausas, miraculosa
 inundatione totas oppresserit, oculis intueri liceat.
 Hanc quam diximus fossam, Sesostris Aegypti rex opu-
 lentissimus, & uti aliqui tradunt, pyramidum etiā stru-
 ctura inclutus, & post eum Ptolemæus ipse Philadel-
 phus, profundius excauare cogitarunt, ut mediterræ-
 neo mari Rubrum immitterent, atq; Indica regna eo-
 rumq; opes Aegyptijs finibus expedita nauigatione
 coniungerent, sed ille præpropere morte interceptus,
 uel insanum opus intermisit, hic uero à peritis naturæ
 rerum admonitus, ab incepto maturè desitisse fertur,
 ne totam Australis Oceani aquarum molem Græciæ,
 atque Asiæ, quæ non dubium gentibus, altero ueluti
 cataclysmo inuecto, exitium afferret, insana ideoq; ab-
 hominabili gloriæ cupiditate infudisse diceretur. Igitur
 singulari studio atq; industria eius Eunuchi, qui seuo
 imperio circumiectas gentes ad id opus adigebat incre-
 dibili celeritate octoginta circiter insignium nauigio-
 rum classis effecta atque adornata est. In ea fuere ro-
 strate triremes uiginti, & biremes uiginti & septem,
 præalta uero triremes, quas Veneti Galeacias uocant,
 ad ferenda maxima tormentorum, & mercimonio-
 rum onera opportunas, numero quatuor, naues quo-

que

que capaciores aduehendis com meatibus, & toto militaris apparatus ornameto idoneas, quas Mahonas uocant, septem. Reliqua porro nauigia, quæ erant iuste magnitudinis, supradicti numeri summam efficiebant. Hanc classẽ conscendit Eunuchus, quum in eam nautas, gubernatores, & remiges, fabrosq; nauales Venetos contruserat. Nam paulò ante imperatoris Solymani iussu, Venetæ triremes mercaturæ causa Alexandria portum intrantes, à Barbaro custode eius turris, quæ pharum habet, contra fidem abrupta pace, hostiliter interceptæ fuerant, ita, ut Antonius Barbadicus, & Hermolaus Barbarus patritij earum præfecti, cum omnibus ad unum nautis atque uectoribus, custodiæ traderentur, & mercimonia apud fiscum scriberentur, eiusq; omnis naualis turbæ delectu habito, Eunuchus, quos idoneos putarat, Memphim, atque inde ad Suetiam in classẽ distribueret. Iam enim Solymanus leuissimis de causis, odio in Venetos concepto, bellum coquebat aduersus nostros, ut credi par est, à quibusdam, qui nimia felicitate Cæsaris offendeantur, uehementer incitatus. Sublato nanque Habraymo, qui singulari patrocinio Christiani nominis gentes apud principem fouerat, Lustibeius & Ajax purpurati, abstinendum à rebus Persicis discebant, specie pietatis, quòd Ottomanica arma non in Mahometanos, sed in nostros continenter exercenda censerentur, præclaro maiorum exemplo, qui semper Christianis bellis cum triumphali gloria uictores discessissent, uti ipse nuper esset expertus, quum de Belgrado, Rhodoque expugnatis, atque interfecto Panno-

PAULI IOVII

que rege, admirabiles uictorias retulisset, quas frustra tentando, cum Mahometes proauus, tum abauus Amurathes superioribus annis expetissent. Satis sibi glorie partum existimare debere, quod Tamma-so Persarum rege maiorum regia expulso, & in Hyrcaniam usque fugato cunctarum gentium testimonio uictor, Assyriae regnum, urbemq; ipsam Babyloniam cum Mesopotamia Persis ademerit, nec ullam adierit cladē, nisi quam aduersa numina caelo demiserint. Neq; enim niues & seuos uentorum turbines, quos apud Sulthaniam pertulerit, aliud omnino quam Mahometis numen obiecisse, immodicē scilicet persequēti Persas, quoniam nefas esset gentem, uel insanis superstitionibus deditam, tanquam uerum & cōmune ipsis numē colentem, interficere penitusq; delere, Eandem proinde esse cū sacerdotum, tum ipsorum ducum, & militum uoluntatem, ut arma in Italiam uerterentur. Facile siquidem occupari posse Salentinorum regionem, quae extrema Italiae sit, & à conspectu Epirotici littoris modico traiectu dirempta, clasibus pateat. Eo etiam tempore Ioannes Forestius Galliae regis legatus, post mortem Habraymi, sicuti diximus, in aula permanere, muneriq; suo continenter uacare iussus, ostendebat Casarem, qui unus tanquam praecipuus hostis odiosissimē petebatur, nequaquam tanta habiturum praesidia ut tueri Apuliae oram uno tempore, & Gallis in Subalpina resistere posse consideret: quandoquidem rex ipse cum magnis copijs in Italiam ipsa eadem aetate descendere statuisset. Sub id quoq; tempus ad Solymaniā pro transfuga se contulerat Troilus Pignatellus, exul Neap

Neapolitanus, nobili ortus familia, peritusq; militiæ uir, propterea quod Andream eius fratrem Rhodiæ militiæ equitem, Petrus Toletanus prorex, aliquanto seuerius quàm ipse putarat, capitali supplicio cōdemnasset. Quo iniuriæ dolore perturbatus, rectā profugerat ad Solymānum ab eoq; liberaliter militiæ inter Mutāracas fuerat ascriptus, cuius ordinis equites ē toto terrarum orbe lectissimi, quæ uelint numina colere permittuntur, peculiaremq; tantū uni eunti ad bellum imperatori operam præstant. Eius siquidem transfugij causam probarant Barbari, & Troilum, quod duxisse apud Casarianos equitum ordines secundā militiæ fama didicissent, purpurati maximè idoneum fore iudicabant, quem ipsis inuadendæ Apuliæ consilijs adhiberent, tanquam multa de situ littorum atque oppidorum conditione opportuna traditurum & cuncta ad id bellum secundā fore pollicentem. Troilus etiam quarundam machinarum artificia, ligneis atque minutis exemplis, uir ingeniosus & uaser apud rudes earum artium Barbaros protulerat, ad sustinendum uel improuisum hostium impetum, si per oram maritimam descensiones fieri prohibere conarentur, cuius artificij formis Solymānus ita oblectabatur, ut quum pluteos curules, præfixosq; ferreis uenabulorum mucronibus, uti apud Rhauennam à Nauarro excogitados fuisse diximus, maximè miraretur hominem tanquam subtilioris maximeq; efficacis industriæ purpuratis magnopere commendaret, Lustibeiōq; præsertim, quem clāssium imperio præfecerat, quanquam in ea Hariadenus ipse Barbarussa ab

sua singulari scientiæ naualis existimatione spectatus emineret. Affirmabat quoque Troilus eam esse Apulorum omnium & Salentinorum uoluntatem, ut oblata occasione à Caesarianis, à quibus immodicis tributis diu uexati essent, omnino deficerent, modò Galli aliqui conspicerentur, quibus Turcarum beneficio in terram expositis, & clas̃is præsidio confirmatis se dederent. Seniores etiam Turcæ meminerant, quàm facile ante quinquaginta annos occupata Hydrunte, eaque demum urbe peregregrie defensa, quàm graue periculosumq; Italiæ in Salentinis bellum excitassent: quo haud dubiè, non Neapolitano modò regno, sed ipsa etiam Romanæ urbis imperio Acomates Bassa breui se potiturum sperasset, nisi ipse Mahometes imperator præpropere ereptus fato, totam eam spem paratæ uictoriæ præcidisset. His persuasionibus adductus Solymanus terra marique uno tempore Italiæ arma inferre constituit, tanta celeritate expediti consilij parata classe, & terrestribus copijs è Thracia sinistrorsum per Thessaliam proficisci iussis, ut penè prius improuisus in Epirum perueniret, & cum ducentis armatorum millibus circa Macedoniæ oram ad Aulonensē confiterit, quàm Byzantio profectus à nostris crederetur, qui Barbaros uel ob id in Pannoniam reuersuros existimabant, quòd fama increbuissest Austrianos Germanos nequaquam cum Ioanne rege, Turcisq; qui essent apud limites in præsidijs, inducias tanquam parum equas seruatueros. Clas̃is autem numerosa pariter & ornatissima in Ionium delata, à Cepha

Cephalenijs, atque Zacynthijs, penè prius spectata est, quàm Veneti sua consuetudine iustam classem creato maris præfecto, ad tuendam ipsorum ditionis oram uersus Corcyram nauigare, atque inde terrestres atque maritimos Barbarorum motus obseruare iuberent. Caterum Solymanus è Thracia profectus, emensûsque totius Macedoniae latitudinem, nihil eum morantibus fluuijs, ad Scardos montes perrexit, & per eorum ualles ad mare descendit. Hi montes ad Taulantios, & Dassaretas, atque Dardanios, qui hodie Albani sunt, pertinent. Eo autem itinere uel magna, & subito inflata flumina facillè traiecit, & ante alia post Hebrum (qui hodie Mariza dicitur, non longè ab Amphipoli clarissima olim urbe Macedoniae regum, Seres hodie uocata, ubi Barbarorum moneta peculiari officinae sede cuditur) Strymonem amnem, Marmarium ab incolis uocatum. Exinde Axiû qui nunc Vardaris appellatus, ad septimum lapidem iuxta Thessalonicam in mare decurrit, & secundum hunc ipsum Haliacmonem, qui hodie dicitur Asambaba, Mustaphæ purpurati sumptu, qui Selymi gener fuit, magnificentissimo ponte iunctum. Is amnis in Thermaicum sinum effunditur, non procul ab Heraclea sentica descendens, quam nouo nomine Scopiam esse nonnulli Græcorum affirmant. Nec multò post Lucifibeus & Barbarussa ab Hellesponto Maleam superantes, ad Ficerium oræ Leucadiæ portum, dulcis aquæ fontibus clarum, aquandi causa perueniunt, indeq; Acarnaniæ ac Epiri littora lambentes,

præteruictiq; Corcyram, ubi Veneta classis Hieronymo Pisaurio præfecto stationem habebat, mutua salutatione multis de more tormentorum bombis amicissimè celebrata, ad Aulonem per piscosas fauces, quas Laous amnis stagnans efficit, classis partem intulerunt. Tum uerò Solymanus Italiam, quam habebat in conspectu, extèplò petendam ratus, ut si cœpta prosperè prouenirent, ipse etiam totis copijs traiceret, Lustibeiū, & Barbarussam transfretare atque explorare Salentinorum uoluntates iussit. Aderat eis Troilus exilè nauandæ operæ cupidus. Is uti peritus rerum, quòd insignes urbes Brundisium & Hydruntē egregiè munitas Casarianorum presidijs teneri intelligebat, ab Iapygio promontorio, quod hodie Hydruntinum caput appellant, in sinum Tarentinum ad dextram deflexit ad Castrum oppidum. Distat id octo millibus passuum ab Hydrunte, habetq; arcem collis dorso impositam. Id erat ditionis Mercurini Catinariæ uiri Vercellensis. Hic nequaquam militiæ assuetus, improuiso Barbarorum aduentu exterritus, atque omnibus ad resistendum imparatus rebus, persuasus etiam Troili internuncijs ita deditionem fecit, ut Barbari ab omni maleficio se temperaturos pollicerentur, oppidanis in eandem pactiōem cum ipso regulo facile credulis, propterea quòd Forestium Galliæ regis legatum adesse existimarent: sed is ad Aulonem substiterat lethali oppressus morbo, ubi paucos post dies interiit. Itaque Barbari naualesq; præsertim turmæ prædæ inhiantes, neque Troili deprecatione permoti, neque Lustibeijs Barbarussæq; imperijs parentes, oppidum

tes, oppidum sublato clamore diripuerunt, delectaq;
etatis captiuos cum Mercurino ad classem deduxe-
runt. Verum Lustibei non dubio pudore abruptæ fi-
dei persusus, Mercurinum incolumen dimisit. Eodem
autem tempore magnus omnis generis hominum, &
maioris pecoris numerus, toto Salentino littore ab e-
quitibus Turcis interceptus est: nam per Hippagogas
latiores naues, quas nostri Palandrias uocant, trans-
uehendis equis idoneas, nonnullæ equitum turmæ no-
cturna usæ aura, ab Aulone traiecerant, sic ut à Ta-
rento Brundisium usque, Salentinus ager magno me-
tu atque periculo quateretur, cui non dubiam ab Ita-
lia pestem superis auertentibus, inexpectatam opem
attulit unius Veneti trierarchi temeritas. Is fuit Ale-
xander Contarenius spectata nobilitatis atque uirtu-
tis trierarchus, qui cum circumerrantibus Turcicis
triremibus casu quodam improuisus occurrisset, nec
Turcæ, sicuti ex consuetudine debebant, honoris cau-
sa uela dimittere, & inanibus bombis pacati animi si-
gnificationem ostendere uellent, in eos superbie suæ,
atque odij uiolentiam subito conuertit, incitatisq;
remigibus in Turcas rostra direxit, perforatasq; magno
impetu hostiles duas demersit, in queis Vstamanes
Gallipolitanus præfectus interisse dicebatur. Id faci-
nus à Contareno, uti postea apparuit, malo Reipubli-
cæ importunissimè editum, referebatur ad priuatam
simulatem, quod mercatorum nauigium ipsius Con-
tareni, quod ab Oriente pretiosas merces aduehebat,
à Turcis prædonibus paulò ante fuisset interceptum,
sic ut Contarenius ex priuata iactura concepto odio

indulſiſſe dolori, & publicam cauſam neglexiſſe di-
 ceretur. Paulò ante quàm Turcæ in Salentinum a-
 grum traiecerent, Andreas Auria Caſarianæ claſſis
 præfectus, apud Meſſanam certior factus, Solyma-
 num ad Aulonem poſitis caſtris conſtituiſſe, claſſemq;
 eius eòdem perueniſſe, iratus ſibi quod nulli hoſtium
 claſſis parti, ſicuti maxime cupiebat, occurrifſet, ſu-
 perato Spartiuenti promontorio, quòd olim Zephy-
 rium fuit, per Ionium uela dedit, & ſe ad Zàcyn-
 thum & Cephaleniam uſque proiexit, ſperans, uti e-
 uenit, aliquibus nouiſſimi hoſtium agminis nauigijs
 occuſurum. Fortè incidit in aliquot eius generis na-
 uigia, quæ à Turcis Schiratia uocantur. Ea erant o-
 niuſta uarij generis commeatus copia, & lino utique
 Alexandrino, quòd mercimonijs cauſa priuatim à nau-
 tis deſerebatur. Ea claſſicula ad Solymantum conten-
 dens, ubi procul Auriana uexilla conſpexit, non Li-
 guſticam atque hoſilem rata, ſed Venetam amicamq;
 temere iudicans, ubi propius errorem ſuum detexit,
 nihil tentata deſenſione irrupenti Auria ſe dedi-
 dit, qui omnibus uel Turcis uel Aegyptijs Mahome-
 tani nominis captis, & ad tranſtra triremium tradu-
 ctis, translata continuo in triremes præda omni, na-
 uigia incendit. Per eos dies, per quos Ionium, undi-
 que circuitis atque exploratis inſulis, Auria percur-
 rebat, Solymani binas triremes incenderat. His tri-
 remibus Iunusbeius ſupremæ authoritatis interpres,
 quem Barbari Dragomanem uocant, à Solymano ad
 præfectum claſſis pro legato miſſus, Corecyram adue-
 hebatur. Siquidem quum Turcæ inſulæ appropin-
 quantes,

quantas nullam honoris causa de more salutationis significationem fecissent, Veneti aliquot trierarchi tantam inesse Barbaris arrogantiam indignantes, in eas hostilem impetum fecerunt, & in littus Turcas se eijcere coegerunt, sic ut magna Turcarum pars cum ipso Iunusbeio ab Acroceraunibus latronibus caperentur. Iunusbeius tamen aegrè se explicans, & praesentè pretio se redimens, ad Solymanum est deductus: uacuas autem atque desertas ambas triremes, Auria illa tunc littora explorans nactus, quòd semifractae uti grauitèr elisè, nequaquam sibi adducendae uiderentur, protinus incenderat. Ex ea re Barbari in Venetos odij sui uim omnem, tanquam ab iusta causa uehementer intenderunt, ut apud Solymanum de iniquissimi facti iniuria prolixè conquerentes, id in immensum paulò post ad hostiles acerbitates prouherent: quanquam Venetus praefectus, cunctis humanitatis officijs cum Iunusbeio eius facti nouitatem, periculique dolorem expiare niteretur, quod ab utrisque imprudenter naualis disciplinae leges importuno casu uiolatas ostenderet. His fortuitis paruorum rerum successibus, non dubia abrumpendae pacis initia apud Turcas quaesita sunt, eoque ualidius & prope rantius, quòd per eos dies Auria diligentissimè interdiu nocturneque sulcando maria atque omnes portus explorando nactus triremes hostium duodecim, apud Merleias, quas uocant insulas, supra Cassiopeum Corcyrae promontorium positas (haec fuere antiquitus Ericusa, Marathe, Elaphusa, & Malthace) nocturno atque cruentissimo praelio deleuerat.

Turcis fere omnibus aut praelio occisis, aut in concursu demersis, quum pauci uiui atque integri in eius potestatem deuenissent. Erant enim duo genera propugnacissimorum militum Turcici nominis, qui incredibili uirtute propugnantes, triginta quinque instructissimarum triremium impetum ita sustinuerunt, ut faucij grauissimis uulneribus, fessiq; oppugnando occumbere, quam se dedere maluerint, despondentesq; animos singuli macheras incuruas, quas magno parant pretio, in mare proijcerent, ne his nostri potirentur. Hi erant Ianizeri ex pratorianorum ordine, atque item delecti equites, quos Spaches appellant, perpetua equis merentes stipendia: nam tum suos quisque equos terrestri itinere per Aetoliam & Acarnaniam per agasones suos ad Solymani castra premiserant. Ea autem uictoria non multum Auriam letatum fuisse constat, quum magnum numerum ex propugnatoribus suis atq; remigibus, magistrisq; triremium amiserit & Antonius ipse Auria ineundae pugnae princeps, uehementer uulneratus discessisset. Ea uero nocturni eius praelij fama fuit, ut si quatuor aut quinque triremes, Turcis subsidio superuenissent, dubio Marte Auria, aut certe grauiore cum detrimento pugnaturus crederetur. Parta uictoria Andras ad Leucam promontorium Orientale Corcyrae, contra Paxum insulam paruam, quae retinet uetus nomen, classem contulit, ut aliena suaq; accepta incommoda, certius inspiceret. Nec mora, quod audiret Barbarussam a Solymano cum octoginta triremibus aduersum se proficisci iussu, non longè abesse antequam

abesse, anteuertit iter, & abductis aliquot, quæ erant
integræ, hostium triremibus captiuis feliciter emensus
Ionium, ad Lacinium promontorium, quod hodie Co-
lumnas uocant, peruenit, atq; inde Messanæ ad repe-
tendam classem traiecit. Hoc insigni ab Auria detrimẽ-
to affectum, & geminata contumelia à Veneto lacessi-
tum Solymantum, usq; adeo acri iracundia exarsisse
ferunt, ut Barbarus se male dicendo asperrimè succen-
seret, quod per incuriam segnioremq; impetum nuf-
quam utilem operam præstitisset, Venetis autem gra-
uissimè comminatus, capitalis odij clades denunciaret,
à quibus se despectum, & uana antiquæ pacis specie
deceptum differebat, ita ut eos proculdubio cum Cæ-
sare ab occulta societate consensisse iudicaret. Eos
propterea Auriam, uti semper aliàs, opportuno consi-
lio, & comitatibus adiunxisse, recepisseq; portibus,
& ut ille aptius atq; feliciter aduersum se impune præ-
daretur, undiq; per Græcos speculatores navigationū
indicia detulisse. In hunc modum suapte iracundia in-
flammatum imperatorem, lunus beius ipse Dragoma-
nos, & Barbarus, atq; Ajax, nouis additis facibus, ut
pacem abrumperet, incitabant: ille quidem priuatam
ulturus iniuriam, hi uerò, ut commutata belliratione
maiorẽ prædã, uberioremq; laudem sibi pararent
utpotè qui proximis insulis inhiarēt, Corcyraeq; præ-
sertim & Zacyntho, Cephallenieq; postquam in Italia
ad inuadendum expugnandumq; duriora omnia spe i-
psorum essent inuenturi, quando quidem nec rex Gal-
liæ adhuc transisse Alpes, nec aliquas paratas ad inua-
dendam Italiam habere copias nunciaretur, & sama

esset Petrum Toletanum proregem Neapoli egres-
sum cum magnis copijs aduentare, & passim mariti-
mis in urbibus augeri praesidia, & iam Turcas equi-
tes, qui ab Aulone in Salentinum agrum traiecissent,
à praefecto totius Iapygiae Scipione Sommeio uiro im-
pigro passim impugnari, atq; interfici dicerentur. Ita-
que Solymanus ira percitus, commutato consilio, bel-
lum aduersus Venetos decernit, & ab Aulone castra
mouens, Vagiussam amnem, quem ueteres Aenantem
uocabant, superat, & ad communitiam Butrociæ re-
gionis castra constituit. Communitiae locus olim Re-
gij fontis nomen habebat, unde uberrima profluit
aquatio portui mirè opportuna. Quum eo in litto-
re Solymanus haberet castra, Acroceraunij agrestes
feriq; homines, qui Chimerae incolunt montem, im-
mane consilium susceperunt, tabernaculi regij noctu
inuadendi, concitante eos Damiano quodam latro-
num duce abstrusorum callium, qui sunt in ijs rupi-
bus & syluis, peritissimo. Non reformidabant ullum
uel certæ necis periculum uiri rerum omnium egen-
tes, ideoq; latrocinij assueti, & nullos certos colentes
Deos, ut incredibili præda atq; inusitati facinoris glo-
ria potirentur, si longè maximum terrarum orbis im-
peratorem in tabernaculo semisopitum, & frustra tot
custodij confisum occiderent: magno siquidem silen-
tio, ferarum more sese insinuatueros concubia nocte in
stationem facile spererant, sed Barbaris ad id auden-
dum facinus paratis, fortuna defuit: nā dux ipse Da-
mianus è notis rupibus delapsus ad explorandū præto-
rij situm, & circūiectæ stationis formā, uigiles, & ex-
cubantes

cubantes pratorianos non fefellerit: conspectus enim in arbore ex fragore abruptæ frondis, uti erat semipennis, et speculabundus à Ianizeris est comprehensus, et per tormenta, detectis quas parabat insidijs, iussu imperatoris belluæ captæ modo discerptus est: unde mox magna illis agrestibus clades illata est, emissis scilicet in eos Asapis et Acæzis uenationis modo ad trucidandam, et quàm maximè possent delendâ horridæ atq; infamis gentis stirpem. Ab hac enim genus ducunt Vscoci maritimi prædones Dalmatiæ scopulis assueti, et Haidones, qui illyricis nemoribus inerrant, et cunctis mortalib. ex professo hostes, usq; ad interiores Pannoniæ limites latrocinia exercent. Per hunc modum Solymanus dirum agreste genus ad satietatem ultus, Corcyram oppugnare constituit. Barbarussa cum omni tormentorum apparatu è continente in insulam transgredi iussu. Is paulò ante reuocatus ab Iapygia ad Saxonem insulam, edito ingentis tormenti bombo uniuersam classem ex ea significatione contraxerat, et eodè cursu, nusquam reperto Auria, per fretum Corcyreum ad Regios Fôtes, Solymaniq; castra peruenerat. Quibus Turcarum consilijs opportunè perspectis, Pisaurius aliquot trirremium propugnatoribus et ualidissimis remigum detractis utranq; arcem oppidi aucto presidio communijs, et se imparè mari Barbaris fore iudicans, cum uniuersa classe ab insula se subduxit, et in Adriaticum sinum profectus est, eo consilio, ut cum socia altera Veneta classe, cui Ioannes Vetturius præerat, se coniungeret, et littora Venetæ ditionis contra Barbaros tueretur, pugnae casum subire paratus, postquam

et sibi auxilio futurus Auria uideretur, accedēteq; Veturiana classe superiores existimari posset. In id quoq; consilium, Pisaurius, si pugnandum foret, Alexandrū Buondelmerium ingentis et propē stupendi apparatus galeoni praefectum, qui tum erat circa Zacynthū, admonuit, ut in Dalmatiam ad se nauigaret. Paruit imperio Buondelmerius nauandae operae cupidus, deuectusq; est ad insulam Cursulam, quae antiquitus Corecyra nigra fuit, Meliteis olim catulis ad foeminarū delitias clara. Caeterū Pisaurius atq; Vetturius suas classes in Rizonicum sinum, quem hodie Cathareum uocant, intulerunt, quum Solymanus magnam copiarum suarum partem ad diripiendos Corecyreorū uicos transfuisset. Pagos nāq; omnes et notos uicos perscrutati Barbari, infinitam propē miserae gentis multitudinē captam in seruitutem abduxerunt. Ad oppidum autē, Aiace purpuratum et ipsum Barbarussam singulis aduectos nauiculis propius accessisse constat, ut certius, quae opportuna essent ad oppugnandū specularentur. Sed ea uisa est turriti oppidi et frequēti praesidio confirmati, portusq; munitio, ut eam Solymano inexpugnabilem esse renunciarent. Praeerant Corecyra duo patritij Veneti, Aloysius ripa, et Simon Leonius. Hi non temerē Barbarorum uires, quae terra mariq; erāt maximē metuētes, eō descenderūt, ut suburbana tecta, quae erant instar oppidi perpulchra atq; magnifica, ultro excinderent, ne his transgressi Turcae potirētur, atq; his protecti, ad oppidi murum tutius atq; facilius accederent. Fuit ea res maximē funesta et lachrymabilis, quum etiam remotiora ab oppido pratoria, et uillas

uillas ad commoditatem atq; delicias lōga in pace ad-
ficatas, Barbaricis facibus absumi conspicerent. Sed in
summo discrimine publicam salutem respicere summæ
rei periculum cogebat, eaq; omnia, quæ tum ardebāt,
libertate incolumitateq; ciuium uiliora ducebantur,
quando nouo sumptu refici atq; instaurari non ma-
gno tēpore posse appareret. Ceterum præfecti, quos
diximus, longæ obsidionis metu adducti, q; nequaquā
tantum commeatus in urbe esse conspicerent, ut diu à
Barbaris terra mariq; acriter obfessi, inopiam firre
possent, omnem imbellem populi multitudinem extra
oppidum expulserunt, adeo tristi lugentium spectaculo
seuoq; remedio, ut quum Turcæ idoneis in locis mu-
nitiones, & propugnacula militarium operum instru-
cta tormentis circa urbem erexissent, miserabilis ea
multitudo eiecta foras in fœsis pernoctare cogeretur,
& quum turbulentissima fortē tempestas, extrema Au-
gusti mensis nocte incidisset, multi præsertim pueri ma-
trum ceruicibus implicati, ea spurcissimi imbris iniu-
ria, & propinquorum Barbarorum metu miserabili-
ter interirent. Vnum ex omnibus Corcyreorum castel-
lis, nomine Angelocastrum, in mediterraneis insulæ
ad quintumdecimum lapidem ab urbe positū, frustra
oppugnantibus & comminantibus Turcis, oppidano-
rum egregia uirtute defensum, supra tria millia huma-
norum capitum, quæ eò confugerant, prosperè conser-
uauit, quum passim diuersæ Turcarum manus cæteris
locis diram uastitatem attulissent. Turcæ ad terrendos
Corcyreos occupato monte, multa in eo tabernacula
constituerant, & è scopulo, qui Maripetrus uocatur,

maiores pilas in oppidum contorquebant, & contra oppidum in ruinis conflagentium ædificiorū occultē consistentes, sclopettis ita rem gerebant, ut plerosq; apparentium in corona mœnium certissimis ictibus uulnerarent, & circūuecti triremibus singula ē pro-
 ris maiora tormenta disploderent, maiore tamen ob-
 fessorum metu quā damno. His de causis, quod parū
 proficerent, sicuti antea confirmasse diximus duces
 ipsos Lusitibiū, Barbarussam, & Atacem, Solymanus
 susceptæ expeditionis pertæsus, soluere obsidionē &
 Byzantiū reuerti constituit non sine pudore irriti co-
 natus, quod utrobique, & in Salentinis, & Corcyræ,
 fortuna uel iusta uel immodica eius uota sefessisset. In
 hoc decreto erat Barbarus imperator, quum certius
 didicist a suis nulla fide cum Castrensisibus rem gestam
 fuisse qui deditioe facta, secus ac crediderant, pro be-
 neficio summē crudelitatis atq; auaritiæ contumelias
 retulissent, direpti scilicet & abducti in seruitutē, quū
 incolumi libertate saluas omnium fortunas fore spera-
 uissent. Quo maleficio suggillari maiestatis ipsius no-
 men indicabat, qui semper in sponte deditos fidei atq;
 iustitiæ obseruantissimus esse consuesset. Captandos si-
 quidem Christianorum animos certa spe humanitatis
 atq; clementiæ, ut in exemplum idem reliquæ gentes
 adducerentur, nec esse omni bellicæ cladis acerbitate
 diuexandos, qui ultro honesta pactione a ueteribus do-
 minis deficerent. Itaq; expiandā omnino esse eius pa-
 trati facinoris infamiam putauit, generosoq; animo,
 quos comperit maleficij authores fuisse, supplicio af-
 fecit, & Castrenses captiuos omnes diligentissimē per-
 quisitos.

quisitos, impositosq; nauigijs ad penates suos reduci
iussit. Quū administrante Barbarussa ad edictū copię
omnes decedere insula, & in aduersam continentē tra-
ijcere iuberentur, Corcyrei, discessu hostiū animaduer-
so, eruptionē fecerūt, ut insitutas ab hostibus munitio-
nes diruerēt: sed qui fidentius & inordinatius exierāt,
q; nondū Turcæ omnes disceßissent, eorū superuētū in
oppidū cōpulsi sunt, nōdū planē euerſis operibus: sub
æquinoctiū tamē à Turcis Corcyreorū delrimētis finis
est impositus. Cōstat autē eo bello supra sexdecim mil-
lia ē Corcyreis omnis sexus & ætatis capta atq; abdu-
cta in seruitutē fuisse. Solymanus itaq; castramouens,
legente oram classe, recto per Acarnaniā & Actoliā
itinere, positis commode aquationis causa ad amnes
qui occurrebant castris, ad Aractū scilicet, qui Ambra-
cium influit sinū, Arctēū de uetere eius amnis nomine
hodie uocatum, & Achelou Aetoliæ, qui propter exi-
miā aquæ claritatem ab incolis Aspropotomus hodie
uocatus, in Naupactēū sinū euoluitur, Byzantium est
reuersus, deditq; extēplō operam, ut à Cassimo Bassa,
Nauplio, & Epidauro, in Pelopōneso reliquis Veneti
imperij urbibus bellum inferretur, idemq; ut facerent
Illyrici præfectis imperauit, ut multis simul in locis u-
no tempore Veneti Turcico bello uexarentur. Disce-
dente autem Barbarussa atq; appellente classē, pro-
pter aduersas tempestates, ad Buirotum, quod oppi-
dum clarū antiquitus uetus retinet nomen, id omnibus
incolis incurſu naualis turbæ captis, atrociter direptū
atq; deletum est. Per eos dies Pisaurius Venetæ classis
præfectus, inito consilio cum collega Vetturio, in eum

Dalmatiae sinum, qui ad Scardonam claram olim urbem pertinet, classē intulit, expositisq; militibus, ad oppugnandam urbem duxit. Distat ea à proximo litore septem millibus passuum, tuebaturq; eam uir Turcici nominis à suscedine oris Aethiops uocatus. Is oppugnantium uim diu sustinere nō potuit. Nā Veneti, decussis toto muro propugnaculis, impetu facto in urbē perruperunt, et caesis aut captis hostibus eam diripuerunt, edictoq; praefecti, uetera moenia funditus euertuerunt, ne Turcae repetita possessione opportuna urbis castellū ibi inaedificarent, instaurandaq; et muniende urbis occasionem arriperent. Imminebant siquidem Barbari, ab immensa eorū proferendi imperij cupiditate maritimis urbibus Venetae dittonis, ut quum eas minutis ac assiduis incursionibus mediterraneo omnifere agro spoliassent, etiam ad ipsa maritima oppida iustam uim admoherent. In ea contentione finium, Veneti operam dabant, ne Turcae opportunis locis potirentur, quae ab ipsis facile ad uexanda uicina oppida muniri posse intelligebant. Erat oppidulum cum arce distans à mari sex millibus passuum, Obroatiū à Dalmatis appellatum, quod antiquitus, uti reor, Argyrutum fuit. Hinc Turcae Vscochis feris praedonibus admixti latrocinia exercebant, patebatq; his ad praedare receptum, id unū maxime castellum. Quibus de causis Vetturius cum sua classe, qua Hadriaticum sinum cum imperio tuebatur, ab Hiadera exiguo eius maris sinu circumuectus, copias exposuit, ita ut propugnatores naualesq; socios triremium in ordines componeret, Gabrieliq; Ripaeo Veronensi copijs praefecto, Obroatium

tium continuò oppugnandum imperaret. Veneti inopinàtes adorti Turcas, peracre certamè inierunt. Sed quoniam muralibus tormentis carcebant, nec minutis pilis quicquā proficeret, & idcirco de expugnatione desperarent, superuentu Amurathis, qui cum paucis equitibus Turcis, & tumultuaria Vscochorum peditiū manu oppidanis opem laturus adcurrerat, nostri cōspectus Turcis repentino terrore percussi, primoq; impetu in fœdam coniecti fugam instantibus Barbaris, et multo clamore maiorem ipsorum multitudinē adesse præbentibus, cæsi profligatiq; sunt, tanta ignavia, ut quum nemo se militem esse meminisset, neq; se conuertere, aut in hostem arma stringere auderet, eo exitu, ut uix Gabriel ipse præfectus conscenso equo desertisq; militibus cædi se eriperet, sic tamen, ut ignaviæ ignominia notatus, non multò post seueritate Pisauri præfecti in ipsa prætoriae prora capite plecteretur. Amurathes autem re bene gesta cum multis captiuis, multisq; hostium spolijs ad præfectum totius Illyrij Vstrefum, cuius erat alumnus, reuerteretur. Hic Amurathes è Sico oppido ciuis, quod hodie Sebenicum uocant, ad Mahometis sacra defecerat, feliciq; uirtute omnibus Pannonicis & Dalmaticis bellis inclaruerat, adeò ut honestissimis honoribus & premijs ab Vstrefo indulgenter ornaretur. Paulò siquidem antea insignem apud Clissam de Christianis uictoriā retulerat, ex qua faciliè famā consequutus, à Solymano imperatore iusta præmia retulerat. Erat supra clarissimam urbem Salonā oppidum Clissa in edito colle permunitū, quod ab infirmo regulo Christiani nominis tenebatur, cui Petro

Crosiccio nomen erat. Id his in locis ad sustinendas Turcarū incursiones magnam habebat opportunitatem apparebatq; magno Christianorum incommodo, Clissam in Barbarorum potestatem esse deuenturam, nisi communi finitimorū auxilio aduersus Turcas defenderetur. Sustinuerat diu Crosiccus insulantiū perpetuoq; insidiantium Turcarum arma. Sed is, uti erat tenuissimæ fortunæ regulus, uiribus diffidens, totiusq; uicinie periculū ostendens, ad Ferdinandi regis, Pauliq; Pontificis auxilia decurrerat, ut corū matura adiutus ope, sese atq; oppidū tueretur. Ferdinandi namq; plurimum intererat, longè à suis finibus Barbaros arceri, qui Seniam urbem, quæ in ora est, ad se pertinere dictitabant, quod Pannonicæ ditionis esse uideretur. Pontifex autem suæ pietatis et officij esse meminerat tueri Christianum nomen aduersus impios. Nō implo-
rauit frustra opem Crosiccus: nam Pontifex eum conscriptis Anconæ cohortibus, et opportuno tormentorum instrumento, atque item commeatu liberaliter adiuuit, quum pari studio Ferdinandus Nicolaum Turrianum uirum belli peritū cum duobus millibus Germanorū misisset. Turcæ per id tēpus duo castella subitariæ munitionis instituerant, ut Clissam arctius obsiderent: alterū edificabatur paulò supra Salonam non longius quàm sex millibus passuum ab oppido Clissa. Id Maluicinum Dalmatæ uocabant, alterum in aduersa parte, quæ ad mediterraneam regionem uergit. Hinc facillè iudicabat Crosiccus, si institutæ munitiones ab hoste perficerentur, breui desperatam fore Clissanorū salutem. Itaq; Turrianus, et Lucas Anconitanus, qui

nus, qui Pontificijs præerat auxilijs, utrunq; castris
 adorti, eas munitiones diruere cœperunt, quum foris
 Amurathes opportunissimo tempore superuenit, cum
 trecentis equitibus, & expeditis peditibus septingen-
 tis, ab ipso Illyrici præfecto missus. Is terribili impetu
 facto, clamoreq; sublato nostros inuadens, tanta ui
 percutit, ut neq; Itali, neq; Germani audacter prælium
 exciperent, sed nusquam densata acie prosligati terga
 uerterent, non secus ac Gabrieli Ripæo ad Obroatiū
 accidisse meminimus. Petrus ipse Croficcus quum in-
 citato equo ausugiēs ad mare peruenisset, exiliāli com-
 filio equum dimisit, & in nauigium se intulit, ut ad sa-
 lutem compendio parue nauigationis ateretur. Cæ-
 terum id nauigium prægrauante insilientium ex fuga
 militum multitudine, è littore, uel multo adnitentium
 remis & contis eonatu, propelli in altū mare arenoso
 è uado non potuit, sic, ut Turcæ superuenientes, &
 ipsum unum Petrum præcipuē petentes, in nauem in-
 silirent, trucidatisq; omnibus, ademptum Petri caput
 ad Amurathē referrent. Quo capite Clissanis ostenta-
 to, oppidani terrore correpti, & exiguo freti cōmea-
 tu, desperatis rebus ausugientes, uacuum oppidum ui-
 dtori reliquerunt. Turrianus autem, & Lucas, qui e-
 quis ad fugam usi fuerant, dimidiam suorum partem,
 quæ cæsa aut capta fuerat, desiderarunt. Cremontius
 quoq; Turriani præfectus, quum se per diuersos tra-
 mites ad Vanizxam uicum confugere speraret, a con-
 sectante equitatu cum uniuersis peditibus ferè du-
 centis interfectus est. Non parua quoque Spalaten-
 sium incolarum, qui temerè Salonam processerant,

turba, ut Malaucini castelli expugnationē atq; excidium spectaret, superuentu Turcarum equitum in receptu portæ oppressa est, nihil eam protegente arcis custode, qui in Turcas tormenta dirigere poterat. Is siquidem abruptæ pacis ignarus, nihil Turcis à Veneto nocendum esse existimabat. Sub id quoq; tempus idem Amurathes Nadinum castellum Iaderensis agri, quod est edito in monte pro specula positum, per proditio- nem auari custodis occupauit, magno eius prouinciæ incommodo, quoniam Christiani amissa ea specula, im- prouisis quotidie Barbarorū incursionibus uexaban- tur. E Nadiniana siquidem arce, antea custodes, quum Barbaros procul conspicerentur, circumiectis eius ui- cinis oppidis de hostiū aduentu, modò ignibus aut fu- mo, modò propositis uexillis & certis tormentorum bombis significabant, ut incolæ cognito periculo cele- riter ab inuadentibus se eriperent. Tum uerò fiebat, ut Turcæ occupata specula, uti nusquā animaduersi, im- punè grassarentur. Sed Veneti his exagitati iniurijs, nō multò post misso in Dalmatiā, qui Iaderæ præfesset, Camillo Vrsino, paria ferè hostibus detrimenta repen- derunt. Nam ab Laurana oppido coactis copijs duo præfetti in Turcicos progressi fines, Ostrouizzā op- pidum manu expugnarunt & incederunt. & Obroa- tium, quod nuper amiserāt, per Iuliū è monte Vecchio Umbriæ, uirum militiæ peritum receperunt. Sed id, quod non rectè cōmodèue custodiri posse iudicabatur, à Camillo Vrsino ex præscripto senatus dirutum & solo æquatum fuit. Eodem Autumno, quo Solymanus Corcyrae insulam effusè populatus, Byzantiū redibat,

de

ex de Dalmatie castellis cum Venetis certabatur, gra-
 uissimum ex imperato detrimentum Ferdinando regi
 ad Execchium à Turcis illatum est, quo nullum ætate
 nostra uel finestius uel ignominiosius, si trucidatum
 quatuor gentium militum & ducum florē, & scedam
 ducis fugam reputemus, Christiano nomini extitisse ui-
 sum est. Superiore bello Turcæ à Mugaciano prælio
 uictores, eam citerioris Pannoniæ regionem, quæ Pos-
 sega ab Hungaris appellatur, sibi uendicarant, eo de-
 creto, ut nequaquam Ioanni regi tradendam, sed sibi
 eam omnino retinendam existimarent, propter opor-
 tunitatem expediti itineris, quo ipsi, superato ad Bel-
 gradum Danubio, peruasuri in Pannoniam, uti con-
 suessent. Possegam duo amnes Sauus & Drauus longo
 cursu ab occidente, raptis secum aliquot minoribus
 fluuijs, in orientem uersi, æqualiq; sere semper spatio
 inter se distantes, totam præcingunt & alluunt. Sauus
 è Iulij Carnicisq; Alpibus placido alueo nauigabilis
 delabitur, Drauus autem è Valeriæ regionis, quā Sti-
 riam uocant, Noricisq; montibus emergens, Mura flu-
 uio comite recepto, in Danubium euoluitur, pariq;
 exitu Sauus ad Taurunum, quod est Belgradū Danu-
 bio sese immiscet. Caterum ab occasu Crassus amnis pe-
 nē eam efficit insulam. Hæc regio à fronte atq; utroq;
 latere amplissimis septa fluminibus, ab Illirica meridio-
 naliq; ripa Sauo dirimitur, Drauus autem citerioris
 Pannoniæ margines lambit. effectioq; eius terræ cuncto
 ad Danubium extenditur. In ea urbs est nobilis quinq;
 templorum, quæ ibi constituta sunt, nomine Clara. To-
 ta autem regio oppidis frequens & rerum omnium

abundans, dirimente Sauo, Turcicis finibus ad Illyricum iungitur, finitima est Croatia atq; Corbanie provincijs, quæ perpetuum cum proximis Turcarum præsidij Illyrici atq; Bosnensis regni bellum gerunt. Eo tempore præerat Belgrado Mahometes Iahiaoglis spectatæ uirtutis atque prudentiæ autoritate inter Barbaros dux summus, cui Solymanus non temerè ingenio eius confisus, limitum præfecturam, tutelamq; Pannonici regni commodo Ioannis regis attribuerat. Is superiore anno ita præsidij uires exercuerat contra nostros ut multo astu ualidisq; armis fretus supra triginta castella regie ditionis, quæ ad Despotis Rascie patrimonium pertinebant, in potestatem redegerit, et Illyricæ præfecturæ, quæ Bosnensis appellatur, adiecerit. Vnum uerò ante alia summæ opportunitatis castellum, quod est in Possëga, nomine Exechium, accuratissimè communiuit, quod id ad traiectum Draui in Pannoniam pertinere prouidebat. Itaq; Mahometes iustis erectis munitionibus, complexus insigne templum atq; eius oppidi cœnobium, Exechium totius belli arcem fecit, unde innumerabiles agebat prædas, atq; arma nostris passim insidiosus atq; terribilis inferebat: manebat tamen certa induciarum cōditio, quæ ex inueterata consuetudine in his locis minuta prælia et extraordinarias incursiones admittebat, quæ ex disciplina uideretur, relinquendâ esse militibus exercendæ uirtuti insuasciendisque equis occasionem, quæ nihil pacis tranquillitatem abrupteret, nisi iustis copijs cum iusto tormentorum muralium apparatu uis inferretur. Hoc falso induciarum nomine usi superiores Hungari à Matthiæ regis

regis temporibus, cum Turcis bella ferere consue-
rant. Sed mutato bellandi more, eas militandi leges re-
gie Germanicæq; copie alienas & sibi magnopere
damnosas experiebantur, quòd Turcæ grauiores ar-
matorum equitum impetus pernicipibus equis facile elu-
derent, & fatigatos demum ex multis flexibus & zy-
ris nostrorum equos, & plerumq; equites onustos ar-
mis opprimerent. His de causis Ferdinandus improbè
laceßitus, utpotè qui egre ferebat iudicias uigere,
quas Solymanus suo commodo aduersus Persas bellum
suscepturus indixerat, nec eas pati posset tanquàm inu-
tiles damnosasq;, paranda arma indicauit, non obscu-
ro consilio, ut si Turcas possessione Possesse depelle-
ret, inde mox superato Drauo, rectè Budam repetito
iure suo, aduersus Ioannem proficisceretur. Rex enim
generosus ferre non poterat Pannoniæ regnum impo-
tentibus Barbarorum armis sibi ademptum, & quod
iniquissimum uidebatur, alieno homini nullis subnixo
iuribus, nec regia orto stirpe, se spreto contemptoq;
in contumeliam prorsus Austriacæ domus, quæ tantæ
esset dignitatis & amplitudinis, dono datū. Non dee-
rant tamen apud eum, qui dicerent, nequaquam temo-
re excitandum bellum aduersus eam gentē, copijs atq;
pecunia terra mariq; insuperabilem, nisi uno consen-
su & sumptu omnium Europæ principū arma capere-
tur. Fore enim prouidebāt, ut Solymanus toties laceßi-
tus, nihil de sua feritate in nostrum sanguinē, nihilq;
de sua proferēdi imperij cupiditate remitteret, quādo-
quidē suæ dignitatis existimet ultro laceßētes hostes ul-
cisci, nullam à quoquā ferre iniuriā, & nullam deniq;

aut iuris aut facti contumeliā pati utpotē qui dudum ex leui offensione, uniusq; tantum demersa suae triremis iniuria, cum Venetis uetustissimae pacis leges abrupit, & tanquam impotens tyrannus nullam penitus excusationis rationem auribus admiserit, ut ex instituto Otomannicae ambitionis immanibus suae gentis latrocinij ianuam aperiret. Erant uera haec & prudenti alioqui regi magnopere probabantur, sed singulae eius imperij gentes usq; adeo erectis ad suscipiendum id bellum ingenijs ardebant, ut si tantae occasionis bellum differretur, se nunquam postea aduersus Turcas arma luros confirmarent, Carinthiae quippe, Stiriaeq; & Croatiae, ac Noricae gentes incursionibus Barbarorum expositae, & toties bellicae cladis perpesse calamitates, rebantur paruo negotio Turcas ea provincia posse expelli, quod Mahometes non magnas habere vires, neq; maiores exacto iam penē autumno, instanteq; hyeme, habiturus crederetur. Apparebat etiā Caesarem ualida fratri praesidia summissurum, quod cum Gallo rege de maturis inducijs agere didicissent. Ita Ferdinandus magna alacritate omnium undiq; milites cogit. Euocat tanquam ad solenne sacri belli editum pios atq; fortissimos quosq; praefectos & regulos, breuiq; iustus exercitus, genere tamen delectusq; militum, quam numero ualidior efficitur, in quo phalanx erat Germanici peditatus, cui cohaerebant tanquam cornua aliquot Italicae cohortes, quas ex sclopetarijs Ludouicus Lodronius in Rhetia Tridentinis alpiibus Italiaeq; propinqua, & in Gallia Cisalpina conscripserat. Hic peditatum peculiari imperio regebat.

Coherant

Coherant
rauiq;
Nam G
gnad, il
praeran
guum H
Ludouic
leuis am
nim nu
bat, ped
sebantur
generis
belli at
exerci
ret, at
titisse
gener
fense
impig
mum
pleriq;
conter
tum,
Nunq
eius in
to, bel
praei
plure
deleti
egreg

Coiuerāt ad regia uexilla Bohemi equites et Slesij, Morauiq; his coniuncti, qui fulgentibus armis tegebātur. Nam Carinthiæ Stirieq; equites (his Ioannes Vngnad, illis uerò Antius Macer Saxonica stirpe ortus præerant) medio quodā armaturæ genere utebantur quum Hungari, quos ductabant Paulus Bachithius & Ludouicus Pechrius, magna ex parte peltati essent, et leuis amaturæ Vsarones appellarentur. Horum omnium numerus octo milium equitum summam implebat, peditum autem omnis generis sexdecim milia censebantur, quibus aderat ualidus & numerosus omnis generis tormentorum apparatus. Erant hæc copiæ usui belli atque animis delendo uel maximo Barbarorum exercitu pares, si acie & iusto concursu certandum foret, atq; his imperaret dux grauis, & uti sæpe aliàs extitisset, probè fortunatus. Is erat Ioannes Cazxianer genere Croatus, quem multis exercitatum bellis, & de fense nuper Viennæ fama inclytum: rex Ferdinādus impigri pugnaciq; hominis ingenio captus, ad summum militaris imperij decus euexerat, quāquam eum pleriq; à turbida, parumq; sobria mēte præcipitè esse contenderent, ideoq; alæ potius leuis armaturæ equitum, quā totius exercitus præfectura digniorem. Nunquam enim Ferdinandus ipse quodā consiliorum eius intimorumq; amicorum non improbando instituto, belli præliorūq; periculis obijci erat solitus, et tum præcipuè, quum aduersus Turcas certaretur, à quibus plures Europæ reges superiore tempestate in acie deletis eorum copijs essent trucidati: sic, ut rex ille egregiè pius & fortis, & in quo non deerat bellicus

indulſiſſe dolori, & publicam cauſam neglexiſſe deceretur. Paulò ante quàm Turcæ in Salentinum agrum traſſerent, Andreas Auria Ceſariæ claſſis præfectus, apud Meſſanam certior factus, Solymanium ad Aulonem poſitis caſtris conſtituiſſe, claſſemq; eius eodem perueniſſe, iratus ſibi quod nulli hoſtium claſſis parti, ſicuti maximè cupiebat, occuriſſet, ſuperato Spartiuenti promontorio, quòd olim Zephyrium fuit, per Ionium uela dedit, & ſe ad Zaccynthum & Cephaleniam uſque prouexit, ſperans, uti euenit, aliquibus nouiſſimi hoſtium agminis nauigijs occuſurum. Fortè incidit in aliquot eius generis nauigia, quæ à Turcis Schiratia uocantur. Ea erant onuſta uarij generis commeatus copia, & lino utique Alexandrino, quod mercimonij cauſa priuatim à nauitis deſerebatur. Ea claſſicula ad Solymanium contendens, ubi procul Auriana uexilla conſpexit, non Li-guſticam atque hoſilem rata, ſed Venetam amicamq; temere iudicans, ubi propius errorem ſuum detexit, nihil tentata deſenſione irrum-penti Aurie ſe dedit, qui omnibus uel Turcis uel Aegyptijs Mahometani nominis captis, & ad tranſtra triremium tradu-ctis, translata continuo in triremes præda omni, nauigia incendit. Per eos dies, per quos Ionium, undique circuitis atque exploratis inſulis, Auria percur-rebat, Solymani binas triremes incenderat. His tri-remibus Iunusbeius ſupremæ authoritatis interpres, quem Barbari Dragomanem uocant, à Solymano ad præfectum claſſis pro legato miſſus, Coreyram adue-hebatur. Siquidem quum Turcæ inſulæ appropin-quantes,

quantas nullam honoris causa de more salutationis significacionem fecissent, Veneti aliquot trierarchi tantam inesse Barbaris arrogantiam indignantes, in eas hostilem impetum fecerunt, & in litus Turcas se eijcere coegerunt, sic ut magna Turcarum pars cum ipso Iunusbeio ab Acroceraunibus latronibus caperentur. Iunusbeius tamen ægrè se explicans, & præsentè pretio se redimens, ad Solymanum est deductus: uduas autem atque desertas ambas triremes, Auria illa tunc littora explorans nactus, quòd semisfractæ uti grauitèr elisæ, nequaquam sibi adducendæ uiderentur, protinus incenderat. Ex care Barbari in Venetos odij sui uim omnem, tanquam ab iusta causa uehementer intenderunt, ut apud Solymanum de iniquissimi facti iniuria prolixè conquerentes, id in immensum paulò post ad hostiles acerbitates proueherent: quanquam Venetus præfectus, cunctis humanitatis officijs cum Iunusbeio eius facti nouitatem, periculi que dolorem expiare niteretur, quod ab utrisque imprudenter naualis disciplinæ leges importuno casu uiolatas ostenderet. His fortuitis paruorum rerum successibus, non dubia abrumpendæ pacis initia apud Turcas quæsitæ sunt, eoque ualidiùs & prope rantius, quòd per eos dies Auria diligentissimè interdiu noctuque sulcando maria atque omnes portus explorando nactus triremes hostium duodecim, apud Merleius, quas uocant insulas, supra Cassiopeum Corcyre promontorium positas (hæ fuere antiquitus Ericusa, Marathe, Elaphusa, & Malthace) nocturno atque cruentissimo prælio deleuerat

Turcis fere omnibus aut praelio occisis, aut in con-
 cursu demersis, quum pauci uiui atque integri in eius
 potestatem deuenissent. Erant enim duo genera pu-
 gnacissimorum militum Turcici nominis, qui incre-
 dibili uirtute propugnantes, triginta quinque instru-
 ctissimarum triremium impetum ita sustinuerunt, ut
 faucij grauissimis uulneribus, fessiq; oppugnando oc-
 cumbere, quam se dedere maluerint, despondentesq;
 animos singuli macheras incuruas, quas magno pa-
 rant pretio, in mare proijcerent, ne his nostri poti-
 rentur. Hi erant Ianizeri ex praetorianorum ordine,
 atque item delecti equites, quos Spaches appellant,
 perpetua equis merentes stipendia: nam tum suos
 quisque equos terrestri itinere per Actoliam & A-
 carnianam per agasones suos ad Solymani castra
 premiserant. Ea autem uictoria non multum Au-
 riam letatum fuisse constat, quum magnum numerum
 ex propugnatoribus suis atq; remigibus, magistrisq;
 triremium amiserit & Antonius ipse Auria ineunda
 pugnae princeps, uehementer uulneratus discessisset.
 Ea uero nocturni eius praelij fama fuit, ut si quatuor
 aut quinque triremes, Turcis subsidio superuenissent,
 dubio Marte Auria, aut certe grauiore cum detrimen-
 to pugnaturus crederetur. Parta uictoria Andras ad
 Leucam promontorium Orientale Corcyrae, contra
 Paxum insulam paruum, quae retinet uetus nomen,
 classem contulit, ut aliena suaq; accepta incommo-
 da, certius inspiceret. Nec mora, quod audiret Bar-
 barussam a Solymano cum octoginta triremibus ad-
 uersum se proficisci iussu, non longè abesse an-
 tener

abesse, anteuertit iter, & abductis aliquot, quæ erant
integre, hostium trirēmibus captiuis feliciter emensus
Ionium, ad Lacinium promontorium, quod hodie Co-
lumnas uocant, peruenit, atq; inde Messanam ad repe-
tendam classem traiecit. Hoc insigni ab Auria detrimē-
to affectum, & geminata contumelia à Veneto lacesti-
tum Solymanium, usq; adeo acri iracundia exarsisse
ferunt, ut Barbarussæ maledicendo asperrimè succen-
seret, quod per incuriam segnioresq; impetum nus-
quam utilem operam prestitisset, Venetis autem gra-
uissimè comminatus, capitalis odij clades denunciaret,
à quibus se despectum, & uana antiquæ pacis specie
deceptum differebat, ita ut eos proculdubio cum Cæ-
sare ab occulta societate consensisse iudicaret. Eos
propterea Auriam, uti semper alias, opportuno consi-
lio, & comitatibus adiunxisse, recepisseq; portibus,
& ut ille aptius atq; felicius aduersum se impune præ-
daretur, undiq; per Græcos speculatores nauigationū
indicia detulisse. In hunc modum suapte iracundia in-
flammatum imperatorem, iuniusbeius ipse Dragoma-
nes, & Barbarussa, atq; Ajax, nouis additis facibus, ut
pacem abrupteret, incitabant: ille quidem priuatam
ulturus iniuriam, hi uerò, ut commutata belli ratione
maiorē prædant, uberioremq; laudem sibi pararent
utpote qui proximis insulis inhiarēt, Corcyraeq; præ-
sertim & Zacyntho, Cephalleniaeq;, postquam in Italia
ad inuadendum expugnandumq; duriora omnia spe i-
psorum essent inuenturi: quando quidem nec rex Gal-
liæ adhuc transisse Alpes, nec aliquas paratas ad inua-
dendam Italiam habere copias nunciaretur, & fama

esset Petrum Toletanum proregem Neapoli egres-
sum cum magnis copijs aduentare, et passim mariti-
mis in urbibus augeri praesidia, et iam Turcas equi-
tes, qui ab Aulone in Salentinum agrum traiecissent,
à praefecto totius Iapygiae Scipione Sommeio viro im-
pigro passim impugnari, atq; interfici dicerentur. Ita-
que Solymanus ira percitus, commutato consilio, bel-
lum aduersus Venetos decernit, et ab Aulone castra
mouens, Vagiussam amnem, quem ueteres Aenantem
uocabant, superat, et ad communitiam Butroci re-
gionis castra constituit. Communitiae locus olim Re-
gij fontis nomen habebat, unde uberrima profluit
aquatio portui mirè opportuna. Quum eo in litto-
re Solymanus haberet castra, Acroceraunij agrestes
feriq; homines, qui Chimeram incolunt montem, im-
mane consilium susceperunt, tabernaculi regij noctis
inuadendi, concitante eos Damiano quodam latro-
num duce abstruorum callium, qui sunt in ijs rupi-
bus et syluis, peritissimo. Non reformidabant ullum
uel certae necis periculum uiri rerum omnium egen-
tes, ideoq; latrocinij assueti, et nullos certos colentes
Deos, ut incredibili praeda atq; inusitati facinoris glo-
ria potirentur, si longè maximum terrarum orbis im-
peratorem in tabernaculo semisopitum, et frustra tot
custodijs confisum occiderent: magno siquidem silen-
tio, ferarum more sese insinuatueros concubia nocte in-
stationem facile spererant, sed Barbaris ad id auden-
dum facinus paratis, fortuna defuit: nā dux ipse Da-
mianus è notis rupibus delapsus ad explorandū prae-
torij situm, et circūiecta stationis formā, uigiles, et ex-
cubantes

eubantes prætorianos non fefellit: conspectus enim in
 arbore ex fragore abruptæ frondis, uti erat semipen-
 silis, & speculabundus à Ianizeris est comprehensus,
 & per tormenta, detectis quas parabat insidijs, iussu
 imperatoris belluæ capte modo discerptus est: unde
 mox magna illis agrestibus clades illata est, emissis sci-
 licet in eos Asapis & Acæzis uenationis modo ad tru-
 cidandam, & quàm maximè possent delendā horridæ
 atq; infamis gentis stirpem. Ab hac enim genus ducunt
 Vscoci maritimi prædones Dalmatiæ scopulis assue-
 ti, & Haidones, qui illyricis nemoribus inerrant, &
 cunctis mortalib. ex professò hostes, usq; ad interiores
 Pannoniæ limites latrocinia exercent. Per hunc modū
 Solymanus dirū agreste genus ad satietatem ultus, Cor-
 cyram oppugnare constituit, Barbarussa cū omni tor-
 mentorū apparatu è continēte in insulam transgredi
 iussu. Is paulò ante reuocatus ab Iapygia ad Saxonem
 insulam, edito ingentis tormenti bombo uniuersam
 classem ex ea significatione contraxerat, & eodē cur-
 su, nusquam reperto Auria, per fretum Corcyreū ad
 Regios Fōtes, Solymaniq; castra peruenerat. Quibus
 Turcarū consilijs opportunè perspectis, Pisaurius a-
 liquot triremium propugnatoribus & ualidissimis re-
 migum detractis utranq; arcē oppidi aucto præsidio
 communijt, & se imparē mari Barbaris fore iudicans,
 cū uniuersa classe ab insula se subduxit, & in Hadria-
 ticum sinum profectus est, eo consilio, ut cum socia al-
 tera Veneta classe, cui Ioannes Vetturius præerat, se
 coniungeret, & littora Venetæ ditionis contra Barba-
 ros tueretur, pugne casum subire paratus, postquam

et sibi auxilio futurus Auria uideretur, accedēteq; Veturiana classe superiores existimari posset. In id quoq; consilium, Pisaurius, si pugnandum foret, Alexandrū Buondelmerium ingentis et propē stupendi apparatus galeoni præfectum, qui tum erat circa Zacynthū, admonuit, ut in Dalmatiam ad se nauigaret. Paruit imperio Buondelmerius nauandæ operæ cupidus, deuctusq; est ad insulam Cursulam, quæ antiquitus Corcyra nigra fuit, Meliteis olim catulis ad foeminarū delicias clara. Cæterū Pisaurius atq; Vetturius suas classes in Rizonicum sinum, quem hodie Cathareum uocant, intulerunt, quum Solymanus magnam copiarum suarum partem ad diripiendos Corcyreorū uicos transmississet. Pagos nāq; omnes et notos uicos perscrutati Barbari, infinitam propē miseræ gentis multitudinē captam in seruitutem abduxerunt. Ad oppidum autē, Atacem purpuratum et ipsum Barbarussam singulis aduectos nauiculis propius accessisse cōstat, ut certius, quæ opportuna essent ad oppugnandū specularentur. Sed ea uisa est turriti oppidi et frequēti præsidio confirmati, portusq; munitio, ut eam Solymano inexpugnabilem esse renunciarent. Præerant Corcyræ duo patritij Veneti, Aloysius ripa, et Simon Leonius. Hi non temerē Barbarorum uires, quæ terra mariq; erāt maximē metuētes, eō descenderūt, ut suburbana tecta, quæ erant instar oppidi perpulchra atq; magnifica, ultro excinderent, ne his transgressi Turcæ potirētur, atq; his protecti, ad oppidi murum tutius atq; facilius accederent. Fuit ea res maximē funesta et lachrymabilis, quum etiam remotiora ab oppido prætoria, et nullas

H
nullas ad con
ficatas, Bar
summo discri
ri periculum
hbertate inc
quando nou
gno tēpore p
diximus, lon
tantum com
Barbaris ter
posset, omn
oppidum ex
suoq; reme
nitiones, et
Etia tormen
multitudo
et quum tu
gusti mensis
trum cernic
ria, et prop
ter interiren
lis, nomine
ad quintum
oppugnanti
rum egregia
norum capit
uauit, quum
locis diram
Corcyreos d
constituerat

uillas ad commoditatem atq; delicias longa in pace adificatas, Barbaricis facibus absumi conspicerent. Sed in summo discrimine publicam salutem respicere summe rei periculum cogebat, eaq; omnia, quæ tum ardebant, libertate incolumitateq; civium uiliora ducebantur, quando nouo sumptu refici atq; instaurari non magno tempore posse appareret. Ceterum præfecti, quos diximus, longæ obsidionis metu adducti, q̄ nequaquã tantum comitatus in urbe esse conspicerent, ut diu à Barbaris terra mariq; acriter obsessi, inopiam ferre possent, omnem imbellem populi multitudinem extra oppidum expulcrunt, adeò tristi lugentium spectaculo Iæuoq; remedio, ut quum Turcæ idoneis in locis munitiones, & propugnacula militarium operum instructa tormentis circa urbem crexissent, miserabilis ea multitudo eiecta foras in fossis pernoctare cogeretur, & quum turbulentissima fortè tempestas, extrema Augusti mensis nocte incidisset, multi præsertim pueri matrum ceruicibus implicati, ea spurcissimi imbris iniuria, & propinquorum Barbarorum metu miserabiliter interirent. Vnum ex omnibus Corcyreorum castellis, nomine Angelocastrum, in mediterraneis insulæ ad quintum decimum lapidem ab urbe positum, frustra oppugnantibus & comminantibus Turcis, oppidanorum egregia uirtute defensum, supra tria millia humanorum capitum, quæ eò confugerant, prosperè conseruauit, quum passim diuersæ Turcarum manus cæteris locis diram uastitatem attulissent. Turcæ ad terrendos Coreyreos occupato monte, multa in eo tabernacula constituerant, & è scopulo, qui Maripetrus uocatur,

maiores pilas in oppidum contorquebant, & contra oppidum in ruinis conflantium ædificiorum occulte consistentes, sclopettis ita rem gerebant, ut plerosque apparentium in corona mœnium certissimis ictibus vulnerarent, & circumuecti triremibus singula e propriis maiora tormenta disploderent, maiore tamen obsessorum metu quam damno. His de causis, quod parum proficerent, sicuti antea confirmasse diximus duces ipsos Lusitani, Barbarussam, & Aiace, Solymanus susceptæ expeditionis pertæsus, soluere obsidionem & Byzantium reuerti constituit non sine pudore irriti conatus, quod utrobique, & in Salentinis, & Corcyra, fortuna uel iusta uel immodica eius uota fessisset. In hoc decreto erat Barbarus imperator, quem certius didicit à suis nulla fide cum Castrensibus rem gestam fuisse qui deditione facta, secus ac crediderant, pro beneficio summæ crudelitatis atque auaritiæ contumelias retulissent, direpti scilicet & abducti in seruitutem, quum incolumi libertate saluas omnium fortunas fore sperauissent. Quo maleficio suggillari maiestatis ipsius nomen iudicabat, qui semper in sponte deditos fidei atque iustitiæ obseruantissimus esse consuesset. Captandos siquidem Christianorum animos certa spe humanitatis atque clementiæ, ut in exemplum idem reliquæ gentes adducerentur, nec esse omni bellicæ cladis acerbitate diuexandos, qui ultro honesta pactione à ueteribus dominis descenderent. Itaque expiandam omnino esse eius patratæ facinoræ infamiam putauit, generosoque animo, quos comperit maleficij authores fuisse, supplicio affecit, & Castrenses captiuos omnes diligentissime perquisitos.

quisitos, impositosq; nauigijs ad penates suos reduci
iussit. Quū administrante Barbarussa ad edictū copiae
omnes decedere insula, & in aduersam continentē tra-
ijcere iuberentur, Corcyrei, discessu hostiū animaduer-
so, eruptionē fecerūt, ut insatutas ab hostibus munitio-
nes diruerēt: sed qui fidentius & inordinatius exierāt,
& nondū Turcae omnes discessissent, eorū superuēu in
oppidū cōpuli sunt, nōdū planē euerfis operibus: sub
æquinoctiū tamē à Turcis Corcyreorū detrimētis finis
est impositus. Cōstat autē eo bello supra sexdecim mil-
lia ē Corcyreis omnis sexus & etatis capta atq; abdu-
cta in seruitutē fuisse. Solymanus itaq; castramouens,
legente oram classe, recto per Acarnaniā & Actoliā
itinere, positis commodae aquationis causa ad amnes
qui occurrebant castris, ad Aractū scilicet, qui Ambra-
cium influit sinū, Aractē de uetere eius annis nomine
hodie uocatum, & Achelou Aetoliæ, qui propter exi-
miā aquae claritatem ab incolis Aspropotomus hodie
uocatus, in Naupacteū sinū euoluitur, Byzantium est
reuersus, deditq; extēplō operam, ut à Cassimo Bassa,
Nauplio, & Epidauro, in Pelopōneso reliquis Veneti
imperij urbibus bellum inferretur, idemq; ut facerent
Illyrici praefectis imperauit, ut multis simul in locis u-
no tempore Veneti Turcico bello uexarentur. Disce-
dente autem Barbarussa atq; appellente classē, pro-
pter aduersas tempestates, ad Butrotum, quod oppi-
dum clarū antiquitus uetus retinet nomen, id omnibus
incolis incurſu naualis turbæ captis, atrociter direptū
atq; deletum est. Per eos dies Pisaurius Venetæ classis
praefectus, inito consilio cum collega Vetturio, in eum

Dalmatia sinum, qui ad Scardonam claram olim urbem pertinet, classem intulit, expositisq; militibus, ad oppugnandam urbem duxit. Distat ea a proximo litore septem millibus passuum, tuebaturq; eam uir Turcici nominis a suscedine oris Aethiops uocatus. Is oppugnantium uim diu sustinere non potuit. Nam Veneti, decussis toto muro propugnaculis, impetu facto in urbem perruperunt, & caesis aut captis hostibus eam diripuerunt, edictoq; praefecti, uetera moenia funditus euertuerunt, ne Turcae repetita possessione opportuna urbis castellum ibi inedicarent, instaurandaq; & munienda urbis occasionem arriperent. Imminebant siquidem Barbari, ab immensa eorum proferendi imperij cupiditate maritimis urbibus Venetae ditionis, ut quum eas minutis ac assiduus incursionibus mediterraneo omnifere agro spoliassent, etiam ad ipsa maritima oppida iustam uim admouerent. In ea contentione finium, Veneti operam dabant, ne Turcae opportunis locis potirentur, quae ab ipsis facile ad uexanda uicina oppida muniri posse intelligebant. Erat oppidulum cum arce distans a mari sex millibus passuum, Obroatiū a Dalmatis appellatum, quod antiquitus, uti reor, Argyrutum fuit. Hinc Turcae Vscochis feris praedonibus admixti latrocinia exercebant, patebatq; his ad praedae receptum, id unum maxime castellum. Quibus de causis Vetturius cum sua classe, qua Hadriaticum sinum cum imperio tuebatur, ab Hiadera exiguo eius maris sinu circumuectus, copias exposuit, ita ut propugnatores naualesq; socios triremum in ordines componeret, Gabrieliq; Ripaeo Veronensi copiis praefecto, Obroatiū

tium continuò oppugnandum imperaret. Veneti inopinantes adorti Turcas, peracre certamē inierunt. Sed quoniam muralibus tormentis carebant, nec minutis pilis quicquā proficerēt, & idcirco de expugnatione desperarent, superuentu Amurathis, qui cum paucis equitibus Turcis, & tumultuaria Vscchorum peditū manu oppidanis opem laturus adcurrerat, nostri cōspectus Turcis repentino terrore perculsi, primoq; impetu in foedam coniecti fugam instantibus Barbaris, et multo clamore maiorem ipsorum multitudinē adesse præbentibus, cæsi profligatiq; sunt, tanta ignauia, ut quum nemo se militem esse meminisset, neq; se conuertere, aut in hostem arma stringere auderet, eo exitu, ut uix Gabriel ipse præfectus conscenso equo desertisq; militibus cædi se eriperet, sic tamen, ut ignauia ignominia notatus, non multò post seueritate Pisauri præfecti in ipsa prætoria prora capite plecteretur. Amurathes autem re bene gesta cum multis captiuis, multisq; hostium spolijs ad præfectum totius Illyrij Vstre-fum, cuius erat alumnus, reuenteretur. Hic Amurathes è Sico oppido ciuis, quod hodie Sebenicum uocant, ad Mahometis sacra defecerat, feliciq; uirtute omnibus Pannonicis & Dalmaticis bellis inclaruerat, adeò ut honestissimis honoribus & præmijs ab Vstrefo indulgēter ornaretur. Paulò siquidem antea insignem apud Clissam de Christianis uictoriā retulerat, ex qua facile famā consequutus, à Solymano imperatore iusta præmia retulerat. Erat supra clarissimam urbem Salonā oppidum Clissa in edito colle permunitū, quod ab infirmo regulo Christiani nominis tenebatur, cui Petro

Crosiccio nomen erat. Id his in locis ad sustinendas Turcarum incursiones magnam habebat opportunitatem apparebatq; magno Christianorum incommodo, Clissam in Barbarorum potestatem esse deuenturam, nisi communi finitimorum auxilio aduersus Turcas defenderetur. Sustinuerat diu Crosiccus insulantium perpetuoq; insidiantium Turcarum arma. Sed is, uti erat tenuissimæ fortunæ regulus, uiribus diffidens, totiusq; uicinie periculū ostendens, ad Ferdinandi regis, Pauliq; Pontificis auxilia decurrerat, ut eorum matura adiutus ope, sese atq; oppidū tueretur. Ferdinandi namq; plurimum intererat, longè à suis finibus Barbaros arceri, qui Seniam urbem, quæ in ora est, ad se pertinere dicantur, quod Pannonica ditionis esse uideretur. Pontifex autem suæ pietatis et officij esse meminerat tueri Christianum nomen aduersus impios. Nō implorauit frustra opem Crosiccus: nam Pontifex eum conscriptis Anconæ cohortibus, et opportuno tormentorum instrumento, atque item comætu liberaliter adiuuit, quum pari studio Ferdinandus Nicolaum Turrianum uirum belli peritū cum duobus millibus Germanorum misisset. Turcæ per id tēpus duo castella subitane munitiois instituerant, ut Clissam arctius obsiderent: alterū edificabatur paulo supra Salonam non longius quàm sex millibus passuum ab oppido Clissa. Id Maluicinum Dalmatæ uocabant, alterum in aduersa parte, quæ ad mediterraneam regionem uergit. Hinc facillè indicabat Crosiccus, si institutæ munitio- nes ab hoste persicerentur, breui desperatam fore Clissanorum salutem. Itaq; Turrianus, et Lucas Anconitanus, qui

nus, qui Pontificijs præerat auxilijs, utrunq; castris
 adorti, eas munitiones diruere cœperunt, quum fortè
 Amurathes opportunissimo tempore superuenit, cum
 trecentis equitibus, & expeditis peditibus septingen-
 tis, ab ipso Illyrici præfecto missus. Is terribili impetu
 facto, clamorēq; sublato nostros inuadens, tanta ui
 percussit, ut neq; Itali, neq; Germani audacter prælium
 exciperent, sed nusquam densata acie profligati terga
 uerterent, non secus ac Gabrieli Ripæo ad Obrotin
 accidisse meminimus. Petrus ipse Croficcus quum in-
 citato equo ausugiēs ad mare peruenisset, exiliati con-
 filio equum dimisit, & in nauigium se intulit, ut ad sa-
 lutem compendio parue nauigationis ateretur. Cæ-
 terum id nauigium prægrauante insilientium ex fuga
 militum multitudine, è littore, uel multo adnitentium
 remis & contis conatu, propelli in altū mare arenoso
 è uado non potuit, sic, ut Turcæ superuenientes, &
 ipsum unum Petrum præcipuè petentes, in nauem in-
 silirent, trucidatisq; omnibus, ademptum Petri caput
 ad Amurathē referrent. Quo capite Clissanis ostenta-
 to, oppidani terrore correpti, & exiguo freti cōmea-
 tu, desperatis rebus ausugientes, uacuum oppidum ui-
 dtori reliquerunt. Turrianus autem, & Lucas, qui e-
 quis ad fugam usi fuerant, dimidiam suorum partem,
 quæ cæsa aut capta fuerat, desiderarunt. Cremonius
 quoq; Turriani præfectus, quum se per diuersos tra-
 mites ad Vanizæam uicū confugere speraret, a con-
 sectante equitatu cum uniuersis peditibus ferè du-
 centis interfectus est. Non parua quoque Spalaten-
 sium incolarum, qui temerè Salonam processerant,

turba, ut Malaucini castelli expugnationē atq; excidium spectaret, superuentu Turcarum equitum in receptu portæ oppressa est, nihil eam protegente arcis custode, qui in Turcas tormenta dirigere poterat. Is siquidem abruptæ pacis ignarus, nihil Turcis à Veneto nocendum esse existimabat. Sub id quoq; tempus idem Amurathes Nadinum castellum Iaderensis agri, quod est edito in monte pro specula positum, per proditio- nem auari custodis occupauit, magno eius prouinciæ incommodo, quoniam Christiani amissa ea specula, im- prouisus quotidie Barbarorū incursionibus uexaban- tur. E Nadiniana siquidem arce, antea custodes, quum Barbaros procul conspicerentur, circumiectis eius ui- cinæ oppidis de hostiū aduentu, modò ignibus aut fu- mo, modò propositis uexillis & certis tormentorum bombis significabant, ut incolæ cognito periculo cele- riter ab inuadentibus se eriperent. Tum uerò fiebat, ut Turcæ occupata specula, uti nusquā animaduersi, im- punè grassarentur. Sed Veneti his exagitati iniurijs, nō multò post misso in Dalmatiā, qui Iaderæ præfesset, Camillo Vrsino, paria ferè hostibus detrimenta repen- derunt. Nam ab Laurana oppido coactis copijs duo præfetti in Turcicos progressi fines, Ostrouizzā op- pidum manu expugnarunt & incēderunt. & Obroa- tium, quod nuper amiserāt, per Iuliū ē monte Vecchio Vmbriæ, uirum militiæ peritum receperunt. Sed id, quod non rectè cōmodèue custodiri posse iudicabatur, à Camillo Vrsino ex præscripto senatus diruium & solo æquatum fuit. Eodem Autumno, quo Solymanus Corcyra insulam effusè populatus, Byzantiū redibat,

& de

et de Dalmatiae castellis cum Venetis certabatur, gra-
 uissimum ex insperato detrimentum Ferdinando regi
 ad Exechium à Turcis illatum est, quo nullum etate
 nostra uel finestius uel ignominiosius, si trucidatum
 quatuor gentium militum et ducum florē, et foedam
 ducis fugam reputemus, Christiano nomini extitisse ui-
 sum est. Superiore bello Turcā à Mugaciano praelio
 uictores, eam citerioris Pannoniae regionem, quae Pos-
 sega ab Hungaris appellatur, sibi uendicarant, eo de-
 creto, ut nequaquam Ioanni regi tradendam, sed sibi
 eam omnino retinendam existimarent, propter opor-
 tunitatem expediti itineris, quo ipsi, superato ad Bel-
 gradum Danubio, peruasuri in Pannoniam, uti con-
 suessent. Possegam duo amnes Sauus et Drauus longo
 cursu ab occidente, raptis secum aliquot minoribus
 fluuijs, in orientem uersi, aequali; serē semper spatio
 inter se distantes, totam praecingunt et alluunt. Sauus
 ē Iulij Carnicisq; Alpibus placido alueo nauigabilis
 delabitur, Drauus autem ē Valeriae regionis, quā Sti-
 riam uocant, Noricisq; montibus emergens, Mura flu-
 uio comite recepto, in Danubium euoluitur, pari-
 exitu Sauus ad Taurunum, quod est Belgradū Danu-
 bio sese immiscet. Ceterum ab occasu Crassus annis pe-
 nē eam efficit insulam. Hæc regio à fronte atq; utroq;
 latere amplissimis septa fluminibus, ab Illirica meridio-
 naliq; ripa Sauo dirimitur, Drauus autem citerioris
 Pannoniae margines lambit, efficitq; eius terræ cunco
 ad Danubium extenditur. In ea urbs est nobilis quinq;
 templorum, quæ ibi constituta sunt, nomine Clara. To-
 ta autem regio oppidis frequens et rerum omnium

abundans, dirimente Sauo, Turcicis finibus ad Illyri-
cum iungitur, finitima est Croatia atq; Corbaniæ pro-
uincijs, quæ perpetuum cum proximis Turcarum præsi-
dijs Illyrici atq; Bosniensis regni bellum gerunt. Eo tem-
pore præerat Belgrado Mahometes Iahiaoglis specta-
te uirtutis atque prudentiæ autoritate inter Barba-
ros dux summus, cui Solymanus non temerè ingenio
eius confisus, limitum præfecturam, tutelamq; Panno-
nici regni commodo Ioannis regis attribuerat. Is supe-
riore anno ita præsidij uires exercuerat contra nostros
ut multo astu ualidisq; armis fretus supra triginta ca-
stella regniæ ditionis, quæ ad Despotis Rasciæ patrimo-
nium pertinebant, in potestatem redegerit, et Illyricæ
præfecturæ, quæ Bosniensis appellatur, adiecerit. Vnum
uero ante alia summæ opportunitatis castellum, quod
est in Possëga, nomine Exechium, accuratissime com-
muniuit, quod id ad traiectum Draui in Pannoniam
pertinere prouidebat. Itaq; Mahometes iustis erectis
munitionibus, complexus insigne templum atq; eius
oppidi cœnobium, Exechium totius belli arcem fecit,
unde innumerabiles agebat prædas, atq; arma nostris
passim insidiosus atq; terribilis inferebat: manebat ta-
men certa induciarum cōditio, quæ ex inueterata con-
suetudine in his locis minuta prælia et extraordina-
rias incursiones admittebat, quæ ex disciplina uideretur,
relinquendâ esse militibus exercendæ uirtuti insuefa-
ciendisq; equis occasionem, quæ nihil pacis tranquillitatem
abrumperet, nisi iustis copijs cum iusto tormen-
torum muralium apparatu uis inferretur. Hoc falso
induciarum nomine usi superiores Hungari à Matthiæ
regis

regis temporibus, cum Turcis bella ferere consue-
rant. Sed mutato bellandi more, eas militandi leges re-
gie Germanicæq; copie alienas & sibi magnopere
damnosas experiebantur, quod Turcæ grauiores ar-
matorum equitum impetus pernicipibus equis facile elu-
derent, & fatigatos demum ex multis flexibus & gy-
ris nostrorum equos, & plerumq; equites onustos ar-
mis opprimerent. His de causis Ferdmandus improbe
lacepsitus, utpotè qui egrè ferebat inducias uigere,
quas Solymanus suo commodo aduersus Persas bellum
suscepturus indixerat, nec eas pati posset tanquā inu-
tiles damnosasq;, paranda arma iudicauit, non obscu-
ro consilio, ut si Turcas possessione Possesse depelle-
ret, inde mox superato Drauo, rectè Budam repetito
iure suo, aduersus Ioannem proficisceretur. Rex enim
generosus ferre non poterat Pannoniæ regnum impo-
tentibus Barbarorum armis sibi ademptum, & quod
iniquissimum uidebatur, alieno homini nullis subnixo
iuribus, nec regia orto stirpe, se spreto contemptoq;,
in contumeliam prorsus Austriacæ domus, quæ tantæ
esset dignitatis & amplitudinis, dono datū. Non dee-
rant tamen apud eum, qui dicerent, nequaquam temo-
re excitandum bellum aduersus eam gentē, copiis atq;
pecunia terra mariq; insuperabilem, nisi uno consen-
su & sumptu omnium Europæ principū arma capere-
tur. Fore enim prouidebāt, ut Solymanus toties laceps-
tus, nihil de sua feritate in nostrum sanguinē, nihilq;
de sua profrēdi imperij cupiditate remitteret, quādo-
quidē suæ dignitatis existimet ultro lacepsētes hostes ul-
cisci, nullam à quoquā ferre iniuriā, & nullam deniq;

aut iuris aut facti contumeliā pati utpote qui dudum ex leui offensione, uniusq; tantum demersæ suæ triremis iniuria, cum Venetis uetustissimæ pacis leges abrupit, & tanquam impotens tyrannus nullam penitus excusationis rationem auribus admiserit, ut ex instituto Otomannicæ ambitionis immanibus suæ gentis latrocinij ianuam aperiret. Erant uera hæc & prudenti alioqui regi magnopere probabantur, sed singulæ eius imperij gentes usq; adeo erectis ad suscipiendum id bellum ingenijs ardebant, ut si tantæ occasionis bellum differretur, se nunquam postea aduersus Turcas arma luros confirmarent, Carinthiæ quippe, Stiriæq; & Croaticæ, ac Noricæ gētes incursionibus Barbarorum expositæ, & toties bellicæ cladis perpeßæ calamitates, rebantur paruo negotio Turcas ea provincia posse expelli, quod Mahometes non magnas habere uires, neq; maiores exacto iam penè autumno, instanteq; hyeme, habiturus crederetur. Apparebat etiā Cesarem ualida fratri præsidia summisurum, quod cum Gallo rege de maturis inducijs agere didicissent. Ita Ferdinandus magna alacritate omnium undiq; milites cogit. Euocat tanquam ad solenne sacri belli edictum pios atq; fortissimos quosq; præfectos & regulos, breuiq; iustus exercitus, genere tamen delectuq; militum, quā numero ualidior efficitur, in quo phalanx erat Germanici peditatus, cui cohærebant tanquam cornua aliquot Italicæ cohortes, quas ex selopetarijs Ludouicus Lodronius in Rhetia Tridentinis alpidibus Italiæq; propinqua, & in Gallia Cisalpina conscripserat. Hic peditatum peculiari imperio regebat.

Coiuerant

H
Coiuerant
rauiq; h
Nam Car
gnad, illis
prærant
guum Hun
Ludouicus
leuis amat
nium num
bat, peditu
sebantur,
generis tot
belli atqu
exercitui
ret, atq; h
titisset, l
genere C
fensa nu
impigri p
mum mil
pleriq; a t
contende
tum, qu
Nunquan
eius intim
to, belli p
præcipue
plures E
deletis e
egregie

Coiuērāt ad regia uexilla Bohemi equites et Slesij, Mo-
rauiq; his coniuncti, qui fulgentibus armis tegebātur.
Nam Carinthiæ Stirięq; equites (his Ioannes Vn-
gnad, illis uerò Antius Macer Saxonica stirpe ortus
prærant) medio quodā armaturæ genere utebantur
quum Hungari, quos dūctabant Paulus Bachithius &
Ludouicus Pechrius, magna ex parte peltati essent, et
leuis amaturæ Vsarones appellarentur. Horum om-
nium numerus octo milium equitum summam imple-
bat, peditum autem omnis generis sexdecim milia cen-
sebantur, quibus aderat ualidus & numerosus omnis
generis tormentorum apparatus. Erant hæ copię usū
belli atque animis delendo uel maximo Barbarorum
exercitu pares, si acie & iusto concursu certandum fo-
ret, atq; his imperaret dux grauis, & uti sæpe aliās ex-
titisset, probè fortunatus. Is erat Ioannes Cazxianer
genere Croatus, quem multis exercitatum bellis, & de-
fensæ nuper Viennæ fama inclytum: rex Ferdinādus
impigri pugnacisq; hominis ingenio captus, ad sum-
mum militaris imperij decus euexerat, quāquam eum
pleriq; à turbida, parumq; sobria mēte præcipitē esse
contenderent, ideoq; alæ potius leuis armaturæ equi-
tum, quā totius exercitus præfectura digniorem.
Nunquam enim Ferdinandus ipse quodā consiliorum
eius intimorumq; amicorum non improbando institu-
to, belli præliorūq; periculis obijci erat solitus, et tum
præcipuè, quum aduersus Turcas certaretur, à quibus
plures Europæ reges superiore tempestate in acie
deletis eorum copijs essent trucidati: sic, ut rex ille
egregiè pius & fortis, & in quo non deerat bellicus

uigor Maximiliano auo dignus, non timore quidem,
 sed fatali tot Europæ regum infortunio adductus, sum-
 ma prudentia uitandos Barbarorum impetus existi-
 massè censeretur. At Mohometes his cognitis rebus,
 quæ aduersum se parabantur, è proximis Pannoniæ
 præsidij milites accersit, neq; ei Budæ præsidēs ulla in
 parte desunt, quin auxilia submittant. Bosnensis ante
 alios Vstrephus, qui ampliorem ex omnibus Europæ
 Sanzachis equitum numerum aiebat, Amurathē alium
 num suum recētī Clissana uictoria clarum, cum nume-
 rosa ala exercitatisimorū equitum mittit. Huic quoq;
 adduntur pedites expediti ex feris montanisq; homi-
 nibus præsentī pecunia conducti, qui uno nomine, ab
 Hungaris Haydones, à Dalmatis Vscocchi, à Turcis
 Illyrijs Martellosij uocantur, qui sagittis & sclopettis
 rem gerere, & saxa fundis uibrare didicerunt. Discin-
 ctum & agreste id hominum genus est, sed pernicità-
 tis indomite, & frigoris, & inedia patientissimum.
 Hanc turbam regebant, & sua uirtute & disciplina
 confirmabant, certæ Ianizerorum manus prætoriani
 ordinis, deductæ ex singulis præsidij, et usq; etiā Bel-
 grado, atq; Samandria euocate. Hos consequebantur
 pleriq; ex Rascianis & Seruianis, spe stipendiorum &
 prædæ allecti, inuitantibus passim Turcis singularum
 prouinciarum quæstoribus, quæ liberaliter coeuntibus
 ad signa duorum mensium stipendia persoluebāt. Ita-
 que communi studio sua undiq; auxilia conferentibus
 Sāzachis, Mahometes copias, neq; numero, neq; uirtu-
 te nostris cōtemnendas coegit, et ad Exechiū hostes ex-
 pectare cōstituit. Iam Cazzianer ad Caprunzā oppidū
 perue-

peruenerat, satis accuratè atq; opportunè antea initis
 & constitutis rei frumentariæ rationibus, si eius impe-
 rij atq; præceptis totius commeatus curatores, celerit-
 ate & diligentia respondissent. Erant quippe uiri to-
 tius prouinciæ clarissimi, alioqui negotio pares, pla-
 neq; industrij, qui authoritatem Simonis episcopi Za-
 gabriensis respiciebāt. Is nanq; Simon, siue studio suo
 supra æquum plurimum incensus, siue imbecillitate iu-
 dicij deceptus, ingentem totius annonæ copiam in ca-
 stris ad multam usque pretij uilitatem se suppeditatu-
 rum promiserat, quòd huic ministerio, qui procurarēt
 quatuor collegas cum imperio sibi substituisset, qui-
 bus conuectores indigenæ, partim curribus, partim
 nauigijs operam præstantes, multis enatis passim im-
 pedimentis, respondere non poterant: neq; confren-
 tium tarditas ex tuto castigari poterat, quā ualidi &
 prepotentis hostis propinquitas, totam corripiendæ
 tarditatis facultatē eriperet, & Mahometes dispositis
 per Sauum & Drauum Nazadarum præsidijs, alijsq;
 equitum undique uolitare iussis, aut conuectiones no-
 strorum perturbabat, aut promisso maiore annonæ
 pretio, utriusque annis accolis certi tutissimiq; lucrì
 spem, nusquā deficiente pecunia proponebat. Sed eam
 spem nusquam defuturi commeatus duo in primis au-
 gebant, Simon ipse Zagabriensis, qui undiq; per suos,
 quos diximus uicarios, magnam quā poterat currui
 multitudinem conquirebat, et Iodochus Lilembergus,
 qui regio commeatui ex peculiari munere præerat. Is
 magnā uim moliti tritici, uiniq; & ordeï, atq; itē panis
 nautico more biscocti certam copiam, subsidia famis

ægrorumq; remedia, sibi minimè defuturam polliceba-
 tur. Huic accedebat Franciscus Batthianus hac inani
 commeatus spe impulsus, tanquam peritus regionis,
 omnium rerum abundantiam promittens. Itaq; Caz-
 zianer à Caprunza mouet, eo ordine, ut alteris die-
 bus, modò ipse, modò Albertus Slichius Bohemorum
 dux præcederent, quòd honori Bohemicæ gentis id
 concedendū esse censuerat, decimoq; uix die ad arcem
 Verucæ perueniunt, quæ circiter quadraginta mil-
 liariū interuallo à Caprunza aberat: minoribus nāq;
 itineribus, propter septem prægrandiū tormentorum
 difficilem conuectionem, progredi necesse erat. His de
 causis itinerumq; difficultatibus, si non sentiri, proui-
 deri tamè à peritis annonæ penuria cœperat, quòd ea
 quæ expectabantur, tardius confectis itineribus, ma-
 leq; explicatis rei frumentariæ rationibus, nondum
 adueniebant, necesseq; esset ea absumere alimēta, quæ
 ad duriores casus nō incipientis, sed producti longius
 belli reseruassent, propterea seueris literis & Simon
 & ceteri curatores asperissime castigabantur, iubeban-
 turq; omnem adhibere diligentiam, ne ante aduentum
 auxiliorum, qui non diu è longinquis regionibus ad-
 uenissent, tantæ spei sperata uictoria non uirtute ho-
 stium, sed desidia curatorum, propter commeatus ino-
 piam corrumpereetur. Interea Cazzianer & Slichius
 tantisper confidendum atq; expectandos commeatus
 censent, mittiturq; exploratū Paulus ipse Bachithius
 cum ala mille Vsaronum, & expeditis scelopettariorū
 Italicorum cohortibus duabus, qui ad Zopiam arcem
 præcurrat, atq; operam det, ut ex captiuis hostiū con-
 filia

filia cō
 sibus co
 exercitū
 quā aue
 arc, ad n
 Bachithi
 zianer re
 pertū ha
 omnium
 sifterent,
 dimicare
 nit, atq;
 cul abess
 progredi
 comme
 stes ad
 sturi di
 diuidit,
 tis radia
 niam ad
 segam Sa
 Ab hac p
 bus torm
 ullarū co
 ra contin
 campestr
 Zopia in
 cremata,
 latura ex
 Possoga

filia cōgnoscantur. Bachithius ubi ad Zopiam ab hostibus conspectus est, Turcæ, quod adesse uniuersum exercitum existimabant, nullam sibi morā attulerunt, quin aucto omni comœatu aut corrupto, incensaq; arce, ad naues subiecti amnis confugerēt. Ex his tamē Bachithius in fuga aliquot capit, quorū indicio Cazxianer reperit, quod antea per suos speculatores compertū habuerat, unum esse Mahometis & Turcarum omnium consiliū, ut ad Exechium positis castris consisterent, hostesq; expectando, de eius loci possessione dimicarent. Eo biduo Saxonum equitum ala superuenit, atq; alia auxilia copiarum & cōmeatus non procul abesse nunciabantur. Disputatur in consilio, an progredi, oppeririue reliquum sociorum agmen, & comœatū qui aduehebatur, expediret. postquā hostes ad Exechiū, uti didicerant, pugnandi copiam facturi dicerentur. Est mons, qui Sclauoniā atq; Possęgā diuidit, & in longum protenditur, à dextra eius montis radice per Possęgā, à sinistra autem per Sclauoniam ad Exechiū iter patet. Sclauoniam Drauus, Possęgā Sauus, atq; item alij ignobiliores amnes alluūt. Ab hac parte iter saltuosum, & conuehendis maioribus tormentis asperum atq; difficile, sed pagorum atq; uillarū copia frequens, arcesq; passim & castella plura continens: in altera porro, iuxta Draui ripas, iter campestre, & planum rarioribus adificijs, unica arx Zopia impedire poterat, sed ea tum ultro ab hostibus cremata, nihil difficultatis & moræ illac trāsituris allatura credebatur. Igitur in cōsilio decernitur, omiſsa Possęga, per Sclauoniam omnino iter esse faciendum.

Antecedit usq; ad Zopiam Ladislaus Morcus Hungarus cum Vsarionibus trecentis, quibus cataphracti Saxonum cum duobus vexillis praesidio succedunt. Illinc octo dierum itinere ad Valponium, quae est arx permunita Petri Perenij ditionis, perueniunt. Occurrebat progressuris flumen Crassus, qui uado transiri non poterat. Ibi nostri, dum fluvius ponte iungitur atq; cōsternitur, ad traiectum septem dies immotis castris absumunt, perpetuis tamen horis itur in consiliū, in quo uariæ dicuntur sententiae. Iuniores Exechium continuò properandum, alij Exechio omisso, proximum quoddam castellum nomine Villach, ex hostico, aut aliam huic proximam quandam arcem obsidendā censebant, quum ceteri cautiores reliqua auxilia, et cōmeatus quæ parata et promissa à Scamburgo regulo aduentare credebantur, expectāda dicerent, quod nisi consideratius ijs agendum esse uideretur, qui grauissimī momēti expeditionem suscepissent. Ceterū feruidis atque audacibus sententijs dictis, plerique ex aduerso omnem morā graue detrimentum cessantibus allaturā testabātur: frustra siquidē singularum prouinciarum auxilia, si sensim progredi, cessare, cunctariq; libuit, euocata fuisse: si cautius agendo Cazzianer perplexē cunctetur, neque in hostem alacriter infesta signa uertat, proculdubio milites et equites, tanquam à ducib. uitato hostium congressu, reformidatoq; praelio, in patriam esse reuersuros. Satis quippe commecatus, satisq; uirium esse in castris, ut de uictoria non dubitent, si duces consilia atque animos inanibus atq; superfluis deliberationibus exoluant, nec hyemem expectent.

Neq;

Neq; enim
fidere soliti
Christiani
tum esse
defensione
et fulgen
quandoqu
eorum tur
prostratur
nondum T
critate atq
tam atq; ex
rent. Exte
copias rec
utriusque
rum ac h
solido fer
ratus atq
fuisse plen
omni pro
mutus, utp
litum cons
in castris e
longo itine
sent, uulge
stri cenoso
uia madent
quaquam
tium prael
biliores ad

Neq; enim hostes Barbaros aliàs multitudini suæ confidere solitos, quum non magnas tum habeant copias Christiani exercitus tot tormenta trahentis conspectum esse laturos, & continuò Exechium desperata defensione deserturos, neque ex fuga in persequentes & fulgentibus protectos armis ora conuersuros: quandoquidem cataphracti nostri equites inermem eorum turbam, si resistere audeant, perumpendo prostraturi uideantur. Huic sententiæ, iuniores, qui nondum Turcarum arma fuerant experti, tanta alacritate atq; ferocia fauebant, ut uel bidui mora paratam atq; expeditam interpellari uictoriam existimarent. Extemplo igitur procedendum esse statuunt, & copias recensent. Censa sunt ad decem millia equitum utriusque armaturæ: quo equitatu, si robora equorum ac hominum ornatum, munimenta q; armorum solido ferro fulgentia certius æstimentur, nihil apparatius atque ualidius ullo subitario bello coactum fuisse plerique indicabunt. Sed peditatus qui erat ex omni prouincia lectissimus, uehementer erat imminutus, utpotè qui uix octo millibus integrorum militum constaret: nam magnus iam egrorum numerus in castris esse coeperat, reliqua pars, quum multi etià longo itinere fatigati, & passim herentes dilapsi essent, uulgoq; omnes propter lutulenta itinera palustri cœno saq; illuue deturpati, ex autumnaliq; pluuia madentes & algentes, affectiq; pariter inedia, nequaquam satis apti aut firmi ad sustinenda imminetium præliorum incommoda uiderentur. Inter nobiliores autem duces, morbo grauissimè laborabat

Iulius Hardechius. Hunc Valponio in oppido subsistere, reliquos omnes trium dierum cibaria parare, & se cum ferre iubent, ac sperare paulò post certam omnis generis commeatus copiam usq; ad pretij uilitatem in castra obuenturam. Præscriptis autem legibus edictū sub pœna capitis proponitur, ut nemo Turcam hostē uiuum capiat, uel ultro se dedentem, nisi quam planè confecto prælio sit debellatum: nemo item præda se oneret, quandoquidem eam omnē æqualiter inter milites se diuisuros duces promittunt. Hoc edicto à præconibus & tympanistis per omnes ordines promulgato, iter quod planius & rectius apparebat ad Exechium suscipiunt. Tercio die perueniunt in uallē quandam ad tertium ab Exechio lapidē, atq; ibi castramentantur. Postridie Turcarum agmen conspicitur, & à nostris acies instruitur. Verum id nullo certamine comminus edito tormentis tantum maioribus repellitur. Sequenti uerò die effusis ab oppido hostibus, leuia certamina cōseruntur, & multis utrinq; interfectis, æquo Marte disceditur. Eo die Simon Zagabriensis antistes cum suo equitatu aliquantaq; annonæ copia superuenit, cuius aduentu apud nostros minuitur timor de inedia paulò ante conceptus, sed interdicuntur à ducibus leuia certamina, quòd plures ex nostris uulnerarentur, & Turcæ suis usi artibus facillè superiores eua derent, quum sclopettarios Ianizeros Asaposq; sagittarios turmis suis admiscerent, & equitibus nostris sua agilitate freti, multa uulnera inferrent, quod nulla ratione nostris interdictum uideri poterat, quum militum animi, qui pugna studio, & mutuis cum hoste congressi-

congressibus accendi, & de uictoria bene sperare soleant, eo demum ignobili ducum iudicio frāgerentur, quasi hostiū uires, pugnandiq; artes nostris nosci uerent. Dicebant enim ab huiusmodi extraordinarijs praelijs, Mugacianā cladem initium coepisse, reseruandosq; ideo milites & equos in ipsum uniuersę pugne diem, ut recentissimis uirorū & equorum uiribus pro uictoria certaretur. Ab hoc decreto imperatur tormentorum magistris, ut in hostium agmina, ubi ea prodire conspexerint, maiora statim tormenta dirigāt, quibus peritē administrantibus fiebat, ut Turcæ à coniectis subsilientibusq; tormentorum globis, certa acciperēt detrimenta, neq; miscere uti cuperent leuia certamina possent. Hoc animaduerso periculo, Mahometes in proxima palude, quæ ab exundante stagnanteq; Drauo amne erat enata, Nasadas multas sclopettarijs cōpietas insituit, quæ totius paludis margines obsiderēt & nostros aquatione prohiberent, castra etiā nostra, quæ erant in conspectu, coniectis in ea minorum falconum globulis, infestarent. In singulis nanq; Nazadarum proris, constituta erant in canterijs, & aptē collibrata minoris generis tormenta, quæ à nostris moschetta de nomine minimi accipitris uocantur. Ei ualli in qua nostri locarant castra, imminabat collis nō planē arduus. In eo erat pagus, in quo Turcæ cōsisterant, leui praelio nostros excepturi. Ad eos deijciendos postero die ab omnibus ad arma cōclamatur, instruiturq; acies, & ne hostes suis tumultuarijs praelijs laceffere aut perturbare nostrorū agmina queant, in progrediētes dirigi atq; displo di tormenta iubentur, alacriq;

strorum successu Turcæ locū deserere coguntur. Sed
 illi loco depulsi, ad demorādos nostros pagū continuū
 succendunt. Neq; tamen nostri à proposito itinere di-
 scedunt. Interim pagū totum flāma peruat, atq; inde
 hostes ad unum incolumes se ad suos recipiunt. Tum
 uerò à ducibus superato colle, Exechiū in planicie ad
 Drauiripam positum conspicitur. Id circiter duo mil-
 lia passū à colle aberat. Ibi Cazxianer loco aquatio-
 ni, pabulationi, & lignationi idoneo castrametatur,
 imperatq; tormentum maius ante castrorum portam
 prouchi, facturum periculum, an inde emissa pila oppi-
 dum Exechiū attingi possit, sed id lōgius quā oculis
 appareret, abesse compertum est, quū pila altius etiā
 coniecta, paulō supra mediū eius uallis spatium perue-
 nisset. Hoc facto periculo, & certius aestimata loci di-
 stantia, nostri duces facillè deprehendūt, si ab ea oppi-
 di parte castra admoueantur, oppugnādi & quatiēdi
 causa, exercitum necessario periniquum in locum esse
 deducendum: nam à colle illo, quē tenebant, & duobus
 circiter passuum millibus ab Exechio distare diximus,
 contra oppidū aperitur cāpus decliuus, qui spatiosam
 uallem efficit, quā planè totam detegit castellū editum
 ex cœnobio Christiano temploq; ut supra diximus, à
 Mahomete edificatū. Id, ut credi par erat, diligenter
 ab hoste permunitū, ita descensuris nostris & castra-
 metantibus imminēbat, ut nemo nisi insanus castra ho-
 stium tormentis exponenda iudicaret. Itaq; illud desu-
 munt consiliū, conspicati scilicet ultra Exechium satis
 editam planitiem ipsa ualle superiorē, atq; ideo oppi-
 di moenia æquantē. In eam castris transferre, tormen-
 tisq;

isq; murum adoriri consituunt, sed in eum locum ex-
tuto se mutare castra non posse provident, quoniam
circumueundus erat rursus collis, & saltus triū millium
passuum, qui à dextro latere iter præbebat, ut in eam
denū planiciem, quæ oppido imminet, descenderetur,
quod iter diuersum & laboriosum erat, ob id præci-
puè, quòd uia regia, quæ ad Valponiū ducebat, ineptè
deferrebat. Neq; enim exercitus noster tantus erat, ut
totum oppidū Exechiū, in quo supra sexdecim millia
hominū esse ferebātur, perpetua obsidione in corona
cingere posset: neq; tanti erant in obsidentium castris
commeatus, ut absq; continua subuersione, inedia la-
borandū non esset, quando hostiū equites cuncta per-
petuis excursionibus itinera obsessuros, atq; omnē cō-
meandi facultatem erepturos appareret. Dum uarijs
certaretur sententijs, & modò huc, modò illuc inclina-
ret Cazzianer, exorta est à grauissimis uiris importu-
na sentētia, qui iisdē in castris atq; eodē colle persisten-
dum esse censebant, illicq; nostros commeatus, qui nō
procul à Valponio esse dicebātur, expectandos, & ad
præsidii curruum, quibus annona conuehebatur, tria
millia equitum mittenda, neq; ullo pacto exercitum in
difficultate eius asperrimi saltus, qui intercedebat, &
maximè crebris arbutis esset impeditus, perducendū
uideri. Nonnulli uerò alij leuissimis sententijs annonā
apud hostes esse tenuissimā, proindeq; eos oppido in-
clusos, inopiā & famē non diu laturos: nullā quippè
illis expectandorum commeatū certam esse spē, sic,
aut oppidum deferendum, & fuga salutē consulēdum,
aut deniq; iniquo loco pugnandum esse Turcæ milites

existiment. Hæc à transugis Christianis se cognouisse dictabant, affirmabantq; Mahometem peculiari sua supellectile pretiosa nauigijs imposita fugam moliri, nec ultra tertium diem obsidionis incommoda toleraturum. Proinde sibi uideri saltum illum facile posse superari, ipsis ad oppugnandum alacriter peruentibus. Bellum uerò trahere perniciosum, postquam tanta esset in castris biseocti panis copia, ut ea tantū præter alia obsonia uniuersus exercitus moderatè partiēdo, in septimū usq; diem ali possit: Idcirco non esse committendum desidiosè uel timide, ut tam infestus hostis, tamq; opulenta præda è manibus emitteretur. Quo spatio Scambergum regulū cum nouo commeatu nouisq; copijs aduenturum facile sperarent. Interim non esse cessandum, propterea quòd tantum temporis, inclinante in hyemem Autumno, & imminentibus Idib. Octobribus, sit absumptum, ut nisi quid egregiū propere tentandum sit, breui exclusis tēpore, rebus utiq; infestis cum ignominia sit decedendū. Apparebat etiā quassato uno propugnaculo, quod erat in aduerso oppidi angulo tumultuariè extructum, nulla ratione hostes ab ea parte nostris posse resistere: illac etiā rectum iter hosti ex Belgrado ad necessarias rerum subuectiones liberè commeandi penitus eripi: quo itinere intercluso, proculdubio futurum, ut Rasciani & Coloni omnes nostris necessaria omnia subuehant, concursuramq; omnino magnam eorū multitudinem, immaniū Turcarum tyrannidem pertesam, cuius opera & oppidum expugnari, & Christiani Exechiani, qui non pauciores Turcis in suburbanis tectis remanserāt, ad defectione-

defectionem adduci posse. Hæc ut efficacius confirmarent, asserebat cuncta propè, quæ essent apud hostes, tormèta numero serè ducenta, uersus uallem ita à Barbaris fuisse disposita, ut nisi magno eū labore dimoueri traduciq; non possent. Non enim curribus & rotis more nostro erant imposita, sed trabibus magnisq; stipitibus inclusa, utpotè quæ armillis ferreis, aut funibus materie colligata essent, & solo circumcirca adactis cuneis confirmata. Qua ratione inutili, Turcæ nullam traducendis, & uti oporteret conuertendis tormētis, facultatem habituri credebantur. Hæc igitur sententiā uicit tanquam nobilior, & apud uiros fortes omnino decetior. Itaq; postero die nostri longiore circuitu saltum superāt, & instructis agminibus ad eminentiorē, quem diximus, cāpum contendunt. Tum uerò Mahometes, ex coniectura loci, adinaduerso nostrorum consilio & cognita profectioe, statim per cōpendia uiarum nota ipsis, in saltū mille expeditos equites, & Ianizerorum sclopettariorum delectam manum præmittit, qui ultimum nostrorum agmen carpant. Id ex Italico, & Bohemico pedite constabat. Bohemus in fugam uertitur: Italus strenuè resistit, cui agrè sustinēti subsidio mox aduolant grauioris armaturæ Carinthij equites. Hostis terga dat, paruoq; accepto incōmodo nostri saltū euadunt. Castris positis, quæ ad oppugnationem erant idonea diligenter instruuntur, & summo diluculo instructis aciebus proceditur, & post decoram armorum ostentationem, hosti pugnandi fit copia. Sed ille oppido se cōtinet, nostrosq; tormētis eminus ex propugnaculo petit: ex aduerso nostri maiora

duo tormenta in proximum tumultū educunt, & emittunt, quorū pile & aggerem & mœnia in magno terrore hostium penetrasse conspiciuntur. Interim nostri integrum ferè cum diem hostium tormētis expositis in acie consistentes, & ad pugnae spē descensiones hostiū frustra expectātes, aliquo, sed nō magno, uel à frequētibz hostiū pilis accepto incommodo, sese receperūt. Mahometes siquidem graui consilio suos pugnam flagitantes continebat, de nostrorū inedia certior factus & ut ferebant transfuga, seuiore epistola à Solyma no imperatore admonitus, ne ullo pacto uiuus locum desereret: atq; cuncta ibi obsidionis hostilisq; impetus mala, nisi teterrima atq; ignominiosissima nece perire mallet, fortiter sustinenda decerneret. Per hunc modū, quum nostri gerendæ rei auidi nusquam congregiēte hoste destinēretur, absumptoq; omni comœatu totus exercitus inedia premeretur, nec in consilijs quotidiana ducēs ullum salubri consilio locum reperirent, & certissimus futura cladis timor mentes omnium occuparet, Balthasar Pamphilus ex ordine Hungarorum procerū dux spectatus, in consilio his uerbis loquutus est. Præposterè ducēs, inquit, agimus, dum enim quo pacto hostes superari possint, prolixè cōsulimus, exercitus nostri uires, præ inedia usqueadè debilitantur, ut milites iam planè nō obscura fame tabescentes, neq; incessu regāt corpora, neq; languētibus lacertis arma sustineant, & in uniuersum fortissimus quisq; animū despondeat, & desperata pugnae occasione miserè atque deformiter cadendum esse conspiciat. Itaque nobis maturrimè ante omnia, fami, quæ nos uehementer

urget

urget, occurrēdum arbitror, sic, ut hinc castra mouenda censeā, & ad Hermandū castellū illico deflectēdum ut eius expugnati castelli comiteatu, qui non erit exiguus, uniuersus recreetur exercitus, depulsoq; famis periculo, ad reliqua, uti usus docebit, belli consilia redeamus. Aberat id castellū ab Exechio decem milibus passuum, in quod pleriq; Turcarū uxores suas & liberos, atq; item pretiosiores sarcinas cōtulerant, quibus tuendis rebus uiginti circiter Turcarū praesidiū fuerat impositū. Erat castello coniunctus pagus, intercedente non magna fossa, murus autem quadrati ambitus, ex uetere structura erat, sine extantibus propugnaculis, sic, ut Balthasar affirmaret nullo propē negotio expugnari posse. Laudatur ab omnib. consiliū, ipseq; author Pamphilus praemittitur ad explorandos castellanorū animos, occupandūq; pagum: arridet coepto fortuna, sed in dedito pago tritici multo minus opinione sua reperit, uini tamen inueniuntur aliquot uegetes cuius copia languētibus militibus opportunissima fore credebatur. Itaq; ad eam famā signa conuelluntur & ad Hermandum castra mouētur, secunda noctis uigilia ita turbatē confuseq; disceditur, ut agmina uix agnitis uexillis malē coherētia fugae potius quā professionis speciem praeberent. Nihil tamen Turcae se commouent, insidias ueriti, & quod solutae obsidionis commodo subleuati, nihil temerē noctūq; praesertim conandum existimarēt. Vbi peruentum est, duces cauerūt, ne pagus primorum incursum diriperetur, ad iniuriam subsequētiū agminum, quibus aqua portione totus is comiteatus erat diuidendus. Tum uerō

castellum ex pago prouectis tormentis oppugnari cœptū, protractoq; certamine usq; ad meridiē, quod late ritius murus quassationi difficilior, quā existimasset reperiretur, & Turcæ quanquam paucissimi fortissimē propugnarent, debilitati tamen uulneribus deditio nem fecerunt, quum in eo certamine quinquaginta ferē ex nostris milites cecidissent. Aperto castello bina tantum farinæ tritici & totidē milij uasa reperta sunt. Tum uerō uidere licuit duces occulto quodam pauore consternatos & tristes, quod pro amplissima præda, & multo in plures dies suffecturo commeatu, aliquot tantum mulierculas & pueros reperiissent, & uix in toto pago castelloq; tantum commeatus nacti essēt, quantum in biduum cunctis sufficere posse uideretur. Dissimulatur tamen id incommodum a ducibus, & stolidæ suæ crudelitatis uitium mussantes incusant, pollicentur tamen exercitui amplissimam commeatus copiam, instaurato ponte subiecti fluminis. Siquidem Bodrogus amnis ab aduersa parte oppidi decurrit, ita profundus atq; cœnosus, ut uadari nequeat, proptereaq; Turcæ muniendi sui causa, reuulsis aliquot sublicis & demptis asseribus pontem susulerant. Igitur ad uocantur fabri, adnitentibus omnibus, continenti triū dierum labore pons reficitur. Sed ea contabulatio nequaquam tantæ erat firmitatis, ut maxima tormenta quæ erāt ponderis ingētis sustinere posse crederetur. Castris interim fossa munitis, qua hostium repēiri insultus sustineri, & currus qui nalli loco castris erant circumdati commodē transuehi possent. Quarto die currus totius exercitus transuehuntur cum minoribus

bus tormentis, secundum hæc è maiorib. sex transmissa sunt, sed sub septima quod erat longè maximum, pons tanto sub pòdere fathiscens est interruptus, quamobrem coacti sunt duces illud, ne tanto spolio potiretur hostis, ex calcsatto metallo, malleis diffringere. Septimo autem die cunctis rebus commodè traductis, pons iterum ne insequenti hosti pateret, dissecta tignorum materia, succisq; sublicis est intercisus. Superato Bodrogo, atq; eius ponte corrupto, persequendi nostros facultas Turcis eripitur, nisi paludem illam multorum millium passuum itinere circuire, quàm periculosi anis uadum tentare malint. Hic rursus in consilio disputatur, an maiora tormèta ad expeditius iter confrigenda sint, ne his potiatur hostis. Eius sententiæ secundus author existit Cazzianer, profitetur se peculiari suo sumptu, si cupri fragmenta inter curruum sarcinas distributa conuehantur, breui resciturum: scalas autè & reliqua bellici apparatus instrumenta, ne hosti cedant, igne absumenda censet, & quāto expeditius iter haberi possit, uersus Valponium celeriter capiendū, ubi copię ab aliquot dierum inedia iam seminectæ, uarijs esculentarum rerum copijs recreari queant: ac alij per Possëgam redeundum dicebant, & oppidum Iuuancha ex itinere protinus expugnandum, cū in eo magna frumenti & uini copia à Barbaris & incolis seruari diceretur. Pari quoq; celeritatis impetu, aliud in proximo castellum nomine Gara, omni genere cōmectus plenissimū, expugnari posse uidebatur, priusquam Turcæ circumdata palude longum id iter emēsī, ad insequendum superuenirent: neq; tormenta usque

ad eò præcipiti pudendoq; consilio, quæ essent nobilissimum totius provincie præsidium atq; ornamentum, diffringenda, sed potius uti in præsens eorū usus hosti eripiat, si id extremi casus necessitas ferret, filis ferreis per spiramenta adactis esse configenda. Postremò nihil esse turpius, quàm ut rebus infectis de receptu cogitarent. Trahitur in hanc sententiam ipse Cazzianer indi&aq; profectio, quod ex cōtinuis imbris iter difficilius reddebatur, ipsa quoq; tarditate tormentorum impeditis in locis sepius hæretur atque susistitur. Ita progressu longa passim mora præpedito, magna cum difficultate tria millia passuum conficiuntur, eoq; modo uesteri nostri pariter atq; hostes singulari diligentia longissimū emensi iter, uno tempore ad Iuan-cham perueniunt. Sub hoc castello, tenue erat oppidulum, in quo nullus Turca remāserat. Oppidani nostris statim portas aperiunt, neque milites ingressi à præda contineri queunt: uinum cuius non modica erat copia dum certatim potant, uegetibus effundunt: illinc tamē à ducibus grauiter increpitantibus depelluntur. Eadē nocte hostes oppidū succendunt, et tam ædificia quàm ea omnia quæ nostri non diripuerant, corrumpunt. conclamatur ad arma, quod hostes undiq; nostris imminerent, malbescenteq; calo diuersis in locis acri certamine dimicatur, sed longē uehementissimè, ubi Bohemorum turma locum tenebant. Ibi dum nostros Turcæ equites acrius urgent, Petrus Raschinus Bohemorum legatus, quem Marescalchum uocant, indignatus usque ad eò insolenter incumbentes hostes, confecto ex fortissimis globo eos facto impetu ita submouit, ut

pulsi

pulsi multi
Barbari
recentibus
turmas circ
Acciditq; u
totis undiq;
Tum uero n
ternos curr
agminum u
uallidis mili
constituit,
integre col
utring; ag
occurreb
pedieban
nostris o
Mahome
uiarum e
attributis
angustias
debat, et
ulteriores
quitum, q
insistent,
astuta uelo
sim uulner
nulla Bar
sistere, ne
res: sed ut
et carpi

pulsi multis acceptis uulneribus latè dissiparētur. Sed Barbari more suo in pugnam celeriter reuertentes, et recentibus suorum subsidij adiuti, uictorices nostrorū turmas circumfistunt, et laxatas per partes concidunt. Acciditq; ut Raschinius ipse fortissimè dimicans, uel totis undiq; protectus armis, unà cum suis cederetur. Tum uerò nostri duces de protectione statuētes, quaternos curruum ordines instituunt, qui incedentium agminum utraque latera protegant. Principia minus ualidis militib. dantur, firmo tamen presidio in fronte constituto, agmen claudabant maximè strenuæ atque integræ cohortes et turmæ. Per hunc modum uallato utrinq; agmine procedentibus nostris, sicuti frequētes occurrebant tumuli plerunq; nemorosi, qui iter præpediebant, ita hostes à circumueniendis infestandisq; nostris opportunè prohibebant. Hac re animaduersa Mahometes expeditos Ianizeros et Martellosios, qui uiarum et nemorum compèdia nossent, præmittebat, attributisq; eis paruis falconibus, qui rotis agebātur, angustias præoccupare, et in his nostros laceessere iubebat, et quum in aperta loca egrederentur, ad alias ulteriores angustias insidendas refugere: alas uerò equitum, qua apertis in locis perpetuò iter habentibus instarent, atq; agmina distinerent, qua Barbarorum astuta uelocitate nostri saepe uicti lacessitiq; multa passim uulnera atq; incōmoda reserrent, eoq; iniquius, q̃ nulla Barbarorum manus paulo firmior usquā consistere, neq; nostrorum impressionem expectare audeat: sed uti erat à duce præceptū, à congressu refugere, et carptim sagittis et glandibus falconumq; globulis,

uti locus posceret, rem gerere consuesset, quum tamē
 ad fauces paulō patentioris campi esset peruentum, et
 nostri Vsarones audacter praliū miscerent, augeren-
 turq; agmina Turcarū, & edendæ nobilioris pugne
 occasio oblata uideretur, ipse antē alios Paulus Bachi-
 thius adhortator et bellator insignis falconis globulo
 ictus atq; interfectus est, quum & pleriq; alij uiri for-
 tes ex suis Hungaris tardius explicato certamine ce-
 cidissent. Eo interfecto, qui inter nostros duces mili-
 taris ingenij solertia, atq; ingentis animi fortitudine
 plurimum eminebat, magnus timor totis castris incus-
 sus est, quum nemo esset, qui eo ductante dimicantēq;
 aduersus Turcas de uictoria dubitaret: quando & tū,
 & aliās sine eo unquam prosperē dimicatū fuisse me-
 minisset. Eo tamen pralio, quum Hungari urgere Tur-
 cas, & sui ducis mortem ulcisci contenderent, tanta ui
 hostes repulsi sunt, ut multis suorum amissis falconum
 currus deferere cogerentur: sed ea fuit apud pedites
 nostros animorum & corporum imbecillitas, ut præ-
 currere, & currus destitutos occupare reducere uē
 nequierint, & ex aduerso hostium pedites pedum ue-
 locitate mirabiles, ipsiq; præsertim Ianizeri è syluis e-
 quites nostros glandibus impeterent, à persequendisq;
 suis opportunē deterrent, et recepta rursus tormēta
 incolumes auerherēt, ex institutoq; suo nostrorū agmē
 præcurrere atq; laceessere perseverarent. His incom-
 modis omnisq; generis commeatuum inopia afflicti
 nostri milites, quum neq; ulla aduersus famem subsidio
 nutatia corpora, neq; ulla auxiliorū spe animos susti-
 nerent extremæ calamitatis casum omnes horrebant,
 coq;

eoq; trepidi-
 tum copia
 Nicopoli e-
 sent, simulc-
 sumpta fug-
 landi aut m-
 thoritas, qu-
 consternata
 uerò in cam-
 esset peruen-
 tur, hostes
 nostris eum
 ictis arbor-
 uel currus
 induci po-
 speratione
 quoniam
 dicerent,
 qua per sy-
 ponum ibe-
 barorum o-
 relisq; m-
 teram por-
 uocant, qu-
 aliquot mil-
 caperetur,
 gustas a n-
 Verum in q-
 nium q. illi
 Ferdinādo

eoq; trepidantius, q; Mahometem noua ualidaq; recen-
tium copiarum auxilia è Belgrado, Samandria, atque
Nicolopoli expectare, uel incertis rumoribus audiuis-
sent, simulq; prospicerent ex Usaronibus plures præ-
sumpta fuga salutis sue consulere, neq; ulla aut conso-
landi aut minuendi timoris ducib. attonitis inesset au-
thoritas, qua alias letis atq; magnificis alloquutionib.
consternatæ metu copię confirmari consueissent. Quū
uerò in campum satis patentem oppido Gara subiectū
esset peruentum, multorum confirmatione nunciaba-
tur, hostes proximas & continentes sylvas, per quas
nostris eundum erat, decisis passim & transuersis ob-
iectis arboribus præsepsisse, ne per eas uel tormenta
uel currus traduci, & equites, nisi dissolutis turmis
induci possent. Ea res euulgata in castris, uitimæ de-
sperationis moerorem attulit, eoq; etiam grauiorem,
quoniam Ladislaus Moreus atque alij locorum periti
dicerent, duas tantum euadendi uias superesse, alterā
qua per sylvas itinere decem millium passuum ad Val-
ponium ibatur, eamq; quòd intersecta sit, nouo Bar-
barorum opere, dimissis impedimentorum curribus,
relictisq; maioribus tormentis, esse penetrandam: al-
teram porrò uersus castellum, quod Zentuerzebeth
uocant, quod ipsius Ladislai Morei erat ditionis, &
aliquot millibus passuum à Gara distabat. Que uia si
caperetur, hostes proculdubio propter locorum an-
gustias à nostris persequendis necessario cessaturos.
Verum in consilio præfertur uia, quæ ducit ad Valpo-
nium q; illic cōmeatum esset satis, & pecunia à rege
Ferdinādo in stipedium missa, quæ sufficeret in totam

hyemem, Valponiana in arce seruaretur. Itaq; dimissis illis tormentis, quæ conuehi non poterant, succensq; puluere tormentario, atque corruptis reliquis exercitus instrumentis & sarcinis, quæ equis imponi nequibant, properandum esse: obiectos siquidem arborum truncos facile disijci, & paruo uel ipsorū tantum aurigarum labore, repurgari iter posse prædabant, & quemlibet ex ductoribus atq; præfectis curare debere, ut ipsorum equites & pedites expeditissimi sint, & dato signo statim profisciantur. Profectionis uerò signum futurum esse instrumentum quoddam musicum, quo fistulator è sacris turribus in Germania, Viennæq; præsertim, appropinquantem auroram prænunciare solet. Id tibie genus Germani Schalmeyen appellant. Signi dandi cura inchoandæq; profectionis ipsi Cazzianeri data est. Huic ultima deliberationis decreto, nonnulli qui aduersarentur reperti sunt, & dicere auderent, hostium multitudinem multo minorem esse nostro equitatu, atque eadem ferre, qua nostri urgerentur, cibariorum inopia premi. Præterea Barbaros cum grauioris armaturæ equitibus nostris iusto prælio congregi nunquam ausos, sed latronum more ex insidijs tantum nostros adoriri, & quum ex uiarum angustijs nostræ copię explicantur, illico refugere. Ceterum non esse adeò munitum castrum & oppidū Gara, ubi hostes castrametati sint, ut expugnari nequeat. Proinde uiris fortibus, necessitatiq; multarum rerum astrictis, experiunda omnia, & tandem audendum esse aliquid: nam fugam non solum turpissimam ipsis ducibus, qui salutis periculo fame de-

ma decus anteponunt, sed cunctis qui nihil præter uitam respiciant, perniciosissimam omnino futuram. Quod si profectio noctu fiat, futurum esse, ut palantes uagig per diuersos tramites nemoribus inerrent, neq; in tenebris posse dimosci ab ignauia uirtutem. Vsarones quippe ante alios nullo pudore diffugituros, Turcas autē castris nostris adeo propinquos esse, ut nulla ratione eos discessus noster celari queat, præsertim si puluis tormentarius succendatur, et tormenta maiora inclusi igni uiolentia diffringantur, propter necessarium bomborum et malleorum strepitum. Quibus de causis confligendum omnino esse iudicabant, nec credendum falsis rumoribus, qui de nouo hostiū exercitu spargerentur. Magnum profectio Deum, ipsosq; diuos celites pro religione, et Christiani nominis gloria decertare paratis, proculdubio certissimam opem allaturos. Tum uerò cœpta est consultatio de ægris, qui curribus uehebantur, aut inter impedimenta collocatis, à nouissimo militum integrorum agmine cogebantur. Apparebat enim tantam agrorū et sauciorum multitudinem intellecto profectiois decreto, planctu et quæstibus, uti miseris, et desertis necesse erat accidere, tota castra completuram, quorum lamentationes et eiulatus aucturi pro certo illi credebantur, qui uel fratres, uel consanguineos, contumalesq; suos et amicos, usque adeo miserè et foedè derelictos, nunquam postea uisuri essent, cuius uniuersæ perturbationis tumultum et uoces necesse foret peruenire ad aures Barbarorum, qui non longius abessent, quàm intra minoris tormenti iactum.

Propterea unumqueng; corpore atq; animo debere
adniti, ut tantulum id iter, quod pertinebat ad Val-
ponium fortiter atq; alacriter conficerent, quando bo-
na etiam spe occursuri essent multis curribus recenti
pane, uarijsq; cibarijs abundè onustis, qui à Valponio
in castra submittebantur, sicuti à certis nuncijs esset
audietum. Eo comineatu siquidem recreatis uiribus,
susceptiq; subinde amico oppido, esculentorū omniū
copia plenissimo, reliquos omnes presentis difficulta-
tis atq; periculi casus ex tuto superaturi essent. Ut ue-
rò sauciorum et egrorum salutis ratio haberetur,
affirmabant, eos iugalibus curruum et quadrigarum
equis posse imponi, eorumq; infirmissimos insiden-
tium equorum clunibus arcto complexu posse susti-
neri. Postremò magnificis uerbis eleuando hostiū uires
uanissimeq; et iactanter attollendo suas, id quod tum
iter salubri consilio caperetur, non turpis fuge quidē
sed honeste profectionis debere existimari, quando
ipsi, non equitatus modò genere et numero hostibus
superiores essent, sed peditatu etiam ipso, uel grauitè
morbis attenuato, pares et firmiores, si non iniquis-
simo loco sit dimicandū. Hæc quum pugnantibus sen-
tentijs in consilio iactarentur, res eò deducta est, ut
quisq; ducum perturbato iudicio, alienas à commu-
ni salute cogitationes susciperet, nullaq; dedecoris cu-
ra habita, in unam tantum uel ambiguam spem salutis
fugam medicaretur. Ex aduerso Mahometes certissi-
mis usus exploratoribus, et de omnibus nostrorum
incommodis per singula propè horarum momenta
certior factus, suamq; inde uictoriam præfagiens,
intentis

intentis excubijs, & in seſſis longè lateq; per alternan-
tes equitum turmas itineribus, uigilantiſſimè noſtro-
rum motus obſeruabat, eo conſilio, ut quum noſtri ca-
ſtra mouerent, atq; agmina proficiſcerentur, ex pri-
ſtina ſua conſuetudine diſiunctos, & uti accidere ne-
ceſſe erat, impeditis in locis ſæpe diſſipatos, apud op-
portunas locorum anguſtias inuaderet. Ita enim equi-
tatum peditatumq; ſuum omnem circa notos nemorū
ſaltus diſpoſuerat, ut magna quadam lunati flexus in-
dagine circūdatos incluſiſſe uideretur. Erat iam pro-
pè exactum ſecundæ uigiliæ tempus, inſomnesq; om-
nes ſollicitis mentibus ita exiundi ſignum expectabāt
ut minimum quodq; moræ ſpatium apprimè ingratiū
& incommodum ſingulis uideretur, & clari nonnulli
duces uicordi inſtinctu moras abrumperent, & in-
iuſſu diſcedere atq; anteire ceteros properarent. Hu-
ius flagitioſi diſceſſus ortum eſſe aiunt ab Vſaronibus
Hungaris, qui tramitum & nemorum notiitia freti,
Valponium uerſus curſum intenderunt. Hos Ladif-
laus Moreus inhoneſto exemplo imitatus, ad Zenth-
uerzebeth caſtellum ſuum contendit. Hos quoq; Sti-
riaci omnes obliti pudoris, Ioanne Vngnad præſecto
duce, qui tuendo cogendoq; nouiſſimo agmini fuerat
deſtinatus, tumultuoſè properantibus turmis ſequuti
ſunt. Idem fugæ conſilium ſibi quoq; præſumpſerat
antiſtes Zagabriensis, cuius ingens laterna per ſyluas
errabunda noſcebatur, minore tamen aliquanto in-
famia quàm ceteri, quum uir ſacratus nunquam ar-
ma induere, aut in pugnam prodire ſui muneris eſſe
putaret. Interim Cazcianeri trepidè nunciatur Vſa-

rones effugisse, idem fecisse Ladislaum, & Vngnam cum Stiriacis turmis, reliquos nihil expectato, uti instituerant, tibia cantu, instruere se in eandem fugam. Tum uero planè uersors, & attonitus imperator equum conscendit, oblitusq; signi dandi, quod ceteros, uti postea dicebat, iam præcessisse crederet, sese inermis in eandem eiecit fugam, deserto utique prætorio, quod erat argentea supellectile, cæterisq; ornamentis opulentum. In eo dilabentium tumultu Lodronius excitatur, & quum ministri imperatorem effugisse dicerent, intrepidè respondet, proculdubio fieri non posse, ut ab illo tam turpiter, & tam perfidiosè desereretur, atque ita sicuti erat multarum noctium peruigilio, & diurnis laboribus grauiter fatigatus, in tabernaculum rediens, quieti se reddidit. Nec multò post perlato castrorum strepitu ad aures Mahometis, Barbari omnes consurgunt, & sese ad inuadendos hostes comparant. Sed Mahometes, quod hostes tentarent, certius cognoscendum, atq; ideo expectandam lucem censet, suosq; instructos subsistere, & prodeundi signum, quod equestri tympani leui pulsu per ordines dari solet, silentio expectari imperat. Dux enim uetus planeq; senex, multis aduersus nostros exercitatus prælijs, de simulata fuga subdubitans, in pugnam nisi loco suis æquissimo, incautè pertrahi nolebat, utpote, qui antea non iusta quidem acie confligendo, sed carpendo per partes, suo more bellum conficere statuisset. Inalbescente caelo rursus excitatur Lodronius, imminentiū Barbarorum quendam audit fremitum, & se à multo maxima copiarum equestrium parte

parte d
nihil tam
hortatur
lunt, & qu
ret, una
uris quia
pissima fu
tandum:
multis be
cata loca
non inde
uerbis ad
equites,
probè
indictu
fuga co
uirum
duce im
que iub
diu uire
optimo
tuos. N
roso qui
pro sua
tus indi
licuit, c
eum, q
fuge A
ret, re
militen

parte desertum uidet, frustra se proditum queritur, nihil tamen animosè dimittit, & pedites alloquitur, hortaturq; ut pristinae suae uirtutis memores esse uelint, & quod tum iniqua rerum sors discrimem afferret, una animi fortitudine superandum existiment: uiris quidem fortibus de honesta morte, non de turpissima fuga, quae etiam futura esset incerta, esse cogitandum: sibi omnino constitutum esse, qui saepius eos multis bellis feliciter duxarit, repulsis hostibus, in pacata loca reducere, aut unà secum egregiè pugnando, non indecoro uitae exitu mortem oppetere. His sermè uerbis ad Lodronium milites confirmatè, Carinithij equites, atq; item Saxones, Austriaci Bohemiq;, qui probè parentes imperijs, profectionis signum à duce indictū sibi dari frustra expectabāt, nec ignominiosae fugae comites esse uoluerant, concurrerunt, tanquā ad uirum longè fortissimum, obsecrātes ut pro desertore duce imperij munus susciperet et impleret: ipsos enim, quae iuberentur facere minimè recusaturos, & quandiu uires atq; arma superessent, pro religione, proq; optimo rege pertinacissimè cū Barbaro hoste pugnāturos. Non suscepit delatum munus Lodronius à generoso quodam pudore se indignum professus, id tamen pro sua pietate magnitudineq; animi tanti exercitijs indignam sortem miseratus, quandiu à Fortuna licuit, cum praefatione susceptum exercuit. Perunt eum, quum concionaretur ad milites, atque omnem fugae spem detestaretur, & uehementer improbaret, repertum fuisse Germanici nominis ueteranum militem, qui comiter nec insulse dicere auderet,

neq; uerò Lodroni dux optime usque adeò turpis fuga apud te uideri potest, quum eam nobili equo uectus, circumspectare existimari possis. Intellexit Lodronius ueterani militis argutiam, ingentique animo descendens in pedes, stricto gladio equi suffragines detruncauit præclare exclamans, hodie commilitones me ducem pariter et militem pedibus pari sorte uobiscum pugnantem habebitis. Vos date operam, ne opinionem meam fessellisse uideamini, ut uictores euadatis, aut non multi decoro mecum uitæ exitu militiâ finiatis. Reliquos porrò equos peculiares suos pari humanitate notis sibi militibus, qui languerent ex uulneribus aut morbis, dono dedit, et in his Picenardo Cremonensi cohortis præfecto, quum tum fortè rigida febre quateretur, et se suso cursu è manibus hostium eriperet. Vix primæ turmæ, primæq; legionum cohortes sublati uexillis castrorum septis exierant, quum Barbari undiq; ingruentes sese, truci ululatu edito, ab omnibus partibus circumfuderunt, et multa simul prælia ex itinere ab equitatu conseri coepta sunt, eo euentu, ut nostri modò egregiè sustinentes et modò renouantes impetum, Barbaros insolenter urgentes latè propellerent. In his diuersis prælijs Antius Maecr Fuchstus Saxonice stirpis, Carinthiorum dux, ardentissimè pugnans, quum ab insignium ornamentis imperator à Turcis esse putaretur, est obtruncatus, pariq; sorte amplius uiginti quatuor illustris nominis equites, capto ab hoste corū signifero trucidati sunt. In his fuere tres reguli, Andreas Reschius, Christophorus Hernaus, et Georgius Himelbergus. Alio

autem

autem in loco cruentissimum editum est certamen cum Saxonibus, Misnijs, Thuringis atq; Franconibus, qui Saxonum equitum uexilla sequebantur. Horum enim uel eximia uirtute depugnantium supra triginta sex splendidiore, aut praefecti, aut signiferi, aut aliarum legati occubuerunt, Chuenrico Saxonum primario duce capto, qui postea in uinculis apud Barbaros interijt. Inter eos qui interfecti sunt, nobilissimi fuere, Sebastianus Methescus, & Iacobus Seullemburgus. Eadem quoq; irrita uirtutis sorte Austriani, elabente Nicolao Turriano eorum praefecto, aliquandiu resistentes, ad extremum deleti sunt, quum ex his uirtute atq; natalibus clari cecidissent Fettaius, & Hofchirchius reguli, & secundum eos Hohenfelder, & Aanspurger, atq; item duo e Naidega familia clarissimi procures, & cum his Lambergerus, & Velezerus uiri honestissimi cecidissent. E superiore etiam Austriae Rhetiae finitima, desiderati sunt Gulielmus Folgehenstorphus, Leonardus Lambergus, Bernardus Scherfembergus, & Gaspar Bergcheim, & Schellemburgus, qui domi & foris cum dignitate conspicui fuerat. Verum longè maxima caedes edita est in Bohemos equites, in quos è transuerso à Ianizeris continentis glandium procella perturbatos, ueteranae Turcarum acriter inuectae, grauib; & incuruis gladijs frustratim cadendo arma, & clauis ferreis pertundendo cassides, passim sternebant, quum nemo circumuentis oppem ferret, & dux ipse gentis, Albertus Slithius è media caede, maturius quam oporteret, se recepisset. perditum uerò phalangem è quodam superiore nemo-

rose paludis margine, à Ianizeris Afapisq;, qui nusquam congressi, sclopettis tantum atque sagittis eminus rem gerebant, magno affectam detrimento, & planè fluctuantem, Amurathes cum Bosnensibus alis, è diuersa parte inductis turmarum cuneis, ita perfregit, ut disiecta conturbatis uexillis, & implicatis hastis tota solueretur, atque intercurrente ferociter hoste, gladijs atque securulis concideretur. Lodronius ipse equitum incursum atq; impetu raptus, in palustrem locum adactus est. Ibi quum grauitè saucius, & lubrico præpeditus cœno, supremæ uirtutis conatum edidisset, adhortantibus cum Barbaris, ut se dedere, quam interfici mallet, cum tribus cohortibus, quæ ei supersuerunt, ita in deditionem est receptus, ut cum reliquis suis omnibus, tanquam eximia uirtutis hominibus, proiectis ad terram armis, seruaretur. Iam enim, uel immites Barbaros multoq; nostrorum cruore confpersos, cædis satietas coeperat, usque adeo, ut plerisque languescerent manus, & ad prædam auidissimè uerterentur, consecrantes eos, qui dispersim hostiles manus uacillante, & trepido passu effugere crediderat, eo quidem successu, ut magnus numerus pro mancipijs caperetur, pauci pedites euaderent, & reliqui penè omnes, qui non ante prælium, ut diximus, effugerant, toto campo cæsi spectarentur. Hoc enim pudendum Execchianæ stragis incommodum, superiorum temporum funestissimas Christiano nomini illatas clades superasse ferebatur: nam flos equitum, & peditum, inauspicati ducis temeritate & culpa, potius quàm hostium uirtute deletus interiit, sic ut omnes ferè prouincias

vincias assiduo luctu funestavit. Nunquam enim antea
 acciderat, sicuti uidere fuit, è Sigismundi Caesaris, La-
 dislaiq; regis aduersis prælijs, ut Barbarus, et uictor,
 et incruentus euaderet, ita ut nostros, qui ad Exechiū
 ferè multi ceciderint, detrimentum acceptum graui
 etiam ignominia cumulasse uideri possint. Mahome-
 tes nullo propè suorum sanguine tanta potius uicto-
 ria, et direptis castris nostris, in pratulo quodam ca-
 dauerbis repurgato confedit, epulatusq; hilariter,
 nobiles captiuos et splendida spolia, uexillaq; in pri-
 mis ad se deferri iussit, laudatisq; palam his omnibus
 præfatis, qui egregiam eo die nauassent operam, si-
 gnata pecunie plures culcos à quæstoribus sibi afferri
 iussit, è quibus depromptos de manu aureos, et argen-
 teos nummos pro meritis donatiui nomine militibus
 dabat, productosq; captiuos ad unum omnes, qui nos
 essent gregarij, diligenter inspexit, singulorumq; no-
 mina et dignitates in commentarios per scribas præ-
 sens redigi iubebat. His uerò qui detrucata capita, aut
 decisas nostrorum uultibus nares, et anulatas dextras
 afferrent, statim pecunie præmia tribui iubebat. Lo-
 dronius, quum graui ex uulnere iactationem ferre,
 nec uiuus cum reliquis captiuis Byzantium perducī
 posse uideretur, à custodibus est interfectus, caputq;
 eius postea transmissum. Nam sicuti nonnulli uiri no-
 biles, et in his Laurentius Strejtpergus, et Diet-
 marus Losenstainus retulerunt, qui redempti redu-
 cesq; ad uxores et liberos penatesq; suos postlimi-
 nio reuersi sunt, inter captiuos, qui à Mahomete cum
 uexillis conspicuisq; aliquot castrensis apparatus in-

strumentis splendidisq; præsertim & inauratis thoracibus & galeis per legatos Solymano offerebantur, tria summorum ducum capita argentea in pelui conspecta agnitaq; sunt. Ea fuere Pauli Bachithij olim trās fugæ, & Antij Macri, qui Carinthiaco equitatu præfuerat, Ludouiciq; item Lodronij, qui pedestres copias imperio regebat. Ea tyrannum obliquis oculis aspexisse, & tanquam tabo fluentia auersatum, ceterum atroci nutu iussisse, ut captiui illico cederentur, sed deprecantibus Ianizeris, ut quos strenuè pugnantes sub fide cœpissent, tanquam uiros sortes seruare uellet, qui in seruitute fortem etiam operā ipsis præstare posse crederentur, remisisse uultum, militibusq; obtemperando, humaniter multos fuisse conseruatos. Ipse autem Cazxianer castrorum signorumq; suorū impius desertor, quum profugisset ad Castellum suū, à cunctis prodicionis exercitus accusabatur, & tanquam inexpiabilis infamiae totius patriæ labes, & publicæ cladis auctor, maledictis incessabatur, sic ut ne prodire in publicum, nec cælestem lucē aspicere posse diceretur: tanta siquidem deslagrabat inuidia, tantoq; odio apud omnes regiae aulæ ordines laborabat, ut in eum famosa carmina argutè facilitata, per omnes Germaniæ urbes à pueris cantarentur, sic, ut eum pro trophæo, quod referri debuerat, coronaq; uictorie, fircam & laqueum mēruisse dicerent, adderentq; pari merito ei supplicij consortes Schlitum Bohemū & Vngnadum Stirianum, ac Stambechium Carinthium, qui ducum omnium fugacissimi fuissent. Quibus execrationibus miserè perstrictus, Cazxianer,

po-

H
posulauit
sam licere
uincia Carn
& equum,
tissime lacer
disi causa,
rum testimo
fite uita cum
tas res pro
gesserit, pri
turum, quat
impulsu, qu
cessit rex, u
tu, sed quu
quāto lon
interim h
more imp
tans, effug
lato nang;
noctu sensu
atq; altero
cinem aper
ne se demis
arcem ex
set. Nec m
ingenio uir
libenter ex
ter opima
imaginem
de ad sub

postulauit à rege, ut sibi tutò uenire ad dicendam causam liceret: nam paulò ante scripserat ad senatù prouinciæ Carniolæq; præfectos, famam suam contra ius & æquum, à calumniatoribus inimicis suis male dictissimè lacerari, propterea se iturum Viennà purgandi sui causa, & iniquè obiecta præclaris insigniù uiorum testimonijs diluturum, sperareq; se pro sua antea & uitæ cunctis in bellis fide uirtuteq; ut quum multas res pro regis dignitate atq; amplitudine prospere gesserit, pristinam ab eius clementia gratiã recuperaturum, quando ea calamitosi belli errata, fatali potius impulsu, quàm hominum errore prouenissent. Concessit rex, ut tutò ueniret, exceptusq; est ambiguo uultu, sed quum eius causæ cognitio disceptatore rege aliquàto longius quàm reus uolebat, protraheretur, atq; interim honesta sub custodia seruaretur, Cazzianer moræ impatiens, & de damnatione saluteq; subdubitans, effugere quàm iudicium expectare maluit: simulato nanq; morbo lateritium sub cubili pauimentum noctu sensim per commissuras cultello scalpens, uno atq; altero faciliè exempto laterculo, subiectam testudinem aperuit, atq; inde ex linteis lodicibus effecto fune se demisit, & feliciter effugit, quum paratos extra arcem ex condicto equos ad fugam celeres arripuisset. Nec multò post, uti erat fluctuoso atq; præcipiti ingenio uir, desperatis rebus ad Turcas transiuit, eum libenter excipiente Mahomete, pollicenteq; ei, præter opima stipendia, totius Croatiæ præfecturam, ad imaginem beneficiarij regni, si Solymano sincera fide ad subigendas Austriani imperij urbes operam

præstaret. Tum uero constituta iam præscriptis legibus transiitione, ut cum aliquo munere ad Mahometem rediret, cum Nicolao Sdrinio eiusdem prouinciæ regulo, sibi uti rebatur amicissimo, fidētius agere cœpit, ut una secū transiret in spem certissimi præmij, quando Solymanus erga ambos, non secus ac cum Ioanne rege liberaliter egisset, beneficentissimè acturus existimari deberet. Promisit tum Sdrinius, aut certè se promittere simulauit in sententiam inuitantis concessurū, paratq; & instructa transiitione, cum ala familiarium equitum ei transeunti comitem futurum. Verū Sdrinius conuerso animo impietatis dedecus, & tanti sceleris facinus secum reputans, in amicum ueterem uel nihil tale domi suæ expectantem, perfidiam exercere, quā regem aut religionis nomen offendere maluit, Cazzianeremq; post epulas dirus hospes obtruncauit ita ut detruncatum caput inuisi, & meritò damnati ducis ad regem mitteret, in præmijq; honesta perfidiæ interfecti à se amici castello, atque omni illius substantiæ potiretur.

PAULI

PAULI

VO



ris pot
ante ali
ueterata
præstati
tuna alie
cet ueter
utiusq;
perducti
mōtorū
manali ex
usque ad
ordine r
carū int
manus
imman

PAVLI IOVII NO-

VOCOMENSIS EPISCO-

PI NVCKERINI HISTO-

riarum sui temporis.

LIBER XXXVII.



EORTISSIMIS Germanicis
atq; Illyrici nominis gentibus,
ueterē sua bellicæ laudis gloria
ex fœdo receptu ad Exechium
spoliatis, altera adhuc militiæ
parte, quæ maritima est, & na
uali scientia continetur Barba

ris potiores esse uidebamur. Quandoquidem Venetī
ante alios, & Genuenses, rei naualis disciplinā ab in-
ueterata maris possessione, clarissimisque rebus gestis,
præstantissimè tuerentur. Sed huius maligni seculi for-
tuna aliena prorsus & infensa Christianis, labante scilicet
ueterū disciplina, uirtuteq; obsolescente, eò summis
utriusq; gentis ducibus in aleam experiundi periculū
perductis, ita Barbaris sauit, ut nostri ad Actiacū pro-
mōtoriū, collatis improspere uiribus, in fugā acti, tota
nauali existimatione exuerētur. Quomodo autem id
usque adeo infelicitè euenerit, breuius quā potero, ex
ordine rerū et temporū enarrabo. Venetī diuersis Tur-
carū iniurijs terra mariq; insolēter exagitati, cū Soly-
manus Corcyra urbe impotēter oppugnata, multoq;
immanius peruastata insula superbè pacē abruptissè

Et tum in Peloponneso Epidaurum & Nauplium ipsorum ditionis urbes per Cassimum Bassam continenter obsideret, atque oppugnaret, nullam sibi moram attulerunt, quin aduersus tyrannum nullas uel iustæ satisfactionis, uel demissæ deprecationis rationes admittentem, bellum gerendū censerent, inuitantibus eos Cæsarianis, & Paulo Pontifice pro sua dignitate plurimum cohortante: nam recentis periculi metu adducti, quum Salentinos Hariadenus inuasisset, præclare admonebantur, ut Italiæ cauendū existimarent postquam Ottomannica classis nimio plus quam liceret insuefacta nostris littoribus, aliquando non Salentinos modo, sed ipsas Hadriatici sinus urbes aggredi, sicuti manifestè appeteret ausura crederetur. Caesar quoq; graui cura, cum Sicilia, tum Africa rebus prospiciendum ratus, ingentem suo nomine triremium, et nauium numerum, quæ Venetæ & Pontificiæ classib. iungerentur, in id bellum se collatum promittebat. Itaq; per totam hyemem quæ subsecuta est, per legatos diligentissimè elaboratum est de numero genereq; classium, de militibus imponendis, de asciscendis socijs comparandaq; pecunia, diuidendisq; sumptibus, ut quàm ualidissima atq; ornatissima classis in proximā astatem, distributa in singulos principes impensæ portione pararetur, & in Græciam aduersus Barbarum tyrannum educeretur. In id consilium Paulus Pontifex ad sextum Idus Februarij in Vaticano senatum habuit, & quod bene uerteret populo Christiano, fœdus percussit, ad stipulantibus, Ioanne Manrico Aguillario pro Carolo Cæsare, Marco autē Antonio Contareno pro

pro Veneto senatu sub his conditionibus, ut *Cæsar* octoginta duas triremes instrueret, totidem Venetus, ipse uero Pontifex triginta sex pararet, ut ducentarum triremium numerus efficeretur. Venetus postulanti pontifici quod uellet fabrefactas, armamentisque omnibus instructas triremes mutui nomine ex arce sua nauali daret, remigibus & propugnatoribus à Pontifice in eam expeditionem implendas: *Cæsar* autem, atque item Genuenses onerarias naues militariter instructas, quibus commeatus & pedestres copiae cōueherentur, subministrarent. Renunciati quoque sunt classium duces, *Cæsariana*, ipse *Andreas Auria*, *Venetæ*, *Vincentius Capellius*, Pontificiæ autem, *Marcus Grimmanus* Patriarcha *Aquileiensis*, cui comes & adiutor adderetur *Paulus Iustinianus*, nauali prudentia uirtuteque aliis inter patritios cum laude spectatus. Cautum uero est, ut terrestribus copiis, si descendendum in hostile littus foret, *Ferdinandus Gonzaga* *Ciliciæ* præfectus, cum imperio præesset, & siquid Christianis armis de Barbaro hoste pararetur, siue in *Græcia* siue in insulis, ipsaque *Dalmatia*, id totum optima fide Veneto imperio toties antea à Barbaris lacerato adderetur: *Cæsar* autem ex sua liberalitate, quantum uellent socij, tritici *Siculi* uenalem copiam æquo precio præberet, atque eam sine ullo uectigali atque portorio exportari sineret. Iisdem autem temporibus, quibus *Solymanus* in *Epirum* uenit, tentataque frustra *Italia* apud *Salentinos*, & direptis *Corcyreis* cum *Venetis* antiquæ pacis foedera abrupit, *Alfonsus Vastus* in *Subalpina* regione, expugnatis magna ui ual-

lidissimis Gallorum praesidijs apud Cherium, Albanq;
 Pompeiam, atq; Clarascum, eo Gallorum duces amit-
 tendae totius eius provinciae periculo calamitatis ade-
 gerat, ut imminutis militum praesidijs, & absumptis
 commeatibus, de retinenda tuendaq; Taurino urbe de-
 sperarent, & ad regem in Galliam accuratè perscri-
 berent se armis circumuentos, & frumenti inopia la-
 borantes, nisi maturam opem afferret, cuncta hostibus
 fame compulso esse concessuros. Ferunt regem, quū
 in uenatione esset occupatus, & certum de suorum pe-
 riculo nuncium accepisset, aliquādiu in equo immo-
 bilem stetisse, & rigentibus oculis crebrò barbam de-
 mulcentem, atq; itidem frontem, atque oculos dextra
 persfricantem grauissimè suspirasse, sed ingenti statim
 animo rediisse ad rationem, decretoq; secum facto fe-
 rendi auxilij consilium suscepisse, tanta firmitate ma-
 gnitudinēque animi, ut semihorae spatio, quid sibi in
 eam expeditionem ituro parandum foret, incredibili
 celeritate describeret: aduocatisq; demum proceri-
 bus, ipsoq; praesertim Anneo Memorantio, in equo
 sedens, munia singula idoneis hominibus acri iudicio
 imponeret, ut ea, quae ad parandas copias conuenien-
 dosq; commeatus pertinere uidebantur, summa dili-
 gentia in spem poenae aut praemij certissimam expedi-
 rent. Rex namque, qui omnes propè suae aetatis tenaci
 atque expedito immensa memoriae captu, perenni-
 uigore superauit, quid & quantum peculiaris com-
 meatus unaquaeque provincia suppeditare posset,
 quae nam itinera, quae flumina ad conuersiones faci-
 liores uicinioraque forent, & è quibusnam statiuis, aut
 hybernis

hybernis equitum alæ accersendo celerrimè conuenire possent, mira ardentis ingenij figuratione, atq; uelocitate representabat sic, ut eum rationes itinerũ & nauigationum præcipuasq; rerum omnium copias uel remotissimarum etiam ciuitatum, tanquam ex indice memoria tenere, usu rerum periti procures rerentur. Ab eo nanque subitario belli decreto, statim perspectum est quantum rex ipse, cum ingenij magnitudine, tum quodam memoriæ inenarrabili robore, propter singularem rerum suarum notitiam ualeret, uel molissimis interdum uoluptatibus occupatus, & quantæ essent Gallici imperij facultates, eiusq; gentis quantæ essent ad parendum studia facillè apparuit. Paucissimis siquidem diebus, quod cunctis maximè fuit admirandum, tanta uis omnis generis comæatus liberali prouincialium studio, curaq; uel ab ipsis extremis Pyrenæi montis partibus, atque Armorici Oceani ciuitatibus collata est, ut singuli annes, quibus Gallia omnis ad incomparabilem conuentionem commoditatem pernauigatur, & cuncta denique itinera innummerabilibus nauigijs & carris complerentur, omnesq; ad edictum comæatus suos imperatis uesturis, ad urbem Gratianopolim perueherent, quod etiam equitatus, & pedestres copię conuenire iubebantur, ut inde uarijs tramitibus per Coctias Alpes in Italiam transcenderetur. Ferunt erepsisse per dorsum Alpium supra triginta millia sarcinarij generis iumenta, omnibus annonæ copijs onusta, quibus rex ipse præsidio ibat, quum ante Henricum filium cum Memorantio præmisisset, cum expedita parte exercitus.

Ipse Germanos Gulielmi Fustembergi (hi circiter septem millia censebantur) adducebat, quibus non magno interuallo Heluetiorum sex millia, atq; Italico-
rum quatuor millia iungebantur. Reliqua pars ped-
tatus ex Vasconibus, & ex delectu Gallicarum legio-
num ad parem ferè numerum constabat. Grauis ar-
matura equestris nouissimo loco succedebat, tormen-
tis ante per abrupta atq; inuia summa celeritate trās-
uectis, paucorum dierum labore superata sunt summa
Alpium iuga, atq; inde mollioribus passim collibus de-
scendi coeptum. Vastius cognito regis aduentu, ad
Montecalerium oppidum castra fecit, præmisitq; Cæ-
sarem Masium Neapolitanum, & Camillum Colum-
nam Romanum, qui opportunos ad descensum hosti
saltus certis præsidij occuparent. Hos Henricus ipse
regis filius, & Memorantius septi nobilium equitum
globo, qui dimissis equis per anfractuosos tramites
pedibus rem gerendam putabant, disiecta passim gla-
cie niuëque, tanta ui adorti sunt, ut Masius & Co-
lumna pulsi disiectique, locum, quem ceperant, amis-
sis equis desererent, & Memorantius inde sinistror-
sum paratos commeatus cum ualida equitum & pe-
ditum manu, ad Taurinenses inedia laborantes ma-
turè transmitteret. Exinde Francisco rege subsequen-
te, Sebusiana uia Gallorum agmina se demiserunt, ne-
que quisquam hostium obstitit, moxq; ad Villianā op-
pidulum peruentum est, ubi Neapolitanus centurio
cum paucis antiquæ turri præsidio impositus, subie-
ctum iter uie militaris impediēbat, nec ullam deditio-
nis significationem dabat. Cuius stulta pertinacia of-
fensus

fensus Memorantius, quòd indignum esset regem, nisi
 pacato itinere transire, ni statim se dederet necem cõ-
 minatus, tormenta produci iussit, atq; oppugnare tur-
 rem coepit. Nec mora præsidarij intellecto perisulo
 animum despondentes, necessitati cessare. Sed Memo-
 rantius centurione conseruato, quòd sibi dissimiles na-
 ctus esset milites, & regijs stipendijs adscripto, milites
 eius præsidij ad unum omnes laqueo suspendit, qui im-
 portuna temeritate tantam uim regijs exercitus se fer-
 re posse credidissent. Ab hac Villiana turre Franciscus
 compositis copijs per plana loca descendit, præcur-
 rente Gulielmo Langeo cum ala leuis armaturæ e-
 quitum usq; ad Montecalerium, quo in oppido ad Pa-
 dum posito, Petrus Ciconius Insiber expediendis com-
 meatibus præpositus, ingentem frumenti uiniq; & pe-
 coris, reliquæq; annonæ copiam ex ipsa incolarum,
 messe atq; uindemia contulerat, uel improbante Va-
 stio, qui id oppidũ ab initio defendi posse minimè con-
 fidebat. Ad primum itaq; Langei aduentum, Ciconio
 imparato & deserente commeatu suos omnes, occu-
 patum est Montecalerium, regiusq; inde exercitus,
 parto de hostibus per amplo commeatu, sese affluentis-
 simè aluit. Constat Vastium ipsi Ciconio uehemen-
 ter iratum fuisse, quòd ille in spẽ priuati quæstus, tan-
 tam uim commeatu in alia tutiora utiq; & commo-
 diora oppida, uti ipse iusserat, non esset dispartitus:
 Propterea, cum Ciconianis carris, qui oppido onusti
 educebatur, occurrisset, trahentib. plaustra bobus cru-
 ra manu sua præcidisse, interficiq; iussisse, ut ea quoq;
 iactura Ciconius afficeretur. Cui facto fugaq; Ciconij

superueniens Langeus, regi non illepidè renunciauit, eo die se luculentissimè coenaturum, postquàm sibi duo hostium clarissimi, cum pistoris & cauponis, tum lanij operam prætstitissent: Ciconius scilicet, qui dignitate erat comes, atq; ipse Vastius tanti nominis imperator, postquàm hic occisis bobus præpingue parasset obsonium, ille uerò albicātis coctæ Cereris, & optimi uini cadis onusta plaustra reliquisset. Cogitauit subinde Vastius, circumiectis oppidis propere communis uel impar uiribus, hostes ad pugnam laceffere, instructo uniuerso equitatu, qui per nocturnum tempus regia castra inuaderet, & Gallos more suo audacter in pugnam erumpentes, ad instituta insidiarum loca, ubi peditatum ipsosq; præsertim sclopettarios disposuisset, ex occasione pertraheret. Sed ea nocte susceptus labor Cesarianis, cum nusquam se obtulisset hostis, in irritum cecidit. Audiui ego postea à Vastio non iusta pugna, sed tumultuario tantum prælio hostes aggredi cupiuisse, quoniam peculiare suum robur in Germanico pedite constaret, quem Federicum Eustembergii superiore æstate adduxisse memorauimus, qui eius Gulielmi Gallo regi militantis germanus erat frater, ita ut nequâquam rectè fraternæ acies in pugne discrimen conferendæ crederentur, quandoquidem uterq; frater alterum deprauare, & ad se traducere contenderet, qua in re Gulielmus astu & uiribus superior, tanquam fratrem facile Germanico sanguini parsurum & à uictore iam rege amplissima præmia relaturum in partes facile perducere posse quibusdam suspiciatibus ingenijs appareret, quanquam Federicus uirtute religioneq;

H
religionē
cus uerū
suarum par
meatu consi
prosperet.
gio literæ a
strum scem
mis princip
nam Eleon
uirilis inge
tur, ad Mar
contender
inanes, usq
uirisq; par
menter ac
bus ante
dia restin
formulā, q
tissimāq; p
stio signific
Cesare res
ab armis e
maximè la
pia plurim
dienda esse
necesse fore
Gallie Cisa
ret. Men
pecuniam
libus impe

religionēq; animi melior, constantissima fide suum decus tueri statuisset. Quū Casariani regijq; pari studio suarum partium oppidis nouo præsidio, nouoq; com-
 meatu confirmandis occupati essent, & Vastius intētē
 prospiceret, quōnam uexilla regia uerterentur, è Bel-
 gio literæ allatæ sunt regi, quibus certior fiebat illu-
 strium foeminarum auspicijs, inter ipsos certantes ar-
 mis principes propinquos suos inducias percussisse:
 nam Eleonora regis uxor, & Margarita item soror
 uirilis ingenij mulier, quæ Nauarra regina uocaba-
 tur, ad Mariam Pannoniæ reginam Cesaris Germanā
 contenderant, detestantesq; diri belli causas tanquam
 inanes, usque adeo appositæ egerant, ut Maria ad idem
 utriq; parti utilissimum pietatis & pacis decus, uehe-
 menter accenderetur, ijsdemq; ferē cōditionibus, qui-
 bus ante septē annos ea immania diuturni belli incen-
 dia restinxerant induciæ dicerentur in eam descriptæ
 formulā, quam principes in spem mutui colloquij cer-
 tissimæq; pacis essent probaturi. Itaq; Memorātius Va-
 stio significauit inducias esse factas, matureq; ipsum à
 Cesare resciturum, quibus conditionibus in posterum
 ab armis esset discedendū. Harū induciarū beneficio
 maximè letatus est Vastius, uel ob id quod pecunia ino-
 pia plurimū angeretur: nam si producendo bello expe-
 dienda essent stipēdia, & confirmādi in officio milites
 necesse fore providebat, ut immanib. tributis impositis
 Galliæ Cisalpinæ, ciuitates expilatas diu antea euerte-
 ret. Menstruam siquidem per id tempus iussu Cesaris
 pecuniam ex censu cunctis omnis generis prouincia-
 libus imperarat, tanta quæstorum exigentium acerbis-

tate, ut populus passim diri seculi calamitatem lugeret, neq; ipse Vastius suo pte ingenio liberalis, & minime rapax, abstinere à lachrymis, utpote, qui firmiorem Cesari eius dominatus possessionem futuram arbitraretur, si Cesar beneuolentia iustoque amore continere populos, quam impotentibus auarissimisq; imperijs coercere mallet. Nec multò post à Cesare de iisdem inducijs certior factus, dignum seipso humanitatis officium suscepit, & ad Carmagnolam regem castra habentem, honoris causa inuisit. Profectus est è castris suis cum ornatissimo praefectorum & centurionum equestri comitatu, ut quibus fideret uiribus, uirisq; polleret, Gallis ostentaret: nam Hispani ante alios ornatum mirè studentes, uetera uictoriarum suarum insignia, aureos torques, & cristas, ut maximè essent conspicui, desumpserant, Federicusq; ipse Fustembergus, quum Vastij lateri haereret, fratrem tanquam de genere à familia, obliquis & trucibus oculis, nihil porrecta dextra salutauit. Rex enim copias suas, quà transiturus esset Vastius hostium imperator, ita digesserat in ordines, ut cuncta pedestrium maximè copiarum praesidia ostenderet, Exceptus est Vastius leta tormentorum omnium dispolitione salutatus, deducenteq; Memorantio magistro equitum, honoris causa inter regem Delphinumq; filium medius est receptus, tanta humanissimi regis comitate, ut sicuti ipse hospitè, ita tot eius duces & centuriones, à Gallis, qui eosdem ducerent ordines, cõplecterentur, & salutandi regis causa singuli ad dextram osculandam deducerentur. Multa denum rex ipse cum Vastio colloquutus, repetita uertere

H
tere familia
pacis lucien
pretium esse
tis autè inter
piis legibus,
tur, Vastius d
pes rursus tr
pia iam hyer
iplos dies in
Exechium ui
sequuta est,
intendit, ut
blice causa
tur. Cui ho
praebuit, q
tum expe
stiani nomi
suarum inc
ta pertulisse
dem pietatis
Solymanus
ipso sacrosan
die controu
finire matur
tranquillitas
uersus impio
esse iudicare
turam conue
ceam Proui
dij Allobrog

tere familiaritate, de induciarum ratione, & tota spe
 pacis luculentissimè differuit, quæ nequaquam operæ-
 pretium esse putamus, ut hoc loco referantur. Constitu-
 tis autè inter se finibus Subalpini imperij, & præscri-
 ptis legibus, quibus utriusque præsidij milites uteren-
 tur, Vastius Mediolanum reuersus est, & rex ipse Al-
 pes rursus transcendens, in ulteriorem Galliam, cœ-
 pta iam hyeme redijt, sic, ut hic aduentus regis in eos
 ipsos dies inciderit, quibus Ferdinandi regis copię ad
 Execchium uictæ deletæq; sunt. Per eam uerò, quæ sub
 sequuta est, hyemem, Paulus Pontifex enixè operam
 intendit, ut Carolus ipse Cæsar, & Franciscus Reipu-
 blica causa in colloquium uenire minimè grauaren-
 tur. Cui honestissimæ postulationi neuter se aduersum
 præbuit, q; is conuentus multis de causis utrique mul-
 tum expedire censeretur, uel si publicum decus Chri-
 stiani nominis respicerent, uel si priuatis prouinciariũ
 suarum incommotis, quæ tot diuturni belli detrimẽ-
 ta pertulissent, consulendũ existimarent. Summæ siqui-
 dem pietatis munus suscepturos apparebat, postquam
 Solymanus undique Christianis clades importaret, si
 ipso sacrosancto Pontifice sequestro pacis atq; cõcor-
 diæ controuersiam multarum gentium malo diu alitã
 finire maturarent, ut Europæis gentibus certæ pacis
 tranquillitas pararetur, atq; obiter de sacro bello ad-
 uersus impios gerendo, coniunctis uiribus cogitandũ
 esse iudicaret. Opportunissimam autem omnibus fu-
 turam conuentui sedem Pontifex decernebat apud Ni-
 cæam Prouinciæ urbẽ, quæ erat ditionis Caroli Sabau-
 dij Allobrogũ principis. Is utriq; arcta propinquitatẽ

coniunctus, & utriusq; dissidentis iniuria multo maxima regni sui parte spoliatus, ius sibi reddi perpetuis querimonijs postulabat, putabatq; eo principum colloquio disceptationeq; in integrum restitui debere, postquam tandiu pessimè mulctatus, frustra haecenus diu atq; hominum fidem implorasset. Itaq; ad magnā spem futurae concordiae, & Caesar ipse ab Hispania, adducente cum Auria, in portum Herculis Monœci, qui Villafranea hodie dicitur, secunda nauigatione peruenit: Franciscus autem, quum Pontifex ipse cum maxima senatus parte ad Alexandriam, excipiente cum ipso Vastio cum legatione Mediolanensium, Nicæam peruenisset, profectus per provinciam ad Villanovæ oppidum ultra Varum amnem, terrestri itinere, magna omnium letitia peruenit. Ceterum Pontifex, qui tantum itineris laborisq; exactæ ætatis senex, studio reipublicæ susceperat, impetrare non potuit, ut ipsi reges in complexum atque colloquium se postulante presenteq; deuenirent: uterq; tamen seorsum in uilla quadā suburbana Pontificē Christiano more uenerati sunt. Eleonora autem regina cū Margarita priuigna lectissimorū morum puella, Ioanne Lothoringia cardinale, atq; ipso Anneo Memorantio classe deducentibus, Cesarem fratrem inuisit. Erant qui tum existimarent, neq; Cesarem, neq; Franciscum, postquam è tam longo terrarum tractu ad Pontificem peruenissent, à colloquio (ut credi par est) abhorruisse, sed quodam occultiore consilio Pontifici tantæ uoluptatis, & laudis, famæq; successum inuidisse, quasi existimarent Pontificem nequaquam studio religionis sed

sed priuatim sui commodi spe ipsorum colloquium
expetisse, quoniam Margaritæ Austriæ, quæ Alexan-
dro Medici nupta fuerat, nuptias pro Octauio nepo-
te affectaret, & Clemētis exemplo, Victoriam neptē
domui regiæ, coniectis in Vandomium oculis, insere-
re percipere uideretur. Caesar tamen per internun-
cios Francisco pollicitus est, se in eius complexū, prius
quàm in Hispaniam renauigaret, uti mox euenit, de-
uenturum. Per eos dies Vastius, quū in colle, qui por-
tui imminet, castra haberet, in morbum incidit ualde
periculosum, quo impeditus, quum ad eundi regis offi-
cio fungi nequiret, me, qui ipsi languenti aderam, ut
ipsius munus implerem, ita ad regem misit, ut ad eum
nobilissimos Insubrum proceres, qui produci cupie-
bant, trireme mecum adueherem. Excepit singulos his
manifestè rex, in omni re ad parandam beneuolen-
tiam & gratiam proclinatus. Erant enim illustrium
familiarum honestissimi scilicet, Vicecomites, Bonro-
mei, Somalij, Pusteruli, Galeracti, & Cribelli. Sed ea
in re Vastius opinione sua mirum in modum deceptus
est, quum de concordia regum fidentius sperasse uide-
retur. Volebat enim summæ nobilitatis Mediolanen-
sium primores suo beneficio conciliari Francisco, qui
ex usu futuræ concordia, Insubrum imperio potiturus
esse credebatur. Nam fama erat Casarem Mediola-
nensis imperij possessionem Carolo Aurelione regis
filio ex autoritate Augusti imperij collaturum, ut
parta pace, tum demum aduersus Turcas amplissi-
mis Galliæ opibus uteretur. Sed qui usu rerum uale-
bant, atque intimos utriusque principis sensus iam-

pridem introspexissent, liberè prædicabant, neq; Cæ-
 sare in ulla pactione opulentissimo Insubrū regno de-
 cessurum, neq; Franciscum ex aduerso, donec eo po-
 tiretur, arma positurum. Hoc tamen obtinuit Ponti-
 fex, ut inducias à reginis, ut diximus, in Belgio conce-
 ptas & promulgatas, ipsi reges in nouem annos solen-
 ni ad stipulationem sancirent. Quum de his rebus com-
 meatibus ad Nicea, hinc ad Villafrancham, ubi con-
 stiterat Cæsar, & illinc ad Villanouam, ubi erat Fran-
 ciscus, crebris legationibus ageretur, inusitati casus
 res accidit, aspectu quidem primo inopinatè terribilis
 sed mox ridenda iocoso exitu. Stabat in ancoris Cæ-
 sariana classis in ipso Villafranchæ portu, ita ut præ-
 toria ipsius Aurie quadriremis, domui, qua susceptus
 erat Cæsar, ipsiusq; etiam cubiculi fenestræ subijcere-
 tur, & reliquæ triremes diuersas anfractuosi portus
 stationes obtinerent, magnaq; naualis turbæ reliquo-
 rumq; hominum multitudo per ea littora uagaretur,
 quum nonnulli sub meridiem otiosè maria, & colles
 à tergo, in altissima Alpium iuga assurgentes prospe-
 ctarent, densam nubem fumi instar, in altum eleuatam
 conspiciere atq; ita notare cœperunt, ut quum è pro-
 xima turrita uilla ederetur, nec ea densi pulueris nu-
 bes desineret, sed ex interuallis continenter augere-
 tur, pleriq; ex his qui spectabant, proculdubio signi-
 ficationem esse aduentantis inimicæ classis affirmaret
 & tanquā Barbarussa ad opprimendos summos Chri-
 stiani nominis principes, Pontificem, & Cæsarem ad-
 uentare proclamarent. Ea uox, famæque delata
 in portum, peruagatæque oppidum, incredibilem
 cunctis

cunctis pauorem attulit, sic, ut ubiq; magnopere trepidaretur, & Vastius ipse è tabernaculo profiliens, turbatè induta galea, & abrepto scuto ad Cæsarē cum ipsa stationis cohorte descenderet, hortareturq; ut in accliuia atque ardua illarum rupium crependura, & telis atq; lapidibus aduersus Barbaros, si fortasse illac ascendere conarentur, rem gerendā censeret. Stetit in pauidus Cæsar, nec de periculo quicquā temerè credit, tametsi Auria tolli ancoras, iubentē & tumultuosissima classiariorū festinatione triremes obuerti, atq; omnes demū uel incolas, uel externos animis maxime perterritos esse conspiceret. Quum uerò iam speculatoria nauigia ab Auria statim emissa, undique pacata maria renunciaissent, & ad turritam uillam exploratū pleriq; processissent, compertum est à uillico eam nubem densi pulueris, quæ fumi speciem referret, excitatam fuisse, quum ille in arca fabarū aceruum cribrando, & uentilando, à siliquis secerneret, multis siquidē ex interuallo uentilationibus, quæ triginta sex triremium numerum representabant, ab initio notata numeratæq; fuerant: ut primam Barbaricæ classis antecedentis partē esse, uel nautici homines iudicarent, quāquā nullū omnino ullius classis, uel ab altissimis tectis, & collibus, aut uelum, aut malus, aut antenna apertissimo in pelago conspiceretur. Quo præclare agnito factum est, ut omnes ex summa trepidatione in risum inconditosq; cachinnos soluerentur, sic ut ipsorum principū, & ducū intellecta præpropere crudelitatis contumelia, non obscurus pudor mentes perfunderet, atq; is inaudita trepidationis inanīs metus iocosus om-

nium sermonibus celebraretur. Actū subinde est inter
 Cæsarem atq; Pontificē, uti antea compositum fuerat,
 de suscipienda nauali expeditione aduersus Turcas:
 nam noua legatio à Venetis supra ueteres legatos ad
 Pontificem Cæsaremq; peruenerat, cuius principes
 erant, Nicolaus Teupulus, nobilium literarum fama
 clarus, & M. Antonius Cornelius, qui Venetis senato-
 riæ eloquentiæ laude reliquos penè omnes anteibat.
 His quidē æstate iam adulta festinandum esse, atq; ap-
 parari classes postulabant, postquā Venetijs cuncta
 iam parata essent ad nauigandum, magnoq; incōmodo
 futurum esse differerent, si reliquos æstatis menses ef-
 fluere sinerēt, quibus mari res geri posset. Nec multò
 post Franciscus discedens à Pontifice, in regnum suū
 est reuersus, Pontifex uerò Genuam peruenit, exce-
 ptusq; est hospitio in Eliscorum ædibus, quæ sunt ex-
 celsio in loco ad Violatæ tēplum positæ. Exinde classē
 conscendit, partimq; mari usus, partim terrestri itine-
 re, post solstitium ad Urbem peruenit. Cæsar autem ad
 Massiliensium oram delatus, circa Fossas Marianas ex-
 condicto regem eò descendentem cum liberis sua qua-
 drireme prætoria humaniter excepit, atq; arctè com-
 plexus est. Impetrante quoq; Cæsare, Franciscus An-
 drææ Auriæ superiorum tēporum iniurias facile remi-
 sit, quum ad exosculandam dextram produceretur:
 subindeq; plures horas arcanis sermonibus principes
 impenderunt, tanta uel eorū, qui aderant, uel illorū,
 qui id postea ab alijs didicissent, exultatione, ut ferè
 nemo reperiretur, qui non planè existimaret reges
 ipsos deterfis odijs cōciliatos fraternæ amicitie fœdera
 concepisse

concepisse in spem maturæ pacis atq; concordie. Vnus
tamen Paulus ipse Pontifex pro uetere sua prudentia,
ut id crederet, adduci non potuit, postquam parū pio
subagrestiq; amborum principum consiliū colloquijs
exclusus, eius clam appetitæ amicitie ratio, quæ nullā
syncera uirtutis, & religionis speciem præ se ferret,
nequaquam compositi animi diuturnam simulationē
habitura putaretur. Mutua siquidē ambitione corre-
pti, quū hic paria armis possessaq; retinenda omnino
defendendaq; statueret, ille uerō Galliam Cisalpinam,
quā nuper non obscuro iure possedisset, pro dignitate
sui nominis repetendam arbitraretur: nullo siquidem
concordiæ arbitrio sibi opus esse existimabant, qui u-
triq; aliquid detrahendum concordie causā iudicaret.
Certa quoq; inter utrunq; eminebat obrectatio ascen-
dendi sibi Pontificis, quoniam is omnino, cui Pontifex
socius accederet, altero multis rebus potentior euasu-
rus uidebatur, sic, ut uterq; potius cauendum putaret
ne Pontifex alteri æmulo in societate applicaretur &
gerendo bello socium se præberet, quā ut eum ma-
gnis concessis muneribus promerendum arbitraretur.
Grauius tamen in eam rem incumbere Caesar, ut pote
qui antea Nouariam urbem Petro Aloysio Farnesio,
expetente Pontifice, dono dedisset, & tum filiam quo-
que uiduam Octauio Farnesio, uel adhuc prætenere
adolescenti in gratiam aui Pontificis, in matrimoniū
maturatis nuptijs collocare minimè grauaretur. Cuius
contractæ affinitatis factum, Caesaris consilia altius
detexit, quū spreto Cosmo Florentiæ principe, qui id
coniugiū supplex expetebat, filiam uel tum renuen-

tem immatura ætatis adolescentuli thoro illigare, quã non Pontifici morem gerere maluisset, quin & Cesar paulò post etiam non obscure impedijt, ne Victoria Octauij generi soror Cosmo iungeretur, quod nequam in rem suam fore prouideret, si Romana potentia cum Etrusci imperij opibus in unũ belli & pacis fœdus misceretur. Qua de causa Cosmus honestissimo usus consilio, Casaremq; respiciens, cuius se clientem esse profitebatur, ab eo prolis causa uxorem postulauit: qua maximè fidei & uerenda postulatione permotus Cesar, quod leguimi atq; æquissimi iuris uideretur, ei de manu sua clarissimi generis pelluam Federici Toletani Albæ reguli, inter primarios Hispaniæ proceres, uirtute animi fide, atq; opibus præstatisimi neptem desponsauit. Hæc erat Eleonora Petro ipsius Federici filio prorege Neapolitano genita, quæ magno Deo utiq; & diuis approbantibus, Cosmum pulcherrima prole in spem letissimæ successionis parentẽ fecit. Caterum quum enauigaturus esset Cesar, ad eum legatio Mediolanensium peruenit, deploratura iniurias, quas Hispani milites seditiose ad arma consternati, & ab autoritate Vastij discedentes, eorum agris inferebant. Coiuerant siquidem è subalpinis præsidijs audito induciarum nomine singulæ cohortes, ut merita stipendia flagitarent, quæ aliquot mensium sibi deberi prædicabant, usque adeò proteruè atq; insolèter, ut uno consensu profiterentur, se neq; dicto neq; imperio Vastij audientes futuros, priusquàm sibi alicunde tot debita stipendia præsentì pecunia soluerentur, sic ut interim ex præda uictitando fertilissimæ atq; amoenissimæ

nisimæ regionis uicos, uexatis atq; direptis agricolis,
 impudenter atq; atrociter peruastarent, miserrimiq;
 incolæ iusto exterrefacti metu desertis messibus diffu-
 gere cogerentur. Eo modo Hispani è militibus, imma-
 nisimi latrones effecti, occupata uniuersa messe, nam-
 tum desecta erant frumenta, aut in agris, aut in arcis
 rapientium prædæ exposita. Latrocinantium autem
 uexilla castraq; fuerant constituta ad per amplum Ga-
 leritæ oppidum mercatu celebre, ita appellatum de
 nomine olim Galeritæ legionis, quæ à C. Iulio Cesare
 in his locis consedissee, condidisseq; coloniam existi-
 mari potest. Id est positum media ferè in regione agri
 Insu brum, quæ oppidis & uicis frequens, summam
 fertilitatis & opportunitatis obtinet claritatem. Ea
 siquidem, Ticino amne clauditur, uberrimisq; diffusa
 campis, ad Abduam usq; sese extendit, sic, ut urbs Me-
 diolanum quandam umbilici speciè præbeat. Conster-
 nata autem multitudinis ea erat licentia, impunitate
 sensim aucta, ut nequaquam ea regione, quam obtine-
 rent contenti, remota etiam oppida truculentis impe-
 rijis territarèt, atq; ab eis quotidiani tributum numeratæ
 pecuniæ uestigal exigèrent, & segniter parentibus
 omnem cædis atq; incendiorum cladem denunciarèt.
 Quamobrem Baptista Archintus ciuili facundia insi-
 gnis, qui erat legationis princeps, in hunc fermè mo-
 dum Cesarem est alloquutus. Per ampla Mediolanen-
 sium ciuitas immensis nuper opibus potens, sed re-
 centibus diri belli ærumnis atq; miserijis deformata,
 quæ suis malis finem imponi, & sibi ad diuturnā tran-
 quillitatem sub tuiela tui nominis aditū pandi, in hæc

præsertim tanta spe futura pacis, facile credidisset,
 inopinatio nouam, & prioribus quidem malis acer-
 biorem cladem subit: nam si calamitosum est bello ab
 hoste diripi, multo quidem miserius est in pace uastari
 à socijs, atq; inexpiabilis contumeliæ detrimenta, &
 iniurias pati. Proinde miseri Insuæ, æquissime Ce-
 sar, ad te confugiunt, & uehementer orant, ut pro Au-
 gusta tua uirtute, religiosiq; animi clementia & pie-
 tate, se defensos & conseruatos uelis ab immanitate
 impudentissimorum latronū. Hi sunt ueterani Hispani
 tui milites qui dum uictorias de hostibus tibi para-
 rent, ea licentia opes nostras iampridem, sicuti cala-
 mitosi & uiolenti seculi iura postulabant, prædæ sic
 habuerunt, ut etiam nunc extremum nobis sanguinem
 exhaurire contendant, quum te debitorem suum ex-
 dilatis stipendijs rapaces, & immodici petulanter ef-
 fungant, ut causam non iniqui militaris iuris se nactos
 appareat, unde liberè & impunè oblata quæq; diri-
 piant, graui quidem offensione æquissimi tui nominis,
 sed multo grauiore rerū nostrarū incommodo, uel ob
 id, quod, quæ imperaueris ex usu tuo à nobis pecuniæ
 subsidia ad egestatem redactis, in posterū præstari non
 poterunt. Occupauère illi nefaria seditione excitata,
 Insuæ agri opulentissimā regionem, interceptisq;
 messibus cuncta in prædam uertunt, & in proximam
 quoq; undemiam auidissime spectant, nimirum qui ab
 auctoritate Vastij ducis, senatusq; & deniq; à maie-
 state tui nominis inuerecundè rebellarint, confisiq; ar-
 mis Insuæ nominis homines tanquam ad obsequia
 iussaq; tua paratissimos facile contemnunt. Matura
 itaq;

itaq; opetua, iustissimè Caesar, nobis opus est, ne dum frustra conquerimur de iniurijs, miserabili excidio fertilissimæ regionis mulctemur. Duplex siquidem ferendæ opis ratio tibi offertur, Caesar, nam aut stipendia, quæ milites improbè roflagitant, si iusta sint, præsentî pecunia persolueda sunt, aut si iniquiora peti uidebuntur, neq; tibi præsens auri facultas suppetat, nobis concedas obsecramus, ut impunè saluoq; maiestatis tuæ numine nostras iniurias de peruersissimis latronibus domesticis freti armis ulciscamur. Aequum enim est, ut illi, qui tuas uictorias insolentissimis maleficijs deformant, & tibi undequaq; uictori, optimoq; principi, hac impunita scelestaq; defectione, ueræ uirtutis tuæ laudem, & deniq; speratam apud omnes gentes gloriam eripiunt, dignas inusitata contumacia, atque impia rebellionē poenas pendant. Caesar nihil ad ea respondit, sed contracta fronte, austeroq; uultu Archintum tanquam nimis libero ore loquutum, ad Peronotum Granuelium summis negotijs præpositum remisit, ita ut ipse Caesar per ianitorem continuo eum permoneret, ut legatum audacius loquutum asperis castigaret uerbis, uel ob id præsertim, quod non obscure prædicaret, insubres ex tantis contumelijs ad arma excitos, nisi Caesar prouideret, Hispanos ad unum omnes, tanquam improbæ extremæq; malignitatis & auaritiæ homines, paruo negotio concisuros. Itaque Granuelius adeuntem legatum contumeliosè prope reprehendit, quod nimia oris libertate usus, principis maiestatem arroganter offendisset. Qua in re Archintus eo modo officij

sui necessitatem excusauit, ut multo plura atq; atrociora Mediolanenses facturos testaretur, ut res suas atq; uniuersæ immeritæ ciuitatis iniurias uindicarent, addens spumanti ore, Ergo Granuelli, qui Cæsaris cōsilio prees, si non omnino ferus sis, pati poteris, ut ea ciuitas, quæ nulla aut fidelius, aut accuratius Cæsaris nomen colit, indignis perpetuisq; nefariorum militum latrocinijis euertatur, quando ea uos omnes, non modo præbitis stipendijs ditet, sed uniuersam etiam Cæsaris aulam à multis annis alere consuecat? Caterum neq; à Granuelio, neq; ab ipso Cæsare his grauissimis obtestationibus quicquam aliud impetratum est, præter literas, quibus Vastius admonebatur operam dare, ut aliqua pactionis ratione, tanto prouinciæ incommodo mederetur. Hæc ubi sub ipsum Cæsaris à Nicæa discessum ex legatione renunciata, & per urbes Cisalpinæ Gallie euulgata sunt, usque adeo tantum ex rei indignitate odium Cæsari creuit, ut omnes ex rerum desperatione facile defecturos appareret, si mitior & clementior, qui dedentes reciperet dominus offerretur. Immoderatis siquidem pace belloq; tributis oppressi, noua etiam tum menstruæ exactionis onera pertulerāt, quæ nunquā desitura boni mortales crederent, donec uiueret Cæsar, atq; Italiæ imperio potiretur. Sicut nō alia de causa uictorias de hostibus quæ fuisse existimari posset, quàm ut serendo bella ex bellis, perpetuò milites aleret, atq; ideo subactas prouincias immitti dominatione ad egestatem redigeret. Optabant siquidē prouinciales, ut Cæsar nequaquam similis euaderet quibusdam superiorum tēporum Cæsarib. Germanis,

qui

qui non in amore atq; beneuolentia subiectarum gentium, sed præcipuum potentie suæ robur in ueterano milite prædæ alito, reponere consueuissent, ob idq; Henrici, atq; utriusq; Federici, & Ludouici Baioarij, & Caroli quarti exëplis, miseras Italiae ciuitates, quæ liberæ atq; opulentissimæ dicerentur, sibi prædæ destinassent, postquam illud uetus inclytæ laudis & famæ studium, quo generosissimi olim principes præclaras res bello gesserint, apud huius seculi principes uigens defierit. Pauci siquidem post Carolum Magnum ad ueræ pietatis & gloriæ decus rapi uisi sunt, quum nemo ferme arma tractarit, ut bona pace parta fineretur, et admirandis iustæ uirtutis monumentis seculum suum florentius & luculentius efficeret, sed ut uictorijs & bellis nunquam modum imponendo, insatiabilem animi libidinem posteris testaretur. Id enim hodie præclarum atq; magnificum uidetur ad mutuas clades intestinis grassari bellis, ut immanem illam belluam ab oriente nostris disidijs excitatam prouocemus, uastataram proculdubio cuncta, quum nos ualido concitata impetu affectos uiribus miscerëq; dissidentes inuasit. Porro Vastius his acceptis à Cæsare literis, quum pacandis militibus, & ad officium reuocandis satageret, singulos eorum tribunos, quos, ex urna sorte eductis nominibus, cum potestate imperij in singulas hebdomadas creabāt, & propter publicæ causæ patrociniū, honoris gratia, electos appellabant, sigillatim pertentabat, antea actiq; omnis maleficij impunitatem & præmia insuper pollicendo, mollire contendebat, sed ueteratores eximij, quū ex opimis rapinis ditescerent, &

ex tanta licentia luxuriosissimè uiuerent, nec quicquid timerent, nihil sani consilij, contemptis Vastij monitis atq; promissis, ad animū admittebant, utpotè qui corruptis moribus in delicto perseuerare, quā ad uetera militiæ munera reuerti mallerent. Quamobrem cō res utrinque altercando deducta est, ut Vastius, qui multis de causis Cesari obtemperare uelle uidebatur, uel rebellibus nullo pacto uim adnouendam esse iudicaret, sed imperandam populis pecuniam, quæ seditioso, ac ob id atrocem pœnam meritò militi præberetur. Ea imperata, ad summam undecim myriadum, quum paucorum dierū spatio exigi non posset, neq; milites promittenti duci fidem adhiberent, Vastius non recusauit filium eis obsidem tradere, ut interim, dum representaretur pecunia, à maleficijs abstinerent. In ea transactione cautum est, ut milites è Gallia Cisalpina decedentes, uti iubebat Cæsar, nauali bello, quod tum aduersus Turcas enixè parabatur, operam nauarent. Deducti itaq; sunt ad classem, quæ in Liguria exornabatur. Fuere hi qui classem impleuerunt circiter quinquaginta millia hominum. Reliqua uerò pars per Tridentinas Alpes in Germaniam est traducta, ut in Pannoniæ praesidijs disposita Turcarū incursiones sustineret. Accidit autē, ut quum secundo Eno flumine deueherentur, duo nauigia illisa petris rapido profluente paucis enatantibus mergerentur, ita ut Cisalpinæ Gallie homines à multis execrationibus eos ultore Deo magno meritis maleficij pœnas dedisse crederent. His foederibus, quæ antea Romæ inter Cæsarē et Venetos, socio atque authore Pontifice, percussa fuerant et de congressu

gressu Caesaris, & Francisci regis, Pontificisq; protectione Byzantij nunciatis, Solymanus, quum aduersum se maritima arma parari prospiceret, Hariadenu Barbarussam exornare classem iussit, ut mature Hellesponto egressus hostibus occurreret, & quanta posset detrimenta, aditis, uexatisq; insulis, Venetis inferret. Quo accepto imperio Barbarussa ingenti cura, laboreq; classem refecit, deductisq; ad littora quos antea descripsisset, prouinciarum remigibus, naues impleuit, atq; omni militari apparatu diligentissime instruxit. Helleponto, Gallipoliq; prouectus in Cretam insulam cum centum triginta nauibus, quæ remis agerentur, cursum direxit, primumq; omnium superato Cyamo promontorio, quod hodie Spate nomen obtinet, Caneam urbem, quæ Cydonia olim fuit, adortus, magnam suorum partem temere exposuit: nam Gritto patritio prætore firmis prædijs tuente urbem, Turcarum impetus eum habuit inconsultæ audaciæ successum, ut quum undiq; è mœnibus, & propugnaculis cum multo reboatu maioribus, & minoribus tormentis peterentur, atq; Italice duæ cohortes eruptione facta perturbatos hostes inuasissent, multis suorum amissis Barbarussa receptui canere cogeretur. Constat eum, quum suos reuocaret ad classem, nimia naualis pugnae trepidationis supra mille Turcas, qui longius prædatum à litore processerant, deseruisse, qui ad unum omnes non multo post ab armatis Cretensibus interfecti sunt. Exinde Drepano promontorio, quod Melacham uocant, superato, in Amphimaleum sinum, qui hodie nautis Suda est, classem intulit, quum Ioannem Morum totius

insule præfectum multis millibus Cretensium coactis, atq; adiuncto Italicarum aliquot cohortiũ præsidium Cydonijs opem celeriter allaturum didicisset, inde ad Ritimnam, quæ est hodie Retimum, urbem nobilem processit, pariq; euentu ab ea urbe munitissima repulsus est, quod priusquam trirèmes ad oppugnandum appropinquarent, Ritimnenses contortis in eas maioribus colubrinis, non paruoq; detrimento illato eas auertissent. A Retimo ad Dion promontorium quod Fraschea hodie dicitur, profectus est, moxq; deflexit ad urbem Candiam, ab hoc Dionis promontorio decem millibus passuum distantem. Hæc urbs olim Cytheum fuit hodieq; toti insule nomen suũ præbet. Hanc Barbarus contemplatus, q. eam longè omnium munitissimam rebatur adoriri non est ausus, sed sese ad orientale insule caput, quod est Salmonium, conuertit, Ceciliamq; oppidulum desertum ab incolis, succendit, atq; ita Cretensibus littoribus abscessit. Nam Vincentiũ Capellium, Venetæ clas̃is præfectum, qui iam Corcyram appulisset, Cretensibus rebus maturam opẽ allaturum intelligebat. Qua de causa Alexandrũ Bondemerium cum suo insigni galeone, atq; altero ingenti nauigio, quod Barciam uocabant, omni tormentorum copia, præsidioque militum instructissimo comitante Pasqualico patricio cum uiginti quinque trirēibus Zacynthum peruenisse speculatores renunciabāt. Per idem quoque tempus ueluti maligno quodam exorto sydere, par diræ consternationis insania inuasit Africanas Hispanorum cohortes, quæ aliquandiu meritis stipendijs fraudatæ, atq; ea frustra postulantes seditiosẽ tumultuari

tumultuari apud Guletam ceperant. Propterea Bernardino Mendocius Hispanicae classis praefectus non temerè Numidarum atq; Astorum, propter incertam gentis fidem, arma ueritus, quum seditiosorum tumultum oratione & precibus sedare non posset, ea labe hominum exonerare Africam cogitauit, ita ut eos omnes in Siciliam transfunderet. Nam eis neq; stipendiis à prorege Siciliae, neq; alimèta in ipsa summae fertilitatis regione defutura pollicebatur. Sed postquam in Siciliam peruenire, quòd neq; Ferdinandus Gonzaga prorex expeditam pecuniam se habere diceret, neque Siculi tot externos hospites priuato sumptu alendos æquis animis susciperent, Hispani, uti erant ueterani ad sex millium numerum, agros atq; oppida impetu facto inuadere ceperunt, indignantes q; ex forti fidelique tot Punicis bellis nauata opera, ingratis demum speratis stipendijs excluderentur, nec quibus miseram uitam confecti uulneribus & morbis, & egentes tueri possent, ex agris, minusq; benignis incolis alimenta reperirent. Quibus de causis necessitate quadam eius flagitiosae secessionis scelus obtegentes, signa & duces atq; signiferos deseruerunt, & qui erant iuxta Messanam apertos pagos diripere aggressi sunt, cessereq; eis in prædam ante omnia uici nullis obsepti muris, Castaneta, Montefortis, S. Lucia, quorum incolae ad munita oppida confugientes, & de suis incommodis frustra conquerentes atrocis & uerè hostilis iniuriæ famam ex sociorum impotenti impetu per totam Siciliam excitabant. His scèdè direptis ad Castrum munitum oppidum perrexerunt, murumq; undiq; corona expugnare

conati defendentibus sese Castris ita repulsi sunt, ut amissis ad quadraginta militibus, multisq; relatis uulneribus, q; fortè seua tempestas cum denso imbre exorta sclopettorum funiculos extingueret, re infecta se recipere coacti sint. His cognitis rebus Gonzaga Aluarem Sandeum castrorum magistrum, qui incolas Siculos in unum cogeret atq; armaret, & in seditiosos impetum facturi speciè præberet, in loca opportuna premisit. Sed usque adeò his pagorum direptionibus efferata erant Hispanorum mentes, ut proregis deprecationes atq; imperia contemnerent, nullamq; pacati animi, ut redire ad sanitatè se uelle ostenderent, significationem darent sed effusus quotidie atq; crudelius in Siculos grassaretur, ut itum accidit, quum Sandeus cū armata agrestium multitudine in cōspectum se dedisset. Hispani nihil his territi minis, minimè dubitarūt, quin interiectā uallem illicò transirent, factoq; impetu, omnem eam Siculorum turbam profligarent, & in præaltos montes aufugere cogerent. Exinde præfectorū & signiferorum loco, qui à seditiosis discesserāt, ne tam fœdæ consternationis socij esse uolebāt, tribunos crearunt, qui Electi dicebantur. Horum imperium triduo finiebatur, atq; eis alij succedebant, omnibus tamē qui certo perpetuæ potestatis iure præesset, quendā Hærediam cunctis suffragijs extulerunt. Hūc erudita facundia præpotentē, quod antea cucullatus sacerdos, & in sacris concionibus exercitatus fuisset, supremi scribæ & consiliarij munus implere iuebant. Huic autem attribuerūt rerum capitalium ministrū Mondraconem Cantabrum, qui oblatos quosq; equos arripiebat, quos apparitori-

apparitoribus suis distribueret, exornataq; inde numerosa ala, ad parandos commeatus, rapiendamq; omnis pecoris prædâ, regiones proximas percurrerebat. Primum omnium Hæredia persuasit militibus ut in Rocella oppido, quod nobilis Siculi è Spataphora familia ditionis erat, omnia impedimenta & sarcinas, sortaq; & inutilem famulantium puerorum turbam deponerent. Quo facto ad oppidum Randatium, quod est ad radices Aetnæ montis positum (id olim Tria-tium fuit) hostili animo duxit. Randatiani ubi formidabiles ad se Hispanos uenire cognouerunt, ad eos cum infulis sacerdotes præferentes crucifixi Dei Christi uexillum, qui iniuriam deprecarentur, emiserunt, eisq; bina cœnobîa per ampla, quæ erant extra oppidum, hospitali iure concesserunt, ita ut si à maleficijs temperarent, quotidie ab oppido se cibaria gratuito summissuros pollicerentur. Confederunt satis æquo animo in cœnobîjs Hispani, sed fortè accidit iniqua oppidanorum sorte ut Hispanus miles è muro glande sclopetto emissa sit interfectus: quo casu faciliè permoti milites, non obscure exoptatam expugnandi oppidi occasionem arripuerunt, sic ut concitati ad arma admotis proximæ portæ ignibus, fores concremarent, & ualuas ardentes multo hastarum nixu intus propellerent, & in oppidum ir-ruperent quicq; media ferè nox esset in foro constitutis ordinibus nusquàm discurrendo consisterent. Tum uerò animaduersum est oppidanos per aduersam portam, quæ dudum semiobstrecta fuerat ægrè effugisse, & in domibus, non paruam rerum suarum copiam, & scæminas natu grandiores deseruisse. Atque ita Hispani

potiti oppido, Heredia iubente partiti inter se hospitia, per regiones uigilias instituerunt, tresq; ibi menses per hyemem usq; ad prima Veris signa opiparè et copiosissimè omnibus abundantes rebus hybernarunt. His tantis malefactorū contumelijs affectus Ferdinandus, tametsi uera ui, atq; armis ea latrocinia cocercenda atq; omnino uindicanda existimaret, adhortantibus præsertim Siculis proceribus, et suam peracrem in conficiendo negotio operam pollicentibus, nihilominus alia prius ad sanandas seditiosorum mentes experiunda remedia iudicabat, quòd ueteranam atq; inuictam militum manum nisi multo cum sanguine, et funesto utrinq; successu superari nō posse prouideret. Neq; enim militibus pares uideri poterant Siculi, uel in uniuersum uiri acres armisq; dediti, ut qui semper inter se contentiosi sanguinarijsq; sint, et priuatim quisque loricam aut thoracem et galeam, uel in pace induat, et uarijs atq; mortiferis quibusdam utatur telis, quæ in hostem eminus contorquētur. Ea sunt spari tripedales acuto præfixi ferro, et manubriatæ fundæ, quibus ex coriaceo nidulo uolema saxa Balearico more iaciunt: et huius generis armatorum hominum supra uiginti millia se coacturum Simeon Vintimilia Hieracensis regulus, pollicebatur, uir quidè corpore pusillo, sed generosa animi magnitudine præditus, et peramplis opibus potens, qui uetustum Siciliæ decus aduersus externos tueri magnoperè cupiebat. Sed pro regi Ferdinando tum Cæsari tum Siculis calamitosum fore uidebatur, si is tumultus temerè excitatus, ut accidere necesse erat, dubio et cruētissimo prælio finiretur utpote

utpote qui reputaret summis uiribus milites, qui iustis
 & militaribus armis essent instructi, desperata salute
 esse dimicaturas, neq; Siculos multitudinem sua, atque
 ineptis in acie fretos armis ueterani militis impetum
 diu laturos intelligebat. Igitur alio modo sibi agendū
 ratus, ut seditiosos pacaret, & ex tuto eorum impro-
 bitatem atq; insolentiam ulcisceretur, per idoneos co-
 rum praefectos, qui apud contaminatum scelerib. exer-
 citum remanere noluerāt, & in officio apud proregē
 persistebant agere coepit. Hi fuere ipse dudum castro-
 rum magister Aluarus Sandeus, & Ioannes Vargas, et
 Sancius Alarconus, & Alonsus Viues, qui apud mili-
 tes eximiam auctoritatem obtinebant. Per hos ageba-
 tur apud milites, ut ad sanitatem redire uellent, post-
 quam prorex eis integra fide omnis maleficii impuni-
 tatem promitteret, & quatuor mensiū stipendia prae-
 senti pecunia persolutorum polliceretur: quod si mili-
 tes sibi usquequa; Siciliam magno Caesaris in eō modo
 peruastrandam susciperent, nemini unquam ad penates
 redditum in Hispaniam fore, atq; omnes simul tanquam
 perfidiae damnatos hostilia totius Siciliae arma aduer-
 sum se publico edicto cōcitata infelicitate experturos.
 His denunciatis Heredia, fortuna suae ignarus, graue
 & luculentam concionem ad milites habuit, facileq;
 persuasit, ut oblata stipēdia accipere, & redire ad offi-
 ciū, quam iratis Siculis obijci, notatiq; infamia patriae
 exilio mulctari mallent. Susulere uniuersi dextras, &
 conditionem approbarunt, modò sibi de impunitate
 caueretur: & multi quidem Gonzagae seueritatē non
 temerè ueriti postularunt, ut sibi liberorum natu ma-

ximus pro obside traderetur. Sed res deducta est ad
 iusiurandum & ad sacramenti religionē, eo pacto atq;
 ordine, ut apud uicum, cui Linguae grossae nomen est,
 medio ferē itinere inter Messanā, atq; Randatiū institu-
 tis solēnibus sacris & prorex & legati exercitus con-
 uenirent, id magno pere probante Ioanne Varga, quē
 pleriq; ueteranorū parentē appellantes maximē cole-
 bāt. Primos enim honores gesserat in exercitu per an-
 nos uiginti, quum Aurantiū, interfecto ad Hispellum
 Ioanne Dorbino, hunc praecipuē Vargā illius signifi-
 rum supra ceteros Hispanos plurimū extulisset, sic ut
 milites salutem suam fidei eius committere minimē du-
 bitarent. Erant Hispanorū uexilla uiginti quatuor, ē
 quibus delecti sunt singuli, qui ingenij solertia, & cor-
 poris habitu maximē praestarent, & legatorū nomine
 cum ipso Heredia, dādi accipiendiq; sacramēti munus
 obirent. Itū itaq; est ad Linguagrossam uicū, ubi pra-
 esto adfuit ipse Ferdinandus, compositisq; rebus sacra
 peragi coeperunt. Quum uerō ad medium sacrorum
 esset deuētum, quo redemptoris Christi hostia populo
 ostenditur, in eā praecuntibus uerba hinc Varga, illinc
 Heredia, eo modo iuratū est, ut legati simul & prorex
 ipse dexteras attollerent, atq; ita ea, quā diximus de im-
 punitate atq; stipēdijs, cōditione transactū est. Accidit
 autē, ut quū a praecuntibus uerba ad attollēdas dexteras
 uocarentur, & legati omnes id expedite fecissent, Fer-
 dinandus autē cunctantius facere uideretur, unus ē le-
 gatis nomine Villalobos praclarē uocem attollens, si
 cuncteris prorex, inquit, iurare, nec dextram sincero
 animo extēdis, nos quoq; ab huius sacramenti fide di-
 scedemus.

scedemus. Tunc uerò prorex oborto pudore præaltè
manum extēdit. Fuēre qui ab ea proregis cunctatione
existimarent eum pro conscientia sacramenti uotum
suspendisse, conceptisq; uerbis ex animo iurasse tam
facile pactioni, quæ ui necessitatis exprimeretur (uti
euentus postea docuit) nequaquam se staturū. Per hūc
modum peractis sacris & cunctis latè ad stipulantibus
constitutū est, ut cohortes per urbes atq; oppida spar-
gerentur, ut cōmodius ali, præbilitq; stipendijs in offi-
cio cōtineri possent, ueteresq; præfecti, quos diximus,
ad sua munia redirent, quorū iussis milites ex discipli-
na obsequerētur. Nec multò post singulæ cohortes ad
Augustam, quæ Megara olim fuit, Syracusas in Leon-
timos, Calatamq; Hieronis, & Taurominiū, aliāq; op-
pida subuexillis contendere. Quum esset Taurominijs
Ioannes Vargas, ad eum Gonzaga scripsit, ut ipsum
Hereditiam atque Carantium, qui designandis hospitijjs
apud seditiosos præfuerat, comprehenderet, uinctosq;
sibi nauigio celeriter Messanam deuehēdos curaret.
Præstitit officiū Vargas, & nihil tale timentes ambos,
uti præceptū fuerat, Messanam deuehi iussit, ubi illico
arctæ custodia traditi sunt. Ad alia quoq; oppida simili
ratione Gonzaga perscripsit, ut singulæ cohortes suū
electum, qui sacris interfuisset, uinctum præfectis ar-
cium traderent, atque ita ad unum omnes illi uiginti
quatuor diuersis in locis uno tempore comprehensi,
perductiq; sunt Messanam. In eos autem iustæ iracun-
diæ suæ uirus Gonzaga usque adeò seuerè & grauitè
euomuit, ut uno die damnatos ad furcas latronum mo-
re, laqueis suspendi iusserit, atque hæc furcæ toto lit-

tore, ut à præternauigantibus spectari possent, erectæ sunt. Ex his altissimam Heredia, detruncata prius per carnificem dextra, honoris causa promeruit, cui comites fuere hinc Mondraconius, atque Carantius; illinc Villalobos, qui inter sacra iurantem Gonzagam arroganter interpellarat. Sed horum omnium supplicio conceptus altè dolor in Gonzaga expiari non potuit: dedit enim operam, ut quos maxime facinorosos extitisse didicerat, omnibus modis atque omnibus locis interciperet. Quam in re præfecti arcium et prætores urbium quum de scripto monerentur, operam sedulo præstiterunt, usque adeo diligenter, ut qui neque excipi, neque deduci Messanam poterant, custoditos necarent, et caudavera in subiectum mare proijcerent. Hoc enim incolumi sua fide ab his præsidibus peculiari suo iure fieri debere Ferdinandus censebat: quoniam qui antea quum arcium et oppidorum præfecturas acciperent, Cæsari sacramentum dicentes se cunctis in rebus iusticiam obnoxiosos promississet, ideoque in reos maiestatis, indicatis singulorum nominibus, lege agere tenerentur. Verum Aluarus Sandeus apud Messanā truculentiorē carnificinam instituit: nam multos qui Messanam ad forum rerum uenaliū exornandi sese causa ueniebant, uel inuitatos ad cœnam, et uarijs modis per aleatores lenonesque; pellectos comprehendebat, statimque per seruos Aethiopes perneatos in mare proijciebat. Id supplicij genus maturabatur spitamali quodam ligno, ad ceruices laqueum intorquente, quod Hispani Garotum appellant: sic ut ad multa Siciliæ littora, à Messana ad Taur omnium, et inde ad Syracusas atque

Augustam,

Augustam, cadauera Hispanorum illisa scopulis, & foede fluctibus lacerata spectarentur. Qua re certius comperta, reliqui Hispani tanto terrore concepto concuti coeperunt, ut plerique quæ sitis frustra nauigijs, excedere insula niterentur. Interdictum nanque fuerat omnibus nautis, ne quemquam militem nauigio exciperent, aut aliò auherent, sic ut multi in ea cogitatione, abeundiq; consilio maturè comprehensi, sciente in eos Aluaro scelerum suorum poenas darent. Ad extremum reliquam militum partem, quæ nouis multiplicatisq; stipendijs exaturari nequibat, Gōzaga ipso vastio multo seuerior inexorabiliorg; præbito menstruo stipendio, nauibus auhendos in Hispaniam imposuit. Quam ignominia usque adeò grauitè milites tulerunt, ut postquam improbitatis atq; perfidia notati in patriam auherentur, animis conuulsi ferre non possent, commilitonumq; exemplo se laquei poena puniri malle prædicarent. Ab hac tanta animaduersione in seditiosos carptim patrata, eam Ferdinandus sui nominis famam tulit, ut Siculi suis commoti iniurijs, singulas cohortes tanquam maleficientissimi generis hominum ex uetere disciplina decumari debuisse prædicarent, Hispani autem cum tanquam hominem prædure seueritatis, & supra æquum inhumaniter atrocem, auidumq; prorsus Hispanici sanguinis in occulto maledictis laceratum diris execrationibus onerarent, & ex aduerso ab recenti facti memoria, vastij lenitatem, pari seditionis crimine offensi, laudibus immodicis in inuidiam proregis attollerent, qui ea in re maximè benigna ingenij temperie usus, necis poenam

delicto grauiorem iudicasset, ideoq; tantum monendo molliendoq; animos militum, & stipendia liberaliter persoluendo, totum compescenda tollendaq; seditionis negotiū ex sententia conficisset, ut potē qui Hispanico sanguine progenitus, extra omnem poenae suspicionem uniuersae consternationis maleficia sincera fide singulis condonare, quā ullius omnino sui militis sanguine generosas manus foedare maluerit. Ceterum tantum absuit, ut id Gonzagae factum à Cesare minus probaretur, ut praeclare ei succenseret, quod indulgentius agendo cohortes singulas nequaquam repetita seueritate decumasset, & in Vastio indignam iusto militariq; duce ineptē quāsitam elementiae laudem effusē detestaretur. Quo iudicio Caesaris, & Vastius multum de pristina sua apud Insubres gratia amissus uisus est, Gonzagam uerò ipsum uel indignantibus Hispanis ad amplissima praemia prouectum fuisse constat, quum ex aduerso nonnihil de concessis antea stipendijs atq; muneribus, Caesaris iussu, per quaestores Vastio detractum fuerit. Gonzagam tamen Hispaniae magistratus ad dicendam causam citarunt. Verum is comparatis ad defensionem luculentis orationibus, ut in Hispaniam proficisceretur, & iam nauigaret, prohibuit Caesar, ne peruulgata per Hispanias tot scelerū & suppliciorum labes, animos prouincialium altius offenderet. Nec multo post Sicilienses cohortes collatis quaestorum indicibus, quibus nomina militum describebantur, circiter trecentos commilitones desiderarunt, atq; hae transuectae in Italiam classē Caesaris apud Tarentum atque Brundisium conscenderunt.

Sunt

Sunt qui afferant Sicilienses cohortes, non quum statim ab Africa transueta in Siciliam fuissent, seditionem ad Randatium miscuisse, sed quum sequenti anno post maritimam expeditionem in Siciliam reportata fuissent: uerum nihil ad rei notitiam pertinere putamus, an tum, an postea admissæ seditionis poenas penderint. Eo siquidem tempore antecedentibus Venetis, Andreas Auria superato Messanæ freto, sublatiſq; passim militibus, ad Corcyram insulam cursum intendebat: eo nanque Vincentius Capellius cum imperio atque uniuerſa Venetorum classe perucnerat, coniunctisq; eo modo classibus apparebat Barbaros tantum Christianæ classis non esse laturos, & congressum & pugnam omnino uitaturos. Tum enim Harriadenus Barbarussa Ambracio sinu cum tota Ottomannica classe se continebat, & de aduentu nostræ classis certior factus, ut illac nostri intrarent, propter arctas fauces expectare uidebatur, tanquam ex æquissimo loco dispositis utrinque tormentis intrantes oppressurus. Paulo siquidem ante Grimanus Patriarcha cum Pontificijs triremibus è Corcyra progressus ad fauces eiusdem Ambracij sinus, Preuesam oppidum in ipso Aetiaco promontorio positum, admotis triremium proris oppugnare adortus fuerat. Sed is conatus, explorandi causa susceptus, eum habuit euentum, ut quum Iustiniana triremis Paulo duce audacter arctas intrasset fauces, atq; aliquot hostilium tormentorum sinistro nauis latere pilas excepiſſet, expositi sint in terram milites cum tribus tormentis, quibus & à terra, & à triremibus aliquandiu quassa-

tum Preuesæ castellū fuerit, sic ut apparet expugnari potuisse, nisi Turcæ ab Aetolia acciti, ab obseſis cum ualida equitum & peditum manu superuenientes, nostrosq; magno clamore edito aggressi, aliquot interfectis & uulneratis, reliquos in mare umbilico tenus ad scaphas triremium confugere coegissent, quanquam Alexander Interamnas, peditum præfectus, uel grauius saucius aliquandiu constanter Turcarum impetum sustinuiſſet. Per hunc modū Patriarcha repulſus, sublatis in naues quæ exposita fuerant tormentis, Corcyram redijt, nihil eius consilij pertæsus, postquam quales essent angustiae sinus explorasset, atq; hostium classem toto sinu ad ancoras stantem ex propinquo proſpexisset. Concesserant tum classes nostræ in Gomunitia portum, quæ est contra Corcyram in continenti, ad eum locum uberrimæ aquationis, qui antiquitus Regij fontis nomen tulit, atq; ibi præfecti omnes quidnam primum tentandum foret, dictis sententijs consultabant. Referente autem, quæ uiderat Patriarcha ante alios Ferdinandus Gonzaga eius erat sententiæ, ut expositis militibus atq; tormentis Preuesæ castellum magna ui expugnandum censeret. Quo expugnato constitutisq; in promontorio, castelliq; ruinis maioribus tormentis, elabi non posse hostem, atq; eius classem summis detrimentis affici atq; deleri posse differebat. Nam ut egressus hosti totus eriperetur, in ipsis faucibus onerarium nauigium lapidibus magnis minutisq; repletum demergi iubebat, atq; item tres galeones, qui erant è tota classe tormentis instructissimi, contra ostiū earum faucium produci constituiq; ualido atq; obliquo

rudentium

rudentum nexu in ancoris iubebat, ut si Barbarussa
 sinu euadere in altum conaretur innumerabiliū pila-
 rum procellam in limine faucium exciperet, atque ibi
 omnino demergeretur. Ad ea Auria respondit, id Gon-
 zage consiliū dictū quidem speciosum, sed factū, atq;
 exitu periculosum atq; difficile uideri. Nam primum
 omnium exponere in terram milites ancipitis periculi
 rem esse, quod credi par esset, Aetolicas copias, uti du-
 dū Grimano teste fecerint, minimè defuturas, quin op-
 pugnatis atq; obsessis suis maturā opem ferrent, quo-
 rum superuentu nostros pedites uim incūbentis equi-
 tatus agrè toleraturos appareret: & si quid eis iniquo
 in loco opinione durius accideret, naues prouecto o-
 nerarias destitutas militari praesidio, quod esset miser-
 rimum, hostibus praeda futuras. Ipsi porro peditatui
 iam in terram exposito graue periculum imminere,
 nam si aliqua autumnalis tēpestas ita incideret, ut one-
 rariae naues pariter atq; triremes à scopuloso littore
 se recipere & in altum ad salutem uela dare cogerent-
 tur: unde tum suppeditari posse alimenta, non modò
 desertis inimico in littore, sed ingruētes undiq; hostes
 pugnando sustinentibus. Id certè euenire posse nemo
 maritimarum rerum peritus dubitarit, sic, ut fortissi-
 mis uiris spes omnis receptus & fuga, importuna ma-
 lignitate subitae tempestatis eripi posse iudicemus. Ce-
 lum quidem autumnale ex mutabili natura temporis,
 ad repentinos uentorū turbines edendos paratum, nō
 insanis nautis esse pertimescendum, uti iam multis re-
 centium naufragiorum exemplis compertū esset. Pro-
 pterea, si hostis extra sinum ad pugnam elici non pos-

sit, ipsis tutius atq; utilius uideri, superare Leucadem,
 ipsamq; Neritum saxi asperam, & directo cursu in
 Naupactum sinum classem inferre, ubi & expugna-
 ri posse Naupactum oppidum, moenibus non magno-
 pere munitum, & multa obiter oppida, quæ ad inti-
 mum sinum Corinthiacumque Isthmum pertineant,
 impune diripi atq; euasari posse, Græci homines pro-
 lixe confirmarent: quod navigationis iter si teneant,
 accidere posse, ut Barbarussa uel pudore adductus, uel
 suorum ingenti periculo permotus, sinu egrederetur,
 & conferendæ pugnæ facultatem ipsis optantibus pa-
 ratis præberet. Hanc gerendi belli rationem, quanquā
 Gonzaga propositas difficultates infirmare & tollere
 cōtenderet, Capellius ipse & Patriarcha probare uisi
 sunt: utpote qui maritimo potius quàm terrestri cona-
 tu audendum esse censerent, subitæq; tempestatis peri-
 cula, potius quàm hostes, quos æquo mari contemne-
 bant, non temerè formidarent, Naupactumq; si expu-
 gnaretur, quod Veneti imperij Methonensi bello fuis-
 set, ipsis ex lege foederis accessurum sperare possent.
 Exinde Auria constitutis totius classis ordinibus, è
 Gomenitie portu profecturus, onerarijs nauibus, quæ
 erant septuaginta duæ, Francum Auriam gentilem &
 propinquum suum præfecit, quod magni usus mariti-
 mis in rebus haberetur. Ex his tamen quatuordecim
 Alexandro Bondelmerio attribuit. Is enim uniuersam
 anteire classem, & Franci navigationem obseruare
 iubebatur. Sed quinq; etiam triremes (eæ siquidem in
 uniuersum erant numero centum & triginta qua-
 tuor) delectæ sunt, remigio & uelis maximè agiles
 atq;

atq; expeditæ, proptereaq; speculatiuæ uocabantur, quæ galconem contra sinus fauces dare ancoras & consistere iussum præcederent, atque hostilis classis motus explorarent. Turcicæ namq; triremes quatuor cum expeditis totidem biremibus sinum egressæ, per fauces in altum euaserant. Sed conspecto galcone, ut triremes nostras, quæ aduersum se directis rostris impetum facturæ uidebantur, effugerent, eludendo rursus intra fauces se receperunt. Itaq; Auria dato signo, ut reliquæ classes se consequerentur, ad Preuesam contendens, uniuersas triremes extendit, ita ut ab hostibus facile numerari possent: quoniam si minora nauigia suo pte studio uoluntateq; classem comitantia recenserentur, iusta supputatione supra quinquaginta & ducentarum nauium numerum impleuissent. Quo spectaculo magnus (uti aiunt) timor Barbarussæ animum incescit, qui tametsi natura intrepidus, nostrorum uirtutem & disciplinam non magnopere formidandam putabat, ingentis tamen classis amplitudine atq; apparatu uehementissimè permouebatur. Neq; enim maior à priscis temporibus in Ionio nostrorum classis conspecta fuerat, ita ut quidam Eunuchus ex Solymani ianitoribus, Barbarussæ comes datus, eum cunctantè subtimideq; perplexum inurbanis & planè superbis uerbis insolèter obiurgaret, quòd in prouocantes Christianos, & pugnam cientes, non statim sinu erumperet, atq; eos adoriretur: quæ in re non salutem suam, qui conspectum hostis ferre non posset, sed Solymani imperatoris decus respicere deberet, qui gloriæ suæ multum splendoris ea turpi cunctatione detrahi nollet. Pro dignitate siquidè

Ottomannici nominis experiundas esse vires. Nam si bello fortis & pugnax esset, uti profiteretur, non desperandam esse victoriam. Quod si fortuna uotis uirtutiq; Turcarum inuideret, non defuturos Solymano trierarchos, ipsis si uincerentur meliores, & Ponticas sylvas tantam ad conficiendam classem materiam supeditaturas, ut duplo maior & ornatio uiris atq; remigib. clasib. edificari facile posset. Postremo id quoque addidit Eunuchus Barbarussa, cauendum esse, ne metu honestissimæ mortis, quæ aduerso etiam prælio esset incerta, ab irato Solymano scdæ necis periculū subiret. Nec mora, uociferante adhuc Eunuchō, cōuersus ad Salechū archipiratam: Ergo, inquit Barbarussa, uir fide uirtuteq; præstantissime, nobis ut uideo uel iniqua conditione pugne fortuna tentanda est, ne huius semiuiri latrantis delatione pereamus, atq; ita classem educere cœpit, quū iam Auria ad Leucadem uela flecti iuberet, ratus hostem his faucibus, timore præpeditum, egredi non ausurum. Tenebat propositæ navigationis cursum Auria, & secundo usus uento, ad Leucadem prouehabatur, quum à speculatoribus, qui in carchesio summi mali galeonis Bondelmerij constituti erant, Aurie significatum est, hostilem classem exire sinus angustias, & sinistrorsum secundum littus flecti. Hanc oram quam Barbaricæ clasib. sinistrum cornu lambebat, paulo ante Grimanus præoccuparat, eo consilio, ut si hostis ab angustijs prodiret, commoditate littoris excluderetur. Sed non multo post iter mutare iussus, atq; inde recedens, ad reliquas sociorum triremes se contulerat, atq; ita euenit, ut Barbarus terræ littus

littus obtineret. Nam callido pro necessitate utens consilio, si ab nostra classe impotenter urgeretur, prorsus in hostes obuersis, terræ puppes applicare, expositisq; militibus à terra classem exarmatam uiris atq; tormentis, uti usus posceret, minorem nauigiorum quàm uirorum iacturam fore iudicans, defendere decreuerat. Caterum Auria ea erūpentis hostium classis significatione commotus, ut qui iam triremes ad stationem sub Leucade, quæ Sueßula dicitur, adegerat, tamen si quod non putarat, accidisset, animum tamen egregiè cōponit, & classem uti imperatum antea fuerat, ad incundam pugnam comparare sese, & prætoriae suæ signa sequi iussit. Iam tota Turcarum classis in apertum pelagus euaserat, eo ordine, ut Hariadenus ipse mediam teneret aciem, ubi eius prætoriae purpureis pluribus uexillis exornata cōspiciebatur. Dextrū latus obtinebat Tabaches, sinistrum uerò Saleus pari propè triremium numero instructi, qui Tunetanis prælijs incluserant. Nam eo die Barbarussa produxit octoginta septem triremes, biremes autem rostratas circiter triginta robore triremibus pares: leuiiores uerò triremes & myoparones tot erant, ut nauigiorum omnis generis centum quinquaginta, quæ remis agerentur, summam efficerent. Mediæ autem aciei cohærebant cornua, tanto ordine, ut quo uerteretur prætoriam, alas extendentis aquilæ speciem præberent, fatereturq; mirabundus Auria, sicuti hæc cum postea narrantē audiui, neq; habilis, neq; firmitus, aut omnino decentius classem à perito duce educi potuisse. Antecedebant Barbarussæ classem triremes circiter uiginti, partim rostra-

tae, partim leuioreſ, quæ omnium erant uelociſſimæ,
 cui præerat Draguthes archipirata, multis poſtea in
 noſtroſ maleficijs clarus. Conſtat Capellium incundæ
 pugnae auidum, è ſua puppe in ſcapham deſcendiſſe,
 aduectumq; ad prætoriâ Aurie, illum compellaſſe hiſ
 uerbis: Quid tibi, inquit, princeps, hac propoſita præ
 lij cedendi longè pulcherrima occasione faciundum ſit
 uideſ: ego certè, ſi me fortè cum Venetiſ triremibus te
 gnauiſe ſequuturum dubitaſ, iam à te ad declarandam
 Veneti ſenatuſ uoluntatem, ſtadiumq; meum, primam
 aciem depoſeo, primaq; prælij pericula fortiter ſubi
 bo, ſplendidumq; thoracem, quem induerat, oſtendèſ,
 & palma pulſaſ, in hoc enim uti pium, & impigrū
 decet Venetum præfeſtum, aut glorioſè uincam, aut
 uictuſ honeſtiſſimè occumbam. Egit gratiaſ Auria,
 laudatoq; eiſ ingenti ſtudio, rogauit, ut ſe præeuntem
 ſubſequeretur, & quid fieri oporteret, intentuſ obſer
 uaret: ſe enim, quid fieri uellet, opportune ſignum da
 turum. Iam prima biremium manuſ ad galeonem ap
 propinquabat, & aliquot triremes à Saleco miſſæ, id
 ingens nauigium oppugnabant, ea tamen conditione,
 ut quum non multū appropinquarent, nec ob id mul
 tum nocere poſſent, neq; in eoſ pariter è multo ſpatio
 Bondelmeriuſ tormenta contorqueri ſineret, non mul
 tum utrinq; proficeretur. Expeſtabat enim uir rerum
 naualium apprimè perituſ, ut propiuſ accederetur, ex
 improuiſo ſeuam omniſ generiſ tormentorum procel
 lam in ſubeunteſ effuſuruſ. Neq; cū ſeſellit opinio, nā
 Turcæ audaciuſ accedenteſ, adeo graui glandium, &
 pilarum grandine perfuſi ſunt, ut inhibere remoſ, &
 magno

magno accepto detrimento trepidè se recipere cogerentur. Auria interim reuocabat naues, quæ præcesserant, & galeonem suum remulco protrahi iubebat, & triremiū trierarchos intercurrentibus per nauiculas nuncijs hortabatur, ut sese animis ad incundam pugnam confirmarent, paratiq; essent ad imperia, quū tubæ cātū atq; explicato maximo vexillo signum daretur. In eo autem consilio decretoq; erat Auria, ut nisi onerariarum nauium fretus præsidio, cōsiliendū sibi non esse iudicaret, uti postea confirmatione maiorū minorūq; ducum, qui aderant, didicimus. Idē pariter astutus hostis providebat, qui pari utrinq; triremiū cōcursu procul ab onerarijs, quæ castellorum erant instar, dimicare cupiebat. Nā tum fortē uentus omnis ita subsederat, ut æquora ad edendā nobilē pugnā pacata fluctibus, & plane cōstrata præberētur, & Patriarcha prouectus ad Auriā, eā inuadendā, delendiq; proculdubio hostis facultatē non prætermittendā prædicaret, tātoq; ardore uociferaretur ut propinquiores trierarchi inuitantis uocem audirent, maximeq; mirarentur, quòd Auria rem prælio committere dubitaret. Is enim onerarias naues in unū cocuntes, ingentibus gyris atq; mæandris, subsequente triremiū ordine, circuibat, & ex nauali peritia, nouū aliquod atq; inexpectatum hosti facinus editurus uidebatur, sic, ut id ipse perspicax & minimè præceps Barbarussa, uti postea cōpertū est, facillè crederet. Id Auria crebro rotatu classē suā circuens, ea ratione faciebat, ut ad se hostiles triremes pelliceret, & in prouectas ē castellis excelsarum nauium propius, & certius tormenta dirigerentur, atque ipse demum in

perturbatas, quæ erat certa uincendi ratio, directis
 proris inueheretur. Interim subsistente Barbarussa, et
 quorsum ea hostis flexuosa nauigatio recideret, spe-
 ctante, quòd dolum aliquem suspectaret, cornu su-
 rum triremes, iam uergente ad occasum sole, diuersis
 in locis rem gerebant, pars in oppugnando galeone
 frustra perseuerabat, pars aggressa onerarias duas, in
 quarum altera Buccanigra cum sua Hispanorum co-
 horte uehebatur, in altera erat Macinius Mongaia
 Cantaber, usque adeò grauer coniectis in eas pilis af-
 fluxerat, ut perrupto malo incensisq; uelis, & multis
 Hispanorum & nautarum interfectis, peritura crede-
 rentur. Alia uerò pars duas onustas comitatibus cir-
 cumuentas naues, quarum altera erat Veneta, altera
 Dalmatica, coniectis ignibus concremaret, paucis in
 scaphas desilientibus, aut ad propinquas sociorum na-
 ues adnatantibus. Duas etiam triremes sub ipsum cre-
 pusculum quæ lentiore utebantur remigio Salecus in-
 tercepit, quarum trierarchi erant Mozenicus Venetus,
 et Bibiena Etrusca stirpis uir sacratus. Secundum has tri-
 remes capta est Aloysij Figaroæ Hispani naus, tæcti
 sue cohortis milites aliquandiu pugnacissimè se defen-
 dissent. In ea captus est cum ipso Figaroa pater filius
 adolescens nobilissimæ formæ, qui postea deductus ad
 Solymantum, Mahometis sacra suscepit. Is quum prin-
 cipis cubiculo assueuisset, post tertium carceris annum,
 misero patri libertatem impetrauit, donatumq; libe-
 raliter in Hispaniam remisit. Tum uerò cum tonitru
 turbatis nubibus, grauis imber & procella, flantibus
 Euris, exorta est. Nec dubitauere nostri, quum uidissent
 Barbaros

Barbaros attollere dolones, quin & ipsi præcunte Auria dolonibus simul & maiorib. expansis uelis, se inde explicarent, & quò uentus ferebat, ad Corcyram unde uenerat uerterentur, usque adeò dissipatis agminib. ut intento etiam remigio, nequaquam se recipere, sed confusa, & turpiter effugere uiderentur, sic ut Auria tanti usus, tantaq; peritia, & tantæ deniq; existimationis maris dux, eo die nullus imperator extiterit. Ferunt Barbarussam nostros eodem uento ad aliquantū spatium persequutum, nec quem hostes elabendo cursum tenerent, per tenebras planè cernentē substitisse, quoniam nostri duces in singulis suis prætorij lumina extingui iussissent, quæ erectis ad puppem ingentibus lateris præferri solita sunt. Proinde ipsum in cachinnum uersum sæpe repetisset hæc uerba, Hispanico sermone prolata. Ergo Auria lumē abiicit, ut certius fugam suā tenebris recondat? Quasi miraretur nostros tanquam magno metu occupatos, omnis decoris, modo se eriperent, obliuisci, quàm manus conferere maluisse. Ea uerò apud omnes Corcyraë applicantes opinio fuit, ut præclaro oborti repentē uenti beneficio, uel cum ignominia è summo periculo se ereptos faterentur. Cesariani autē præcipueq; Ligures ut Auria nomen ab omni infamia uendicarent, tam foedi exitus culpā ex obliquo in Venetos referebant, quòd ab initio præsidium Hispanorum militum, quod distribui in Venetas triremes debebat, ut propugnatoribus firmiores in congressu hostiū euaderent, superbè repudiasent. Venetis nanque triremibus non planè confisum Auria, & propterea temperasse, à prælio discebāt.

ob idq; præsertim, quòd euadete angustias Barbarussa
 illæ ferme omnes collectis uelis, & per iuncos ad an-
 temnas subligatis, eas ad summitatē mali celeriter edu-
 xissent: scilicet, ut repente præcisis iuncis, expedita ad-
 quem uellent fugæ cursum uela uentis instanda prebe-
 rent. Quum in ea mutui erroris obrectatione mcesti-
 tiaq; & dolore turpissimi euentus uersarentur, Maci-
 nij Cantabri nauis uel quassata perforataq;, quæ pe-
 rijsse credebatur, Corcyram applicuit, eius autem Ma-
 cinij mira constantia fuerat defensa. Nec multò post
 ipse Barbarussa non contentus nostro dedecore, nec
 hostes inopinata procella sibi è manibus ereptos æquo
 animo ferens, ad Paxum insulam prouocabundus ad
 pugnam peruenit. Ea insula centum ferè stadijs ab ul-
 timo oriētali, quod Phalacrū olim fuit, Corcyrae pro-
 montorio distat, sic, ut exprobrare nostris fugam, et si
 è portu prodirent, cum eis acie congressurus esse uide-
 retur. Quamobrem Gonzaga fremens, ut qui superbi
 hostis arrogantiam ferre non posset, singulos adiit di-
 ces, rogauitq; ut pro dignitate Christiani nominis ani-
 mos uiresq; componerent, & feliciore uirtute insolē-
 tis Barbari uim omnino retundere niterentur: resq; eò
 deducta est, ut Capellius, quod antea nihil tale iubente
 senatu suscipere recusarat, Hispanorū certa præsidia
 quæ offerretur se in triremes recepturū polliceretur,
 quaternaq; acie Barbaros inuadere decerneret. Quar-
 tam enim aciem Ferdinando Gonzaga honoris causa
 attribuerant. Verū hęc consultatio tandiu prolata
 est, ut Barbarussa aduersam circa Nonas Octobres
 metuens tempestatem, retrocederet, & sibi abunde sa-
 tisfactum

tis factum existimans, in sinum Ambracium reuer-
 retur. Ab ipso autem hostis discessu, de expugnando
 Dyrrachio cogitatum est, sed quum à Capellio totius
 Dyrrachini littoris stationes, nauigijs malè fidæ præ-
 dicerentur, non multò post in Rizonicum sinu, quem
 Cataræum uocant, cursum direxerunt, ut Castronouu
 Turcicæ ditionis oppidum, in eo sinu positum expu-
 gnarent. Ea enim forma est, & natura sinus, ut tutissi-
 mum atque ingentem præbeat portum, mareq; sese ad
 orientem intorquens, in intimo recessu, Catarum op-
 pidum Veneti imperij alluat, sic ut per quasdam fau-
 ces, quæ protracta catena præcludi possint, nauigijs
 adeatur. Tota regio apricis, & egregiè cultis collibus
 peramœna est. Sed Catarum, obstantibus ad dextram
 montibus, ita opacum redditur, ut incolæ sub brumans
 breuissimis solibus utantur. Castrum autem nouum,
 quod multis ante annis Chersego regulo à Mahome-
 te fuit ademptum apricius est, sed nequaquam Cataro
 munitius. Castrensium ædificia ab infima oppidi par-
 te, quæ mari alluitur, & turritam munitionem in-
 star arcis habet, per dorsum collis assurgunt. In sum-
 mo autem castellum habet natura potius quàm arte
 munitum. Oppidani partim Dalmatici, & par-
 tim Epirotici sunt generis, sed qui iam pridem im-
 mixti Turcis, à Christiana religione defecerant. mer-
 caturæ student, & paruis nauigijs quæstum faciunt.
 Nulli Turcæ milites erant in presidio, quum bimæ
 tantum, quas diximus, infimæ munitionis, & superio-
 ris castelli arces, à paucissimis Turcis custodirentur.
 Itaque intrantibus sinum clasibus, magna ui admotis

tormentis priusquam oppidum ab incolis aliquandiu defensum, caperetur, socij nauales Venetæ classis per remos murum scandentes ad infimam partem intrarunt, & mox ab expositis Hispanis oppidum quoque perrupto muro captum est, quum ibi duo insignes cohortium præfecti, Buccanigra Hispanus, & Cæsar Iosias Firmanus interfecti cecidissent. Multa eius oppidi sed nequaquam preciosa domesticarum rerum præda fuit, sed ingens omnis ætatis & sexus incolarum multitudo in seruitutem abducta est, quanquam multi ex his nunquam se à cultu Dei Christi discessisse dicerent. Tri duo post, superius castellum prædij Turcæ frustra pacti incolumem fore libertatem, & uitam dediderunt. Quum id oppidum communibus uiribus captum, ex fœdere Venetis deberetur, occupatum est ab Hispanis, quos Auria Ferdinãdusq; Gonzaga extra Italiam alere cupiebant. Itaq; uel agrè permittente, & è Venetijs super ea re senatus consultum expectari debere frustra postulante Capellio, Franciscus Sarmetus cum quatuor millibus ueteranorum militum, qui apud Insubres à scelerata secessione, regionem ad Galeritum oppidum peruaslarant, Castronouo præpositus est. Eam rem molestissimè tulit senatus, quòd id oppidum communibus partium armis, non sibi ex lege ueteri, sed Hispanico præsidio concessum fuisset. Suspectabat enim Hispanorum ingenia auida imperij, atq; assueta rapinis & maleficijs, tanquam ex occasione Catarrensum rebus uim allatura, usque adeò indignanter eam iniuriã patritijs æstimantibus, ut auerso à Cæsarianis animo, susceptæ eius detrimentosæ expeditionis singulos patres

patres poeniteret, & decemviri in spem pacis inducias
 à Solymano petendas esse decernerent, quæ uel ob id
 opera Laurentij Gritti, qui Andreæ principis fuerat
 filius benignè atq; celeriter impetratæ sunt, quoniam
 Gallia regis legatus Antonius Rinco, Byzantijs purpu-
 ratos opportunè docuerat id foedus, quod apud Nea-
 polim cū Cesare à Venetis dissentiente multo maxima
 senatus parte percussum fuisse, inuitisq; ædum ferè
 omnibus id recens bellum susceptum esse memorabat.
 Quum hac agerentur, nunciatum est Barbarussam, ut
 Castrensibus opem ferret eduxisse classem, sed quum
 ad Saxonem insulam peruenisset, aduersa tempestate
 oborta, non modò retentū fuisse, sed aliquot triremiū,
 quas atrox uentus Africo atq; Austro permixtus, Acro-
 ceraunijs cautibus illisisset, iacturam fecisse diceretur,
 uti facile apparebat ex armamentis, eiusq; naufragij
 fragmentis, quæ toto ferè Dalmatico littore natantia,
 & eiecta uisebantur. Ea re certius cognita, Capellius
 eius animi fuit, ut eductis Classibus Barbarussam eo
 incommodo perturbatum persequeretur, cui consilio
 fauebat & ipse Gonzaga, qui amissum decus ad Leu-
 cadem nobili aliquo facinore edito redimendum esse
 differebat. Sed Auria multis de causis, tanquam impor-
 tuni ausus consilium facile improbens, sibi in Italiam
 redeundum ita statuit, ut continuò uela uentis daret,
 plurimum indignante Capellio, qui aduocatis suæ clas-
 sis trierarchis omnibus, contumeliosam orationem in
 Auriam effudit, ita ut seipsum detestaretur, qui se alie-
 no imperio subiecisset, eosq; moneret, ne unquam ex-
 terni cuiusquam præfecti imperia subirent, postquam

uel ignauia, uel malignitate, homo Ligur, Veneti no-
 minis antiquus hostis, conceptæ atq; exploratæ uictori-
 æ deesse, & Italicæ naualis disciplinæ existimatio-
 nem, foedo importunæ cessationis, & fugæ exitu dede-
 corare uoluisset. At Auria consilio apprimè grauis,
 hæc uerba atq; hosce uel aduersos de se rumores faciliè
 contemnebat, quum cuncta quæ ageret & diceret, ad
 commodum Cæsaris reuocare esset solitus, ita ut per
 ironiam Valerius Vrsinus, qui tum aderat, Veneto sti-
 pendio addictus, nihil nisi peritissimè & consultissimè
 ab Auria administratum atq; omnino gestum diceret,
 quando Venetos cum Solymano commisisset, & diu-
 turno maximè bello ianuam, uti exoptare uideri pos-
 set Cæsar, uel ipsis nolentibus Venetis aperuisset, & id
 certè, ne amisso quidem ullo nauigio, probè præstitisse
 iudicari deberet. Non deerant siquidem factiose ma-
 lignitatis homines, qui interpretarentur id contractū
 cum Turcis bellum, magno Cæsari commo do cessurū,
 quòd Venetos tati irritati hostis uim terra mariq; diu
 non esse laturos appareret, ideoq; eos tanquam exau-
 stos opibus atq; pecunia, eò breui redigi posse assue-
 rant, ut his terrestres eorum imperij urbibus, quas
 superioribus temporibus impotenter occuparint, aut
 ui, aut aliquā demum pactione, quā necessitas expri-
 meret, uti nuper conspirantium regum bello fecissent,
 decedere cogerentur. Cæterum Castronouo capto, atq;
 his, quæ diximus Hispanorum præsidij Sarmento di-
 ce impositis, atq; obiter abeuntibus classibus, eam iniu-
 riam usque adeo grauiter atq; superbè Solymanus tu-
 lit, ut magno apparatu id oppidum terra mariq; repe-
 tendum

tendum decerneret, augeretq; iratus Venetis in Peloponneso copias, quibus & Nauplium & Epidaurus acriter oppugnarentur simul & uehementer obsiderentur. Singulare autem gaudiū concepit, quod totius propè Christiani nominis classes, quas antea plus æquo magnificere erat solitus, aduersum se coactas, Barbarussa omnib. propè rebus inferior, omni existimatione spoliatas, toto mari effugere coegisset. Ineunte igitur Vere Barbarussa refecit classem, & nouos remiges in supplementū maritimis regionibus imperauit, atq; eum, uti oportebat, propugnatorū ex Ianizeris præcipue numerum, & exercitatisimum quemq; ex alijs ordinibus, in classem descripsit, duasq; ingentes onerarias naues, quas mahonas uocabat, ad ferenda totius tormentarij apparatus, & castrensis instrumenti onera, celeriter edificauit. Decretus quoq; est in id bellum dux alter, qui terram rēgeret, Vlamanes Persa. Is bellice uirtutis cōmendatione, in demortui Vstrephi locū, in præfectura Illyrica, quā Bosnensem uocant, susceptus fuerat. Hunc enim alibi à Tāmaso Persarū rege transfugisse memorauimus. Hic operam dedit, ut septē minores Sanzachi cum eorum equitū assuetis Turmis è proximis regionibus sibi adiungerentur, conduxitq; nō multa pecunia pedites eius generis, qui Haidones, Vfschochi, Martellosij, Chymeriota, et Morlachi uulgò appellātur, agreste hominū genus, syluis atq; nemorib. prædandi causa assuetū, sed durū et uelox indomitq; uigoris aduersus omnes celi iniurias, et in omne belli facinus paratū atq; expeditū, utpote, qui nudis pedib. aut taniū carbatinatis per rupest cautes cōfragosarū

uallium asperrimorumq; montium crepidines, mirati in capreis uidere est, celeritate discurrent, & sagittis & fundis eminus, cominus autē præpilatis quibusdam sparis, paruisq; securibus, ab ancipiti mucrone, quum eas nonnunquam contorqueant, mortiferis in hostes utantur. Hos enim Vlamanes, non qui pugnaret modò, sed qui opus facerent, munitionesq; erigerent, maximè idoneos (ut Turcis parceret) & propè sibi necessarios existimabat, quibus omnibus Testegim Turcam præfecerat, qui Habraimi Bassæ citharædus fuisse & improba delatione illius damnationem maturasse dicebatur. Itaq; adulta ætate, quum Barbarussa educta Helleponto classe, in Rizonicum sinum peruenisset, eodem tempore Vlamanes cum triginta millibus equitum et peditum in summis montibus sese ostendit. Barbarussa prius quàm primas sinus fauces intraret, Draguthem & Corsetū piratas cum triginta ualidis biremibus, quas galeotas uocant, ad explorandū præmisit, ita ut ad Castronoui mœnia accedentes, sinu quodam à tormentis se protegerent, indeq; aquatum ad proximum fontē, quem Artisarium appellant, in terrā exirent, in quos extemplò Sarmentus Macinium Mōgaïam cum sua cohorte, & Lazarum Coronæum cum turma equitum erumpere iussit, commissioq; certamine, Turcæ multis eorū interfectis & captis terga dare, & ad Galeotas adnatare coacti sunt. Exinde Barbarussa applicuit cum nonaginta triremibus, & tribus quas diximus Mahonis, totumq; triduum absumpsit in exponendis tormentis, erigendisq; eorum munitionibus, quæ nisi noctu administrari perficiq; poterant, propter

propter perpetuam tormentorum omnis generis pil-
 larum procellam, quæ in opus facientes ab Hispanis
 effundebatur, sic ut eo triduo Turcarum amplius mil-
 le tormentis icti interfectiq; sint, in quæis & ipse ceci-
 dit Agis Hariadenus, qui in Africa ad Taioreā urbem
 iuxta Tripolim sese regem effecerat, cuius morte Bar-
 barussam non mediocri dolore affectum ferunt, quòd
 inter ueteres amicos longè omnium prudentissimus
 atq; fortissimus haberetur. Barbarussa multo cum la-
 bore cadeq; suorū perfectis quæ instituerat operibus,
 supra quinquaginta quatuor maioris generis tormen-
 ta promouit, in quæis erant duplices colubrinæ septē,
 stupendæq; item magnitudinis quatuor basilisci, qui
 ferreum amplius centum pondo globum euomebant.
 Reliqua erant eius generis, quæ duplices mediq; can-
 nones uocantur, præter sacros & hierosalcones, atq;
 item mortaria, quæ lapideas immanes pilas in sublimē
 iaciebant, ut supernè decidentes, terribili ruina do-
 morum tecta deformarent. Ex hoc numero uti oportē
 bat, circiter quartam partem Vlamani impertitus est,
 ut à Septentrione diuersam à sua oppugnationē insti-
 tueret. Ipse enim ab oriente è triplici loco, diuisis mu-
 neribus cū Tabache & Halilcuano uiro Hispano, qui
 iam pridem ad Mahometis sacra delapsus, Tunetano
 priore bello singularem peritiæ militaris laudem, exi-
 miosq; inde honores apud Barbarussam & reliquos
 Turcas promeruerat, quaterē murū cœperat. A mari
 quoq; Salecus admotis tiremium proris certum pro-
 pugnaculi locum oppugnare iussus, eum feriēdi muri
 tenorem seruabat, ut quotidie sub auroram, & quum

sol inclinaret in uesperam denis per uices promotis
 trirēibus murum uerberaret. Usque adeo autem per
 aliquot dies acriter & continenter quassata sunt mœ-
 nia, ut Sarmētus uel opportunè intus contra prociden-
 tem murum noua munimenta noctu præcipuè erigēs
 agrè patefacta loca refarciret, & tam multa tormen-
 torū uerberatione magnopere terreretur. Nā tametsi
 ītegrōs nouē menses uacuos à bello nactus, nihil par-
 cendo militibus aduersum hostes, quos omnino uentu-
 ros ad oppugnandum ominabatur, nouos aggeres ere-
 xisset, & reliqua in rem opportuna opera perfecisset,
 duabus maximè de causis angebatur, q̄ saxeo in loco
 glebam & cespitem ad construendā ex disciplina mu-
 nitiones desideraret, nec à quoquam maturam opem
 sibi afferri posse speraret. Nam tametsi ab Auria, qui
 Brundusino in portu Cesarianam classē continebat,
 duo nauigia onusta cōmeatibus, atq; his rebus, quæ ad
 apparatus tormentorum pertinerent, superioribus
 diebus acceperat, multaq; adhortatione ipsius Aurie
 subsidia pollicentis fuerat cōfirmatus, nihil tamen eū,
 deducta in pugna periculum classe, qua ipsi subueni-
 retur, tentaturum arbitrabatur. Itaq; quum Sarmētus
 tot ruinis uno tēpore uario in loco sese opponere co-
 naretur, Turcæ per ampla turre, quæ muro interiore
 quadrato cingebatur, potiti sunt, eo successu, ut ad ter-
 rendos nostros in fastigio Barbaricum uexillum erige-
 rent, atq; ex ea munitione, quæ erat circa turrem, sclo-
 pettis atq; sagittis primò, mox etiam tormentis inde
 collibratis Hispanos impeterent. Quum impigrè resi-
 steretur à nostris, Sarmētus ad ima fundamenta eius
 munition-

munitionis cuniculum agi iussit, quem uulgo Minam uocant, ut suppositis ex tormentario puluere ignibus, quum Turcæ maximè urgerent, et in oppidū irrumperere conarentur, ex repētis flammis disruptæq; munitionis ruina, inopinantes opprimerentur. Sed ea res aduersum habuit euentum: nam quum ingruentibus Turcis opportunè cuniculo ignis subderetur, ea collata materia incendiarij pulueris, importuno quodam lentore concepto, tardè et segniter flammam corripuit, ita ut frustra in hostes exitum quærens repulsa flamma in nostros reuerberaretur, multosq; igne correptos absumeret, et in his ipsum cuniculi magistrum Michaelē Firminum, è Casarea Augusta citerioris Hispaniæ. Accidit etiam, ut eodem tempore apud superiorem oppugnationem, Vlamanes aliquantam ab antiqua arce muri partem prosterneret, et Barbari tanquam uictores sublato clamore plurimum exultarēt. Quibus rerū difficultatibus adductus Sarmentus, edixit, ut qui milites essent sauciati, neq; operam pugnando præstare possent, sese in inferiorem arcem reciperent, quò Aloysius Arius, et Macinius Mongaia incommodè uulnerati concessissent, reliqui autem supremū bellicæ uirtutis conatum edituri, medio in foro se conglobarent, ut non inulti extremum communis Fortune casum subirent. Nec mora cruentissimum irruentibus Turcis certamen est editum, sed nostris iniquius, quum plenus imber sclopettarijs, qui uni omnium peritissimè rem gerebant, funicularum ignes extinxisset, et necessariò nō hastis modo, sed gladijs uteretur, æquiore Turcarū conditione, qui innumerabiles sagittas in-

nostros spargebāt. Multi præterea hostium equestris ordinis, pedibus pugnare iussi, prælatis equestribus peltis incuruos suos enses ita in nostros exercebant, ut galeas ferreaq; humeralia facile discinderent, atq; ad unū fermē omnes uel fortissimē repugnātes trucidarēt, sic ut utraq; pars ardore prælij accēsa per strata cadauera peruadere ad suum hostem, & consertis manibus pugnare minimē dubitaret. Cecidit in eo conatu fortissimē dimicans Cusanus Burgundus, qui propter sæpius spectatā in prælijs uirtutem, Hispanicæ cohortis præfecturā meruerat. Sarmentus ipse tribus sagittis intra galeam os confixus, fessusq; longa uigilia & diuturno pugne labore, in uestigio aliquādiu tela uita bundus fortiter perstitit, & quum pugnādo honestam mortem oppetere, quā pedem referre mallet, & Santicium Friam cohortis præfectum fugam circūspectare conspiceret, cum seuera uoce increpitans manu cōprehendit, & locum tueri iussit, sic, ut secum ingruentibus hostibus consistere, atq; occumbere cogeretur. Is nanq; Frias turbidis & peruersis consilijs salubria Sarmenti imperia sæpē contēpserat, & improbitate quādā malignitateq; ingenij, meliora atq; opportuna ad salutē suadentibus transuersum se præbuerat, & omnium seditionosissimus apud Insubres fuisse ferebatur. Itaq; ambo, nequaquam pari uirtute, detruncati ab hostibus in uestigio conciderunt: ceteris omnibus pari sorte, sed non eadem generosi animi fortitudine ad unū interfectis. Nam quosdā abiēcisse gladios, uti erant longa dimicatione fatigati, cōfectiq; uigilijs, salutē à Barbaris frustra passis manib. petiisse ferebatur. Interfecti sunt

in co

in eo tumultu cohortiū præfecti Ioānes Cantaber, Dominicus Arriadanus maior, Seronius Taraconēsis, & Oliuerius Valentinus. Qua suorum terribili cade terrefactus Arius, & qui cum eo in inferiorem arcē confugerant, quod nullis uiribus, quibus sustineri posset uictor hostis, niteretur, deditiois uexillo expanso, significationē hostibus fecerunt, atq; ita eos integra fide Harriadenus in seruitutem uita incolūmi facīle recepit. In his fuere præter ignobilem militum turbam, præfecti spectatæ uirtutis & dignitatis, ipse Arius, atq; Macinius, Didacusq; Maschesa. Præterea uiri Græci strenuissimi equitum præfecti Lazarus ipse Coronæus, & Andreas Scrapula è Nauplio. Reliqui, quib. expedita deditio salutis fuit, fuere omnis generis hominum circiter octingenti, in quib. eminebat Hieremias Ligusticæ stirpis, q̄ eius oppidi episcopatū impetrarat. Hi omnes à Barbarussa in seruitutem Byzantium asportati sunt, præter unum Macinium Mongaiam, qui cum ab eo quaereretur, sollicitareturq; impensius, ut ad sacra Mæhometana deficeret, atq; insolētius oppugnata & cōseruata naus suæ casum iactaret, Barbarussa ei iratus ad proram triremis ceruices abscindi iussit. Sarmentū cadauer inter tot occisorum acervos agnosci non potuit, quanquam id Barbarussa multæ pecuniæ & libertatis proposito præmio diligentissimè perquisisset, q̄ caput eius ad Solymanum mittere decreuisset. Exinde inflatus uictoria, & quod iam Rizzanum castellum in propinquo positum, Veneti custodes tot hostiū conspectu perterriti, Turcis deditissent, Catara urbi inhiare cœpit, ita ut urbis prætorem minacibus litteris solici-

a ret, ad dedendam sibi urbem, ac nisi continuo portas aperiret, se moenia tormentis aggressurū denunciaret. Erat is prætor patritij ordinis, nomine Ioannes Mathæus Bembus, insigni uirtute cōstantiaq; animi præditus. Is per literas Barbarussæ respondēbat nullum Catáro in urbe Ottomannis ius esse, propterea si uim inferret, eum recentium induciarum, quas concessisset, leges uiolaturū, non sine contumelia sui imperatoris, qui nunquam iusiurandi fidē fallere consueisset. Quod si iniquo iudicio rē ad arma deducere cuperet, ipsum, qui cum imperio præesset urbi, daturum operam, ut improbē uim illatam paribus tormentis propulsaret. Ad ea subiratus uictor Barbarus, in ultimum sinus recessū aliquot triremes promouit, dispoſisq; tormentis oppugnaturi speciem præbuit. Cui Bēbus prætor egregiē constans & impavidus, totidē tormentorū suorum bombis & pilis strenuē respondit & præſidiū armatū in mœnibus Barbaris ostendit. Qua re animaduersa Barbarussa inhibuit remos, reuocatisq; anterioribus nauigijs ad Castronouū est reuersus, delinitusq; exinde prætoris Bēbi muneribus, nihil expectata induciarum fide, quā paulò ante de scripto exegerat, sinu excessit, rogauitq; Bembum ut præclaro induciarū testimonio præbito, quibus posset rebus Vlamane Illyricæ prouincia præfectū amice subleuaret. Castronouo per hunc modum ut diximus, à Turcis fortiter expugnato, atq; inibi Hispanis ad unū omnibus aut trucidatis, aut si qui ex deditione cædeq; superfuissent ad transtra triremiū relegatis, nostrerū ducū animis nō dubius cum pudore timor incescit, facile reputātibus, quales quātēq;

teq; foret Barbarorum militum uires, quantaq; opes
 Solymani superbi hostis terra mariq; ad propulsandā
 uindicandāq; iniuriam nuper extitissent, sic ut pijs
 animis homines intestina bella atq; disidia principum
 magnoperè detestari inciperet, & de cōcilianda pace
 sacroq; bello communibus studijs cogitandum arbitra-
 rentur. Quū uerò Vastius Mediolani fortissima legio-
 nis interitum deploraret, Insubres ipsi tacitè letaban-
 tur, diuīq; Donati nomē, frequētatis passim altaribus,
 impensè percolebāt, cuius numē ritè factas à populis
 immaniter direptis in Hispanos execrationes nequa-
 quā inanes esse uoluisset, postquā ipso die annuo, eius
 memoriæ dicato, ad septimū Idus Augusti rapaces ho-
 mines maleficiorū poenas dare coegisset, & id aliquan-
 to cumulatius, quā nō planè decumatis Siciliensium
 Hispanorum cohortibus accidisset. Admonebantur au-
 tem nostri principes attenuatis opibus infirmi, ut ma-
 gis & magis cogendo auro uacarent, quod uel cū in-
 comparabili subiectorū eorum imperijs populorum
 iniuria acerbitateq; diligētissimè faciebant, honestam
 sacri belli, suscipiendi causam præferentes, uanissima
 tamen, & semper usurpata ratione, postquā priuato
 potius cōmodo cupiditatiq;, quā publico decori pu-
 blicāq; saluti studere cōsueuissent: maximeq; miraren-
 tur, cur Solymano ab inexhaustis thesauris, tot pecu-
 nie in bellicos sumptus suppeterent, quū ipsi uel sem-
 per expilando prædandoq;, unius tantum belli copijs
 ægerrimè stipēdia soluerētur, & Barbarū ex aduerso.
 pluribus simul in locis terra mariq; diuersa alere bella
 perspiceret, ut tum acciderat, quum eodē anno Otto-

manica arma ad oppugnandos Lusitanos in Indiam usque protulisset. Aedificata siquidem, ut diximus, ad Suetiā olim Arsinoes portū rubri maris ingenti classe, Solymanus eunuchus cum Moro Alexandrino, sinus Arabici angustias egressus, præteruectusq; Persici maris sinum, ad Indum usq; annē peruenerat, magnisq; uiribus Dium urbem, Lusitanorū portum, ad fluminis fauces positum, oppugnarat. Cuius belli is exitus fuit, ut eunuchus post oppugnatos per multos dies terra mariq; Lusitanos, quum eos indomita uirtutis esse reperisset, incepto absistere, & desertis maioribus tormentis ad Ademum nobilissimū emporij urbem, redire sit coactus, ubi planē fractus animo, quod nihil ex uoto prouenisset, ipsum Ademanum regem, sub fide ab se uocatum, in antemna prætorie suæ laqueo suspendit, eiusq; gaza omni surrepta, urbem claustris cōplectentium se montium, & lapideo insigni muro munitissimam, occupauit, pariq; seuitia impulsus ad Zidæ portum, unde terrestri demum itinere Mecha urbs, totius Arabiæ sepulchri Mahometis religione clarissima aditur, Zibitinum regem, sumptuosius muneribus gratiam eius appetentem interfecit, præsidij eius aulæ omnibus sub fide immaniter trucidatis, sic ut mox ille se miuir apprimè rapax & cruentus ad Mecham deferretur, ut se apud pseudopropheta fontē expiandis tot sceleribus religio se ablueret, Moro cū classe ad Suetiā redire iusso. Huius Rubri maris siue Arabici sinus lōgitudo, a Suetia ad ipsas freti angustias, mille & quadraginta passuū millibus extēditur, quum latitudo maior uix ducentorū milliarium summam impleat. Id uerò totum

totum quondam humani cruvis figuram exprimit: quandoquidem abscedentibus utrinque littoribus sensim se aperiens magis ac magis paulatim dilatetur, donec ad angustias, quas uocant Azanias, in fauces coarctetur. Ab his olim Oceanum à meridie Austri flatibus intumescens, illac uiolento impetu se infudisse, ac deservatis terris in eum sinum effecisse perhibent, multis refertum insulis et scopulis, proptereaq; navigantibus importunum. Insularum longè maxima circa medium sinus affirmatur, Camerana, quæ tamen tota ferè inculta est, extantibus tantum quibusdam arcium uestigijs. Incolæ Aethiopici coloris sunt et tuguria palmarum folijs intexta inhabitant, præcipuamq; piscationi operam impendunt, sic, ut plerunq; urinantes conchas margaritarum in profundo legant. Ab alto fretum intrantibus sinistrosum sinuatur mare, ubi est insula, nomine Delacia, quæ proximæ continentis regno subiecta est. Id Barnagasium uocant, et magni Preteianis Abyssinorum regis imperio paret, cuius etiam ditionis sunt cuncta ea littora, quæ usque ad Suetiam in infimo sinu positam protenduntur. In hoc littore Ercocchus portus uisitur Abyssinæ regionis, è quo Indiæ merces ad interiora Aethiopum regna trans Nilum amnem deferuntur. In aduerso autem Arabico littore, Zida percelebris portus reperitur, quò applicant peregrini, qui religionis causa ad urbem Meccham duorum dierum terrestri itinere distantem contendunt, ut Mahometis sepulchrum inuisant, quanquam id pleriq; inane esse asseuerent, quum

illum apud Medinā Talnabim ex humanis excessisse,
 atque ibi tumultatum fuisse prædicent, quæ urbs per-
 tinet ad fines arenosæ solitudinis, quæ Arabes à Sy-
 ris difterminat. Extra autem freti angustias, ad læuam
 Ademum occurrit, celeberrimum, ut diximus, Felicis
 Arabiæ emporium. Inde ad Orientem nauigatur, ad
 aliud fama & celebritate par emporium, nomine Or-
 mutium, ad fauces Persici sinus in insula positū, indeq;
 reliqua Indorum regna, usq; trans Indum & Gangē,
 & auream Chersonesum adita subactaq; à Lusitanis
 uersus Sinarū regiones, eorū clasibus adeuntur. Egre-
 dientib; uerò Rubri maris fauces, immensum illud Au-
 stralis Oceani pelagus dextrorsum occurrit, Troglo-
 dyticoq; in littore Selana, Mōbazanaq; & Melindia
 regna, ad insulam diui Laurentij, atque ipsum
 extremum Aethiopiæ promontorium,
 Bonæ spei uocatum, anfractuosis
 & laciniatis littoribus
 protenduntur.

PAVLI

PAV
VO
P

tagiosa tab
 tus explica
 perpetuo c
 cūde gestis
 Auria ut p
 hybernis tē
 sent bruma
 maris trans
 stata sepe p
 nauigare a
 enim in His
 ximē retar
 bello in Sul
 siquidem
 Hispano c
 batur, &

PAVLI IOVII NO.

VOCOMENSIS EPISCO-
PI NVCKERINI HISTO-

riarum sui temporis.

LIBER XXXVIII.



AM plures dies Genue subse-
derat Caesar confirmanda uale-
tudini intentus, quæ paululum
commota fuerat ex inclemētia
Prouincialis celi, unde uastatis
legionibus tot millia hominum
Germanorumq; præsertim, cō-
tagiosa tabe periissent. Vehementer etiā erat occupa-
tus explicandis grauissimarum rerum consilijs, quæ
perpetuo curarum nexu, ex rebus in Gallia parū se-
cūde gestis succreuisent. Quamobrem monebatur ab
Auria ut peragenda conficere maturaret, priusquā
hybernis tēpestatibus recrudesceret mare, quod subes-
sent brumales dies, nec certa esset per Alcyonios dies
maris tranquillitas, quæ sicuti nequaquā ad certā diem
stata sæpe praueniens, et nonnunquā serius aduentās,
nauigare ausis non semper arridere consueffet. Caesarē
enim in Hispaniam erat enauigandū: sed duæ res ma-
ximè retardabant, quæ dignitatē eius, et iam ardentē
bello in Subalpinis, rerum securitatē respicerent. Arx
siquidem Mediolani, priusquam ipse Italia excederet,
Hispano custode, Hispanoq; præsidio munienda uide-
batur, et Montisferrati ditionis imperium, quod esset

ex Caesariana lege beneficium, legitimo heredi ad iudicandum. Id censebant Caesarianarum partium studiosi, quum eius regionis opes magno momento austinēdos Gallos, eo bello futuras prospicerent, propter Padi amnis ualidorumq; aliquot oppidorum opportunitates. De hereditate enim eius imperij, graui oborta erat controuersia, diuq; ea magna competitorum contentione iactabatur: constitutis namq; a Caesare iudicibus, et cōtestata lite, prolatisq; antiquissimorum iurium documentis, tres simul litem serebant, Federicus ipse Gōzaga, Carolus Sabaudius, et Frānciscus Salassus, diuerso ambitu diuersaq; spe ingressi litē, iuri sibi reddi uno tempore flagitabant, spes corū alētib; iureconsultis: utpote qui priuato quæstui, et factionibus facile deseruirent. Cæterum præclarū omnino ius erat Federico, in cuius matrimonio erat soror Bonificij, qui ex lapsu currentis equi perijisset, non obscura heres fraterni imperij, cum Sabaudij atq; Salassi iura nimis obsoleta et incerta putarentur. Salassus ab recenti merito quoddam deserto Gallo rege ad Cæsarem opportunissimo belli tempore se contulisset, non obscurā præmij spē præferebat. Sabaudius uerò nullā suā culpā sed causā Cæsaris, cui uel malo suo studendum iudicasset, magna parte principatus miserè expoliatus, resarciri sibi incōmoda, Montisferrati dominatus concessione ex benignitate Cæsaris postulabat. Sed his in rebus Cæsar æquus disceptator, et iuris sui consultissimus, erecto tribunali ita litem diremit, ut secundum Federici iura meritaq; pronunciaret, et Aluarum. Litem nam a quo Federicus in ditionem duceretur, eligeret.

De arce

De arce autem Mediolanēsi pari celeritate transactū est. Nam Maximilianus Stampa uetus custos, post Sfortie mortem se Caesaris nomine in custodia permansurum professus, nullam moram attulit, quin arce excederet, quanquam ex uetere suo maximeq; fideli obsequio, & studio insigni in Cæsarianū nomen, relinqui posse in eadem præfectura sperauisset. Sed Cæsar Hispano potius uiro, quàm Insubri, quanquam generoso spectataq; fide prædito fidendum ratus, cæteris in rebus Stampa postulatis, tanquam studioso partium, Insubrumq; procerū splendidissimo, collata Soncini oppidi ditione benignè atq; indulgētissime satisfecit. His confectis rebus, dimissisq; ab se totius propè Italia re-gulis, ipsoq; præcipuè Alexandro Medice genero, & Federico Mantuano, qui Casalem Montisferrati caput ab Aluaro Luna deduceretur, nactus idoneam tēpestatem in Hispaniam secundissime nauigauit. Sub id tempus Gallorum duces per ea, quæ nuper occupassent Subalpinae regionis oppida, diuisis copijs, præsidia confirmarant. Erant hi ferme omnes Itali, quod Gallos magna ex parte, ad præsidium terræ patriæ, quum Cæsar in Prouinciam irrumperet, Franciscus reuocarat. In his fuere præter Paulum Rentij Ceritis filium, & Annibalem Gonzagam cognomento Nouellarium, Guido Rangonus, Cæsar Fregosius, Caniniusq; Gonzaga, qui paulò ante nequicquam tentata Genue expugnatione, ad Subalpina Gallorum oppida se receperant, & quedam minora castella pulsus Cæsarianis occuparant. Excubabant autē in eam curam, ut proferret fines, opportunoq; aliquo ad geren-

dum bellum oppido ex insidijs potirentur. Hoc idem, ne facile accidere posset, sedulo præcauebat Vastius. Is paulò ante ex Transalpina prouincia regressus, Puerino in oppido Hispanorum, Italorumq; cohortes recensuerat, animaduersisq; ac exploratis Gallorum præsidij atq; consilij, Cherii instar urbis ingens oppidum, Taurino ad quintum lapidem propinquum, ex itinere aggredi, atque expugnare cogitarat. Sed ea re adactis tormentis uixdum cœpta, quòd ibi Rodericus Ripalta castrorum magister, oppidi situm moeniumq; naturam speculando, ictu minoris tormenti fuisset interfectus, & Annibal Nouellarius extructo insigni propugnaculo, cum delectis cohortibus oppidum tueretur, ad Astam in hyberna concesserat, Ioanne Barga in præsidio Villanouæ constituto, & reliquis item cohortibus per circumiecta castella distributis. Huic negotio prepositus erat Franciscus Marchio Salassus, qui à Francisco rege ex fluxa fide discedens ad Caesarem Galliam inuadentem se contulerat, præbueratq; non obscura malignitate callidam operam, ut Fossanum oppidum ab inopia commeatu, à Gallis prædij Antonio Leuæ dederetur: sedulo enim dux ille apprimè astutus, & uaser, Salassum quibusdam offensionibus à regijs ducibus alienatum, multa pollicendo, à regis amicitia clientelaq; ea conditione diuulserat, ut ei præfecturam Hispanici peditatus Caesaris nomine promitteret, quã Dauala domui à multis ante annis præclaro fidei atq; uirtutis merito, rex Ferdinandus concessisset. Ei quoq; Leua filiam nuptui se datum pollicebatur, quibus emolumentis inuitatus, sine pudore

pudore fidem mutare, regemq; deserere potuerit, sed
 iusta cum obrectatione Vastij, inuidiaq; multorum, id
 infamis consilij præmium appetisse apparebat: quan-
 quam Hispani cohortium præfecti & cæturiones non-
 nulli malignis ingratisq; ingenijs, cum probro Vastij
 ipsum Salassum tanquam uerum opportunumq; ducē
 ideoq; efficacius atq; nobilius arma tractaturum, im-
 pudenti adulatione complecterentur, utpote, qui sibi
 licere cuncta, & impune rapere posse omnia ex indul-
 gentia noui, nec adhuc à Casare confirmati ducis spe-
 rarent, uti uidere fuit, quum apud Caragium oppidū
 deuictō Turrisano Gallicarum partium tumultuario
 duce, trahenteq; secum ad bellum inconditam agre-
 ssum multitudinem inusitata crudelitatis cædes ede-
 retur. Salassus namq; Hispanos, ut in deditā, & ad ter-
 ram arma proijcientem miserorum hostium multitu-
 dinē, atrocissima cæde grassarentur, immaniter fuerat
 cohortatus, eo euentu, ut ingens hominum multitudo
 mortem suppliciter deprecantium, crudelissimè fuerit
 trucidata, quod usquam antea uel ab efferatis & Bar-
 baris factum fuisse nemo meminerat. Qua crudeli in-
 dulgentia Salassus se bene auspiciatum fuisse promissæ
 præfecturæ honorē, & cōciliasse sibi hostili sanguine,
 & præda Hispanos insolentissimè iactabat. Substite-
 rat Albæ Pompeiæ Federicus Gonzaga expectans, ut
 ex sententia iussuq; Caesaris à Casalensibus in urbem
 reciperetur, & Montisferrati princeps populari ac-
 clamazione præclaro iure hereditatis appellare-
 tur. Sed Aluarus Luna ad tradendum de manu ur-
 bis imperium solenni cerimonia in urbem præmissus,

ea in re non alienas modò, sed planè rebelles ciuium uoluntates reperiēbat. Erant pleriq; principes Guelphi nominis, qui antiquissimi dominatus ditionem patriamq; in potestatem Mantuani, noui, ignoti; sibi principis deuenire iniquissimis animis ferebant, malebantq; parère Gallis, opulentissimiq; regis imperio, qui Cisalpinæ Gallie possessione, eiectis Casarianis, potiturus esse crederetur, quàm perferre Casarianorum acerbitates, qui perpetuis æstiuis atq; hybernis amica oppida miserabiliter uexare, ac euertere consuerissent. Vigebat etiam tum memoria apud Casalenses, Gulielmi principis, qui Gallicam alam ductare, & regis gratia, magno ciuium suorum commodo, pollere erat solitus. Nam quisque uti erat genere nobilis, & spiritu alacer, in alam equestri stipendio scribebatur, sentiebantq; fermè omnes ciues ex ea militia & peculiari regis benignitate, non obscura emolumenta, quæ erant honestissima, his præsertim ciuibus, qui principis beneuolentiam ex fide uirtuteq; aut in ala foris, aut in aula domi meruissent, quarum rerum nihil sperarent ex dominatu Mantuani, quòd Casarianæ militiæ honores & præmia nequaquam ad Italos, uerùm ad Hispanos atque Germanos, & Belgas uerterentur. His deprauatos opinionibus Casalenses duo ante alios, ut ad Gallos deficerent, assidua cohortatione sollicitarat Guliermus Blandratus professione iureconsultus, sed ingenio seditiosus & acer, planeq; militaris, & Christophorus Guascus Guelphæ factionis princeps apud Alexandrinos, qui eius ardentioris studij nomine extorris, & exul factus, Gallis militabat.

militebat. Itaque Casalensium quorundam civium opera accersuntur Galli, hisq; ad ingressum porta proditur, populo inexpectata re tanquam ignaro eius consilij uehementer commoto atque exterrito, sed mox subitice, & nihil sese ad arma commouente, quod publico nobilitatis consilio id facinus patratum fuisse crederet. Burria Gallorum praefectus primus omnium urbem intrauit, promptissimos Vasconum peditum, in equitum tergis confessores, festinandi causa secum adducens, edicensq; ut alij atque alij pedites & equites ex Varulengi oppidi praesidio deducti, se praecurrentem consequerentur. Eo modo ad condictionem a proditoribus horum quietissime in urbem receptus, circumvallare arcem parat, ne quis inde in arcem erumpere possit. In eam nanque Mantuani ipsius legati cum Aluaro Luna confugerant. Nec mora, Gallis impigre operam nauantibus, Burria, Blandratus & Guascus, arcis egressum circumvallant atq; praeseperunt, fossaq; subitarij operis satis lata profundaq; producit, lunatusq; erigitur agger, in quo aduersus erumpere tentantes praesidium imponitur. Ceterum occupatis in opere Gallis, eius rei gestae nuncius ad Vastum illico defertur. Is tum exercebatur apud Astam in ludo paruae pileae. Hac re audita nihil ipso ore perturbatur, sed erecto animo expeditum capit consilium ferendae opis, idq; miro silentio contegit, ac signum tuba dari iubet, ut milites illico arma capiant, & se proficiscentem summa festinatione subsequantur. Parent edicto milites, & per lutulenta itinera summa alacritate uiam capeffunt, rati se propere

perduci ad occupandum aliquod hostile oppidum unde opima præda peteretur. Sed non prius consilium aperuit Vastius, quàm ad Alferium uicum est peruentum. Tum uerò aduocatis præfectis, quàm stultè atque arroganter Casalenses ad Gallos defecerint, patefacit, eorum perfidiam extemplo uindicandam edocet, spemq; omnem ulciscendi hostis in celeritate positam ostendit: hortatur singulos, ut uel difficillimi itineris laborem impigrè sustineant, ut paratæ uictoriæ fructum contendendo, atque accelerando secum percipere uelint. Itaq; tota ea nocte, uel præalto impeditum ceno iter nusquam fuit intermissum, indignantibus Hispanis, quòd Casalenses usque adeò fœdum facinus admisissent, ob idq; ad eos accensis spe prædæ animis celerrimè peruadunt. Orto iam sole peruentum est ad arcem, continuoque Vastius ab Aluaro Luna, Ioanneq; Pescherio arcis custode perdiscit, quas munitiones Galli contra arcem crexerint, quo animo sint Casalenses, quibus uiribus nitatur Burria Gallus. Speculanti autem muri altitudinem Vastio, eius equus è quo dudum descenderat, ex transuersa hostium munitione tormenti pila interficitur. Sed nihil eum id inane ostentum terret, postulatq; sibi extrorsus ab arce dimitti scalas, quibus murum ab arce ad Padū pertinentem aggrediatur. Nam milites per arcem receptos, quominus expedite atque audacter ad inuadendam hostium munitionem progredierentur, pons arcis ligneus, prolati fortè grauioris tormenti pondere effractis asseribus interruptus, importunè retardabat, & dispositi post aggerem hostium sclopettarij in ipsos

ipsos erumpere audentes, subitam glandium procel-
 lam se effusuros intentis ignium funiculis ostende-
 bant. His igitur scalis arreptis & appositis, non du-
 bitauere milites, quin audacter conscenderent, & sese
 in urbem deijcerent, quod uetus agger mœnibus appo-
 situs, ex ueteri consuetudine introrsus esset accliuus.
 Verum Galli è munitione, ab altisq; priuatis ædibus,
 sclopettis rem gerentes, multos eminus uulnerabant,
 atque sternebant. Quare animaduersa Vastius ex-
 teriorem fossam scalis coniungi, superiectisque asse-
 ribus contegi, atque erigi in muri coronam præci-
 pit, ut conferta acie milites tanquam per accliuem
 pontem conscenso muro in urbem intrarent, aucto-
 que eorum numero qui iam transcenderant, omnium
 animos confirmarent, & in arcem conglobata acie
 deferrentur. Non desuere sibi Galli quin acerrimè
 prælium committerent, sic ut aliquandiu cruentissimè
 dimicaretur. Nam ut ad manum quoque uentum est,
 dubia uictoria uidebatur. In eo enim congressu Hie-
 ronymus Mendocius, Rhodie militiæ adscriptus, &
 in Peloponneso uirtute clarus, qui erat Hispanorum
 princeps, glande traiectus cadit. Petrus Glaena mor-
 tifero sclopetti ictu sauciatur, occiditurq; immodera-
 tæ fortitudinis adolescens Vgone Moncata genitus,
 quem nauali prælio iuxta Salernum ab Aurianis ui-
 ctum interfectumq; fuisse docuimus. Exarsere ira Cæ-
 sariani, prodeunteq; & cohortante Vastio, in hostes
 impetum redintegrant. Nec Galli impressionem ferre
 possunt, statimq; profligantur, diffugiuntq; per pri-
 uatas domos quas perforatis parietibus inter se ad

permeandum coniunxerant. Sed passim expugnatis domibus hostes ferme omnes aut trucidantur, aut se uictoribus dedunt. Capitur ipse Burria. Blandratus feliciter effugit. Guasus dum tentaret Vadum in Pado, quum nullam ueniam speraret, si in Vastij potestatem uenisset, se temerè commisisse amni, & perijse creditus est, quod nusquam postea comparuisset. Casalenses uel Guelphi Gibelliniq; nominis ad unum omnes admissi facinoris, in uestigio poenas dederunt, quum capti à milite pecunia se redimere cogerentur. Vastius templorum decus, mulierumq; pudicitiam cordi habuit: multos seruauit, accitusq; Federicus liberalitatem suam in multos suarum partium ciues exercuit, in luctuosaq; uictoria, quæ uoluptate peculiari minimè careret, publico consensu receptus est. Nec multò post Vastius præmisso Burria, qui in arce Mediolani custodiretur, Mediolanum cõtendit eo animo, ut Iacobum Medicem, fratremq; eius Baptistam comprehenderet, quòd ab inimicis iniqua delatione consensisse cum Gallo hoste dicerentur. Erant enim Medicei propter anteacti belli memoriam auarissimè & crudelissimè Lario in lacu gesti, magnæ apud Mediolanenses quosdam principes expositi inuidiæ, sed qui à Francisco Sfortia earum rerum ueniam essent promeriti. Quum ambos Vastius post epulas cepisset, his suspicionibus ita sese Iacobus explicuit, ut pro uetere sua clementia Vastius eos nequaquam capite puniendos existimaret, ne alienæ libidini, malignitatiq; seruauisse diceretur, reiectòque ad Cesarem iudicio, eos demum recepit in gratiam, atque eis ablatum à que-

storibus

floribus argentum restitui iussit. Cum Vastius Medio-
 lani ueterum Saturnalium more natalitia Dei Christi
 festa celebraret, apud Florentiam inusitata perfidia,
 summaq; immanitatis facinus postridie nonas Ianua-
 rias admissum est à Laurentio Medice, in Alexandri
 principis atrocissimam cædem, cuius execrabilis facti
 causam & modum, quàm breuissimè potero explicare
 pro instituto operis, operæpretium esse putauerim.
 Alexander ubi nuptijs cum Margarita Cæsaris filia
 Neapoli cõfectis, Florentiam est reuersus, opportunis
 ciuiliū actionum decretis, institutisq; præsidijs, do-
 minatus opes confirmauit, & maxime compositi, &
 diligentis futuri principis specimen dabat, ignoscen-
 do ueteribus inimicis, studiososq; Medicei nominis, &
 propinquos beneficijs subleuando, & quod erat gra-
 tiæ popularis, rectissima ratione inter ciues ius dicen-
 do, quum infirmiorum etiam ciuium preces, & que-
 rimonas benignè ad aures admittere nunquam pige-
 ret. Sextum & uigesimum nato annum, corpus obue-
 nerat mediocris certæ staturæ, sed ualida atque habili
 neruorum compage firmissimum, militia laboribus
 utiq; par, atq; omni ingenuæ exercitationi, quum ex-
 pediret, aptissimum. Sed eius animus leuitate iuuenili
 in Venerem usque adeò procax erat & præceps, ut ei
 nouæ nuptiæ sordesceret thorus, ac dignitatis suæ &
 ualetudinis, & deniq; salutis curam abieciſſe crede-
 retur, quum Laurentij patris exemplo, nouis semper
 stupris ac adulterijs obnixè gauderet. Ea de causa no-
 ctu per urbem cum armatis sæpe ita uagabatur, ut non-
 nunquã contracto cum obuijs cructo certamine sum-

num uitæ discrimen adiret. In eius intimam familiari-
tatem sensim sese miro astu insinuarat Laurentius Me-
dices, effectis moribus, & his in adulationem & desti-
natum dolum callidissimè compositis, quibus insatua-
tum atq; deceptū principem opprimeret. Erat is Me-
diceorum omnium Alexandro sanguine maxime pro-
pinquus, etate fermè æqualis, ipsiq; paternæ domus
cubiculis adeò coniunctus, ut secretiore ostio ad com-
meandum committerentur, communicatis scilicet secre-
ta clauibus, quibus, quū utriq; luberet, sine arbitro con-
ueniendi facultas daretur. Nam unde facilè capi prin-
ceps poterat, amatoriarum cupiditatum, quibus ille
insatiabilis & uagus semper arderet, unus ipse Lau-
rentius, & conscius, & arbiter erat effectus. Eruditi
siquidem & arguti ingenij illecebris ad omne lenoci-
niū erat paratus & efficax, adeò ut non absurdos uer-
sus, qui essent instrumenta libidinis, pangere, nec im-
moenas Etruscæ fabulæ comedias factitare, & in sce-
nam edere soleret: simulabat enim se unicam ex his stu-
dijs delectationem petere: propterea abdicare penitus
arma à latere, quæ ceteri ex aula gestarent, cruorem
reformidare, & prorsus se imbellem esse, atque otij a-
uidum ostendere. Ad hæc pallente uultu, & fronte cō-
tracta deambulabat solus, cum paucis parcissimè ser-
mones serens, uasta & silentia urbis loca frequentans,
& non obscuras ebullientis atræ bilis notas ita prefe-
rens, ut nonnulli cum irridere tacitè inciperent: alij
acutiores eum aliquod insolens & truculentū facinus
coquere, prorsus meditari suspicarentur. Nam quibus-
dā in aula, & suspectus, & inuisus esse cœperat, quod

Neapoli

Neapoli cū Strozzi exulibus consilia de interficiendo principe miscuisset. Sape enim apud exules maledicentissimo ore in Alexandrum fuerat inuectus, cum ille incerta adhuc Caesaris soceri gratia suspensus, spurcissimis inimicorum libellis et delationibus oppugnaretur, dixeratq; se maturè uiam inuenturum, qua cōmunis patriæ tyrannus ex tuto tolleretur. Caterum geminata ueluti perfidia, quid exules cogitarent, quid ue molirentur, ad Alexandrum illico deferbat: prolatisq; nonnullis literis et syngraphis, præclaram studio, officioq; suo sinceræ sedulitatis fidem adstruebat. Id quum rescisset ex suis speculatoribus Petrus Strozza, uersipelle Laurentij ingenium, tanquam duplici ancipitiq; perfidia infame, generosè atque indignanter detestatus, Pandulfo Puccio ueteri suo sodali fortè obuiò, quin de ea re præceptis colloqueretur, linguam moderari non potuit, apertè dicens: Ecquàm ineptus est et sui ignarus Pandulfe, hic uester Alexander, qui Laurentio Medice summæ perfidiæ adulate tanto pere delectatur, quando is quotidie nobis se illum omnino interfectorum iactanter repromittat. Non defuit officio suo Puccius, uti erat ex amicorum cœtus præcipuus, sermonemq; Strozze totum principi detulit. Nec multò post Alexander Laurentium in cubiculū uocat, quid audierit enudat. Ad ea ille absolutæ simulationis proditor, composito uultu subridens, ita respondit, ut cuncta ea quæ Strozza dixisset, uera esse fateretur, uerum nō inepto artificio iam pridem ab se instituta. Quoniam (inquit) princeps, tutiore aptioreq; modo mihi erunt exacti speculatoris partes imple-

de, nisi ut me tibi ex arcano inimicissimum esse prædicem: scilicet, ut hac subtili simulatione secreta omnia è præcordijs inimicorum eruantur, & saluti dignitatiq; tuæ egregiè prospiciam, uel hac mea diligentia: quanquā ea meo nomini periculosa & turpis appareat. His uerbis, ut credi par est, antea meditatis, suspicionem omnem facile auertit, apud principem iam planè sato suo obstrictum, & nihil de homine cunctis amicitie gratiaq; iuribus, & per amplis beneficijs coniunctissimo suspicantem. Ceterum ut certius atque lethalius falleret, his tantis delationum artificijs, etiam fraudulenta omnis lenocinij obsequia solerter addebat, nonnunquam principem ab effreni licentia in temperantem, ad sacratas uirgines perducens, quarum ipse nefarijs amoribus usque adeò porcitè delectari consueffet, ut nequaquam magni Dei ultoris numen timeret, quod eius sacrilegij reos nequaquam serò uti impios teterrimo uitæ exitu, uel hoc præclaro amborum exemplo dammare conspiciamus. Itaque Laurentio supra sesquiannum in hac diri sceleris cogitatione uersato, nec alienæ fidei quicquam temerè committenti, fortuna infesta principi, per sequestram Venerem patrando facinori exoptatæ securitatis occasione præbuit: saluti nanque cum ante omnia cauendum arbitraretur, ut post editam tyrāni cædem (sicuti aiebat) liberatæ ab se patriæ gaudio gloriaq; suæ saluus inter esset, multa hætenus tanquam parum tuta expediendæ fugæ loca, & tempora repudiaret. Fortè tum erat in ipsa principis uicinia matrona pernobilis, uenustæq; formæ, sed certissima atq; inexpugnabilis pudicitie.

Hanc

Hanc, quod mirè placeret principi, ad tendendas infidias idoneam ratus, conciliando eius amori operam suam atq; ingenium amanti obtulit, eoq; propensius, quod ea sibi esset arcta propinquitate coniuncta, atq; ideo maxime familiaris. Itaq; ea nocte, quæ Ianuarias Nonas antecepsit, postquam coenatum est, Laurentius composito dolo in aurem Alexandri insufurrans, perfidiosoq; mentitus, dicit in adamata muliere uel ingenuè casta & diu reluctante, expugnatum esse pudorē persuasionibus atque promissis, eademq; nocte eam in complexum eius deuenturam, ea tamen conditione, ut totum id religioso silentio contegat, & quæ eius nomine ex sua fide præmia pepigerit, liberaliter præstet. Simulabat siquidē à muliere mutua pecuniæ subsidia peti, quæ ipsius uiro, uti iam princeps norat, nō obscurè decoquenti suppeditarentur, confirmandis scilicet eius fortunis & mercatura rationibus, quæ uehementer essent conturbatæ. His postulatis tanquā honestissimis facillè annuit Alexander, matura spe exoptatæ libidinis incensus, statimq; cœnaculo exiens, in domum attiguam ipsius Laurentij (uti sæpe aliàs) deducitur, ablegareq; ab se cubicularios duos, qui aderant, iubetur, ne illi quicquam ex re cōposita instantiq; subodorari possent. Sifitur ergo incautus princeps in cubiculo, ipsoq; etiam proditoris lecto, ut ibi tantisper conquiescat & expectet donec intempesta nox adsit, & silentia adducat, per quæ utriq; uti expediat, tutissimus transitus paretur. Breue siquidē spatium angustæ uiae inter principis posticum & matronæ fores intererat. Parato expectare, extentoq; in thorum principi sua-

det, ut gladium discingat, quo mollius cubet. Id quum ille fecisset, Laurentius gladij capulum uaginae baltheolo dissimulante, ut saepe fit, ita conuoluit, ut si cui praesidij causa repeteret princeps, non facile uagina educi posset, hortatur demum, ut obdormiscat, donec ipse rebus compositis & instructis, reuertatur. Discedens Laurentius reliquit lumen, circumductoq; ad lectum conopeo, cubiculi fores post se trahit, quae ultro nea sera claudebantur. Tum uero compositis est sententia insidijs, Laurentius iuuenem, Scoruncunculum nomine, sibi à pedibus famulantem, cui ipse homicidij reo uitam à principe impetrarat, ad se uocat, hortaturq; ut sibi fortem operam, sicuti antea promississet, prestare uelit, in confodiendo insigni quodam homine nomini suo inimicissimo, animis tantum opus esse, neq; eius aspectu debere permoueri, quod res extra periculum transigi possit. Ille alacriter respondet, se non recusaturum, quin ut aliquam accepti beneficij gratiam persoluat, quantumlibet insignem uirum, ac si iubeat ipsum deniq; principem obtruncet. Ad hæc Laurentius egregie diuinasti, inquit, mi frater, ipse est, inclusumq; cum hoc cubiculo dormitantemq; tenemus. Nec mora ad apertis tacite foribus, cubiculum ingrediuntur, ascito etiam comite uili agasone familiari, cui tamquam elubi atq; tardipedi à contrario sensu Frecciae cognomen erat, quae uox Italicè sagittam exprimit. Laurentius expedito breuiore gladio stertenti costas transadigit. Ille exterritus tanto uulnere in aduersam lecti spondam se deiecit, repensq; manibus & genibus subter lectum emergit. Ei sese erigenti Freccia malam discindit,

scindit, alij arreptum scabellum presenti animo pro
 scuto opponentē circumfissunt. atq; ictus ingeminant.
 Ille rabide feræ persimilis Laurentium inuadens, pro-
 ditoremq; adeo alta voce uocans, ut tota domo (sicuti
 ex mulierū testimonio constat) exaudiretur, leuæ ma-
 nus pollicem dentibus apprehendit atq; persfregit, quo
 dolore correptus, opem sibi à Scoruncunculo asferri
 postulauit, ab eoq; iugulatus princeps, multū euomēs
 cruorem prosternitur, confossusq; demum alijs uulne-
 ribus lecto impositus est, nec quisquā ad tanta rei stre-
 pitum ē familia accurrit, quod Laurentius multum an-
 tea ad fallendos familiares, cum sodalibus eo in cubi-
 culo multa cū uociferatione scabellis & scutis, hastisq;
 colluctari, ad imaginemq; iocose exercitationis per-
 strepere consueisset, ut in eam diem dolum pararet. In-
 terfecto per hunc modum principe, quum percussori
 detegēda cædes, idq; facinus, desecto atq; exposito in-
 terempti capite omnino propalādum, & uocandus ad
 libertatem populus foret, stetit ei aliquandiu attonita,
 & ualde suspensa mens, ex cogitatione patrati sceleris
 usque adeo, ut oblitus suæ gloriæ, quam unam à tanta
 perfidiæ labe se petisse postea iactabat, in ipsam salu-
 tis suæ curam totus incumberet. Propterea ad Angelū
 Martium illico contendit, qui principis occupati aut
 absentis uices implere erat solitus: ab hoc facile impe-
 trat equos publicos, & aperiendæ urbis porta tesserā,
 simulans fratrem in Casagiolia uilla mortiferis uētris
 torminibus torqueri, quem condendi testamerti causa
 omnino ea nocte inuisere percuperet. Indulsit petenti
 Martius, quod iniussu principis nemini præterquam

ei singulari gratia pollenti erat concedendum, atq; ita ille acceptis & incitatis equis, sicarios suos educens, Bononiam, atq; inde Venetias peruolauit, ut optatissimum Philippo Strozze nuncium afferret. Constat eum in discessu T. Zephio, qui domesticis rationibus præerat funesti cubiculi clauē dedisse iussisseq; ut ante diluculum ingrederetur, & quid reperisset, certis ciuibus nunciaret, quibus Medicei dominatus felicitas grauis, et inuisa uideretur. Impleuit iussa Zephius, sed nemo ex his hiscere, aut se omnino commouere ausus est, quod neq; Zephio, neq; ipsi Laurentio tanquā ab ambigua fide suspecto satis crederent, seu id esset effectum experiundis ciuium animis, ut qui præproperi forent, nimia credulitate in noxæ capitalis crimē præcipites darentur. At sole iam exorto duo cubicularij, quos ab se Alexandrum, quum proditoris domum intraret, ablegasse diximus, quū tota nocte cum frustra perquisissent, trepidi id totū deferunt Innocentio Cardinali, qui uti erat propinquitate atq; amicitia cōiunctissimus, honestiore in parte ædium habitabat. Is quid acciderit principi, perturbata mente diuinat, accersiturq; statim in consilium Franciscus Campana epistolarum magister, amboq; nihil dubitant, quin incautus princeps a Laurētio in ipsius cubiculo sit interfectus, compressoq; dolore, ereptum proculdubio principem internis tantum lachrymis lugendum, nec usquā querendum censent, postquā renūcialum est Laurentiū mutatis ad celeritatem iumentis per Apœninum iter extēdisse. Egregiè autem cōpositis uultibus simulant, edicuntque ciuibus de more in aulam ad salutandum principem

principem uenientibus illum obdormiscere, quod tota nocte ludibundus cum sodalibus uigilasset, foreque, ut quum pransus esset, personatus prodiret, in eiusque rei simulationem, multa uestis luper calibus & theatralibus apta ludis circumferretur. Caterum per tabellarios eximie pernicitatis, Alexandro Vitellio, Rodulphoque Baleoni perscribunt, ut magnæ periculosæque rei causâ quantas maximè possent copias ex Aretinis & Cortonensibus agris celerrimè cogant, Florentiamque perducant. Idem ut faciant præcipitur præfectis cohortium descriptarum in Mugellano agro, cuius tractus incolæ fortissimi deditissimi, Mediceo nomini existimantur. Nec prius principis corpus quasitum conspectumque est, quàm primis tenebris, ne id in plebe adhuc ignara ueræ cædis tumultum excitaret. Itaque pauci familiares, ita iubente Cardinale, tapeti inuolutum in Laurêtianam ædem clam detulerunt. Erat tum in Trebia uilla Cosmus Medices, decimum octauum ætatis agens annum, ad què nihil tale expectantè secundissimo cursu Etrusci imperij fortuna ferebatur, ipso Ioâne Medice duce fortissimo ex Maria Saluiata genitus, quem Germanis ad inuadendam uastandamque urbem Romam ingruentibus, seruituræ mox Italiæ fato potius quàm suo ad Minciũ, tormenti ictu cecidisse docuimus. Is, quum patritiæ iuuentutis sodalibus uenationem edidisset, ex frequenti & repentino incolarum concursu, cohortes tanquam urbani tumultus causa Florentiam accersit uidet, Laurêtiumque Medicem in singulis militaris uie mansionibus, equos mutauisse, & rectâ per Apenninũ extendisse iter comperit, nec inani coniectura statim

adducitur, ut principem à Laurentio interfectum, aut omnino uulneratū esse non dubitet, eoq; firmitus, quòd duos principis familiares, post aliquot horas eadem festinatione præteruictum persecutos esse didicerat. Sed admiratur, cur sibi à matre diligentissima scemina nihil sit enunciatum. Id uerò accidebat, quòd nemini ad exitū portæ urbis pateret. Nec multò post ingruente iam nocte, superuenit uir agrestis certissimum interfecti principis nuncium afferens, cuius cædis editæ certior factus, accurata uultus simulatione, cum dolore ex acerbissimo principis casu, tum lætitiâ ex Laurentij paricidio statim commiscet, & silentio contegit. Nam sicuti illum ex animo amabat colebatq;, ita hunc maxime oderat, tanquam insidiosa malignitatis aduersarium: nam ei litem intenderat Laurentius de paterna atque auita hæreditate ualde grauem, ob idq; explicatu difficillimam, quòd in ea protrahenda supinus princeps Laurëtio non obscure saueri putaretur. Tum uerò ea re paucis communicata, Cosmus sibi ad urbem eundum censet, cohortantibus quibusdā patris militibus ueteranis, qui cohortes ad iter paratas adducebant, & se custodiæ causa eunti comitem offerebāt. Sed eis gratias eius oblatis officij agens, & nocturnum iter multis de causis uitandum existimans, id armorum præsidium repudiat, proficisci q; eos, nec quicquā de festinatione remittere iubet, dicens se prima luce subsequeturum. Nolebat enim uideri, quum ad urbem applicaret, armata præsidia quæsiuisse. Postero igitur die quum intrasset, modicum trahens comitatum, passimq; ab obuijs miro studio salutaretur, perrexit ad principis

principis aedes, ascenditq; petasatus & penulatus ad Cardinalem, professus ideo se uenisse, ut communibus lachrymis ereptum principem lugeret, & quam posset patriæ principe defensoreq; orbatæ fidem operā præstaret. Cōplectente eum Cardinale, & ut bene speraret, seduloq; conceptā spem dissimularet admonēte, ad matrem se contulit, frequenti populo omniq; turba prætorianorum, qui armati uestibulum domus tuebantur, ita audis oculis, propensisq; animis introeuntem inspectante, ut leto exorto murmure, aduenisse eum iuuenē summæ spei integriq; pudoris, magnanimi patris spiritum gerentem prædicarent, qui principatum exciperet, & id totum parricidij scelus egregiè uindicaret. Nec mora pleriq; ex paternis amicis beneuolisq; ciuibus eum adeuntes, arctè complectuntur. suadentq; ut sese erigat & de principatu adipiscendo bonam spem induere uelit. Ipsos enim cū amicis & propinquis primorum ciuitatis ordinū enixè curaturos, ut præclara atq; certissima senatus suffragatione subleuetur. At ille, uti rei grauissimæ momentum postulabat, à summis uiris edoctus, molliter respondit, seq; mira uultus tranquillitate alienū à cogitatione dominatus ostendit, ut qui mediocritate fortunæ suæ contentus foret, modò urbanis rebus non incerta securitas paretur, & sibi ciues honestum inter patritios in republica locū relinquant, usque adeò demisso animo sermoneq; reiectis amicorum adhortationibus, ut nonnulli indignantes subiratiq; in eo tauquam nimis humilem, algentisq; spiritus habitū reprehendere auderent, ad dentes eū nequaquā Ioanne magnanimo patre genitū

uideri, qui ad magna imperia, ingentemq; semper gloriam aspirare, generosoq; ausu decora quæq; appetere, & maximè ardua fortiter complecti, uirtute duce consueffet. Quibus de causis fiebat, ut adolescens ingenui pudoris plenus, uerecundia uehementer angretur, quòd amicorum fauentium studia inepte & periculosè paruifacere crederetur, parumq; uirili animo tantæ spei occasionem elabi sineret. Sed expediebat hos ruanores astuta aure transmittere, commodeq; sapere in præsens, quando spes omnis posita esset in dissimulatione, qua capi facili cõciliariq; præfides apparebat, quorū mētibus hæeret illa ipsa non obscure grata omnibus imago deploratæ libertatis. Erant hi quadraginta octo uiri, apud quos numeratis suffragijs componendi ciuitatis status, declarandiq; principis summa erat potestas. Horum ferè omnium una mens erat, abolere principis nomen, ueteremq; excitare libertatem, quæ tantis belli incommodis sæpe erepta, et uirili consilio semper recuperata, nunquam bonis & strenuis ciuibus defuisset. Sed primores ciuitatis infavstum popularis status nomen horrebant, ad quem sublato unius dominatu continuò recidendum esse prouidebant, recenti maximè exemplo, quum eiecta Medicea familia populares plebeiq; homines impudenter Remp. inuasissent, quibus insolentissimè atq; acerbissimè dominantibus, irrisa prostrataq; nobilitas fuisse, & ciuitas, importuna imperitorum ciuiliū obstinatione, in ultimum terribilis excidij, & ueræ demum seruitutis discrimen perducta cõspiceretur. Itaq; singuli ferè primates, qui solertis ingenij atq; inueterata prudentiæ

dentiae auctoritate ualebant, quanquam auidissimi essent repetendae libertatis, et patriae amantissimi, media tamen consilia in eo negotio salutaria fore iudicabāt, ne iterum inuictissimi Caesaris praepotentia arma prouocarent. Placebat enim moderatae potētia princeps, qui patriae legibus obtēperaret, ipsorumq; optimatū perenni consilio uteretur, scilicet, ut plebs curiae muneribus exclusa, ad opificia sua rediret, assuesceretq; parēre melioribus, et patritio ordini, quem tantis affecisset contumelijs, meritis improbae temeritatis poenas penderet. Plebi et mediae classis hominibus maxime erat insensu Franciscus Guicciardinus, Matthaeus Strozza, Frāsciscusq; Victorius, et Robertus Acciaiolus, iam pridem grauiissimarum rerum consilijs assueti, qui moderatae potētia dominatum ferre, in quo ipsi sese gratia auctoritateq; insignes fore minime dubitarent, quā ab ingratis et sordidissimis ciuib; iniuriam pati malebant. Ab his quum honestissimus quisque in sententiam traheretur, quadraginta octo uiri per apparitores ad consilium uocati sunt. Habitus est is senatus ex dignitate Cardinalis, superiore in coenaculo Mediceae domus. Valida autem armatorū praesidia, et in compito exteriori, et intus in cauedio ad scalas, singulasq; ostiorum ualuas, ab Alexandro Vitellio disponebātur, qui dudum singulari usus celeritate eum cohortibus aduenerat, et Cosmo studiosissime fauebat. Quum senatus cogeretur, et Cosmus ē penatib; suis ad Cardinālē fautoresq; suos redire statueret, mater eum retentare atque obtestari coepit, ne ea cupere aggrediq; properaret, quae ipsum in ualde periculo-

sam salutis & dignitatis aleam perducerent, propter
 malignas & occultas multorum uoluntates, & insitū
 natura Florentinis omnibus arripiendæ libertatis stu-
 dium, cui, uti paulo ante experti essent, nisi eruentis
 armis resisti non posset. Ad ea adolescens non dubiè ar-
 ridentis fortune suæ cōsciū, desine me, inquit, pia ma-
 ter tam sollicitè adhortari, nam eō mihi omnino eundū
 est, quò fortuna uocat, quæ hæc ipsam parandi summi
 decoris occasionem tam honestam quàm necessariam
 nomini nostro benignè demonstrat, nec eam utique, si
 negligatur, uti reor, ad nos postea rediturā. Neq; enim
 fas est deesse nobis ab ignobili metu, quum Dijs nequa
 quam inuitis ad oblatum decus rapimur, ut fidem fati
 uirtute sequamur. Meminerat siquidem à Basilio ma-
 thematico, Græcōq; item ariolo, ex inspectione uolæ
 manus, ingentis opulentiae hereditatem sibi portendi,
 quòd in ipso geniturae horoscopo idē Capricorni felix
 astrum mirabili conspirantium syderū aspectus irra-
 diatum esse dicerent, sicuti olim eucnerit Augusto, &
 hodie Carolo Quinto imperatori, qui propter inuen-
 tum subactumq; ad occidentalem plagam nouum ter-
 rarum orbē, ipsa prope immensa imperij amplitudine
 Augusto æquiparandus uideri possit. Cum hoc animi
 decreto ad Cardinalem pertendens Cosmus, senatores
 qui iam confederant, neq; seuera, neq; demissa fronte
 salutauit, ne conceptā spem intuentibus proderet. Cæ-
 terū amicissimi, quos diximus, pro eo ita prensabāt,
 ut magna pars senatus, nequaquam de eligendo prin-
 cipe, sed de ordinanda Republica, se prolixè consulta-
 turam crederet, utpote quæ uexilliferatum, tanquam
 imaginem

imaginem temporarij principis, erigendū arbitraretur, quo aliquis ex ipso ordine ornandus atq; attollendus foret, qui publici imperij dignitatem solita honorabilis personæ maiestate tueretur. Tum uerò Cardinalis, Cosmo in subdiale pauimentū ad deambulationē se recipere iusso, ne uti compositum fuerat, sententijs senatus interesset, exorsus ab immanitate parricidij periculoq; ciuitatis: Patres (inquit) quod est Deorum immortalium munus, uno auulso non deficit alter aureus, qui affectu orbatæq; Reipublicæ subueniat, Cosmum præclare indicans, qui certæ nobilitatis, temperatiq; ingenij atque incorruptæ probitatis adolescens, tanquam Alexandro maxime propinquus ex Cæsaris tabulis in administranda Republica successor esset designatus: ipsos ergo probè recteq; facturos, si eam Cæsaris legem obseruarent, à qua discedere nefas sit. Neq; ex usu cōmodoq; ciuitatis uideri possit, si uiolata fide, quibusdam aliò flectendis esse uoluntates appareat, ut nouus rerū status inducatur. Iura siquidem Florentini imperij ex ipsorum uoluntate, authoritateq; Cæsaris addicta familiæ Medicæ, & solennib. codicillis confirmata, nisi stultissima præuaricatione, à quoquā extraperniciem uiolari non posse. Quandoquidem eius improbè imiti susceptiq; consilij authores, necesse sit in ipso maleficii uestigio poenitere, tam propinquis scilicet atq; expeditis Cæsarianorum copijs, quæ omnem infidelitatis suspicionē celerrimè ulcisci queant. Porro Cosmum tanto ciue genitum, qui nuper intermortuū militiæ decus apud Etruscos ad aternā laudē excitauit, tantisq; nobilitatis eximia ex Saluiata matre propin-

quitatibus septem, non alio quàm ipsorum usurum consilio, daturūq; operam, ut ipse rerum rudis & imperitus publico consensu obsequentiſſimi & moderatiſſimi principis famam consequatur. Serebant inter se tacitos sermones patritij, perplexiq; animis consideratius atq; languidius deliberabāt. Nam Canisianus ineptus & sūtilis senator, de subrogando Alexandri filio ex concubina uix trimo, ad quem Cardinalis paulo ante respicere uidebatur, mentionem intulerat, & Pallas Oricellarius se neq; principem, neq; ducem in Repub. uelle professus, non recusare dixerat, quin pro alba suffragij faba, capitis poena plecteretur. Sed hūc Franciscus Victorius modestiæ admonens, ut sederet iussit, suoq; suffragio, quod inter tot senatores tantūmodo unum foret pro insana libidine, uti luberet, uteretur. Illum uerò uehemēter increpauit, quod spurcius infans, contra ius tabularum Cæsaris, patriæq; bonum & æquū adulatione uanissima Cosmo iam planè uiro natūq; legitimo & matura uirtute conspicuo, præferendus uideretur. Guicciardinus quoq; cuius tū summa erat autoritas, quod popularis factionis statim in patritios grassari solitum uehementer abhorreret, & de libertate, quæ optimatiū consensu regi atq; defendi posset, desperare uideretur, Cosmo nō obscure fauēs, præclara uoce differebat, se nō passurum, ut Sciumpi iterum regnarent. Sciumpos enim uetere Etrusco uocabulo ad contumeliam appellabant, ex populi fece proletarios & despiciatos homines, quorum audacia fretus Michael Landus auorum memoria, è lanificij taberna profiliēs, urbis dominatum eiectis miserabili cum

cum iniuria patritijs, inuasisset, identidem dicens ad salutem ciuitatis expedire, ut aliquod in Rep. caput emeretur. Atq; ita nonnullis è primo ordine ciuibus in sententiam traductis, in proximum cubiculum secessit cum Roberto Acciajolo, Franciscoq; Victorio, & Matthæo Nicolino iuriconsulto, qui in unam ferè sententiam conspirabant, opinioneq; prudentiæ, & ciuili auctoritate multos uel dissetire paratos, aut certe perplexos in sententiam perducturi, uti euenit, credebantur. Secedendi autè causa fuit, ut una constituendi principatus conditiones perscriberet. Volebat enim Guicciardinus inter eos facile princeps, certis legibus astringi potètiā dominatus, atq; abolere odiosum in libera ciuitate ducis nomen, toties in Medicea familia repetitū non obscuro quidem patriæ studio, quod non inepta ratione dissimulabat, utpote qui præclare diceret, ducis nomen nequaquam gratum Cæsaris auribus futurum: qui antea non temerè Alexandrū ipsum, uel etiam generū in literis, quas ad eum perscribere esset solitus, nunquam Florentiæ ducem appellauisset, uel ob id præserim, quòd recepta ciuitate, constitutaq; Repub. neque Clemens Pontifex, neq; ciuitas id tituli decus ab se, qui tū rogādus fuerat, & maiora benignè concesserat, nequaquam petiisset: nam uti cautus & prudens iureconsultus, minimè tum de ducis nomine controuersiam importuna mentione commouendam esse existimabat, ne creandi ducis iura, quæ ad liberā ciuitatem omnino pertinerent, imperitè ad Cæsarem inepto præiudicio transferrentur, quandoquidem nō creādi, sed confirmandi tantum, quæ ipsi sua ciuili an-

tiquissima lege sancirent, atq; decernerent facultas esset apud Cesarē. Conditiones erant hoc modo perscriptae. Cosmus, quod bonum faustumq; esset, Reip. praeficeretur, nec dux, sed caput modestiore nuncupatione uocaretur. Neminem nisi ciuem, quum ipse abesset, in ciuitate uicarium relinqueret, quod elata nobilitatis ingenia superioribus temporibus, & Gori Pistoriensis, & Passerini Cortonensis, & demum Statij Romani iussa fastidissent, & quod Etruscae frugilitatis fuit, duodecim millium aureorum nummum summa, in annui domestici apparatus sumptū contentus foret, quod aequo grauiorem impensam fecisset Alexander, qui decem & octo millia quotannis in cōuictu absumere consueisset. Quum haec praescriberentur, deferrenturq; ad singulos senatores, ac his omnibus prolixē annueret Cosmus, & in senatu diuersae sententiae aliquanto lentius dicerentur, quā fauētium Cosmo studia postularent, exortus est in compito ex ignobili rixa, ingens apud milites armorum strepitus, quo exaudito, pleriq; senatorū timore concuti atq; pallefcere coeperunt, nec temerē quidē, quod à Vitellio ex uetere odio paternae necis ciuitati inimicissimo, incitari milites ad praedam & caedem facili suspicari possent. Ad fores quoq; eius coenaculi audita uox est cuiusdā admonentis, ut quod uellent senatores decernere, illico maturarent: quādo Vitelliani, uel ipso ducis imperio diu reprimi nō posse uiderentur, quū captis iam armis ad obuiorū praedam & caedem discurrent. Ea res siue orta casu, siue conficta consilio, senatores ad ineunda suffragia opportunē compulit, praclaroq; omnium assensu quem praesentis

presentis periculi necessitas exprimeret, Cosmus Republicæ caput est renunciatus. Is è subdiali in senatum uocatus, & uniuersis gratias agens, ea, quam dedissent summi honoris potestate, non alio quam ipsorum iudicio consilioq; se usurum testatus est, ad apertoq; senatu, tanta acclamatione, tantoq; applausu omnium perstrepuuit domus, ut milites prædæ quasi admixtiq; plebeis gratulandi causa ad Cosmi matrem irrumperent, domumq; totam, frustra ea prohibente, sed tamē filij felicitate impensè læta, diriperent, & ex magno simul metu solitudineq; tota ciuitas ad hilaritatem uerteretur. Nec multò post Laurentius Medices parricida & patriæ hostis ex senatuscōsulto declaratus est, bonisq; proscriptis, præmia eius percussoribus aureorum septem millium constituta, & domus eius ad perpetuam ignominiam, à tecto ad ima fundamenta lato hiatu profcissa est. Paulò etiā ante Cardinalis, quū in attollēdo Cosmo obnixè satageret, ab eo, si principatu potiretur, hæc postularat, scilicet, ut nihil unquam ad gratiam aut odium flexus, iusticiam exactè colendam arbitraretur, nec unquam ab authoritate Caroli Cæsaris discederet, Alexandri indignā cædē grauiter uindicare, & liberos eius pupillos ex concubinis susceptos beneuolentissimè complecteretur. Quæ omnia postea cumulatè impleuit: nā admirabili prudentia ius dicēs, & noxios plectens, perpetua non iniquæ seueritatis, atque clementiæ moderatione iustū nomen promereri postea contendit, & fideli obsequio liberaliq; studio erga Cæsarem, grati animi sui existimationem tutatus est, eo quoq; maiore gloria, quòd inexpectata quadā

lenitate summam clementiæ laudem tulit, quum à ne-
mine uel propinquo affineq; rogatus, sed sponte uno
edicto, exules & relegatos omnes ab Alexandro in
patriam reduxisset, & sincerissima fide in gratiam re-
ceptos oblitus ueteris iniuriæ, perpetuò fouendos sus-
cepisset: ipsum uerò parricidam usqueadeò intenta
diligentia est persecutus, ut quū ille è Gallia Byzan-
tium profugisset, eum Solymanus, hominis perfidiam
execratus, aui Baiazetis exemplo, qui Bandinum tan-
quam impietatis reum olim tradidisset, capiūdum de-
dendumq; censeret, nisi ille insidias ueritus, propere
Venetias se contulisset, ut ibi aliquot post annos cum
auūculo Soderino trucidaretur, haud dubiè in gratiā
Cosmi, duobus Volaterranis militibus Bebio scilicet,
qui fuerat ex prætoria cohorte Alexandri, atq; Cec-
chino Bibbona, ultro superioris domini mortem uin-
dicantibus, & ob id quidem generoso magis animi de-
creto, quòd proposita publicè à sanatu præmia repu-
diassent, quum se satis lucri facturos existimarent, si
exoptatum Cosmo de parricidæ cade facinus libera-
liter edidissent. Iulium autem liberaliter educari iussit,
& Iuliam patris ora atq; oculos referentem, Restatio
Cætélmo in Precutinis pernobili regulo, nuptui dedit
At ubi Romæ & per omnes Italiæ urbes nunciatum
est Alexandrū, unius ciuis, eiusdemq; gentilis & pro-
pinqui, adeoq; amicissimi sodalis perfidiosa manu suis
se trucidatū, triduoq; post Cosmū Medicem, ei in eodē
honore principatus ex senatuscōsulto subrogatū, mira
omnino res uideri cœpit, quòd ciuitas suoapte instinctu
erecta in spem libertatis, in tanto interfecti principis
murmure,

murmure, nihil prorsus sese cōmouisset, quando nulla
 essent in urbe militum praesidia, prater unam satelli-
 tum custodie corporis centuriam, quæ nec pueris ex-
 plorentibus, et more patrio saxa uibrantibus suffectu-
 ra uideretur. Quibus de causis, Laurentius percussor
 diuersissima nominis sui fama iactabatur: uti sunt ferè
 cunctis in urbibus factiosa ingenia, quæ cuiusq; magnæ
 rei editæ rationes excutere, subijcereq; censura suæ in-
 solenter et proteruè solent, ut partibus, quibus sese se-
 mel addixerint, propensissimo studio, sermoneq; pas-
 sim et perscriptis undiq; literis opportunè deseruiat.
 Vni omnium Florentini, præcipueq; exules, Lauren-
 tium miris laudibus in cœlum sic attollebāt, ut eum M.
 Bruto gloria parem dicerent, qui amore patriæ diui-
 num libertatis reuocandæ studium, contempta uel ami-
 cissimi tyranni gratia ostendissent. Multos utiq; illum
 laudis consortes ex senatu adiutoresq; et cōscios pen-
 sitati patratq; facinoris habuisse, hunc uerò nemini,
 quod diu concoxerat pulcherrimi ausus consiliū dete-
 xisse, satisfecisseq; sua manu cōmuni uoto, simul et pa-
 triæ charitati, ut ciuibus, si animos uiriles induerent,
 ad excutiendū seruitutis iugum tuta atq; expedita uia
 pararetur. Ast alij hæc omnia in uniuersum, uti huma-
 niores equissimiq; homines, secus interpretabantur,
 quod Laurentius nequaquam studio asserendæ liberta-
 tis, sed incredibili malignitate, uercordiaq; impie mētis
 adductus, ad id patrandum scelus descendisse uideri
 posset, postquam cūcta humanitatis, amicitie, propin-
 quitatis, et deniq; tenerioris sodalitiij iura subuerterit.
 Quandoquidem eum ignobili fraude interficiendum

susceperit, qui omnes sibi timendos præcauendosq; ratus, ipsi uni optimo iure salutem committeret, utpote qui esset fortunarū omnium, et tati etiam principatus ex autoritate Caesaris præclarus hæres, et successor designatus, nisi magno suo incōmodo peruersus et impius parricida damnaretur. Cur enim inde laudem nisi falsam ac omnium ferē iudicio turpem, odiosamq; in super truculenti nominis famam expeteret? unde nullum patriæ commodum, nullum familiæ decus, et nullam deniq; sibi priuatim ab ulla uindicta iniuria uoluptatem, aut publicē gratiam peperisset? Quandoquidem id admissum scelus omnē uesane feritatis estimationem diro pondere exuperasse censeatur, qua sanctissimos penates, in quibus inclutus ille superior Cosmus progenitus natusq; sit, et illud ipsum patrū atq; auorum geniale cubiculum, socialisq; lecti culcitræ, tanti amici atq; hospitis cruore defœdarit. Num interempto, uti uideri uolebat, impotenti regnatore, prius sibi celeri fuga prospiciendū fuit, quā representanda ciuīū oculis atq; animis exoptata potius, quā quæ sita libertas? Detegere hercle cædem illū oportuit, nec occisum lodicibus occultare, ut populus antiquo seruorum more ad pileum uocaretur. Sed in fatis erat, ut sine perturbatione amplissimæ ciuitatis astrueretur Cosmo imperium, et percussor omni sua spe deceptus, detestabilis flagitij sui non seram uel diu profugus et exul poenā subiret. Nec hac in re prætermittendū uidetur, quod falsè et grauius de Laurentio mecū loquens Guicciardinus protulit, illū scilicet quocunque a nimo fuerit, tria, quæ ei cōtrario euentu respōderint, ab eo

ab eo facinore edito, quæ nollet quæsuiffe, quum ami-
 cissimum principem occiderit, inimicum capitalis odij
 ad principatum extulerit, & patriæ grauiorẽ quàm
 uolebat diuturnæ seruitutis conditionem inuexerit.
 Ferunt nonnulli eum non tantum amore patriæ, sed
 immensa quadam magni alicuius edendi facinoris cu-
 piditate, uehementer exarsisse, quo obliterata, aut ob-
 scurata recentis infamiæ nota claresceret. Viuo enim
 Clemente, ut studium gentilium suorum erudite uirtutis
 et elegantie emulari uideretur, antiquis Romæ statu-
 is capita detruncans, ab arcu precipue Constantini no-
 ctu abstulerat, fremente populo Romano, & frustra il-
 lum, quisquis esset, ad supplicium trahi iubente Pontifice.
 Sed non diu immanis furti author abscondi potuit, cum
 ille cognita ira Pontificis, defossa præda, Vrbe profu-
 gisset. Itaque Clemens stultissimæ leuitatis atque libidinis
 scelus execratus, ita eum Mediceæ familiæ probrum
 & labem appellauit, ut populus Romanus eum ex iu-
 sta iracundia in Capitolio asperrimis decretis perpe-
 tuo exilio damnaret, senatorque urbis potestate consu-
 lari eum non impune modo, sed cum præmio etiã Romæ
 occidendũ ediceret, & in academia Romana, quod ad
 eam quoque tanta iniuria pertinere censeretur, Marius
 Molsa Mutinensis, in eum luculentissima oratione per-
 scripta, maledicentissimè inuectus, eterne infamiæ no-
 tam inureret, quibus uirulentis telis undique confi-
 xus, suoque pudore excito insanabilem sentiens dolo-
 rem, consilium suscepit, priore quidem scelestius,
 sed quod honestissimæ laudis ex euentu speciem præ-
 ferret, scilicet, ut nouitate & magnitudine ante euntẽ

iam latè famam obscuraret, & obrueret. Prædicere Alexandri cædem, & Cosmi imperium, is ante omnes quem diximus, Ariolus Græcus magno multorum miraculo, quum et ille non modò cædem, sed certū quoq; percussorem indicasset, qui esset ipsi intimus, habitu gracili, uulticulo buxæo, & suspensa taciturnitate ferè cæteris in aula insociabilis: Cosmo autem pro costanti polliceretur breui fore, ut hæreditate cresceret opulenta, audiente quidem Alexandro, & subridente Cosmo cū absumentis morte prius foret magnus propinquo-
rum numerus, quā ulla ad se uel tenuis hæreditas perueniret. Iuuenis quoque Perusinus minister à dapibus, nomine Horatius, quū febre torqueretur ex uapore, uti credi par est, atra bilis, ter noctu uisum habuit, quo principem à Laurentio iugulari apparebat, quæ rerum imagines ægrum perpulerunt, ut Paschaliō principis medico enunciaret ad principē referendas. Sed Paschalius officio sollicitè fungens, ea mente principē reperit, ut eam somniantis ægri fabulam esse diceret, admirans, cur tota domus in Laurentij odium conspirasset. Hæc præclaro Cosmi principis testimonio scribere uoluimus, ut non semper de futuris uanā esse diuinationem curiosi mortales intelligant. Eo die (is fuit quinto Idus Ianuarias) quo Cosmus ad principatum bene auspicatō prouehabatur, in ipsius uilla Castellia suburbani tractus, mira et planè prodigiosa omnis generis florum ubertas, cunctis stirpibus erupit, quum rigore pertinaci uicina prædia adhuc inhorrescere uiderentur, & uni ferè omnium (quod mirum esset) Cosmiani horti ad adulti Veris similitudinē, singulari iu-
cunditate

cunditate florescerent. Eadem nocte quæ creati principis diem sequuta est, Alexander Vitellius, composito multum antea in eam occasione, ut pleriq; existimât, insigni dolo arcem occupauit. Præfecerat ei ab initio Alexander princeps, Paulum Antonium Parmensem, fide quidem integra, sed nullo militiæ usu uiriliq; astu præditum, qui cum fortè nocturna in rixa, dum principem protegeret, sibi decise nares fuissent, eius optimi muneris præfectura fuerat donatus, ut deformati oris fœditas aliqua ex parte eo beneficio pensaretur. Huic Vitellius delectos ex suis Tiphernatibus milites, custodia causa attribuerat, sub Mendula astuto uastroq; centurione genere Salentino. Per hunc persuasis militibus, ex composito excitata est in arce repentina seditio, falso rumore excitato, quod præfectus noctis pecuniæ culeos è muro demitteret, atque arcem in spem ingentis præmij exulibus traditurus esse diceretur. Ex ea uociferatione perfidiosaq; insolentia tumultuantis turbæ, quum sese purgare præfectus uellet impetu conspirantium facto, consilij et uirium inops comprehenditur, Mendula clauis extorquet, et uti significatione facta conuenerat, Othonem Montacutum Vitellij præfectum, qui cum cohorte ad extimos fosse cancellos peruenerat, ad apertis portis introducit. Aduenit etiam illico Vitellius ipse, extrusq; per minas, et contumelias Parmensem custode, tota arce potitur, nouasq; uigilias disponit, et Cosmo principi nunciari iubet sedatam esse seditionem, rem in tuto esse, atq; arcem in eius potestate futuram pollicetur, egregio hercle tum animo, nisi postea, ut aliqui existimant,

uoluntatem maioris præmij spe adductâ, magno quidem Cosmi detrimento, mutauisse diceretur. Cuius conceptæ suspicionis nomen ut auerteret, apud Cosmum presentibus senatorum amplissimis prolixè testatus est, se nemini præterquam ipsi Cosmo, sicuti iure deberet dediturum arcem, modò is in fide elictelâq; Caesaris permaneret proptereaq; se duos è liberis promissi obsides daturum. se id pignus tãquã minimè necessarium Cosmus generosè abnuuit, ut nondum confirmati hominis conscientiam arctius atque nobilius obstringeret. Ferunt nonnulli Vitellium Medicæ gazæ oculos adiecisse, quam Margarita Austria orbata coniuge, meroreq; & metu occupata, in arcem deducente Cardinale confugiens, planè totam usq; ad ignobilis instrumenti suppellectilem secum asportarat, ut pote, qui eius partem uti postea accidit, in præmij nomen sibi obuenturam sperauisset. Nec multum inde, Vitellius ad Casarem syngrapham misit, qua arcem securitatis causa ab se occupatam ipsius Caesaris nomine defensurum promittebat, neque ulli traditurum unquam, nisi ex uoluntate eius id facere iuberetur. Dum hæc Florentiæ aguntur, & Romæ de cæde Alexandri certius cognoscitur, exules Florentini Bartholomeo Valorio, & Antonio Francisco Albitio cogentibus, ad Saluiatum Rodolphumq; cardinales concurrunt, de recuperanda libertate uehementèr consultât, consilio Maconiû Gallicæ regis legatum adhibent: & quum nunciaretur Cosmum in interfecti locum ex senatusconsulto fuisse subrogatum, amissâ omnes recuperandi libertatis occasione dolent, conqueruntur de pigritia, ignauiaq; ciuium

ciuium, qui opportunissimo tempore nihil se commo-
uerint: senatum incusant, atque patritios imbecilli-
tatis, importuniq; timoris, qui tyranno fortiter op-
portuniq; sublato, Cosmum nimis præcipiti delibe-
ratione, expeditis suffragijs suffecissent, sicut non ex-
cutere iugum dominatus, sed mutare dominum tan-
quam priore mitiorem cupiuisse uideri possint. Ita-
que ardentibus animis paranda arma censent, prope-
randumq; Florentiam decernunt, ut priusquam noui
principatus uires coalescant, tanquam prætenere ad
huc & inualidæ excitatis ad liberandæ patriæ stu-
dium ciuib; conuellantur. Incensos proclinosq; ad
bellum cardinales, ceterosq; exules incitat Paulus
Pontifex, conferenteq; pecuniam Maconio in Um-
bria, Pontificiq; imperij prouincijs, milites conscri-
bi finit. Suis nanque rebus atque consilijs, cum priua-
tis tum publicis conducere iudicabat, si Etruriæ im-
perium æquabili restitute Reipublicæ consilio, po-
tius quàm unius principis nutu atque auspicio rege-
retur. Agnoscebat siquidem se non obscuro metu, in-
fensq; hoste fuisse liberatum, sublato Alexandro:
qui grauissimè de subagresti auaritia, inhumanaq;
duritie ingrati Pontificis fuerat conquestus, quòd de-
functi Hippolyti cardinalis suppellectilem, in qua e-
rant uetera Mediceæ familiæ ornamenta, ad hastam
uendere, quàm sibi æqua pecunia redimere cupienti
concedere maluisset: qua ex re tanquam inexpiabili
iniuria exacerbatus, multis nominibus ingratum Pon-
tificem appellare consueffet, & testari se aliquando
eius contumeliæ dolorem expiaturum infecta popu-

latione, quoddammodo esset ualido cum equitatu, expeditisq; cohortibus ad concremanda Farnesiae familiae oppida, usq; ad Vlsinensem lacum irrupturus, sic ut non temere Pontifex eadem pericula, conuerso in Cosmum odio, praecauenda duceret: quandoquidem erepto nouo principatu, et uigente eadem causa priuatae similitudinis, nomen tantum non animum principis esse mutatum existimare posset. Itaque cardinales expedita pecunia, Paulum Rentio Cerite genitum conscribere cohortes, et in Aretinum agrum contendere iubent. Ipsi ab Urbe proficiscuntur, et Florentiam ire pergunt. At Cosmus de eorum consilio certior factus, per Vitellium, Rodolphumq; Balcenorum copias cogi atque opponi transituris iubet, accersitq; in agrum Fesulanum Hispanorum cohortes, duce Francisco Sarmento, et quae sibi in urbe praemunienda erant, diligenter instituit. Eo etiam securiore fiducia, quod ad Hispanos accesserant duo uexilla Germanorum, ex his, qui ab Algeriano bello in Hispaniam delati, in Italiam demum uenissent. Nam Alexander dubij et in officio Caesaris non obscure nutantis Pontificis consilia suspectans, et in eum capitale prope odium coquens, sese externis praesidijs confirmare statuerat: et Vastius cognita Alexandri caede, Pyrrhum Stipicianum, qui Cosmo, uti expediret, Caesariani nominis praesidia compararet, Florentiam miserat. Fama erat ideo uenire, cardinales ad patriam, ut publicarum rerum statum componerent, quasi neq; recte, neq; ex usu ciuitatis, optimates subrogato nouo principe, publicis rebus consulissent. Quamobrem fiebat, ut Cosmus eorum aduentum

aduentum miraretur, quòd uterque ipsum arcta propinquitate contingeret, ipseq; Saluiatus esset auunculus, eorum uerò consilium rideret potius quàm timeret, quoniam propinquis confusus copijs, nihil de optimatum fide constantiq; erga se studio dubitaret. Hi nanque ius suum tueri uolebant, existimationemq; iudicij sui, factiq; causam se defensores esse testabantur. Interim cardinales & exules ad Montem Politianum recepti, ubi de aduentu Hispanorum ad urbem certius discunt, & Balconus cum equitibus ad Clanis pontem peruenisse nunciaretur, tantisper subsistunt, & per idoneos homines ciuitatis animos explorant. Præmiserant cardinales cum literis ad primores factionis, Georgium Ridulphum. Is quòd esset exul, tanquam temerè ingressus comprehenditur, magnoq; correptus metu, quas deferret literas profert, postmodumq; dimittitur. Tum uerò per mutuas legationes actitatum est, an colloquijs potius quàm armis de publicis rebus esset disceptandum. Cosmus honoris causa uenientes ad se cum inermi comitatu in urbem recepturum profitebatur, sin cum copijs quas adduxissent, uenire malent, ipsum quoque introductis Hispanorum praesidijs salutis suæ, & dignitati consulturum. Saluiatus non satis sibi uirium adesse cernens, quòd se plurimum consilio & colloquijs apud ciues ualiturum consideret, suadet Ridulpho, atq; item Gaddio, qui tertius impellente Maconio uel nolens accefferat, ut omnino in urbem iretur inermi comitatu, sicuti sacerdotes pacis potius quàm belli audios deceret. Eos Cosmus obuiam honoris causa progressus, tanquàm propinquos specta-

bilesq; sacri ordinis ciues hilariter suscepit. Sed intrantibus urbem non aliter à populo acclamatum est quam ut pilarum nomen ingeminatis clamoribus attolleretur. Qua significatione animorum cardinales agra spe suscepti consilij sui, ad paternas domos deducti sunt. Nec multo post inter crebras salutationes ciuium, frustra pertentatis uoluntatibus, Saluiatus Cosmo suadere coepit, ut abdicato principatu honestissimo inter ciues loco contentus esse uellet, qui ei maxime gloriosus atque tutissimus foret in libera ciuitate suis legibus uiuere florereq; solita. Id si faceret, mansuram ei dignitatem amore & gratia ciuium amplissimam, qua maioris ipsius ab ciuili moderatione princeps ciuitatis euassissent, collaturamq; ei ciuitatem ex senatusconsulto insigne præmium annui redditus, quo adiutus supra paternas opes splendidissimi ciuis disciplinam & cultum tueretur. Repeteret ipse animo, quo spiritu, quâue animorum constantia, ciues paulò ante libertatem appetierint, partamq; demum defendere conati sint, & quàm non diu regnarit impositus tyrannus, uel apud desertos ab omnibus socijs subactosq; conspiratione totius Europæ, atque omnibus demum exutos armis. Hæc à se commemorari liberius atque lubentius, quòd extra pudorem & bonus esset ciuis, ac propensus auunculus. Dij boni facerent, ut optima consilia, quæ secura essent, atque honestissima, ad mentem inani ambitione uacuum admitteret. Fore etenim, ut ipse hoc officio ueræ pietatis, & is summae gloriæ spe ductus, iusto melioris animi decreto, incomparabilem ferret laudem, nec eam quidem ullo unquam

unquam tempore perituram. Ad ea Cosmus uirili constantia respondit, se neq; ullum honorem iusto maiorem in patria, neq; principis locum Alexandro erepto quaesuisse, sed integro pudore repudiare noluisse, quæ uno consensu senatus ex lege Caesaris detulisset, ne ineptus foret, si degeneri animo oblata dignitati se minimè parem esse fateretur. Eum qui esset auunculus, hac fortuna sua letari debere, nec inimicè, aut certè parum pudenter hortari, ut non usurpatum, sed collatum ultro dictaturæ nomen sultè deponeret. Se quidem auspicio inuicti Caesaris Rempublicam gesturum ciuili æquitate, non impotentis principis more sperareq; se ex rectis consilijs probitateq; uitæ, multos sibi ex inimicis amiceissimos esse redditurum, daturumq; operam, ut potentiæ suæ nomē nemini bono ciui inuidiosum foret. Salutem porrò suam dijs immortalibus cordi futuram se credere, qui ex benefactis nemini probè pieq; regnanti atrocem unquam uitæ exitum attulissent. Itaq; desineret secum agere de re transacta, sibi nanque in animo situm esse, quid fata obtulerint, quidue ultra etiam promittant, uirtute duce prosequi atque suscipere, firmissimoq; decreto non deesse fortune arridenti. Quod si armis sibi uis afferatur, ostensurum se ea constantia esse præditum in retinenda dignitate, ut non prius extrema omnia experiri et perpeti atq; armatum, si oporteat interfici, quàm honorem recepto, et feliciter inchoato deijci malit. Saluatus ab hoc colloquio discedens, facile sensit, quos spiritus gereret sororis filius, uel imberbis adolescens, et quam angustè sibi esset sperandum de ciuium uo-

luntate, iudicioque populi, quum nemo sese cupidum rerum nouarum, aut omnino popularium partium studiosum ostenderet. Proinde irascebatur iam sibi tanquam nimis properè rem difficilem ingresso, quæ respectu propinquitatis, certum et non dubium quoque metum asferret, tot scilicet Cosmi præsidij eorum aduentus causam improbantibus. Milites nanque passim dispositi, domos cardinalium dissimulanter obseruabant, sic ut interdum nocturneque adeuntes ciues notarent: nihilo secius tamen cardinales ipso stolato cultu, et senatorijs insignibus tuti, quum nihil de instituto consilio remitterent, specieq; quotidiani conuictus nonnullos inuitare, et familiarius complecti solerent eis Cosmus per Vitellium renunciari iussit, ut urbe excederent, et sese ad sua munia senatoriæ dignitatis reciperent, ne in ipsos militi inuisos odia atq; arma uerterentur. Valorio quoque peracerbè eadem interminatus est, qua periculi denunciatione, cardinales extemplo urbe profecti, Bononiam se contulerunt: quibus in Apœnino obuius factus est Philippus Strozza exulum princeps, quo cum eadem quæ dudum improspere euenerant, belli gerendi consilia instaurata sunt. Negotium itaque parandi, atque inferendi belli, Petro Strozze ipsius Philippi filio permittitur, quod secum nonnullos ex prima nobilitate exules traheret, et summo nauandæ operæ studio ardere uideretur. Is pecuniosi patris opibus fretus, auctusq; militari laude, quod Gallis apud Taurinum non obscura fama militasset, non defuturas sibi copias existimabat. Venerat in spem occupandæ eius urbis,

cui

cui Burgo sancti Sepulchri nomen est, in finibus Etruriae, qui ad Umbriam pertinent. Per id enim tempus Burghenses intestina discordia laborantes, mutuis inter se caedibus desaeuebant: forteq; euenit, ut nonnulli his de causis praetorio iudicio extorres facti, Strozze urbem occupandam se praebituros pollicerentur: creditumq; est ab hac proditiōis ciuitatis praesulem minime dissensurum. Is erat Alexander Rondinellus uetere odio, sed accuratè compresso, Mediceis insensus, ad quem colloquendi causa Franciscum Pactium, et Philippum Valorij filium, Bertoldumq; Corsinum ex numero exulum intrasse constabat. Ceterum ubi ex non incerta fama percrebuit Strozzeam cum cohortibus aduentare, et iam eius uexilla conspici, in uniuersum Burghenses, ne ullam infidelitatis suspicionem darent, ad sonitum campani aris, arma capere atq; egredi porta coeperunt. Quo cognito Strozzeani elusi spe sua, et oppidanorum multitudine perterriti, adeo celeriter signa uerterunt, ut Apennini dorsum illico transcenderent, et ad Sestinum ignobile castellum improuisè occupandum uerterentur. Sed non minore fide uirtuteq; Sestiniāni, quàm Burghenses uel nullo militari praesidio defendente, subeuntes Strozzeanos pepulere, aliquot eorum interfectis, et in his Nicolao Strozze, et Moreto Signorino exulibus, ac reliquis tanto impetu deturbatis, ut in praecipitem fugam se darent, et per alueum Arni amnis, qui Mariza ab incolis dicitur, intra Pontificij imperij fines se reciperent. His aduersis partium conatibus, nihil animo se demisit Strozze, commeatisq; iterum cum Saluiato

caterisq; exulibus, tertiae expeditionis consilij maiore apparatu, grauioreq; impetu Etruriae incumbendum esse constituit. Quarum rerum factus certior Cosmus, ualida etiam ipse praesidia, felicioraq; (uti euentus docuit) adulta iam aetate comparauit, ampliore fiducia uel ob id expectandos esse hostes existimans, quod iam sui principatus iura ipsius Caesaris propensissima uoluntate confirmata, ex bullatis et solennibus codicillis acceperat, et id quidem uberiore Caesaris benignitate, quod ipsdem titulis atq; honoribus, quibus antea Alexandrum generum consentiente ciuitate indulgenter exornasset, Cosmum quoq; principis et ducis nomine appellandum censuerat. Ab initio siquidem per Auercardum Serristorium legatum Cosmus a Cesare postularat, ut quicquid Senatus Florentinus ex ipsius auctoritate ab initio receptae urbis institutus, Alexandro concessisset, id totum quoq; sibi tribuendum decerneret. Qua significatione amoris, et gratiae usque adeo corroborata est apud omnes Cosmi existimatio, ut uetera in Mediceos ciuium odia detergi, et penitus extinguere, confirmari autem amicorum studia, et subinde exulium conatus contemni posse facile appareret. Ut uero in nuptialem thorum Margaritae filiae ex spoliis succederet, quae uiduae puellae neq; inepta, neq; ingrata uideri possent, impetrari non potuit, quod eam iam Octauio Pauli Pontificis nepoti ex arcano desponsuisse fateretur. Tertio loco reddi sibi arcem petebat, quam Vitellius iniussu Caesaris se minime redditurum asseueraret. Ad id ita Caesar respondit, ut non in praesens concedi debere diceret, sed

integram

integram ei spem, nec optato euentu carituram relinquere uideretur. Caesar enim suopte ingenio nunquam plenissimè de quoquam externo bene suspicari solitus, Cosmum propinqua spe illata recipiendæ arcis in officio continendum rebatur, postquam ei filis nuptias denegasset, admirantibus cunctis, quòd Mediceo florentis ætatis et formæ luueni, in non dubiana Etrusci imperij possessionem recepto, Farnesius incerte adhuc indolis et fortunæ duodecim annorū puer, præferretur. Verum inualescentibus Gallorum armis et incumbente Solymani classe, unus ante omnes Pontifex, cui Nouaria dono data minimè suffecisset, aliquo insigni munere conciliandus erat, ut Gallo regi, tanquam impiè Turcas ad communem Christiani nominis perniciem euocati, sese hostem non iam perplexè, sed apertè futurum esse pronuntiaret. Hi duo principes ætate nostra (uti existimare licuit) supra reliquorum regum ingenia, non eximia modò, admirabiliq; prudentia, sed occulta ambitione, profundoq; astu insignes, commodis tantum suis, nullo ambigua fidei cum pudore seruebant: Pontifex ut suæ domus opes uel malo publico uehementer augetet, Caesar porrò ut finitimis subactis, uetus sibi imperium, in Italiâque præsertim assereret, ut inde amplificatis uiribus et dignitate confirmata, sicuti innata uirtus, et aspirans Fortuna promitterent, maxime partis Europæ dominatu potiretur. His sensibus nunquam planè synceris plerunq; fiebat, ut inter se per inania promissa colluderent, et quantum integra amicitie dignitate fieri posset, uterque callidis semper consilijs mutuas

simulationis artes inducerent, ne alter ab altero decipi, aut traduci facile posset. Neque enim ab hoc Gallie rex honestè deferendus, neque ab illo etiam tutò contemnendus Pontifex censebatur, quando utrinque cuncta ad mutuuum commodum presenti lucro aut futura spe non ineptè pensarentur. Per id tempus, in Subalpina regione Galli cum Caesarianis ita gerebant bellum, ut detrimenta, atque pericula diuersis rerum euentibus utrinque exequata uideri possent. Nam per hyemem exercendo militibus utrinque ex hostili agro aliquot oppida, aut expurant, aut oppugnanda ab aduersarijs cruento saepe certamine defenderant, enimuero sicuti superiore estate Caesariani Fossano potiti fuerant, ita per hyemem Galli Italicis aucti copijs, Bargiam ui expugnantam, capto ibi Annibale Brancatio Neapolitano, in potestatem redegerant, et Raconisium oppidum per amplum, noctu inuadente, intranteq; per arcem Petro Stozza, atque ei subsidia equitum adducente Caesare Fregosio, ita ceperant, ut commisso per regiones tumultuosissimo certamine, Caesarianos oppresserint, cadentibus eo in praelio ex uictoribus, Thoma Ronchio Nouellariae cohortis praefecto, et Latino Vecchia Romano. Quae duo incommoda, non multò post Caesariani Caragiana cede et Casalensi uictoria rependerint. Sed incurte Vere, Salassius, cum occupata Carmagnolae arcem, quam Stephanus Balia Mutinensis pertinacissimè tuebatur, oppugnare pararet, tormentumq; librando in propugnatores dirigeret,

dirigeret, glande ipse traiectus occubuit. His uerò animis exceptus est Salasii interitus, ut non Gallicarum modò partium plariq; sed & æqui homines in neutrà inclinantes partem, eum tanquam perfidiæ nota infamem, meritò occisum dicerent: Hispani uerò tanquam uirū fortem laudibus prosequerentur, & Vastus dissimulatā offensione, interioreq; letitia, seuerius fortasse quàm oporteret, Stephanū non multò post, protracta & demū desperata defensione, laqueo suspendi iuberet, ut ea uictima emuli Salasii manibus parentare uideretur. Eo autem successu incommodum utrinq; æquatum uidebatur, quòd paulò ante Galli Annibalē Nouellariū, qui nobilitate atq; uirtute par esset, apud Buscham ignobile castellum, nocturna oppugnatione fortuito minoris tormenti ictu interfectum desiderassent. Sub id tempus Humerius nouus dux Gallus, cum recentibus copijs ad reparandū bellum à rege missus, ab Alpibus descendit: cuius aduentum summumq; imperium Guido Rangonus Gallicanorum ducum, quos diximus, usu belli ingenijq; solertia longè optimus, nò diu ferēs, à militia regia profectus in Galliam discessit. Nec multum inde secundum Guidonem, & ipse quoq; Caninius, concepta ex leuissimis delationibus cū Fregosio similiate, à Gallis sese alienauit, singulari certamine cū eo certaturus, prouocatorijs in ea controuersia editis libellis, quibus Itali milites superbis insanisq; ingenijs ferociā animi ostentare, & inane decus tueri, cum exitio sepe turpi, foedoq; fortunarum & nominis detrimento, pertinacissimè studeant, secus ac exterre gentes, quæ ferè omnes honestiore decreto, militiæ

Et in acie tantum aduersus publicum hostem uirtu-
 tem ostendere fas esse iudicant. Caterum Humerius,
 qui magna uirum et nominis fama, quod Delphini
 nutricius fuisset, specie ferox aduenerat, satis celeriter
 opinione hominum decidere uisus est, quum sese nequa-
 quam pro natura Gallorum pugnacem, et in consilijs
 explicatum, sed plane timidum ostendisset: Quod op-
 portuna quaq; gerendo bello consilia, uel non inepta
 occasione inducta et oblata à ceteris ducibus, tanquam
 periculosa respueret. Delatus enim ad Astam receit uia
 lidoq; impetu eam urbem occupaturus existimari pote-
 rat, si paululum sese prouehere, et Astenses nudatos ius-
 so presidio, et in Gallicum nomen ex antiqua domi-
 natus consuetudine proclinos, ostentata acie tentare
 uoluisset. Tuebatur siquidem eam urbem Antonius A-
 ragonius non magna manu militum, sic ut Vastius eius
 periculo uehementer angeretur, et Antonius de salute
 sua, uti iuuenis opulentus atq; pernobilis, maxime
 sollicitus, nec bello abunde exercitatus, anxie à Vastio
 openi sibi ferri postularet. Accidit autem, ut quum subsi-
 dio cum semiplena Hispanorum cohorte Franciscus
 Ruitius aduenisset, Antonio animus confirmaretur,
 ob idq; Humerio obtinendæ urbis facultas spesq; om-
 nis minui atq; adimi uideretur, retrocedendumq; inde
 statueret, quod aduentare Vastium ex inani rumore et
 prælio certaturum arbitraretur, frustra reclamante
 Paulo Cerite, qui inuadendæ oppugnandæq; urbis sibi
 nihil periculi uerito aut recusanti, id munus demanda-
 ri postulabat. is detestatus regis consilium, qui pro im-
 pigro bellicosoq; duce ciuilibus modestia fideiq; et suspi-
 catis

cacis naturæ hominem, secus ac aliàs esset solitus, trās
 Alpes misisset, abeuntis exercitus terga peculiari dele-
 ctorum presidio firmavit. Apparebat enim Cæsaria-
 nos alacriter in hostes castra mouētes erupturos, atq;
 ita mox euenit, ut à nouissimo agmine conferta pugna
 certaretur, & Paulus audacius proruentes excipiens,
 expedito cohortium flexu multis hostium uulneratis,
 & quibusdam interfectis, incumbentium audaciā re-
 primeret, & eo cōgressu Cola Toraldus nobilis Hispa-
 nice stirpis Neapolitanus interficeretur. Humerius ni-
 hil ultra lacescente hoste, ad Albā Pompeiā profectus,
 extra urbem statim castra posuit: quo cognito Vastius
 & ipse iuxta Astam inter duo cœnobîa castrametatus
 est, Sanseuerinum Besennianum regulum qui uniuer-
 sis equitibus præerat, turmas omnes secundum Tana-
 ri amnis ripam extendere iubens, ut quid moliretur
 hostis paratus ipse ad obsistendum certandumq;, emis-
 sis speculatoribus expectaret. Quū Humerius segnius
 cunctari prospiceretur, & Vastius animaduerneret
 in dies augeri Gallorum copias, & de aliquot oppi-
 dorum fide dubitaret, à Ferdinando rege duas sibi, ad
 præsidium Subalpinae regionis, Germanorū legiones
 mitti postulauit: idq; celeriter cū publicæ causæ &
 fratris Cæsaris commodo, tum iustis Vastij precibus
 Ferdinandus tribuisset, dux legionum Federicus Fu-
 stembergus, inelyti inter Germanos nominis regulus,
 Tridentinis Alpibus descendit, quibus in legionibus
 plerique ex Norica atque Vindelica iuuentute nobi-
 les & procerum propinqui nomina dederant. Erat
 hic Federicus, eius Guliermi, qui Gallo regi militabat,

germanus frater, dissimili ingenio uir, utpote qui fratrem peruerso iudicio, neglectaq; religione, militaribus rapinis, & improbo serper quaestui defraudatis stipendio militibus turpissimè deditum, & quod nefarium uidebatur, contra Germanici nominis decus externi atq; inimici regis auspicia sequentem probo ore, atq; exacta uirtutis fama superaret. At Humerius aduētū Germanorum cognito, uti uiribus atq; animo hostibus impar, copijs quas habebat dispartitis, oppida tuenda commisit, ea ratione diuisis muneribus, ut singulos duces oppidis praeficeret. Azaliū ē Togata Gallia uirū iactabundum potius quàm fortem Cherio imposuit, attributis ei, praeter Italicos milites, duobus Vascōnū uexillis: Clarascum autem opportunum oppidum, Casari Fregosio defendendum dedit. Albæ uerò praepositus est Iulius Vrsinus, eo Mario genitus, qui Florentiae maioris tormētī pila ictus occiderat. Fregosius ea conditione demandatum munus suscepit, ut se fortem operam aduersus omnem hostium impetum praestaturum testaretur, si ab Humerio, sicuti ille prolixè fidem dabat, intra quadragesimum diem certa commeatus & militum supplementa summitterentur. Iulius Albanis inspectis moenibus quarum uitia passim eminebant, et ea nisi longo labore aggeribus permuniri resarciriq; possent, tutelam loci cum excusatione inopiae multarum rerū susceperat, Humerij adhortationibus & spe promissae opis excitatus. Caterum Humerius cōstitutis praesidijs nihil sibi morae attulit, quin inglorius in Galliam reuerteretur, & Vastius non multos intermitteret dies, quin ad oppugnandum Cherium omnem tormētū

torum

torum apparatus conueheret. Oppugnatio autē cœpta est ab ea parte mœnium, quæ diui Augustini templum respicit, quod murus ab ea parte debilis appareret. Azalius satis peritē atq; opportunē ex disciplina munitionem erexerat, ingressuris hostibus, tabulata æquata solo eminentibus præacutis clauorum stimulis, quibus pedes ingruentiū configerentur, obiecerat, multumq; sulphureum ignē, qui de more aridam materiam corripere, occultis in locis excitandum ita insituerat, ut egregiē prospexisse periculo uideretur, si eundem animum ad ingenij solertiam afferret, quem antea iactando prætulisset. Nam ubi adactis maioribus tormentis murus quati diruiq; cœpit, tantoq; spacio continuata quassatione patefacta essent mœnia, quanto satis foret ad inuitandos milites, proponente pugna signum Vastio, Itali Hispaniq; pariter in oppidum perruperunt: quo tumultu acerrimæ inuasionis, Azalius usque adeo trepidanter atq; imperitē se gessit, ut nemo frē suorū in eo loco pugnaret, nec ipse, ubi periculum deposcebat, conspiceretur. Eo namq; impetu Cæsariani Azalianas munitiones superarunt, ut nihil eos per strata tabulata eminentes clauorum cuspidēs retardarent, nec ea sulphureorum ignium fomenta, quæ ad edendā flammam erant parata, suo tempore ignem conciperent, & dux ipse fœdē animū despondens, uitæ discrimen effugeret, continuoq; trucidatis aut captis præstidarijs, turpi in latebra caperetur. Dum Cæsariani urbem penetrarent, Vascones timore præpediti ad id propugnaculū, quod superiore anno Annibal Nouclarius erexerat, se contulerunt, atq; inde (nihil ibi con-

sistere ausi ut se in longiorem fugam proriperent, exterius in fossam humore carentem se demittere ceperunt, quod eius munitionis agger satis esset humilis, facilemque descensum præberet. Id conspicata Germanorum cohortes, quæ constituta phalange, subsidiaria acie confiterant, eos ad unum omnes numero amplius trecentos, uel ultro sese dedentes, impetu facto trucidarunt. Totius uero oppidi mulieres, quæ pauore attonitæ in turrem confugerant cum charissimis ornamentorum suorum rebus deditionem fecerunt, cesseruntque in prædam Didaco Arzio castrorum præfecto, qui id coniectura futurum iudicans, et opimiorum prædam quærens, primus omnium aduolarat. Ceteri uicatim singulas domos diripientes, captos earum dominos, pecunia se redimere coegerunt. Azalius uero ipse perductus ad Vastium, cunctis risui fuit, quod nihil ei tot rerum apparatus, quoniam oportuit, usui fuissent, et idcirco oneratus infamia rei malè gestæ, multo auro se redimere coactus est. Expugnato per hunc modum Cherio, Vastius ad Clarascum mouit castra. Nec mora exploratis aduersariorum uiribus, animaduersaque per speculatores ea munitionum parte, quæ nouis munitionibus careret, maluit eam partem adoriri, quam ullam aliam, quæ faciliorem oppugnationem ostenderet: uel ob id præcipue, quod nulla extantium propugnaculorum, quæ latera subeuntium ferirent, munimenta haberet. Volebat enim Vastius quam maxime posset militum parcere sanguini incruentisque uictorijs letari potius, quam à cædium seuitia famam parare. Quod tamen fecus accidit ac uolebat. Nam tamen hostilis murus uel

antiqua

antiqua uel noua munitionis proiectura penitus carebat, ob idq; milites non nisi à fronte ab ipsis defensoribus peti feririq; & facile propelli possent, tamen satis profunda uallis intererat, quæ pro fossa totam muri faciem muniebat, usque adeo difficilè, cum descensum in eam, tum & ascensum ad præruptam ui tormentorum mœnium coronam habebat, ut quæ magna muri ruina edita esset, & milites ardente animo pugnae signum sibi dari flagitarent, hoc impetrato, in descensu atq; ima fossa, quæ erat lutulenta, & in ascensu demum perfracti & cadentis exterius muri ruina cōflictarentur, & maiorem quàm putassent conscendendi muri difficultatem reperirent, quod non planè ad amussim, quantum exteriora fosse labra à mœnibus distarèt, & quàm præceps descensus, arduusq; inde ascensus foret, oculis metiri potuissent. Verum propter ea accepta hostiū telis detrimenta, non refrixerat ardor militum, nec Vastius forti incepto obsistendum ratus, ab expugnandi oppidi spe deciderat, sed ut præliū instauraretur, crebrò summissis recentibus præsidijs, atq; etiam Germanis (ipsis id obnixè postulantiibus) quanquam ægrè, locum ad inuadenda mœnia concesserat, ut Germani, qui se ad bellum natos existimabant, Hispanorū atq; Italorum uirtuti & audacia, contemptis periculis æquarentur. Itaq; redintegrato ardore omnium, tanquam emulatione decoris à diuersis gentibus certaretur, asperissimo conatu descensum dimicatumq; est, maiore Caesarianorum detrimento, quod Fregosiani milites per noctem, Petri Prætēsis ingenio, munitionē in summa prærupti muri corona subitariā erexissent.

comportatis ibi madētis fimi cumulis, quibus propter
 mollitiem tormentorum pile hærebant, nec lentore
 prohibente, penetrare in oppositas hostium cohortes
 poterāt, quæ ea repētina nouaq; munitione protectæ,
 ex tuto propugnabant, sic ut euadentes in summū rui-
 næ supercilium hostes, selopettis traiectos, alabardisq;
 & lanceis acriter repulsos, in fossam præcipitarent,
 terribili cum ruina succendentium, & subire magno
 nixa conantium, quum magno cum fragore armorum
 collidentium, sese uiui pariter atq; exanimis debilitati
 artibus cumulatè cœnosa in fossa uolutarentur. Hac
 peracri contentione, quum aliquot horis esset dimica-
 tum, amplius ducenti interfecti, & supra ferè quingēti
 mortiferis glandibus & saxis uulnerati sunt: & in his
 Vulcanus immoderate fortitudinis adolescens Gulier-
 mi Rocandulphi clarissimi ducis filius, ex Germanis
 occubuit, æquato cum aduersarijs detrimento, quòd
 Liuius inclyti imperatoris Liuiani filio propugnanti,
 ingentis tormenti pile caput fuisset creptū. Huic Fre-
 gosius rapida grauatus febre, suas partes cū imperio,
 quòd esset magnæ spei adolescens & militibus charus,
 concesserat. Eius immatura morte Fregosius uehemen-
 ter permotus, tentatusq; importuno atq; acri morbo,
 & Humerianis auxilijs diffidens, quòd tempus in id
 conditum per aliquot dies effluxisset, & tormentarij
 pulueris inopia laboraret, nec satis ampli commeatus
 copia superesset, se dedere constituit, si à Vastio hone-
 stis cōditionibus acciperetur. Atq; ita non diu post ab
 Aloysio Gonzaga, qui erat apud Vastium, Fregosio
 arcta cognatione atq; amicitia cōiunctus, res tractata
 & con-

& confecta est æquissimis legibus, quòd Vastius offen-
 sus & ipsa Vulcani immatura morte, & fortissimorū
 quorundam iactura, reliquorum militum periculosis
 laboribus & sanguini parcendum putaret, comper-
 tumq; haberet aduersariorum animos tales esse, ut in
 defensione fortiter oppetere, quàm contra decus paci-
 sci mallent. Erant enim apud Fregosium acerrimi co-
 hortium præfecti, Cæcilia Salentinus, & Baptista Cor-
 sus cognomento Lega, quorum maiores Corsicæ insu-
 le imperium tenuissent, & præter hos duo Veronen-
 ses, Antonius Beuilaqua, & Ludovicus Mōtanus, atq;
 item Philippus Corsus, uetus cohortis dux. Deditionis
 conditiones in hunc modum præscriptæ sunt, ut Cæsa-
 ri Fregosio saluis rebus, incolumiq; præsidio, & expli-
 catis uexillis excedere liceret, tormenta ipse relinque-
 ret & comæctum, sed ei, quod sua pecunia coemisset
 frumentum à Vastio solueretur, & oppidanis nulla af-
 ferretur iniuria. Atq; ita comitante Cæsarianorum e-
 quitatu, atq; cum passim ab iniuria defendente, ad Pe-
 nnarolū oppidū peruenit, indeq; in Galliam profectus
 est, ut regi rerum difficultates explicaret. Claraasco au-
 tem potitus Vastius, Hieronymū Sangrium, & Cherio
 Ferdinandum Lofredium præfecit, & ad expugnandam
 Albam continuò duxit. Animaduerso autem eius
 urbis situ ultra Tanarum amnem tormenta perducta
 constitutæq; sunt, eo Vastij iussu, ut binæ & penè inter
 se coniunctæ quassationes fierent, quarum altera Hi-
 spanis, altera Italidis ad inuadendū erat assignata, quòd
 Germanis parcendum idcirco Vastius iudicabat, tan-
 quam campestri prælio aptioribus, quàm subeundis

muris, quod id munus agilia corpora atq;
expeditiores animos requireret. Erat in castris euul-
gatu, quosdam Hispanoru signiferos, acerbis à Vastio
uerbis fuisse castigatos, quod sibi & gregarijs suis, pro
cono parua uexilla galeis imponere iussissent, utpote
qui ante alios ad promerendam laudem, ac murum et
prima pericula se subituros insolentius iactassent, nec
denum murali in pugna ostentata audacie fortiter
responderent, qua obiurgatione Hispani in uniuersum
permoti, quod Claraſci perficere nequiuissent, Albæ
ingentibus animis se præstituros testarentur, exorta
inde apud Italos emulatione, quod sibi præripi decus
indignarentur: cuius obrectationis extitit successus,
ut Itali proximos loco Hispanos æquandi aut superan-
di cupiditate, ante acceptum signum, manipulatim ad
cursum se incitarent, & in præruptum murum, nec sa-
tis quidem apertum euolarent. Hac insana, sed planè
decora quorundam signiferosu properantia accidit,
ut multi uiri fortes intra urbem irrumperent, & Cæsa-
riana uexilla, cum intus ab hostibus, tum extra à Vastio
totoq; exercitu in summis moenibus & decussis muri
pinus spectarentur. Sed Iulius Vrsinus introrsus à mu-
ro ad iactum lapidis firmam munitionem erexerat, ex
uimineis turriculis more militari gleba & cespite re-
pletis, atq; etiam accelerandi causa ligneis ibidè uina-
ris dolijs contra hostes constitutis, quo munimento co-
hortes tutæ à maioribus hostiu tormentis, quod essent
depressiore in loco, in primos hostiu subeuntes, incen-
sis sclopettis glandium procellam effunderent, atq; au-
dacter munitione egressi, ingredi ausos, quo minus se-
rociter

roeiter inuaderentur, reiectos extra in præceps pro-
 pellerent. Qua repentina sedantium perturbatione,
 Antonius Lofredius Cicchi senatoris Neapolitani fi-
 lius, qui primus in murum euaserat, impigre resistens
 occubuit, & Scipio Mōiebellæ cohortis signifer pro-
 stratus, cum uexillo captus est. Marcus uerò Priuer-
 nas, qui primum illato signo uirtutis decus affectarat,
 ita se explicuit, ut incumbente hostium multitudine,
 incolumis cū uexillo ad suos reuerteretur. Neq; enim
 facile qui primi subierāt à subsequentibus confirmari
 poterant, quum magno casu ingens & uetus populi
 arbor, qua erat interiore in aggere, fortè succisa hosti-
 lis tormenti ictu, transuersa ita procidisset, ut ea casus
 inclinatione tanquam noua munitione obiecta, irrūpen-
 tibus magno esset impedimento, proptereaq; irrito co-
 natu, qui iam ascenderant, pulsī ab interiore hoste, &
 iniquitate loci deterriti, omnes extra proruerēt: qui-
 bus sese recipientibus grauior incidit clades ab infimo
 propugnaculo, quod erat eminens in fossam, & sua
 proieclura hostium latera conspiciebat. Id erat conca-
 meratum lateritia testudine, & per idoneas fenestellas
 ex occulto emittendis tormētis facultatem præbebat,
 Casamastāq; militari nomine uocabatur. Hanc eum
 manu sclopettariorum tuebatur Marconius Volater-
 ranus, qui certos atq; mortiferos ictus ē destinato sese
 recipientibus inferebat, & nisi fumus admodū densus
 interius spatium, nullo ad effugium inuento forami-
 ne, multa edita caligine, sclopettarios præpedisset,
 magnum profectō hostium numerum inde tanquam
 ex insidijs interfecisset. Hic ille est Marconius qui apud

Viennam, uti supra memorauimus, Italicas cohortes
 ad arma consternatas, & multis de causis nequaquam
 in Pannonia praesidio hyemandum censes, turbu-
 lentissima cōcione in castris habita, perpulit, ut in Ita-
 liā redirent. Eo ex Casamastra periculo, post non par-
 uam militum iacturam animaduerso, Vastius receptui
 cani iussit, ut aliunde tormenta aptius & efficacius ad-
 moueret, quum Iulius audacia & multitudine Casa-
 rianorum perterritus, desperansq; opem sibi alicunde
 ferri posse, quod nihil de Gallicis auxilijs audiret, ad
 exemplum Fregosij se dedit, iisdem ferè conditioni-
 bus, quibus ille Clarasco excessisset: sed aliquanto ini-
 quiore sorte, quoniam ab his, qui praesidio dati, ut in
 fines Gallicos deducerentur, excedentiū impedimenta
 latrocinij modo, in itinere direpta fuissent. Neq; eam
 illatam uim admissumq; iniquè facinus Vastius uindi-
 cavit, quāquam praedatores equitum praefectos, & in
 his Rosalium & Iuaniam Hispanos, & Bellotum Se-
 quānum, Epirotamq; Zucerum, seuerissimis uerbis ca-
 stigasset. Alba in potestatem redacta, motis castris ad
 Penarolum illico contendit eo animo, ut id oppidum,
 quod tormentis expugnari non posset, propter loci
 natura atq; arte muniti difficultatem longa saltem ob-
 sidione fatigaret, Taurinoq; simul comneatus spem,
 quantum excursionibus effici posset, paulatim absin-
 deret. Hoc tanto rerum successu, Vastius, supra recepti
 Casalis uictoriam mira celeritate partam, Cherio de-
 mum & Clarasco, atq; Alba urbe intra octauum atq;
 uigesimum diem fortiter expugnatis, pristinam uir-
 st utis uae animiq; magnitudinis opinionem, non modò

apud Caesarem, sed apud amulos, ipsosq; etiam hostes
 mirifice confirmavit & auxit. Iisdem diebus, quibus
 Vastius expugnatis, aut deditioe in potestatem reda-
 ctis aliquot oppidis, aduersus Gallorū duces prosperè
 bellum gerebat, Florentini exules repetendæ rursus
 Etruriæ consilium susceperunt, cohortante Saluiato
 Cardinale, & concitantibus Gallis, ut undiq; Caesaris
 vires distraheret. In id bellum Philippi Strozze per-
 sona poscebatur, quia esset summæ existimationis in-
 ter exules, & maximè pecuniosus haberetur. Sed uti
 erat armorū imperitus & parum fortis ad perferenda
 castrensium laborum incommoda, negabat se id mu-
 nus esse suscepturū, ne postquàm duo ipsius liberi Pe-
 trus atq; Robertus his periculis immiscerentur, nullū
 ipse salutis & fortunarū discrimen esset aditurus. Hac
 ita firmo animi decreto differebat, ut Petrus filius ge-
 rendi belli cupiditate iuueniliter inflammatus: patrem
 ipsum uehementi, & planè inuerecunda obiurgatione
 castigaret, nec obscure ei atrociam cōminaretur, si in ea
 spe recuperandæ patriæ tot patritijs deesset, & nihil
 sibi generosè conandum esse statueret. Quibus uerbis
 Philippus à filio, quem unice diligebat, uel reluctans
 expugnatus, sese non modò socium, sed etiam urgente
 fato antesignanū præbuit. Inter armatos exules emine-
 bat ipse Petrus Strozze, & Bernardus Saluiatus Car-
 dinalis frater, constanti compositoq; ingenio uir, mili-
 tiæ maritimæ assuetus. Hi, Capinio Mantuano operā
 nauante, cohortes apud Mirandulam conscripserant,
 & Bononiæ conductis passim militibus copias auxer-
 rant, quòd Pontifex eius consilij gnarus, & non occul-

tus, uti credebatur, belli concitator, hæc fieri patere-
tur. Fauebat autem exulibus mirifice Hieronymus Pe-
pulus Bononiensis, cuius erant multe in Apœnino
montanorum hominum clientelæ, descendentesq; in
Etruriam tuta itinera per paternas possessiones, sug-
gerendis comitatibus opportunas demonstrabat. Hæc
tametsi occultè apud Bononiam pararentur, de his ta-
men sigillatim Cosmus princeps certior fiebat, et quā-
quam esset præsentis pecuniæ difficultate oppressus,
quod eas publicè sine graui offensione ciuium imperare
non poterat, eas tamen ab amicis atque affinibus mu-
tuas exigebat, ut militari præsidio totā confirmati iam
à Cesare principatus existimationem tueretur. Erant
in eius consilio, præter Innocentium Cardinalem, et
quosdam togati ordinis ciues, Alexander Vitellius, et
Pyrrhus Stipicianus acerrimi duces: iamq; ualida et
fidelis militum manus undiq; accersita Florentiam ita
coluerat, ut nihil de intestino tumultu dubitaret Cos-
mus, hortatūq; ducum, aduentanti hosti non fortiter
modò repugnandum, sed obuiam audacter eundum
decerneret. Primum autē omnium Pistorio cauendum
censet, ne hostis studio amicæ partis fretus, ea opportu-
nissima urbe potiretur. Pistorij siquidem duæ uigebant
factiones, eternis inter se odijs cruentissimè de poten-
tia dimicare solitæ, quarum altera Guelphi nominis
Cancellaria uocabatur, fauebatq; popularibus Florē-
tinis, altera autē erat Panciatica, Gibellina et Medicea
factioni addicta. Huius princeps erat Nicolaus Brac-
ciolinus uir militaris et maxime cruentus. Illius uerò
pari authoritate se duces ferebant Frāciscus Habraus
et Gatefca

è Gatesca familia, & Battus Rospilliosus. In huc etiam
 modum Pistoriensis erat diuisus ager, ut Panciatici pla-
 nis & cāpestribus in locis nobilitate atq; diuitijs præ-
 starent, Cancellarij autē montanis in locis numero an-
 pliore hominū equatis opibus ualèrent: propterea fie-
 bat, ut Cosmus Panciaticæ factionis uires, introductis
 in urbē eiusdem factionis agrestibus, confirmare con-
 tenderet, ex aduerso exules conciatīs ad arma Cācel-
 larijs inuadendæ urbis spem conciperent. Sed Cosmus
 confirmandos nominis sui studiosos militari presidio,
 atq; urbē tuendam existimans, Pistorium præmisit Fe-
 dericum Montacutū cum duobus delectorum peditum
 uexillis, accersitusq; è summis montiū pagis Castagni-
 nus Tanarius Panciaticis fauens, cū multitudine arma-
 torum suæ factionis descēdere parabat. Quibus cogni-
 tis rebus exules per Mattanam Cutellianū seditiosum
 & sanguinarium hominem, & cum quem diximus
 Battū, seu incendia in aduersæ factionis edificijs ex-
 citari iusserūt, ut Panciatici conflagrātium Penatium
 suorum terribili calamitate adducti, ad uindicandam
 iniuriam elicerentur, Pistorioq; exire, & ad suā defen-
 denda proficisci, nec ideo Cosmianis rebus ullā opem
 ferre cogerentur. Iam exulum copiæ per Apoeni-
 num ad Fabricam uicū peruenerant, aliquanto
 lentius & tardius quā expediret confectis itine-
 ribus, quod in iugem bidui pluuiam incidissent, ita ut
 eorum principes Philippus atque Valorius cupiditate
 inuisendæ Etruriæ, fatali festinatione reliquos an-
 teire maturarent, & ad montem Murlum usque
 descenderent, existimantes eius regionis hominū suā

dia ad occupandum Pistorium, inuadendamq; Florentiam sibi minimè defutura, quòd propinquas & ualidas vires traherent, quibus nullo modo Cosinus resistere posset, qui neq; diu alere copias sine pecunia posse, nec quas haberet aduersum se educturus crederetur, ne ciuitas parata ad recipiendam libertatem, tumultu excito, tanquam praesidio nudata rebellaret. Mons Murlius collis est in extremis Apoenini radicibus, quàm definit in campos, metè modo in accliuè fastigium eductus, præaltam in summo antiqui operis habens domum instar arcis, duplici muri corona, sed ea uetere & passim collabente permunitam, cum lata area anticeptissimi prospectus. Eam arcem ademptam olim Florentinis, Castruccium Lucensium Tyrannum adiecta munitione confirmasse annales tradunt. Totus collis undique olea, uite, & pomiferis arboribus ita est conuestitus, ut certis etiam gradibus, ubi fruges serantur, aratrum admittat. Viè militari imminet, quàm à Pistorio Florentiam itur. Ab hoc septem millibus passuum, à Prato autem tribus distat. Tanta uerò fiducia exulum principes in ea uilla constiterunt, ut nihil omnino timerent, & Valerius uillam suam, quam Baroniam uocabat, ab se non ciuili, sed regio propè sumptu edificatam, tertio inde stadio securus inuideret, spatia returq; ociosus in xysto, uillicum de futura uindemia, spèq; oleæ, & de prouentu institarum arbuscularum, & de perdicum aucupijs diligenter interrogans, sic ut nonnulli mirarentur hominis insaniam supra modum, priuataq; fortunæ conditionem edificantis, & nihil ille de aduerso rerum euentu, quem fortuna temerè progressis adueheret,

ueheret, dubitare uideretur. Philippus contra cæco percussus metu, ut qui nullum circa se præsidium cernebat, deambulare solus, & sæpe sciscitaretur Zano-
bium Nerlium uillæ dominum, an in tuto esset, nec suspirare desineret, donec procul conspectis Petri filij uexillis animo sese confirmaret. Petrus enim, ut præsidio foret his, qui inermes montem Murliū processerant, disunctus à graui copiarum agmine pronolarat castraq; ad radices montis iuxta uiam militarem collocarat, constitutis idoneo in loco quatuor minoribus tormentis, quæ secum aduexerat. Nec multò post Fedinus ex numero exulum impiger & audax, cum aliquot equitibus prædatum emissus usque ad Pratum ereptos agricolis boues, & minoris pecoris aliquantam prædam ad exules retulit, improbante id factum Philippo, qui intempestiuo atque improbo milium suorum maleficio, susceptæ pro libertate adipiscenda expeditionis nomen fœdari nolebat, indignabaturq; mirum in modum, quòd Battus & Mattana ueteribus factionis odijs studentes, sæuo incendio cuncta prope eius tractus domicilia deleuissent, quasi Barbarorum more, incendijs & cædibus ex usu uictoriæ seuituri forent, quum incolæ beneficijs atq; humanitate, parcendo, nec factionum agnoscendo odia, alliciendi & conseruandi potius, quam detrimentis afficiendi non insanis ducibus uiderentur. Præmiserat Cosmus ad Pratum equitum turmas duas duce Postio Insubre. Rosa item Victio patris ueterano impigro cum expeditis sclopettarijs equites consequi iussu. Postius explorandi causa usque ad hostes processerat, leuiq; pu-

gna edita, amissis duobus equitibus retrocesserat. Huic tendendas insidias tanquam inconsultè iterum erupturo Strozza ratus, Sandrinum Filicarium cum iusta manu sclopettrariorum, Parusianæ uillæ testis (ea est militari in uia) sese occultare iubet, nec se cōmouere donec hostile exeuntis Poctij agmen pertrāseat, quod demum à tergo inuadi deberet, ut Poctius interclusus à tergo simul & à fronte caderetur. Ipse enim Strozza è castris suis stadia duo progressus ad pontem torrentis aquæ delectorum signa statuerat. Sed longè aliter quam putarat, insidiarum euentus cecidit. Cosmus enim de consilio suorum ducum, in celeritate summam belli rationem reponens, adoriendos hostes esse censuerat, antequam reliquæ eorum copię quæ sequebantur, primo agmini Strozzeq; sese iungerent. Rei gerendæ consilium hoc ordine explicatur, ut ipse Cosmus in urbe consistat, emissæque Margarita Austria, ut Pisis tanquam tutiore in urbe commoretur, bellica munia Vitellius & Pyrrhus suscipiant, maximeque occultata profectio noctu ad hostes contendant. Cæterum, Cosmus qui Sarmentum cum Hispanis è Fesulano agro acciuerat, astuto consilio eis designari pararique hospitia certis in urbe regionibus iubet, subindeq; admitti in urbem eorum impedimenta, & inutilem seruitiorum turbam, ut species ingressuri præsidij hostium speculatoribus præbeatur. Primis autem tenebris obserari cunctas urbis portas præcipit ne quisquam exeat, & Hispanorum cohortes extrorsus præter moenia, ad Pratum iter intendere iubentur, Parent Hispani egregiè Sarmento

H
Sarmentum
terim per
ca cohort
equitatu si
pesta nocte
ram, quap
spatium m
agmen, p
prefecto,
quisquam
suo itinere
ne ad host
horre, atq
turma eq
uallo cu
Montac
nibus fir
uniuerso
ret. Succ
& Pyrrh
accelerat
locati era
fieri posse
his extren
ret. Eo mo
nam quan
à Strozza
neminè qu
Strozza
uti iussus

Sarmento duci suo, et plenis passibus ire pergunt. Interim per portam arcis, Alexander et Pyrrhus Italicas cohortes educunt, easque Rodolphus Balconus cum equitatu subsequitur, et omnes simul Pratum intempesta nocte perueniunt. Nec quiescendi ultra semihoram, qua paratis obsonijs et poculis modice ientarēt, spatium militibus datur. Nec mora Vitellius educit agmen, precipitque Gaspari Pratensium iuuentutis praefecto, ut occludat portas, caueatque diligenter ne quisquam egrediatur, qui certum nuncium de aduentu suo itinereque ad hostes perferre possit. Hoc uero ordine ad hostes contendit: Praibat cum sua praetoria cohorte, atque expeditis sclopettarijs Borghesius, cui cum turma equitum cohaerebat Poctius. Hos modico intervallo cum Italicis cohortibus subsequebatur Otho Montacutus, eius agminis fronte lectissimis centurionibus firmata ita perducēs, ut ei Rodolphus Balconus uniuerfos quos habebat equites, ad dextram applicaret. Succedebant peditum agmini ipsi duces Vitellius et Pyrrhus, secundum uero eos Sarmentus Hispanos accelerare iubebat, qui ideo in postremo agmine collocati erant, ut tanquam subsidaria acies quantum fieri posset integra atque intacta seruarietur, quod in his extremis cohortibus Etrusci imperij salus constaret. Eo modo incedentes Cosmianae copiae, ad Parusiannam quam diximus uillam, ubi Sandrinum in insidijs a Strozza collocatum fuisse diximus, peruenerunt, nemineque hostium se commouente ad pontem et ad Strozzeana demum castra contenderunt. Neque enim uiu iussus erat Sandrinus, sibi prius erumpendum esse

iudicabat, quàm hostile agmen, quod exiguum fore putarat, totum pertransiret, atque ita quum maius & continens totius exercitus agmen, uel obscura nocte transire cerneretur, ut ducis sui imperio pareret, erumpendi occasionem amisit, seq; eijciens extra uiam militarem altiore circuitu, ad pontem, ubi Strozza confluxerat, regredi cœpit. Sed is fuit properantium hostiũ, equitumq; inuadetiũ impetus, ut Strozza deceptus suo consilio funderetur: & ut quidam existimant, quũ pugnando resisteret, ignotus ab ignoto equite caperetur, sed se felici conatu è cõplexu hostis statim, ut erat nixu ualidus & pedibus uelox eriperet: hostes uerò in castra eius, uti nulla munitione consep̃ta, eodem cursu peruaderent, captisq; à Borghesio tormentis, ea repente diriperent, quod Strozzeani nullo ordine constitutis, nec dispoſitis his leuiſſimis falconibus, tanquam perturbati & diſiuncti uiribus, in fugam præcipites se dedissent, nemine conſistere aut in unũ corpus sese conglobare auſo, quoniam uti in tenebris accidit, Aurora fortè nymboſior, omnem ſpectatæ uirtutis & ignauie caſum abſconderet. In eo tumultu Michael Angelus Romanus Strozzeanæ turmæ præſectus impigrè reſiſtens equo deturbatur, & capitur. Ipsi Baléono equus per armos glande traiecitur. Cadit etiam conſtantiffimè repugnans Ioannes Maëſtraccius è togata Gallia uetus centurio, paucis quidem interfectis, aut uulneratis, ſed multis captis: quum Baléonus cum equitatu diſpalatos, & in montes effugere conantes, per tria milliaria eſſet conſectatus. Eo tam leui certamine Vitellius potitus hoſtium caſtris, uexillis, atque tormentis

tormentis tanquam re bene gesta, regrediendum esse iudicabat, ne superuētū Saluiati cum iustis copijs, qui non amplius quatuor millibus passuum abesse & pro-
perare dicebatur, partē uictorię successum in discrimen adduceret. Sed Pyrrhus atq; Otho reclamantes felici cœpto audacter incumbendum, expugnandamq; omnino arcem, ubi hostium capita essent, sine cōsilio, nudatq; integro præsidio, utendum fortuna censebant. Atq; ita concedente Vitellio, & Hispanos cohortante, ut ad prædam Italos subsequerentur, Otho portam primæmunitionis quę in arcem exteriorem perducit, occupat, aliquot ibi utrinque desideratis, & ad alteram portam facto impetu prouolat, quę per arcem in uillam arci, ut diximus, similem aditum præbet. Hęc exules interius tumultuaria materia obstruxerant, desertaq; corona exteriore, quę podij effigiem ostendit, sese in superiorem pinnatam ædificij partem contulerant: inde sclopettis & prægrandibus saxis sese defendentes. Sed ita eius inferioris coronę spatium undiq; Cosmiani occuparant, ut nemo ex propugnatoribus caput exerere auderet, quin illico pluribus simul glandibus peteretur. Oppugnantibus tamen maxime infesti erant tres sclopettarij, qui è sacra turre exterioris templi terga & latera scandentium atque inuadentiū destinatis ictibus seriebant. Dum aliquandiu acriter certaretur, & iam cecidissent nonnulli, & ante alios cohortium præfecti Mendula Salentinus, et Sebastianus Pisanus, Otho fores coniectis facibus eo euentu succendit, ut flamma intus congestam in aditu materiam omnem corripere arderetq; iam coniuncta

portæ coenacula inciperent, & totum cauedium superioraq; arcis coenacula, ubi exulum principes erāt, fumo & terrore cōplerentur, eoq; trepidantius, quod Caccia Altouitus egregiè prudens & fortis peditum præfectus, in defendenda porta cecidisset, qui solus ab initio locum tāquam hostium audaciæ expositum, aut properè uel tumultuario aggere muniendum, aut celeriter deferendum esse censuerat. Milites quoq; per subterranea loca, quod ædificium substructionibus impositum, subtus ubi cisterna erat, totum erat permeabile, in superiora reuulsis ferreis fenestræ clatris emergebant, ita tamen, ut nonnulli properantes incumbentium reliquorum impulsu, uti in obscuro facile accidit, in cisternam nullo ad os circumseptam podio præcipientes darentur, & demum portulam, quæ in laevo latere arcis erat aperirent. Interim nihil incendij flammæ aut prunas ueritus Otho, uti erat protectus armis, scuto ad os prælato, per ardentem portam irrupit. Hunc pari audacia & contemptu ignis alij atq; alij secuti, cauedium & circumambientem porticum occuparunt, exulibus iam extremo uitæ metu adeo percussis, ut uelum è fenestra proferrent, quod erat deditionis signum, momentoq; temporis occupata ab hostibus arce, exules ad unum omnes capiuntur, Bambalino Arétino audaci cohortis præfecto, Philippum Strozza sibi notum comprehendente, quum se Strozza Alexandro Vitellio commendaret. Nec mora Vitellius & Strozza & reliquos equis impositi, Florentiamq; perduxit. Unus, qui expeti poterat, Petrus Strozza feliciter (ut diximus) elapsus,

ad

H
ad Salutem
uenit. Eade
lium siebat
ria Cosmo
tum fuerat
cellarios ac
tus, quum u
nime ferren
to, ac reliq
Bracciolini
immaniter
deditum i
eruenta m
dum usus
golinum.
dentes in
audita &
cum Mat
torum mo
Battus ad
Strozza p
perferens.
turaret, &
floriam eri
negauit in
eius timoris
beret copia
ne reluctat
naturum.
per Ferrar

ad Saluiatum cum uniuersis copijs aduentantem peruenit. Eadem nocte horaq; qua hæc ad Montem Murlium fiebant, felici quodam augurio, geminata uictoria Cosmo affulsit: nam egressus Pistorio (uti constitutum fuerat) Federicus Mōiacutus Othonis frater, Cancellarios ad Abbatiam quam uocant Paſſianam adortus, quum uiri agrestes armatæ cohortis impetum minime ferrent, ipso Mattana interfecto, Battoq; fugato, ac reliquis caesis & profligatis, uictoriam retulit, Bracciolino in aduersæ factionis inimicos usque adeo immaniter animi sauitiam effundente, ut captum & deditum imberbem nobilis familiæ adolescentem, eruenta manu iugularet. Battus ipse pernecitate pedum usus euasit, Franciscus uerò Habraus, qui ad Pogolinum, ut diximus consiterat, ut Tanarianos descendentes inuaderet, frustra totam noctem obseruaret, audita & conspecta oculis sociorum calamitate, qui cum Mattana fuerant, & cognita ex crepitu sclopettorum montis Murlij expugnatione, eodem cursu quo Battus ad Saluiati copias se recepit, quò iam Petrus Strozza peruenerat certum cladis acceptæ nuncium perferens, & Saluiatum adhortans, ut descendere maturaret, & hostibus dissolutis ac præda occupatis uictoriam eripere uellet. Sed ille ipso Strozza cautior, negauit in id iuniperetum (aspera & senticosa loca eius itineris ostendens) se demissurum, quas tamen haberet copias & tormenta, postquam insensæ fortune reluctari non liceret, maturo tutoq; reditu seruaturum. Atque ita transuersis Alpium tramitibus per Ferrariensis ditionis fines, Mirandulam iterum,

cum Capinio se recepit. Nunciata est Cosmo uictoria, quum esset in templo Nunciatae Deiparae uirginis, ut ibi pro ea uita uota susciperet. quæ ei cumulatiue letior extitit, quod ipsis Augusti calendis inciderat, quo felici die Augustus Caesar olim nutantis imperij nomen Actiaca uictoria confirmasset: quum ipse Cosmus eundem, uti Augustus, horoscopum in genitura nactus Capricorni sydus pro argumento in insignibus gestare consueisset. Peractis sacris reuersus domum, productos ad se exules ea fronte suscepit, ut nihil uictis insultaret, sed dubia seueritatis & lenitatis signa miseris relinqueret, blandè monens, ut eodem animo, quo bellum suscepissent, aduersi exitus fortunam ferrent. Exinde minoris classis captiui, qui antea damnati iudicijs, & recenti facinore maiestatis rei fuerant, in foro pars securi percussi, pars laqueo necati, triste spectaculum populo præbuerunt. Principes autem Valorius ipse cum Philippo filio, alteroq; Philippo gentili suo, eius Nicolai filio, qui à Leone Pontifice, detecta Boscolana coniuratione, summa clementia seruatus fuerat, & secundum hos ipse Antonius Franciscus Albicius, turbido instabiliq; ingenio uir, & uetus peraccerbusq; exul, rerum capitalium iudicijs obsequiis atq; tortoribus traditi, confectiq; cuncta conceptæ perfidiæ atq; malignitatis consilia, in carcere securi percutiuntur, cadaueraq; eorum affinis maiorum sepulchris inferenda conceduntur, letantibus eorum supplicio plerisq; ex populari factione ciuibus, quod ipsi iudicium Albicius atq; Valorius uel seras ueteris delicti merito uitæ exitu poenas darent, quando eos detrudendi è summo magistratu

decen-

H
decennali
derini, au
nos fuisse
libertatem
tyrannider
bant. Amb
fima tuliss
Albicius,
uel dignit
latis præ
profunda
satis foret
summum
occultat
Albicio
tione, a
tumelio
teros cel
hominum
matura
Horum
question
diximus,
petus dic
nisset. Ph
uentis,
inhonest
conciliar
cunæ di
magistr

decennalis dictatura, atque urbe expellendi Petri Soderini, auctores et principes ante viginti quinque annos fuisse meminissent. Ab his enim ereptam civitati libertatem, Mediceorumque inductum dominatum, quæ tyrannidem uocarent, uel parum libero ore prædabant. Ambo enim ab eo facinore edito, quum honestissima tulissent præmia, rursus à Mediceis defecerant: Albicius, quum peruerso eius ingenio, nullus gratiæ uel dignitatis locus, nullumque extraordinariæ liberalitatis præmium in patria satis placeret: Valorijs uero profunda cupiditati nullæ opes quantumuis magnæ satis forent, utpote qui uerborum superboque ingenio ad summum ciuitatis imperiū aspiraret, usque adeo malè occultatis sensibus, ut à Philippo Strozza, ipsoque item Albicio dissentiens, ad montem Murlum in deliberatione, ad iurgium intempestiuamque altercationem contumeliosis ferè uerbis descenderent, et unusquisque cæteros celeritate præcurrere, et præoccupare in urbe hominum studia niteretur, quæ ipsis præproperis immatura festinatio proculdubio perniciem attulerit. Horum siquidem trium diuersa erant cõsilia, sicuti in quæstionibus et tormentis protulerunt. Valorius, ut diximus, ab ætatis honore dominatum affectabat perpetuæ dictaturæ nomine, sicuti antea Soderino obuenisset. Philippus populari fauore, et gratia totius iuuentutis, quam comitate, largitione, honestisque atque inhonestis artibus, uti tum urbis mores ferebant, sibi conciliarat, ualidissime subnixus, et uti habebatur pecunie ditissimus, ac affinitatibus potens, liberum supra magistratus omnes iucunda conditione principatū in

urbe sibi destinabat, Laurentio Medici profocero similis euasurus. Ceterum Albicio nihil nisi turbulentia cogitanti ea mens erat, ut in ueteres inimicos odium exerceret, eorumque sanguine et fortunis truculentum exaturaret animum. Quibus de causis, uti uerissimo constat argumento, Philippus Strozza Valorij immodicam ambitionem, et diram Albicij crudelitatem pradamans, utriusque necem asferre cogitauit, quum in eorum caedem allecti praemij, se promptissimas manus allaturos pepigissent Sandrinus Filicarius, et Cecchinius textoris filius, iampridem ab adolescentia Philippo addictus. Hic in fuga captus, perditorum more in foro suspensus est, ille est praelio effugiens aliquanto post quum in suspicionem mutatae fidei Strozzi uenisset, ab his (ut fertur) Ferrariæ trucidatus est. At quum diu Strozza in arce à Vitellio, et demum à Ioanne Luna, cui arcem tradi Caesar iusserat, custodiretur, miserque auro oblato, et datis impense muneribus sese redimere frustra contenderet, ad extremum Cosmus à Cesare impetravit, ut sibi traderetur, de nece Alexandri atque Hippolyti cardinalis quaesito. Quod ubi Philippus rescivit, ne perferre immitia tormenta, et in perniciem amicorum arcana fateri, et indignam natalibus suis necem subire cogeretur, animum tam generose quam impie despondens, gladio, quem Hispanus carceris custos temere exiens reliquerat gutturi appposito, eo nixu et corporis pondere incubuit, ut quum exeuntem Hispanum adacto statim ueste ostio exclusisset, nec cito postes cardine reuelli possent, patefacto aliunde ingressu exanimis cruento in pavimento reperiretur, relicto

H
relictio in
recte uiuere
serijs finem
exitu, quum
me gratio
nisi de sup
dere Chris
inde proc
moribus se
genio ele
Strozza,
patri am
ingenio,
fatale be
dere fac
rium, ip
Philipp
item Gu
et Chiu
terat, diu
et Ioann
Lepronii
(quum equ
quod par
unius

relictō in mensa chirographo, quo testabatur, se qui rectē uiuere nesciuisset, generoso animo uitæ & miserij finem imposuisse. Indignus certē eo uitæ fædo exitu, quum ingenio erudito, apprimēq; liberali, summe gratus apud ciues, & elegantissimus euasisset, nisi de superis atq; inferis male sentire, apertiusq; illudere Christianæ disciplinæ præceptis esset solitus, atq; inde procacius quā deceret, Vestalium uirginum amoribus seruire crederetur. Ferunt Cosmum miti ingenio clementiæ laudem excipere paratum, seruare Strozza, quā supplicio afficere maluisse, quod Ioanni patri amicorū atq; sodaliū intimus fuisset, nec suo pte ingenio, sed Petri filij impulsu, et inimicitias, & deniq; fatale bellum aduersum se suscepisset. Quod ideo credere facile fas sit, quum in eadem causa Paulum Valerium, ipsius Bartholomæi supplicio damnati filium, Philippiq; Strozze generum designatum, Bracciumq; item Guicciardinū, Veriū Castellionem, T. Canisianū, & Chiurlium Macchiauellum, quos iure occidere poterat, diuturni tantū carceris pœna dignos iudicasset, & Ioannem Adimarium, Americūq; Antinoriū, & Lepronū Rinerium ab Hispanis captos, sese pecunia (quā aquo iure id posset netare) redimere permisisset, quod parcendum edendis supplicijs, & finem acceptæ iniuriæ, conceptoq; odio imponendum arbitraretur, & gentilibus damnatorum bona liberaliter adiudicaret.

PAULI IOVII NO-
VOCOMENSIS EPISCO-
PI NVCKERINI HISTO-

riarum sui temporis.

LIBER XXXIX.



AESAR ab Hispania per me-
diam Galliam in Belgium pro-
fectus, non Gallorū modò suo-
pte ingenio exoptata facile cre-
dentium, sed principū omnium
animos magna pacis expecta-
tione suspenderat. Neque enim
periti rerum, qui æquissimo iudicio, & studio maximè
libero uigerent, fieri posse existimabant, ut regū lon-
gè maximus, ingenio grauis, & uerae gloriæ percupi-
dus, Francisci regis antiquas spes publico omnium con-
sensu confirmatas, diutius frustraretur, quā tanto ap-
paratu, tantisq; honoribus exceptus, nihil apud gene-
rosam regem de salute subdubitans, uultuq; maturæ
pacis spem præbens, clarissimas Galliae urbes percur-
risset. Postularat quoq; Caesar à Pyrenæis digressus, ut
legati communi consilio ad Venetos mitterentur, qui
nunciarent, qui deterfa animis odia, amicitiamq; sub-
rede sincera fide renouatam, ea mente, ut præclaro fo-
inde ictu, consilijsq; Christiana pietate dignissimis in-
genti animo susceptis, in Solymanum dirum uerumq;
hoste in totius Europæ arma uerterentur. Descenderat
itaque,

itaque, ut legationi maior inesset auctoritas, cum ornatissimo comitatu ipse Alonsus Daualus, Caesaris in Italia dux summus, et Hanebaldus ab insigni fide et uigilantia Gallicis copijs ad Taurinū præpositus, exceptiq; fuerant admirabili pompa, quum eis Landus princeps solenni thalamego, quod Bucentaurum uocant, et multis exornatis triremibus occurrisset. Erāt tum Veneti ab recenti Turcico bello uarijs acceptis incommodis uehementer afflictī: nam præter Corcyram, multis millibus hominum in seruitutē inde abductis, latē uastatam deformatamq; crudelibus incendijs, et Obrouacium in Illyrico infellici temeritate tentatum, etiam Creta, et insula Cyclades grauissimas clades acceperant, negociatoresq; Veneti non modò Byzantij, sed tota quoq; Syria ac Aegypto capti, in catenis seruabantur, bonaq; eorum et pretiosa mercimonia Barbari præsidēs in fiscū retulerant, neq; sublato commercio et deserta nauigatione ulla spes erat exercendæ mercaturæ, ob idq; priuata opes, quibus publicæ steterant, euersis multorum fortunis concidebant, adeo ut post pacem ad Hydruntē unius trierarchi turbido insolentiq; ingenio abruptā, temerè sumpsisse arma aduersus tantum hostem, improuideq; sœdus cū Cesare percussisse pœniteret, cum periculosi belli, cuius prima uulnera damnaq; ad ipsos recidisēt, prægrauē exitiosumq; onus se subisse perspicerent, in nullā præsertim spem uictoriæ terrestris, sed debellandæ tantū classis, cuius animi ac uirium nuper cū ignominia ad Leucadē periculum fecissent. His de causis à Solymano inducias impetrarant, adiunāte, uti supra memorauimus

mus Gallorum rege qui eos à foedere amicitiaq; Cesaris diuellere cupiebat, ut Auriana demum clas̃is numero longarum nauium impar, Hariadeno uacuam maris possessionem concedere cogeretur. Induciarum uerò iam propè totum tempus effluxerat, incideratq; Venetijs tanta inopia frumenti, ut seua fames in propinquo spectaretur, neq; eos Cesar, uel id ex foedere postulantes, frum̃to Siculo subleuabat, quòd tum multo grauius quàm antea uectigal, asportantibus imposuisset, adeo ut illud tritici uenalis pretio & uecturæ pariter æquaretur, nec ulla omnino paratior spes erat frumenti comparandi, quàm è Macedonia & Græcia, si cum Solymano ad antiquam pacem amicitiamq; recurrerent. Is enim paucis antè annis pari penuria laborantes liberaliter adiuuerat, ingenio nequaquam barbaro, præfatus inhumanum esse & principe indignum ex aliena calamitate lucrum expectare, quum alendos iudicaret, qui ex ira Deorum immortalium interceptis frugib; miserabile uitæ periculū subirēt. His de causis pleriq; optimatū ad non dubiā sp̃e auertendæ fanis, antiquam pacem repetere, & tantis sumptibus, qui maximè diuturni ac intolerabiles futuri uiderētur finē imponere cupiebant. Erat quoq; liberis sermonibus euulgatum, Cesarem præalto auidog; ingenio, sed eo in omnem modestiæ simulationem probè cõposito, totius Italiæ, & deniq; Europæ omnis imperiū affectare: unos autem Venetos omnino esse reliquos, qui obstarent, & uigilanter libertatē suam tuerentur, quum cetera imperia inusitato quodam, & proxus fatali aridentis fortunæ munere, in eius potestatē deuenissent.

Proinde

Proinde illum ualidis subnixum rationibus, nō ineptē
quidem expectare ex eo pręgrauo bello, ut Veneti pu-
blica priuataq; ac singularum quoq; imperij sui urbium
consumpta pecunia, attriti ac inopes, opportuniq; in-
iurie redderentur: quando quidem ipse Cęsar et Fer-
dinandus frater, non obscuro sed diuerso iure, septem
illis Venetię urbibus imminerent, quas antea Maximi-
lianus auus Gallo coniunctus armis cepisset. Appare-
bat enim socias ciuitates, si pecuniam conferre coge-
rentur, uti acerbius expilatas, fidem facillē mutaturas,
quum duorum fratrum consilio concitatis Germanis,
qui undiq; fines clauderent, repentinum bellū inferre-
tur. Propterea senatus magnopere dubius, in ancipiti
sententia uersabatur: horrebat enim Turcarum arma
a ducentis annis Veneto nomini semper funesta: instan-
tem timebat famem, obscuraq; Cęsarıs consilia suspe-
ctabat, quarū rerum pericula, una statim cum Solyma-
no confecta pace tollerētur. Sed non deerant, qui eam
uehementer improbarent, ex ipsa scilicet quorundam
potentium factione, quę iam pridem deprauatis anti-
quis moribus malo reipublicę enata erat, cōfirmataq;
demum Neapolitano fœdere, quo nihil toti Italię im-
portunius accidit: ex obliquo siquidem, ut Cęsari faue-
rent, pacis authores sententijs atq; suffragijs oppugna-
bant, quādo ea pax non ingēti modō auri pōdere, sed
maximē damnosa atq; turpissima duarū urbium concess-
sione, ab infido immaniq; Barbaro redimi uideretur.
Erant eę Neapoliū et Epidaurus, quę reliquę ex
omnibus antea bello amissis in Peloponneso Venetis pa-
rebant: eminebat etiā in ipsa mentione pacis subeunda

inuidiæ ac ignominie non obscurus pudor, quum Venetus præproprio decreto ac infami præiudicio, ut subtracto nauali apparatu, quo plurimum polletet, Italiæ orâ Barbarorum classibus euasandam prodere uideretur. Is erat animorum habitus, quum legatis à lectissimo ciuium ordine in curiam deductis datus est senatus. Coiuerat autem tanta hominum multitudo, ut amplissimo conclauì comitijs dicato, minimè caperetur: multi enim Hanebaldum Gallorum ducem bellica laude florentem intueri, sed omnes maxime Dauali, cum sua proceritate & dignitate oris conspicuū, tum rerum gestarum fama clarissimū, orantem audire cupiebant. Is à latere principis exurgens, in hanc ferme sententiam præclara militariq; facundia locutus est. Præclara magni numinis, diuorumq; omnium prouidentia factum esse reor serenissime dux huius amplissimi senatus, ut duo longè maximi Europæ reges, qui modò perpetuis armis inter se contendebant, non dubia tacti religione, in mutuos sincere amicitie complexus deuenerint, in id unum proculdubio consilium, ut constituta pace, conturbatis & tandiu affectis Christiani imperij rebus, dignā ipsorum nomine tranquillitatem asserant, & suscepto sacro bello, tot acceptas à Barbaris clades ulciscantur. Hoc ut uobis uiri Veneti nunciaremus, reges ipsi nos huc miserunt, ut pari studio, quo uos semper arsisse pro dignitate huius amplissime ciuitatis compertum est, opportune incendiemus. Vos siquidem unos præ omnibus, qui tantum nauali apparatu disciplinaq; & maritimis copijs ualeatis, in sacri belli, speratæq; uictoriæ societatem asciscunt

& dignos

Et dignos existimāt, qui peculiares totius uictoriae fructus nanciscamini: quādoquidem renouato conatu et coactis tot classium uiribus, nemo nō uideat Barbaros mari omnino inferiores futuros, tametsi se ad Actium uictores dudum euasisse iactent, quum nō uirtute, sed inexpectato intempestae procellae beneficio, uictrices iam prope manus nostras euaserint. Nobis enim certa ratione pietatis in unum tantas undique uires conferentibus, cuncta calī & terrae marisque numina propitia aderunt, atque animos profectō, ut uinci discant, Barbaris eripient. Quamobrem de terrestribus etiam copijs nostris bene sperare fas est: quandoquidem ad eas, quas modo Caesar ad Viennam, ipso Barbarorum imperatore in fugam coniecto, in aciem produxerit, accessura sint non modō totius Galliae equitatus & peditatus perempla auxilia, sed suos etiam magni roboris exercitus Sigismundus Sarmatiae rex, religionis atque uirtutis nomine contra impios feliciter pugnare solitus, nulla interposita cunctatione sit adducturus, sic, ut de explorata iam propē uictoria minimē sit dubitandum. Hec itaque piē imita consilia, quod Christiano nomini secundissimē cedat, Caesar atque Franciscus ut suscipiatis, & iustae gloriae atque uictoriae spem uotis ritē nuncupatis complecti uelit, plurimum cohortantur, uosq; saluari decreto ab amicitia Barbarorum pios fortesq; animos auertere suadent. Generosis enim animis uestris omnino turpissimum uideri potest extendisse inducias, & infamem atq; insidiosam pacem, pio atq; iustissimo bello praeluisse. Neq; enim opulentissimam hanc rem

publicam, uel magnis propositis belli sumptibus, à bo-
no & æquo deterreri decet: nam quod præsentis est &
diu exoptatæ occasionis, si semel uicerimus, uno aut
navalis aut terrestris uictoriæ prouentu, cuncta supe-
riorum temporum accepta incommoda, incompara-
bili uestra cum laude sarcientur. Ad ea Landus publi-
co nomine respondit, Nihil unquam ab ulla patrum
memoria Veneto senatui, uel specie legationis ad di-
gnitatem honorificentius, uel ad publicâ securitatem
ipsa spe pacis optatius ac opportunius euenisse, post-
quâ duo longè maximi reges, duobus præstantissimis
ducibus legatis missis, certam inter se concordiam &
maturâ pacem nuntiarent, ipsis certè ad sempiternæ
laudis nomen maximè gloriosam, Venetæ autè Reip.
tântis difficultatibus circūuentæ apprimè salutarè, mi-
rumq; in modum etiâ reliquis Europæ principibus ex-
petendâ, si publico consensu consociatis uiribus de sa-
cro bello sincera & religiosa fide cogitarent. Tum
enim Venetos neq; sibi neq; Reip. defuturos, quin in-
ducias quæ cum Turcis essent, nequaquam scdâ pace,
sed constantibus armis atq; uictoria finirent: proinde
supplicandum esse Deo maximo, diuisq; omnibus, ut
reges totam eam spem pacis, quâ mutuis colloquiis cõ-
plexibusq; afflicto terrarum orbi pollicerentur, pio
decreto & felici euentu maturè & gnauiter implerèt.
Sequentibus porrò diebus legatos de more in colle-
gium paucorum uocatos, lectissimi senatores interro-
garunt, an quicquam de legibus scirent, quibus ea pa-
cis & amicitie fœdera sancirentur, ac obiter putarèt
ne Cæsarem in usum pacis, Cisalpina Gallie imperiũ

Franci-

Francisci regis filio concessurum. Subticente ad id Ha-
nebaldo, Daualus nihil plus exploratū se habere, quā
conuenisse inter se reges, idq; appetisse Caesarē respon-
dit, qui grauissimis de causis fessē et labantī Christiane
reipublice succurrendū existimari: id uerò, quod uel
caci præclare intueretur, nequaquam expediri posse
perficiq; feliciter, nisi Caesar pro magnitudine animi
plurima concedendo donandoq; Francisci regis uotis
annueret, uoluntatemq; redimeret. Generosus, inquit,
patres conscripti, grauem etiam rerum suarum iactus
ram facile contemnit, quum amplissima ueræ laudis
ac ingentis fame commoda latè prospiciat. Erant hæc
dictu ualde magnifica, grataq; auribus, sed inueterata
prudentiæ homines nihil penitus ad animum admitte-
bant, ut Caesarem, cuius uel intimos sensus tractando
explorandoq; sæpius nouissent, temere crederent Me-
diolanensi imperio decessurum. Id enim unum Gallus
repetebat, pro quo per uiginti ferme annos, commoto
et perturbato terrarum orbe, infelici contentione di-
micasset. Mouebat senatū noue ac inusitate legatio-
nis authoritas, supra ueteres legatos Didacum Men-
docium Hispanum, et Gulielmum Pellicerium Gallū,
qui aderāt, ob id maxime suspecta, quòd nihil certum
discussumq; præter spem futuræ pacis attulerat ita, ut
plerisque magno Caesaris commodo ad fallendum in-
structa atq; adornata crederetur. In eo enim totius ar-
tis momentum uerti uidebatur, ut Venetus in spē con-
cordiæ communis adductus, consilium cum Solymano
de prorogandis inducijs et petenda pace penitus abij-
ceret. Eam autē alieni arbitrij aleam subire, seniores

imprimis periculosum atq; omnino insanum esse iudicabant: quid enim ipsis sperandum, si fortuna cōceptæ paci successum eriperet: nisi ut deserti ab omnibus, obiectiq; immanibus Barbaris, stultæ credulitatis grauissimas pœnas darent? Sed uel inanem spem pacis Marcus Antonius Cornelius haud obscure Casari fauens, mirifica illustriq; facundia sustentabat: differebatur contra à Francisco Donato, qui principe loco dignus, antiquam diuini & maximè constantis ingenij auctoritatem sententijs suis afferebat. Itaque senatus ueluti magno in aestu diuersis magnisq; fluctibus iactabatur tanta contentione, ut patres in curia consultando expendendoq; integras ferè brumales noctes absumerent. Erat tum senatus instar quassatæ nauis rimarum plenus, hac & illac enim persuebat, quod antea nunquam acciderat, usque adeò ut sententiæ decretaq; inexorabili antea silentio religiosè custodita, non modò ad præsentes legatos, sed in prouincias quoque literis emanarent: tanta enim erat insania susceptæ semel factionis, in clarissimis etiã senatoribus, qui ex professio noscebantur, ut antiquum illud decus optimæ Reipublicæ odiosa paucorū ambitione & uenalibus studijs atq; suffragijs prodi uideretur. Propterea animaduersus uicio Marcus Foscarus profunda prudentia uetus senator, dixit Rempub. prodi multitudine & malignitate suffragiorum, breuiq; perituram, nisi paucorum fidei iudicioq; salubriter commissa maturè sanaretur. Erant enim ex ordine rogatorum, qui dicerent sententiam, & in suffragiū irent homines ferè ducenti. Hac multitudine offensus, ad quinquaginta uiros, qui

usu

usu rerum, fide, charitateq; patriæ probarentur, gra-
uissimi atq; maximè arcani consilij summam reuoca-
bat. Ita rebatur multorū insaniam, paucorum sapien-
tia superari: sed tanta mox Foscarus inuidia deflagra-
uit apud multitudinem, quum ea se consilij excludi,
notariq; infamia leuitatis atq; imperitiæ minimè pa-
teretur, ut uir ille inter summos senatores faciliè excel-
lens, & quo nemo grauitate iudicij potior habeba-
tur, rogatorum ordine sit eiectus, spoliatusq; omni ho-
nore, diu in singulis comitijs pudendam reip. repulsam
tulerit. Verū ei non multò post, quod diuine & sa-
pientissimè prouidisset, magnæ gloriæ cessit, detectis
his qui reip. arcana prodiderant, seuerissimèq; damna-
tis. Hi fuere patritij ordinis Maphæus Leonius, & Cō-
stantinus Cobatius decemuiralis collegij scriba. Reli-
qui autem complices cum Francisco Valerio, qui pa-
tritis patre ex damnato coitu genitus, perfidiose lar-
gitionis minister, & interpres extiterat, laquei pœ-
nam inter geminas columnas in foro tulerunt, quum
paulò ante Leonius, atque Cobatius in Galliam per-
fugissent. Caterū ea de pace contentio, hunc habuit
exitum, ut senatus urgente præsertim fame, cōcordiæ
principū diffidens, & tamen euentum expectans, tres
legatos decerneret, ex his duo ad Cæsarem Franci-
scumq; regem explorandis eorum consilij mitteren-
tur: tertius qui erat Aloysius Badoerius forensi elo-
quentia insignis, ad Solymānum maturè contenderet.
huic iniunctum est, ut desperatè inter reges pacis sa-
mam præoccupare niteretur, sed daret operā cunctis
ingenij artibus, largiendoq; præsertim, ut Naupliū, et

Epidaurus Veneto nomini seruarentur, quod si id ab
 astuto insolentiq; Barbaro impetrare nequiret, neces-
 sitati daret manus, & quauis conditione pacem con-
 ficeret: eam enim decemuiui è republica fore existima-
 bant, secretoq; de deditione urbium in mandatis ad-
 scripserant, ueriti scilicet imperitæ multitudinis uim
 atque tumultum, quæ inde ueluti satis honestam nacta
 causam reclamandi, intercedendiq; proculdubio sa-
 luberrimi consilij decretum euertisset: neque enim in
 dubium uertebatur, si cunctarentur & serò pacem
 peterent, quin Solymanus ex aliena imbecillitate ne-
 cessitateq; impotentis animi cupiditatem extenderet,
 nec daturus esset pacem afflictis, atq; desertis, nisi quod
 esset ipso Venetæ urbis excidio penè acerbius, Cepha-
 lenia, Zacynthus, ac ipsa deniq; Corcyra traderentur.
 Itaque Daualus, & Hanebaldus, qui ea de causa uene-
 rant, ut cum Turca pacem impedirent, nihil omnino
 diligentius effecere, quàm, ut eam Veneti, prouiso re-
 rum suarum periculo, conficere maturarent. Fit enim
 plerunque in consilijs humanisq; rebus, ut alioqui re-
 ctè speratus & facilis successus, nimia diligentia &
 cura corrumpatur. Neque dubium fuit, quin Hane-
 baldus in speciem tantum personam legationi præsti-
 tisset, clam uerò per Guliermum Pellicerium uete-
 rem legatum pacem, ac amicitiam cum Solymano
 persuasisse crederetur: atque ita euenit, ut quum Ba-
 doerius apud Byzantium, impetrandæ pacis gratia
 certam pecuniam urbium loco polliceretur, Solyma-
 nus eum tanquam impudentem minaciter obiurga-
 ret, ac non aliter se daturum pacem, quàm acceptis
 urbibus

urbibus testaretur, quoniam de decemuirali decreto certior factus, eius rei transigendæ potestatem legato datam esse ex literis ostenderet. Quamobrem Badoerius cum pudore redargutus, persususq; non dubio mortis metu, ubi arcana mandatorum Solymano & purpuratis detecta esse conspexit, in eas conditiones pacem accipere coactus est, quæ Nauplio atque Epidauro traditis sanciretur. Quibus etiam Peloponnesi urbibus accesserunt duo Dalmatiæ castella, Nadinum, atque Labrana, graui quidem cum dolore uniuersi senatus, postquam de tam iniqua transactione Venetijs est rescitum: unde mox Badoerius atroci inuidia deflagrauit, quum ea dedisset, quæ ex mandatis dare non posse credebatur, usque adeò in eius nomen asperè concitato populo, ut uix demum detecta Cobatij perfidia, quin exilio, & bonis uel insons multaretur, egerrime seruatus sit. Interea Cæsar demissis Francisci regis liberis, qui officij causa prosequuti Valentianum usque procefferant, quum de concordia perscriptis conditionibus acturus esse crederetur, integrum tractandæ pacis negotium in aduentum Ferdinandi fratris reiecit. Is tum è Norico ut explicandis consilijs interesset, Rheno deuectus aduentabat. Nihil enim dum esset in Gallia Cæsar egerat de pace, nihilq; præter iucundissimos sermones audierat, quum id antea consilio, uti mox apparuit, subtili potius quàm honesto per Anneum Memorantium petisset, ne si alienæ potestatis factus, in solo nuper hostili minus liberè, minusq; utiliter de pace transigeret, totius institutæ liberalitatis suæ gratiam de-

floraret, quando ea demum apud omnes opinio foret, quæ facile tolli non posset, ut ipse nequaquam ex animo & satis generosè, sed ignobili metu, & cæco pudore circumscriptus ad iniquas pacis conditiones descendisse crederetur. Id uerò facile receperat Gallus, quum certo excelsi animi decreto, hospitales mensas quibus regina ipsius Caesaris soror cum lectissimo foeminarum comitatu ad hilaritatem induceretur, nulla penitus amaritie perfundendas existimaret. At Cæsar ab ea mora dilationeq; Gallorum, animis in ulteriores spes opportunè traductis, contra ac pleriq; arbitrabantur Gandauum rectà contendit, præmissa Germanorum legione, adductisq; secum Belgarum alis, quibus antea ut præstò adessent, locum diemq; præscripserat. Gandauenses desperata Gallorum ope, quòd pacem cum Cæsare occultè confectam crederent, occulto metu conterriti, & præoccupati celeritate Cæsar's, in pompæ morem gratulantes se effuderant: sed ea erat apud salutantes recentis facti conscientia, & contrà is oris habitus portam intrantis, ut hic non natalis soli urbem, & patriam altricem pueritiæ, sed inuisa & prorsus inimica mœnia tectaq; subire uideretur: illi porrò, quum in oculis Cæsar's dubiam lenitatem agnoscerent, tristi uultu, & summisso murmure se poenitere faterentur, quòd non pro patria armis fortiter desumptis, portas ab initio clausissent: neque enim ui subigi, expugnariq; poterant, quum amplissima ciuitas, uel subitario tumultu supra quadraginta hominum millia facile armaret: sed Gandauenses, cum iuri suo, tum uiribus audacius confisi,

grauiore

graviorem quam putassent contumeliae noxam subie-
rant, eorum consuetudine, qui ubi facinus admisc-
runt, ut id demum extenuent, culpam sua potius quam
aliena conscientia metiuntur: siquidem uti memora-
uimus, tanquam liberi & immunes Mariae reginae,
quae Belgis praeerat, pecuniam in Gallici belli sum-
ptus imperanti, insigni contumacia resisterant, adeo,
ut paratam uictoriam interpellasse uiderentur. Id fa-
cinus altè admodum & grauiter in pectus Caesaris
descenderat, quod ab ea ciuitate, in qua esset natus,
initium detrectandi imperij exortum uidebat, sum-
mo quidem rerum suarum periculo, quando in ea-
dem causa prouincia omnes perpetuis tributis exhaus-
tae, ad non dubiam rebellandi occasionem Belgarum
exemplo uocarentur. Nam Hispania omnis dudum
conferendis pecunijs fessa, & ob id consternata ani-
mis, in conuentu liberas uoces ediderat. Insbres quo-
que ex opulentissimis ad egestatem redacti, diuque
uel in pace immaniter uexati frustra apud surdas
Caesaris aures, praesidium acerbiter queriebantur.
Neapolitanum uerò regnum, quo nihil spoliatus
unquam fuit, euersum, exutumque omni pristina di-
gnitate conciderat: & in Sicilia cum annuis tribu-
tis, tum nouis rei frumentariae uectigalibus, & fre-
quentibus Hispanorum aestiuis hybernisque euastata,
ocasio potius rebellandi, quam consensus deesse ui-
debatur. Itaque Caesar ulturus iniuriam, quum iam
pacato planè animo uideretur, dispositis per ur-
bem custodijs, multos uno tempore comprehendi iu-
bet. Nouem ex his, quos turbido ingenio aut facin-

dia insigni et militari præsertim audacia compere-
 rat, iudicio damnatos uti reos maiestatis interficit:
 his paucos post dies sexdecim desiderio libertatis, et
 populari potentia suspectos addit, de quibus pariter
 in foro, contreritis omnibus, supplicium est desum-
 ptum. Ab hac reorum poena, veteres demum ciuitatis
 immunitates uno edicto abrogat, leges dissoluit, to-
 tum id ius abolet, quod magistratus creabantur, in-
 gentique pecunia ciuitatem multat, quæ in sum-
 ptum ædificandæ arcis transferretur. Instituebat e-
 nim peramplam arcem opportuno urbis loco, insi-
 gne templum atque cœnobium diui Beonis memo-
 riæ dicatum complexus, ut Gandauenses iugum ser-
 uitutis ex merito ceruicibus impositum sentirent.
 Erant qui in eos aliquanto grauius, quam expediret
 animaduersum arbitrantur, quod peruicacis ac in-
 domite gentis is esset animus, ut ui subactus, conspe-
 cto semel cruore odium iramque reconderet, nec ul-
 lis subinde lenimentis flecteretur, ut ex tuto demum
 in uindictam exercendæ seuitiæ locum aperiret.
 Damnarant in primis seueritatem Cesaris, totius
 Germaniæ liberæ ciuitates, horrebantque in primis
 impositæ arcis nomen uti nouum, et maxime infe-
 stum libertati, ita ut Gandauensibus tanquam socijs
 si Casarem casu aliquo fortuna desereret, recuperan-
 dæ libertati maturam opem laturi uiderentur. Sub id
 tempus Ferdinandus ad Casarem uenit, expectaba-
 turque sollicitis legatorum animis toties inita nec un-
 quam tamen confectæ pacis euentus. Venerat per eos
 dies sub fide publica Vilermus Cleuensis regulus, affi-
 nitate

H
 nitate ac an
 rolo Gheld
 mento scrip
 iunctam ob
 Augustali i
 ritatem sibi
 eum concil
 patus legib
 diæ German
 Nam è Men
 Gheldriq;
 hortet legi
 Vilermus
 modo suo.
 diolanum
 ob id se
 Gheldria
 Francisco
 nitam uxo
 cis et prin
 conseruari
 re tribuen
 dignitate s
 rior est inu
 to principi
 enim decor
 temneret, n
 tur, sed pa
 mus quæ s
 ri nollet, p

nitate ac amicitia Gallo regi arctè coniunctus. is à Carolo Gheldrio, qui sine liberis decesserat, hæres testamento scriptus Gheldriæ regionem sibi finibus coniunctam obtinuerat, inuito iratoque Cæsare, qui suo Augustali iure dicendi instituendiq; principis auctoritatem sibi ereptam indignabatur. Cupiebat enim eum conciliare obligareq; certis beneficiarij principatus legibus, ut quo è erat in intimo sensu, conducendi è Germania milites Gallo regi facultatem eriperet. Nam è Menapijs atq; Sicambrijs, qui hodie Cleuenses Gheldriq; uocantur, nunquam Gallo regi mirifice cohortes legionesq; proposita mercede defuerant. Nihil Vilermus de pacis euentu dubitabat, Gallumq; ex cōmodo suo, neglectis socijs atque clientibus, modò Mediolanum reciperet, cuncta facturum arbitrabatur, ob id se conferre ad auctoritatem Cæsaris, eiq; pro Gheldria sacramentum dicere, Christiernamq; (ea Francisco Sfortiæ nupta fuerat) ex Cæsaris sorore genitam uxorem ducere paratus erat, sed Gheldriæ ducis et principis nomen, dum uita maneret, concedi conseruariq; sibi beneficio Cæsaris postulabat. In ea re tribuenda, Cæsar nihil unquam, nisi ex maiestatis dignitate facere aut pati solitus, quàm expediret, durior est inuentus, quum præfecturam tantum abrogato principis nomine se concessurum respondisset: adeò enim decoris erat tenax, ut futura cōmoda facillè contemneret, modò præsentia uel ancipiti periculo tuerentur. sed pari ingenio et Germanica constantia Vilermus quæ speciosi susceptiq; simul tituli honore spoliari nollet, pro quo armis certare, et nauiter occubere

minimè recusaret, se consulturum prouinciales suos dixit & sub ea qua uenerat fide, intra fines est reuersus. Iam enim paratæ pacis metus, multorum dierum mora refrixerat, & Galli cum opportunè monuerāt, ne quid temerè transigeret, quum uarijs coniecturis non infirmas modò, sed penè extinctas esse spes pacis significassent. In eodem quoque metu fuerat Henricus Britannicæ rex ab inexpiabili iniuria, qua reginam repudiij dolore ad mortem adegerat, Cæsari auersus. Summæ enim dignitatis legatos in Belgium miserat, qui in rem Cæsaris multa pollicerentur, ut tutum, si pax fieret, ad eius amicitiam receptum pararet. Commouerat & ea colloquij fama Solymannum usque adeo ut indignabundus inconstantis ingratiq; animi Gallum regem incusaret, iamq; timere inciperet, ne in se à coniuratis regibus Christiana arma uerterentur. Ob id Antonius Rinco legatus atrocis supplicij percussus metu, speculatorium nauigium occultè parauerat, quo se per noctem celeri fuga in Pontum eriperet. Germani quoque principes, qui Francisci studia secuti, cum Austria domo graues infestis armis simultates susceperant, non obscure admonebantur, ut priuatim rebus suis consulere: quas enim ulteriores spes ipsis relinqui, ut dignitatem & deniq; penates tuerentur, si Gallus commodo suo conciliatus Cæsari ipsos desereret, atq; irato merita poena plectendos obijceret? Iam enim Cæsar & Ferdinandus ostentato pietatis studio dederāt operam per idoneos homines, ut principum liberarumq; ciuitatum legati Haganoam in Tribocibus mitterentur, ut ibi collo-

quando

quando disceptandoq; de placitis & uero dogmate rerum diuinarum, maior demum & augustior conuētus apud Vangiones indiceretur, quo Lutheri de religione controuersiam finirent. Erat hic præclarus admodū prætextus, sed in recessu animi Caesaris graue consilium incubabat quo scilicet potentia suæ maiores opep astrueret. Iudicabat enim Germaniæ regulos multa & maxime liberali indulgētia, dissimulationeq; earum rerū quæ religionis causam moresq; respicerent, & multa deniq; lenitate alliciendos. Sic enim ab amicitia Gallorum auerti posse, sic dissolui occultas coniurationes & clientelas, nudariq; certo atque expedito præsidio Galliā rebatur. hæc in arcanis erant, palam uerò communis omnium concordia, & consensus in religione & digna Germanico nomine ingentia auxilia aduersus Turcas petebantur. Ceterum Caesar diu cum fratre collocutus, quòd diutius extrahere moras, suspensasq; hominum uoluntates incolumi pudore tenere non poterat, conceptum antea inconcussi animi decretum protulit, misitq; ad Franciscum regem cum mandatis Pelusium familiarem suum, qui Ioannē Lotharingium cardinalem, ipsumq; Anneum Memorantium conscribendis pacis conditionibus antea delectos euocaret. Summa mandatorū hæc erat, Cesarem nihil lubentius cōplecti quàm pacem, quanquam Reip. potius quàm sibi profuturam, proinde multo ampliora augustioraq; quàm Franciscus expeteret, communis concordia causa cōcessurum. In primis asciturum sibi in generum Carolum Francisci filium, eundemq; sororis suæ priuignum, atq; eum ex iure Augustæ maiesta-

tis, & dotali nomine Belgarū regem effecturum, quo
 nihil honorificentius atq; beatus exoptari posset: quā-
 do Franciscus in sua domo, alterum ē duobus liberis
 iam regem Gallie designatum, alterum nouo & ma-
 ximē decoro florentis & contigui regni diademate
 insignem esset habiturus, qui mutua fraternaq; ope,
 coniunctisq; sensibus opulentissima regna tuerentur.
 Neq; remotas spes maximarum rerum, quæ in abditiis
 fatorum essent, obiter spernendas uideri, quando eas
 sapientissimi uiri præalto alendas consilio, & bonis
 euentibus commendandas semper existimarint. Possē
 enim fortunam, quæ suapte libidine mortalium uotis
 illudendo, uarietate casuū magnopere gauderet, Phi-
 lippo pariter & Henrico inuidere prolem, & quod
 Dii penitus auerterent, immaturæ etiam ætatis uitam
 abrumperē. Tum enim Carolum aut certē ex eo com-
 munitis sanguinis stirpem, totius serē Europæ regna, le-
 gitimo hereditatis iure, & rara felicitate complexu-
 rum. Quod uerò ad Gallie Cisalpinæ imperium per-
 tineret, quum subitum Ferdinando fratri inceptū simul
 ac infaustū uideri inde decedere, sicuti antea, cum to-
 tius Italiæ precibus aliquid dandum arbitraretur, libe-
 rali animo decessisset: nihil enim aliud esse, quā Italiæ
 humeris detruncari caput, quo reliqua eius imperij
 membra regerētur. Periniquæ autē malignitatis esse,
 quòd regna pleriq; mortales fortune suæ penitus in-
 uiderent, quæ nequaquam quæsitæ armis, aut impo-
 tenti cupiditate, sed quodam humane sortis iure atq;
 ordine oblata collatæque ad manus felici hereditate
 peruenissent. Porro non esse ex usu iuris & æqui, ob-
 strui

frui sibi aditum, & portus ab Hispania in Liguriam
 uenturo, quum Genuenses commodo suo Mediolanen-
 sis imperij fortunam subsequantur, subindeq; etiam
 tolli tutum atque expeditum iter in Germaniam, quæ
 sibi pro maiestate nominis nequaquam alieni arbitrij
 beneficio repetenda uideretur. Ad ea Franciscus quæ
 quam uti spe opinioneq; deceptis plerunq; accidit, ue-
 hementer animo commoueri uideretur, pacato tamen
 sed renidenti uultu respondit, se gratias egere Cesari,
 quod multo ampliora speciosioraq; quam ipse speras-
 set tributurum incredibili benignitate polliceretur:
 ceterum se usq; adeo non esse inuerecundum, ut illi a-
 uita regna & deniq; natale solum eriperet. Proinde
 potiretur Belgicis regnis, quæ optimo iure sua es-
 sent, eaque posteris possidenda transmitteret: itaque
 æquum uideri, ut de compositione loqui desinerent,
 postquam ipse aliena non cuperet, & ea tantum quæ
 antiquo & multiplici iure sibi deberentur, uti fortu-
 næ casibus intercepta repetisset, empturus etiam ea
 graui pretio, & magno Cesaris emolumento, ut af-
 flictis utriusque imperij gentibus certa, & maxime
 diuturna pax cum publica laude redderetur. Erate-
 nim noua atque inexpectata conditio, quæ offereba-
 tur, multum aliena à rationibus Galli regis, oppor-
 tuna autem Cesari, qui publicæ pacis cupidus existi-
 mari uolebat, quum iam totius ferme Italie imperij
 compos factus, è certis ueluti opibus cuncta, quæ ani-
 mo conciperentur, sibi facilia fore prospiceret. Hæc
 autem à Cesare tanto silentio tegebantur, ut ne Far-
 nesio quidem legato comunicanda indicaret, quod her-

cle ingenio pioq; principe indignum non insulsis uideri poterat, quando ille in tanta conuentus opportunitate ab auo Pontifice gratulatum missus, uel in festis hyeme, & niuosis alpibus in Galliam peruolasset. sacras enim opes conciliandæ paci, cunctasq; item Pontificij imperij facultates obtulerat, si fœdus pacisq; percuterent, atq; obiter de componenda religione, & de indicendo sacro bello digna ipsis cōcilia flagrāter expeditrēt. Sed legatus auito ingenio iuuenis cuncta, uel ex colloquijs illustrium foeminarum planè didicerat, ita ut in Granuelium totius arcani Cesaris consciū, cuncta illiberali silentio supprimētē, enudando quæ ipse rescisset, ut pudorem intempestiue taciturnitatis exprimeret falsa comitate iocaretur. Caterū id quoque legati animū ualde pupugerat, quod se incōsulto ad Haganoam legatorum Germaniæ cōuentus esset in dictus. Quid enim uel ad dignitatem religionis, uel ad Germaniæ salutem, uel ad Christiani orbis præsidium, auspiciatō consuli perficiq; posse sine auctoritate sacrosancti Pontificis, qui earum rerum summus arbiter, & disceptator esse deberet? postquam eximia pietate, illustriq; studio insignem semper dedisset operam, ut dissidentes componeret, neq; unquam in tantis nauigationum ac itinerum incommodis grandæuus senex etati aut uitæ pepercisset. profectō malis artibus de pace agi, quando ruente Rep. ad confirmandas tantū, augēdasq; priuatas opes omnium studia uerterentur. Nec multo post, quod diutius manere nequaquam suæ dignitatis esse statuebat, in Urbem redijt, relicto apud Cæsarem Marcello Ceruino

Ceruino eximia grauitatis & fidei familiari, cui paulo ante Pontifex senatorij ordinis ornamenta transmisserat. His etiam rumoribus admonitus Badoerius Venetus legatus, qui Byzantij Solymano aderat, pacem conficere maturauit: quæ tametsi periniqua erat, concessis urbibus (quando nullus nisi admodum infelix & luctuosus suscepto bello exitus foret expectandus) apprimè tamē necessaria in eo grauiore rerum periculo uidebatur. Scio me aliquando liberius quàm deceret totius præsertim orbis gesta perscribentem in explicandis principum consilijs, quibus haud dubiè perituri sumus, ab instituta breuitate discessisse, sed certè boni mortales in hac publici doloris, & iam propinqui luctus causa longius profecto, facilem omnino ueniam dabunt, quum intelligent, quanta insania summi reges præclaram occasionem non propulsandi modò uerum ingenti uictoria delendi eius hostis amiserint, qui accersitus ultrò in ceruices nostras cruentum gladium securus exercet, exercebitq; tandiu insolenter atq; feliciter, quandiu uigebunt reges, qui nulla pietate & summa uecordia perdendo orbi nefarijs inter se armis depugnent: scilicet ut postquàm mutuas uires attriuerint, occidentis quoque imperium cuncta iam extuto fidenter inuadenti Barbaro fœdè relinquant. E nudato Caesaris consilio, ac ob id desperata concordia, quum induciæ ubiq; uigerent, exortum est in Pannonia bellum repentina morte Ioannis regis, qui tum in Transyluania prouinciæ præfectos minus dicto audientes armis persequabatur. Sed quoniam ab hoc initio perpetuas nobis clades lubet ominari, quū dissen-

sionis nostræ nullum finem uideamus, ut cuncta suo ordine clariora legentibus fiant, paulò altius cepti belli causas repetemus. Consecrerant inter se pacē Ferdinandus atq; Ioannes pari desiderio quietis ex ois, ambobus certè utilē, sed ex eo rerū statu necessariam potius quàm honestam, maximè autem exoptatā Hungaris, quibus uel diductis in partes cauebatur, ut fortunæ incolumes manerent, uel his, qui antea exules Ferdinandū secuti, solum uertissent, urbes quoq; oppida, uicos, arces, quæ tum in potestate essent, suo quisque præsidio tueretur: Ioannem uerò Ferdinandus regem appellaret, quū eum antea sermone, ac literis Vainodam à uetere Transyluania præfectura uocare esset solitus. In tabulis autem conscripti obsignatiq; fœderis disertè fuerat appositum, subscribentibus nonnullis Hungarorum primoipibus, ut si Ioannes uita excederet, Ferdinādus totius Pannoniæ imperio potiretur. Eatum cōditio in arcanis habita suppressaq; est metu Solymani, cuius id regnū esset, tanquam belli iure captū, et beneficiario tantum nomine Ioanni liberaliter attributum. Neq; enim erat putandum, si id resciret, ut ille natura fortunāq; sua plurimum superbus insolensq; omnīs contumeliæ, id regnum tantis sumptibus atq; periculis partū defensumq; ingrati hominis testamento, ad inimicæ gentis hæredes transmitti pateretur. Quā de concordia enim Ioannes ageret, consuleretq; supercare Solymantum, is non probarat modò, sed humaniter etiam amiceq; suaserat, ut ærumnoso ac ancipiti bello certam ac honestam pacem præferret, utpote qui contra Parthos in Asiam traecturus, ullam omnino noui

H
nouī belli m
tante rei arc
enim Hieron
legatione, C
omnia Solym
criminosissim
se conficissen
odiu Ioanni
eximia uirtu
doloriq; aed
memorauim
mundi regi
Exinde Sol
summæ con
tum appel
dignā, inq
coronam
fini nullo
terrentur,
dissoluant.
timens, per
eti calumn
diluere: se
modò sed
ret, à Ferd
eipes graui
be Iulie B
tiscem ac
sum eius in
nos, regn

noui belli materiam in Europa relinqui nollet, sed in
 tanta rei arcano, sincera silentij defuit fides. Ferunt
 enim Hieronymum Laschum pro Ferdinādo suscepta
 legatione, Constantinopolim contendisse, detexisseq;
 omnia Solymano, publicatis inter Bassas purpuratos
 criminosis legibus, quibus pacem duo reges inter
 se conscississent, ut inde longè maximum ac inexpiabile
 odiū Ioanni conflaretur. Tantū uir ille multis alioqui
 eximie uirtutis ornamentis ualde conspicuus, iniuriæ
 doloriq; dederat, quum à cæde Gritti, sicuti suo loco
 memorauimus, custodiæ traditus, uixq; dimissus Sigis-
 mundi regis precibus, à Ioannis amicitia discessisset.
 Exinde Solymanus Ioanni uehementer iratus, ut eum
 summæ contumeliæ nomine cumulatè oneraret, ingra-
 tum appellauit, cōuersusq; ad Luphtibeium, quā in-
 dignā, inquit, infidis capitibus Christiani hi duo reges
 coronam gestant? postquā impostores longè turpis-
 simi nullo hominum pudore nulloq; Deorū metu de-
 terrentur, quin ex commodo mutue fidei sacramentū
 dissoluant. Ceterū Ioannes re cognita sibi uehementer
 timens, per idoneos homines operam dedit, ut eius fa-
 cti calumniam multo auro multisq; donis opportune
 dilueret: sed tantam postea contumeliam, quæ non suā
 modò sed Reipublicæ salutem in discrimen deuoca-
 ret, à Ferdinando sibi indigne impositam apud prin-
 cipes grauitè est conquestus, misso ad id Statilio Al-
 bæ Iulie Episcopo, qui ad Venetos Paulumq; Pon-
 tificem ac demum ad Franciscum in Galliam probro-
 sum eius iniuriæ nomen detulit. Nec multò post Ioan-
 nos, regno in spem antiquæ felicitatis singulari di-

cultè concitaret. Idem etiam Balassus ipse facturus putabatur, quem Ferdinandus per Melchiorum illius fratrem ad transcundum antea sollicitarat. Sic enim nutabant apud utrumq; regem iura pacis & fœderis, ut uerbis amicitiam colere, animis autē liuore atq; odio turgidis bellum parturire uideretur. Nam Liscanum Hispanorum peditum præfectum, summa licentia ueteranorum more in Italia prædari solitum, agrestes Hūgaricum maxima cohortis parte ad Cassoniam trucidarant: quum eis uindemiarum & mensis collectos fructus impotenter eriperet, multisq; demum maleficijs utring; æditis transcensiq; limitibus fœdera uiolarat. Accidit autem peropportune turbandis rebus, ut Ioannes Transyluanis pecuniam imperaret, qua Solymani tributa biennio intermissa penderetur. Id erat nouum peracerbumq; ualidæ ac indomitæ gēti, quæ uel ob iniuriam ferre non poterat, quod aurū enatum patri in solo ad immanes Turcas proprios ipsorū hostes indignè deferretur. Itaq; consternati ad arma, non obscure imperia detrectabāt, Maylato scilicet Balassoq; reproclinatam adiuuantibus. Dicebant enim ea pecuniæ summa decem annis sustineri posse inimica Turcarum arma, nisi patriæ uirtutis honos, concessis ultro & triditis omnium fortunis, adeo fœdè & turpiter prodetur. Igitur Ioannes ubi uidet eorum contumaciam rebellionem proximam ad arma spectare, serpentis manibus occurrendum esse statuit, præmissisq; Valentin Thuracco, Petroq; Pereno, & Petro Vicchio summae dignitatis ducibus, ipse quanquam ex recenti morbo tenui adhuc ac infirma uoletudine, in Trās-

uaniam

uaniam rheda peruolat. Commendarat autem reginā
 Ioanni Staro aula magistro, res urbanas Aconi præ-
 fecto urbis, arcis custodiam & regiam suppellectilem
 Benedicto Baioni, summa uerò belli & pacis consilia
 Gregorio Peschenio seni fortissimo, qui antea Budam
 cum Gritto contra Germanos insigni cum laude de-
 fenderat. Itaq; diuisis inter se copijs, regij duces diuer-
 sas uno tempore regionis partes inuasere, circumla-
 toq; terrore belli, atque ostentata clementia regis, qui
 cum adesse nunciaretur, ita rem gessere, ut plures, qui
 præfectorum impulsu defecerant, ad officiū redirent,
 nonnulli contumacie poenas darent, & pauci denique
 præfectos iam planè coniectos in fugam sequerentur.
 Maylatus enim uiribus impar, & ex conscientia salutē
 plurimum timens, nusquam in pugna casum se obtu-
 lerat, incertis itineribus euagabatur, modò percurrere-
 bat cāpos, è syluis improviso erumpens, modò se notis
 uallibus atq; nemoribus occultabat, ut persequentibus
 nequaquam abiecti, sed constantis intentiq; animi ue-
 stigia relinqueret: ad extremum errando fessus, quum
 undiq; urgeret hostis, & Balassius longius abscessisset,
 in oppidum Fogaras se contulit: in id opere naturaq;
 munitum, thesauros Gritteæ prædæ condiderat. Itaq;
 percupidè regijs admotis castris, prolatisq; tormentis
 obsidere atq; oppugnare coeperunt. Constiterat Ioānes
 ad Sibinium per amplū Misie oppidum, quod itinere
 unius diei distat à Fogaris. Ibi in consiliū aduocatis
 provinciae honestissimis, qui uel in magistratu essēt, uel
 dignitate ingenioq; præstarent, quū de Maylati per-
 fidia graueret esset conquestus, docuit quantæ neces-

cultē concitaret. Idem etiam Balassus ipse facturus putabatur, quem Ferdinandus per Melchiorē illius fratrem ad transeundum antea sollicitarat. Sic enim nutabant apud utrumq; regem iura pacis & fœderis, ut uerbis amicitiam colere, animis autē liuore atq; odio turgidis bellum parturire uideretur. Nam Liscarum Hispanorum peditum præfectum, summa licentia ueteranorum more in Italia prædari solitum, agrestes Hægaricum maxima cohortis parte ad Cassoniam trucidarant: quum eis uindemiarum & messis collectos fractus impotenter eriperet, multisq; demum maleficijs utring; æditis transensisq; limitibus fœdera uiolarat. Accidit autem peropportune turbandis rebus, ut Ioannes Transylvanis pecuniam imperaret, qua Solymann tributū biennio intermissa penderetur. Id erat nouum peracerbumq; ualidæ ac indomitæ gēti, quæ uel ob iniuriam ferre non poterat, quod aurū enatum patri in solo ad immanes Turcas proprios ipsorū hostes indignè deferretur. Itaq; consternati ad arma, non obscure imperia detrectabāt, Maylato scilicet Balassog, proclinatam adiuuantibus. Dicebant enim ea pecunia summa decem annis sustineri posse inimica Turcarum arma, nisi patriæ uirtutis honos, concessis ultro & traditis omnium fortunis, adeo fœdē & turpiter prodertur. Igitur Ioannes ubi uidet eorum contumaciam rebellionī proximam ad arma spectare, serpentis malitijs occurrendum esse statuit, præmissisq; Valentino Thuracco, Petroq; Pereno, & Petro Vicchio summæ dignitatis ducibus, ipse quanquam ex recenti morbo tenui adhuc ac infirma ualitudine, in Trāsyl-

uaniam

uaniam rheda peruolat. Commendarat autem reginā
Ioanni Staro aule magistro, res urbanas Aconi præ-
fecto urbis, arcis custodiam & regiam supellectilem
Benedicto Baioni, summa uerò belli & pacis consilia
Gregorio Peschenio seni fortissimo, qui antea Budam
cum Gritto contra Germanos insigni cum laude de-
fenderat. Itaq; diuisis inter se copijs, regij duces diuer-
sas uno tempore regionis partes inuasere, circumla-
toq; terrore belli, atque ostentata clementia regis, qui
cum adesse nunciaretur, ita rem gessere, ut plures, qui
præfectorum impulsu defecerant, ad officiū redirent,
nonnulli contumacie poenas darent, & pauci denique
præfectos iam planè coniectos in fugam sequerentur.
Maylatus enim uiribus impar, & ex conscientia salutē
plurimum timens, nusquam in pugna casum se obtu-
lerat, incertis itineribus euagabatur, modò percurrere
bat cāpos, è syluis improviso erumpens, modò se notis
uallibus atq; nemoribus occultabat, ut persequentibus
nequaquam abiecti, sed constantis intentiq; animi ue-
stigia relinqueret: ad extremum errando fessus, quum
undiq; urgeret hostis, & Balassius longius abscessisset,
in oppidum Fogaras se contulit: in id opere naturaq;
munitum, thesauros Gritteæ prædæ condiderat. Itaq;
percupidè regijs admotis castris, prolatisq; tormentis
obsidere atq; oppugnare coeperunt. Consliterat Ioānes
ad Sibinium per amplū Misie oppidum, quod itinere
unius diei distat à Fogaris. Ibi in consiliū aduocatis
provincia honestissimis, qui uel in magistratu esset, uel
dignitate ingenioq; præstarent, quū de Maylati per-
fidia grauer effect conquestus, docuit quantæ neces-

sitatis esset Turcarum amicitiam tueri, à qua nisi magno cum incommodo & certa clade discedere non possent, propterea quum Barbaris tributum esset exoluedum, ad tranquillitatem opulentiamq; provincie pertinere, ut presenti non admodum graui damno, spem certam futurae utilitatis anteponerent: quando ea pax legitimo tributi nomine parata, ad amplificandas priuatorum opes, uberrimos demum rerum omnium proventus manifestè promitteret: se itaq; uenisse ut inspectis prouincialium fortunis, imperatae pecuniae onera leuaret, moderaretur exactionum rationes uectigaliaq; minueret, ac inopibus parcendo plurimū indulgeret. Hæc salubri æquitatis ac imperij temperamento administrantem, quum Transyluanorum animos ad obsequiū flexisset, acrior inuasit morbus, quem inter suscepti belli curas, à solatio grauis æstus, & longi itineris citata uectatio, non planè sanis & diu quasi uisceribus attulerant. Obsidebatur interim Maylatus, quum decumbenti, & affectis tremore membris remedia paranti, allatum est reginam felici partu miræ indolis puerum edidisse. Tum uerò Hungari incredibili lætitia exultantes, regiam complent, ad regem gratulatum irrumpunt, tormenta de more dispoduntur, adueniunt è castris duces, gaudium in exercitu dispensatur, paraturq; conuiuium, in quod uel inuitus rex ipse procerum cohortantium manibus infertur, id ei omnium lætissimum atque supremum fuit. Nam quum festæ hilaritati & perpotantibus amicis deesse nollet, incautius ac liberalius genio indulsit: exinde reuocata est febris, quæ iam planè defecerat, cuius uim diu

diu sustinere non potuit. Quum uerò finem uitæ adesse
 conspiceret, filiū testamento reliquit heredem, Geor-
 giūq; Varadinēsem antisitem propter eximiam fi-
 dem, & Petrum Vicchiūm sanguine sibi coniunctum,
 tutores instituit, obtestatusq; est singulos proceres per
 antiquum Hungarici nominis decus, ut sui sanguinis
 potius quā externæ atq; inimicæ gentis regem in Pan-
 nonia regnare paterentur. Futurum enim esse, ut So-
 lymanus regni tutelam susciperet, si ad eum legati cū
 muneribus properè mitterentur, qui puerum ex eius
 autoritate regnaturū paterna conditione reciperet.
 Fuit Ioannes pacato clementiq; ingenio, & ad benefi-
 centiam æquitatemq; maxime propenso. Aderat enim
 illa innata Hungaris ferocia militaris, quum literarū
 studio & multis utriusq; fortunæ casibus eruditus, ne-
 quaquam uirium impetu, sed accurata consilij ratione
 regeretur: nemo enim eo cautior, & uigilantior in ne-
 gotio, nemo, quū animum remitteret, in otio urbanior
 atq; incundior fuit. Is uirorum fortium clientelas per-
 petua hospitalitate & beneficentia partas, & certos
 principū thesauros esse dicere erat solitus, quod grati
 & memores una sæpe forti fideliqu; opera omnes sum-
 ptus cumulatè persoluerent, ingrati uerò cum ignomi-
 niæ alienæ uirtutis testimonium ferre uiderentur. Sup-
 pressa est tūc mors eius, dū cum Maylato de cōpo-
 sitione transigeretur: significarant enim regē in tanta
 suscepti filij lætitiæ pristinæ gratiæ locum, & deniq;
 ipsum præfecturæ munus ei liberali clementia relinqui-
 rum, si in suum filijq; legitimi futuri regis nomen iura-
 ret. Non detrectauit conditionem Maylatus pluribus

malis circumuentus: atq; ita cadauer à Sibino, comitante magna parte exercitus, delatum est Albam regalem, ubi sepulchra regum uisuntur, solenniq; die, ac insigni ceremonia noui reges coronantur: sed priusquam à Sibinio mouerent castra, consilio habito, eandem, quæ ornata instructaq; uiuente rege fuerat, legationem ad Solymanum decreuerunt, iereq; confestim summæ dignitatis legati Ioannes Exechius Quinque Ecclesiensis antistes, et Stephanus ipse Verbetius iam natu grandis et scripij regij magister, quæ Romæ sub Leone legatum uidimus. Tulere munera pateras ex auro eximij operis decem, cælato autem argento inauratis centum: item sericas purpureas et amethystinas, aureasq; textili opere figuratas, more Barbarorū, intalares uestes quadraginta, auriq; simul Hūgarica nota signati quinquaginta pondo, quæ biennalis tributi nomine penderetur. Ita à Sibinio rectis itineribus, relicta ad leuam Valachia, superatoq; in Triballis Danubio, per Traciam Byzantium peruenere. Interea apud Albam regalem insigni pompa apparatusq; regis finis est celebratum, impositaq; infantis capiti solennibus cerimonijs antiqua illa ex auro corona, quæ Stephani Hungarorum primi regis fuisse dicitur, asseruabaturq; religiosa admodum custodia in arce Vicegradensi. Neq; enim Hungari satis rite factū legitimūq; regem arbitrantur, qui eam publicè delatam capite non gestarit. Propterea et regi infanti leto auspicio, dum sacro fonte ablueretur, Stephani nomen indiderant, renouata memoria antiquissimi regis, qui id regnum felici uirtute condidisset. Ceterum ius imperij

Isabella

Isabellæ reginæ communi procerum studio delatum, ea lege, ut in publicis literis filij matrisq; nomen præscriberetur, eodemq; titulo regia moneta cuderetur. sed in Georgio summa imperij potestas eminebat: præerat enim arario, tesserasq; arcium tenebat. Porro arma, milites, uexilla penes Valentinum uisabantur. Medius inter hos Petrus Vichius, quod regē sanguine contingeret, tutorq; esset adscriptus, neutri suspecta et proinde stabili nominis autoritate florebat. Sed quoniam Georgij nomen hoc funesto bello, quod scripturi sumus, perillustre fuit, operæ pretium putavi aliqua de ingenio eius enarrare, ut quibus artibus gestū sit bellum, nobileq; id regnū Hungarorum insania ad Turcas deuenerit, posteris prodatur. Natus erat Georgius in Croatia, citerioris Pannoniæ Illyriciq; finibus propinqua, educatusque ab ineunte ætate in domo Ioannis, apud quem uirtuti ac industriæ certissimus erat receptus, quum antea sacris temerè initiatus, uitaq; duritiem serò pertæsus, à suscepta professione discessisset. Itaque miro obsequentiq; ingenio Ioannem regno pulsum exulantemque secutus, tantam in dubijs asperisq; rebus fidei, pietatis, ac expediti consilij laudem promeruit, ut Cibaccho Griti scelere ad Braxouium interfecto, Varadinensem episcopatum sit adeptus. Exinde ualidis opibus confirmata autoritate, aulam regnūque regis commodo semper fidus circumcegit, atq; feliciter rexit, sed tanta erat naturæ diuersitate, ut quum in omni actione expediti præstantisq; uiri personam indueret, compositus ex cōtrarijs moribus et ad omnia natus esse uideretur: in peragen-

dis enim sacris feriarumq; ieiunijs Christianæ discipli-
na tristitiam demisso vultu sermoneq; ita implebat aut
effungebat, ut is idem esse credi non posset, qui in gra-
uibus demum belli pacisq; negotijs, tantam vim erecti
ardentisq; ingenij gnauiter afferret. Optimorum si-
quidem equitum turmas alere, thoracatus in acie pro-
dire, frequentib; conuiuijs atq; muneribus milites con-
ciliare, magnorumq; ducum more poena & præmio
dignitatis nomen tueri erat solitus. Nemo præterea co-
diligentius regni opes inspexit, nemo uestigalia, auri-
fodinas, pastiones, salinasq; utilius locauit: nemo subti-
lius cogendæ pecuniæ rationes adinuenit, qua una re
certissimus apud reges gratiæ locus paratur: usq; adeo,
ut Ioannes præcipua se eius uiri industria regnare fa-
teretur, & ipse Ferdinandus hostis sepe diceret, nihil
se prorsus inuidere Ioanni, quàm unum cucullatū, qui
galeatis decem millibus tuendo regno potior habere-
tur. Igitur Georgius suscepta pueri tutela, in omni ci-
uiliū militariūq; rerum officio multus esse, proui-
dere ingenti cura, ut in unum Hungari consentirent,
ne ullus alicubi nouarū rerum tumultus oriretur, quo
infirmi adhuc regni initia turbarentur. At Ferdinādus
nunciata morte Ioannis, repetendæ Pānoniæ cupidus,
nihil dubitat, quin arma paret, ac eam omnino occa-
sionē, quæ à Dijs immortalibus oblata uideretur, festi-
nanter arripiat. Aderant enim pleriq; reguli ducesq;
Hungari eius secuti partes, & ante alios Alexius Tur-
so, Ferentius Gnarus, & Petrus Bachithius Pauli for-
tissimi ducis frater, cuius morte Turcarum uictoriam
ad Exechium nobilitatam fuisse docuimus, itemq; Bal-
thasar

thasar Pamphilus, Franciscus Capolnaus, & Ioannes
 Castelamphus, qui a Varania principe Camertium do-
 mo stirpe ducebat, & ipse deniq; Sereus Gasspar, uir-
 tute bellica illustris, sed latrocinij & multiplicis ra-
 pine infamia notatus. li omnino unum illud esse tēpus
 docebant, quo in patriā cum dignitate reduci possent,
 & eo quidem autumnō confici posse bellum, si matura
 rent, quando Turcarum aduentum propinqua hyemis
 excluderet, nec planē in unum consentirent Hungari
 procures, qui reginæ studia sequerētur. Non enim ad-
 duci posse uiros nobiles, ut Georgio cucullato deserto
 ri sacri ordinis deseruirent, postquā ille uarijs simis
 lationum artificijs, deprauato reginæ ingenio, præoc-
 cupatisq; thesauris, solus regia potestate potiretur.
 Iphis porro, qui rectē sentiendo exules fasti uiderētur,
 patēre locum non honestæ modō, uerum etiam peram-
 plæ dignitatis & gratiæ apud reginā, hortatore præ-
 sertim sponseq; Georgio, si ad infantis pueri aulam,
 & deniq; ad propinquos, paternosq; lares redire uel-
 lent, sed dedisse fidem uel externo regi, qui uirtute fi-
 deq; præstaret, altero scilicet repudiato, qui uel gratif-
 simum Hungarici sanguinis nomen prætulisset. Proin-
 de Ferdinandum imperitē ingratēq; facturum, si ea,
 quæ adesset, prætermissa occasione suscipiendi belli
 consilia traherētur. Quid enim scēdius accidere posse
 magno regi, atq; eidem Cesari designato, quā si ui-
 ros strenuos fidelesq; ipsius auspiciā nomenq; secutos
 turpi cunctatione desereret? qui mirificas equitū alas
 ductantes, insignem ante alios in ipsis præliorum pe-
 riculis operam pollicerentur. Nec minore studio Ger-

mani duces bellum suadebant, utpote, qui militia dediti, aut primos honores, aut alarum & cohortium praefecturas in exercitu se adepturos sperarent, unde stipendia primū ac inde laus, praedaq; praesertim, praecipua laborum ac uulnerum praemia peterentur. At Laschus uir Sarmata, belli pacisq; artibus abunde instructus, consilio potius quam armis repetendum Pannoniae regnum summa oris libertate praedicabat. Nouerat enim ille regum omnium ingenia, moresq; gentium, quū totū penē terrarum orbem, regiasq; omnes uarijs legationū muneribus functus percurrisset. Summa sententiae eius haec erat, ut regnum à Solymano peteretur, eo beneficiarij iuris nomine, quo id dono datum Ioannes acceperat. Possē enim supplicando adulandoq; faciliē impetrari ab homine generoso, & ab insita Barbarorum animis uanitate, ineptē saepe gloria affectanti, quod ui atq; armis minimē posset extorqueri. Abundē se nouisse Solymani spiritus, & praeterea purpuratorum ingenia, illum contemnere opes, & tot regna fastidire, hos uerō inexplēbili auaritia et arrogātia ingenti, nihil magis optare ac suadere, quam bellum. Proinde cauendum esse, ne eo repentini belli strepitu, parata atq; intentata Turcarum arma excitarentur, quibus resisti non posset, nisi coactis totius occidentis uiribus bellum inferretur. Id autem uno omnium consensu expediri posse, sed ne id uideant, fatali caligine suffundi regum oculos, atque ita Christianorum concordiam longē lateq; deploratam, à Dijs superis in meliora tempora reseruari, postquam reges nuper à mutuis complexibus infecta pace discessissent.

An non,

An non
stimari in
loris offen
placabile
gnis inimic
uel ingrat
fecto non
plerūq; a
fuso auro
difficultat
manie co
luntates,
dat, qui E
meritis de
menter i
iam in h
consuetud
itaq; cons
omnino,
auxilia a
est cur qu
uel retar
planē de
dubie pu
eupiditat
Contracto
ausibus n
bellum e
bora hon
cem nos

An non, inquit, Gallus elusus spe sua, ac uti cupit extimari mirè traductus ad hanc nouam peracerbi doloris offensionem, recrudescente antiquo uulnere, implacabile odiū resumet? Faceſſat omnis ſimulatio magnis inimica conſilijs, atq; omnem prorsus adulationē, uel ingrata regijs auribus ueritas anteuertat. Ille profectò non degeneris animi, uti cæco dolore conuulſis plerūq; accidit, iratè atq; inimicè dabit operam profuſo auro, quo multum abundare dicitur, ut grauiores difficultates Caſaris conſilijs innectat, deſignatos Germaniæ conuentus perturbet, principum diſtrahat uoluntates, ſibiq; eos in primis largitione obnoxios reddat, qui Romani imperij decus æqua ſorte uirtuti ac meritis dari diſpenſariq; ſolitum, Auſtriæ domui uehementer inuideant, uti quaſitum hæreditate, quando iam in hac tot Caſarum perpetua ſerie, uti ab longa conſuetudine, legitimi iuris nomen induerit. Occultè itaq; conſpirabunt naturaq; ceſſatores eximij, nullam omnino, aut certè ſeram opem ſerent, quum Turcarū auxilia ad tuendum puerum regem aduolabunt. Neq; eſt cur quiſquā ſinitimos præfectos ſperet huic cauſæ uel retardante hyeme deſuturos. Honeſtam enim & planè decoram ſerendæ opis ſpeciè præferentes, hauddubie pupilli & uiduæ iniurias defendent, ut occulta cupiditati ad occupandum regnum aditus paretur. Cōtracto nanq; ſemel certamine, uel ſi fortuna primis auſibus noſtris arrideat, æternum profectò tibi erit bellum cum eo hoſte, qui inexhaustas opes, inuicta robora hominum, indomitos ſpiritus, & deuotos in necem noſtram militum animos, ſit allaturus. Ita fiet, uti

auguror, & utinam sim falsus uates, ut si Pannonia
petatur armis, tibi demum de Austria, auitoq; imperio
sit dimicandum. Ad ea rex respondit uera esse quæ di-
ceret Laschus, sed in arcano consilio si proferretur,
aliquid residere, quo adduci posset, ut existimaret o-
mnino mouēda arma. Illud uerò magnopere probare,
ut Solymani animus illustri legatione tentaretur. Ne-
minem uerò potiore ipso Lascho, qui Barbaro gra-
tus, familiarisq; purpuratis omnibus, eandem ferè su-
periore anno legationem suscepisset. Non recusauit id
munus Laschus, & paratis rebus omnibus quæ in ne-
gotio opus erant, à Vienna Byzantium est profectus.
Sed Ferdināus nihil à priore sententia discedit, bellū
parat, presentis fratris opibus subnixus, nec obscure
diffidens Hungarorum ingenijs, quibus ea transfugij
causa satis honesta semper fuit, quæ presentis commo-
di speciem prætulerit. In primis Nicolau Salma, quem
Casar uirtutis opinione in illustriū equitum ordinem
cooptatum, aurei uelleris torque donauerat, ad regi-
nā mittit, qui tabulas nouissimi fœderis proferat: hor-
tetur eā, ut regno concedat, quod recenti pactione alie-
ni iuris esset factum. Porro etiam atq; etiam moneat,
ne suas & pupilli pueri spes morando & tergiversan-
do corrumpat. Concessurum enim puero Ferdinandū
Sepusianam provinciam, uti antea disertè ex tabulis
ambo reges conuenissent, & ipsi quoq; regina per am-
plos redditus, & quicquid in dotale nomen obueniret.
Quod si ea legitimi fœderis obliuisci uellet, ei tum op-
portune denunciaret, neq; Carolo Casari, neq; Ferdi-
nando regi defutura arma, quibus regnum repeterent
tandem

tanquam antiquo iure, & nouo multorum Hungaro-
 rum consensu Austriae domui contributum. Exceptus
 Buda Salma ægrè impetrauit, ut ad reginam admitte-
 retur. Georgius enim & Vicchius muliebri ingenio dis-
 fidentes, denegatum colloqui officium nimio reginæ
 dolore & lachrymis excusabant, quū se de peculiari
 munere mandata audire referreque paratos esse dicerēt
 postquam uiduæ reginæ regisque pueri tutelam deman-
 dante, obstanteque Ioanne rege suscepissent. Sed eam
 regina de se imbecilli iudicii opinionem, quam tuto-
 res conciperent, ad contumeliam reuocabat, quum
 Sarmatico & Sfortiano sanguine progenita, non uiri-
 les modò, sed planè regios gereret spiritus, diceretque
 sibi in necem manus se allaturam, nisi legato aditus in
 cubiculum daretur. Id erat atratū obscurumque, utpote
 quod de more cælestem lucē excluderet: ipsa ignobili
 in strato residebat, neglecto ornatu, & pallida facie,
 sed oculis nihil tum in lachrymas proclinatoris, uoce ta-
 men & ceruicis gestu ita composita, ut diuturno de-
 fessæ luctu exaruisse potius lachrymas, quàm disces-
 sisse ex animo mœrorem ostenderet. Fœminæ siqui-
 dem mentem regnandi cupido iam inuaserat, atque ita
 possidebat, ut omnia imminētis belli pericula con-
 temperet, ac ipsos denique Barbaros, ut regium nomen
 tueretur, omnino euocandos existimaret. Itaque Salma
 cum multo uerborum honore mandata explicanti, de-
 misse respondit, eam esse Fortunam sexus ac ætatis suæ
 ut orbata rege coniuge, & diuturnis corporis ac ani-
 mi doloribus perturbata, neque suscipere, neque termi-
 nare consilium queat, quum in re longè grauissimæ

Sigismundum patrem omnino consulendū existimet: eius autem regis tantam esse uirtutem atq; iustitiam, ut Ferdinandus nullo alio disceptatore atque arbitro in ea controuersia uti uelit. Proinde se petere spatium ac idoneum tempus, quo pater consuli posset. Se enim ab eius sententia minime discessuram, ac idem facturos proceres Hungaros arbitrari: quod si id morae spatium denegetur, atq; armis agendum putent, egregiā certē laudem non ferent, inquit, Cæsar & Ferdinandus, si uiduam fletu consumptam, & uagientem in cunis puerum regem oppugnatum aduenerint. Salma eo modo dimissus, quum ad Ferdinandum rediisset, reginam in potestate Georgij esse, nec eam agere aut efari quicquam, nisi prius ex ore illius ac nutibus acceptum retulit. Illum enim regnare cupere, reliquos uerò Hungaros partiri inter se honores & præfecturas, postremò homines quæstus & potentiæ auidos, infantis regis nutritios & regni procuratores esse malle, quàm asseclas & spectatores magni atque externi regis, qui præferocem gentem lingua moribusq; dissimilem, & Hungarico nomini prorsus inimicam, in Pannoniam condendis passim colonijs esset adducturus. Hæc se audisse explorasseq; propterea sibi uideri spem omnem positam in armis, sed celeritate utendum, ut imparati & à Byzantio legationis euentum expectantes, penè priusquam arma caperent, aut consilium expedirent, Buda pellerentur. Neq; enim temerè reginam, totam spem pacis ad arbitrium Sigismundi patris reiecisse, qui tum in ultimam Lithuaniam ad Moscouitarum usq; fines abscessisset. Ita enim inter-

gram

grum circumagi posse annum, priusquam responsa
 uel per celeres tabellarios referrentur. Interea parari
 praesidia exciriq; posse Turcas, ac inde consilari bellū
 multo maius & grauius, quā putarent. Proinde si
 in Pannonia regnandum arbitraretur, abiecta omni
 alia cogitatione, parare classem & copias cogere ma-
 turaret. Nec mora Ferdinandus, suppeditante pecu-
 niam Casare, conscriptis cohortibus, ac euocatis equi-
 tibus, congestoq; in naues satis amplo commeatu, iu-
 stum exercitum secundo amne Danubio Strigonium
 demittit. Ea urbs Pauli antistitis, constanti studio erga
 Ferdinandum, Ioannis imperia, & bellicos conatus
 semper eluserat. Præerat Austrianis copijs cum im-
 perio Leonardus Velsus è Rætia superiore Tridenti-
 nis Alpibus propinqua. Is ad Germanicum animi
 robur, perspicacis ingenij uim addiderat, multisq; de
 causis aperiendum iter ad Budam arbitrabatur. Oc-
 currebat enim à Strigonio euntibus Budam, medio fer-
 mē itinere Vicegradum: id in supercilio editi montis
 arcem habet, cum sua altitudine, tum pulchritudine
 operis longē lateq; conspicuam: despectat enim præ-
 terlabentem Danubium, ripamq; fluminis perpetua
 munitione sibi coniungit. Nam ab arce per decliuem
 præruptamq; crepidinem deductus est murus, isq; ubi
 in extremam ripæ marginem desinit, egregij operis
 turrem habet, quæ tormentis instructa, nauigantibus
 opponitur, claudit quoq; & ipsum terrestre iter, quā
 portæ imminet, per quam inuito custode nemini adi-
 tus patet. Intra portam autem, angusta sed oblonga
 planities aduerso flumine se extendit, ubi uilla regia

uifitur, ad uoluptarios feceffus inchoata antiquitus à Sigifmundo Cafare, abfolutaq; demum ingenio Matthiæ regis, qui uirtute & gloria Hungarorum regum ultimus fuit. Ab his ædificijs hortisq; Velfius tormēta promouit, oppugnauitq; perpetuis diebus nouem, refiftente acriter præfidio, cui præerat Valentinus cognomento Litteratus, inter Georgij clientes fide & constantia inſignis: ſed ea uis erat ingentium tormentorum, ut perrupto muro propugnaculi interiora nudarentur, multosq; propugnatores teſtudinis teſtūq; ruina obrutos, nihil ceſſantibus tormētis, opprimeret. Tum uerò Litterati pertinacia periculo uicta, atque obiter accenſi ſuorū cæde Germani milites, inter deditiōis ſignificationes irruerunt, primis interfectis, reliquis captis Litteratus ipſe ſeruatus eſt, ut ueteres captiui Budæ cuſtodiri, permutatione facta reciperentur: in ea expugnatione, Velfius ad ducentos milites impigros deſiderauit. Tum demum à Vicegrado profectus claſſe, cui Budenſis numero & magnitudme nauium inferior nihil obſtiterat, annem tranſgreditur, Peſtumq; occupat ab hoſtibus deſertum, & ad Vaccia eadem celeritate contendit eamq; ſine uulnere redigit in poteſtatem. nec mora ad citeriorem ripam cōuerſa claſſe reuertitur, promotisq; inde caſtris ad Budā eſt profectus, ut per colloquia Budenſium animos tentaret, exploraretq; reginæ conſilia, & ex propinquo oſtentatis copijs atq; tormentis, ciuitati terrorem incuteret. Iam enim Perenus ipſe inter Hūgaros nobilitate atq; opibus facile princeps, quanquā filium Solymano fidei obſidem dediſſet, ad Ferdinādum tranſierat onerat uis

ratus scilicet ingentibus promissis: nam ab ipsa statim
 uictoria, regij scriuij, sigilliq; magister in locum Ver-
 betij futurus erat, dabanturq; ei dono aliquot opulenta
 oppida, quæ ambiguo iure in potestate Thursonis e-
 rant. Desecerant etiam à regina Stephanus Rascaius,
 & Franciscus Francapanes Agriensis antistes summo
 loco natus, pietatisq; studio & seueræ uitæ disciplina
 mirabilis, quem conciliandis regibus ad Casarem cum
 Brodarico suscepta legatione Neapolim peruenisse
 docuimus. Is magnam professione religionis autori-
 tatem secū afferebat, quasi integro iudicio Ferdinandi
 causam probasset: sed ei postea Georgius intempestiui
 ambitus leuitatē, criminosis epistolis obiecit, quòd
 purpurei galeri honorem commendatione Caesaris af-
 fectasse uideretur. Caterum Velsius obsessurus potius
 quàm oppugnaturus urbem, ad Aquas Calidas castra
 locauerat: eæ uergunt in occasum, distantq; à mœnib.
 stadijs ferme duodecim: mirabilis autem earum natura
 fertur, quum scaturientis aquæ tantus sit feruor, ut pe-
 de uix tētari possit, & in eam à lanijs proiecti sues fa-
 cile depilentur, nec ranæ tamen intereant, quæ fre-
 quentes innatare conspiciuntur. Agebant undiq; præ-
 das Germani, idq; iniquo animo à socijs Hungaris se-
 rebatur, quū pleriq; aut sua aut propinquorū pecora
 diripi, ac incēdi pagos, & trahi uinctos imbelles agri-
 colas uiderent, ita ut sæpe cum Germanis deprecando,
 prædamq; extorquendo, armis contendere cogerentur.
 Ex altera parte Budenses equitū alas emittebant,
 quibus Germanos egressos castris inuadebant, & finitimos
 uicos ab iniuria hostium tuebantur. Nam Valē-

tinus Thuracus, uirtute bellica nemini secundus, qui militare imperium obtinebat, mirificum leuis armaturæ equitatum in urbem acciuerat. Summa eius consilij erat, ut nihil in discrimen adduceret: expectabat enim alacriter, ut Germani promotis castris ad oppugnandum, portis appropinquarent, aut si Velsius cunctaretur, spatiumq; præberet, interea Turcarum auxilia superuenirent. Dum eo modo ad Aquas Calidas Germani sederent, Balthasar Pamphilus inter Hungaros duces admodum clarus, quū progressus à castris ante portam urbis euagaretur, postulauit à custodibus potestatem sibi fieri cum Valentino colloquendi, cupere etenim plurimum salutare ueterem amicum, & aliqua deferre, quæ ad commune Hungarici nominis decus pertinerent. Nec mora, concedente Valentino, cum turma suorum est receptus, aliquantoq; post in castra redijt, asserens se cum ducibus comiter ac hilariter cōpotasse, collustrandoq; urbem, inspexisse præsidia, tormenta, aggeres, quibus Budam, nisi ampliore apparatus, & commodiore anni tempore, ac multo maioribus copijs, expugnari non posse crederet. Ea res Velsium uehemēter commouit suspicaci ingenio Germanorum more, de externæ gentis fide uti lubrica incertaq; magnopere dubitantē usque adeo, ut iratē succensendo Pamphilum castris excedere iuberet, quod iniussu Budæ intrasset, ac insolenti priuataq; libidine, cum hostibus colloquendo adaugendoq; eorum uires, totius exercitus animos fracta spe uictoriæ debilitasset. Itaq; Velsius nihil tentata oppugnatione discedēs, ad Vicegradum iterum se conuertit, ut præaltā illam

arcem

arcem, & regie coronæ custodia celebratam, tormen-
tis expugnaret: nec diu Hūgari præsidio impositi uim
ingentium pilarum tulerunt, quum eadem ruina qua
turris ad Danubium ad aperta conciderat, nobilissimi
edificij testudines pinnaeque propugnacula, nihil in-
termisissis ictibus concussa frangerentur. Eo modo in-
terfectis aut in deditionem acceptis Hungaris arx ca-
pitur, minore aliquanto militum iactura, quàm turris
inferior paulò ante fuerat expugnata. Nec multò post
ad Albani regalem contendit, ut per colloquia ciuium
principes tentaret: nam Perenus, cuius apud Albanos
insignis erat autoritas, per idoneos homines adhor-
tando pollicendoque immunitates ac præmia, nonnullos
perpulerat, ut à regina deficeret: dicebant enim in cõ-
silijs & coronis calamitosum ciuitati fore, si infantis
regis adolescentiam omnino expectandam arbitra-
rentur, postquàm Ferdinandus cum suis tum ualidis-
simis Caesaris opibus innixus, in proximo spectaretur,
qui apud ipsos legitimè coronatus, iure potior ac ar-
mis atque fortuna superior, stultæ ipsorum pertinaciæ
iniuriam euastato agro ulturus esse uideretur. His ser-
monibus celeriter est effectū, ut ciuitas, quæ ui armisque
expugnari non poterat, multa consilij ratione molli-
busque colloquijs ad Ferdinandi fidem redierit, præsi-
diumque acceperit: nam, quum eò Valentinus aduola-
set, oclusisque portis non admissus, ac ob id grauiter
iratus, suburbana popularetur, Albani Perennianos
equites acciuerunt, quorum præsidio non urbem modò,
sed proximos etiam pagos tuerentur. His rebus gestis,
Velsius ad Strigoniū castra reduxit, uel ob id, quod Ger-

mani cum Hungaris rixas miscerēt. Vtrāq; gens enim ab innata feritate & truci contumacia, quū in implacabile iram cruentis semel armis exardeat, deprecantium ducum imperia facillē contēnit: nam per eos dies adeo atrox certamē inter se ab leui causa contraxere ut quum præsēti intercurrerēt, ducesq; ipsi dirimendo praelio corpora sua opponerent, Perenus lapide ictus, & Velsius in crure uulneratus, ab ea cōtentione discesserint. Verū ad hęc, grauior quoq; in Pannonia bellum gerentibus hyems suberat, & turbidis uocibus à milite gregario stipendia petebantur: quas ob res Velsius, renum etiam morbo uehementer affectus, in hyberna copias dimisit, Pestumq; in primis præsidio imposito & nouis erectis munitiōibus firmauit, propterea q̄ frequentibus nuncijs, nec incertis rumoribus afferebatur, Turcas in propinquis eorū limitibus arma parare, ut Budensibus auxilio festinanter aduenirent. Nam ubi regina à Ferdinādo copias cogi, nauigijs tormenta imponi, ac expediri commeatus certius cognouit, decernente Georgio, nihil ad salutem opportunius habuit, quā à finitimis Turcarū præsētis maturam opem implorare. Ii erant Vstrephus Bosnensis, & Mahometes Belgradensis, & Amurathes, qui trucidatis copijs nostris, et Clissia supra Salonā capta, in Dalmatię finibus cōstitēbat. Vstrephus præsētis honore, ceteros Europę Sanzacos anteibat. Illyrici siquidem uexilla omnibus præsferuntur, cuius amplissimus est equitum numerus, & regio longē latissima. Is locum beneficio potius quā uirtute fuerat consecutus, quoniam Baiazetis filia in matrimonio eius fuit, eratq;

eratq; tum in seniu uergēs, ac inertio otio præpinguis,
 tuebaturq; præfecti nomen singulari uirtute alumni
 sui Amurathis, qui ad Iaderam armatum Venetorum
 equitatum subita incursione profligarat. Propterea
 facile reginæ postulatis respondebat, se copias incon-
 sulto Solymano minimè finibus educturum. Eadem fer-
 mē responsa erant Mahometis: nam provincia pedem
 efferre iniussu imperatoris nefas esse dicebat. sed is ex
 itinere à Lascho præoccupatus magnis promissis atq;
 muneribus, ut nihil se cōmoueret, diuq; cessaret, pro-
 lixè quæsiui, atq; item emulationi seruiebat. Vstrepho
 enim homini ignauo parēre, ac eius signa sequi uir lō-
 gē fortissimus ac ætatis honore superior indignabatur
 Neq; Amurathi tutum erat à Gradisca Illyrica discede-
 re, ubi erat in statione aduersus Crouattos, nisi iussa
 signaq; præeuntis Vstrephi sequeretur. His de causis
 regina diu frustra, ut opem ferrent, Turcas præfectos
 obtestata, ad legatos qui Byzantij erant, omnium diffi-
 cultatum suarū articulos perscribebat, ut per eos Soly-
 manus imminētis periculi certior redderetur. Non-
 dum peruenerat Byzantium Laschus, morbo scilicet
 currendi diligentiam subtrahente, sed præmiserat Pto-
 lemæum Ariminensem medicum ad purpuratos, Lu-
 phtibeiumq; in primis familiaritate sibi coniunctum,
 magnisq; antea ex cultum muneribus, per quē omnia
 se impetraturū sperabat, sed frustra fuit Ptolemæi ad-
 uentus, tamen si suspendendis Barbarorū consilijs, cum
 Bassa, ac ipso deniq; Verbetio collocutus, opportuna
 nec ingrata auribus attulisset. Solymanus enim, qui
 ius suū ac beneficiū defendere suæ dignitatis esse sta-

tuebat, magno sibi commodo ac magnæ item gloriæ futurum rebatur, si ostentato pietatis studio, uiduam pupillamq; in tanta calamitate protegeret. Itaq; aduocatis legatis, tribusq; purpuratis assistentibus, se eo animo Ioanni regnum concessisse dixit, ut ad liberos eius transmitteretur, tandiuq; posteri eius stirpis Pannoniæ regno potireretur, quandiu accepti beneficij memoriam retinerent. Proinde ad declarandam liberalitatis suæ constantiam, se arma sumpturum, daturumq; operâ, ne Germani hostes illati belli exitu letarentur: tradiditq; demum legatis, puero regi deferenda, firmata amicitie, susceptaq; tutelæ insignia, purpureâ auro intertexto regalis cultus togam, & clypeum elaborato umbone rotundum, ferream item clauam manubrio aureo, & incuruum gemmata uagina gladium: exinde Vstrepheo Mahometeq; præfectis seuerissimè perscripsit, ut extēplō eductis copijs reginæ opē ferre maturarent, nec ulla aduersæ hyemis excusatione uterentur, quòd si tarditate aut negligentia detrimentum acciperetur, ipsos continuò capite poenas daturos. Vixdum Hungari legati, cum donis præ lætitia Budam redire festinantes, discesserant, quum Laschus Byzantium peruenit, ibi edoctus è Ptolemæo de successu legationis Hungaricæ, quum mandata exponeret, & æqua conditione regnum petere pergeret, multusq; in ore eius esset Carolus Cesar, uti fratrem excitis totius Germaniæ copijs adiuturus, commoto ad id Solymano, custodia traditur, obiurgantibus itidem purpuratis, Rostanēq; præsertim Solymani genero, iuvene elato atq; iracundo: dicebat enim ultimo supplicio

supplicio dignum, qui insolenti orationis libertate se-
 reni uultus maiestatem offendisset, ludificatusq; regem
 regum amicitiam peteret, quum interim impudenter
 in Pannonia bellum gereretur. Interea Mahometes
 & Vstrephus nihil deterrente hyeme, dispersos in hy-
 bernis equites ad signa uocant, nauales socios conqui-
 runt, classemq; Drauo & Sauo fluminibus in Danu-
 bium deducunt. Neq; enim perite & commodè in Pā-
 nonia bellum unquam geritur, nisi subsidio magnæ
 classis tormenta, cōmeatus, impedimentaq; ad oppor-
 tunitates utriusq; ripæ conuehantur. Sed tantus per
 eos dies adulta hyeme & diu perflante Borea rigor
 extitit, ut astricto præalta glacie Danubio, cuncta na-
 uigia ad Tolnensem ripam uadis inhaerint usq; adeo,
 ut tollendam nauigationem marginibus late gelu con-
 cretis, ut uix in medio tantus annis, quum iam planè
 in ipso cursu pigresceret, apertus & liber profluere
 spectaretur. Ea res magno incommodo Turcis fuit,
 tardauitq; eorum aduentum, quum, necessario ad tuen-
 dam classem consistere, atq; ibi castra ponere, ferreq;
 sub tentorijs præ duræ hyemis asperitatem squalenti
 in solo cogerentur. Incredibile dictū est, quum inde
 discedere flagitiosum, & capitale quidem putarent,
 quanta animorum pertinacia & patientia corporū,
 rerum omnium difficultates superarint, uel equis, qui
 bus nihil apud eos carius existimatur, frigore ac ine-
 dia consumptis, & concepto inde morbo passim in-
 tereuntibus. Sed mitescente hyeme aperuit sese annus,
 Fauoniusq; primo Vere inuecto, Aquilonibus succes-
 sit, exoptatus Turcis reginaq; letissimus. Nihil enim

cunctatus Mahometes remiges supplet, pedites Martellosios ex Illyricis montibus accersit. Ii sunt latrones eximij, pari feritate pernitateq; speluncis & cauis arborum pro domibus utentes, parua secure & breui spiculo armati, sed Numidarum more duces habent, et stipendio muneribusq; trahuntur, ita ut facile compendia uiarum ac montium fluminumq; naturā exercitiis demonstrant. Idem quoq; facit Vstrephus, ambo- busq; Valētinus ē Buda obuiam profectus, cum ualida Hungarorum manu coniungitur. Regina praefectos muneribus colit, cōmeatum suppeditat, enea tormenta, quibus inimica oppida expugnent, haud cunctanter attribuit. Itaq; inito consilio Danubiū copias traducunt, & ad Vacciam deferuntur. Ea urbs nequaquā militariter defensa capitur, trucidatisq; nonnullis Barbarorum more protinus incenditur. Inde Pestum oppugnatum ire pergunt, & ab occasu castra locant. Praerat Pestu Barcocius Hungarus, praetorianae aelae praefectus, sed aderant plerique Hungari duces, & in primis Germanorum dux Otho Fotiscus, cum decem cohortibus. Ab his quum Turca tormentis murū quaterent, equitatuq; circumeundo urbem magnum terrorem obsessis incuterent, oppidum egregiē defenditur. Nam Turcae in equo pugnare soliti ex propinquo aggredi murum, ruinasq; subire, & contemnere hostiū tormenta (conspēcta praesertim intus hostium phalange) stultum ac miserum putabant, quod lanizeri pedites, quorum uirtute cuncta facile perumpant, nulli aut paucissimi in castris essent: Illyrici uerō Triballi; classarij pedites, & quos diximus, Martellosij, rudes ad id

ad id pugnae genus, ac ingenio prorsus armisq; inhabi-
 les uiderentur. Equestribus tamen praelijs certabatur,
 quum saepe Hungari erumpendo uagantibus Turcis
 occurrerēt. Erat in oppido Marius Spiccasius ē Nea-
 poli militaris architectus, is aduersus hostium castra,
 more Italico, quadratum aggerem multa conseptum
 materia ad instar latissimae turris erexerat, in summi-
 tateq; tormenta collocarat, quibus Turcarū munitio-
 nes atq; tentoria ab editiore loco petebantur. Simili ra-
 tione, & ab arce Budensi interiacente fluuio ad Pesta-
 na aedificia pilae ferreae uolitabāt. Regina interim par-
 cius cōmeatum Turcis praebat, utpote quae sibi an-
 nonā, nisi parce metiretur, priusquam frumenta matu-
 rescerent, defuturam timeret, quoniam Caesar ē Belgio
 in superiorem Germaniam profectus ad Ratissponam
 conuentum habere, nouosq; exercitus parare nuncia-
 batur. His de causis, & quod multi equi conceptis an-
 tea morbis agminatim interirent, Turcae re infecta,
 traiecto rursus Danubio, restitutisq; egregia fide tor-
 mentis, intra fines redierunt: sed in receptu nō desinere
 Hungari, quin crumperent, & nouissimos cadendo
 ad multum spatium persequerentur, Ferentio Gnaro
 in primis impigrē rem gerente. Eo enim die Achoma-
 tes, qui cogendo agmini praerat, insignis inter alarū
 duces, ab insequentibus Hungaris est interfectus. Eadē
 hyeme in Vangionibus totius Germaniae legatorum
 habitus est conuentus, in quo Peronotus Granuelius
 insigni grauitate pietateq; religionis casum deplora-
 uit, obsecrādo Germanos nomine Caesaris, ut tātis atq;
 adeo diris dissensionibus speratam toties & nunquam

impetratum finem imponerent, quibus diuinæ humanæq; res pudenda miserabiliq; insania in præceptraherentur. Miserat eò Paulus Pontifex Thomam Campegium Feltrensem episcopum, atq; item perillustres theologos, qui de sacrarum literarum interpretationibus disputarent aduersus Lutheranos. ii nouum sibi nomen induerant, Protestantesq; appellari malebāt. Horum princeps erat Philippus Melancthon, qui Latina sacundia deditus, noua & ipse placita publicarat. Pro catholicis stabat Ioannes Ecchius, uetus atq; admodum robustus sanæ eruditionis propugnator, & Iulius Pluggius præsul designatus Numbergensis. His unis datus est loquendi locus in confessu legatorum, præsidente Granuelio, alternisq; diebus dixerunt ac responderūt. Iamq; de peccato originali Protestantes se cedere fatebātur, utpote qui astuto cōsilio cūm dociles, tum uera doctrina cupidi existimari cupiebant, ut conceptā infamiam obstinata dissensionis effugerēt, & tum denū in reliqua ueterū sanctionum capita, ad cōuellendam Romani Pontificis auctoritatem, seuius atq; liberior grassarentur, si in re nequaquam leui à priore sententia discessissent. Sed eam alternæ disputationis contentionem, Granuelius quasi iam bonæ spei plenus, quòd aliquid pio pacificatore non indignum consecutus uideretur, ad Ratisponensem conuentum reiecit. Primo enim Vere Cesar à Rheno ad Danubium profectus, Ratisponam Germaniæ regulos liberarumq; ciuitatum lagationes euocarat. Perueneratq; eò ab Roma legatus Cardinalis Gaspar Contarenus, eximia uirtute atque doctrina clarissimus.

Nec

Nec multò post affuere pleriq; reguli antistitesq; Germani, & ante alios Albertus Cardinalis Maguntinus, omni officio ac pietate catholici dogmatis & Pontificiæ potestatis causam complexus, è diuersoq; Philippus Lantgravius Chattorum princeps, Austriæ familiæ non obscurus hostis, qui inexorabili peruicacia, tanto ferocis ingenij spiritu Lutheranorum uela inflabat, ut Cæsar, ne rem summæ spei ad publicam salutem feliciter inchoatam ulla animi commotione perturbaret, Bucerum damnatæ sectæ theologum in illius porticu concionari pateretur. Eminebat enim in Cæsare studium ueræ pietatis, idq; semper exactis Christianæ uitæ ceremonijs ostenderat, sed humanarum rerum curis plurimum angebatur: propterea dissimulandum indulgendumq; in præsens obduratis cæco errore, & longa impunitate corroboratis hominibus existimabat, ut eos molliissimè conciliatos, in his quæ religionem respicerent, ad patrum maiorumq; suorum instituta reduceret. Id enim ad optimi non modò pijq; sed & longè etiam maximi principis nomen parandū pertinebat. Nam si ipso authore disceptatoreq; ea de religione contentio, atque omnis discordia tolleretur, compositis statim Germaniæ rebus, nemini dubiū aut difficile futurum erat, quin Turcarum armis egregiè resisti, Pannoniæ regnum recipi, & Gallorum contundi spiritus, & deniq; firmus atq; per amplius in Italia dominatus constitui posse uideretur. Itaq; magno cōsilio Cæsar Augustani conuentus formulam ex conscripto atq; edito libello subsecutus, constituit ut à ternis utrisque theologis Christianæ legis ueritas indagaretur, ij

fuere à catholicis, ipse in primis Bechius, Iulius Plug-
gius, atq; Groperius. Defendebantur autem protestan-
tium partes à Bucero, Melancthone, atq; Pistorio, quo-
rum disputationibus delecti presidebant, Federicus Pa-
latinus uir magnitudine probitateq; animi inter Ger-
manie regulos facile excellens, quem uniuersis impe-
rij copijs ad Viennam præfuisse meminimus: huic ade-
rant principum ac liberarum ciuitatum studio appo-
siti aliquot sacrarū literarum professores, qui auscul-
tantis Cæsaris autoritate regebantur. Quum in hūc
modum ad Ratissponam religionis causa iactaretur,
Ferdinandus de Pannonicis rebus discessuq; Turcarū
certior factus, alacri animo ad eandem spem obtinēdi
eius regni continuò redit, Caroloq; fratri facile de-
monstrat, nequaquam incepto abstinendum, postquam
fortuna satis felicibus initijs arrideret, nec reuersuri
essent Turcæ, qui aduerso conatu asperitateq; hyemis
et commicatus inopia fatigati, deserta regina intra li-
mites concessissent. Itaq; nouæ copię in supplemētum
Velsiani exercitus antea conscriptæ, quum id de Tur-
carum aduentu crebri rumores postulassent, è Norico
in Pannoniam mittuntur, præficiturq; eis Vilermus
Rochandulfus regie aule magister, qui dudum ut Pe-
stanis opem ferret, Posonium usq; descenderat: is ui-
ridi admodum senectæ, ore militari, constantiq; inge-
nio, grauissimi ducis habitum præferebat. Nam Venc-
to bello antè triginta annos cum laude ordines in Ita-
lia ductarat, Pannonicæq; regionis peritus habeba-
tur, quòd tutante se moenibus Ioanne rege, Budam uel
infeliciter oppugnasset, Velsius enim non armorum
usu,

usu, aut studio militum, sed ætatis tantum ac officij dignitate inferior, locum facile concedebat, quod lacescente morbo uideretur inutilis, inuisusq; esset Hungaris, & à Pereno contracta similitudine dissentiret: sed nihil quoq; in oppugnanda urbe strenuè facturus credebatur, quod à antea apud deliberantem regem, oppugnanda Buda consiliū exquisitis disciplina rationibus improbasset. Fit enim sapissime militieq; præsertim malignitate atq; superbia humani ingenij ut plerique uinci malint, quam uictoria potiri, quæ alieno consilio parta suscepta semel ex aduerso prolataq; opinionis famam ad dedecus extendat. Nec mora Rochandolfus trium ferè mensium commeatu, qui secundo amne deferretur, diligenter instituto, muralia tormenta à Viennensibus mutuatur, itemq; à Bohemis & Slesis atque Morauis auxilia accersit, uetereq; exercitu inspecto acceptoq; Budam profectus eam obsidere oppugnareq; constituit, sed ab alijs omnino locis secus ac ipse antea animo concepiisset. Immutata enim erat urbis facies: nam ingentia propugnacula peritissimè constructa, nouarumq; turriū moles admirabatur, quas Ioannes architecti Bononiensis ingenio fretus muniendis portis addiderat. Imprimis ab ea parte, qua ipse Rochandolfus decem ante annis magna edita murorum strage mœnia uerberarat, admirabilis lapide constructa munitio uisibatur. Ea nobilium Horsacorum ædes complexa in Corum uentum prominebat, obtusioresq; angulo ac insigni proiectura, cui tormentariæ incrant fenestræ, diuersa utrinque mœnia defendebat, ita ut longè omnium facillimus ad oppugnandum aditus

demonstrato periculo tolleretur, ab ea enim parte excelsus atque perpetuus collis, in quo Buda opportunè posita conspicitur in planitiem desinit, quum ab aquilone orienteq; æstiuo, unde Danubium despectat, accessus maxime arduus ac impeditus, per angustis & tortuosis callibus ostendatur. In Sabatina quoq; porta, quæ Budam ueterem ad leuam Vicegradumque perducit, iuste amplitudinis propugnaculum erat editum, quo directæ in meridiem mœnia libratis sedulo tormentis ad altitudinem scandentium hostium facile raderentur. Ad orientem porro solem, ubi arx est sumptuosis tot regum operibus, ad letissimum undique prospectum edificata, lapideam per amplam turrem mediocri altitudine opportunè cōstruxerat, quæ ita iungebatur adhærebatq; arci, ut exterius cū ponte portam haberet, qua liber egressus descensusq; tutissimus ad flumen per fossam concisa rupe excauatoq; solo, uel septenis in acie armatis non incommode præberetur. Neq; enim ante ab arce, nisi per urbem, magno circuitu ad Danubium aditus patebat, sed mons præaltus ex aduerso arci urbiq; imminens, intercedente ualle, atq; ea quam diximus, fossa ita assurgebat, ut media montis arcis fastigium æquarent, summo autem cacumine, regiones, plateæ, interioraq; urbis tormentorum ictibus subiecta spectarentur. In eo templum erat diuo Gerardo, à quo nomen ducit, dedicatum, cuius nomen pestilentia ritè inuocantibus salutare esse, pictæ imagines, & persolutis uotis appensa donaria, cumulate testantur. In hunc montem Rochandulfus, quod eum ad oppugnandam arcem terren-

damq;

in parte ex lamq; reginam idoneum rebatur, tormenta perdu-
 oportuit, nehementerq; adeo quassauit nouam turrem, ut
 ab aquingentibus disructa pilis collapsura uideretur: summa
 beffat, ac nim corona pinnæq; deciderant, sed triplex erat ar-
 gustis et is murus, durioresq; ob id expugnandi atque inua-
 toq; porta lendi, intercedente præsertim ualle, difficultates osten-
 inque perlebat. uerum nemini dubium erat, quin summæ arcis
 erat edummenta præaltæq; testudines, uti ad Vicegradum
 tatis sedulo acciderat, refringi diruiq; posse uiderentur: sed Ro-
 tum facile chandulfus, suo an regis consilio incertum, nobilissi-
 bi arx est næ regie parcendum existimabat, quum exornatas
 um undi porticus et perpicua laquearibus aureis cœnacula
 plam tur breui concasura conspiceret, quæ ab ipsis demum ui-
 xerat, qua floribus, neq; desiderari, nisi magno cum dolore ma-
 cū pontis pœnitentiæ, aut instaurari, nisi immenso auri pon-
 q; tutissi dere, et longo temporis spatio censerentur. Cæterum
 auatoq; so per præcones, quibus ad commeandum induciæ per-
 odæ præpetuæ inuiolabili iure gentium manebant, reginam
 bem, ma hortabatur ut seruitutis compedes abrumperet, quas
 sed mons Georgius intestinus hostis, simulato tutela nomine
 intercedere ipsius et pueri cruribus innexisset: paratum enim esse
 bat, ut me amplissimum principatum liberalitate regis, in quo
 mo autem ipsa cum dignitate ad securitatem conquiesceret, pue-
 is tormentumq; nutriret: quod si ea omnino munera, uti mentis
 templum inops ac ignara periculi, repudianda arbitraretur, ac
 edicatum, imminentis calamitatis casum obstinatè contemneret,
 salutare se continuo daturum operam, ut maioribus tormentis
 pensa do ac ingentibus mortarijs, quæ in sublime casura, demum
 Rochan ad excidiū tectorum marmoreas ingentes pilas excu-
 damq; terent, totius arcis ac regie contignationes excitabili

eum fragore frangerentur. Ad ea Georgius respondi-
 non esse adeò insulso ingenio reginam, ut Pannoni-
 regnum Sepusiano principatu permutare uelit. Ro-
 chandulsum uerò, sibi ualde delirum ac insanum se-
 nem uideri, quòd quum antea in ijsdem fossis grauite-
 uapularit, id modò stolidè quærat, ut ad perniciem c-
 mulatæ temeritatis poena multetur. Proinde uiros fo-
 tes pro patria regeq; Hungaro aduersus temulent-
 agmina sobriè propugnantes terrere desineret: nih-
 enim eos immanium globorum strepitu commoueri-
 uerum se unum ex omnibus à Rochandulso priuati-
 humanitatis iure comiter postulare, ut tormenta ali-
 quanto mitius disploderet, esse enim sibi scrophā dom-
 unicam prægnantem, quæ tot sclopis & bombis exte-
 rita abortum magno conuiuiarum suorum dolore fa-
 ctura uideretur. Erat enim Georgius perurbanus &
 dicax, atq; adeò Germanorum contemptor, ut quū e-
 his duos milites, regijs in hortis ædificia succendente-
 à Budensibus interceptos supplicio affecisset, in ead-
 furca totidem pariter porcos ad ignominiam suspen-
 derit. Nec multò post Rochandulfus à monte Gerard-
 ad sepulchra Iudæorum, nihil loci nomen abominatu-
 motis repente castris, omnem tormentorum appa-
 tum transtulit. Is locus à Iudæa porta inter Orientem
 atq; Meridiem non iniquus, quanquam sensim accli-
 uis ad proxima uineta protenditur: sed longinquan-
 & propterea periculosam habebat aquationem, qui-
 intentis semper ad insidias, & repentinis Valentin-
 equitibus, Danubius magno circuitu peteretur. Sed
 Germani dispositis custodijs, certoq; præsidio aquato-
 ribus

ribus adiuncto, egregiè cunctis difficultatibus occurrerant. At Georgius ubi hostem ad sepulchra castrametantem uidit, nihil de solita urbanitate ad iocandū remittens, à Rochandulfo petijt, ut errati ueniā daret quòd eum nuper falso delirum senem appellasset, quoniam in æquiora loca traductis castris sapiēs omnino mentisq; integer euasisse uideretur: postquàm proprio in loco, & ipsi exactæ ætatis seni, multumq; irritato labore fatigato, & damnatis pariter copijs aptissimo consedisset. At Rochandulfus ferream curulem caueam, uti feræ beluæ Georgio cōminatus, à duabus simul partibus ad distimendos hostes oppugnare constituit. Hungari Pereno duce atq; his adiunctæ Bohemorum cohortes, inter Horsacam munitionem, & Sabatinam portam tormenta protulerunt. Ipse cum Germanis à Iudæa porta ad arcē, qua regij uiisuntur horri, tanta ui quassauit murum, ut pars concussa perfractaq; procideret, pars uerò premente atq; impellente interno aggere, quem intus Budenses subitaria munitionis causa moenibus adstruebant, inexpectato casu in exteriora laberetur. Ea res propugnantes magnopere conterrituit, quòd dijs ueluti aduersis ipsorum diligētia secus ac sperassent, irreparabili damno repente edito nouum periculum attulisset: sed tantæ occasione defuit Rochandulfus, siue re nequaquam satis liquidò perspecta, quum inter perpetuam tot dispois utrinque tormentis fumi caliginem, elatiq; ab ruina pulueris densissimam nubem, omnia conderentur, siue quòd pro ingenio cunctantius & suspicius cuncta administrati expediti consilij uim omnem mora fata-

lis eriperet, nec Germani statariæ pugnae assueti facile adduci possent, ut in extraordinarijs & repentini oppugnationum casibus, Hispanorum, ac Italarum Gallorumq; more, alacriter atque celeriter murum subirent. Ceterum usque adeo moenia tormentis adperta prostrataq; cernebantur, ut in longitudinem unius ferè stadij eminente tantum ad altitudinem stature hominis antiquo aggere, uel breuibus scalis facile scansuros ac in urbem irrupturos milites dicerent. Iamq; nox aderat apud Germanos curandis corporibus, quam rei gerendæ aptior. Ex uetere etenim gentis disciplina, tenebras ac insidias perosi, decor tantum ea uulnera existimant, quæ spectante exercitu in præclara luce susceperint. Itaque aliquot prolata sunt scalæ, & per tenebras magno silentio iuxta ruinas apposite eo consilio, ut sub auroram compositis ordinibus conferti milites subirent. Ceterum Budenses ab hostili mora spatium nacti incredibili diligentia, omnisq; generis sexusq; hominum frequentia, nouum intus aggerem protinus erexerunt, animaduersisq; hostium scalis, eas continuo rapuerunt. Porro Germani sub auroram instructa acie per accliuia subeuntes, tanta ui munitiones sunt adorti, ut Otho Fotiscus in perruptam domum, quæ muro coniuncta erat, audacissime penetrarit, ceteraq; cohortes, quum præcunctem quemq; militem succedens humeris subleuaret, in ruinis uexilla præfigere niterentur, sed Budenses mira constantia irruptentium impetum tulerunt, cohortante, propugnanteq; Georgio, qui deposita cuculla, galeatus toto aggere uolitabat. At Germani, quum aliquan-

aliquandiu propinquo loco multis acceptis uulneribus irrumperere conati essent, nec armis modo, quibus acerrimè quominus cædebantur, sed ualida etiam corporum impressione scutatis à fronte uehementer incumbentibus urgerentur, nullo ordine se recipere cœperunt, sed receptus perturbatos in fugam confestim uertit, atque eo quidem maiore cum incommodo, quoniam uti uidere licuit, quanto longius à cœnibus recedebant, tanto atrocius atque frequentius omni missilium genere, & tormentarijs maximè glandibus sternebantur. In eo tumultu Rochandulfus supra octingentos milites amisit: nam quicumque paulo grauius sauciati in castra se retulere, incuria, & contemptu uulnerum putrescentibus facile plagis interibant. Perijt & paucos post dies, distracto ui tormenti, resilienteq; lapide, haudquaquam ab initio lethaliter ictus Hieronymus Iadarensis Austriacæ classis præfectus. Pari quoque euentu, sed minore accepto detrimento, Berenus ad Sabatinam portam repulsus, ab oppugnatione discessit. Exinde Budenses adeò animos despectis hostibus sustulerunt, ut erumpere sæpius auderent, ignauiamque exprobrantes, contumeliosis significationibus è muro Germanis illuderent. Tentauere demum Austriani duces effossionibus, atque cuniculis murum subruere, inditòque, ac demum succenso intus tormentario puluere, ad apertisq; mœnibus subitarium in urbem aditum parare, quòd plerique adessent milites è Rhætia argentarijs fodinis assueti, Bohemique præsertim insecturis metallorum operam nauantes: sed Bu-

denser deprehensis hostium consilijs atque operum
 initijs, nota atque instituta ratione, dum fossas in-
 trorsus ex obliquo pertraherent, certaque eruptu-
 ris incendijs spiramenta relinquerent, diligenter at-
 que feliciter occurrebant: urgebantur tamen tan-
 ta uariarum rerum inopia, ut nequaquam paulò lon-
 giorē obsidionem pati posse uiderentur, & fame
 laborantis populi querelis locus esset usqueadeo, ut
 urbana multitudo tumultuarijs uocibus imponen-
 dum esse finem inediae, publicoque periculo, & de-
 ditionem omnino faciendam succlamaret: sed tan-
 ta inerat Georgij ingenio autoritas cum summa in
 omnes casus urgentium rerum industria, ut quum
 concionanti similis in forum prodiret, quò uellet, uel
 corruptos alienatosque ciuium animos impelleret:
 parum tamen absuit, quin urbs ipsa, quæ ui capi non
 poterat, intestina fraude proderetur. Erat inter Bu-
 denses uir Hungarus in iure dicundo prætoriam fun-
 ctus potestate, nomine Bornemissa: is Georgium ue-
 hementer oderat, quòd in iudicio & ciuili contesta-
 ta lite, à Iudæo decoctore multus stetisset, qui astu-
 ta consilij simulatione, nequaquam suo, sed Borne-
 missæ malo, susceptæ mercaturæ rationes conturba-
 rat. Itaque liuoris plenus, uindictæque percupidus,
 Francisco Reualio, qui in Austrianis castris ius dice-
 bat se daturum ad ingressum exoletam portulam
 promisit. ea erat in sepulchretis solennis templi Dei-
 paræ uirgini cognomento Germanicæ dedicati. eratq;
 usui pacis tempore per decliuiam petentibus flumen.
 rem igitur ad se per Reualium delatam, ita proba-
 uit,

uit, Rochandulfus, ut nihil tamen Hungaris in tantæ
 spei negotio committendum arbitraretur, secus ac
 ipse Bornemissa præcipuè deposcebat, utpote qui sine
 sanguine tot insontium ciuium, quorum salutem pri-
 uato facinore proderet, rem patrare, exulibûsque o-
 mnino Hungaris uti uellet, quibus erga patriam, &
 propinquos notosque ipsis pietatem & clementiam
 minime defuturam spectaret, quando Germani per se
 crudeles, totque in commodis & contumelijs irritati,
 noctu præsertim irrumpentes, ne pueris quidem &
 foeminis parsuri uiderentur. Cæterum Rochandul-
 fus more gentis, ad inane prudentiæ nomen, nemini
 integram fidem præstare solitus, ut exclusis Hungaris
 solus conceptæ uictoriæ famam usurparet, usurum se
 Hungarorum opera simulat, Reualiumq; decipit, à
 quo etiam filium obsidem acceperat. Nam ad consti-
 tutam horam intempesta nocte, omnibus nihil sese
 per castra commouere & conquiescere iussis, dele-
 ctas quatuor Germanorum cohortes silentio ad por-
 tulam præmisit, Condeo filio cum ala Germanorum
 equitum in statione constituto, ut quum à receptis in-
 tra urbem Germanis proditoribûs, uti conuenerat,
 maior & militaris uia porta refringeretur, confestim
 cataphractos equites induceret. Nec Bornemissa in
 ipsa perfidia fides defuit, adaperta enim portula, quã
 diximus, cohortes magna ex parte suspensis uestigijs
 sunt introductæ, sed quum Bornemissa singulis intran-
 tibus Reualium summissa uoce requireret, neque alio
 quàm Germanico fremitu responderetur, intrepido
 alioquin animo, uti plerumque accidere deceptis solet

improvisus obrepfit pauid, ita ut anceps atque incertus consilij, nec praecuntibus ignaris scilicet quem primum urbis locum occuparent, dux esset, nec Germani contento iam gradu in tenebris fraudem suspectantes, alacriter procederent, quum respectare, ac ab ultimis itineri, et gerendae rei signiferum petere cogerentur. Non sefellit Budensium excubias incedentium agmen, quum uel leuiter calcata humus, offensaq; arma perstreperent, accensiq; sclopettorum funiculi late spectarentur. Itaq; petito nec ab hoste reddito tesserae nomine, ad arma coclamatum: sed id sero erat, iam semicapta urbe, nisi diui Budae tutelares deprehensis et errantibus aduersi, tanti iam patrati facinoris audaciam in subitum metum uertissent: tanta enim animorum consternatione regredi, portulamq; repetere tumultuosius, quam Germanos milites deceret properarunt, ut in angustissima porta affligerentur, impedireturq; exitus hastarum strue, quam primi proiectis armis effecerat, ut leuius ac expeditius in castra profugerent. Urbanus Bacianus, qui uigilias ea nocte circuibat, primus cum expedita cohorte euadentibus superuenit, adductaq; eo sunt a Vichio, late iam cognito auditoq; tumultu, ualidae peditum atque equitum manus, quae more militiae in foro ad incertos belli casus excubabant: ita audacissimi Germanorum, qui primi irruerant, cum nouissimi agminis facti in fugam se conuerterent, trucidantur, capiunturq; nonnulli, et in his Bornemisse familiares: nam ille inter primos euaserat. De his autem Reualijq; item amicis, a Georgio. quae siones habitae, erutaq; est uarijs cruciatibus totius

totius proditionis series, & de confessis foedi crudelisq; spectaculi supplicium est desumptum, Reualio in castris se ingrâte maligneq; proditum conqurente, & lugente plurimum Bornemissa, qui parto proditoris patriæ cognomento, omnem substantiam amicis ac affinibus misere perditis amississet. Itaq; Rochandulfus, quod consilia & conatus omnes fortuna præuenteret & totis castris inconsulte peruicacisq; superbia, uel gregariorum militum iudicio damnaretur, nec dolorem ac infamiam corruptæ tantæ occasionis atque uictoriæ animo sustineret, reliquas belli cogitationes ad obsidendos hostes conuertit. At Solymanus his rebus, quæ à Cesare fratreg; eius aduersus reginam parabantur, opportunè cognitis, tuendi proferendique imperij rationes explicat, hostium consilia & facultates expendit, adhibetque in consilium purpuratos Bassas, ac ingenti animo, diuisis copijs, delectisq; ducibus, uno tempore locis omnibus statuit occurrendum. In primis Solymanus Acarnan Eunuchus in Mesopotamiam mittitur, qui Babylone consistat, Tamma sumq; Persarum regem à Tygridis ripa deterreat. Is nuper Aegypto præfectus, multis ædificatis triremibus, enauiгатоq; Arabico sinu, & superatis Rubri maris angustijs, in Indiam peruaserat, interfectoq; Ademirege, Lusitanos ad Diuum emporium uehementer oppugnat: Mahometem uerò purpuratum, natione Dardanum, qui obfesse reginæ opem ferat, in Pannoniam proficisci iubet, deligitur & Vstresius ex Illyrico quartus ordine purpuratus, qui Mahometem subsequatur, subsistatq; Belgradi intentus ad ferendam opem

si Mahometes ualidiores hostes inueniat. Attribuitur
 & sua classis Hariadeno Barbarussæ, cui antea ma-
 ris imperium erat delatum, ut daret operam, ne quid
 detrimenti in Græcia atque Epiro ab Auriana classe
 reciperetur. Paulò enim ante Auria Siculis Neapoli-
 tanisq; triremibus sibi adiunctis, Turcas & Poenos
 Turcis fauentes, Clupea, Neapoli, Adrumento, Ru-
 spina, Tapsoq; & denique tota ea Africæ regione,
 una excepta urbe Lepti, quæ Mahomedia à Poenis,
 Africa à nostris dicitur, ad Menicis usque insulæ Syr-
 tes depulerat, Muleassisq; Tunetani regis imperio pa-
 rère coegerat: Eæ urbes hodie sunt Calibia, Susa, Ma-
 hometa, Monasterium, Sfaxia, & Africa quæ Poenis
 Mehemedia dicitur: Tum enim Auria ingentem exor-
 nabat classem, ut ad expugnandum Algerium in Mau-
 ritaniam transfretaret. Et quoniam Solymanus May-
 latum in Transyluania Ferdinandi rebus studere, bel-
 lumq; moliri didicerat, aduersus eum Mustapham Ni-
 copolitanum præfectum superato Danubio, conten-
 dere iussit, imperauitq; Petreio Moldaui Valacchorum
 principi, ut Mustaphæ bellum gerenti præstò adesset.
 Is Turcarum copijs triginta millia suorum equitum
 adiunxit, magnoq; astu Maylatum, ut mox dicemus,
 in potestatem redegit. Ipse autem Solymanus plus æ-
 quo Christiana arma ueritus, Cæsarisq; in primis con-
 silia, & totius Germaniæ facultates, non absurda,
 quanquã tum maximè uana ratione, animo reputans,
 Hadrianopolim profiscitur, tertium ex propinquo
 exercitum, si opus foret, subsidio duobus præcuntibus
 purpuratis allaturus, retento secum Rostane genero
 quem

quem inter Bassas asciuerat, Luphtibeio scilicet gradu pulso, relegatōque in Macedoniam, quod uxori, quæ Solymani soror erat, desertum sibi relinqui coniugalem thorum peracerbè conquerenti, obiectantiq; dissolutas libidines, indignè ac insolenter manus intecisset. Igitur Mahometes rei gerendæ pariter ostendendæq; uirtutis cupiditate incensus, iustis confectis itineribus, paulò post solstitium in Pannoniam peruenit, adiuncto sibi ex itinere altero Mahomete Belgradensi, accitisq; item Bosnensibus copijs, quibus Vstrephus dudum fato functus, Pestano bello præfuerat. Huic in præfectura successerat Vlamanes Persa. At Germani ubi de aduentu Turcarū certius cognoscunt, uarijs inter se dictis sententijs decertant: disputatur enim in consilio, præstet ne obsidionem soluere, an contraire hostibus prælioq; certare, sed impellentib. satis, ut Turcæ Pannoniæ regno potirentur, Rochandulsi sententia uincit. Is nihil tutum, quod esset indecorum putabat Pestum nanq; traicere, aut Vicegradum, Strigoniūq; redire, uti aliqui suadebant, adeo flagitiosum turpeq; rebatur, ut ingenio tot aduersis conatib. perturbato urgenteq; Fortuna, uinci atq; emori incolumi constantiæ laude, quam exercitum seruare malle uideretur. Castra itaq; in aduersam urbis partem ad Gerardi montis radices transferuntur, quā mōs inter Budam & castra positus, recedensq; à flumine latam ab oriente planitiem relinquit, eo consilio, ut aduentates Turcæ, quos nihil à classe flumineq; discessuros uidebat contra rectam tormentisq; munitam castrorum frontem procedere, & periniquo loco transitum tentare

cogerentur. Ea enim erat natura loci, ut castra hinc præalta imminenti montis crepidine, illinc uerò ad læuam præterfluenti Danubio muni rentur, in tergo autem præualidus agger erat erectus, contra portam turremq; , quam Budenses, quòd flumine abluatur, Aquariam uocant. Nam ab excelsa urbis arce, duo brachia pinnati muri per decliues præruptosq; descensus ad flumen deducta erant, tantumq; loci in ima ripa intercipiebant, quantum in summo tota arcis amplitudo complectebatur. In eo spatium, cum stabulis regijs uetera erant naualia, binisq; portis ac turribus præcludebatur id iter, quod iuxta flumen haud multum lata ripa margine in campos perducebat. Porro in dextram ab ipsa fronte Rochandulfus perpetuam munitionem in aduersum montem erexerat, ibiq; minora castra in quæis erant Hungari, editiore loco posuerat. Parua quoq; insula ponte constrato castris iungebatur: in ea erat lunatus agger maioribus tormentis egregiè munitus, quibus et subeuntia hostium nauigia, et ea, quam diximus, lata planicies ex obliquo peteretur. Cogitabat etiam stabili atq; perpetuo conseratis inter se nauigijs ponte constructo, Pestanis moenibus castra committere, indeq; nouas copias opperiri, aduentantis hostis impetum sustinere, diuturna q; maxime obsidione Budenses premere: nam tantum comatus, tantusq; rerum bellicarum apparatus ad Pestum fuerat institutus, ut uel in multam hyemem abundè sufficeret. Caterum appropinquantibus Turcis, Valentinus cum duobus millibus equitum, legati munere finitus occurrit, quid hostes parent, quales, quantiq;

quantūq; sint, utrumq; Mahometem diligenter edocet, opportuna ponendis castris loca demonstrat. Itaque Mahometes Bassa audacter promotis agminibus, quinque ferme stadiorum spatio ab hoste consedit, circumdatq; sese celeriter ingenti fossa per Asappos pedites, quibus in opere faciundo Turcæ plurimum utuntur, totamq; eam planitiē tabernaculis innumeris cōplet. Belgradēsis uerò Mahometes rei bellicæ peritissimus, per colles, qui sese molliter inflectūt, Gerardoq; monti relicta planitie coniunguntur, editiorem capit locum, Hungarorum magis quàm Germanorū castris propinquum. Tum uerò legati Turcæ ducum nomine ad salutandam reginam urbem intrant, magnam maioris minorisq; pecoris multitudinem, ex Hungarorum tamen pascuis abactam dono dant: mirantur subitarios aggeres, terrificosq; hostium conatus, Budensium constantiam laudant, profitenturq; se eorum iniurias celeriter ulturos, excultiq; donis discedunt, Budamq; demum pariter ac ipsa castra mutua securitate cōmeantibus utrinq; Budensibus & Turcis patuerunt. Tanta autem apud utrumque Mahometem, cū uerbis, tum omnibus officijs, humanitas atque prudentia spectabatur, ut nequaquam simulata aut temporaria inter Turcas & Hungaros, amicitia, cuius nomine ad ferendam opem aduenissent, sed maximè sincera & diuturna, uel ab astutis pueri nutricijs crederetur. Grauib; enim dictis sententijs, Georgio in primis, Vichioq;, & Valentino suadebant, ut deposita similitate, renocare exules uellent, communicareque eis solitos honores, & denique in unum Hungarici san-

gninis corpus consentire: omnes enim, nisi desiperent, dum rex Stephanus adoleceret, securè atq; beatè regnatos, & deniq; postquàm sub tutela præsidioq; maximi atque iustissimi imperatoris tuti essent, Germanicà arma faciliè contempturos, quæ neque ualere per se possent, neque omnino commoueri, nisi concitantibus Hungarīs, quibus patriæ desiderium satis iusta belli causa uideretur. Ceterum binis utrinque eodem modo constitutis castris, binæ quoque classes accedebant. in Austriana erant biremes ulgintiquatuor, maiores minoresq; Nasadae, quarum formam nauali prælio ad Strigonium facto supra retulimus circiter octoginta, onerariæ uerò naues, & magni lintres paulominus centum. Turcarum uerò classis omnis generis nauigijs dimidio minor censebatur. Hanc tortuosi littoris cubitus in altum exporrectus effecto intus latissimo sinu, opportunè ab hostium tormentis protegebat, pari quoque ratione prominentis ripæ. Austriana in altero consimilis profluentis flexu, deligatis ad ripam proris tutissimam stationem obtinebat, actuariæ autem obiectu parue insule tegebantur. Nam Turcæ proximam huic Cepellianam insulam è regione castrorum occuparant, in superioreque parte, ubi Danubius ueluti rostro scinditur, munitionem erexerant, indeque paribus tormentis parue insule aggeres, & commeantia nauigia diligenter infestabant. Cepellia quadraginta amplius millibus passuum in longitudinem extenditur, pagis edificijsque referta, ac ideo opportuna, ut si eam ab initio Rochandulfus, sicuti iudicabant

Hun-

Hungari, occupandam muniendamq; suscepisset, appareret Turcas nequaquam castrametandi facultatē habituros, aut omnino relicturos classem, si ad occidētem ubi antea Rochandulfus constiterat, magno circuitu castra ponere uoluissent. Quid enim eo consilio insanius, ac exitu calamitosius amissa classe Turcis accidere potuisset? sed nemo uel exactē prudens cuncta prouidet, quum euētus supra cladis incommodum infelicibus reprehensionis etiam grauem notam relinquat. Non putabat enim diuidendas esse copias, priusquam noua ē Norico auxilia superuenirent, quum frequentibus praelijs et graui autumno ingruentibus morbis, uehementer attenuata nequaquam Turcarum numerum adaequarent, et Budenses totis copijs diuersoq; latere ad omnes Turcarum motus erupturi uiderentur. Pugnabatur quotidie minutis praelijs circa planitiem ab equitata, et ad superiores munitiones ac in monte ab extraordinarijs peditibus. Nam Mahometes Bassa praeter sagittarios Asappos, egregiam etiam Ianizerorum manum, et Belgradensis Illyricos et Triballos adduxerant, sed equites utrinque pari alacritate pugnae ciebant, quum promptissimus quisque aut paulo nobilior eques, ad ostendendam uirtutem ex aduersa acie parem sibi eum, qui armis ac insignibus conspicuus obuersaretur, ad singulares concursus prouocaret, usque adeo iucundo pugnae genere ut militari comitate per aliquot horarum inducias, cessantibus bona fide sclopettarijs, ut uera uirtus emineret, hastis tantum et gladijs certaretur. In his exercitationibus Germani saepius inferiores Turcis euade-

bant, utpote qui robustis atque prægrauibus equis ac ob id statariæ præsertim pugnae assuetis more gentis uterentur, quos si procurrere, aut deniq; refugientem hostem confectari uellent: segnius omnino quam oporteret incitarent, & tum facillimè eludendo breuè eorum impetum, Turcæ agiles è manibus elaberètur, nati scilicet ad liberas excursiones è uetere disciplina, in qua celeriter insultare, ac euitandis ictibus equorū cursum inflectere, reuertiq; demum, & cum dispersis cominus pugnare consueuerunt: sed similes edocti artes Hungari exules paribus armis ac animis uel multo plures Turcas facillè sustinebant, quum latis protecti scutis, ualidisq; pariter ac pernicibus equis insidentes loricati galeatq; magna ex parte Turcarum inanes hastas sagittasq; contemnerent. Erat inter Germanos duces insignis Raisciachus Sueuus: huius filius impiger adolescens, quū ignaro patre in aciem prodisset strenuq; decertans spectante ante alios atque admirante uirtutem patre, à cunctis uel ignotus effusè laudaretur, priusquàm se explicaret à circumfusus hostibus est interfectus. Tum uerò Raisciachus casu equitis uehementer commotus, ignarusq; suæ sortis, conuersus ad alios ducès, omni, inquit, laude perornandus uidetur hic quisquis sit equitum longè fortissimus, ac omnino publici funeris honore tumulandus. Id quum ab omnibus pari pietate probaretur, infelicis filij ad longè misserrimum patrem cadauer est relatum, uerioresq; tum omnibus oborte sunt lachrymæ, sed in patre repetimus dolor profundius ad uitalia peruasit: atq; ita ille paulò post, quum regentibus oculis stetit nihil effatus, interijt.

terijt. Exinde Rochandulfus graui edicto quenquam
 pugnandi causa castris exire uetuit, adeo seuera lege,
 ut unum atq; alterũ egredi pugnareq; ausum in furca
 suspēderit: continēdos enim milites existimabat, quòd
 Germanicus equitatus omnibus rebus esset inferior: q̃
 Iannizeri scloppettarij mirificè pugnarent: quòd ex-
 pectare nouas copias oporteret. quæ res adeo suorum
 animos imminuit, & Turcarum spes in immensum
 adauxit, ut contemptius ac insolentius Germanorum
 munitiones aggredi auderent, ac intra castra proxi-
 mos uallo, sagittis & glandibus uulnerarent. Germani
 siquidem quum castris perducerent fossam, imperitè
 excauantes ac exterius omnem glebam proijcientes,
 alterum propè aggerem, intercedente fossa, hostibus
 utilem effecerant. Inde enim superiore loco improuisi
 nec plane conspecti in stationem iaculabantur. Solæ
 Pereni turmæ ab editioribus castris sepius in comme-
 antes à Buda Turcas erumpebant, ita ut paucis tantũ
 insidiarentur: & quum Turcæ aut Valentini equites
 ualida manu urgerent, intra munitiones & ad maio-
 ra castra se reciperent. Iam transierant multi dies ab
 aduentu Mahometis, magisq; ac magis Turcis atq; Bis
 densibus animi uiresq; crescebant. Porro apud Au-
 strianos, ad non dubiæ cladis omen, debilitata uirtus,
 attrite uires, inexplicata consilia, & deniq; quo uno
 subsidio res humanæ bellicæq; præsertim constant, spes
 fractæ uisebantur: sustentabant tamen animos frequen-
 tes literæ Ferdinadi, per amplaq; existimatio Cæsaris,
 nequaquam in eo rerũ discrimine fratri germano co-
 pijs atq; pecunia defuturi, atq; ipsa demum ducis con-

stantia, quæ apud eum omni ratione potior erat, ut inde celerius in sua fata traheretur. Eo modo quum utrinq; quotidie tormentis maioribus atq; minoribus certaretur, Turcæ ab editioribus locis & è proximo Cepellæ promōtorio conspicati segnes in insula Germanorum stationes, communicato inter se consilio, ut è duobus castris uno tempore diuersas hostium munitiones inuaderent, inalbescente cælo, in insulam cum expeditis nauigijs aduolarunt, adorti q; magno silentio semisopitos penè priusquàm sentirentur, aut sese Germani captis armis conglobarent, supra sexcentos milites trucidarunt, reliquis uerò ex repentina clade tantus incidit pavor, ut quum perfrugerent in castra, nec perturbatos angustię pontis facillè caperent, multi utrinq; decedentes profluente mergerentur, transeuntes uerò, è Barbarorum classe, quæ in aduersum pontem proras adegerat, confixi sagittis interirèt. Tumultuatum est uehementer totis castris, quum Turcæ pluribus simul locis, magno clamore edito, & ingēti strepitu tormentorum munitiones inuasissent, pari q; metu atque periculo, à reliquis Germanis Bohemisq; ac ipsis Hungaris desperato penè subsidio certaretur. Sed ad recuperandam insulam, neq; his Germanorum cohortibus, quæ in extremo ad flumen aggere in statione consisterant, neq; socijs naualibus, aut expediti consilij celeritas, aut presentis animi magnitudo defuit. Nam cohortante Herbestulfo castrorū magistro, ne à Barbaris Christiana signa atq; tormenta rapi paterentur, Marioq; simul Neapolitano, qui tum classi præerat, biremes maioresq; Nasadas propugnatorib;

plenas

plenas ad insulam appellēte, tanta ui Turcis cadauera
 spoliantibus, ac, ut tormenta capta protinus aucherēt
 ad naues propellentibus, incubuerunt, ut trucidati cō-
 pulsiq; in naues, ac à terra simul & à circumfuis bire-
 mibus profligati, tormenta simul ac insulam uictori-
 bus aquata clade reliquerint. Ferunt ea die Barbaro-
 rum classē deleri potuisse, si nostri uictoria utentes,
 adiutiq; secundo cursu atque impetutanti amnis, in
 puppes fugientiū rostratas proras adigere, cōmixtiq;
 descendere uoluissent. Sed tormenta, quæ in ipsa Ce-
 pellie fronte, & in aduersa castrorum ripa à Turcis
 erant constituta, anceps omnino descenditibus peri-
 culum ostendebant: facile enim multa demum post cō-
 fectum subitæ rei certamen animaduersa sunt, quæ in
 ipso commoti discriminis articulo opportunè proui-
 deri non poterant, quum uel expeditis atq; fortissimis
 ducibus, plerunq; consilium ac mētem repentini casus
 eripiant. Barbarorū tamen Nasade quatuor demerse
 sunt, & tres captæ, multiq; in eo tumultu aut tormētis
 discerpti, aut absorpti flumine perierūt. Herbestulfus
 ipse, quū ante signa fortissime dimicaret, tribus sagit-
 tis per apertam galeam receptis grauitèr uulneratus
 discessit. Sequentibus autem diebus Turcæ, tametsi ulla
 in parte munitiones expugnare nequuerant, propu-
 gnaculoq; Bohemorum semicapto inde multis acce-
 ptis uulneribus expulsi fuerant, magis tamen ac magis
 trepidatione nostrorū alacriores facti, tanto contem-
 ptu ex omnibus locis laceffendo prouocandoq; insisti-
 bant castra, ut nullum ferè quietis spatium succeden-
 tibus in stationem cohortibus relinquerent, & nostri

diu castra se tueri posse, crescentibus præsertim hostiū
 copijs atq; animis desperarent. Nam Vstrefus Bassa à
 Belgrado recetēs quotidie milites, receptis ad se ægris
 atq; saucijs suppedibat, & Valentinus adiuncta sibi
 delecta Turcarum manu Ianixerisq; sclopettarijs, è su
 perioribus castris Perenianos equites depulerat, occu
 patoq; Gerardo mōte ad eum usq; locum, ubi ingēs li
 gnea crux erecta cōspicitur, multis hostiū stratis ita
 peruenerat, ut auersa castra ad Aquariam turrem uer
 gentia audacter inuaderet, magnusq; totis castris tu
 multus oriretur, quum nostris undiq; circumfiso hosti
 esset repugnādum. Sed præter singularem Germano
 rum Bohemorumq; in omni labore atq; periculo per
 seuerantiam, magno usui fuerunt Pestanorum tormen
 tā, quibus Valentini copiae intercedente Danubio pete
 bātur, sic ut plerosq; equites libratīs ad descensum ma
 ioribus colubrinis interficerent, & reliqui in tutum se
 recipere cogentur. Ferunt ea die Valentinum nihil
 Hungaris* exulibus, sed Germanis maximè insensum,
 certo iure priuatæ humanitatis ac amicitie, per fidum
 equitem Pereno suasse, ut se Hungarosq; omnes fe
 stinanter imminēti clade eriperet, quoniam bellua in
 gens, quæ uniuersos uno hiatu deuoraret aduētare nū
 ciaretur. Solymanus enim cognitis rebus, quæ à Cesa
 re Ferdinandoq; pararentur, ratus eos ad Budam cum
 magnis copijs descensuros, statuit tātæ occasionī, quæ
 nobili prælio, gloriosēq; uictoriæ casum aperiret, ma
 gnis itineribus occurrendum. Itaq; Perenus apud Ro
 chandulphum ducesq; liberè locutus, quæ accepisset
 retulit, testatusq; est, nisi de receptu decerneretur, sibi
 atq;

atque Hungaris ad salutem esse consulturum. Quum
sententia uariarent, sed omnes tamen Pestum noctu
perfugiendum arbitrarentur, unus Rochandulfus fa-
tali obstinatione pernegabat, se iniussu Ferdinandi re-
gis à Buda discessurum. Itaque Salma celeri myopa-
rone Vienneam mittitur, qui regij iudicij decretum
referat. Interim urgente metu, frementeq; Pereno, sta-
tuunt noctu silente luna quatuor comitatibus ad Pe-
stum trajicere. In primo tormenta maiora & Hunga-
ros, in secundo equites Germanos atque Bohemos, in
reliquis peditatum omnem cum castrensibus impedi-
mentis collocabant. Toti autem nauali negotio præ-
fecti sunt, qui sine tumultu transuerterent, Barcocius
Hungarus, & è Germanis Balthasar Pocanius. Neq;
enim Danubius, uti antea se facile perfecturos credi-
derant, perpetuo ponte iungi potuit: nam eo iam cœ-
pto & penè contabulato, uis tanta uentorum & tem-
pestas oborta est, ut annis ingentibus excitatis flucti-
bus seuus, tot nauigiorum dissoluta compage, iunctu-
rarum trabes uiolenter effringeret, atq; inde magni
lintres abruptis ancorarijs sinibus, profluentis impe-
turaperentur. Itaq; primis & secundis transeuntibus
fortuna non defuit. Nam tamen si coeuntia in unâ par-
tem nauigia, Budenses Turcæq; per diem ab editis lo-
cis despectantes, id quod erat facile suspicarentur, &
uarias quisq; pro ingenio noui motus causas adduce-
ret, nihil tamen de repentina hostium fugâ provide-
bant, sed ea comitantium nauium frequentia, inten-
tos & diligenter speculantes diu nequaquam fefellit.
Nam Vsarones duo perfuge, ad Georgium Valenti-

numq; institute fuge consilium detulerunt. ab his ex-
 templo certiores facti duo Mahometes, totis penè co-
 pijs ad oppugnanda castra contendunt: tormenta cu-
 rulia producuntur, præcuntibus Ianizeris cæterisq;
 peditibus iuniores equites dimissis equis succedunt, ter-
 ribiliq; ululatu edito, stationes adoriuntur. Tum uerò
 Austrianis detecta ipsorum fuga animus concidit, resi-
 stunt tamen acriter Bohemi, paiterq; ij Germani, qui
 iuxta flumen ad insula pontem excubabant. Tumul-
 tuatur autem totis castris, et in ripa maxime, quum
 quisque pauore concepto naues conscendere, nullo or-
 dine nulloq; pudore, uel per mutua uulnera propera
 ret-cuncta enim terribiliora, uel fortibus uiris redde-
 bat nox intempesta, et nubilo tum cælo perobscura.
 Rochardulsi autè in tenebris, tantoq; fremitu suorum
 ac hostiū clamore, reboantibus undiq; tormentis, nul-
 lum erat imperium. Is tum supra agritudinem animi
 admirabili et prorsus fatali casu uulneratus decumbe-
 bat, quum fortè literas ad regem perscribenti, ex ho-
 stium castris ferrea falconis pila tabernaculo incidens
 arcamq; oppositam ictu perfringens, resilientis tabula
 fragmentum in læuum eius humerum grauitè adegis-
 set. Cæteri porrò peditum duces, quum iam transue-
 ctis equitibus felicem fugam, quæ sibi eriperetur, ue-
 hementer inuiderent, uti proprio occupati metu, nec
 publicum discrimen priuata saluti præferentes, hære-
 bant potius, quàm irruentibus hostibus repugnabant.
 Itaq; superiora primum castra, ubi Perenus constite-
 rat, à Belgradensis Valentiniq; copijs occupatur, Ger-
 mani q; toto Gerardo monte præcipiti fuga dispa-
 tur. Neq;

tur. Neque interim Budenses paratæ occasione ad intercludendos hostes defuere, quin ab Aquaria turris porta, & per eam fossam, quam à Ioanne rege perductam ad flumen diximus, confestim erumperent, & ab aduersa castrorum parte stationes iam planè desertas inuaderent, coniectisq; in hostes igniuomis globis tentoria incendere niterentur. Georgius autem tam subito quàm felici consilio ad stabula regia pabuli strues succendit, tantaq; inde late refulgens flamma repente emicuit, ut quum Danubius nitido undarum æquore igneæ lucis splendorem exciperet, repercussuq; diffusum ad Pestanam usq; ripam diurno lumini persimile euibraret, tota ea, cum terrestris tumultus, tum naualis fugæ foeda facies spectaretur. Tum uerò tormenta undiq; in fugientem classem directa contortaq; sunt, ut non solum ab Aquaria turre, summaq; arce à Budensibus, sed à binis etiam Turcarum castris, & è Cepellia, uel ad incertos ictus conturbata nauigia peterentur: tanta quoq; locis omnibus inuicta luce, Cassonus, qui classi præerat, expeditiora nauigia, remis per aduersum flumen contendens, in latus hostilis classis incitauit. Itaq; conserto nauali prælio, quum à nostris iniqua ubiq; fortuna certaretur, lintres onerarij aliquot militibus pleni capiuntur, nonnulli tormentis perforati demerguntur, repletur totus amnis cadaueribus, miserabilisq; præsertim turba nautarum & militum enatare conantium. Nam quum inferiorem munitione Ianizeri, stratis primis cohortibus perrupissent, reliquisq; Germani per pontem in insulam perfugerent, ac in tergo salcatis ensibus caderetur, honestæ mortis metu in amnis

gurgitibus turpissimam mortē querebant, quum aut
 præaltis rapti uorticibus, aut à nauigijs hostium armis
 repulsi detrusiq; crudeliter interirent. Trecentis eano
 ste nauigijs incredibili conturbatione inter se com-
 mixtis, & aliquādiu harentibus, totus penē amnis uno
 ueluti ponte constratus apparuit, sed Austriane bire-
 mes maioresq; Nasadae desperatis reb. incolumes sese
 celeriter è manibus Turcarum explicantes, à puppi-
 busq; hostes tormentis submouentes, ad Comorā ascen-
 derunt. Terrestris uerò copiae in castris eandem fortu-
 nam tulere: sed decoro maximè uitæ exitu Bohemi im-
 pauide repugnātes, & Othonis Hechijq; summi pedi-
 tum ducis cohortes, aduersis uulneribus conciderunt:
 nonnulli autem per iuga Gerardi montis euadentes,
 quū instante hoste ad crepidinem, quæ castris immine-
 bat, peruenirent, obscuritate & metu animos confun-
 dente præcípites decidebāt. Multi etiam à Decumana
 porta, quum Budensibus occurrerent, & quisq; hostiū
 uario ingenij habitu clementiam aut crudelitatem exer-
 ceret, cæsi aut seruati sunt. Vbi uerò sol oriens nostrō-
 rum stragem Barbarorumq; uictoriam detexit, circi-
 ter tria millia hominum omnis generis, quæ acclini-
 tulo more militiæ sese ad Gerardi templū erectis ue-
 xillis conglobarant, à circumfusa multitudine truci-
 data sunt: eorum tamen pars ferè tertia, quum proiectis
 ad terram armis salutem peteret, deditionem fecit, ut
 maiore demū uitæ ludibrio, ad spectaculum ipsa mor-
 te turpius seruaretur. Eodem quoq; tempore Cassonus
 uictrice classe ad Pestanam ripam delatus, tantum ter-
 rorē his qui euaserant, tueriq; incenia facillè poterant,
 uel

uel solis clamoribus & tormentorum bombis intulit,
 ut equitatus trepida fuga, quum se portis effunderet,
 in angustijs affligeretur. Usque adeo enim Germani
 pristinae uirtutis obliui, ad Turcarum nomen trepida-
 bant, ut quum in nauigijs linteata capita conspicerent
 relictæ mensarum argentea supellestiles, ac omnibus
 charissimarum rerum sarcinis & curribus desertis, at
 tonitru inermesq; profugerent. Hæserunt tamen Vsarones
 Hungari, apud quos omni metu mortis præda auditi-
 tas præualebat, diripiendis mercatorum tabernis occu-
 pati: nam omnis merchimonij nobile ac opulentum em-
 porium Pestu fuerat institutum, confluentibus scilicet
 undiq; mercatoribus in tutam sedem muniti commo-
 dissiq; oppidi, quod extra belli periculū, militaresq;
 tumultus, modico faciliq; traiectu castris iungeretur.
 Cæterū Cassonus nemine mœnia aut portas defenden-
 te protinus irrupit, prædantiumq; aliquot cæcidit.
 Tanta autem feritate peruagando oppidū, Christiano
 cruore letatus est, ut ne agris quidē, quorum magnus
 erat numerus, & foeminis lixarum more Germanorum
 castra sequi solitis parceretur: omnes enim promiscuē
 Barbari trucidabant, nisi quos aut ad seruitutem for-
 ma & robur, aut teneræ ætatis flos, ad spem libidinis
 reseruarent, ita ut eo bello supra uiginti millia Chri-
 stianorum capitum uarijs casibus interempta tradan-
 tur. Capta autem sunt Pestu & in castris, insulaq;, &
 in nauigijs in ripam nondum exposita exactæ pulchri-
 tudinis muralia tormenta triginta sex, minora autem
 quæ canterijs & curribus imponerentur, centum &
 quinquaginta. Porro tormentarij pulueris pilarumq;

ferrearum ac armorum atq; telorum, & parati com-
 meatus in totam hyemem, adeò ingenti copia potitus
 est hostis, ut ea præda multo maxima pars uictoria
 Barbarorum æstimatione censeretur. Sed nostri, qui
 iudicio prudentiaq; ualere, nihil uel tantæ opulentiæ
 iacturam, quando sarciri instaurariq; mediocri pecu-
 nia posset, reputabant: quum uerum detrimentum, ac
 insanabile susceptum uulnus, uel tacitis animis agno-
 scerent, quo Germanicæ uirtutis ac disciplinæ existi-
 mationem, inuiolatam antea Romanis imperatori-
 bus, una atq; altera ad Exechium, & Budam, pudenda
 Christianis omnibus fuga, sine uulnere hostium peni-
 tus amississent. Ipse autem Rochandulfus, quum expu-
 gnata munitione medijs in castris pugnaretur, & cõ-
 cidi in tabernaculo quàm tantæ cladi superesse mal-
 let, uel renitens & fremens, à medico, cubiliq; præ-
 fecto, qui iacentem deferere nolebant, sublatus na-
 uiculæque impositus, ad Comaram insulam ascen-
 dit, atque ibi paulò post, Samario in uico, uul-
 neris ac animi dolore extinctus, funestam
 diræ obstinationis atque superbiæ
 suæ memoriam Germaniæ
 populis reliquit.

PAULI

PAULI IOVII NO-
VOCOMENSIS EPISCO-
PI NVCKERINI HISTO-
riarum sui temporis.

LIBER XL.



T Solymanus, qui maioribus,
quàm unquam antea, confectis
itineribus aduentabat, ubi de
suorum uictoria certius cognouit,
institutam properandi diligenti-
am remittens, quintis ca-
stris Budā peruenit. Nam tanta
celeritate contēderat, ut pratoriana cohortes, præter
eorum disciplinæ consuetudinem, festinantis equita-
tus cursum adæquare cogerentur. Cupiebat enim in-
teresse prælio, neq; Augusto mēse uolebat excludi, qui
mensium omnium, occulto quodā auspicio, sibi in pri-
mis patriq; Selymo militiæ felicissimus extitisset. Nana
& magnum Hysmaelem in Calderanis campis, &
Campsonem Saurium Memphiticum regem ad Sin-
gam, & postremò Ludouicum atq; Hungaros ad Mu-
gacium ultimis Augusti diebus acie deuictos memora-
bant. Quū & pleriq; duces eodem etiam mense à Ba-
iazete Methonem expugnatam meminissent. Consedit
autem in aduersa ad Budam ueterem regione, offensus
odore cadauerum & fœditate annis tot corpora per
omnes ripas euoluentis, ut purius atq; nitidius aquare

tur, & Strigoniensibus ex propinquo terrorem incuteret: nam Tartarorum agmina magno à castris intervallo præcurrere solita, ad Vicegradum extendebantur. Victore itaq; exercitu ad se traducto, atq; unis omnino munitis castris, ante omnia utrunq; Mahometem impensè collaudat: sed Belgradensem, cuius eximia uirtute consilioq; sine iactura militum administratum & confectum bellum fuisse didicerat, totius Græciæ equitum magistrū dicit: alios pro merito adauctis stipendijs ditat, uel ad præfecturas prouehit. Exinde captiuos produci iubet, erant circiter octingenti, qui prælongis uincti restibus, ante ora ducū instructosq; ordines ludibrij causa traherentur. ex his notos duces nobilesq; aliquot, quibus parceretur, delecti sunt, & ante alios Balthasar Pocanius, quem funesta ea nocte, transuehendis copijs præfuisse docuimus, & Tarsus dux uetus, eo bello uigilum præfectus, reliquos ad unū omnes barbarus imperator, aliqui clementiæ laudem querens, & nunquam antea in nostros crudelior, è conspectu abductos tyronibus trucidandos dedit, trucidu & seua uoce prolocutus, talem eos omnino mereri poenā, qui quum per legatos nequaquam sincere de pace agerent, astute bellum intulissent. Eminebat inter captiuos excelsæ proceritatis Noricus miles, hunc in contemptum Germaniæ gentis, pomilioni, qui erat in delitijs filiorum, capite præalta captiui genua uix adæquanti, occidendum tradidit, ita ut indignæ necis iniuriam crudeli contumelia cumlaret, cum diu incuruo puerili acinace, per lusum risumq; cruribus prostratus uir ingens ingularetur à nano, qui

qui inter adhortationum ludibria repetitis ictibus, dum agrè perfoderet, eo spectaculo principum oculos satiarat. E captiuis autè, unus omnino Bursichius Bohemorum dux nobilis, incolumis euasit, reginæ beneficio & Mahometis indulgentia paulò ante redemptus. Patrata ea ignobili & sua cæde, Solymanus regi puero dona misit, phaleratos tres equos eximia pulchritudinis, frænis habenisq; aureis & gemmatis ephippijs exornatos, totidemq; ex auro textili regales uestes: proceribus autem Hungaris præter singulas talaris togas, aureos etiam torques. Legati, qui munera tulere perhumaniter à regina posularunt, ut puerum regem cum proceribus in castra mittere, omniq; dubitatione deposita, cuncta sibi ac filio secunda atque felicia sperare uellet. Ea enim magnitudine animi esse Solymantum, qui reges omnes non modò potentia fortunæque, sed pietate atque iustitia superaret, ut puerum, quem semel paterno iure tutela sua ac amicitia dignum omnino defendendum suscepit, comprobante demum uictoria non modò conseruatum uelit, sed amplioribus antiqui regni spatijs adaugendum existimet. Proinde cupere regiam prolem coram intueri, agnoscereq; paternam indolem, infantemq; de manu amplexandum tradere liberis suis, ut bene auspiciis renouata tutelæ inijs, perpetuo tenore cum Ottomannis firmæ ac ideo immortalis amicitia fundamenta iacerentur, ipsam uerò filie nurusq; loco incolumi dignitate semper habiturum: quòd eam autem secus ac amanter cuperet, non inuiseret, prohiberi eo humanitatis officio antiquis

Ottomannorum institutis, quibus principes suos ad alienas mulieres in alienis tectis intrare uetuisent. Porro Solymanum non usque adeo temperantia ac honesti desoris esse oblitum, ut socij beneuolentissimiq; regis filiã, eandemq; beneficiarij ac amici regis nuper uxorem, & in similem regie fortune maiestatem crescentis pueri matrem, etate formaq; florentem, in castra atq; adeo in intimũ tabernaculum admitti pateretur: ne integrum eius pudicitie nomen, quod in reginis unica & perillustri cura esset tuendum, ullis suspicionibus inuolueret. Ad ea tum regina, nõ occulto metu teneros sensus in materno affectu facile cõfundẽte, perplexẽ admodum respondit, sed monente demum obtestanteq; Georgio, ne dubitantis suspicionem leui & nihil profutura cunctatione Barbarorum animis iniiceret, puerum regalibus crepundijs exornatum carpentoq; aurato impostũ cum nutrice lectissimisq; matronis in castra misit, comitantib. cunctis firẽ proceribus, quibus dona legati detulerant. Excepẽre aduẽtantem progressẽ aliquantum è castris honoris causa ornatis sinæ turmæ equitum, & inter castrenses uias prætorianæ cohortes, illatumq; in tabernaculũ Solymanus humaniter inspexit, perblãdẽ cum nutrice collocutus, liberos suos qui aderant complecti atque exosculari letẽ uagientem iussit, certo amoris pignore obligantes, quem beneficiarium atq; amicum, quum pariter adolesecerit, essent habituri. Ii erant Selymus & Baziætes Roxolana matre geniti, aui et proau nomina referentes. Mustapham enim Circasia priore uxore susceptum, regio & planẽ militari spiritu iuuenẽm, ueluti

ueluti ablegatum ad Magnesium in Ionia praefectura
reliquerat, quum ingenio uiribusq; uigentem & non
obscurum militum studio subnixum tum plane metuen-
dum existimaret: inductus enim, uti plane uxorius,
Roxolanae blanditijs, aut sicuti plerique ferebant, per
Trongillam Iudaicae sectae nobilem magam amato-
rijs ueneficijs deprauatus, Selymum, excluso Musta-
pha, successorem imperij destinabat: quod Mustaphas
intempestiua atque nefaria cupiditate nimis sera fata
patris, aut Selymi exemplo praeventurus esse uide-
tur. Caterum Solymanus, quum Hungari proceres
cum purpuratis pranderent, certos duces, quibus an-
tea negotium dederat, per simulationem uisenda ur-
bis immixtis cohortibus Sabatinam portam occupari
iussit, usque adeo tacite & dissimulanter, ut nec custos
satis otiosus commeantis turbae spectator, portae adi-
tum alienae potestatis factum sentiret: nam quum fre-
quentes sedato passu manipulatim intrarent, multi e-
tiam ex composito, ut patrandae rei suspicionem auer-
terent, ueluti iam lustrata urbe, in castra redibant.
Eo modo plateis foroq; & compitis omnibus celeri-
ter occupatis, & nusquam tumultu edito, praetoria-
norum praefectus per regiones pronunciari iussit,
ut Budenses omni timore deposito limine se contine-
rent, matureq; si uitam ac libertatem & denique for-
tunas incolumes uellent, arma traderent. Paruere im-
perio ciues, prolatisq; armis in fidem recepti, Turcas
hospitio receperunt. Tanta autem extitit Barbaro-
rum tranquillitas atque modestia ex seueritate disci-
plinae, ut nemo hospitum asperiore dicto factioe sit

uiolatus. Tum uerò Solymanus, ubi renunciatum est, pacato & nihil resistente populo, urbem in manu esse, puerum, quanquam nox incumberet, ad reginam remisit, retentis apud se proceribus. Erant ij Georgius ipse Varadimensis antistes, arario praefectus, & Petrus item Vichius regis propinquus, Ioannis testamento tutor relictus, Valentinus quoque copiarum dux summus, & Stephanus Verbetius epistolarum & scrinij regij magister, & Bacianus Urbanus, custodie praefectusq; urbis praepositus. Ea uis impotentis Barbari inopinantibus improviso illata, singulorum animos magnopere conterruit: auxere etiam pauorem minus familiares purpuratorum uultus, uerbaq; intempestiuis querelis inuoluta. Nam perductos in confesum, tam seuerè, quàm impudenter interrogando criminandoq; iuste prope quaestioni subiecerant, ita ut grauissimarum rerum consiliorumq; omnium ratione reposcere uiderentur. At regina, ubi urbem serio doloq; occupatam, & proceres in castris retentos uidet, metu et dolore perturbata, supplices libellos ad Solymanum perscribit, orat, ut fidei datae, quam recentibus mandatis prolixè ac humaniter confirmarit, & deniq; pristinae suae lenitatis & clementiae obliuisci noli, ideoq; proceres ob egregiam fidem fortemq; operam, de se, Turcicoq; nomine benemeritos, incolumes remittat. Agit haec per Rostanem, atque eum muneribus explet. missa etiam è suo cultu corolla per insigni ex unionibus cum gemmato emblemate, quae eius uxori Solymani filiae mitteretur. Exinde per quatuor dies de Pannonia regno apud Solymanum pugnantibus

tibus sententijs disputatum ferunt: Mahometes & Vultrephus parum inter se diuersi, puerum regiae prolis, principesq; gentis, Byzantium abducēdos censebant, committendam autem Budam praefecto, non tam acriter quàm moderato prudentiq;, qui molliter imperanda indulgendoq;, Hungarorum animos seruitutis metu liberaret, conseruatisq; omnium fortunis, paulatim firendo iugo insuefaceret. At Rostanes, ingenio mitior, atq; eo, quod uti gener firmiore gratia ualebat, ab omni uel cupiditatis uel adulationis suspitione remotior, totius deliberationis summam ad decus reuocabat, quum diceret longè maximo atq; optimo principi, qui nullo unquam dedecore nominis famam onerasset, nihil omnino esse turpius, quàm contra ius & æquum susceptæ antea tutelæ ac defensionis, partem uictoriae foeminae pariter ac infanti puero fidem fefellisse. Ex aduerso Mahometes Belgradensis, qui Iahaglis uocabatur, nūquam nisi per acerbis in nostrū nomen & maximè truculentus, leniora consilia uehemèter improbat. Erat enim Turcici sanguinis patre nomine Iaha Bassa, Mahometis quondam purpurato progenitus, exercueratq; Hungarica arma per multos annos ab Illyrico limite, sub Balibeio praesertim fratre, quē Mugaciana acie claruisse meminimus, sed demum ex calamitate nostri exercitus ad Exechium, & has quoque ad Budam Germanorum infelicitate, tantam militaris consilij ceperat opinionem, ut extra ordinem, in consiliū cum purpuratis admitteretur. Is rogatus sententiam, Scio, inquit, Solymane, quum potestremo loco sentētia dicitur, dissidentis nomen inuidia

expositum uideri, neq; proinde fieri posse, quā planē
 dissentiam, quin oratio mea uestris auribus ac animis
 grauis molestaq; sit, sed non recuso uel arrogantis no-
 men, modò malignitatis & ignorantiae notam deuitē,
 dum ea recoło quæ ex usu præsentium rerum tuis cō-
 modis tuisq; amplitudini mirificè conducant. Concedi
 enim aliquid ætati meæ, & si dicere liceat, etiam rebus
 gestis, iure postulo: quū bellando dimicandoq; in Pan-
 nonia senex factus, ea de statu atq; opibus huius regni,
 ingenijsq; hominum didicirim, quæ prolata in mediū,
 magno usui esse possint, ut de hac re, quæ decreti pœ-
 nitentiam non recipit, rectissimè statuatis. Quinquies
 iam per hos uiginti annos armatus in Pannoniam ue-
 nisti, & ego non obscurus omnino aut dux aut miles,
 omnibus non modò bellis, sed prælijs interfui, puto, ut
 uindicare iniurias, imperij fines proferres, & deniq;
 optima pace potirēre: quæ certa esse non potest, nisi
 armis atq; uictoria paretur. Itaq; Belgradum infame
 domicilium asylumq; latronum immanium, & quon-
 dam funestis maiorum nostrorum conatibus nobili-
 tatum, fortiter expugnasti, quum inde Hūgari per in-
 ducias, patre tuo Parthicis occupato bellis, Mysorum
 & Illyricorum fines impunè uexauissent. Eosdē por-
 rò quintum post annum, quòd nefaria crudelitate &
 teterissimo supplicij genere legatos nostros interfece-
 rant, una acie cum rege ipso trucidasti, Budaq; poti-
 tus, ut præclarum magnitudinis animi tui, uel remo-
 tissimis nostri nominis hostibus specimen daretur, de-
 legisti ex reliquijs profligatæ gentis, quem diademate
 protinus ornares, non regio quidem ortum sanguine,
 & nullo

et nullo hercle alio merito cognitum, quàm q. dudum
et priuatus et publicus hostis extiterat, qui ualidif-
simas cōtra te è Transyluania adducens copias, fratrē
uirum ipso fortiorem gladio nostro interfectum ami-
sisset. Exortus est demū nouus hostis rex Noricus, qui
Hungarum beneficio tuo regnantem expelleret, atq;
ita aduersus Germanos tertium bellum suscepisti, usq;
adeo uehemens, ut reducto statim rege fugatisq; hosti-
bus, non modò Viennæ moenibus, sed interiori etiā
Germaniæ terrorem intuleris. At biennio uixdum
exacto, idē rex neq; pacem pati, neq; bellum ferre so-
litus, quū præsens Caroli fratris opibus inniteretur,
Budamq; nostro defendente præsidio frustra oppu-
gnasset, te iterum exciuit, iniurias cadibus ac incēdijs
uindicantē, quod tuæ dignitatis esse statuebas, cū tueri
armis, quem inusitata liberalitate regem effeceras, ma-
ximeq; optares cum duobus fratribus de occidentis
imperio, nobili pugna edita, decertare. Sed illi, quum
urendo uastandoq; auita eorum regna percurreres,
aduentantis fremitum non tulerunt, secutaq; demum
pax est inter Hungarum atq; Germanum te indulgēte
probanteq;, quum aduersus Persas ire properares: sed
eam Germanus ita fregit, ut nisi ego ad Exechiū delecto
ingenti eius exercitu, perfidiam opportunē uindicas-
sem, tu omnino Babylone accersendus uiderēre, sicuti
modò Byzantio, multis itinerum superatis incommo-
dis, aduolasti, ut nobis maturam opem ferres, daresq;
supremam operam, sicuti planē sperauerim, ut rebus
in Pannonia firmissimē constitutis, tot laborum ac
sumptuum incommoda, pro alieno cōmodo quinque

suscepta, finiantur. Nisi uti uideo aliquos optare, nunquam tibi tutelam hanc pupilli & uiduæ censes dimittendam, infiniti scilicet laboris atq; periculi plenam, cui par pretium non sit ea gloriæ species, quæ animo tuo excelsio honestiq; semper decoris auido, ab his uti arbitror, nimis sapientibus obtenditur. Verum hanc, uti planè rudis, sapientiam gloria redundantem non intelligo, quæ in ipso cursu uictoriæ neruos elidit, nec in castra à peritis imperatoribus unquam admittitur: quo fit, ut te maioribus tuis, qui duo de uiginti regna in hoc imperium contulerunt, quum feliciore omnino cupiam, sapientiore esse nolim: quid enim insipientius dici potest, quàm semper esse stultum? hoc est aliena curantem, sua omnia, salutem, opes, dignitatem, in discrimen sepius deuocare. Satisfecisti, uti arbitror & cumulatè quidem officio pietatis & fidei, atq; etià gloriæ, si ea potius mansuetudine, clementia, lenitate, quàm inuicto consilij robore, pertinaciq; uigore militaris animi comparatur. His enim instrumentis ardēs semper & inuicta uirtus Ottomannos prouexit & extulit. Illæ autē, ut mihi uidentur, adumbratæ laudis imagines, otiosorum & desidum regum animos delectent, armatis certè nunquam maioribus tuis, nisi post debellatos hostes, triūphosq; actos, ac erecta trophæa placuerunt. Sed hæc arbitrio iudicioq; tuo, cui maiora ingenia concedunt, tribuantur. Ego, certè, si bellorum casus & non incerta rerum momenta longè prospicio eam minimè, quam animi libido suadet, consilij rationem sequar, quum ipsa, quæ cunctis rebus dominatur & me uehementer urget, multo meliorem necessitas ostendat.

ostendat. Ante omnia Hungari, ut ipsis minimè confidamus, præclare nos admonent, quum rapinis, transfugijs, atque perfidia infames, inter se dissentiant, nec eorum exules desint, qui Germanos concitent, & cōtinenter bellum gerant: reginæq; item & pueri opes infirmæ, quæ tantæ esse non possunt, ut præpotentem propinquumq; hostem sustineant. Necesse ergo erit alienū regnū nostris tueri auxilijs, quæ minora iusto exercitu, sine magno nostro discrimine detrimentoq; adduci nequeunt. Magnis porro, uti solemus, peditatu, tormentis, classeq; instructis exercitibus, singulos per annos, tanti itineris & laboris expeditionem suscipere, extremæ dementiæ opus uidetur. Neq; enim ex Ottomanici nominis dignitate putauerim, quotannis ad plorantis petentisq; open fœminæ preces comoueri, nisi arma sustinere quàm inferre utilius atq; nobilius putes. Itaq; censeo hoc regnum, uti iure belli toties captum defensumq;, more maiorum in prouinciam redigendum, reginam patri remittendam, puerum alendum Byzantijs intra septa regiæ, nostrisq; legibus imbuendum, procere necandos, euertendasq; eorū arces, ac ex omni regione familias insignes, quæ ferociores spiritus gerant, in Asiam traducendas: reliquam porro multitudinē, quæ agros colat, atq; urbes inhabitet, impositis præsidijs conseruandam. Hoc uno siquidē decreto Solymane, & Hungari se perdomitos intelligent, & Germani, nisi temerè utique ac infelicitè de Styria atq; Austria dimicare uelint, Pannoniæ finibus abstinebunt. At Solymanus, priusquàm de re tanta decerneret, sacrificandum ratus, tertio calendæ

Septembris, qui dies Mugaciana uictoria erat insignis Budam cum liberis intrauit, delecto celebri templo, quod Deiparae uirgini erat dicatum. Illud enim antea sacerdotes Mahometano ritu expiantes, diuorum scilicet nostrorum sublati altaribus, imaginibusq; deletis, Deo maximo consecrarant. Nec multo post eo tempe ramento decretum edidit, ut singulorum sententias appositè moderatus, parem omnino uiam securitatis simul ac dignitatis tenere uideretur. Budam enim Turci co praesidio custodiendam censet, reginamq; obiter monet, ut aequo animo urbe atq; arce excedere uelit: ipsa enim cum puero ultra Tybiscum in Lippa regnaturam, regione admodum pacata atq; opulenta, & quod non mediocri etiam solatio esse possit, Sigismundi patris finibus propinqua, donec Stephanus puer agnoscendo regno feliciter adolescat. Eosdem porro cum tutores atq; nutritios habiturum, Vichiū quoq; Temesuaren sis praefecturae Sanzachum maxime illustrem atq; potentem fore, Verbetium uerò senem, uti legum totius regni urbanarumq; rerum peritissimum, Budae Hungaris ius dicturum: se uerò daturum comites è praetorianis alis, currusq; & sarcinaria iumēta, quibus mundus muliebris, gazaq; omnis regia in Lippam auherentur. Itaq; regina uel cū lachrymis et tacito gemitu, tyranni perfidiā detestata, sed tum necessitati dissimulanter cedēs, arce atq; urbe excessit, ea à Barbaris imposita lege, ut tormēta aenea, & quicquid militaris instrumenti armamentarijs inerat, & cōmeatus in horreis omnino relinqueret. Proceres quoq; unā profecti sunt, qui tametsi peracerbo rerum euentu tristes incedebant,

debant, recepta tamen libertate saluteq; de qua per triduum desperarant, perquam effusè letabantur. Solus omnium Valentinus antiquum Barbarorum odiū presenti perfidia sensit, in castris sub custodia retētus, quod circa Balatonem lacū praeualidas opportunasq; arces obtinebat: quod nouē ante annis ad Neocricum uti memorauimus, in profligatos Cassoni equites crudelissimè deſcuiſſet: quod uir ingenio maximè pugna ci, indomito, liberali, Hungarorum multitudinem militandi studio sibi deuinctam, quò uellet impellere posset. Eius enim uiri uirtus spectata militiæ, cum Turcis omnibus, tum ipsi maximè Belgradensi, qui eum ambiguis criminibus obiectis, odiosum reddiderat, omnino formidāda uidebatur. Emanarat quippe fama, neminem ex Hūgaris exulibus equitibusq; Germanis euasurum fuisse, nisi Valentinus Perenum hostium ducem, ut sese imminenti clade cum suis celeriter eriperet, opportunè monuisset. Neq; id ille uel captus pernegabat, quum generosa et contumaci fronte, idē semper se facturum fateretur. Quid enim, inquit, nobilius esse potuit, quā nostræ nationis auxilia, quæ cognationis et sanguinis priuatæq; beneuolentiæ necessitudinē includant, externis uerisq; hostibus detraxisse? Vt hi scilicet minore nostro cū periculo uincerentur, et illi clade erepti superessent, qui ad referendam gratiam insperati, ac ideo insignis beneficii memoriam retinerent? Egit tamen regina sedulò, quanquam proprio mœrore occupata, ut Valentino libertas impetraretur, et id quidem à Rostane per Agorchū Sigismundi patris legatū, uirum inter Sarmatas genere et bellica

laude illustrem, qui uictoriam de Germanis partam gratulatum aduenerat. Sed id tantum humaniter est impetratum, ut Solymanus, quum nihil Valentino se nociturum promitteret, non incertæ libertatis spem præbere uideretur. Dum hæc Buda fiunt: Ferdinādus belli euentum Viennæ expectans, ubi suos fœdē profligatos, & ducem mortifero ictum uulnere in Comarā euasisse, aduentareq; Solymanum didicit, Leonardum Velsium, quanquam seua diuturni morbi tabe afflictū quod paulo ante non infelix dux oppugnande Bude consilium improbat, in Comaram descendere iubet, qui reliquias fusi exercitus excipiat, fugientes undiq; sistat, spēsque auxiliorum com meatus atq; stipendij territos, & rerum omnium inopes confirmet. Optimum quoque ratus uictori Solymano moram iniicere, qui Viennam usque repentina incursione peruasurus esse credebatur. Legatos ad eum mittit, qui oblati nouis conditionibus pacem peterēt: ij suere Nicolaus Salma, quem felici sua sorte, pridie quā castra à Turcis caperentur, ab exercitu legatum ad regem missum fuisse docuimus, & Sigismundus Lithestanius præclara nobilitate togatus senex. Tulere munera, excelsum Germanico more ex auro poculum, lectissimis exornatū gemmis, eruditæq; insuper admirationis argentæa machinam, in qua non horariū modò spatia, sed erratium etiam syderum motus, mēstruiq; Solis ac Lunæ coitus, exactissima ratione monstrabantur, intus scilicet tentatis rotis certisq; ponderibus, admirabili momento, uel in multum eum minimissimas temporum mansuras di pensantibus, quum inter celeres tardosq; orbes, in
tam

tam uario inæqualiq; polorum ordine, audaci quadã
supremi motoris æmulatione cuncta congruerent. Ea
à peritissimis astronomis excogitata perfectaq; Maxi
miliani Caesaris fuisse dicebatur, cuius ingenium, no
bili semper studio, nec deterrente unquã sumptu, rara
atq; admiranda concupiuit. Caterum legatos appelle
tes egressosq; nauigijs Cassonus oblati equis quibus
ueherentur, in castra perduxit, deditq; eis cõspicuo in
loco tabernacula picta, eximijs tapetibus cõstrata: mis
saq; sunt à Rostane castrensium lauitiæ munera, uinumq;
in primis nobile, tam ipsis lege uetitum quàm nostris,
Germanisq; præsertim expetitũ. Purpurati postero die
dum Solymanus non procul in prætorio pranderet, le
gatos prandio exceperant, ita ut in gratiã nostri mo
ris non in solo, uti solent, collectis cruribus, sed altio
re in mensa cathedris humilioribus purpura cõtectis
sedentes unã discumberent: solus Belgradensis extra
ordinem uirtutis ac ætatis honore admissus in pului
no infra purpuratos assedit. Legatorum uerò comites
ex singulis nationibus iuuenes generosi spectandi stu
dio famulantes, apud tetrarchas epulati sunt, numero
quadraginta sex. hos Turcico nomine Sanzachos uo
cāt, hoc est signiferos, quod militari cum imperio pro
uincijs præsent: singulis enim pro insigni, equina cau
da hastæ præfixa ante tentorium figitur, prodeuntiq;
in aciem sericis demum uexillis uario colore turmas
atq; alas distingentibus, illa eadẽ passis crinibus niuea
cauda præfertur. Epulæ Barbarorum è Danubio fa
cile potantium una oriza unisq; omnino ueruecinis
carnibus cœptæ finiteq; sunt, adeo simplici astricq;

apparatu, ut non obscure nimiam luxuriam nostris
 exprobare uiderentur, qui mensarum decus, quo uno
 præcipue nobilitate ac insania ostentamus, nequaquam
 naturæ desiderio, sed immensa gulæ libidine diffiniant,
 ut obiter non sit mirum, eos consilio atq; armis inui-
 ctos & semper uictores euasisse, quum talem uolupta-
 tem, quæ in hac nostrarum gentium uita longè potissi-
 ma censetur, uti capitalem bellicæ uirtutis hostem do-
 mi & foris penitus abdicarint. Igitur remotis mensis,
 legati ad Solymanum sunt introducti, ita ut singulos
 bini purpurati in medio arreptis brachijs, quadâ ho-
 noris specie sustentantes ad dextræ osculum perduce-
 rent: neq; enim Turcæ externos homines ad tyrannum
 aliter admittunt, quàm ut sinum scrutentur, an ferrum
 sub ueste lateat, implicatisq; eo modo brachijs commo-
 uende manus potestatem facinus ausuris dissimulanter
 eripiant, quanquam & assidenti in thoro circumposita
 parataq; ad manum clypeus cum acinace clauaq; fer-
 rea, ac item arcus & sagittæ cõspiciantur. Illata quoq;
 est illa machina succollantibus duodecim seruis, quæ
 Solymani animu & Barbarorum oculos admiratione
 compleuit. Adduxerant enim artificem, qui solutis ma-
 chine fibulis interiora admirabili rotatione circum-
 acta repanderet: is libellum quoq; detulerat, attritæ
 uel luxatæ maximè remedia continentè, tradentemq;
 præcepta, quibus tot orbium cursus nunquam interi-
 tura ratione regeretur. Ea enim ingenij subtilitate So-
 lymanus fuit, ut non modò sacris literis, quibus super-
 stitionis suæ leges continentur esset eruditus, sed astro-
 nomie cosmographieq; præsertim curiosè operam

daret:

daret: Hammone medico ex Bætica oriundo perdo-
cente, quum uir acutus singulas terrarum regiones, si-
nusq; maris in membranis depictisq; orbibus demon-
straret, ut inde regius animus per ocium utili & per-
amena delectatione caperetur. Petebāt legati, ut Pan-
noniæ regnū Ferdinando concederet, iisdem ferè con-
ditionibus, quibus id paulò ante Byzantijs Laschus pe-
tisset. Tributū enim sicuti Ioannes pendere consueffet,
quotannis se pēsūrum pollicebatur, adducturumq; in
eadem pacis ac amicitiae foedera Carolum fratrem, ut
in tergo ab omni bellico metu liber, quod maximè per-
cupere uideretur, exemplo Selymi patris ad orientem
imperij fines extenderet. Neq; enim ipsum, dicebant,
uel generosè uel rectè facturū, si Ioannem fato functū,
uel infantem eius filium, qui hæres minimè putaretur,
ulla in re Ferdinando regi compararet, quòd ille neq;
uirtutis neq; officij merito, sed alienæ fortunæ benefi-
cio sublatus, alieni iuris locum inuasisset: non cum her-
cle regem impotentibus armis ritè factum uideri, quū
nec procerum omnium consensu rex acclamatus, nec
legitimè coronatus fuisse uideretur. Præclara siquidē
iura Austrianorum principum uigere, quanquā tum
oppressa armis, eaq; aliquando ualitura, quibus freti
Pannoniæ hereditatem feliciter adirēt, nisi iniquitate
fortunæ intercepta raperentur. Cæterum dimisso an-
tiquo iure, nihil se potius habere, quo illati belli nomē
excusarent, quàm recentis initæ pacis tabulas, quibus
Ioannes solenni tot procerum aspiulatione Ferdinan-
dum regni successorem reliquisset. Illū profectò certū
iuris conscientia permotū, uel ipsum authorem defen-

foremque suae dignitatis prauiudicio uehementer offendere, quam Christiani nominis causam impie proderet maluisse, quum praeuaricatione turpissima, beneficiarij iuris oblitus, fide sacramento interposita, tam ingrater quam astute fefellisset: ut ipse qui inter reges potentia magnitudineque animi excelleret, et bello paceque, iustitiae nomen tueri uideretur, postquam ingrati hominis contumeliam neglexisset, Ferdinandum tantis affectibus iniurijs amicum et beneficiarium mallet, quam perpetuum hostem. Nihil enim ei, uel ad aequitatis famam honestius, uel ad diuturnae pacis securitatem utilius, uel ad liberalis animi laudem omnino gloriosius futurum, quam si antiquissimae stirpis regem, uirtute fideque praestantem, delectum à Bohemis, ab Hungaris exoptatum, à Germanis autem Romani imperij Caesarem designatum, summique imperatoris germanum fratrem tributario nomine Pannoniae regem appellaret. Solymanus iucundo uultu laudatis muneribus, biduo post per Ro stanem respondit, Vltimam hanc esse pacis ac amicitiae conditionem, ut Ferdinandus urbes, oppida, arces, quae in ditione Ludouici regis antea fuissent, continuo redderet, ac in posterum Pannoniae finibus abstineret: se uero, qui toties bello lacesitus, graues sumptus grauesque labores subisset, leui poena contentum fore, eam esse, ut ad conferuandum inuictae maiestatis decus, Austriae tributum imponeret, tum uero inita amicitia solenne foedus percussurum. Quod si ea conditione grauerentur, obiterque bellum, quam pacem mallet, se adnixurum continuis armis, ut Pannonico regno adempto, euastatis Austriae regionibus, uindicaret. At legati, quam

ti, quanquam ad tributum nomē tanto fastu tantaq; Barbarorum arrogantia indictum, quum summæ potentie summæq; dignitatis fratres indignè contemni quererentur, in iustam prope iram exarserant, ut susceptæ legationis propositum tenerent, afflictisq; rebus spatium daretur, inducias postularunt, per quas Ferdinandus atq; itidem Carolus Cæsar consulerentur: sed nec id impetrari quoq; potuit, quum inducias astutè peti perspicerent, quibus gerendarum rerū inclinante iam autumno uertetèq; se in iuges pluuias, occasio tota deperiret. Petiuerè demum, ut Balthasarem, Tarsicumq; duces captiuos, pretio redimere liceret: hos enim in cætenis uiderant. Ad id Rostanes respondit, eos, si pax, cæquæ dicta esset conditione pararetur, sine pretio dimissurum, porro si bellum foret, nō defuturā occasionem ut captiuorū permutatione redderetur. Licuit autē legatis circumducente monstrantèq; Rostane, opulentiam atque ordinem castrorum intueri: sed quum munimenta, quæ intra fossam clitellatis camelis perpetua serie catenatis, curulibusque tormentis constabant, atque item stationes attributæque distinctis militum generibus tentorium spatia mirarentur, silentium ante omnia per æquale atque perpetuum in tanta frequentia stupendum fuit: neque enim aliter quàm significatione manus & nutibus parati intentique milites regebantur. Solymani porro insigne prætorium, uti par erat, cunctis excelsius & sumptuosius, quū quadratæ arcis effigiē exprimeret, oculos pulchritudine & maiestate operis adimplebat: à quatuor enim angulis totidèq; medijs ab omni latere

fastigiatis pinnatisq; turribus cingebatur. Intererant ad commeandum latissimæ porticus, sic ut area in palestra modum, in medio ad domesticas exercitationes relinqueretur. Interiora quoq; papilionū uelamenta, Babylonici operis acu picta, sericiq; funes, quibus tenderentur, usque adeò elaborata pretiosaq; fulgebant, ut æstimationis nostræ modum excedere uiderentur. Adnotatum quoq; est omnium ordinum tabernaculis, tentoriola esse coniuncta, quibus latrinæ inerant, eo insitute ordine, ut nouæ scrobes quotidie fierent, repleteq; statim arena iniectâ tegerentur. In macellis quoque pariter profundæ fossæ uisebantur, in quibus lanij totius exenterati pecoris exta sedulò tumulabāt. Ita fiebat, ut castra nullo odore tetro afflata, non ad salubritatē modò, sed ad incumditatem repurgatis omni in parte regionibus, non Barbarorum, sed eorum qui militiæ disciplinam condidissent, castra censerentur, prædamnatis hac in re statuiis nostris, in quæis præter ingratam naribus atq; oculis multarum rerum fœdita tem, pestilentes enasci morbos sapissime uidemus. Legatis multiplici ueste, pecuniâq; donatis atque dimissis Solymanus Belgradensem, latè longeq; citra Danubiū Austriæ fines populari, ac incendere, Cassonum uerò uoluntarijs equitibus præpositum in Morauos, qui Marcomanni antiquitus fuerant, excurrere iussit: sed prædabundos, magno in speratoq; earum gentium cōmodo, plenis imbrib. inflati amnes opportunè morati sunt. Exinde uir Hungarus, nomine Solymanus, qui ab incunte atate bello captus Mahometis sectâ sequebatur, à Solymano Budæ cum imperio præficitur, qui

cum

cum Verbetio daret operam summa aequitate ius dicēdo, popularesq; quondā suos familiarius alloquēdo, in spem diuturnæ tranquillitatis adduceret. His rebus cōfectis, dies circiter uiginti, ex quo uenerat, Budæ commoratus, in Thraciam redire cōstituit, quod autumnales pluuiæ maturæq; hyemis frigora suberant, et magnitudine multorum annium, quibus Pannonia ex omni parte ad difficultates itinerum irrigua præcinctaq; est, intercludi posse uereretur. Ex itinere autem Laschum legatum, subuectum nauigijs liberaliter dimisit. Eum enim priuato uirtutis eius ac amicitie nomine in gratiam receptum, Byzantio secum adduxerat, sed demum noua offensus iniuria custoditum reliquerat Belgradi, quum ex speculatorum literis, Antonium Rinconem ueterem apud se Byzantiij legatum, remittente cum mandatis Francisco rege e Gallia redeuntem, in Pado amne a Cesarianis interfectum cognouisset: sed Laschus per literas præclare ostēdit Ferdinandi regis nullum esse in Italia imperium, easq; regiones Caroli fratris præsidij teneri, potuisseq; Rinconem, hostilis terræ in flumine temere nauigātem, iure capi ac interfici, quando ei tanquam exuli capitis poena damnato, quod natale solum in Hispania uertisset, ad hostesq; transfugisset, omnibus Cesaris imperij finibus esset interdictum. Sed Laschus diu eo beneficio uti non potuit, regressum enim in Sarmatiā conceptus antea uehementis oppressit morbus, ita ut pleriq; ex aula Germani, satum ad inuidiam uertentes, non tibi quidem fluentis alui uitio quo diu laborasset, sed lentis tyranni uenenis omnino sublatum contenti.

derent, quum uir ille omni uirtutis ac elegantie laude insignis, et longiore uita dignus, in ea reipublice fortuna uel ab ipso rege lugeretur. Ceterum redeunti in Thraciam Solymano, ad Drauum amnem nunciatur Stephanum Maylatum Ferdinandi secutum partes, ac ex professo Turcarum hostem, dolo comprehensum in Petri Moldaui potestatem deuenisse, pacatamq; ex omni ferè parte Transyluaniam in fidem concessisse. Eare Solymantum magnopere letatum ferunt, Maylatum enim hominem bellicosum, ingenio contumaci, regnandi cupido, pronoque ad mutandam fidem uehementer oderat, quum ab eo Gritum et Turcas interfectos meminisset, Transyluanosq; indomitam gentem ad arma natam, dubioq; bello potius quam certa pace gaudentem, ab eo concitatos perspiceret, quos moderato benignoque imperio pacare quam iusta ui ac armis subigere malebat. Sed quoniam in Petri Moldaui perfidiosi cruentiq; hominis mentionem incidimus, operæpretium putauimus, quo dolo Maylatum ceperit, et qua fortuna seuitiaq; in recuperando regno usus sit, breuiter enarrare, ut sicuti iam planè tempus nos admonet, ad Germaniæ conciliū, consiliaq; Cesaris, nihil intercisa rerū serie, opportunè redeamus. Solymano in Pannoniā contēdente, Moldauius aduersus Maylatum euocatus, uti supra memorauimus, cum Achomate Nicopolis præfecto castra coniunxerat. Erant enim præter pedites, quorum numerus more gentis erat exiguus, supra quinquaginta milia equitum: nam et suas quoq; Trāsalpinus alter Valacchus imperatas antea copias præmiserat. Maylatus multitudine hostiū circum-

circumuen
à Ferdinan
fularat, u
ter accidit
uti loco n
et bellici
ferim Gr
pijs Achor
multo tem
gnari poss
gatos ad
dedat, app
malit: cum
posse, qui
uero qua
cē daturu
fructū se
fectura, q
concupis
tutius, qu
consilium
tem, opes
nim cum
sem susti
dicaret, si
animo in
qui pacis
providet
dutione p
me equ

circumuentus imparq; uiribus, desperatis auxilijs quæ
 à Ferdinando maiore belli mole occupato frustra po-
 stularat, uti superiore æstate prementibus regijs felici-
 ter accidisset, in oppidum Fogaras confugit. Ibi enim
 uti loco natura atq; arte permunito, totius substantiæ
 & bellici quoq; apparatus instrumētum, ipsaq; præ-
 sertim Gritteæ prædæ st.olia seruabantur. admotis co-
 pijs Achomates, postquàm ui atq; tormentis non nisi
 multo temporis spatio, multoq; labore arcem expu-
 gnari posse uidet, dolo ac insidijs uincendum ratus le-
 gatos ad Maylatum mittit: hortatur, ut Solymano se
 dedat, appellariq; ab eo amicus, quàm iudicari hostis
 malit: cuncta enim ab eo prospera atq; secūda sperari
 posse, qui uel hostibus regna dono dare sit solitus: se
 uerò qua polleret authoritate apud imperatorē, ami-
 cè daturum operam, ut eius clementiæ & liberalitatis
 fructū sentiret, ornareturq; ipsa Transsylvaniæ præ-
 fectura, quam paulò ante sibi concedi tributi nomine
 concupisset: tantis siquidē copijs circumseffo nihil esse
 tutius, quā honestis conditionibus pacisci, idq; salubre
 consilium celeriter expedire, quo præter certam salu-
 tem, opes conseruet, dignitatemq; retineat. Aduentare
 enim cum uictore exercitu Solymantum, qui inanem
 spem sustinendæ oppugnationis certo supplicio uin-
 dicaret, si eius imperijs parère præferoci uel obstinato
 animo intempestiuū esse uideretur. Ad ea Maylatus,
 qui pacis atq; concordie consilia dubio bello potiora
 prouidebat, se neq; pacem abnuere, si non iniqua con-
 ditione pararetur, neq; Solymani imperia, quæ sum-
 mæ æquitatis esse consuessent, detrectare grauiter

respondit. Proinde si obsides darentur, se colloquendi causa, ut de conditionibus corā ageretur, in castra uenturum. Postulabat autem, ut filius Achomatis impiger iuuenis pro obside traderetur: id quum se facturū pater negaret, quod filius à pueritia Solymano de more dono datus, paterni iuris potestate euassisset, pro uno insignes quatuor alarum præfectos daturum pollicetur. Accepit conditionem Maylatus paratæ fraudis ignarus, magnoq; ac ornatissimo comitatu educto, Gritæas exuiuis superbè ostentans, in castra hostium contendit. Exceptus est comiter atq; magnificè: sed ex prima salutatione colloquium, ut nō incipi modò, sed cōmodè etiam finiri posset, in sequentem diem differtur: quo Moldauus notum sibi hospitem solenni epulo exceptum comprehenderet. Eo modo Maylatus feruente conuiuio in rixam arridente dolis fortuna pertrahitur: ex composito enim à Moldauī compotoribus importuni primò sermones, ac inde maxime criminosi adeo proteruè ac petulanter inducti sunt, ut uel obscuræ contumeliæ uir insolens, & natura quidem iracundus, minaci dextra gladij capulum perstringens è mensa se proriperet, ita insurgentibus conuiuiis frustra fremens, seq; proditum inelamans comprehenditur. Nec mora concursu Moldauorum tabernacula diripiuntur, comitatusq; eius omnis, qui pretioso cultu auaræ gentis oculos ad prædam illexerat, armis, equis, & denique rebus omnibus exuitur & capitur. Vociferante adhuc Maylato superuenit Achomates, tam acerbè, quàm simulanter Moldauum reprehendit, quod hosti talis mense iura cunctis intemerata gentibus, immani facinore

facinore edito subuertat, quòd ad se præstitam securitatis fidem uolet, fortissimosq; uiros Turcici nominis obsides ad necem prodat. Ad ea Moldauus, specie contemnens respondet, se graui de causa Maylatum cepisse, cumq; porro incolumen Solymano seruaturum, ad quem omnino pertineat sententiam ferre, iure an iniuria captus fuerit. Nec multò post arx ipsa libertatis obsidibus deditur, incertum metu an perfidia custodis, quòd de salute Maylati, totiusq; eius comitatus libertate sollicitus, aut nò obscure magno inductus pretio deditionem maturasse diceretur. Ita duo Hungarorum longè nobilissimi duces, Valentinus, atque Maylatus, qui uni omnium antiquū illud Hunnici sanguinis decus, intestinis primò odijs, & mox Turcarum armis foedè proculcatum erigere possent, inuidi certè armis sed perfidia decepti, in potestatem Barbarorum deueniunt. Occupatis Fogaris, Transyluani serè omnes, cōcedente demum Solymano, in Stephani pueri regis nomen inclinatis animis iurauerunt, quòd instum miteq; imperiū Ioannis patris in ea provincia per triginta sermè annos fuisse meminissent, tu lèreq; saepe dona puero fidei pignora, quum Isabella mater cum Georgio Vichioq; tutoribus in Lippa regione consedisset. Eam multarum rerum abundantem Maros annis Hercynijs saltib. effusus interfluit, præcipitiq; demū cursu in Tybiscum euoluitur. Hunc pleriq; Sergetiā antiquis uocatū asseuerāt, in cuius auersi & mox reducti fluminis uado, Decebalū Dacie regē, urgente uictricibus armis Traiano Cæsare, thesauros condidisse ferunt, quum Barbarum in ea rerum despe-

ratione se ipso crudelior, ne latebræ secreta proderentur, artifices atque operas ad unum omnes in uestigio perfecti operis necauisset. Ceterum ad confluentes Marum atq; Tybiscum, Segadino celebri in oppido, noua à Turcis præfectura constituta est, quā eo nomine salutare ominamur, si donec adolescat puer, obtinendi regni prærogatiua uideatur, quod minimè credi par est, in hac perditū uel insanientis seculi fortuna, postquam immani Galli regis & Caesaris dissidio, dum Germani cunctatores eximij, turpissimè bellū gerunt, non Pannoniæ modò regnum, sed antiuersam quoque Christiani nominis rēp. Barbaris hostibus impiè prodi conspiciamus. Ceterum de Petri Moldau ingenio, uti supra polliciti sumus, ex rebus ab eo gestis liquidius patebit, si aliqua de Valacchiæ regno, regionisq; situ, & gentis moribus, uti ignota multis, ex instituto operis referantur. In primis Valacchiæ regulos antiquissimæ stirpis ferunt repetita origine à Flacco præside Romano, qui illustri uirtutis argumento, suum nomen prouinciæ reliquerit. Ab eo enim tempore, Mysiam, quæ ultra Istrum ad Scythicas gentes extenditur, Flacciam appellari cœptā constat, quam demum corrupta sensim uoce in Valacchiam abiisse perspicimus. Apud Valacchos enim, non Romaniæ modò disciplinæ certiores mores & leges uigent, sed ipsa quoque Latine lingue uocabula seruatur. Ea gens equitatu pollet: nam quisque uel egentissimus domi equum alit, quo prædatur & militat: scuto, hasta, gladio, uti Hungari solent, & nonnunquam læcea missili, atque arcubus rem gerunt. Equi eorum pectorosi robustiq; non pernecitate quidem

dem in cursu, sed perseverantia & uiribus maxime probantur, proinde tenellis mos est nares proscindere, ne angusta respiratione fatigetur: quando nec mediocris equi sit laus triduo, uel per aestiuos soles bellicae agitationis laborem pertulisse. Deum Christum colunt, sed Graecorum ritus secuti, deceptiq; opinione, à nostris dissident. Apud eos patrum nostrorum memoria regnauit Dracula belli pacisq; artibus clarus & diu Turcarum hostis, sed ex calamitate Ladislai regis, qui ad Varnam ab Amurathe superatus interijt, certo inito fodere, tributum pendere coactus est. Ab hoc Dracula Petrus pronepos, qui hodie regnat, imperium accepit, uir ingenio quidem militari, sed maxime turbulento, crudelitateq; simul atq; perfidia infami: nam cum finitimis belli pacisq; studium nequaquam stabili fide, sed in diem occasione & commodis metitur, suaq; pariter ac aliena arma nemini unquam certus hostis, sed improuisus semper exercet. Caterum Valacchia omnis in duas partes, duog; imperia distinguitur. Altera ad meridiem uergit terminata Danubio, atq; item ab occasu Transyluaniæ fines attingens ad oppidum Seuerinum, ubi Traiani pontis admirabiles pilæ triginta quatuor, nequaquam totas obruente Danubio uisuntur. Ab oriente autem piscosum habet lacum, quem Hierassus amnis ab accolis Pruthes uocatus, efficit, suisq; demum aquis adauctum & late stagnantem relinquens, in Istrum euoluitur. Ad septentriones autem finitur Hoyna ignobili flumine, & directis ad Istrum terrestribus terminis, curuata admodum regionis fronte, contra Peucæ insulam, spargente

se tum primum in ingentes ramos profluente Istro, antiquis scriptoribus notam, quam hodie Barillanam dicunt. Hæc Valacchie pars à nostris Transalpina, à Turcis autem communi utriq; nomine, quod nigrum frumentum ferat, Carabogdana minor uocatur. Regulus qui in ea hodie regnat, regiamq; habet Ternouizam, continuo parendi obsequio Turcarum amicitia tuetur, aureorumq; nummum myriadem tributi nomine quotannis pendit, ac ea uel indecora pace perfruitur, quod impune fidem mutare nequeat, quum in opposita Danubij ripa, Seruie Bulgariæq; præsidia in antiquis Triballorum Mysorumq; sedibus spectentur. Coluit & per amplis annuis muneribus Ioannem regem cuius præsentis ope adiutus rebellantes Transalpinæ procures opprefferat. Altera Valacchie pars agrorum & pastionum amplitudine maior, armentisq; & militaribus equis opulentior, ab amne, qui mediam interfecat, Moldauia dicitur. Is ortum habet paulò infra Hierassi fontes è Transyluania montibus, quibus antiqua Dacia ad ingentis theatri similitudinem, obuersa in occasum scena, præcingitur, delapsusq; Zuchauiam Petri regiam præterfluit, atq; inde uiolentus Hoynam, Dobouizam, Argiamq; paruos sed perennes amniculos secum trahens, in Oltham effunditur. Oltha uerò, qui antiquitus Alutas fuit, non Transyluaniae modò, cuius partem ab aduersis montibus descendens rigat, sed Moldauie & Transalpinæ minora flumina in orientem reflexus, ad Nicopolim in Danubium rapit. Omnium uerò amplissimus Tyras, qui ab indigenis uocatur Nester, ab Aquilone Moldauia terminat: ortus enim

enim è Carpato Sarmatia monte, & rectà in Euxinū
 contendens, Ruſſia, Podolia, & Tartaria demū fines
 attingit. Tenuēre autem has regiones antiquitus Ro-
 xolani, Arpij, & Tauroſcythæ: ita Moldauia ad pon-
 tum uſq; protēditur, tantumq; oræ maritimæ ad orien-
 tem intercipit, quantum ab ultimo Iſtri oſtio, quod an-
 tiquis Lithoſtomū fuit, à Tyra profluente relinquitur.
 In hoc littoris tractu, Moncaſtrum inſigne oppidum,
 in uestigio Harmoniaſi antiquæ urbis conditum, Otto
 mannis paret, Moldauo multis ante annis ademptum,
 quum Turcarum arma ad expugnandum Theodoſiā,
 quæ Caſſa dicitur, in Tauricam penetraſſent. Sed pro
 Moncaſtro, quod uel ob id amiſſum uideretur, quoniā
 à Christianis Dracula ſtitiffet, Matthias rex, ut eius
 Draculæ fidem uoluntatemq; redimeret, Cizouium et
 Chechillam oppida dono dedit. Ea ſunt in extrema
 Tranſyluanie parte, qua per ſaltum Moldauia iungi-
 tur. Sed in Petro proferendi imperij libido ingens, his
 omnino finibus minimè terminatur. Cum Sarmatis in
 Podolia repentinis incuſſionibus bellum gerit, quū id
 totum, quod intra Tyram & Hieraſſum Moldauia in-
 ſeritur, ſuæ ditionis eſſe contendat, quin & Tranſyl-
 uanie quoq; animum adiecit, quum ioanne & Ferdi-
 nando dimicantibus, in cōtrariaq; ſtudia diductis pro-
 ceribus, Pannoniæ regnum alternante fortuna iactare
 tur. Conſugerat Ioannes ad Sigismundum Sarmatiæ
 regem, Ferdinandi armis Buda pulſus, & deſertus ab
 Hungaris, quibus natura mos eſt inſitus cum fortuna
 fidem mutare, q. nihil indecorum, modò utile ſit, arbi-
 trētur, nec rerum ſuarū conſilia in ſpem longinquam,

sed ad presentis commodi casus expediant. Ita Petrus Perenus, Valentinusq; Thuracus, præcipui Ioannis duces ad uictorem transierant, & ut externo regi operâ fidemq; probarent, oppida Transyluania, quæ Ioannis præsidio tenebantur, circumductis copijs expugnabant. Sed Moldauus, foedum id facinus præueriente fortuna, inexpectatus hostis in Transyluaniam irrupit, utpote qui Cizonio Chechillæq; timendum putaret: quæ oppida ab Vladislao, Ludouicoq; regibus repetita atq; oppugnata meminerat. Ferdinandu quoq; Germaniæ copijs & Caroli fratris opibus fretum, longè maximum, sibiq; obiter metuendum, Pannoniæ regem futurum existimabat: uel ob id maxime, quod Solymanus Persici belli cogitationibus occupatus, nequaquam graue bellum pro Christiano rege suscepturus esse uideretur. His de causis Moldauus Austrianos oppida passim expugnantes, non longè è Braxouio in Barzæ campis adortus, tumultuario atq; improviso pugnae genere profligauit: & quo maior & clarior uictoria redderetur, omnibus etiam tormentis exuit. Nec mora Ioannes ea hostiū clade magnopere letatus, per legatos inexpectati atq; ideo summi beneficij Moldauo gratias agit, postulatq; magnis precibus atq; promissis, ut sibi ad repetendum regnum adesse uelit. At ille successu rerum seipso ferocior, nequaquam alieno commodo uictoria utendū ratus, inuadendæ Transyluanie consilium capit, confusus maxime tormentis de hoste captis: nam aeneis atq; muralibus antea caruerat, quum exilibus & ferreis rudiq; artificio fabrefactis uteretur, quæ circa oram Ponticam nauigantibus ex-

torta,

torta, aut paruo empta pretio cōparasset. Primo itaq;
impetu Vestricium insigne oppidum occupatum est,
atq; eodem terrore pagi aliquot in potestatem sunt re-
ducti: postremò ij omnes, qui irrūpenti, denegato com-
meatu, hostiles animos ostendissent, grauib; affecti in-
commodis infesti uictoris uim atq; scuitiam senserunt.
His extemplò cognitis, Ioannes ditionis suæ iniurias
deprecatur: id nisi incepto obstat Solymani iniquo
animo laturum ostendit, sibiq; demum reddi Vestriciū
postulat: sed id quidē humaniter. Neq; enim tum gra-
uius succēdendum existimabat, ne ferocis importuniq;
hominis uim iniquissimo rerum suarū tempore acrius
exagitaret. Ad ea autem ingenio suo utens Moldauus,
amicē quidem respondere, prolixē admodum aduētus
sui causas referre, & quo demum periculo pro aliena
salute atque potentia conflixerit, iactanter enarrare.
Postremò dicere se eius animi nō esse, ut cuiquam uel
insigne beneficium obiectari uelit: uerū à regia di-
gnitate minimē alienum arbitrari, si Ioannes in uicto-
riæ præmium beneficij; memoriam id oppidum ab
se manū captum, Cizouioq; propinquum cōdonaret,
uel ipsius Solymani exemplo, cuius liberalitate Pan-
noniæ regnum acceperit. Sed paucos demum post dies
Moldauus, siue quòd supra spem ea expeditione pro-
fecisset, uel quòd Solymani nomē in ea causa offende-
re uereretur, abacta ingenti omnis pecoris præda in
Valacchiā redijt, conuersusq; demum in Sarmatas, qua
cum gente de finibus, uti supra diximus, sæpissimē di-
micabat, Pocchutiam uastabundus percurrit. Ea est
regio inter Hierassum & Tyram ultra Chamenetium

Podoliæ emporium, in ulteriore Polonica ditionis ripa, contra Zuhennam Tyre impositum. Neq; enim ueteres termini, de quibus ambigere exercendo arma, quàm ex aquo ex iure disceptare, atq; otium pati Moldaui maluit, Cheronio uado finiuntur. Id enim locus est ad Hierassi amnis traiectum longè facillimus. Nec Sarmate aduersus improuisum hostem numero equitatu ex terrore tormentorum cuncta quatientem, consistere audebant, priusquàm suorum auxilia superuenirent: sed aduentu demùm Ioannis Tharnouij, qui pretorianas cataphractorum alas adduxerat, ad Obertinũ castellum se conglobarunt. Erat Tharnouius militaris disciplinæ peritissimus, et consilij grauitate antiquis ducibus exæquandus. Moscos enim ad arcem Starodubam ingenti prælio superarat, sæpeq; Tartarorum irruptiones felici uictoria uindicatis iniurijs represserat. Is in temeritate hostis uictoriæ spem reponens, perpetuo carrorum munimento castra uallauerat, magnaq; timoris simulatione, suos continebat. Tum uerò Moldauus, qui pugnae audius cum tota mole copiarum aduolarat, ostentare aciem, pugnam cingere, exprobare imbelles animos, et circum munitiones magno clamore edito decurrere: postremò quum nemo in aciem prodiret, prolatis tormentis munimenta castrorum uerberare atq; prosternere. At Tharnouius, qui aliquandiu singulari patientia, ut in contemptum deueniret, militum ardorem monèdo obtestandoq; represserat, ubi uidet currus maioribus globis diffringi, indeq; perturbati ordines uallo proximos, grauiq; fremitu à tota acie, ne inulta ac ignobili morte cadendum foret, prælium

lium deposci, confestim ab hostiū temeritate suorumq;
 periculo erumpendi consilium capit, constanti atque
 letissimo uultu insignes quosq; equites nominatim atq;
 signiferos adhortatur, ut acerrimo impetu in latrones
 suo more contra uim fuga uti solitos, erumpant, maxi-
 mē conferti pugnent, intentisq; mucronibus inermia
 pectora perfodiant. Erant circiter septem millia equi-
 tum, quorum maior numerus fulgentibus armis prote-
 ctus uisebatur, in tres omnino acies distincta, totidemq;
 castrorum obuersa portis, ita signo dato Decumana
 porta panditur prima acies, in quam dux moris hostiū
 peritus, non temerē pugnacissimum quemq; contule-
 rat, in Moldauos erumpit: magna editur cades, totisq;
 agminibus tumultuatur: neq; enim insolentes Barbari
 tantæ uirtutis facinus Sarmatas ausuros crediderant.
 sed mox adcurrente & cohortante Petro uniuersa Va-
 lacchorum multitudo circumfusa in perrumpentes Sar-
 matas conuertitur. Nec occasione deest Tharnonius, &
 dextro enim leuog; latere castrorum duabus adaper-
 tis repentē portis, instructas ad id secundā & tertiam
 acies in latera hostium inducit: ita Moldauī inermes &
 cataphractis triplici certamine distracti circūuentiq;
 in medio conciduntur, & in fugam uertuntur, sequen-
 tibusq; per opportunē equitum uictoriam peditum co-
 hortibus, uniuersa tormenta capiuntur. Petrus ipse,
 qui acerrimē dimicando totam penē primam aciem
 oppresserat, cum globo delectorum equitum sese e ma-
 nibus hostium eripiens, suscepto uulnere profugit. Eo
 praelio Valacchorum quatuor millia cecidēre, nobiles
 uerō notiq; duces supra quadraginta capti, in quēis

fuere Clogoffetes consilij & scrinii magister, atq; item familiae praefectus, & pari nobilitate ac forma iuuenis pocillator, quorum desiderio & cladis & uulneris magnopere dolorem intenderat. Hos omnes & tormenta circiter quadraginta octo, in quibus Ferdinandi regis gentilitia insignia ari incisa uisebantur, Tharnouius ad Sigismundum regem Cracouiam perduxit, eiusq; pugna atq; acti triumphii similitudinem egregie depictam ad memoriam posteritatis in templo dedicauit. Exinde Petrus tanto accepto incommodo, amissisq; praesertim Austriani tormentis, quibus subnixus se formidandum finitimis ostentarat, aliquandiu conquiescere est uisus. ita tamen, ut Moldaua latrocinijs nihil cessarent, neq; a Transyluanis, uel ipsis quoq; Transalpinis suae gentis finibus abstererent, sed antiquo recentiq; odio Polonis infesti, in eandem Pocchutiam incurrendo praedandoq; indomita arma saepius exercebant. Quibus de causis Sigismundus, ne semper aduersus repentinas diuersasq; uagantiu incursiones iustus exercitus magno & inutili sumptu cogendus foret, inuadende atq; delende penitus in quiete gentis consilium suscepit. Nihil tamen prius conandum ratus, quam Solymani animum exploraret, quod Petrus Valacchiq; omnes in clientela Turcarum essent, quorum amicitia atq; praesidijs tuti uiderentur, Byzantiu legatos misit, qui quotidianas prope aduersum se Petri & Moldauorum iniurias deferret, ac antiqua limitum documenta literis & picturis ostenderent, peterentq; demu, ut sibi liceret, amicitia incolumi saluisq; foederibus, immaniu latronu iniurias uindicare: se nuper ea tantum poena,

quans

quam ipsi nefaria ac ob id infelici temeritate ad Ober-
tinum contraxissent, contentum fuisse, quum Poloni
facile persequendo, ac in intima Moldavia pene-
trando, profligatos cum scelerato principe ad internicio-
nem delere potuissent. Ad ea Solymanus respondit,
Ottomannici moris esse clientes suos, qui probe im-
perio & dicto audientes sint, ab externa iniuria con-
stanter tueri: eosdem porro si humani iuris obliuiscan-
tur, arroganterq; delinquant, grauiter punire. Pro-
pterea Sigismundum hunc ab se fidelis amicitiae fructum
relaturum, ut nullo suo cum labore atq; periculo ho-
stem, qui uel toties humaniter castigatus fugere non de-
sineret, merita poena multatum uideat. Oderat enim
Petrus Solymanus, uti uiolentum indomitoq; ingenio
ubi arma ualerent, cuncta perturbantem: utpote qui
Gritum ab eo abrupta fide deceptum atq; obrunca-
tum, insontesq; demum eius liberos in Moldavia cru-
delissimè necatos meminisset: sed nec tributum quotan-
nis pendere solitum ab eo Byzantium mittebatur, cuius
officij nomen adeò arroganter contemnebat, ut quum
nulla ambigua libertatis signa forti regulo preferen-
da prædicaret, se bellica uirtute immunem factum pro-
fiteretur. Stephanus quoq; per id tempus Petri ger-
manus frater, tanquam imperij æmulus, superbe domo
expulsus, detectis multis sceleribus, inuisum antea fra-
tris nomen apud Turcas infame reddiderat. Nec mul-
tò post Solymanus cum ingentibus copijs è Tracia
profectus, Istro ponte iuncto, iuxta Peucem in Vala-
chiam peruasit, cuius aduentu territus Moldauus,
quod uiribus esset impar, & à suis desereretur, curam

paucis per nemora & solitudines in fugam coniecit. In arce siquidem Zuchuae, quam munierat, obsidione ueritus se continere, aut in cāpis coacto equitatu consistere minimè ausus, errando fallendoq; insecutos hostes, in Transylvaniam cursum intēdebat, quum Transalpinus imperio accitus in id bellum à latere incumbere, & armata Polonorum manus in finibus spectaretur, diffusaq; Turcarum agmina undiq; perurgerent, & ad Ponticam oram appulsa hostium classis naualis effugij facultatem eriperet. Itaq; diu circumeundo, quum magna aliquot flumina incōparabilis equi uirtute feliciter tranasset, ad Aluiam amnem, tum maxime imbris inflatum, seuis uorticibus natandis equi uires superātem, peruenit. Erat usq; adeò lassitudine, inedia, doloreq; perditarum rerū & foede mortis metu consternatus, ut mergi fluctibus mallet, quàm ab infenso fratre, uel à Turcis ad supplicium capi. Sed hæc animo uolutanti, non defuit fortuna extremis mortaliū casibus illudere solita: oblatus enim est piscator Transylvanus, qui fortè adnota nauicula ripam subierat: ab eo siquidem magnis promissis & precibus impetrauit, ut traiceretur, atq; eo duce pedibus per syluos notosq; tramites Cizonium duceretur. In eam enim arcem, cognito Turcarum aduentu, uxorem & paruos liberos carioresq; supellectilem, ut quàm tutissimè seruarentur, paulò ante pramiserat. At Solymanus, ubi Petrum ex certis fugæ uestigijs per auias solitudines euadētem, Valacchiæ finibus excessisse fama compertum est, Moldauos in fidem recipit: eos omni timore liberat, Stephanumq; Petri fratrem Moldauiæ re-

uie regem constituit, sed quum ad ueteris tributi summam nihil adderetur, certam agri partem adimit, quæ Moncastro proxima uidebatur: atq; his confectis rebus in Thraciam reuertitur. Interea rex Ioannes ad Solymani motum excitus, cum triginta milibus equitum in Transyluaniam peruenit, in specie quidem ut studium suum ostenderet, tanquam in id bellū uires suas additurus, sed occulto cōsilio, ut prouinciæ fines tueretur: nam magnopere timendum putabat, ne Turcæ per simulationem petenda Moldauia reflexo cursu in Transyluaniam penetrarent. Secundū enim eam pacem quam cum Ferdinando rege secretis conditionibus initam fuisse docuimus, quod legatus Laschus priuato dolori nimium indulgens, Byzantij cuncta prodidisset, usq; adeo se inuisum suspectūq; apud Solymanū fuisse meminerat, ut cum multis legationibus eius facti suspicionem ægrè diluisse uideretur, uix multa largitione apud pupuratos gratiæ nomen sustentaret. Itaq; ea sollicitudine liberatus, ubi Petrum desertum à suis, ac exutū regno in Cizonium confugisse didicit, ad obsidendum eum festinat: ratus aduenisse tempus, quo ueteres iniurias ulcisceretur, grauissimāq; inde operam Solymano præstaret, & Stephani quoq; animum eo beneficio promerendum arbitraretur. Pro inconstanti enim & turbulento alterū fratrem noua imperij fortuna cōtentū, ac in tutela Solymani quiescentē, regno finitimū exoptabat. Durauit obsidio suprā quatuor menses, suppetebātq; obseſis alimenta, idemq; animus nullis fractis incommodis Petro aderat, ut ad supremas spes usque fortiter obduraret. Sed non eadem erat

constantia in defensoribus: ij erant partim Transylua
ni, partim Moldavi, qui ex uxoris comitatu in oppidi
custodia remanserant facileq; dissentiebant, quū non
una omnium persistendi causa uideretur. Rex nanq;
omnibus extrema supplicia denunciabat, nisi postquā
effugia perpetuis stationibus circumsepta conspicerēt
uti iam undiq; desperatis auxilijs, triduo ad certam ue
niam se uictos deditioe faterentur: ea res in Moldauo
contumaces spiritus fregit. Itaq; uir acutus, eorum mo
re, qui ex ipsa necessitate periculi, habile ingenium ad
prudentiam flectunt, prius quā suorum dissensio in
apertam cruentamq; seditionem erumperet, maturan
dum ratus, liberali facta deditioe portas aperuit, id
tantum præsatus, ideo seipsum uxoremq; & oppidum
fortunasq; omnes dedere, quod planē sciret Ioannem
regio prorsus animo, aliquāto facilius iniuriarum o
bliuisci, quā ullius beneficij memoriam deponere
consueſse. Proinde se tantam spem nequaquam te
mere desumpsisse, ut planē consideret sibi misero apud
eum, qui in persimili calamitate aliquando miser fu
isset, humanitatis & clementie locum minimē desu
turum. Ioannes hominem complexus, consolatusq;
bono animo esse iussit, confirmauitq; data fide se Ci
zouio contentum fore, quod opidum uti Pannonica
ditionis superiores reges repetissent: ceterum arcis
possessionem apud ipsum uxoremq; uno tantum mu
tato præsidio permansuram, in qua tuti ab iniuria,
certiq; salutis meliorem rerum euentum expecta
rent. At Stephanus, ubi fratrem deditum in potestate
Ioannis esse didicit, per legatos Solymantum orat,
ut Petrum

ut Petrum sibi tradi imperet: eo enim uiuo, Moldauia nunquam dicto parentem, nunquam pacatam, nunquam externo aut intestino bello uacuum fore. Ne mora Solymani literis frequentibusq; nuncijs deponitur. Ioannes ius & equum datæ fidei proponit: negat se tantum sceleris admissurum, ut miseri sponteq; dediti salutem prodant: id autem Solymani imperio, cui parandum esse fateretur, se daturum, ut Petrus, quo omnis amittendi regni metus Stephano demeretur, tandiu quam Solymanus uellet, in eadē custodia permaneret. Postremò, quum seuerioribus literis repeteretur, quod iam purpurati ea cunctatione lædi maiestatem existimarent, medium, ad ob id Petro admodū salutare consilium sumpsit, rescribens se Petrum non captiui more, sed legati nomine Byzantium cum insigni comitatu trāmissurum, ut coram obiecta crimina diluat, & si fas sit, ueniam quoq; impetret, modò Solymanus à magnitudine animi erga prostratum, seq; imprimis religione datæ fidei obstrictum, non incertā clementiæ & lenitatis spem præbeat. Non discessit ab humanitate Solymanus, utpote qui seruandæ fidei necessitudinem honestissimo excusationis nomine apud regem uel tacitus probaret, nobilemq; illum expetitū magnis regibus, sed rarò oblatum à fortuna, clementiæ laudis fructum excerpere cuperet. Itaq; non obscura significatione confirmatis amborū animis, Petrus suis opibus studioq; Ioannis exornatus, Byzantium mittitur, commendatus præ ceteris purpuratis Luphtibeio, cui ampliora dona detulerat, ut præpotentem ex aula patronum sibi in dicenda causa compararet.

Dedit & gemellos uniones superbi pyri magnitudinē
adequantes, qui ex Grittea praeda fuisse dicebantur,
ut his, pro mauribus Solymani filia Rostani despon-
sata in nuptijs ornaretur. His sibi conciliatis, ubi ad-
missus est, adeo luculenter causam dixit, ut quum su-
sceptorum à se bellorum causas atq; successus, ærarij
inopiam, Gritti casum, fratris & procerum dolos, ac
antiqua iura finium cum Polonis enarrasset, ueniamq;
supplex petisset, indignè multatus à fortuna uideretur
Erat enim eius uiri excellens bello uirtus, quanquā in
gentibus uitijs atq; sceleribus æquaretur, militaribus
Turcarum animis ad admirationem spectata grataq;
usque adeo, ut purpurati uel nulla largitione corrupti
uirum fortem tantis illustrem casibus, neq; impotenti
fortune inuictum animum concedentem, omnino de-
fensuri crederentur. Verum Solymanus suspensio iudi-
cio neq; damnauit reū, neq; penitus absoluit, ne Ioan-
nis nomen abruptæ fidei contumelia suggillaret, uel
ipse parum sceleribus infensus abiecta seueritate uide-
retur. Itaq; Moldauus in Peram Ligurum coloniam
est relegatus: beneficio quidem ingenti quum ibi ne-
quaquam obuersantibus Turcis, ad leniendum exilij
dolorem alendamq; sp̄e recuperandi regni cum Chri-
stianis hominibus uersaretur. Erant ei præter numero-
sam familiam, plures Hungari comites liberaliter in-
structi. Græci quoq; quibus cum religionis ritus erat
communis, & mercatores Italici, Turcæq; item ut e-
pulando uinum potarent, domum eius frequentabant,
ita ut uir ille comitate cunctis obuius, principalis au-
læ speciem referret. Nec diu uoto eius fortuna defuit:
Stephanum

Stephanum enim auarius ac iniquius quam putassent regnantem, populares obtruncant. Fit magnus in Moldavia tumultus, quum sublato rege, multitudinis studia in Petrum uerterentur, et contra nobilitas ei uehementer insensa, quemcumque alium preferendum putaret: nequaquam temere meritis poenas pertimescens, si iratus et sauius ab exilio uocaretur. Sed Boiares, qui sunt ex ordine optimatum, ipsa populi multitudine auctoritate atque opibus potetiores, adolescentem Moldauum nomine Alexem regiae stirpis, qui diu in Podolia inops exularat celeriter euocant, principem constituunt: in Zucuaque regia appositis praesidijs confirmant. Haec ubi Byzantij nunciata sunt, Petrus animos attollit, purpuratos nouis muneribus aggreditur, prehensat omnes, sed in Lupthibeio recuperandi regni summam spem reponit. Interim Moldauorum legati a Boiariibus instructi Byzantium perueniunt, postulantes ut Alexes regis sanguinis, uti omnium expetitus uotis et publico consensu rex acclamatus, postquam Stephanum fata sustulerint, Solymani liberalitate confirmetur. Tum uero Petrus purpuratos obsecrare, ut nihil de pseudo regulo emittente regiam stirpem temere crederent, illius nomen et genus antea incognitum testari, idque inductum commento et malignitate Boiarum distitare, ut ipse auita regni sede per summam iniuriam excludatur. His de causis, Moldau minus aequis auribus auditi sunt, uel ob id, quod nequaquam modeste et reuerenter in deligendo creandoque rege properantes, Solymani liberalitate atque iudicium praeuenissent. Itaque legati continuo ad suos domum perscribunt, angustas om-

nino spes sibi ostendi, ut quicquam pro Alexe imperari posse credant: præoccupatas enim esse purpuratorum uoluntates occultis magnisq; muneribus, commouereq; sese uehementer Petrum, atq; contendere, ut per Turcas reducatur. Proinde sibi difficiles aditus præberi, frigidaq; ab omnibus et plena pudenda dilationis responsa reddi. His cognitis, Boiæres, ut tyrannum ueluti non dubiam cladem ipsis allaturum nouis consilijs regno penitus excludant, legatos dissimulato habitu, ad Carolum Cæsarem, Ferdinandumq; regem mittunt, qui doceant quo in statu periculoq; Moldaui noui principis res sint, peditum auxilia implorent. Ea si impetrêtur, Moldauos isto fœdere promittant Christianorû regum socios et Turcici nominis perpetuos hostes futuros. Rem autem præsentis necessitatis in eo occasionis momento uerti, ut si decem millia peditum submittantur, ipsi cum quadraginta millibus equitum omnia uel maximi Turcarum exercitus impetum sustinere audeant. Sed Ferdinandus fratre Cæsare peragendis conuentibus occupato, quod multas longum ad iter difficultates habere uideretur, nec cōducendo militi pecunia suppeteret, ei negotio, quod maxime liberalis officij celeritatem exigere uidebatur, adesse non potuit. Cæterum ea legatio, quæ diu celari non poterat, per speculatores Byzantijs nunciata, usque adeo in Petrum Turcarum studia accendit, ut Solymanus supplicem ac adiutum purpuratorû precibus, clientemq; se et deniq; fidelem seruuum Ottomannici nominis iureiurando profitentem, in gratiam receperit. Nec multo post Himbrachor stabuli magister dignitate et uirtute

virtute bellica illustris, qui Petrum regis ornatum
 insignibus in Moldauiam reduceret, est delectus: pau-
 cisq; inde diebus coacto exercitu ad Danubium ponte
 iungendum contendit. Tum uerò Boiares metu per-
 culsi, quum desperatis Christianorum auxilijs multi-
 tudinem consternatam, & magnopere Turcarum ar-
 ma formidantē conspicerent, summo concepto scelere
 obruncandi Alexis consilium desumunt: neque enim
 antiquæ rebellionis noxā, nisi immani aliquo perfidie
 facinore deleri posse iudicabant. Nonnunquam enim
 accidit, ut mortalium animus scelere semel occupatus,
 quū in presenti periculo timor ingruit, faciliē uel inu-
 sitati sceleris infamiam contemnat. Ita insontis ac in-
 tempestiui principis coniuratorum cōcursu patrat
 cædes, accumulataq; feritate iaceti caput deciditur, ut
 Boiares ueluti expiata uetere perfidia atrocem aduer-
 sum se tyranni animū eo cruento munere mitigarint.
 Arrisit Petrus exoptata dona ferētibus, placatiq; ani-
 mi speciem præbuit, quū diligentiam maturati benefi-
 cij simulata oratione laudasset, utpote qui seui ulto-
 risq; animi decretum recondere uellet, donec abiret
 Himbrachor. Is egregia omnium uoluntate passim re-
 ceptus, Petro Zucchauie regia in sede constituto, ac-
 ceptisq; muneribus, in Thraciā redijt. Nec mora Boia-
 res circiter uiginti, detegente odiū tyranno, alius alia
 de causa comprehenditur, & securi percutiuntur nō
 iniquo quidem iure, uel ob id supplicio damnati, quòd
 ueterem iniuriā apud tyranni animū recenti beneficio
 pēsari posse existimarint. Hæc sunt quæ de Valacchia,
 uno scribendi tractu sub unum aspectū prodenda cen-

fuimus, nihil in hoc temporum seriem rebus gestis ad
 equantes, ne maiora bella quæ imminet, concisa in
 partes, & uariè passim intermixta, quòd maxime fu-
 giendam uidetur, confuso planè ordine, ac ob id disi-
 pto historię lumine referatur. Hisdem fermè diebus,
 quibus Rochandulfus ad Budam cum Turcis Buden-
 sibusq; Hungaris bellum gerebat, & Solymanus ad-
 uentare dicebatur, Carolus Cæsar Ratissponæ conuen-
 tum dissoluit, confestimq; magnis itineribus in Italiã
 est profectus. Is autem Germanorum conuentus, qui
 Christianæ religionis cõmodo, ad sanandas Luthera-
 norum mentes indictus fuerat, hunc habuit exitum, ut
 postulante Cæsare, Germani procures & liberæ ciui-
 tates decreta perscriberet, quibus Guillelmus Cleuen-
 sis regulus, quòd neglecta Augusti imperij authorita-
 te, Gheldrēsis principatus hereditatem adiisset, hostis
 iudicaretur: contra uerò Carolus Sabaudius, qui Gal-
 lorum armis regno exciderat, publico totius Germa-
 niæ consensu sumptuq; uti iam receptus in clientelam,
 reduceretur, seuerissimoq; obiter edicto caueretur, ne
 quisquam Germanici nominis miles Gallorum stipen-
 dia mereret, fratri uerò ad Budam cum Turcis rebel-
 libusq; Hungaris bellũ continuum alenti auxilia præ-
 berentur. Hæc ut facilius impetrari possent, Carolus
 totas eas conceptæ hæresis opiniones Lutheranis nihil
 pij saniq; consilij ad animos admittentibus cõdonauit,
 ita ut cunctis quæ uellent de diuinis rebus & placitis
 impunè sentirent, donec indicto celebratoq; sacrorum
 antistitum concilio, omnis oborti erroris controuersia
 supremis disputationibus tolleretur. Id autem Cæsar,
 ut intra

ut intra biennium fieret, cum Paulo summo Pontifice curaturum promittebat, ita ut, uel abnuente Contareno legato, concilio locū in ipsa Germania delecturus esse crederetur, uel exitiali praeiudicio Pontificiae auctoritatis, damnoq; Gallicarum nationum, quae salutem ac libertatem inimicæ gētis arbitrio commissuræ minime uideretur. Propterea Caesar discessurus ē Germania, obnixè postularat à Pontifice, ut sibi in Italiam uenienti ac in Africam traiekturo, ad Lucam occurrere uellet, quod mutuis colloquijs deliberando de tota ratione consilij statuendum esse uideretur. Erant qui dicerent, eò uerti consilia Caesaris, ut concilij nomine, quo sacri imperij dignitas in discrimē uocaretur, Paulo Pontifici non ambiguum terrorem incuteret, atq; ideo sollicitum in officio ac amicitia quā arctissime contineret, & Germani obiter, siue concilium cupe- rent, siue ex conscientia neglectæ perturbatæq; religionis iuris & æqui iudicium formidarent, præclare admonerentur totius negotij summam ipsius arbitrio atq; sententiæ contineri. Nec Paulus eius colloquiū aut loci conditionē abnuerat, pristinae suæ pietatis & cōstantiæ tenorem secutus, utpotē qui semper antea concilij censuram ultro deposcere, neutrumq; se & sinceram utrinq; fide mediū inter dimicantes reges profiteri consueuisset. Non desuere Germani procures, gliscente fama de aduentu Solymani, Rochandulsiq; socordia, qui discedentis Caesaris nomen tam falsè quā improbè lacerarēt. Quā in re Philippus Lantgrauius ironico lepōre multus erat, ut qui non temerē Caesarē oderat, neq; Romani imperij fortunam ex equo

antea uirtuti egregiæ expositam, dignissimis proceribus exclusis, in Austriæ domus hereditatem concessisse pateretur: dixisse enim eum in conuiuio ferebant, Carolum mirè fortem ac impaudum imperatorem uideri, qui tanta esset animi magnitudine, ut Turcas quauquam multos, uti inermes imperitosq; militiæ facile contemneret, & nobilioris uictoriæ triumphū in transmarina prouincia querendum arbitraretur, dum Solymano Ferdinādus frater obsisteret, cuius tam expedita & uehemens uirtus, & tam paratæ facultates forent, ut in Austria domo, uno tempore geminata uictoria parari posse censeretur. Alij porro apertius ac indignantius discitabant, neque constantem, neq; strenuum imperatorem uideri, qui urgenti à fronte nobilissimo ac insensissimo hosti terga daret, patrimoniuq; Barbarorum incendijs expositum, atq; inde fratrem accepta clade perterritum, impiè foedeq; desereret, ut de immanis piratæ spadone seruo uictoria leuis in terra Africa quereretur. Nihil enim profici, uel ad ipsius laudem, uel ad Germaniæ salutem ac dignitatem, si quum Italarum ac Hispanorum cohortes accersendæ in Noricum forent, è Norico detractæ Germanorum legiones in Africam ducerentur. Cæsar enim Hispaniæ precibus adductus, expeditionem susceperat aduersus Asanagam Tunctano bello illustrem, qui Algerij cum imperio à Barbarussa fuerat relictus. Apud eum prædones Turcæ coibant, Hispaniæq; littora prædabantur, tanto oræ maritimæ damno metuq; , ut Hispani à Gadibus ad Pyrenæos montes, dispositis in ora speculis atque præsidijs, ad incertos casus excubare sublata

lata nauigatione cogeretur. Propterea Caesar classem parauerat, cohortesq; in Italia, Sicilia, ac Hispania conscripserat, totusq; animo in Africam ferebatur, utpote qui antea Solymantum minime uenturum putasset, & satis uirum ad expugnandam Budam in Rochandulsi diligentia & felicitate fratris positum arbitraretur. Fuere qui existimarent Casarem constantiae suae ac innatae uirtutis nunquam oblitum, eos tum aduersos de se rumores aliquo certe cum pudore, sed insigni patientia contempsisse, quum uir eximie prudens, neq; salutem, neq; existimationem suam Turcico bello implicandam putaret, in quo uerae dignitatis ex infelici conatu iacturam facturus esse uideretur, si temere ac importune consistere, & uanitate pugnacis animi potius quam certa uirium fiducia inductus, congregari uellet cum eo hoste, qui immensis copijs ac opibus subnixus, uel totius armatae Germaniae impetum multitudine equitatus esset elusurus. Consilia enim cogendi magni exercitus, qui uictoriae spem praeferebat, tempus ipsum, & maturatus Ratissponensis concilij exitus excludebant: quando nec decreta pecunia, nec expediti commeatus, nec satis explicatae procerum uoluntates forent, usque adeo ut non incertum esset aliquos ab impio liuore calamitate potius quam Caesaris uictoria gauisuros: uerum multo grauiore cura Caesar angebatur, ne si in Pannonia nequaquam pari spe utilitatis, & metu incommodi occupatus haereret, Galli arrepta occasione Cisalpinam Galliam inuaderent, quum interceptis legatis inducias uiolatas esse quereretur, ac in alijs demum Italia

partibus bellum crumperet, cuius enata iam semina spectabantur. Nam per eos dies Ludouicus à Bononia Armeæ familia iuuenis turbido ingenio, uel ancipitè nominis famam querens, apud Senenses multa usus largitione egerat, ut consilio malefanæ deprauataq; morib. ciuitas, ad Gallos à Cesare deficeret: sed fluxa eorū fide, qui dum muneribus explerētur, defectionis initium se facturos promiserant, bellè proditus in potestatem Hispanorum deuenerat. Contendens in Italiā Caesar, in Tridentinis Alpibus, Octauium Farnesium, miræ indolis adolescentem, adscitum sibi generū cum insigni comitatu obuium habuit, moxq; ad Athesium Alfosum Vastium, qui Insubrum nobilitatem insigni armorum cultu exornatam, ac item delectos ex Hispanis ueteranos adduxerat, ut comitatus è Germania per se exiguus, intentusq; itineri, ea illustri auctus frequentia, dignus Cesare spectaretur. Affuit properanti supra Veronam, insignis legatio Venetorum, præbitaq; sunt præter gratuitos commeatus munera magnis hospitib. in itinere dari solita: nihilq; inde Caesar Cremonæ Laudiq; Pompeiæ commoratus, Mediolanum contendit, exceptusq; est incredibili studio ciuitatis, nec leui quoq; sumptu reliquarum urbū, quum nihil augustius et opulentiùs in ornamenta triūphalis pompæ excogitari præstariue potuisset, tegerenturq; obiter coloratis uelis uniuersæ regiones, quibus à Romana porta ad templum maximum et in ueterem Vicecomitum principum curiam, tanto hospiti parem, sub umbella aurea duceretur, sed ipse atra in penula uiliq; pileolo spectari uoluit, multis lugubrem habitum admittentibus

rantibus, quum foeminarum & plebis curiosam simplicitas, pictam ex auro trabeam & fulgentem gemmis in Caesaris capite coronam expectaret. Nec dissimilis animi habitus in graui parumque hilari eius oculo notabatur, ita ut cladem, quae pridie accepta ad Budam fuerat, praesagire uideretur. Reuocauit tamen eum a seueris cogitationibus Maria Aragonia ipsius Vastij uxor, cunctas aetatis suae foeminas excellentis formae, praeclearaeque uirtutis, & fauentis fortunae muneribus antecedens: nam quum saepe antea illustrem pudicitiae famam felici fecunditate nobilitasset, tum sorte mare pepererat. Huic summi honoris causa, Caesar, quum sacro fonte lauaretur, humaniter praestito Christianae pietatis officio adesse uoluit, eumque de nomine Carolum appellauit. Ita ut mox comiter in ea festa hilaritate nobiles matronas ad tibiarum modulos saltantes spectaret. Aduenire demum legati singularum ciuitatum, mœstrui tributis onera peracerbe afflictis populis imposita deprecantes, sed eas preces uel iustis querelis suppliciter additas ita audiit, ut parum clementer in aliud tempus reijceret, triduoque post nullam indulgentiae spem, sed eundem & quidem ab ipsa remedij desperatione grauiorem miseris gemitum relinquens, Genuam contendit, ubi ex Ferdinandi fratris literis de Germanorum clade, Turcarumque uictoria, & Solymani aduentu certius cognouit. Quo nuncio adducti Vastius atque Auria, dictis sententijs suadebant, ut petendae Africæ consilia in Vernum tempus differret, & cum his quas conscripisset Italicis cohortibus & Germanorum legione quam adduxerat, in

Italia moraretur, ut inde ad opem fratri ferendam deterrandosq; Barbaros, reuersuri speciem præberet, tuereturq; interim Italiam aduersus Gallos, quos nulli omnino occasione defuturos prospicerent, si aliquod fortè incommodum, aut ui Pœnorum, aut iniuria tempestatis acciperetur. Nihilò secius Caesar stabili proposito constantiæ nomen, uel magno discrimine retinendum ratus, in Africam, abnuente etiam fortuna, transfretare constituit, ut Turcas in Pannonia bellum gerētes contempsisse potius, quàm timuisse uideretur: conuersus enim ad eos qui in consilio erant, Magna inquit, ratione, ut in Italia permaneam suadetis, sed multo maiore arbitror in Africam contendendum: nam si substitero, è Germania certè reformidatis Turcis diffugisse uidebor, cuius admissi dedecoris opinio tolli non poterit, nisi susceptis innixi consilijs, exoluendo promissis fidem, & maturè traijciendo, iudicij atq; animi nostri famam bono euentui commēdemus. Fortunam enim, quæ nos terra deserit, per fluctus fortiter audendo experiri lubet, quum Algerium multis de causis, priusquā mariā hybernis aquilonibus claudantur, expugnari faciliè possit, cuius uoti si me Dij compotem fecerint, contemnemus certè Gallorum minas, atque his profecto classibus & copijs, quibus stipendia graui sumptu persoluta uidetis, si temerè sese commouerint, ultro eorum audaciam retundemus. Interea Paulus Pontifex ab Roma æstuoso itinere Cassiam emensus, Lucam peruenit, improbantibus medicis, quòd lethale foret, nisi pleno imbre infractis caloribus ab Urbanoq; cælo discessisset. Sed is uel exacte

etatis

etatis senex, certo semper ingenij uigore, & temperata ob idque felici uite disciplina, ita fallebat annos, ut cuncta etatis pericula, quæ publicam salutem includerent, facile contemneret: Quid enim mihi uita opus est, sepe dicebat, nisi ut hæc suprema officia, quæ unam omnino sacri nominis personam respiciunt, cadenti Reipublicæ optima fide persoluamus: quãdoquidem diuinis ita monemur fatis, ut pietati & uoto publico uel morte ipsa satisfacere, quàm infami desidia uite cupiditatem extendere malimus. Quod si insanire principes pergant, & magnus Deus à salute Christiani populi penitus auersus, susceptis uotis adesse non lit, natura quidem uel in otio, uel in labore non intempestiuum uite finem asferre poterit, præclari certè studiij perpetuæq; uoluntatis honestam famam, nulla uis inuidiæ nobis eripiet. Nonnulli quoq; senatores eundem retentare conabantur, in primisq; Francisci regis legati, qui in nullam spem pacis ituro, postquàm ab eâ Caesar auersus obduraret, nõ modò ualetudinis incommodum, sed parùm etiam sinceræ æquitatis calūniarum imminere differebant, quoniã timeret ne Caesar honestissima petitione in belli Punici sumptum pecuniã impetraret, quæ demũ occulto consilij exitu ad excidium Narbonensis Galliæ uerteretur. Magnorũ enim principũ cõgressus atq; colloquia, absentibus semper suspecta, in alienamq; perniciem uerti occulta cõspiratione existimantur. Propterea Franciscus, ne se incauto atq; imprudente Prouinciam admotâ classe repentinus hostis inuaderet, ad Masiliam & ad Rhodani pontes, legionarios Gallicæ disciplinæ pedites, & ueteranos,

equitum alas, ut praesidio forent, maturare iusserat. Sed Paulus uti frustra alias ad Niceam recrudescencia pereuntis Reipublicae uulnera omnino Caesari detegenda, indicandaque uitia serpentis pestis existimabat, ut uno concordiae remedio sanarentur, ac praeclare Dijs ac hominibus testatum foret, neque ardens studium, neque uehementes preces, neque in summo uitae contemptu diligentiam in optimo sacrorum principe defuisse. Ea quoque de causa, ut ire pergeret, magis ac magis accendebatur, quod suborta erat inter Franciscum et Caesarem noua simultas, ueluti inducijs Rinconis atque Fregosij cade uiolatis, ueterisque odij flamma, compressa aliquandiu induciarum fide, in multo atrocius quam antea belli incedium exarsura credebatur. Egerat per aliquot annos Byzantij Antonius Rinco, Francisci regis legatus apud Solymanum, uti saepe diximus, remissusque a Barbaro paucis ante mensibus in Galliam ad regem peruenerat, comitante eum ala equitum Caesare Fregosio, ne per Bergomatiu fines et Volturenau uallem ad Curiam Rhetiarum transeunti, a Caesarianis insidie tenderentur. Ceterum acceptis nouis mandatis a rege, quae ad confirmandam amicitiam pertinebant, rediturus Byzantium, superatis Poeninis Alpibus in agrum Taurinum inter praesidia Gallorum descenderat, ut inde se Venetias proriperet, ac demum tutissima nauigatione in Epirum aducheretur. Placebat Rinconi per se obeso, et forte ceruice ac humeris ex stillicidio laboranti, ut iactatio euitaretur, duobus nauigijs secundo Pado deuehi, frustra improbante Fregosio, qui uel in publica induciarum fide, cum regis com

modi

modi, tum priuatæ salutis rationem, Hispanorum ingenijs minime cōmittendam ratus, per easdē uel asperas Rhætorum Alpes reuerti, aut certē noctu perniciosus equis Placentiam peruolare mallet. Sed fatalis illius pertinacia, huius prudentiam facili peruenit, ut amborum interitū, dirus Christiano nomini casus incideret, quo intestinis affecta malis Respub. nihil iam non ausuris in perniciem nostram Barbaris prodere-tur. Ab Hispanis enim, qui per speculatores cognita eorum nauigatione in insidijs terra pariter ac flumine diligenter excubabant, quā meridie ad Ticini ostium peruenissent, ab armatis linitibus, qui tecti fronde ex occulta statione repente prodierant, circumuen-ti iugulatiq; sunt. Perijt cum Fregosio Bonifortius centurio, seruatus autem est Camillus Sessulanus Fregosianæ alæ præfectus, isq; cum omnibus nautis, ne patrata cædis fama certo indicio uulgaretur, Cre-monam deuectus est, & in arce custoditus. Alterum porrò nauigium, in quo erant comites cum scrinijs multaq; pecunia, occupatis hostibus in aduersam ripam intactum feliciter euasit, indeq; uelociter simul, & nautæ terrestri itinere per nemorosos calles occul-tati Placentiam, allato rei gestæ nuncio, peruenierunt. Ceterum cadauera post duos menses elapsi custodia nautæ, iuxta confluentes Padum & Ticinum semise-pulta, ob idque discripta feris, & tabe consumpta monstrauēre, ita ut Fregosij manus ex antiquo uulnere uno manco digito facile nosceretur, ac augen-de representandeq; iniuriæ causa, ad Franciscum, ab uxore, quæ casum deplorarat, auulsa cadauere & lo-

culo cōdita deferretur. Scio Gallos nō inepta suspicio-
ne, nequaquam eos statim interfectos putasse, sed prius
in questione cruciatos, ut arcana legationis tormentis
elicerentur: sed de hac subtili coniectura, quoniam nihil
adhuc compertum sit, rem utiq; dubiā in medio relin-
quemus. Verum ab eo atroci facinore, Alfenius Vastius
qui Cisalpinæ Gallie cum imperio præerat, incredibi-
li inuidia deflagrauit, quod inducias in nouem annos
ad summam spem pacis Nicæ indictas, uiolasse et cō-
tra naturā generosi eius ingenij, inhumana cæde cru-
entus euasisse uideretur, tanquam famæ suæ minimè
parcendo putarit, modò apud Cæsarem, uel ignobili
et criminoso officij genere gratiam mereretur. Sed
Vastius eius impositæ contumeliæ notam, uel iure uel
præscriptis, ac idè publicatis libellis ita diluit, ut id
postquam iure cognosci non poterat, uel singulari cer-
tamine, si dignitate cōpar offerretur, diluturus esse cre-
deretur. Ceterū complures Rinconem iure casum
existimarunt, quod inuidiosissimæ legationis munere
suscepto aduersus Christianum nomen Barbaros con-
citare, occasionesq; gerendi belli, indicatis Cæsaris con-
silijs demonstrare diceretur. Fregosto autem immeren-
ti, uitam malignitate atque odio creptam dicerent,
quod uir bellicosus et acer, ad Genuæ totiusq; Ligu-
riæ principatum aspiraret, uigente adhuc apud popu-
lum non ingrata Iani patris memoria, qui Genuesium
princeps extitisset. Itaq; Pontifex Lucam uenit, præmi-
sitq; Alexandrum Farnesium Cardinalem, qui Cæsa-
rem ad Vieregæ stationem triremibus adpulsum, ue-
nientemq; ab octauo lapide exciperet. Ad portam au-
tem af-

tem affu-
Lucensis,
prætoris
ad antiq;
tit. TerCa-
Cæsarem
gis legati
atq; Rimo-
neq; enim
apud se i-
mansurum
habitu ne-
nauigare
ignaro p-
authori
ad supple-
do acta
bat com-
ipse ad
terat. C-
late esse
no ancip-
fuit Pon-
menter
recentis
las plag-
narrass-
que Ro-
fami co-
natas r-

tem affuere Cardinales ac antistites, atque item ordo Lucensis, qui intrantem sub umbella deduceret. Curia prætoria, ubi decuriones sedent, Caesari data. Pontifex ad antistitis domos templo maximo coniunctas diuertit. Ter Caesar ad mutua colloquia Pontificem adiit, ille Caesarem semel. Introductusque est Moninius Gallie regis legatus, ad id tum missus, ut quereretur Fregosium atque Rinconem captos, atque eos sibi reddi postulare: neque enim tum interfectos esse constabat. Caesar ad id, apud se ius induciarum inuiolatum esse inuiolabileque mansurum respondit, quicquid uero illis dissimulato habitu nequaquam nomen profitentibus dum in Pado nauigarent, præter spem accidisset, iniussu suo et se ignaro penitus accidisse: proinde si admissi facinoris auctores indicarent, eos omnino comprehensurum et ad supplicij poenam Gallis traditurum. Res uti in Pado acta erat, per nautas indicata, non obscuram habebat coniecturam: neque Paulus induciarum, quarum ipse ad Niceam auctor extitisset, disceptator esse poterat. Quoniam de his an starent, uel eo scelere uiolatæ essent, iudicium ferre intempestiuum, atque omnino ancipitis negotij res fore uideretur. Facile demum fuit Pontifici optimis literis ac humanis rebus uehementer cruditò, apud Caesarem in tanto præsertim recentique ad Budam accepti uulneris dolore singulas plagas, quas nobis Barbarus hostis inflixerit, enarrasse, ostendisque pericula, quæ affectu ruentique Reipublicæ de calo imminerent, postquam infami contumacia ad exitialem insaniam, dum priuatas rationes intestinis armis tuemur, ruina publica

oppressi perituri simus. Erant non iniquæ pacis conditiones, & Carolo quidem Sabaudio longè gratissime quibus Franciscus pro Carolo filio Mediolanense imperium, præcipuo Cesaris munere deposcebat: cum inde demum cunctas Gallie facultates, & copias sacro indicto bello collaturum profiteretur. Contrà Cesar iratus Gallo toties uicto, ac tum indomitos spiritus gerenti, quid antiqui & recētis sui iuris, quid deniq; sue securitatis ac dignitatis foret grauissimè differebat, inuidere prorsus fortune suæ Gallum cæco liuore corruptum, qui perturbare omnia, impedireq; uictorias solennibus uotis piè cōceptas, & deniq; Barbaris ad cōmune excidium irrupturis uiam sternere mallet, quā ipsum pati uerè esse Cesarem, Augustoq; in Italia imperio potiri, ad quod nō ambitiosis armis, sed optimo iure, & præclara atq; inopinata quidem hereditate perueniret. Neq; se adeo Italicarum rerum imperitū, aut ignarum Gallicæ cōsuetudinis, ut si Mediolano liberaliter decedat, minimè timendum existimet, quin à Gallis noua semper ac immoderata cupientibus, reliqua Italiae atq; Siciliae imperia protinus inuadantur. Eam enim, inquit, pacē semper optauerim, quæ ad honestum decus persequendis Barbaris occasionem aperiat, non quæ ad insignis ignominie nomen intēpestiuè liberalem auitis regnis expoliet. Pontifex ubi nihil de pace impetrauit, suadere conatus est, ut quas in Africā copias esset traiecturus, postposita nauigatione Turcis opponeret, ad fratris Austriaeq; præsidium, si ea recenti uictoria Solymanus uteretur. Sed Cesar fatali innixus consilio, in sententia permāsit, nihilq; magis eo collo-

quio

quo decretū est quā ut concilium, quod petebat Caesar & Pontifex, ut rectā peragi posset, exoptabat, potius quā sperabat, in annum sequentem indiceretur. Id uerò decretum pleriq; diuinarum ac humanarū rerum usu periti & libero uoto publica tantū cōmoda respectantes, intempestiua atq; præpostera uoluntatis esse iudicabant, quando nihil absurdius uideretur, quā unum in locum atq; consensum totius Christiane professionis antistites euocare, qui de sacris dogmatibus morumq; censura constituent, priusquā inter reges, positis odijs, humanarū rerum controuersie finiatur. Expetendam enim prius atq; parandā pacem, maturē demum salutarem synodum felici foetura parituram. Propterea non temerē ueteris seculi patres regesq; illustri pietate ad caelestia bona potius quā terrena ingētibus animis anhelantes, pacemq; optimā optimā & iustissimā synodi parentem appellauisse, quū tranquille & securae pacis beneficio coeuntibus regibus, plures sublatae hæreses infinitaq; Reipub. uulnera cōcilijs ubiq; terrarum celebratis, obducta atque sanata meminissent. Quas enim uel oaiorum nubes, uel bellorum tempestates, Claramotensis synodi serenitas non disiecit & depulit? quem demum dignitatis, amplitudinis & gloriæ prouentum Christiano nomini non attulit? Sed tum in sacro sancto Pontifice summa uigebat authoritas, religiosa populorum omnium ueneratione conciliata, corroborataq; maximorum regū obsequijs, ac ardentibus studijs, ita ut illi Gottifredum ad Hierosolymas sacra uadentem uia subsecuti, uerē Christiani Heroes, Federicus Aenobarbus imperator, Lu-

donicus Galliae, Richardus Angliae, & ante eos Boe-
 mundus Apuliae reges, milleq; alij reguli magnitudine
 animi maximis pares, auita regna facile contempse-
 rint, de iure suo decesserint, lites & grauissimas ultro
 simultates Reip. condonarint, quae sita scilicet pacis
 laudem odiorum libidini tactis religione animis prae-
 ferentes. Quoniam haud dubius in caelum aditus miri-
 fica pietate, & decora bellicae uirtutis monumenta æ-
 ternis eorum nominibus pararentur. Sed illi non ideo
 ad Nisæam de Turcis, de Persis ad Antiochiam, & de
 Saracenis ac de Aegyptijs ad Hierosolymas Christiana
 trophæa defixerunt, ut cum summo dedecore pudoreq;
 huius seculi, successoribus suis dementiam, impie-
 tatem atque secordiam exprobrarent: quando ab illis
 gloriose parata, & iam pridem foede amissa recuperari
 posse diffidimus: nec iam in tanta nostra desidia, tan-
 toq; Barbarorum audaciae successu, auersis à pietate
 atq; concordia omnium animis patrimonia, aras, &
 penates alacriter tueamur. Cæterum Pontifex Deum
 maximum diuosq; omnes de more, ut nauiganti Cæ-
 sari feliciter aspirarent, suppliciter precatus, quum
 Octauium Farnesium ad ponendum militiae rudimen-
 tum in soceri Caesaris contubernio, studij sui atq; be-
 nivolentiae obsidem collocasset, per Pistorienses mon-
 tes Bononiam contendit, atque inde per Aemiliam
 atque Flaminiam modicis itineribus in Urbem est re-
 uersus. Interea Caesar Italicis cohortibus, quas Camil-
 lus Columna, & Augustinus Spinula subitario delectu
 conscripserant, atq; item sex millibus Germanorum,
 quorum duces erant Georgius Ratishponensis, & Ba-
 ro Seisne

ro Seisne
 naues dist
 quinq; ro
 magistris
 Sed in alt
 spectum
 duum ab
 Syracusa
 cise rupi
 id oppid
 imminet,
 strum exp
 mari ad
 Algaren
 pulit die
 obtulit,
 in prima
 dem imp
 terent, a
 labore a
 antennis
 uehemēt
 portum
 dissent
 classen
 nandus
 Siculis t
 tanauib
 qui com
 attulera

ro Scisnecus natalium claritate nobilior in onerarias
naues distributis, e Lunensi portu soluit cum triginta
quinque rostratis nauibus, edixitque magnarum nauium
magistris, ut ad Baleares insulas cursum intenderent.
Sed in altum prouectas, quum oborta tempestas in con-
spectum Corsica detulisset, atque ita disiecisset, ut per bi-
duum aberrarent, Caesar mitioribus demum uentis in
Syracusanum portum, quem hodie ab oppido præ-
cise rupi imposito Bonifacium uocant, classem intulit.
Id oppidum in extrema parte insule Sardonio fretis
imminet, despectatque Sardiniam modico traiectu in au-
strum exprorecta. Collectis demum nauibus et pacato
mari ad Hypsitanas aquas flumine Thyrsos portusque
Algarensi noua urbe nobiles profectus est. Eo, quo ap-
pulis die, bicipitem uitulū agrestis mulier Casari dono
obtulit, auersantibus cunctis id mostri omen, postquam
in primo cursu uenti instabiles ostentate serenitatis fi-
dem improbe fecerant. Inde quoque cum Baleares pe-
terent, alterā ab Africo subiit procellam, prima quidē
labore atque periculo seuiorē, quum fractis quorundam
antennis uelisque disceptis per aduersos fluctus longa
uehementique remigum defatigatione in minoris insule
portum Barchini Magonis nomine celebrem conten-
dissent. Ab hac demum Caesar in maiore Balearē totā
classem traiecit, singulari affectus letitia, quod Ferdi-
nandus Gonzaga Siciliæ prefectus, per opportuna cum
Siculis trirēmibus onerariisque italicis centum quinquagin-
ta nauibus appulerat. Is nautici præsertim panis et reli-
qui comestus ingentem copiam, uel longo bello suffecturā
attulerat. Expectabatur autē ab Hispania cum sua classe

Mendocius, sed ille Cori flatibus coactus, quum imperata navigationis cursum tenere nequiuisset, ultimi consilij propositum ad tempestatis occasione flexens felici compendio Algerium recta contenderat. Ita Caesar diligentia Mendocij nihil diffusus, ratusq; id omnino euenisse quod acciderat, hostante Auria secundo uento uela dedit, biduiq; navigatione Algerium peruenit. Quum appropinquaret classis, admirabiliq; ordine expansa atq; directa in conspectu hostium constitisset, duæ prædonum biremes, quæ ab Oriente Algerium petebant, à præmontorio oram legentes, imprudenter in sinu delatæ sunt. Earum maiorem Viscontes Cicada trierarchus rostrata sua naus istu demersit, altera ueloci remigio incitata intra portus molem incolumis euasit. Mendocianæ interim triremes præmontorium Apollinis, quod hodie Cassineum uocatur superantes, magna lætitiæ significatione displotis omnibus tormentis, Casarem salutarunt, et subsequenter Hispanicam classem non procul abesse nunciarunt. In ea erant Cantabricæ Belgicæq; naues magnæ supra centum, sed multo plures lenunculi, quos Hispani Scarpinos uocant. Sustulerant autem præter peditum cohortes magnum equitum numerum ex totius Hispaniæ iuuentute. Nam pleriq; nobiles, neq; conscripti, neq; nominatim euocati, sed priuato sumptu armis et equis liberaliter instructi, ut Reipub. operam præstarent, naues summa alacritate conscenderant. His præerat Ferdinandus Toletanus Albæ regulus, non modo sua uirtute superioribus bellis inclytus, sed priuato et quidem pernobili uoto perillustis: ingenti

nanque

manque pietate magnitudineq; animi excitus, Garciae
 patris mortem ultum ire properabat: hunc enim in
 Moenice insula ad Girapolim, cōtra Pœnos occubuis-
 se docuimus. Ceterum hæc omnia nauigia uelis age-
 bantur, neq; ex malacia promontorium superabant.
 Iam enim uenti summa serenitate inuecta, perflare
 desierant, sed à recenti tempestate mare commotum
 & uehementer adhuc fluctuosum, ita planis littoribus
 allidebat, ut nullo pacto exponi milites in siccum pos-
 sent, nisi umbilico tenus marinis undis abluerentur;
 quo incommodo milites affici nolebat Cæsar, ne per se
 tædio maris atq; nausea confectos repentinis ac auda-
 cibus Barbaris etiam madidos atq; rigentes obijceret,
 & Hispanos quoq; duabus de causis expectandos iu-
 dicabat, ut uniuersis admotis copijs cum maiore ui, tū
 maiore etiam spe uictoriæ oppidum inuaderet: & cō-
 municare integram rei gerendæ laudem Hispanis uel-
 let, quorum precibus studioq; & insigni liberalitate
 adductus, bellum suscepisset. Sed ea uel bidui tantum
 fatali mora, quanquam recta atq; honesta ratione du-
 ceretur, non exploratam modò uictoriam interpella-
 uit, uerum ingenti nostrorum incommodo seuituræ
 fortune occasionem aperuit. Interea Cæsar idoneum
 hominem ad Asangam cum mādatis misit. Is significa-
 tione facta pariterq; à Mauris reddita (excussio enim
 linteolo fiebat, ut colloquendi causa, in portum tutò
 descendi posset) humaniter admissus postulauit, ut op-
 pidam ui & fraude ab Horruccio occupatum, & de-
 mum ab Hariadeno Barbarusis fratribus ad perniciē
 humani generis communium extemplò dederet Cæ-

rolo Casari terrarum domino, qui immanium prae-
 dum ultor aduenisset. Id si faceret, & Turcis abeundi
 quod uellent, & Mauris incolis incolumi omnium for-
 tuna, suis legibus uiuendi potestatem fore: ipsum por-
 ro ingentia bello paceq; praemia laturum, modo se in
 Sardinia natum & sacro ablutum baptismo memi-
 nisset. Pulcherrimam enim offerri occasionem, qua ad
 ueri numinis cultum redire, maximiq; obiter impera-
 toris fidem & liberalitatē complecti posset: ut de cru-
 deli tyranno exactae uirilitatis iniuriam uindicaret.
 Quod si cunctandum, & uim tanti apparatus expe-
 ctandam arbitraretur, inclusos proculdubio eundem
 pertinaciae exitum laturos, quem funesto exemplo ad
 Tuncetum pertulissent. Ad ea Asanagas respondit insa-
 num omnino sibi eum uideri, qui oblata ab hoste con-
 silia sequeretur, interrogauitq; renidenti ore, quānam
 fiducia adductus Caesar, oppidū expugnare posse con-
 sideret: quum ille extemplo, hoc, digito ostendens clas-
 sem, quem uidetis, tormentorum apparatu, ueterano-
 rumq; peditum ac equitum uirtute, respondisset: &
 nos quoque, in risum effusus subiecit Asanagas, pari
 praesidio atq; artificio mœnia defendemus, ut locum bi-
 nis iam uestris cladibus nobilem, noua Caesaris calami-
 tate clarissimum reddamus. Erat enim uulgatū Algerij
 animum grandaeuā magicis artibus & mirabili uaticinio
 maximè celebrē, quae antea Didaci Verre & Vgonis
 Moncatae naufragia & clades praedixisset. Algerianis
 publicè dixisse, ita ut oraculo tēpus praescriberet, quod
 Christianus imperator oppugnare oppidum ausus, ab
 infelici conatu, magnam terra & mari calamitatem
 esset

esset additurus. Eius autem uaticinii famam, in spem secundi euentus confirmandæ multitudini opportuna, ita alebat ac excitabat Asanagas, quanquam magicas uanitates astuto militariq; ingenio non admitteret, ut non iam erigere suorum animos, sed nostrorum quoq; mentes, quum se importuoso in littore in hyemem cōiectos perspicerent, terrere uideretur. Erant in præsidio Turcæ tantum octingenti, sed magna ex parte equites, summæ spei summiq; roboris manus. Ad paucos enim Asanagas erat reductus: nam multi uiri fortes Mendociana, ut diximus, nauali pugna perierant, multi cum Draguthe archipyrata, ab Aurianis in Corsica capti fuerant: deleuerant & aliquot eorum nauigia uarijs in locis Rhodiæ, Neapolitanæ, Siculæq; triremes, sed multo plures etiam desiderabantur, qui tum fortè ipsius permissu aberant, & apud Sciriphum interioris Mauritaniæ regem religionis authoritate ac armorum gloria florentem, aduersus Lusitanos ad Atlanticum Oceanum militabant. Reliqua multitudo uix quinque millium numerum implere ferebatur. Constabat autem partim ex Mauris indigenis, partim è Granata Beticæ oriundis. Accedebant & multi è Balearibus insulis, qui superioribus temporibus cœpta rebellionē, ob idq; poenam timentes ad Mahometanos ritus confugissent. Sed Numidarum duces magnum equitum & peditum numerum effecerant, qui extra urbem uagi patentibus in locis noctu ac interdum lacescentes, nostrorum agmina perturbarent. Hos diligenter Asanagas proposita mercede missisque muneribus ad optimæ spem prædæ suo pte ingenio

nobis inſenſos, è proximis regionibus euocarāt. Neq; cuiquam nec paruos liberos uel uxores ex oppido in tutiora loca & remotas arces educere, aut ulla omnino ſigna timoris dare liberum fuit, indicta ſcilicet ſupplicij pœna, ſi quis animo conſternatus parum alacri in periculo oſtendiſſet uultum, aut minus uirilis conſilij uocem edidiſſet. Cæſar per Auriam exploratis litoribus ab occidentali parte, quæ frequentibus ſcopulis erat incommoda, & ſuperioris naufragij recordatione inſauſta uidebatur, ad tutiorem ab Oriente ſtationem claſſem applicuit: eo ad deſcenſum ordine conſtituto, ut ſexaginta roſtrata onerarias ſubeundo demittentes ſe milites exciperent, exceptosq; ſtatim ſcapulis actuarijsq; nauiculis imponerent, à quib. in littus continuo deferrentur. Tanta autem fuit in obeundo munere omnium diligentia expeditaque celeritas, ut quum inſilientium multitudini plures ſcaphe, inter ſe alacriter officijs certantes, abunde ſuppeterent, pedatus omnis, nihil præter arma ferre iuſſus, momento temporis in littus deſcēderit. Cæſar quiete & cibo recreatis militibus, tres acies numero militum pares inſtituit: erant enim præter equites, & euocatos, ac officio & uoluntate authoritatem atq; Fortunam Cæſaris ſecutos, circiter uiginti millia deſcriptorum pedatum, ſingulis autem aciebus terna curulia tormēta ad deterrēdos procuſantes Numidas attribuit: progreſſusq; inde aliquot ſtadia non procul ab oppido conſedit loco tuto atque opportuno: nam caſtra ea ratione locata erant, ut binis utrinque ſoſſis natura munirentur, quas delapſi iugis torrētes, ſicuti repentine aquæ fert

fert impetus, adeò profunde excauerant, ut subter excis defraclisq; marginibus neq; equiti neq; pediti commodus nisi per pontem transitus daretur: ad leuam porrò ita assurgebat collis, ut eductis in uerticem tormentis interiora oppidi ædificia dirui atque infestari posse uiderentur. Algerium olim Iubæ regia uti alio loco diximus, à Romanis Cæsarea Iulia uocata, in tergo asperos & excelsos habet montes, directæ autem muri fronte ad septentrionem mari alluitur. Insula uerò parua, arce nuper insignis, eam Hispani Pinnonem uocant, obiecta oppido portum efficit, sed neque tutum à Borea, neque multarum nauium capacem, quanquam Barbarussa, uti alibi meminimus, creptæ Hispanis arce atq; ea diruta, ad insulâ egregio conatus molè adiecerit, ut continenti iungeretur, quum translatis in id opus è classe Christianis remigibus, ingentes lapides è Tipasæ ruinis asportasset. Ceterum oppidi mœnia sensim educta in colles ad meridiem, ita mollis flexu cuneantur, ut erecti trianguli faciem procul ostendant: in summo enim fastigio propugnaculum inductæ calcis albo conspicuum, ad paruæ arcis & speculæ similitudinem exurgit, priuata autem introrsus ædificia, quum à planiore iuxta litus regione sensim recedant, in montem ueluti gradibus extenduntur, decenti uel ob id serie, quòd supra tectæ singularum ædiũ, alienis extantibus fenestris subiecta maria despectantur. Curuatur autem litus lunato flexu ab oppido ad promontorium Matafissum, in quo antiquæ urbis Tipasæ, quondam à Romanis Cæsaribus Latij iure donatæ, extantes adhuc reliquæ uisuntur. Toto autè eo

tractu oblonga, sed angusta planicies extenditur: nam ubi à littore aliquot stadijs recesseris, sensim enascentes tumuli desinentem planiciem excipiunt: inde enim tota regio innumeris collibus intumescit, absceditq; sensim augente natura in altissimos montes, qui longa serie oppidum à tergo præcingunt. Vltiora ad Numidas pertinent, qui more suo diuagantes translatis armentis atq; mapalibus non infertiles agros, concessis ad annum quietem glebæ inducijs, feliciter avant, & multò pecore, quo uno summæ eorum opes censentur, herbidi soli campos depascunt. Cesar tribus per nationes distinctis castris, ab oriente oppidum complexus, in maximam spem ueniebat expugnandi oppidi, quod sibi ad eam partem tormenta producere atque acriter oppugnare statuenti, classem magno usui futuram iudicabat, quum è triremibus summisq; malis atq; carchesijs magnarum nauium, propugnantium hostium latera ex obliquo tormentis peti posse prospiceret: murus enim per accliuia perpetuo collis dorso erectus, uno extructo aggere, sicuti planis in locis opportune fieri uidemus, neq; protegi neq; defendi poterat. Hispani sub præaltis montibus editiora loca tenuerunt, circa medios colles Germani iuxta prætorium confedere, Itali autem planioribus locis ad mare ac ideo portæ oppidi magis propinquis. Interim dum tormentorum apparatus, administrante Petro Coua, qui ei negotio cum imperio præerat, nauibus educitur & equi per trochleas moliendo suspensi demissi q; funibus exponuntur, Numidæ in summis montibus supra Hispanos magno clamore edito se ostenderant,

omni

omni telorum genere desuper sabiectos facile ferientes: notis enim montium tramitibus se demittebant undique ueloces & repentini, sed more gentis procullacessendo potius quam cominus urgendo pugnam ciebant, quibus præliolis toto integro die ad noctem usq; certatum est, nullo quidem periculo, sed longa Hispanorum defatigatione. Nam inductis etiam tenebris Barbari, alij alijs succedentes, neq; à loco quem insederant, neq; ab instituta iaculandi consuetudine discesserunt. Vbi enim excitati ignes uisebantur, in eas continuo partes magna uis telorum lapidumq; præsertim modo grandinis effundebatur, cui incommodo nostri extinctis repente ignibus occurrebant, silentio expectantes lucem, ut tandem collato pede certaretur. Ita sub exortum solis, cohortante Aluaro Sandeo castrorum magistro, Hispani uel per ardua atq; impedita fortiter enitentes, deiectis pulsissq; Numidis, montium uertices occuparunt, nactiq; pastorales casas, ad quas in speciem munitionis se reciperent, conglobati constituerant. Eo die tanta confluit Numidarum multitudo, ut nostri penè circumuenti, quum duas acies fecissent, in orbem pugnare cogerentur. Sed Siciliensium cohortium uirtute, Numidarum audacia premebatur: hastati enim fulgentibus galeis atq; thoracibus muniti, iacula facile contemnebant, & sclopettarij à lateribus insultantes, plumbeis emisiss glandibus auerteabant. Numidæ pedites è iuuentute deliguntur seminudi promissa Casarie, nihil præter iacula gestantes, equitibus se permiscunt, atque ita mutuo confisi presidio rem gerunt, tantaq; pedum uelocitate congressus no-

strorum deuitant, ut à statarijs non facile uulneretur. Equitum uerò praelongas et præfixo utrinque ferro accipites lanceas, ad auersos etiam ictus arte mirabili quassantium, ea erat agilitas, ut nemo nostrorum acie excederet, quin statim interceptus lethali cuspidæ figeretur: scutis ad effigiem cordis è corio oblongis et leuibus sese atque equum in occursum receptumque usque adeo habiles protegunt, ut exiguo summi periculi premio ad conditum proposito, septena iacula intorquenti se offerant, singulaque uel haste celeri commotionem detorqueant uel scuto in obliquum exporrecto certissima declinent. Interea dum Numida in noctem usque ex omnibus locis decurrendo, ante castra uolitant, et cum ea apud nostros, quæ bellica ratione institui explorarique poterant, egregie prouisa uideretur, fortuna Christiano nomini multo quam antea unquam grauior ac infestior, spes Caesaris interrupit. Ipso siquidem tormēta, equos, commeatus, ac impedimenta exercitus expectante, imber à prima statim uigilia maxime gelidus ac procellosus, adeo intempestiue et grauiter est effusus, ut quum tota nocte nihil remitteret, totus exercitus ingenti accepto incommodo perfunderetur, turbulētissimaque obiter tempestas mari repente orta, classem iacta tam immensis fluctibus, compulsaque uehementi uentorum turbine, miserabilis naufragij periculo in litus adigeret. Excubabant extra et istorum fossam, quam lapideo ponte iunctam diximus, tres Italica cohortes, quas Camillus Columna medijs ferme spatijs ab oppido et ponte, inter accliuēs tumulos ficus arbutulis confitos ita collocarat, ut sensim per ardua collū extensis

tenfis m
quum den
lerantes,
tot malis
ribus anim
rēruēq;
dabatur, c
lubrico co
noraret a
hortes ina
tes interm
observaba
tantaq;
et multo
pluuia ex
phurei p
esset erep
nerent, et
sistere aus
algoreq;
terfetoq;
pio fugien
do ceden
nonnulli h
peruener
congressu
frutrit in
millus à
globatas
duxerat,

tensis manipulis ad Germanos usq; pertinerent. Eæ,
 quum densissimæ pluuiæ seuiq; frigoris iniuriam to-
 lerantes, integram noctem in statione perstitissent,
 tot malis usq; adeò confectæ sunt, ut nec, afflictis corpo-
 ribus animos, nec corpora languentibus animis sustine-
 rer: ueq; enim uel stare, uel humi procumbere facultas
 dabatur, cū eius soli plana pariter atq; ardua præalto
 lubrico ceno, quòd ad suras usq; impressa uestigia de-
 noraret aut eluderet, impedita tenerentur. In has co-
 hortēs inalbescēte cælo Turcæ equites, Mauriq; pedi-
 tes intermixti, qui summa uigilantia nostras stationes
 obseruabant, intellecta occasione celeriter eruperunt,
 tantaq; ui undiq; magno clamore edito, sagittis iaculis
 & multò maximè lapidibus adorti sunt, ut quū iam à
 pluuiæ extinctis funiculorum ignibus, lagunculisq; sub
 phurei pulueris madefactis, sclopettorū usus penitus
 esset ereptus, pauci hastati ingruentium impetum susti-
 nerent, & reliqui omnes in fugam uerterentur. Sed cō-
 sistere ausos ab longa utiq; uigilia, ac inedia seminiuos
 algoreq; tremētes, Turcæ celeriter obtruncarunt, in-
 terfectoq; signifero Cellesia cohortis, uexilloq; discer-
 pto fugientū tergis insisterūt tanta audacia persequē-
 do cædendoq; ut quū trepidos in castra compellerent
 nonnulli hostium fossam superarint, ad tabernaculaq;
 peruenerint. Ex his præferocem Maurum cominus
 congressum, Lucidus Romanus, quanquam sauciatus
 fortiter interfecit. Exaudito fugientium tumultu, Ca-
 millus à Cæsare missus protinus eò deuolarat, con-
 globatasq; aliquot cohortes ultra pontem in hostes e-
 duxerat, Barbariq; iam confirmatis nostrorum ani-

mis repulsi atq; impetum remittentes, ueri aut certè si mulati timoris & tumultuarij receptus signa dabant: quum Ferdinandus Gonzaga, cuius prima secundum Cæsarem in exercitu erat auctoritas, iratus cohortibus loco pulsus superuenit, cohortibusq; uiros fortes, ut fugæ dedecus nobili conatu diluerent, in hostes impetum facere atq; acriter persequendo intra portas compellere iussit. Id uerò Columna nisi magno cum periculo fieri posse testabatur, sed Gonzaga generosi ardoris plenus, uel iniqua sorte grauiq; periculo ignominiam Italis omnino demendam existimabat, irrumpendi in oppidum occasionem dari posse ratus, si coniectis in fugam Barbaris intermixti, tutiq; ob id à tormentis ad portam incitato cursu conuolarent. Nec mora cohortes duce Augustino Spinula magna alacritate magnoq; impetu hostes inuadunt, in fugam cōcitant cædendoq; terga intra portam compellunt, tanta uiceleritateq; ut nostri obductas repente ualuas in porta cōtingerent, & multi hostium exclusi, notis itineribus ad aduersam portam, & in montes elaberentur. Tum uerò Barbari ex ipsa muri corona in temere progressos omnis generis tela & tū maxime lapides iacere, sauciare, sternere, terrereq; clamoribus, & illi qui extrinsecus refugerant, ad pugnam reuerti: porro qui portam clauserant, rursus erumpere, & hærentes nostros aut se recipientes adoriri. Neque Italis, quum calentibus animis aduenissent, uigoris constantia deerat, si tutam ad receptum uiam fortuna reliquisset: misilibus enim obruti stratique tormentis, uti in ipso conatu spe deceptis facile accidit consilij inopes,

ora

ora atque animos in fugam uerterunt, non confertis
quidem, sed per diuersos calles dissipatis agminibus.
Erant enim tyrones collectitij generis subitario delectu
festinante Cesare in unum coacti, ita ut milites
inter se ignoti essent, nec in una legione à quoquam
alienæ cohortis centuriones atq; signiferi nosceretur.
Ita peropportunè erumpens Asanagas, qui ex oris habitu
cultuq; regio facile nosci poterat, immisis Turcarum
turmis & Mauris peditibus, nostros in fugam præcipites
egit: uni ferè omnium Rhodij equites, qui sub nauali
uexillo pedibus pugnant, egregiè repugnando per
sinuosas conualles constantissimè se receperunt,
amisso signifero atq; aliquot fortissimis uiris, qui
Punica in ueste candida cruce prætexta galeati
thoras atq; in postremo agmine consisterant, sed persequentium
Barbarorum uim ac insolentium paucorum ueteranorum
mirifica uirtus retardauit. In his fuère cum ipso Spinula
Franciscus Balneus nobilissima stirpis, è togata Gallia
cohortium præfectus, Titus item Amerinus, & M. Antonius
Porretanus, qui ad ligneum pontem (is non longè à porta
distabat) intrepide consistentes, excepta thoracibus iacula
in hostes remittendo, hastisq; maioribus prouectos & inermes
sodiendo, aliquot acceptis illatisq; uulneribus spatium
fuge, & ob id multis salutem pepererunt: sed ea erat
inaequalis & lutulenti loci diuersitas inter cauas
uias & tumulos ad mare decliuus, ut Barbari regionis
usu periti, undiq; ualide ac intemperanter urgerent,
intermixtiq; nostris & à suis interclusi, ubique tum
multuosissimo & nostris iniquissimo pugnae genere

uersarentur. Erant Barbari cū numero peditū & telorum genere, tum locorū notitia opportunitateq; pluuiæ, & tanto casu obortæ tēpestatis, ac ipsa deniq; fortuna nostris superiores, quā sclopettarijs in quibus ad non dubiam hostium perniciem certa spes uictoriæ posita uidebatur, ab imbre displodendi facultas esset erepta, & pedites Mauri balistis arcuferreis, more iam apud nostros exoleto, ueruta uel loricatis lethalia, & arcubus frequentes sagittas intorquerent, pauro req; & cursu pariter exanimati nostri pedites ab insultante Turcarum equitatu sternerentur. Eo modo nostri, qui ab initio audacius procurrerant, quum nouissimi agminis in receptu facti essent, cadente terga hoste, quinque stadiorum iter ignobili cadentes morte cadaueribus compleuerunt, atq; hi ante alios, qui ad mare ex fuga deflexerant. Ibi enim à Numidis, qui cōspecto classis naufragio ad prædam deuolarant, circūuenti trucidatiq; sunt. Sed prima nostrorum agmina tanta trepidatione ad lapideum pontem & ad castræ fugam intenderant, ut nemo ducum in tanta & repentina rerum iniquitate, publicæ salutis & militaris cōsiliij rationem perturbato animo retineret, & Dijs iratis cuncta ad summam cladem terra mariq; uno tempore deleta crederentur. Verū ipse unus omnium Cæsar, aduersus omnem urgentis fortunæ contumeliam inuictus & intrepidus, sibi atq; alijs eo die summus imperator fuit, quum perditis propè rebus opem ferens, opportunissimo tempore cum Germanorum legione decurrisset, præmissis è legione tribus uexillis, quibus fuga sisteretur, & castræ certo recētīq; presidio ultra pontem

pontem firmarentur: sed tantus fugientium animos pa-
 uor occuparat, tantusq; erat incumbentium Turcarum
 impetus, ut Germani non temere alias terga hosti dare
 soliti, tanquam linteata capita formidantes, neq; aspe-
 ctum oculis neq; arma hostium firmis pectoribus susti-
 nerent, sed continuo sædè conuersi eodem fugientium
 agmine raperentur. Tum uero Cæsar prouectus equo,
 districtum tenens gladium et fugam increpitans, pha-
 langem promouit, oreq; maxime cello ac impauido,
 Germanica utens lingua: Quando, inquit, commili-
 tones insultanti hosti frontem ostendetis, si quum in ue-
 stigio pro dignitate Christiani nominis, Germanicaq;
 gentis gloria, et pro salute omnium sit dimicandum,
 præsentè Cæsare, paucosne et inconditos inermesq;
 Barbarostimetis? Nec mora quum hæc diceret, ad non
 dubij pudoris motum exorto alacri fremitu, indigna-
 bunda legio, quod ad præstandâ operâ cohortatione
 indigere uideretur, sese contra hostes effudit. Eius ad-
 uentu permoti Barbari, et quod iam nobilium ducum
 uirtute Italica acies planè restituta spectabatur, subsi-
 stere pedemq; referre cœperunt: seu ueriti tormenta
 curulia impressionemq; nostrorum, seu se satis eruptio-
 ne profecisse iudicantes, quum ad summam confecti
 belli uictoriam, horribili tempestate quassatâ classem
 perire conspicerent, et multi, Mauriq; præsertim, ad
 spem certioris prædæ, ubi nullum omnino periculû ab
 hoste foret, ad subiecta littora properarent. Inusitata
 enim et planè fatali diuersorum uentorum coniuratione,
 ad ciendam atrocissimam tempestatem usq; adeò mare
 commotû intumuerat, et totis littoribus immani flu-

etuum percussu frangebatur, ut iactata naues nutan-
 tibus malis, atq; inter se proris aduersis ac puppibus
 feruente aestu concurrētes, ancorarios funes et quosq;
 ualidos rudentes abrumperēt, collisq; demum atque
 diffractæ spectante exercitu mergerentur. Eundem
 quoque tempestatis casum tulere Hispanica naues, et
 ad unum Scarzapini omnes, quæ Cassineum superare
 nequiuierant. Ita ut totum id littus ab occasu ad Cer-
 cellum usq; oppidum, quod paucis ante annis Andree
 Aurie infelici conatu nostris cognitū, à Turcisq; pos-
 sessum suo loco diximus, eiectionum nauium fragmen-
 tis ac hominum et equorum cadaueribus sterneretur.
 Numidæ enim alij atq; alij pariter è mōtibus, cōspecta
 nostræ classis calamitate, celeriter se demiserant, neq;
 inermibus eiectionijs, neque foeminis parcentes, secus ac
 Cercellani Turcæ, qui enatantes uel auarè, uel huma-
 niter ad seruitutem conseruare, quàm interficere ma-
 lebant. Periēre paucissimis horis circiter centum et
 quadraginta nauigia, quæ sine remigio quadratis uelis
 agerētur. Rostrate porrò, quum à media fermè nocte
 in multam diem pertinaci remigum contentione, et
 magistrorum diligentia in ancoris perstitissent, neque
 diutius tempestatis iniurias ferre possent, obruiq; time-
 rent, iacturam triremis facere ac sese in littus remis et
 uelis uehementer incitare minimè dubitabant. Sed e-
 natantes à Numidico equitatu totis discurrēte litto-
 ribus, semiuiui et frustra se dedentes in ipso salutis li-
 mine cædebantur. In his Lazarus Amareus è Genua
 nobilis trierarchus est interfectus, uidereq; erat omnis
 generis liberos oblata seruitute seruis remigibus Bar-
 baris

baris salutem cum fletu commédantes, ut illorum, qui
 modò conuersa Fortunæ conditione catenas ad tran-
 stra reliquerant, & ad libertatem exultanter enata-
 bant, significatione & uocibus à Numidarum seuitia
 tegerentur. Eratq; spectaculum diuersis casibus ualde
 atrox, & ubiq; maximè funestum, quum quisque pro
 animi habitu, natandique peritia, in ipso certæ cladis
 ancipiti metu, dum genus mortis præoptat aut resu-
 git, uel mersus undis, uel hostili lancea transfixus, ad
 suum omnino uitæ finem destinante fato raperetur.
 Nemo tamen erat, qui non maximè eadem & uulne-
 ra perhorreret, nauisq; discrimen & tempestatis euen-
 tum expectare, quàm præuenire uitæ exitum mallet.
 Eo modo facile accidebat, ut ea immanis hostium seui-
 tia, uti uehemèter reformidata nautis atq; uestoribus,
 multas triremes, quæ ad naufragium decreto atq; inci-
 tatione pauentium litus appetebant, aliquandiu con-
 seruaret. Sed postquàm rostrata insignis, qua Ianetti-
 nus Auria uehebatur, uti maximè propinqua littori,
 coherentiumq; triremium pulsata ictibus, propelli ac
 arenis impingi conspecta est, non sustinuit Caesar, ut
 spectatæ uirtutis iuuenis, & præfectura multarum
 triremium clarus, nullo ferente opem, in oculis ipsius
 auunculi Aurie à Barbaris trucidatus interiret: sta-
 timque Antonium Aragonium cum tribus Italorum
 cohortibus ad litus misit, quarum aduentu, conie-
 ctis in fugam Numidis, ille quidem ita seruatus est, ut
 eius salutem aliquot triremium iactura sequeretur.
 Multi enim Numidarum timore liberati, consisiq;
 præsidio, ut se quoque maris periculo & tot tempe-

statis incommodis expedirent, proras in littus intule-
 runt: ac nisi aliquot intrepidi nauarchi damni dolore
 ad acerbiteriam contumacia ingenia uertentes, di-
 strictis gladijs per fores discurrendo & mortem com-
 minando, nisi remos inhiberent & se continerent, ue-
 ctiores & remiges deterruissent, maxima pars rostra-
 tarum exemplo superiorum omnino deperisset. Ipse
 Auria non tam sibi quam Cæsari iratus, qui disciplina
 naualis rationem, & certos inclinantes autumnus dies,
 nauigantium obseruatione prædamnatos neglexisse
 uideretur, incredibili animo contra tempestatem indo-
 mitus permansit, suadentiumq; preces, ut se conserva-
 ret, adeo fortiter reiecit, ut eos acerrimis uerbis tanquã
 publicæ salutis proditores ad imam carinam descende-
 re iuberet. Pari quoq; perseverantia, Virginij Vrsini
 Anguillarij quatuor triremes, totidemq; Rhodiæ ea-
 rum emulatione, uincente metum pudore, & Siculæ
 aliquot ac Neapolitanæ atq; Hispanicæ cuncta tempe-
 statis incommoda feliciter pertulerunt. Eo casu quin-
 decim omnino triremes desideratæ sunt, quarum detri-
 mento supra tot nauium onerariarum naufragia, etiã
 tum seuiente uentorum rabie, tãtus tum luctus, dolor,
 tantaq; rerum desperatio, in ualde lugubri supremæ
 cladis expectatione, totum exercitũ occupauit, ut ne-
 dum tyrones & milites de sua tantũ uita solliciti, sed
 longè fortissimi duces de publica salute cogitantes, ani-
 mos desponderent. Nunquam enim ab ulla annalium
 memoria ullas bello copias grauiore calamitatũ con-
 cursu, uel seipsa seuior fortuna perculerat: quum ciba-
 rijs omnib. eo triduo consumptis, nullus, quo tantisper
 incediam

inediam ferrent, cōmeatus adesset, tabernaculaq; deessent, quibus in tanta perpetui imbris iniuria, & lutulentæ regionis fœditate, ad quietem, labore, inedia, frigore, uulneribus confecti milites tegerentur, in tantisq; demum incommodis ingens cura & præterito metu quidem acerbior, omnium mentes magnopere cōturbarat, reputatione immanis naufragij, quum tot amissis nauibus, exoptatus in patriam reditus, in terram Africam proiectis & miseris, fato Caesaris interceptus esse crederetur. Afflictorum tamen spes, quas apud mortales nulla fortis iniquitas penitus abrumpit constantia Caesaris egregiè sustentabat. Ipse enim mirabili alacritate cuncta munia prouidentie militaris ac humanitatis officia cunctis inuictus malis & cōspectu maxime serenus adimpleuit: nam postquam castra, cōstitutis præsidijs atq; uigilijs contra obstrepentes Barbaros firmata sunt, defatigatis ducibus in primisq; Albanio in ipso pugnae tumultu magnopere fesso fœdeq; madenti ut sibi parceret, quietiq; se darèt imperabat: solabatur saucios, ac in ea tabernacula, quæ fortè substituerant (nam cuncta penè uis umentorum euerterat) referri foueriq; curabat: quum sibi ipsi loricato mactatoq; non parceret, plenior cum laude uoluntates militū promereri uideretur. Desiderauit eo die hostili occisos manu milites circiter trecentos. In his cecidère præfecti, aut noti centuriones Ioannes Calaber, Pæcratius à Neapoli, Cancinius Ligur, Mirabilis Insuber, et Iacobus Strasoldius è Foro iulio: è numeroq; Rhodiorū equestris ordinis, Didacus Hispanus, Georgius Aruernus, & Guido Roscius Neapolitanus. Vulnerati autem

multo plures ducentis, & in his Sulmonensis princeps Philippus, Caroli Lanouj filius sub illo sagitta ictus. Sed maximum in demersis nautis detrimentum acceptum esse censebatur, quorum iacturam innumerabilia tormenta aenea mari hausta plurimum augebāt, & ob id cumulatione damno, quod in potestatem Barbarorum quum pacatum mare urinantes admitteret, ad publicam perniciem peruentura prouiderent. Nec multo post Andreas Auria, uti erat in praesentiendis tempestatibus unicus naturae maris & celi, nubiumq; spectator, diffusus loco, ad Matafusium promontorium cum classe se proripuit, quod tutiorem ibi stationem & sine crepidine littora ad consensiones militum commodiora didicerat, commonesacto Caesare, ut illuc terrestri itinere contenderet. Ita Caesar comprobato consilio, ad subleuandam ineam, equos, & primo quidem iugales ab initio trahendis tormentis ante omnes classe eductos, ac demum militares interfici iussit, cohortibusq; diuisit: nam ad excitandos ignes ex naufragijs ligna affatim suppetebant, fortuna ueluti uno eo beneficio tot iniurias compensante. Postridie Caesar ab Algerio discedens, quā triplici agmine, & equis atq; saucijs in medium receptis, septem millia passuum confecisset, persequente & circumfuso undique Barbarorum equitatu, ad torrentem, quem Punica lingua Alcaraz uocant, peruenit. Is imbris ualde instatus, retroq; ad ostium uentis pariter ac irati maris fluctibus compulsus, tantum excreuerat, ut qui paulo ante humilem uel infirmo pediti uadū praebebat, propter aquarū rapiditatem ac altitudinem, nec à ualido quidē equite transi-

transfretur. Castra itaq; eo loco atq; ordine necessaria posita sunt, ut quum trianguli formam referrent, eius duo latera utring; mari & flumine, reliquum uerò perpetua armatorum statione munirentur: neque enim à mari tanquam à certo ad leuam munimento, querendis humilioribus uadis erat discedendū. Quam ob rem multis tranare ausis cursuq; annis celeriter abreptis, Caesar ex reliquijs nauium malos ac antēnas passim nactus, subitarij operis pontem perfecit, atque eo non omnino incommode Italos atq; Germanos traduxit. Hispani enim in superiorib. locis, uix suras adaequantia profluentis uada repererant. Neque postea Turca, qui insequeretur, cōspecti sunt: reuocarat enim eos Asanagas, persequendi & lacessendi negotiū Mauris & Numidis relinquens, qui quum iam à sclopettarijs curulibusq; tormētis, quæ unicuiq; agmini gentiq; ad præfidiū attributa fuisse diximus, egregiè peterentur, in egros maxime debilitatosq; uulnerib. à nostris destitutos, atrocissime sauebant. Nulli enim erant, qui inter angustas spes salutis proprio metu occupati, alienæ calamitatis misericordia mouerentur. Sequenti porro die, superato alio minore flumine, ita ut milites summa aqua pectoribus extarent, tribus tandem castris ad classem est peruentum, quæ quum Matafesijs promontorijs modico flexu tegeretur, exercitus omnis in Tipasæ antiquæ urbis ruinis iuxta mare consedit, loco ita opportuno, ut cadentium murorum reliquæ ad admirationem Romanorum operum adhuc extantes, aduersus Barbarorum audaciam non inutile munimentum præberent. Iam mare remissioribus flucti-

bus agebatur, uentiq; perflare desierant, ac ea erat cōsecuta tranquillitas, ut exercitus in naues imponi ac in Europam reportari cōmodē posse uideretur. Itaq; Caesar letis omnibus edixit, esse nauigandum, eo præscripto ordine, ut primò Itali, deindeq; Germani, ac Hispani demū, peculiare ipsiq; notas naues conscenderent. Sed tot nauibus naufragio absumptis, quum onerariæ naues tantam militum multitudinem uel angustè collocatam capere minimè posse censerentur, pronunciatum est gubernatoribus dominisq; nauium, ut equos ad unum omnes in mare proijcerent, quòd pietate Caesaris indignum foret, uel generosos & incomparabiles equos gregariorum militum, aut deniq; lixarum saluti prætulisse. Ea res procerum dominorumq; præsertim animos uehementissimè perstrinxit, non priuari enim modò se ad belli usum inestimabili carissimarum rerum instrumento, sed militariū equorum florē, nequaquam suprema necessitate ultro inter cidi, & in reliquum tempus extinctis admissarijs, irreparabilem, orbata Hispania, præcellentium equorum sobolem interire prædicabāt. Spectabantur itaq; cum dolore ac inani misericordia generosi & militares equi, toto pelago elatis ceruicibus ad proximas quasq; naues irrita spe salutis tanquam ad littora contendentes, quum demū longa defatigatione superati consumpto spiritu mergerentur. Sed uixdum dimidia pars militum conscenderat, quòd scapharum inopia uel cupidè properantibus tarditatem attulisset, quū Vultur-nus & Eurys, alijsq; mox uenti in orbem conspirantes, secundam penè prima uehementiorem tempestatē excitarunt.

citarūt. Quo casu nihil expectatis imperijs, unaquęq;
navis, sublato plena milite, ne in scopulos adigeretur
eò direxit cursum, quò uis ipsa uentorum plenis uelis
per alta maria rapiebat. Abiēre quidē celeriter ē con-
spectu disiectę penitus in contrarias regiones, naufrā-
gij famam ac penē omnium interitum commemoratio-
ne periculi in omnes insulas ac Italię portus deferen-
tes. Sed nec quę à multis narrantibus audiui, superata
pericula, & mirabiles casus, susceptaq; pro salute uota
in templis deorum immortalium suspensis imaginibus
religiosē persoluta narrauerim: quum astrictę breui-
tatis studio quo in explicanda grauissimarum rerum
ueritate in tanto uolumine maximē tenemur, legenti-
bus ad ineptam ingenij gloriam amocna diuerticula
quęsiuisse dissudeat. Eum tamen tempestas habuit e-
uentum, ut aliquę naues iam planē quassatę, sensimq;
absortę in conspectu aliarum perierint: ex alia autē
prōptiores scapham occupantes, pereuntium sociorū
testamenta supremasq; preces ad uxores & propin-
quos retulerint. Sed mirabilē casum duę naues Hispa-
nis militibus plenę subierunt, quū in primo cursu re-
flantibus uētis ad Algeriū detortę, magnisq; rimarum
hiatibus integros fluctus admittentes fatali in littore
desedissent. Concurrerat ad littus Numidarum equita-
tus, subsequente Maurorum multitudine, ut eiectos &
desertos à fortuna trucidaret. Non enim Barbari spon-
te se dedere paratos, & nihil pręter salutem sub fide
publica postulantes recipiebant, sed expedito sangui-
ne circumuenire & uulnerare magnopere contende-
bant. Qua feritate atq; insolētia permoti Hispani, ubi

rilibusq; animis indignantes, quod apud Punicam gen-
 tem neq; iura humanitatis, neq; militiæ leges ualeret,
 auaritiæq; eorum omnis, quæ apud inopes rerum om-
 nium ac egentes summa semper esse cõsuevit, immani
 crudelitate uinceretur, arma protinus expediuerunt,
 densatoq; agmine in orbem pugnantes, ad oppidum
 contenderunt, usque adeò constanter & fortiter emen-
 so spatio, ut coronam hostium multis illatis uulneribus
 à fronte sæpius effringerent, & à lateribus inuectos
 prælongis hastis egregiè summouerent. Tū uerò effun-
 dentes se Turcas appellarunt, & per eos, si uita inco-
 lumi reciperentur, Asanage in seruitutem se dedere
 nunciarunt, quod in homine Sardo Christianis orto
 parentibus, & tot præcipuè libertis & familiaribus
 Hispanici nominis stipato, neque humanitatem neq;
 fidem omnino defuturam sperabant. Ita prodicens Ase-
 nagas præclaro iure uoluntarijs seruis fidē præstitit,
 depulsisq; Numidis, ad unum omnes humaniter con-
 seruauit, quū solerti ingenio uel semiuir, è tot manci-
 pijs tanti prouentus lucrū, cum honesta etiam clemen-
 tia laude coniunctum, secus ac Barbari mirum in mo-
 dum æstimaret. Ipsi autem Germanis ea terra mariq;
 accepta incommoda, contagiosam penè pestem attu-
 lerunt, quoniam montani homines & è mediterraneis
 regionibus ad non conspecta ante maria deducti, neq;
 perturbantis nausæ, neq; diuturna iactationis tormē-
 ta tolerarent, q; & antea corruptis uisceribus proflu-
 uio laborare cœpissent, quum ex inedia toto eo triduo
 quo ad Tipasam est deuentum, palmularum bulbosis
 radicibus & cepis agrestibus uescerētur, quibus malis
 & aliquot

Et aliquot demum naufragijs effectum est, ut ne tertia quidem eorum pars incolumis in Germaniã redierit. Sed unius magnæ navis longè durissimus euentus, omnium funestos casus miserabili calamitatis exitu superavit. Hæc enim, quum in ea quadringenti ferme omnis generis milites uherentur, inusitatis atq; diuersis erroribus ita Mediterranei maris sinus atq; insulas omnes circumiuit, ut quum portus appeteret, noua semper uentorum commutatione, è conspectu ipsoq; limine tutissimarum stationum ac urbium raperetur, hominesq; paulatim consumptis edulijs fame tabescentes, ad insolitam in uiuis corporibus maciem oraq; lurida peruenirent. Post quinquagesimum autem diem, quum serò admodum nauis exoptatam terram attigisset, alimentisq; se milites refocere contenderent, neq; ullis omnino cibis ueluti iam extincto calore proficerent, paucissimis diebus ad unum ferme omnes alius alio celerius aut tardius omnino perierunt. Ceterum Caesar, obtestante Auria atque imperante, inualecentem procellam effugiens, cum rostratarum classe præteruectus Africa litora ad orientem, in Holcachitena sinum se intulit, in quo sita est Buzia, antiquitus Vzi-catha Ptolemæo dicta, quã suo loco ab Hispanis duce Nauarro manu captam atq; direptam fuisse memorauimus. Castellum tribus munitum turribus in ea parte urbis, quæ mari alluitur, paucorum Hispanorum præsidio tenebatur, urbis autem ipsa paulò ante gymnasio et nundinis ac Horucij Barbarussæ, qui dextram ibi manum tormenti ictu abreptam reliquit, calamitate percelebris, ab ea clade deletis incolis penè tota pe-

rierat. Nec Hispani plus suburbani agri possidebant, quam quantum tormentis & armis aduersus obsidentes Numidas tuerentur. In presidio autem perexiguus omnino comēatus est repertus, sed maioris minorisq; pecoris non ingrata, quanquam tenuis copia uiros insignes recreauit. Quum uerò in maximam spem comēatus deuenisset Caesar, quòd Ligustica nauis cognomento Furnaria comēatu onusta, letis omnibus in conspectu se dedisset. tempestas inualuit, nauisq; arātibz uada ancoris, in littus ad naufragium eiecta est. Ita tamē, ut eiectionis & salsa alluione semi corruptis rerum penē omnium cibarijs, excipiente ea confestim nauali turba, crescentem inopiam opportunē subleuaret. Interea Caesar, quum plures iam dies inflato mari, ac alternantibus uentis conturbato, in multa idonea ad nauigandum tempestatis expectatione substitisset, & spe noui comēatus omnino decideret, nec habitae supplicationes uotaq; suscepta diuorum iracundiā mitigaret, Siculas duce Gonzaga Rhodiasq; triremes ab se dimisit. Boreas enim in Corū se uerterat praebebatq; spem ad experiendam mari & fluctibus fortunam, omni cunctatione tutiorem. Ita quanquam turbulenta felici tamen navigatione, in Vticae portum, qui Farinas hodie uocatur, celerrimē delatae sunt, ibiq; praesto affuit Muleasses rex Tunetanus, Gonzagamq; plurimū exoptatis esculentarum rerum muneribus liberaliter adiunxit. Atq; inde demū incolumes ad unā omnes Drepanum traiecerunt. Nec multò post à Cucchio montanorum Poenorum regulo, legati ad Caesarem uenerunt, intra paucos dies comēatum affatim, & magna

item

item auxilia aduersus Turcas pollicentes, sed eos Cæsar, punice fidei liberalitatique diffusus, amice uoluntatis ac officij nomine pecunia donatos remisit, quæ legatio demum uulgata per Barbaros, magno incommodo paucos post menses regulo cessit. Nam tanquam amicus Christiani nominis Punicique hostis, ab Asanaga regno fuit expulsus. Iam defatigatis planè uentis usque adeò resederant tempestates, ut mare sedatum atque stabile uideretur, et periti nautæ, cum metu periculorum imminantium, tum præteritorum tædio nauigationi se committere minime dubitarant. Disputabatur omnibus prope horis in concilio nauarcharum, sententiisque dictis, quum alij in Sardiniam aut Corsicam, alijque eodem lecto Africæ litore, et tutiore cursu Siciliam petendam esse dicerent. Tandem aspirantibus Euis Cæsar ad Baleares cursum direxit, diu etiam Catharinæ maligno fidere tranquillam nactus tempestatē, atque inde demum ad nouæ Cartaginis portum appulit, tantis acceptis detrimētis seipso uel admiratione suorum uel inimicorum iudicio planè maior et augustior quum durissimis terramarique iniquæ sortis casibus inuicto semper animo conflictatus, suæ propriæ, nec ulli ducum aut militum communicata laudis triumphum de uicta fortuna reportasse uideretur.

370
PAVLI IOVII NO-
VOCOMENSIS EPISCO-
PI NV CERINI HISTO-

riarum sui temporis.

LIBER XLI.



NDVCIIS Rinconis atq; Ere-
gosij morte sublati, Frāscus
ui maximē decuit, longa pacis
expectatione deceptus, suae di-
gnitatis esse statuebat, quā pri-
mum ulcisci iniurias, ac uno
tempore summisq; opibus, non
modò subalpinis oppidis in Italia, sed ipsis quoq; cite-
rioris Hispaniae, Belgarumq; finibus arma inferre, ne-
que prius absistere incepto, quā honesta pactione
Cisalpinæ Galliae imperio potiretur, aut postremò su-
peratus, & Galliae exutus regno, in eadem aduersa
belli fortuna concideret. Omnes enim ineundae con-
cordiae cogitationes abiecerat, quum praeclaris admo-
dum coniecturis, Caesaris ingenium stabili decreto, ab
ea rerum compositione, quae Mediolanum eriperet,
penitus auersum esse deprehendisset, graui quidem
incommodo ac infamia Annei Memorantij magistri
equitum, cuius consilij, ut aliqui dicebant, parum sin-
ceris, se totum rex ad apertus, nec de equitate Cesa-
ris desperans, traducendum fallendumq; tradiderat.

Ille

ille enim induciarum author, et expetite pacis inter-
 pres, quum summa gratia intemperanter abuteretur,
 ex sermone Caesaris ad regem cuncta secunda ac exo-
 ptata retulerat, siue id ex fide colloqui crederet, siue
 publico Gallie commodo mentitus, quod ea toties fu-
 nesto euentu damnata belli causa aliquando deferen-
 da uideretur, postquam Franciscum ab occulto fato
 Caesari minime parem, tot bellorum exitu, fortuna iu-
 dicasset. Sed Galli proceres adduci non poterant, ut
 quicquam à Cesare de reddendo Mediolano prolixè
 uel liberaliter promissum existimaret, quum nihil ab
 eius ore nisi graue ac insigni sobrietate definitum ex-
 cidere consuesset. Dicebant enim Memorantium con-
 ciliasse sibi Cesare parum fidelibus officijs, idq; unum
 non occulto astu contendere, ut regē decoris auidum,
 iustaq; ob id et necessaria arma meditantem, ad turpe
 exitialeq; otium deuocaret, certaq; subinde indoles, et
 innata uis bellica filiorū regis, sublati armis, desidia
 et uoluptatibus eneruanda proderetur. Eo modo, qui
 militiæ atq; aulæ maximis honoribus potens, totū re-
 gem unus occuparet, diutissimè regnaturum. Itaq; rex
 priuato iudicio conuictū, et publicā inuidiā agrè su-
 sinentem, in Centeliam uillā, manentibus honorū titu-
 lis relegat. eam ipse in Bellouacis regio suntu ad ma-
 ximæ fortunæ uoluptarios secessus extruxerat. Nec
 quisquam omnium repertus est, qui ruenti opem ferret,
 quod nō modò filios regis et proceres, qui facili, ubi
 ex tuto nocendi locum aduersæ fortis casus ostendit,
 uel leuis contumeliæ meminisse decorum existimant,
 sed illustres quoq; aulæ feminas inexorabili uindictæ

libidine gaudentes, propensissimo in eas rege, uarijs
offensionibus alienasset usque adeo, ut eum Ludouici
undecimi graui exemplo, qui Aloysium Luxemburgū
capite puniuiſſet, tollendum cenſerent. Quoniam eo
damnato inuidioſum illud ſummæ equitum præſecturæ
nomen tolleretur, quod propter nimiam, ob idq; ſa
nis regibus ſuſpectam poteſtatem, non temerè antiqua
tam, ſtruendæ ambitioſi hominis potentie reuixiſſet.
Sed Franciſcus in omni re clementia laudem quærēs,
mitiſſimo poenæ genere contentus fuit. Cur enim rex
generoſus uel ingratum & inuiſum acerbius uulnera
ret? Cur deniq; Solymani Barbari principis ſeuitiam
imitaretur: qui Habraimum pari ſuſpectæ fidei nomi
ne pariq; odio muliebri, ac iſſdem ingenij moribus &
immenſæ gratiæ fortuna Anneo ſimilè occidiſſet? Cur
deniq; uel magna delicta ſpectatis uirtutibus minora
non duceret, in eo præſertim, qui ſecum ab adoleſcen
tia familiariter educatus, uigilantia, ſobrietate, indu
ſtria, militariq; laude cæteris Gallorum ducibus ſupe
rior haberetur? Amoto Memorantis, rex ipſe conſilio
rum omnium ſummam, præparato animo ad gerendū
bellum, ſibi deſumit, grauiſſimarum rerum literas, ſub
breui ac ob id fallaci compendio offerri ſolitas, inten
ta cura perlegit, ſuoq; fretus ingenio reſponſa nota
rijs dictat, ararij rationes excuſis quaſtoribus diligen
ter inſpicit, in omniq; obcundo munere, noua diligen
tia nouoq; labore ueteris incuriæ nomen emendat. Eo
tempore Langeus, qui Taurino Gallicisq; præſidijs in
Italia præerat, ſolerti ingenio dabat operā, ut decreti
belli conſilia tegerentur. Si qua enim controuerſa

cum

cum Caesarianis de sinibus ac iniurijs oriretur, compressis suorum armis, per legatos apud Alfonsum Vastum de iure militari ex praescriptis conditionibus disputabat. Ita induciarum imaginem sustentare conabatur, ut quum occasio rei bene gerenda adesset, in hostem improuisa arma proferrentur. Nam statim a Rinconis atque Fregosij caede, uehementer fuerat intentus sollicitudinis ad defectionem oppidis, quae hostium praesidio tenerentur, inclinatis multorum animis ad mutandam fidem, quum aestiuis ac hybernis Caesarianorum militum ad extremam redacti inopiam, mitiora omnia apud Gallos futura existimarent. Sed Alexandria detecta proditio incertam adhuc induciarum fidem exoluit, et deprehensi cum literis speculatores, suspecta utrinque consilia atque arma reddiderunt. Quibus de causis Dauius nouas cohortes conscripsit, ut maiore praesidio propinqua hosti oppida confirmaret, dubiae incolarum fidei parum credens, et saepe insidias a Langeo suspectans, quem contra Gallorum morem, eruditis pacis bellique artibus instructum, ingenio semper excubanti paratoque, non temere cauendum intelligebat. Quia utrinque oppida, quae gerendo bello maxime opportuna didicerant, paribus praesidijs tuebantur. Regij Taurinum, et in proximo Montemcalerium descensu regis ab Alpi-bus interceptum, Sabinianum item, Penarolumque, et cinctum palude Varulengum: Caesariani autem, praeter Astam coloniam et Vercellas urbes, Vulpianum Taurini ceruicibus impositum, Fossanum item, felicium Antonij Leuae operum supremum, et Cherium, et Clarascum, et Albam, quae ab initio belli nequaquam te-

mere à Gallis occupata, sed neq. fortiter demum aut feliciter defensa, Daualum magna ui terrefactis superatisq. praesidijs recepisse docuimus. Minora porro oppida, uti inclusa certis limitibus, quos inducia in mutuos cōsensus antea praescripsisset, raro aut certè nullo stabili milite tenebantur, quòd ea uel una incolarum fide, & domestico praesidio satis custodita existimarāt. Clarascum cum tribus cohortibus alaq. una Cremonensi tuendum susceperat Hieronymus Sangrius Neapolitanus. Is à Daualo per literas monitus, ut ab hostium insidijs diligenter cauere, uigilias circuibat, & praesidia idoneis locis collocabat, sed quum militum animis, propter rei frumentariae causam, minus propensis uteretur, Galli intempesta nocte à tribus simul partibus scalis oppidum ceperunt ab eo loco, quo Centalius Allobrox ascenderat: nam ab ea parte, qua à Daualo quassatum expugnatumq. oppidum diximus, Vasconum cohortes fortiter repulsae fuerāt, & Blandratus excitatis hostium costodijs irritò conatu ad portam haeserat. Quum irrupentium Gallorum clamor audiretur, Sangrius, qui in medio foro submittendis, quòd periculum uocaret, praesidijs aliquandiu constiterat, desperatis rebus in arcem se recepit. milites dimidia ex parte capti sunt, reliqua manus, ut profugeret, ex muro occupatis hostibus se demisit. Fuere qui putarent non defuisse occultae perfidiae suspicionem his manipulis, qui nullo prope accepto uulnere, stationis locum negligentia & metu reliquissent. Ceterum bi duo post Sangrius, quòd nullum antea commeatum pararat, quanquam iumenta aliquot onusta cibarijs sub

sub praef
submitte
ut inde s
reliquit.
ad tentan
duciae ac
dem urb
tium, qu
banis in
adhortat
eorum at
Sub id qu
Gallorum
in equis
Veruca
Epirot
oppress
consilia
uertere
cohort
Aum ha
teres co
eadem op
ipse aut
dijs, in
ualido u
magnod
leri cur
ita, in q
Caram

sub praesidio Tanarum uado traſſicientia, quæ Pyrrhus submittebat, in proximo ſpectarentur, certa paſſione, ut inde ſaluis rebus & duobus tormentis abiret, arcem reliquit. Sed alia Gallorum manus, quæ eadem nocte ad tentandam Albam contenderat, diſſimili euentu audaciæ ac diligentie ſue periculum ſcit. Adorta ſiquidem urbis muros, eximia Franciſci Landriani corhortium, quæ intentæ excubabant, uirtute depulſa eſt, Albanis incredibili ſtudio atq; animo propugnantibus, adhortante præſertim pro ſalute patriæ decertantes, eorum antiſtite Hieronymo Vida poeta celeberrimo. Sub id quoque tēpus, duce Ludouico Birago, quatuor Gallorum turmæ, quæ ſclopettarios celeritatis cauſa in equis conſeſſores acceperant, Varulægo ad oppidum Verucam, quod Pado imminet, proſectæ, alam, quum Epirota dux Zucerus abeſſet, negligenter æſtuantem oppreſſerunt. His rebus cognitis Daualus, q. Gallorum conſilia iam planè abruptis inducijs ad gerendū bellū uerterentur, imperata urbibus pecunia, Germanorum cohortes mercede cōducit: ex Inſubrum iuuentute delectum habet, proſectusq; Mediolano ultra Padū ad ueteres copias contendit. Eius aduentu permoti Galli in eadē oppida, in quæ æſtuant, maturè conceſſerūt. Ipſe autē deductis & coactis in unū omnibus ſerè præſidijs, in minora oppida impetū facit, quoniā Claræſcū ualido uigilantiq; tutū præſidio nō niſi magnis copijs magnoq; apparatu expugnari poſſe didicerat. Itaq; celerī curſu ad duodecim oppida in poteſtatē ſunt redacta, in quæ ſcū Villanoua, Raconiſiū, Carmagnola, Caramanū, quorum acceſſiōe Daualus, tametiſi Gallorum

audaciam abundè compresserat, nequaquā tamen Clarasci amissi iacturam uel captis tot oppidis equasse uidebatur. At Franciscus, qui ante initium renouati in Italia belli, cuncta, quæ longo grauissimoq; suscepto certamini abundè sufficeret, inexhaustis ad id Gallie opibus, insigni cura compararat, inferendi belli munia liberis dispertit, peritosq; rei militaris duces, qui etatem consilio manuq; regerent, attribuit. Generosi etenim iuuenes, matura iam indole etateque florentes, unum illud ingentibus animis, quod tanta fortunæ decrat, bellicum decus quærebant: nec eorum alacritati nobiliq; uoto rex decrat, utpote, qui tenero gaudio persusus, præclara cupientes emittere et famæ ostentare perciperet. Henricus tacito ingenio, pallida facie, grauibuscq; oculis, materni aui spiritus gerebat. Carolus uerò patri similior, fulgore rosei uultus, uigoreq; liberalis animi, ac eruditis apertisq; moribus, amari, quàm metui malle uidebatur. Hic Belgarū fines inuadēdos desumpsit, illi Hispania citerior decreta est. Sed huius consilij famam silentio compressam uolebant, ut simulatione Italici belli deceptus Caesar, et Danaus ambiguo distractus metu, ubi opus foret, periculumq; uocaret, nequaquā maturè expeditis presidij occurrerent. Henricus enim, cum citra Rhodanum milites cogeret, in Italiam per Coctias Alpes transituri speciē præbebat. Interea Belgarum fines diuersis et repentinis Gallorum incursionibus uexabantur. Incumbebat enim è Morinis Arthesie prouinciæ Vandomius adulescens, ad quē certo stirpis ordine, si Francisci soboles interiret, Gallie regnū redibat. Is adiuncto sibi Obic-
fio, to

fio, totius regionis equitum praefecto, magnum terro-
 rem adaptis hostium uicis intulerat. Fortèque, dum
 Teruannā urbem, Britannico bello claram, conmeatu
 & nouo item praesidio muniret, Belgarū equitū alam
 profligarat. Ea erat Hadriani Beureni, aule Caesaris
 magistri, cuius imperio eius tractus praesidia regeban-
 tur. Carolus autem Aurelianus cui aderat Claudius
 Guisius Lothoringiae reguli frater, de Germanis Lu-
 therana factionis nobili uictoria clarus, superato Mo-
 sa flumine, ad Lucemburgum Leucorum olim urbem
 penetrarat. Ea regio ab urbe metropoli nomen ducit,
 pertinetq; ad Arduennam solum, atq; hinc ad Eburo-
 nes, & illinc ad Treuorum fines extenditur. Nec Lu-
 cemburgenses ualido ac improuiso hosti diu resisterūt,
 quin se dederent, quòd eae copiae, quae à Maria Caesaris
 sorore cogebantur, nondū aduenerant, & tantus erat
 apud gentem nequaquam pro uetere gloria belli satis
 peritam urgentium Gallorum metus, ut mutare fidem
 quàm belli clades subire mallent. Ita nullum ferè oppi-
 dum fuit, quod Aurelianum adaptis portis non reci-
 peret, praeter unum Ennosium, quod praeter alta fossa la-
 toq; muro, & à tertia ferè parte palustri aditu muni-
 tum, Germani milites praesidio imposito tuebantur.
 Sed Aurelianus nihil earum rerum difficultate deter-
 ritus, magna ui oppugnare coepit, quassatusq; aliquā-
 diu murus est, & repetito militum conatu fortiter ten-
 tatus: egregiè repugnante Germano milite, ita ut op-
 pugnatio alacriter coepta, quum opinione durior ad
 asperior euaderet, militumq; uires ac animos hebetar-
 ret, omittenda uideretur. Id consilium iuuenis dedeco-

ris metu, & spe laudis adductus nō probabat, uel suadente Guisio, & patre rege per literas reuocante. Is enim secundis auersisq; rerum suarum exemplis dux peritus, & uetus miles, filium monebat, ut pertinacia, quæ exitiali insanie esset persimilis, finem imponeret, nec se longius à rationis finibus cæca cupiditate abduci pateretur. Fortunam enim, quæ eius belli inijs & medijs benignè cumulateq; fauerit, æquo animo ferdam esse, etiamsi conuersa nequaquam postremis successibus arrideat. Itaq; abscedere incepto turpe ratus, locum mutare, & in tumultum tormenta transferre constituit: quibus singulari militum studio laboreque subuectis, tanta ui propugnacula deiecta, defensoribus nudata sunt, ut percussis metu oppidanis, Germani mercenarij milites pacti, ut sibi sub uexillis abire liceret, atq; omnium fortunæ incolumes præstarentur, deditione fecerint. Eo successu Aurelianus magnopere latatus, cum Germano milite liberaliter egit, oppidanos uerò ad spem immunitatis excitatos in fidem recepit: summa quoq; cura adhibita, ut Guisio docente ac administrante, oppidum nouis adiectis operibus inexpugnabile redderetur. Dū hæc ad Lucēburgum fieret Guilermus quoq; Cleuensis regulus, Martino Rossenio duce, in Brabantia bellum excitabat. Is enim, uti supra retulimus, cum à Cesare tū nimis duro seueroq; ut Gheldriæ princeps appellaretur, impetrare nequiuisset, ad Franciscum in Galliam se contulerat, percussq; solenni fœdere, ei Franciscus sororis filiam ex Henrico rege Nauarra susceptam desponderat, ut geminata propinquitate quàm arctissime iungeretur.

Ludouicus

Ludouicus
Gallie
erat: ad
lermus
Caroli
uel non
felicus
atq; No
pter ne
cerem a
rat. Hui
nentis s
terribil
nisq; u
desieru
dis reg
rum g
creder
& Bata
eius per
becum
catorum
Gothor
refert a
& post
tuntur.
quanqu
cauea i
latinum
digniss

Ludouicus enim Francisci socer, eius nominis rex Gallie duodecimus, ex Magna Cleuensis amita natus erat: ab hac affinitate societateq; maximi regis Guilelmus in spem ueniebat, ut Gheldriam, quæ sibi ex Caroli auunculi testamento in hereditatē obuēisset, uel non ferente Cesare, facillē tueretur, atq; eo quidē felicius, quòd ei foederi socius adscriptus erat Daciæ atq; Noruegiæ rex Christianus, qui Christierno, propter nefariam eius crudelitatem impiosq; mores in carcerem ad uitæ exitum coniecto, opportunè successerat. Huius erant ditionis Cymbri in Chersoneso continentis siti (eos indigenæ Holsatianos & Danos uocāt) terribiles quondam Romanis, sed bina cæde Marianisq; uictorijs deleti, hoc demum seculo celebres esse desierunt. Promittebat Christianus, mutua ope tuendis regnis armatum equitatum, armatasq; fortissimarum gentium legiones, & quam magno usui futuram crederent, ualidam classē, quæ secundum Frisiorum & Batavorum littora duceretur. In intimo enim sinu eius peninsula, in Gothicum pelagus excurrentis, Lubecum portu nobile emporium, innumerabilibus mercatorum nauigijs frequentatur. Inde siquidem ad Gothorum & Suecorum regna, per insulas urbibus refertas, uasto maris anfractu, Liuoniæ Sarmatiæq; & postremo Mosconiæ quoque littora clasibus petuntur. Fauebat Cesar damnatæ Christierni causæ: quanquam hominem rabidæ feræ persimilem, ac ideo caueæ inclusum oderat, hortabaturq; Federicum Palatinum, illis transmarinis imperijs ab eximia uirtute dignissimum, ut ingenti animo ea regna capefferet,

quæ sibi certa uxoris hereditate prouenirent. Duxerat enim Palatinus Christierni filiam, ex matertera Cæsaris genitam. Propterea nouus rex Christianus, firmando regno adaugendisq; opibus, nouas amicitias nouasq; societates sibi inuendas existimabat. His constitutis rebus, ac animo ad bellū parato, Cleuensis cum regia pecunia domum reuersus, per Rossenium è Menapijs atque Sicambris lectissimas copias coegit. Erat enim celebre gratumq; militibus Rossenij nomē, quòd dux uctus et impiger prædæq; audius, cuncta ea uel aspera factu, quæ astuto grauiq; ingenio secum agigaret, manu fortiter atq; feliciter conficere consueisset. Excitari siquidem uctus disciplina uidebatur Fræcisci Cechingi, cuius memoria apud ueteranos rapinis assuetos adhuc erat insignis: quum ille, uti suo loco docuimus, in summa licetia et latrociniorū impunitate, ad corroborandā infamis militiæ disciplinam, exactæ seueritatis leges inuenisset. Propterea pleriq; etiā nobiles, qui inueterata maiorum consuetudine sese, cliētesq; suos latrocinijs alere nequaquam turpe ducunt, ad Rossenij signa auidiſsimè confluebāt. Nec erat quisquam, qui uel belli causam, uel omnino quo duceretur sciscitando perquireret: cuncta enim ad uictoriam ac opimam prædam diligentissimè prouisa milites putare, nihil fore inuium arbitrari, ac eos deniq; iure optimo hostes cēſere, aduersus quos dux ipse uexilla uel in certis auspicijs explicaret. At regina Cæsaris soror, quæ Belgis præerat, ubi fama perlatū est à Rossenio tot copias cogi, ad Guilermum legatos mittit, qui eius animum explorent, coactiq; in ipsius finibus tanti exercitus

exercitus causam perquirant. ille ambigua respondet:
putare scilicet eam militum manum ab initio, ut cōtra
Turcas duceretur, à uarijs ducibus cōductam, ac ideo
finibus excessuram, ipsi porrò nihil opus esse copijs,
cum undiq; bona pace cum finitimis utatur. Populis
autem ad arma natis liberam semper fuisse potestatem
eorum auspicia sequi, quorum uel occultato nomine
stipēdia præberētur. Nec multò post Rossenius, motis
castris in Eburones, ad Legionem clarissimam urbem
quam hodie Leodium uocant, iter intendit, ut consiliū
altè conceptum compressumq; silentio diuersi itineris
simulatione tegeretur. Ad immensas enim opes An-
tuerpiæ urbis tacitus anhelabat, neq; arduum rebatur
opulentissimo totius occidentis emporio potiri, si po-
pulos, qui iam pridem à patrum memoria finitis bellis
pingui otio & mercaturæ studijs dediti nunquam ar-
ma, nisi in ipsis spectaculis induissent, imparatos &
nihil hostile timentes impronius inuaderet. Petebat
ab Eburonibus, ut sibi in Galliam copias ducenti tran-
situs daretur. At illi armatis externorum copijs spon-
te iter, commeatumq; præbere, ex dignitate eius gen-
tis esse pernegabant, cuius amplissima urbs & nomen
& claritatem ex calamitate Romana legionis, integra
adhuc bellicæ uirtutis gloria, retineret. Itaque Rossen-
nius, quòd à uetere proposito discedere nolebat, in le-
uam iter flectens, ad Mosam singulari celeritate con-
tendit, repudiatis humilioribus uadis, ut Brabantino-
rum custodiæ fallerentur. Nam regina uirilis animi
mulier atque æmula fraternæ uirtutis, quod potuit
equitū præsidia & subitarias item cohortes irruptu-

ro hosti periculosis in locis obiecerat, quibus rebus solerti coniectura prospectis ac exploratis, Rossenius ad Ranaesium pertendens, lintres atq; nauculas nactus flumen traiecit, populatusq; Toxandriam regionem, tantum toti ferè Brabantiae terrorem intulit, ut pagis fortunisq; relictis & dispersis pecoribus, agrestes in munitiora oppida confugerent, ac urbes quoque ipse inusitato pauore complerentur. Eo modo, qui sine maleficio ierat, direptis ac incensis pluribus vicis, capta aut in miserabilem fugam coniecta magna hominum multitudine, ad Roiam insigne oppidum pervenit, quo capto direptoq; ad Verubecium & Horscotum progressus, atq; inde passim uastabundus per Berliam descendens, ad Hostratum castra promouit. Id est oppidum inter Belgas arcis ac mœnium structura, domorumq; elegantia, & deniq; rerum omnium amœnitate pulcherrimum: in id ingens sceminarum & puerorum turba confugerat: multi quoq; nobiles undiq; carissimarum rerum sarcinas comportarant: sed quod magnopere deposcebat Rossenius, in eo magna uis pilarum & tormentariorum pulueris seruabatur, qua una re plurimum indigeret ad expugnandam Antuerpiam. Id enim in uoto erat, idq; unum ad susceptæ expeditionis finem explendis infinita præda militibus ante omnia petebatur. Hostrateses presentis instructiq; exercitus minis territi (omnibus enim eadem atq; ignem tectis ni extemplo se dederent seuus hostis truculenta uoce denunciabat) desperata defensione, animos, ad maturandam deditionem inclinarunt: atque ita, quum sceminarum ac imbellium deprecationes fortium uirorum consilij officerent,

officerent, danti fidem Rossenio portas aperuerunt, nec in latronum duce præclara defuit fides: nemine enim uiolato, nihil ademptum est, præter ea quæ in ipsa deditiois cōditione posularat, sulphurei scilicet pulueris cados centum, pluresq; item ferreas pilas, & quatuor tormenta muralia: hæc enim ad expugnandas urbes circumferendūq; terrorem magnopere pertinebant. Quum ad Hostratum milites plenissimi oppidi copijs recrearet Rossenius, per exploratores didicisse Renatum Aurantium Nansoi filium summæ inter Belgas potentie iuuenē, Breda paterno nobili oppido cū ualidis copijs exiisse, ea mente, ut Antuerpiensibus auxilio accurrens, hostium aduentum celeritate præueniret: iam enim Rossenij consilia non inanibus coniecturis noscebantur, omnesq; uni præsertim Antuerpiæ Ambuaritorum olim coloniæ, cauendum putabatur, qua urbe defensa gentium omnium fortuna seruaretur, neglecta uerò & perditæ, reliquæ Belgarum ciuitates eandem summæ calamitatis cladem subirent. Necesse erat utriq; diuersa & pari prope uia Antuerpiam contendenti, Briscotum petere, quod erat castellum septem milium spatio urbi propinquū. ad id uia militares in unum coibant. Rossenius expediti & durati in armis exercitus studio & diligentia feliciter usus, ut hostibus iter præcideret, ea celeritate præcurrit, ut Aurantiani magna ex parte tyrones, uti ad laborem solemq; ferendum insoliti, uix tres post horas pari emenso itineris spatio peruenierint. Erat ante Briscotum lata planicies, Rossenio minime opportuna tendendis insidijs, quod arboribus tumulisq; careret: is enim ado-

lescentem pugnae avidum, et nihil praeter alacritatem pugacis animi ad conferendas manus afferentem, quoniam nam astu eliceret et circumuenire posset, intentissime cogitabat. Igitur inepta ad id, quod perfici posset, regionis solique natura commentum nouitate mirabile a solerti ingenio desumit. Legiones enim toto campo praeonibus pectoribus procumbere iubet, et equitatum, cui praeerat Longaualles ipsius Cleuensis equitum magister, ad aduersam castelli partem diligenter occultat: duabus tantum turmis uia militari praemisissis, alaeque demum una grauis armaturae constituta inter raras ac humiles arbusculas, quae sub oppido ad amoenitatem consistit. ociosis tenuem umbram parabant. Ductabat Belgas equites uir impiger, nomine Libertus haud magno spacio ante peditatum prouectus, quum raram et exiguan apud hostes equitum manum, ac inter arbusculas non multos equites et pedites uersari conspiceret, antecursores tantum aduenisse, grauioraque agmina tardius sequi ratus, et profligari posse paucos, et castellum praecoccupari facile iudicauit. Nec mora a pluribus res ipsa, uti conspecta iudicataque fuerat, ad Auranitium defertur. Is cohortes ad properandum cohortationibus incitabat, miro autem assensu Liberti consilium probatur: nec ille sibi ullam omnino moram affert, quin extemplo galeatis equitibus ad inuadendos hostes procurrat. At Rosseniani primum impetum fortiter excipiunt, sed mox uti fuerat imperatum, dant terga tanquam impares: ceterum in fugam coniectis extemplo fert opere ala grauis armaturae, quae inter arbores consisterat, editurque insignis pugna: crescentibus

HERO

HERO Bel
sitate atq;
sime fugi
ga cadent
senius ha
to situr a
ditatu, ut
senio legi
te proflig
quo maxi
ingens sy
ualle equi
las reuerr
luti inclu
figatur.
cohortes
profligat
uersaret
dis nunci
tum eius
ta terror
tis auxili
insoliti, i
resp. i
Vrsulum
uirutis e
tor, et d
operam,
de perfi
queretur

uerò Belgis Rosseniani partim consilio, partim necessitate atq; impetu urgētis hostis, laxatis habenis lōgissimē fugiunt, eodemq; cursu Belgæ intemperatē terga cēdentes ad arbusculas pertrahuntur: eas enim Rossenius hastatis hostiū cataphractis, magno impedimēto sūturas ante prouiderat. Festinabat Aurātius cū perditatu, ut uictoriæ equitū interesset: cū dāte signū Rossenio legiones ueluti nouo miraculo terrā editæ, repēte prosiliūt, attolluntur uexilla, tympana crepitāt, & quo maximē terreri hostis potuit, erectarū hastarum ingens sylua conspicitur, prodeūtq; simul cum Longaualle equites ex insidijs, & in terga lateraq; hostiū alas recurrūt. Tū uerò Belgæ perterriti, ac indagine ueluti inclusi, neq; uiribus neq; animis pares undiq; profligātur. Libertus temeritatis dat poenas & capitur: cohortes ne tentato quidē certamine, ad terram arma proiciūt. Aurantius ipse, quum inter confertos hostes uersaretur, erūpente equo fuga elapsus, certū suæ cladis nunciū Antuerpiam tulit. Incredibile dictū est quātum eius aduentus ciuitati per se antea metu consternatæ terrore attulerit. Ex ea enim re malē gesta, desperatis auxilijs, pleriq; cines ad graues armorum tumultus insoliti, in ipsis custodijs pallentia ora præferebāt. Sed res pub. in consules egregiē fortes inciderat, Lucium Ursulum & Nicolaum Schemerium, creatiq; fuerant uirtutis eximie præfectus urbis, dicundiq; iuris prætor, & Marchio summus omnium signifer, qui darent operam, ne ullus omnino uel negligentia uel exerceatæ perfidiæ locus inquilinis aut malis ciuibus relinqueretur. Externos enim opifices, genere Sicambros

atq; Menapios, ad dicendum concepte erga Caesarem
 fidei sacramentum adegerant, expulsis qui dicere re-
 cussissent: omnes qui arma ferre possent, in cohortes
 descriptos priuatis aut publicis armis instruxerant.
 ad haec pomerium cum multa priuatarum aedium ac
 hortorum strage fuerat dilatatum, nouusq; agger institu-
 tus, ubi uetustate collapsa moenia desinebant. Quoti-
 die etiā magna uis priuati eris ex domesticis uasis ad
 fabricanda tormenta conflabatur, per singulas quoq;
 urbis regiones, certam tormentarij pulueris mensu-
 ram dietim consciendam uicomagistris imperarant:
 cauerantq; se uero edicto ne quisquam ē custodiē sta-
 tionisq; loco, uel in fortuito incendij discrimine, uti-
 mos erat, ad restringendum ignē discurreret: fraudē
 enim atq; perfidiam suspectantes, omnes excitandi tu-
 multus causas accurate sustulerant, ut ne hora quidem
 nocturnis diurnisq; officijs spatia populo nunciantes,
 ullo in loco pulsaretur, edictoq; sublatus esset in sacris
 turribus campani eris sonitus, ne coniuratis ad patrā
 dum facinus signum daretur. Nam suspectos aliquot
 & cogitatae proditiōis ex quaestione reos, custodiē
 ad poenam tradiderant. Sed tāis custodijs quum urba-
 na multitudo in tanti ambitus urbe minimē sufficeret,
 nec uti imperita, bellicarum rerum operum labores
 atq; uigilias alacriter ferret, peregrini mercatores rei
 publicae fortem fidelemq; operam nauarunt. Italico-
 rum prima liberalis atq; promptissimi studij laus fuit:
 in his eminēbat Ambrosius Bustius Insuber, & Pauli-
 nus Fundrius Lucensis, qui in Italia ordines duxerāt,
 & tum maximē ad componendas acies instruendosq;
 tyrones

tyrones,
 emulatio
 negotiato
 quoque
 antiquit
 litaribus
 proposit
 tannica sa
 balistis e
 uiterentur
 ut inde di
 consulum
 summa co
 metū ere
 sine eade
 ad urbē
 dus cum
 ter & acc
 fas est. P
 aedant. P
 illustrem
 petere, qu
 ies ueteri
 perpetuo
 quam san
 ram ut p
 uictio mil
 xime leg
 runt, au
 matione

tyrones, spectato grauiq; munere fungebantur. horū
 æmulatione, Lusitani, Germaniq; & item Britanni
 negotiatores longè ditissimi uexilla susculerāt. Magno
 quoque præsidio aderant tres urbanae societates, quæ
 antiquitus institutæ per dies festos uoluptatis causa mi-
 litaribus armis exercebantur, quum in certamina ad
 proposita præmia arcibus ligneis ex disciplina Bri-
 tannica sagittarent: alij præpilata ueruta arcu ferreis
 balistis emitterent: alij autem ualidioribus sclopettis
 uterentur. His forum diuisis excubijs erat attributum,
 ut inde dubijs in rebus contra hostem per tesseram,
 consulum iussu duceretur. His rebus ad urbis custodiā
 summa consulum diligentia constitutis, ac inter sp̃e &
 metū erecta ciuitate, Rosseñius sine suorū uulnere &
 sine sæde hostium opimā spolijs uictoriam cōsecutus,
 ad urbē castra promouit. Nec mora regio more aral-
 dus cum mandatis in urbē mittitur: hunc uel arrogan-
 ter & acerbè proloquētem, ne uerbo quidem, uiolare
 fas est. Postulat, ut in fidem Gallia Daciaq; regum se
 dedant. Horum auspicijs Rosseñium multis uictorijs
 illustrem bella gerere, nec quicquam durius à ciuibz
 petere, quàm iusurandū: leges enim illis ac immunita-
 tes ueteris libertatis præclarè & liberaliter adauctas
 perpetuò incolumes futuras: quòd si uim experiri,
 quàm sanis consilijs parère mallerent, daturum opo-
 ram ut prolatis tormentis, immissoq; ueterano ac in-
 uicto milite, funestum contumaciæ exitum quàm ma-
 ximè lugerent. Ad ea consules grauiusimè responde-
 runt, ciuitatem ea esse dignitate atq; ea uirum existi-
 matione, ut fidem mutare longè turpissimum putet: ea

uero potentia atq; animi magnitudine, ut latronum
 immanium castra despiciat, breuiq; ideo Rossenius
 si congregaretur moeniaq; subiret, merito supplicio
 tot scelerum poenas daturum. Iratus Itaq; Rossenius
 frumentarias molas quæ latis rotarum radijs excepto
 uento uoluebantur late disiecit. Consecerat ad Don-
 num uicum, non longè ab urbe, intererantq; frequen-
 tes suburbanæ arbores, ita ut prospectum adimerent,
 ac earum densitate castra tegerentur, quod è moenibus
 qui in statione erant, uel ad incertos istius tormenta
 displodere nunquã cessarent. Crescente periculo, cre-
 scebat metus, suspensaq; ciuitas noctis euentum expe-
 ctabat: quum ualde timeret, ne tormèta occultata de-
 fensaq; tenebris ad moenia proferrentur. Propterea
 populus metu sauius, cum magno pudore consulum et
 summo dolore nobilitatis postularat, et quod necesse
 fuit quanquam indignum maiestati tanta urbis, etiam
 impetrarat, ut per ampla sacratarum uirginum cœno-
 bia, Carthusianumq; uenerabile templum, quod subes-
 sent moenibus, iniecta flamma delerentur, ne edito ob-
 idq; importuniore tormentis loco potius hostis, ti-
 dius ac audacius in oppugnatione uersaretur. Accue-
 rant etiã consules è Flandria regione, quæ est secundũ
 Scaldẽ urbi propinqua, circiter duo millia ualidorũ
 agrestium. Horum turbam, q; esset inermis, thoracibus,
 lanceis, atq; securibus instruxerant, ut populo tot no-
 ctium dierumq; labore atque uigilijs fatigato, requies
 daretur. Nec multo post Rossenius ab eo singulari ex-
 ternorum et ciuium consensu et diligentia, occupan-
 dæ urbis consilio depulsus discedere, ne tètata quidem
 oppu-

oppugnatione, cōstituit. Paratiores enim quā ante
 credidisset hostium animos, & firmiora præsidia repe-
 rerat: & tum maxime mirabatur nullum triduo po-
 pularē editum tumultum, nullam abortam seditionem
 nullumq; omnino excitatum incendiū. Quis enim ple-
 bem inopem in tanta urbis opulētia, alienae felicitatis
 inuidam, praeda appetentē in fide ac officio perman-
 suram putasset? Sed eam profecto clade fortuna urbis
 auertit. serunt enim Rossenium attonito similem pe-
 cunia corruptum, inuitis & improbantibus cohortiū
 alarumq; praefectis, de uictoria nulla ratione desperas-
 se: quum nō uno in loco, nondum perfectis aggeribus
 ea inuictorum militum robora, ad primos impetus in
 urbem peruasura crederētur. Erant enim supra duo-
 decim millia delectorum peditū, & armatorum equi-
 tum duo milla, nec ampliorem numerum se deposcere
 Rosseius dicebat, ut cum duplo maioribus copijs ad
 certam spem uictoriae aperto in campo confugeret.
 Itaq; discedens concrematis miserabili incendio subur-
 banis delicijs, Louanium Grudiorum olim clarissimā
 urbem iter intendit. Nec maleficijs ac incendijs sinem
 imponebant, Ransio & Dufella oppidis ex iunere di-
 reptis, Lira urbe nequaquam tentata, quum prater-
 euntem Lirenseis emissis plurib. tormentis auertissent.
 Louanienses quoq; & ciuium multitudine, & muni-
 tione urbis, & peregrina iuuentutis praesidio confir-
 mati, hostis aduentum atq; impetum fortiter tulerunt:
 in eam enim urbem liberalium artium gymnasio cla-
 rissimam, magna hominum multitudo confluxerat: fa-
 ma tamen ualuit, ciuium primates salubri consilio, ne

Patriam in discrimen publicæ salutis adducerent, sese multo auro à latronū iniuria redemisse. Ceterum Rossenio Brabantie fines euasante, Henricus Francisci regis filius, sicuti decretum erat, Narbona profectus, ad Pyrenæos montes perrexit, ut Perpenianum, quod est in aduersis montium radicibus occuparet. Id minore cum inuidia peti uidebatur, quod nostra memoria Gallicæ ditionis fuisset. Eam enim urbem à Marco Perpenna Sertorij percussore conditam, Carolum octauū Ferdinando Hispanie regi tradidisse docuimus: quum hic maioribus suis bello ademptam repeteret, ille uerò inuadendi Neapolitani regni cupiditate incensus, in Italiam deferretur, nec eius litis occasione quicquam hostile ab Hispania timere uellet. Recepta itaq; est ab Hispano, aut infami, aut certè parum honesta cōditio-
ne, quū eius belli se spectatorem fore, nec ideo Aragonijs gentilibus consanguineisq; suis opem laturū promitteret: & tum fama esset, Turpenium quæstorem in fido uenaliq; ingenio hominem, lagenis argenteis moneta aurea repletis corruptum, qui inconsultæ regis liberalitatis auctor extitisset. Erat Henrico spes omnis occupandæ urbis in celeritate posita, ut priusquàm auxilia conuenirent, inopinantes ac imparatos inuaderet: neq; enim Gallorum consilia diu tegi potuerant, ipso præsertim Alfonso Daualo sæpius ad Casarem perscribente, ut Hispaniæ finibus caueret: illac enim irrupturos cōpererat: quod nunquam ei, cum in omni re semper liberali, tum in hac utilissima militiæ parte maxime profuso ad exploranda hostium consilia, uel certissimi nūcij, uel audacissimi speculatores defuisset:

præoccu-

præoccupare enim officij merita per amplis donis, & larga demum secretaq; manu præmia soluere erat solitus. Tantus uerò quibusdam Cesariane aula proceribus ab elato animo Gallorum inerat contemptus, ut nihil de eorum aduentu credendū putarent, respondereturq; propterea Daualo, ut de alieno periculo sollicitus esse nollet, ipseq; potius provideret, ne cōuerso ad Italiam hoste, rebus suis timere cogeretur. Sed ubi leuis armaturæ equitum ala intra fauces penetravit, Perpenniano tantus incidit pauor, ut ciues, qui à multis annis pacem colendo, arma nunquam induerant, paruos liberos ac uxores & pretiosiora supellectilis in munitiora oppida comportarent, & de salute magnopere dubitare uideretur. Erat enim murus uetere structura per se tenuis & infirmus ad uim tormentorū perferendam, & propugnacula antiquitus aduersus balistas erecta, his maxime fenestris carebant, quibus accedentium ad fossam hostium latera ferirentur. Ceterum Henricus modicis confectis itimeribus, parū utiles moras trahens, muniendo firmandoq; oppido spatium hostibus dedit. Expectandas enim Heluetiorum legiones existimabat, quæ superato Rhodano ardentissimis solibus confectæ, tardius sequebantur, ut tota mole exercitus intra hostium fines irrumperet, utpote qui de celeritate remittere, quàm equitibus & expeditis cohortibus tantam rem aggredi mallet, ne si parū felici conatu tentaretur, imminuta dignitate Hispanos primo successu latos à cōcepta formidine ad animi constantiā reuocaret, sed quantum existimationis ac uiriū, & in omnes etiam casus certæ securitatis

ea cunctatione querebatur, tantum pulcherrimæ occasionis ad exploratam uictoriam deperibat: coactis enim in unum copijs, Henricus aliquanto serius, quam prima consilia in festinatione posita requirebāt, Perpennianum peruenit. Mouerat à Leucata, quod est ultimum Gallie Narbonensis oppidulum, transferatq; inter stagnum & Pyrenæos mōtes, ut Salsas castellum antiquis Salsulas uocatas cuitaret. Petitur enim Hispania uia militari inter mare & stagnum exaggerata, cui eximia munitionis id castellum imminet, tanta loci opportunitate, ut inde, si Hispani custodes uelint, quemq; tormētis accessu facile prohibeāt. Id Carolus, Perpennianum fraude sibi ereptū indignatus, uti memorauimus, intersecta in oppugnatione citerioris Hispanie nobilitate, diruerat. Refecerat statim Ferdinandus, adeoq; firmo presidio munierat, uti Ludouicus demum, exorto Neapolitano bello, id frustra uel maximis uirib. oppugnarit. Præcurrente Italico equitatu ac obuia in prædam uertente, magnus terror hostili prouinciæ est illatus, prima scilicet excursionē intercepitis aliquot illustribus foeminis, quæ Perpenniano excedebant, ut in munitiora castella confugerent. Henricus ad urbem castra promouit, perductaq; sunt fossæ ad altitudinē hominis depresso tortuoso notioq; opere, ut milites à tormentis hostium protecti, erectis demum uiminibus pluteis tutissimè cōmearent, tormentaq; producerent: quibus confectis ad arcem, pinnarū corona, editioraq; propugnacula petebantur, nec cōsistendi in muro, & propugnandi hostibus potestas foret. Sed Galli firmitiora omnia paratioraq; quam antea putassent, apud

apud
Gallis
quā
traxisse
comme
diam
sed ad
remotis
petebant
regulus
notis in
fitis, ad
docius q
sociorum
uiro im
sulphur
gent
edixera
& equi
opis cur
ueteran
nis præ
deduxer
onerari
uarrar
gendisq
nere in
nio Au
Siculis
Sardin

apud hostes reperiebant. Magno enim incommodo Gallis cecidit, Heluetios expectasse, securitatiq; potius, quam festinationi studuisse, et quod minus expediret, traxisse etiā moras inutiles expediendis omnis generis commeatibus: nam Gallorū consuetudine, non ad incediam modō uel opulenter auertendam in hostili terra, sed ad conuiuiorum quoq; apparatus à Tolosatibus remotisq; populis uina assatim et sumptuosa obsonia petebantur. Inter has igitur Gallorum moras, Albanus regulus in urbē uenerat, et Maciucca, Cerbellioneq; notis in Italia ueteranis, munitioni custodiēq; præpositis, ad cogendas cohortes Gerundā discesserat. Mendocius quoq; castris præfectus ad oram urbi proximā, sociorum naualium egregiam manum duce Bezerra uiro impigro, et tormenta cum per amplo pilarum et sulphurei pulueris apparatu peropportunē et diligenter aduexerat, cōmotaq; uniuerſa Hispania, Caesar edixerat regulis omnibus, ut quā maximā peditum et equitum copie pararentur. Neq; Daualo ferendæ opis cura defuit: cum Andrea enim Auria colloctus, ueteranas quatuor Hispanorum cohortes ex Subalpinis præſidijs, triremibus in Hispaniam aduehendas deduxerat. Legionemq; item Germanorum unā, quæ onerarijs nauibus imponeretur, misso etiam Petro Geuarræ rei bellicæ admodum perito, qui instruendis regendisq; tyronibus uetere suo castrorum magistri munere in Hispania fungeretur: iniunctumq; fuerat Antonio Aurie, et Garciae Toletano, ut cum Neapolitanis Siculisq; triremibus Africanas cohortes è Sicilia atq; Sardinia in supplementū earū, quæ ex præſidijs detra-

ete essent, Sauonā transportarent. His cognitis rebus
 Henricus perplexo tētantiq; similis, an oppugnanda
 urbs foret, cum ducibus disputabat: nondum enim ma-
 iora tormenta protulerat, quibus moenia grauissimē
 quaterentur. Aderant ante alios summæ auctoritatis
 Hanebaldus, et Brissacus, qui peditatui præerat, Pau-
 lusq; Rentij Ceritis filius, leuis armaturæ peditū præ-
 fectus, et Stāpeius genere et regis gratia pernobilis,
 qui honoris causa Heluctijs erat præpositus: quod uir
 opulentus liberaliter epulando largiēdoq; auidæ gen-
 tis studia promereri posse uideretur. Hi ab ipso statim
 initio sententijs inter se discreparant, quum Paulus di-
 uersam muri partē (ea erat à cōspectu arcis remotior)
 ualde quassandā non inepta ratione cōsuisset, reliquis
 Hanebaldo libenter assentantibus, cui minimē decorū
 foret à sententia discessisse. Fit enim plerunq; militiæ,
 ut duces uanissimo iudicij genere deteriora, quæ sua
 sint, cōsilia sequi malint, quā probare meliora, quæ
 uideant: quod alienis ingenijs credere turpissimum pu-
 tent. Itaq; tormentorum magistri, ex Hanebaldi con-
 silio in decutiendis pinnis nihil omnino profecerant:
 quum ex aduerso Hispani et ab arce, et à porta pro-
 pugnaculo, pares pilas in ora tormentorum hostilium
 certissimis ictibus contorsissent, rotasq; curruum cum
 nece proximorū opportunē persfregissent. Eam enim
 portam, quæ Elnensis dicitur, ita obstruxerāt, ut ante
 muralis turricula, ubi pons ligneus subductilis erat,
 multo cespite, multaq; arena ad altitudinem præaltæ
 contignationis compleretur, è qua demum tormentis
 impositis ac in solido collocatis, hostium castra atque
 opera

opera per
 iore ludib
 operibus
 ne succed
 lites arde
 iretur, lo
 ciucca re
 tormentis
 minime di
 cinus abd
 letitie su
 cohortium
 Brissacco
 dimicante
 ta poena
 casibus e
 di senten
 proclina
 bulo, equ
 equitū ar
 occultus
 apparatu
 aliquot i
 nus Ollia
 uenerant
 rum conti
 ptū, sub
 emitteret
 insultate
 licenter

opera peterentur. Acciderat quoq; sed aliquanto maiore ludibrio, quàm damno, ut quum cohortibus, quæ operibus atq; tormētis præsidio erāt, tardius in statione succederetur, proptereaq; ieiuni in sextā horā milites ardentissimisq; solibus perusti, sensim ut pransum iretur, locū tanquam periculo uacuum relinqueret, Maciucca repētinus erūperet, paucos fugaret, potitusq; tormentis ea ferreis stilis in spiracula coniectis, ita ut minimè displo di possent, configeret. Sed id patratū facinus abducere etiā tormenta conantibus nequaquam letitiæ fuit: superuentu namq; Vasconum Italicarumq; cohortium, Hispani intra portam cum cæde compulsi Brisacco ante alios, uti ducem decuit, uehementissimè dimicante, felicis audaciæ laudē tardi receptus cruenta pœna æquatam ipsorum confessione retulerant. His casibus euenerat, ut nemo esset in consilio, qui discedē di sententiam non maximè probaret: adiuuabant rem proclinatam alarū duces, quòd consumpto undiq; pabulo, equi nobiles macie confecti, cum summo dolore equitū aridissimis in locis interirent. Suberat etiā non occultus pavor, nec temerè quidem ex tanto Cæsaris apparatu conceptus. Is enim maturare nūciabatur, et aliquot iam cohortes ab Albano præmissæ (has ueteranus Oliuar ductabat) nullo prohibente in urbem peruenerant: quarum accessione tantus iam erat Gallorum contemptus, ut pecus ab initio intra urbem receptū, sub mediocri præsidio in proxima prata, pastum emitteretur, integrisq; gregibus, frustra insidiante ac insultatē hoste, in urbem reduceretur. Verū id adeò licenter impuneq; facere obsessos non diu passi sunt

Sanpetrius Corsus, & Ioannes Thurinus. Nam conditis in conuallē cohortibus, Hispanos quotidiana consuetudine armentis praesidio audacter prodeūtes, improuiso acriq; impetu adorti, multis interfectis & captis, ipso spectante Henrico, intra urbē compulerunt: qui Sanpetrium uirtutis causa aureo torque, & cohortem pecunia donauit. Hi quoq; duo praefecti Paulum Rentij filium cum delecta manu equitum excurrētem ad Helnam, quae Ebura olim fuit, secuti, Hispanos circiter ducentos obseſis auxilio uenientes, in itinere peracri edita pugna deleuerunt, in qua Vicinij Vrsini iuuenis uirtus enituit, quum ei equus ab hoste suffossus fuisset. Ceterum Hēricus, postquam omnia indies difficiliora fore prospexit, abunde officio uotoq; satisfactum ratus, si incolumi exercitu in Galliam rediret, Miglijs & Hillia oppidis ex itinere direptis, ad patrē est reuersus. Is ad Volcarum urbem, Monpelerium hodie uocatum, citra Narbonam confederat, ut ex propinquo communicatis consilijs in omnem occasionem ferendae opis paratus adesset. Porro ueniētem & quodam nobili pudore persusum, quod coeptis fortuna defuisset, complexus festuē admonuit, ne fraternae laudis obtreccatione plus aequo angeretur, si fortuna coeptis suis minus alacriter arrisſe uideretur (adcrat enim Carolus rebus prosperē gestis ē Belgis reuocatus) satis eum his coeptis claritatis & nominis esse consecutū, postquam Hispaniae fines euassasset, rediſſeſq; incolumi exercitu, & nullo accepto detrimento: ut in secundis demum uotis Fortunam constantis animi uirtute superaret. Redētib; copijs enata est controuersia indicij

dicij milit
nari pro
negantib;
ros. Suff
& mos a
indignu
Romana
nas mod
rum acer
apprimē
que fore
dimisit. E
nos, quo
delatos, V
ro ferme
mentie
bello cap
Egēre qu
in occult
collocatu
tota uasta
prouecto
portubus
tur, Hisp
cogeretur
suspensum
quin celer
uoluisse. E
dia militi
tium miss

dicij militaris, quum Hispani captarū nobilium scemi
 narū propinqui, eas sibi liberaliter reddi postularent,
 negantibus Italis iure belli captas sine pretio dimissu-
 ros. Suffragabantur Hispanis ipsa ratio humanitatis,
 & mos antiquus, quod imbelles genus omni uexatione
 indignum censeretur. Proderat autem Italis recentis
 Romanae cladis exemplum. Constabat enim nō matro-
 nas modō, sed infantes etiam pueros summa Hispano-
 rum acerbitate multo auro redemptos fuisse. Sed rex
 apprimē liberalis donatiuum militibus ex merito per
 questorem dari iussit, excultaq; muneribus foeminas
 dimisit. Eadem quoq; liberalitate usus est erga Germa-
 nos, quos fluctuante nauigio ad Stoechadas ē Genua
 delatos, Virginius Vrsinus admotis triremibus, nume-
 ro ferme trecentos ceperat: & eo quidem maiore cle-
 mentiae laude, quoniam Caesariani multos Subalpino
 bello captos, ad triremes atroci cū iniuria relegassent:
 Fuere qui existimarent, inuadendae Hispaniae consiliū
 in occulta spe uēturae Turcarum classis ab initio fuisse
 collocatum. Barbarussa enim ea astate se Hispania lit-
 tora uastaturū promiserat. Eo autem in mare nostrū
 prouecto, nemini dubium uideri poterat, quin obsessis
 portibus, Aurianae navigationes interclusae tollerentur,
 Hispaniaq; duplici petita hoste uires distrahere
 cogeretur. Propterea Henricum classis expectatione
 suspensum, neq; ab initio maturasse iter, neq; demum,
 quin celeriter se reciperet, oppugnandae urbi herere
 uoluisse, patre itidem reuocante, quum Dexius ē Rho-
 dia militia trierarchus ad euocandam classē Byzan-
 tium missus, indeq; reuēctus Massiliam, certum negatē

clasis nunciū retulisset. Quomodo autem ea res, quæ Francisco non mediocrem inuidiā apud quosdam Cæsarianæ factioni addictos peperisse uidetur, Byzantijs agitata sit, operæpretium erit explicare. Interfecto Rincone, Franciscus Antonium Polinum, qui institutione legationis munere fungeretur, ad Solymanum misit. Is erat ex Langæi disciplina sobrio solertiq; ingenio, & quod intererat, corpore ad perferendos itinerum labores egregiè subactō. Militabat enim Subalpino bello, legatq; nomine ad Alfonso Daualū confirmandis inducijs sepius ierat, quo suscepto munere, eam excellentis industriæ opinionem erat adeptus, ut Daualus prudentiorem eo neminem Gallum se nouisse testaretur. Itaque Polinus per deuios tramites Venetias delatus, atq; inde enauigato sinu Sibinicum usq; quod antiquis Sicum celebre oppidum fuit, transuersis itineribus per Illyricum in Misiam ad Solymanum Buda redeuntem peruenit. Munera ei allata sunt, quum nemini sine dono ad Barbaros aditus pateat. Fuere operose suppellectilis, ad usum ornamentumq; abaci, argentea uasa sexcentorū pondo. Purpuratis uerò prætorijsq; præfecto, atq; item ianitoribus, sericæ omnis generis, aut ex cocco lanceæ talares uestes quingentæ. Solymanus perlectis literis, auditisq; mandatis, quum Rinconis casum grauiter ferre uideretur, Polino promissit, se regi Gallo iusta arma propter uiolatas inducias aduersus hostem Carolum paranti, neq; mari neque terra, quin opportunè opem ferret, defuturum: de his autem rebus nihil explicari posse apud prope-
rantes, tum uerò quum Byzantium peruenissent, pur-
puratos

puratos ad postulata ex communi consilio responsu-
 ros. Petebat ante omnia, ut classis, Hariadeno Bar-
 barussa duce, ad oram Provincia, excipienda Gallicis
 portubus, futura estate mitteretur, peteretq; Solyma-
 nus à Venetis, ut cum Gallo rege contra Carolum foe-
 dus percuterent, & socia arma in communem om-
 nium hostem uerterentur. Non intermisit studium
 Polinus, quin sibi ad rem impetrandam, toto itinere
 purpuratorum animos ampliorum quoque spe mu-
 nerum propitios pararet. Quum uerò ante calen-
 das Decembres Byzantium esset peruentum, Soly-
 manus, quæ antea promiserat se præstaturum polli-
 citus, Polino persuasit, ut in Galliam cum literis re-
 uerteretur, atque inde à rege suo inferendi belli ter-
 minata consilia referret: interea se missurum ad Ve-
 netos Iunusbeii, sæpe antea eo legationis munere per-
 functum, curaturumq; ut quam amplissima classis pa-
 raretur. Polinus eo responso maxime letus, dona re-
 tulit, binos insignes equos, & gladium gemmatum,
 miraq; celeritate ad regem contendit. Is tum conse-
 derat ad Abelleium Fontem in uilla, agresti in loco,
 ad uenationes suo ingenio, & regio quidem sumptis
 ædificata. Eo usus otio Franciscus per triduum Poli-
 no operam dedit, descriptisq; locis atq; temporibus,
 quibus arma inferre statuerat, datisq; amplissimis man-
 datis, eum nihil remissa festinatione, Byzantium re-
 uerti iussit. Polino Venetias delato, Iunusbeius nondum
 applicarat. In ea autem expectatione, ut nihil tempo-
 ris ad maturadum deperiret, Pellicerius uetus legatus
 & cū eo nonnulli ex Gallica factione Veneti homines

adire tentareq; senatum. Apparebat enim Venetos, commodo suo consilia metientes, ad ineundum foedus, hortate praesertim Solymano, facile descensuros, quā Maranum oppidum ad Venetas paludes, citra Aquileiam in ipso Venetiariū limine positum, percussis foederis premio cessurum uideretur. Id ante triginta annos Austrianis Germanis proditum, Belrandus incola, ad iuuante Turchetto centurione, Germanis fraude eiectis occuparat, sublatoq; Gallico uexillo Petrū Strozam Florētiū exulum principem, ad praesidium cum cohortibus circa Venetias conscriptis euocarat: Id patratum facinus ita senatui displicebat, ut in spem recuperrandi oppidi deueniret, & ipsi Galli nō imprudenter euulgarant, si Venetus Frāncisci regis amicitia repudiaret, ac ideo percutere foedus nollet, id oppidū finitimis potius Turcis dono daturus, ut Barbarorum clausibus receptus foret, quā passuros ut Germanorū armis repeteretur. Venetijs autem nihil molestius ac omnino perniciosius incidere poterat, quā ē Veneto portu spectare ambiguae suspectaq; fidei Barbaros nauigationum suarū cursū infestos reddentes, admixtis scilicet praedonibus, quibus ex composito oneratis culpa nomine maleficia tegerentur. Itaq; Polino senatus datur: is Francisci regis causam luculenter agit, interfectorum legatorū casum deplorat, Caesaremq; tāquam concepta inchoataq; tyrannidis inuidia oneratū grauius perstringit. Illum enim nequaquam uera uirtute ac animi magnitudine ad summam potentiam niti, sed multo fido multisq; fallacijs secus ac superiores Caesarē contenderint: illos namq; tyrannis eiectis ciuitates seruitute

seruitute
nere, &
borum le
Cisalpin
ea sempe
immanib
tis arcib
sub Hisp
dissensio
tem relin
gantur.
gnitatis
tunis om
ut Turca
ipso po
rumq; p
fuerent.
praestige
dia suba
fesso Chr
alimenta
quam an
quem da
in socio
ditatis de
cas urbe
ope rece
mediam
gium per
ad ea pr

seruitute liberaſſe: hunc liberis prægrauē iugum impo-
nere, & diſimulanter quidem, ut imperiti rerum, uer-
borum lenitate adducti decipiantur. Per hunc modum
Cisalpinæ Gallie ciuitates primò licentia militari, &
ea ſemper impunita, crudeliſſimè direptas, & demum
immanibus tributis deformatas ſpectari, & occupa-
tis arcibus, Etruriæ compedes iniectas eſſe. Senenſes
ſub Hiſpanico præſidio ſeruitutem ferre, quum ciuili
diſſenſione libertatem amiſerint: Lucēſibus ita liberta-
tem relinqui, ut eam quotannis pecunia redimere co-
gantur. Siciliæ uerò atque Neapolis tantæ modò di-
gnitatis ac opulentiæ regna, uſq; adeò ſpoliata eſſe for-
tunis omnibus, uti opportuna præſectorum auaritiæ
ut Turcarum imperia ad miſeriarum finem exoptent:
ipſos porro Venetos, qui rerum omnium periti ſua-
rumq; præſertim actionum accurate memores eſſe cō-
ſueſſent, quantā fidem ex Neapolitano fœdere Caſar
præſtiterit, ſatis præclare conſiteri. uel ob id quod ine-
dia ſubactis, ea quæ paulò ante Barbarus uel ex pro-
feſſo Chriſtiani nominis hoſtis humaniter dederat, uitæ
alimenta denegarit. Proinde ſenatum tempeſtiuè, ſi un-
quam antea, & ſapienter ad eum ſe recepiſſe, apud
quem datæ fidei ac humanitatis iura ſeruarentur, quū
in ſocio parum æquo aſtutoq; ueteris inuidiæ & cupi-
ditatis documenta proſpiceret, ad inuadendas ſcilicet
eas urbes, quas fatali bello ereptas, Franciſci demum
ope recepiſſet. Quibus autem artibus Caſar, quū per
mediam Galliam ſummis exceptus honoribus in Bel-
gium pertranſiret, regem deceperit, ipſos nouiſſe, quū
ab ea promiſſæ pacis oſtentatione, aſſurmante coram

Daualo, ut ad traducendum legationi maior inesset au-
 thoritas, par propè discrimine: eorum suarum adierint,
 eiusq; rei fabula, quòd in ea scite agenda Caesar totum
 maiestatis pudorem consumpsisset, orbem terrarum sa-
 ma compleuerit. Propterea Franciscum uindicadis in-
 iurijs intentum, contra Caesarem bellum parare, ut do-
 nec sua recuperet, aliena còtènter inuadat, orare Ve-
 netos tanquàm ueteres socios amicosq; Gallici nominis,
 ut sibi adesse uelint. Ipsi hercle uno consensu bella ge-
 rentibus, ea quæ optaret uictoriæ præmia minimè de-
 futura, quòd si fortè abnuant fœdus, & sedere neu-
 trumq; iuuare utilius putent, ambos proculdubio diu-
 dicante fortuna grauitèr offensuros: ut demum à ui-
 ctis odium referant, & à uictoribus iniuriam expe-
 ctent. Decreto autem nitoq; fœdere, quod plurimum
 interesset, Solymano rem longè gratissimam facturos.
 Eum enim ualde commotum laceffitumq; recentibus
 iniurijs, in Pannonià cum innumerabili exercitu profi-
 cisci statuisse, pariterq; exiturum cū ingenti classe Bar-
 barissam aduersus communem hostem, quibus consi-
 lijs communicandis, Iunusbeius Venetias mitteretur.
 Nec de belli euentu quicquam dubitandum uideri,
 quum ipsi uni Veneti proprijs usi uiribus, satis esse ui-
 deri possint, ut Caesarem exosum populis, & rapinis
 milites alentem, à duobus potentissimis totius orbis re-
 gibus undiq; terra mariq; pettum, Cisalpina Gallia
 impotenti dominatu celeriter detrudant. Ad ea Se-
 natus per aliquot dies extracta mora, ut interim Iu-
 nusbeius applicaret, grauitèr respondit, amicitiam
 Francisci regis, quam studiosè percolerent ornamento
 sibi

sibi non oneri esse debere: parem quoque observari cum
 Cesare, à quo discessisse uideri noluit, tametsi fastidito
 eo graui fœdere, quo se Neapoli parū feliciter imple-
 uissent, ad Solymanum eius hostem amicitia repentina
 contulerint: proinde patres conscriptos ac omnes ci-
 uitatis ordines è republica existimare, tueri pacem,
 uti multa duris temporibus incommoda perpeffos,
 quæ uel serò tranquillitatis otio sarcirentur. Caterum
 si explicata signa et planè inchoata bella conspiciant
 tum maturè deliberaturos, tueri in pacem expediat an
 bello permisceri, quum trium maximorum totius or-
 bis principum amicitia perfruantur. Appulerat inte-
 rea Iunusbeius, publicaq; domo lautè instructa, exce-
 ptus fuerat. Is petebat, ut leges renouati fœderis à Ba-
 doerio Byzantijs conscriptæ senatus auctoritate sanc-
 rentur, Francisciq; regis causam ita senatui commen-
 dabat, ut nihil plus peteret, quàm ut eam amicitiam,
 quā cum Gallo tuerentur, propensiore studio nouisq;
 officijs adaugere uellent, postquàm ipse Solymanus,
 fratrem appellatum, gratia atq; opibus iuuandum ad-
 uersus Carolū Hispaniæ regem suscepisset. Nihil enim
 ut fœdus percuterent, aut arma caperent postulabat,
 secus ac Polinus et Pellicerius uehementissimè cupie-
 bant: utpote qui seruidè instando denunciandoq; cun-
 cta faciliè impetrari posse crederent, ob idq; Barba-
 rum frigide proloquentem, auro corruptum suspica-
 rentur, uerum, ut postea pro certo constitit, tanta emi-
 nebat in mandatis ac literis Solymani alloqui super-
 bi, æquitatis atque modestiæ ratio, ut nihil ab inuitis
 exigere uellet, quod ex commodo præstari minimè posse

uideretur. Itaq; Polinus frustra cōtritū apud Venetos aliquot diebus, trireme publica Ragusiū deuectus, ac inde mox discedens magnis itineribus Byzantiū contendit. Quum festinaret, Achomati magistro equitū in Pannoniam properanti, in Thraciæ finibus occurrit: hunc de Germanorum apparatu cōptōq; itinere, & de Francisci consilij edocet. Vbi uero Byzantium est peruentum, cuncta spe sua duriora apud Barbaros inuenit. Pernegabant enim purpurati educi posse classem, quodā serius quā oporteret, ad rem impetrandā aduenisset. Venti certē æstiuq; temporis ad nauigandum aptissimi, tres iam menses effluxerant: ita ut Polinus ingēti cura doloreq; uehementer angeretur, quod neq; Venetijs neq; Byzantijs, in tractando utroq; negotio, satis felix aut tempestiuus extitisset. Aduenerat etiam Dexius trierarchus, ut aduentantis classis nuncium in Galliam deferret. Is in Belgarum fines latē penetrasse, & Hispaniā inuasisse regios liberos cum ingentibus copijs enarrarat. Proinde Polinus, uti aliena fide deceptis ac inanī industriæ suæ successum deplorantibus faciliē accidit, sese grauitē afflictare, peruersos ac instabiles Barbarorū mores execrari, implorare fidem Solymani, conuentosq; priuatim singulos purpuratos obtestari, ne regem spe classis in Hispaniam prouectum, & Belgarum fines inuadentē desererent. Ea enim cessatione neq; honesta ipsis neq; utili, sui regis decus prodi, interpellariq; uictoriam, quæ iam explorata partaq; è manibus emitteretur. In his autem obtestationibus adeo multus erat ac assiduus, ut fastidio quā gratiæ propior uideretur, iudicaretq; Solyma-

nus cu-

nus enim
niendam
dentibus
pter præ
conuersu
grauissim
dicio fide
dientes b
clare qui
ut hæc or
amicitiæ
Nam pos
atq; amic
cia, neq;
uos miri
menter a
dignitate
nulla in
inuerecu
vis nomi
postquā
nes inept
modis, ex
firmantiu
rependen
Galli, qui
in uestro
quam fac
mibus tan
his. Dici

nus eunuchus eius querelæ causam graui oratione finiendam : atq; ita euocato in prætorium Polino, assidentibus collegis, quibus ipse quoq; Hariadenus, propter præfectura maris dignitatem addebatur, ad eum conuersus : Hic, inquit, locus, uiri Galli, expediendis grauissimarum rerum consilijs optimi imperatoris iudicio fidelibus seruis datus, uti decet, quotidie ingredientes beneuolentia atq; odio uacuos excipit, et præclare quidē admonet, ut libere loquamur. Neq; uelim ut hæc oris libertas nuncia ueritatis, atque ideo fidelis amicitia custos, auribus uestris acerbæ molestiaq; sit. Nam postquā rex uester Ottomannici nominis socius, atq; amicus est appellatus, neq; remittere amoris officia, neq; amicitiam uestrā fastidire iam possumus, quā uos mirifice amet imperator, uosq; suis opibus uehementer adauctos, deuictisq; inde hostibus potentia et dignitate maximè florentes uelit: sed postulatis uestris nulla inest æquitas, nulla modestia, ita ut uos iniquos inuerecundosq; uocemus, alij uerò minus beneuoli, uestris nominibus importunos ac impudentes appellent, postquā uti nimis improbè procaces, amicitia rationes ineptissimè conturbatis. Fœdera enim paribus cōmodis, ex æquatisq; sumptibus, et mutuis periculis cōfirmantur. Quod si studia atq; officia negligendo nihil rependeris, celeriter obsolecunt. Ita uobis euenit, uiri Galli, qui in nostro periculo semper obliuiosi supiniqui; in uestro semper erecti et egregie memores, nequaquam factis certisq; auxilijs, quum opus fuit, sed inanibus tantum literis atq; legationibus amicitiam coluitis. Dicite obsecro, quod unquā studij uestri, uestraq;

operæ signum apparuit, quo saltem hostium nostrorum animus uel ambiguo metu distineretur? quū Carolus totius occidentis copijs instructus in Pannoniam uenisset, atq; interim in Græcia, Corone, Patræq; hostili classe quaterentur, Tuncumq; demum, tantis peti tum clasibus caperetur. Sed hoc nobis condonamus, illud. certè uix ferendum uidetur, quod nec tantis iniurijs nostris, uti par erat, indoluistis, quum cruento cōmuni hosti tot nostri nominis crudeliter interfectis, officiosè gratulandum existimaueritis. Peruenit demū ad Aulonem noster imperator, magno uestro commodo in Italiam traiecturus: sed nec tum, quæ à uobis idētanter largeq; promissa erant, Apulorum erga uos studia in appullu uestræ clasīs reperta sunt: nec uos in superiore Italie parte ualidè incumbendo cōmouistis: ita neq; nobis opportuni, neq; uobis unquā tempestiui uel utiles, bene gerendarum rerum occasionem semper amisistis: sed neq; tum neq; postea uestro consilio & consociatis armis unquam eguimus. Venetus enim suo malo, & uim pariter, & fidem nostram expertus est, & reliqua Mars iniuriarum nostrarum præclarus ultor secundissimè confecit, quum arbitrio uestro inducijs cum cōmuni hoste confectis ad nos inuadendos, eius uela tam iniquè quàm impudenter inflassetis. Cæterum siue uestra ope tantos hostium impetus egregiè retudimus, quum hic ipse Hariadenus & classem ad Ambracium profligarit, & latrones Hispanos ad Castrum nouum felicissimè trucidarit, indeq; receptis nostris urbibus alienas ceperimus. Nullius ergo meriti causa uobis tenemur, sed harum rerum obliuisci malumus

lunus quàm uobis semel in amicitiam receptis deesse. Factis enim fidem tenemur: sed spectare tempora, pericula metiri, occasiones agnoscere eius est, qui nō temerè Fortuna aliquid committendum existimet. Tardius quàm oporteret, ut clas̃is educeretur, aduenisti. Præcipiti namq; æstate pesalens imminet autumnus, ita ut neq; mature conscribi remiges, neq; in naues contrudi tutò liceat. In longissima enim nauigatione quis naualem turbam, ad insoliti celi mutationem morbo tentari solitam, uitæ periculum minime adituram credat? quis naufragia uel in reditu non pertimescat? quū hic ipse Hariadenus Augusto mense tantus in re nauali magister ad Acroceraunios scopulos illisus tot triremes amiserit. Hyeme refici, Vere adornari atq; educi clas̃is debet, æstate nauigatur tutò, bellumq; geritur. Id ut fiat, rei publicæ causa, imperatori persuademus. Neq; enim amissa semel clas̃is uel multo auro, quo uel immenso, & per tot secula congesto, Ottomannica domus potitur, restitui potest. Tu hæc amice dicta, si sapias, æquo animo feres: imperator porro ipse uiderit, an tibi sit indulgendum. Illi certè & nobis libero uoto satisfecimus. Hæc uerba ab eunucho seuerè pronuntiatâ, eo grauius Polini animū perculerunt, quòd ex ore Solymani mitti uidebantur, & is quoque auscultasse omnia credi poterat. Imminebat enim à tergo cōsidentibus purpuratis fenestra æreis obsepta clatris, & obtenso uelo protecta, ut ipse imperator quū uellet, nec omnino sentiretur, gentiū omniū querelas & lites audiret, notaretq; ingenia iudicantiū, quorū ex eo metus æquitatis atq; iusticiæ cura multò intērior redderetur.

Nec Polinus ab hac repulsa purpuratos detestatus spē
 abiecit, deditq; enixè operam, ut per Capiagam iani-
 torè largitione conciliatum ad ipsum Solymannum sibi
 aditum pararet. Præstitit officium Barbarus: atq; ita
 Gallus, quod paucissimis nostrorum hominum antea
 licuerat, in intimum prætorium est introductus. Ade-
 rat Bederius interpres, per quem actitata recensendo
 magnis precibus rogabat, ne regem triplici bello ho-
 stes inuadentem, ea promissæ classis expectatione fru-
 straretur. Ad ea Solymannus clementior et paucis ad-
 modum uerbis, non sua uoluntate, quæ esset stabilis,
 atq; mirifica, sed ipsius tarditate, ac æstatis inclinatio-
 ne occasionem educendæ classis elapsam respondit,
 pollicitusq; est, se primo Vere duplo maiorem, quam
 peteret, classem amico fratriq; suo regi aduersus Caro-
 lum cōmunem hostem, sine dubitatione transmissurū.
 Cum eo itaq; responso Dexius trierarchus in Galliam
 reuersus, uti suprà docuimus, effecit, ut Franciscus ex-
 templo filium ab Hispania reuocaret. Redeuntibus au-
 tem copijs, quum hybernorum subesse tempus, nec in
 Belgis propter anni tempus, quicquam ultrā moliri
 uellet, Heluetios firmè omnes, atq; item aliquot signa
 Germanorum persoluto stipendio dimisit: Italicas au-
 tem cohortes Hanebaldo tradidit, qui in Italiam ad
 Subalpinum bellum ducerentur. Prouinciam enim,
 quanquam fructuum omnium copijs abundantē, com-
 meantium tamen militum frequentibus affectā incom-
 modis, hybernorum uacatione subleuandam existima-
 bat, et in Italia alendū omnino bellum rebatur, uel ob
 id quod et Germanorum integram ferè legionem, et
 ueteranas

ueteranas
 dio missa
 uosq; A
 pugnan
 Alpium
 amibus
 opportu
 proximu
 præclaro
 ciperent
 obtestant
 Tantus e
 malicent
 uertentur
 nendam
 tius sens
 apud in
 rant, a D
 itaq; Pet
 ale præf
 manu, a
 petiarijs
 penetra
 liberati
 critter su
 oppidi s
 nu præf
 mature
 eadem s
 sopitos

ueteranas Hispanorum cohortes in Hispaniam subsidio missas intelligebat. itaq; Hancbaldus durissimis inuosisq; Alpium itineribus in Italiam profectus, ad oppugnanda Cunium oppidum contendit. Id ad radices Alpium in plano situm, praecinctumq; duobus paruis amnibus in Tanarum confluentibus, magnam habebat opportunitatem ad gerendum bellum, quod Fossano proximum esset, Monteuiocoq; finitimum. Oppidani praeclearo studio Caesari fauebant, sed ut praesidium acciperent nunquam adduci potuerant uel admonente obtestanteq; Daualo, ut a Gallis maxime cauerent. Tantus enim erat metus Caesarianorum militum, summa licentia ac impunitate sociorum fortunas in praedam uertentium, ut uim hostium minore cum periculo sustinendam arbitrarentur. Sed ubi aduentum hostium certius senserunt, non de uano conceptus pauor usque adeo apud infirmos uiribus creuit, ut quod antea repudiarent, a Daualo militare praesidium postularent. Misit itaq; Petrum Portum a Vicentia, nobilem strenuumq; ala praefectum. Is cum sexaginta galeatorum equitum manu, acceptis in clunes totidem confessoribus sclopetarijs, usus tenebris per stationes hostium oppidum penetravit. Eius aduentu Cuniates bona parte metu liberati impositum extruendi intus aggeris munus alacriter susceperunt. Nec multo post, quum Daualus de oppidi salute sollicitus, ad Petrum Ciconium, qui Fossanum praesidio tuebatur, saepe perscriberet, ut Cuniatibus mature opem ferret, Blasius Summanus cum cohorte una eadem felicitate, qua Portus ierat, per mediose semisopitos hostes ad oppidum peruenit, amissa tamen cir-

citer dimidia militum parte, quum alij obscura in nocte rectum iter tenere nequiuissent, alij periculo territi segniusq; sequentes retrò per deuia dilapsi, amisso in tenebris pudore uexilla reliquissent. Hanebaldus ad motis maioribus tormentis magna ui murum quatiebat, pinnarum ruina fossam compleuerat, duosq; aditus ad irrumpendum parabat. Portus & Blasius diruta mœnium obiectis lanarum saccis, congestaq; omnis generis materia & gleba sarciebant. Omnibus propè horis certabatur, impigrè populus militibus intermixtus propugnabat usque adeo pari omnium studio, ut foemina nequaquam tormentorum ictus formidantes, comportando onera corbibus, & militi cibaria ministrando uirilem operam præstarent. Galli instauratis per triduum prælijs conscendere murum conati semperq; repulsi, multis suorum occisis, pluribus uulneratis, desperata expugnatione oppidi discesserunt. In postremo certamine Guilermus Blandratus, qui antea ut diximus Casalem urbem Gallis prodiderat, glande traiectus interijt, Sanpetrius Corsus in aduersum os lapide excepto deformiter uulneratus, Ioanniq; Turino brachium scalarum ruina debilitatum, uiri fortes supra centum desiderati, & in his Italarum & Vasco-num signiferi quatuor, & insignes nonnulli equites Galli, qui pedibus pugnare iussi alacriter subierant. Quum se reciperent Galli, & maledictis incesserentur, honesta quædam alioqui mulier, sed tum nequaquam integro pudore, ut absentibus illuderet, nudatos clunes sublata ueste feriendos è summis mœnib; ostentauit. Cuniates spectate uirtutis merito, Portum et Blasium pecunia

pecunia donatos dimiserunt: nec multò post Hanebal-
 dus, nullibi captis arridete Fortuna, reuocatus in Gal-
 liam, in Alpibus niuiù procella obrutus penè interijt
 multis ex comitatu, & in his fratris filio multa mole
 niuium miserabili mortis genere sepultis. Nec multis
 inde diebus Langeo, ab rege in Galliam euocato pro-
 fectoq;, Caesar Maximus à Neapoli inusitata calliditatis
 dolum reperit, quo Taurinum belli arcem Gallis eri-
 peret. Discessu siquidem uigilantissimi ducis minus in-
 tentas diligètesq; custodias futuras ratus, quatuor agre-
 stes carros, per quos uenale foenum in urbes conuehi-
 tur, adeò solerti ingenio concameratos fabricarat, ut
 quum exterius uirentis foeni speciem præberent, inte-
 rius seni loricati milites conderentur, qui demum in-
 gressis portam carris, in medio aditu laxatis machinæ
 fibulis repente prosilirent, hastisq; hostium correptis,
 quæ ad parietem per rastrella dispositæ ad manum es-
 sent, custodes confoderent, & tandiu angusto in aditu
 carrisq; occupato locum tuerentur, donec instituta ad
 succurrendum una atq; altera ualidorum atq; perni-
 cium sociorum manus adcurreret. Franciscus enim
 Isclanus, Hispanusq; Mendocius, modico interuallo
 idoneis in locis occultati fuerat, ut carros ingredientes
 celerrimè consequerentur. Sed his aut animus, aut cer-
 tē Fortuna, quæ dolis illudebat, importunè defuit: cum
 primus enim carrus ab ignaris doli bubulcis feliciter
 esset introductus, erumpentibusq; armatis insidie nu-
 darentur, cataractu à fabro ferrario, qui fortè aderat,
 opportunè demissa subsequentes exclusit. Ita primi fra-
 stra socios expectantes, decurrēte ad excitatū clamorē

Buterio duce, à Vasconibus sunt interfecti, uno tantum capto conseruatoq; ab Italis, Alexandro Magio nobili Insubre, ut auctorem atq; ordinem insidiarum aperiret. Isclanus quoq; qui ad patrandum subita rei facinus, sed non in sua fata serus adcurerat, è muro glan-
de percussus interiit: milites uero tormentis pariter petiti è conspectu sese celeriter eripuerunt. Ea res uti nouo insidiarum genere instructa atq; perducta penè ad exitum, Gallorum animos magnopere conterruit, admonuitq; ut nullam omnino custodie diligentiam aduersus Maxij ingenium superfluam putarent, quum ab eo ad tendendam insidias parato paucis ante annis, ipso etià ægrè defendente Buterio portæ eiusdem propugnaculum noctu scalis captum meminissent. Ceterum Langueus, qui iter in Galliam susceperat, niuosis in Alpibus concepta graui pituita, citra Lugdunum interiit uir animi uirtute, ac optimarum literarum notitia Gallis omnibus ea etate superior, & dignus hercle longissimo uitæ cursu, quum supra Bellatæ nobilis familie nomen, sobrij & maximè constantis ingenij mores, quod paucis eius gentis uiris militaribus contigit, ad bellum attulisset.

PAULI

PAVLI IOVII NO-
VOCOMENSIS EPISCO-
PI NVCKERINI HISTO-
riarum sui temporis.

LIBER XLII.



VB id tēpus Germania omnis
excitata Ferdinandi regis pre-
eibus, grauissimisq; Hungaro-
rum procerum obtestationibus
permota, aduersus Turcas bel-
lum suscepit. Nemo enim erat,
qui animo dolorem ac ignomi-
niam ferre posset: postquā propinquis & fratribus
ad Exechium foeda in fuga trucidatis, & nuper ad Bu-
dam Rochandulsi exercitu turpissimē fuso delectoq;
uctere belli gloria decidissent: nec quisquam erat, uel
Austriæ domui grauiter insensus, qui acceptum dede-
cus nobili ausu sarcendum, Budamq; omnino repeten-
dam esse non duceret. Admonebantur, & desides non
dubio uicini periculi metu, quoniam apparebat Tur-
cas nusquam uinci solitos, perpetuoq; bellandi studio
& consuetudine procedendi, prædam & prolati im-
perij famam quærentes, occupata Pannonia minimē
quieturos: breuiq; futurum ut Germani, nisi Hungaris
diro bello obrutis opem ferrent, irrumpente uictore
Barbaro iniqua domi cōditione pro focis ac uxoribus
& liberis certare cogerētur. Celebris tū erat Nurum-

berge regularum, & legatorum omnium propè gentium conuentus, diuq; in eo Pontificij cum Lutheranis de Christiani dogmatis ueritate contenderant, sed ea contentio eum habuit euentum, ut Lutherani insigni contumacia placita sua defendentes, concilio locum in ipsa Germania deligi postularent. Nunquam enim id concessurum Pontificem rebantur, ne Constantiensis concilij exemplo dignitatis atq; salutis aleam subiret. Sed id petentibus, uti mox dicemus, Pontifex probitatis ac innocentie suæ fiducia, publicæ concordie uotū secutus liberaliter indulsit. Caterum decreto bello, imperata adductaq; sunt à regulis & liberis ciuitatibus ad triginta millia peditum, & equitum armatorum sexcenta millia Germanici nominis. in his eminebat Mauricius Saxo nobilissima stirpis regulus. Legionibus magna bellicæ uirtutis opinione præerat Conradus Hefsius, direpta urbe Roma ingentes diuitias consecutus, & Volfangus Theodoricus è Sæuicia nobilis. Supremi autem militaris imperij nomen delatum est Ioachimo Brandeburgensi regulo, quem Turcico ad Viennam prælio interfuisse docuimus, ita tamen, ut summa consilij potestas ad octouiros pertineret. Hos natu grandes rerumq; peritos in consilio delegerant, qui imperatori non multum foris in militia uersato adessent: Ioachimus enim parum efficax nihil ferè præter generis nobilitatem & regij cultus instrumentum liberalesq; conuictus in castra detulisse uidebatur. Vbi Viennam est deuentum, accessere Ferdinandi regis copie: nam præter Austrianos nominatim euocatos, Vngnarus Styriæ præfectus circiter decem millia equitū effecerat.

fecerat. In his erat Illiricorum ala, Bartholomæo Croato duce impigro, cultu insignis uirtutēq; mirifica, & Nicolaus Sdrinius cæde Carzianeris hospitibus æque laudatus & infamis: Hungaricus autem equitatus quindecim milium numerum efficere dicebatur. Nam Gaspar Seredius uir impiger, laudis & prædæ audax, cis Danubium multos Vjarones rapinis affue-
tos, ad signa conuocarat: alia quoque ualidior manus Andreæ Bathoris uexilla sequebatur: ueteranas uero turmas, quæ circa Agriam ultra Denubium hyemabant, ducitabat Petrus Perenus autoritate, potentia, usq; militia Hungarorū nobilissimus. Nec ipse Georgius Varadinēsis antistes, quem à Solymano in tutela regis pueri reginæq; in Transyluania ad Lippam relictum diximus, tanto excitatus apparatu, Christianæ causæ defuturus esse credebatur: sed astuto constantiq; uir ingenio, quum nihil sibi ante belli cūctum temere præmoliendum arbitraretur, ita sollicitantibus regijs amicisq; ueteribus uerba dabat, ut transcundi spem præberet, nec obligaret fidem ullo literarum testimonio, quo Turcis imita consilia proderentur. Paulus quoq; Pontifex, quod erat mirifica uoluntatis & liberalis officij munus, tria milia delectorū peditum Vien nam ad exercitum misit, hisq; ducem attribuit Alexandrum Vitellium expetente rege magnis precibus, ut is præcipuè mitteretur, qui spectatis operibus pugnacis & egregij ducis famam quæfisset. Italos enim duces & milites rex ipse, uti maximè idoneos expugnandis urbibus quærebat: nam paulò ante Philippum Tornicellum cum aliquot cohortibus mer-

cede conduxerat, & Iacobus Medices Danubianæ clas-
 sis præfectus, alterum iam annum in Pannonia secun-
 da nominis fama militabat. Sfortia quoq; Palauicinus
 summæ spei summæq; nobilitatis adolescens, per eos
 dies ornatissimam sexcëtorum equitum alam circa Pa-
 dum conscriptam, in Pannoniam adduxit. Descensum
 est secundum dextram præterlabentis Denubij ripam
 miro quidem ordine, sed adeo modicis ac intermissis
 itineribus, ut Itali Hungariq; duces iam adultæ ætatis
 meliorem partem gerendis rebus opportunam segni-
 ac inutili mora absumi testarentur. fremebatq; ob id
 ante alios Medices, qui multum antea regem fuerat ad
 hortatus, ut ad prima Veris signa, prius quam Turca-
 rum præsidia adaugeri & confirmari nouis militibus
 possent, expeditas copias cū classe demitteret: futurum
 enim esse, ut strenuè atq; celeriter inuadendo, non Pe-
 sto tantum, uerum & ipsa quoq; Buda potirëtur, quod
 Solymanus Budæ præfectus, quem natione Hungarum
 & professione Turcam conciliandis Budensium ani-
 mis à Solymano imperatore relictum diximus, pestilē-
 tia absumptus interisset, eumq; parifato subsecutus es-
 set Stephanus Verbetius, qui propter summum in Ger-
 manos odium, Turcarū beneficio apud suos ciues præ-
 toria potestate fungebatur. Sed ea consilia peritè atq;
 salubriter oblata, Ferdinandus aula suæ principibus
 immodicè credens, in eam maximi apparatus occasio-
 nem disfulerat. Mos enim erat amicorum intimis, ob-
 tractare aliena uirtuti, improbè suspicari mentiriq;
 & neminè in aula pati, qui certa uirtute ad regis gra-
 tiam niteretur. Hisdem artibus nulloq; pudore, omni-
 bus era

bus aerarij fisciq; opibus immaniter direptis, summae benignitatis & clementiae regem, auitoq; ingenio bellice laudis appetentem, militari existimatione spoliarent. Nunquam enim eorum adulatione circumuento hostilem aciem uidere licuerat, quum per legatos gerenda bella, & regij nominis maiestatem nequaquam manu sed cōsilio procul à periculis tuendā suassissent, recenti quidem exemplo fortunae Caesaris, qui per duces tot trophaea de Gallis hostibus erexisset, quum duo Pannoniae reges temere in aciem progressi occisiq; ipsorum gēti & nomini ualde insignem calamitatem attulissent. His de causis Ferdinādus in una securitate prudentiae nomē reponēs, tam procul à periculo quā à fructu speratae laudis remotus, Viennae subsistit expediendis commeatib. qui nauigijs secūdo flumine in castra deferrentur. Iam enim Ioachimus, quum tantae tarditatis infamiam agrē sustineret, uel maximē lētis itinēribus ad Strigonium usq; peruenerat. In promouendis castris talis ordo perpetuo tenore seruabatur, qui tametsi nullo usu fuerit, & ad periculum faciendum euentu caruerit, prodendus tamē, quia optimus exemplum posteris uidetur. Triginta sub signis Hungarorum turmae, moris hostium locorumq; peritē explorandis regionibus anteibāt. Pontificia cohortes sequebantur: ea siquidem primi pedestris agminis frōtem obtinebāt, Vitellio letanter & alacriter Germanis ducibus gratias agente, quod sibi potissimū uti primis obiecto periculis, nobilem ostendendae uirtutis locum dedissent. His, uti par erat, Sfortiani splendentis armaturae equites ad mutuam opem ferendam ea

rant coniuncti. Succedebant continenti fere ordine, tres distincte maiores ala, prima Pereni & Bahoris, secunda proregis Hungenadi, tertia Germanica grauis armaturæ, deinde modico intervallo peditum legiones quadratis agminibus. Apud has tormenta leuiora falcones & minores colubrinæ ad campestris usus supra quinquaginta equorum iugis trahebantur. In dextro latere legionum aequitabat imperator cum robore Germanorum equitum, qui fulgentibus protecti armis (nam & plerique ferrea tegumenta equorum pectoribus & clunibus indiderant) insuperabilis & longè pulcherrimi agminis speciem præbebant. longa uerò series carrorum atque rhedarum, quarum apud Germanos infinitus erat numerus, extra aciem ducebatur, ita ut irrupturis hostibus esset obiecta, intercedente duorum stadiorum spatio, quo explicari posset equitatus. Inclinate sole castra ponebatur, ea instituta ratione, ut lunato circuitu conexis curribus & pluribus simul tormentis, Germanici nominis copias circumuallarèt, reliqui omnes Itali atque Hungari excluderentur, & una tantum Germanorum equitum manus extra munimenta pernoctaret. Ob eam rem Vitellius ut contra subitas hostium incursiones tutior foret, editos colles, & nemorosa loca sedulo queritabat. E singulis autem legionibus singule cohortes, quæ circa rhedas in statione consisterent, sorte ducebantur: & si quis hostium incursum tumultum excitaret, duo milia equitum descripta erant, qui dimissis equis, pedestri ordine, cohortibus opem ferrent, uallumque defenderent. ad leuam reliquum castrorum latus alluebat amnis, aquatio-

quationibus & in omnes comitantis classis commo-
 ditates opportunus. Nunquam enim à Danubij ripa
 discedendum esse didicerant, superiorū ducum exem-
 plo, qui in Pannonia militassent, & recenti monitu
 Ioannis Tarnouij Sarmatæ, qui Moldauica uictoria
 clarus, uti summus bello dux eo exercitu multorum
 iudicio uotoq; ad certam sp̃e uictoriæ, Inogè dignissi-
 mus habebatur. Is enim inuitatus à rege, quum tanti
 muneris operam præstare nollet, ne Sigismundum re-
 gem suum, in uetere Turcarum amicitia quiescentem
 offenderet, salubre consilium dederat: præclare mo-
 nens, ne unquam à ripa discederent, nunquam se uel
 à refugientibus & perturbatis hostibus ad pugnam in
 campos elici paterentur. Nihil enim aliud Turcas o-
 mnibus ludificandi artibus instructos eo bello quæsi-
 turos, quàm ut nostri auditate conferendæ manus
 progrediantur, à flumineq; discedant, quo se celeriter
 ad ripam insinuent, circumfusoq; innumerabili equi-
 tatu, & laxatis latissimè turmis cataphractorum im-
 petus eludant, & demum intercluso comœtu no-
 stros etiam, uti Ludonico regi miserè accidit, aquatio-
 ne prohibeant. Quod ad Budam uerò pertineret, seu-
 ra uoce dixit, bis antea parum feliciter tentatam, ter-
 tio etiam periculo tentari posse, capi-^{q;} sed existimare
 munitiones adauctas, & Turcas aliquanto Hungaris
 constantiores, ad interitum usq; propugnaturus, quo
 animorum decreto nostris militibus insuperabiles iu-
 dicaret. Nec de inuicta gente, quæ ueterano & maxi-
 mo polleret equitatu, magnam insignemq; uictoriam
 ratione concipi, & rectè sperari posse, nisi beneficio

Deorum immortalium parta concordia, omnes totius Christiani nominis equites & opes in unam aciem co-gerentur. Erat enim fama edita in uulgus, Solymanū cum ingentibus copijs amittende Budæ periculo exci-tum in Pannoniam rediturum, aut si ipse subsisteret, missurum auxilio Europæi equitatus magistrum, qui suo more commoueri minime posset, nisi equitum sexaginta millia ducerentur. Sed eius consilij euentus, secus ac putarant, ancipitem casum tulit. Nam sicuti ad decernendas cogendasq; copias magnopere contulerat, ita ad descensum continuū maturandum magno incōmodo fuisse uidebatur. Grauis enim nec insolitus de Turcis timor, quanquam magnificis uerbis egregiē tegeretur, Germanorum animis inceserat usque adeo, ut planē rudis imperator, quanquam ingenio fortis, minime festinandum putaret, ne suæ gentis exercitus in ea loca demitteretur, à quibus aduerso demum flumine nisi parta uictoria difficilis esset receptus. Ex arcano enim consilij decreto statuisse ferebatur, nullam pro Pannoniæ regno, uel dimicationis uel certi periculi aleam subire, sed tueri tantum Noricos fines, & Germania uires ostentare, quibus deterrieri posset Barbarus, si ueluti concessa Pannonia minime contentus, Germanos quoq; laceessere cogitaret. Sed certi demum speculatores è Samandria reuersi, quum eos omnes de Turcis falsos rumores extinxisset, tanti dedecoris tarditatem sustulerunt. Nam uix mille Ianizeros pedites & bis totidem equites Budam aduenisse, & classem numero genereq; nauium regiæ multo inferiore esse nunciabant. Valebat & plurimum ad timorem mi-nuen-

nuendum cunctationemq; tollendam Hungarorum opinio plena bonæ spei plenâq; rationis atq; iudicii, asfirmante præsertim prædicanteq; Pereno, nullâ Turcarum manum, quæ uel mediocris & exigui exercitus nomine digna uideretur, ad Budam inuenturos, si continuo descenderent, nihilq; amplius iam penè corruptæ occasionis insigni flagitio perdi paterentur, quòd Solymano alternis æstatibus bella gerere solito, is annus statæ quietis & otij foret, nec ullam omnino ualidæ iustæq; expeditionis suspicionem adduceret. His de causis, quum omnium militum animi ad profectiōem erecti uiderentur, & iam ipse Ioachimus abruptam moram putaret, Danubium transire constituit: id non probabat Medices, qui quum Strigonij integrum annum in præsidio fuisset, Turcasq; sæpius ad portas excurrere ausos, multis interfectis & captis, latè repressisset, rebus Budensium diligenter exploratis, petendū regni caput esse differebat, monstrabatq; iter expeditum, quò facili in conspectum Budæ biduo peruenirent. Idem erat Pereni iudicium, eadem Vngnadiq; uoluntas, sed cum ducis, tum consultorum omnium mens erat, ante omnia Pestū oppugnare, quod minore cum labore minoreq; periculo fieri posse uideretur, atque inde demum perspectis hostium consilijs cognitisq; uiribus ad ueteris Budæ ripas reuerti: tum enim milites multò alacrius expugnandæ Budæ pericula subituros, si Turcas, quod bono omni foret, in prima contentione deuicissent. Hæc opinio magnopere probabatur ipsi Barcocio, Othoniq; Fotisco, qui paulò ante Pestū contra Mahometem insigni cum laude defenderant,

locorumq; naturam et moenium uitia, et quicquid
 institutis ab se nec perfectis munitionibus deesset, exa-
 ctè nouerant. Ceterum ea res aliam quoq; moram at-
 tulit: nam Danubius in insulam sancti Andreae, et in-
 de ad Vaccianam ripam traiecturis gemino ponte, et
 laborioso quidem opere iungendus erat. Vno demum
 atq; altero ponte flumine constrato, petenda erat Vac-
 cia urbs antea nobilis, sed Mahometis bello, uti antea
 diximus incensa, et demum euastata, à nostris copijs
 penè tota corruerat. Nec erat quisquam qui ante alios
 adire atq; explorare locum uellet, occultatas enim in-
 tectis atq; ruinis insidias timebant, quod nemo adhuc
 hostium esset conspectus, nec ulla subesset causa, cur
 astuta et promptissima gentis consilium, ad metum
 potius quam ad dolos ac insidias referrent. In ea cun-
 ctatione, adhortante Ioachimo, Vitellius alacriter id
 munus suscepit, ita ut fidem daret imperator Germa-
 norum cohortes postero die secuturas. Itaque Vitelliani
 eeleriter confecto itinere urbem ab incolis desertam
 intrant, nec quenquam hostium, qui se in conspectum
 daret, inueniunt, ita uniuersus exercitus ab insula in
 ulteriorem ripam est traductus. Descendit et uno
 tempore Medices ornatissima classe, ut aliam mino-
 rem insulam à fano diuæ Margaritæ nuncupatam
 (ea est paulò supra Budam) occuparet nec obstitere
 hostes, qui tota ripa sese diffuderant, è Budaq; uetere
 minoribus tormentis classem transitu prohibere co-
 nabantur. Sed classis singulari militum alacritate, et
 contentione remigum incitata, adiutaq; plurimum se-
 cundo rapidissimi fluminis cursu, paucis acceptis uul-
 neribus,

neribus, insulam apprehendit, classemq; hostium sub-
euntem coniectis in eam maioribus pilis ad suburba-
nam Bude stationē compulit. Porro inter insulam &
continentis ripam, ubi iam pontem effecerant, in spa-
tio duorum stadiorum erecta quadrata munitione,
parua castra, quae septem cohortium praesidium acci-
perent, constituta sunt, ut onerariae naues duplici de-
fensae praesidio, nihil timerent, & qui sub sarcinis in
castra contendebant, securè commearent. Nam & in-
terdix aliquot turmae equitum cohortibus addebatur.
Quā magno circuitu, uitandis Budensium tormentis,
ad Pestum ire pergerent, ex transfugis reperiebant
Balim Epirotam, qui mortuo Solymano Hungaro ur-
bis praefectura excepiisset, in praesidio habere circiter
duo millia equitum, tria uerò ex Illyrico Vlamannem
Persam adduxisse. Is deserto Tammafo Persarum rege
Solymannum secutus, uti supra memorauimus, in expu-
gnatione Castrī Noui ad Rizonicum sinum, insignem
operam nauarat. Ad hos accessisse mille equites Amu-
rathe Dalmata duce, Obroatij & Clissae cladibus no-
stris claro. Aduenisse autem Byzatio ex numero prae-
torianorum Ianizeros pedites mille, quibus praerat
Segemenes Acarnan, eximia uirtute Chiliarchi locum
meritus. Reliquos pedites ex genere latronum agre-
sium Martelosios aut Mysos remiges esse, quos faciū-
do operi potius quàm exercēdis armis idoneos exigua
mercede cōduxissent. Classem uerò cōstare paulò plus
sexaginta Nasadis, decem biremibus, paucisq; magnis
limtribus, quos undiq;educta sponda crassis asseribus
contabulassent. Imperasse autē cunctis Solymannum, ut

Budam & Pestum cæteris omnino neglectis oppidis, summa vi defenderent, propositaq; esse præmia fortibus, & supplicia ignavis, si quid porro propugnantibus durius accideret, Achomatem magistrum equitum (Bellerbeyum ipsi uocant) à Triballis accerferent: con-
sedisse enim eum ad Sophiam urbem, ut mature opem ferret, monuisseq; Sanzaccos, ut parati profectionis imperium expectarent. His rebus exploratis, castra ad oppidum promouentur: Turcæ conspectis nostris Vacciana porta erumpunt, Hungari singulari alacritate equos incitant, tumultuario prælio concurritur, sed paucis utrinq; cadentibus pari successu vires experti, Turcæ oppidum, Hungari in castra reuertuntur. Vitellius à Septentrione, qua una in parte oppidum tutò oppugnari posse uidebatur, propinquum muro locum cepit. Germani uallatis castris paulò remotius tetenderunt. Oppidi mœnia quadratam figuram efficiunt, & à Meridie profluente Danubio & per angustam ripæ marginem relinquire, opportunè muniuntur. Vtrunq; autem latus ab Oriente pariter ac Occidente, tormenta maiora, hinc ab arce Bude, illinc à Gerardo monte, ad certos ictus constituta, ita detergebant, ut sine certo exitio, neminem nisi imperitum & insanum usque adeò infestis in locis castrametari posse perspicerent. Buda enim editis collibus imposita, diu-
niente Danubio Pestum in plano situm cōtrā respicit, dominaturq; latè campis longo prospectu, ita ut nullā partem à tormentis metu uacuam relinquat, præter eam, quæ ad Agrianam portam obiectu oppidi protecta spectantibus eripitur. Postero die quū Vitellius, ut
statuendis

statuendis tormentis locum exploraret, cum tribus cohortibus & duabus Sfortianis turmis ad moenia processisset, nec quisquā hostium conspiceretur, Turcae repentina eruptione è duabus portis nostros inuaserunt, initumq; est certamen paribus primò animis ac uiribus, sed postquam noua manus peditum & equitum subsidio suis aduenit, nostri pedites primò, mox & equites perturbati dissipatiq; Ianizeroꝝ uim ferre nequiuērunt: secus enim ac nostri crediderāt, Ianizeri summa agilitate, suspensa ad utrunque latus anteriore tunica peritissime longioribus sclopettis utebantur, celeritateq; mirabili, ubi aliquis è nostris concideret, aut occiso equo sterneretur, tacetibus capita detruncabāt. Nec lato scuto protectus eques, longioreq; hasta praeualidus, & graui gladio aut claua ferrea galeas pertundens armatum nostrum equitem timebat. In ea pugna iniquitate perterritis militibus, Vitellius conglobata cohorte una, accensisq; pudore suorum animis, insolenter urgentes Ianizeros graui impetu summonuit atq; disiecit: quibus pulsus, quod decorum Vitellio fuit, peropportunè seruati sunt Vistarinus nobilis adolescens è Laude Pompeia equitū praefectus, & Ludouicus Trechius è Cremona, primus Sfortianae aë uexilli fer, qui uulneratis & cadentibus equis sub multo armorum pondere in manibus hostiū iam penè colla cadentium prociderant. Sed Laurentio Camerti cohortis praefecto opem ferre non potuit: eandemq; fortunam tulere Maxxa Cortonensis uir egregie fortis, & duo cum totidem signiferis ex Umbria centuriones. Explicatē se Vitellio & suos recipiente, apparuit Turcas, si

ampliore exissent numero, maioreq; impetu incubuis-
 sent, nostros ad unū prius quā succurri posset, dele-
 re potuisse, sed in eo repentini praelij tumultu, quū vi-
 res ad conandū Barbarorū audaciæ defuissent, non us-
 quā adeo animi nostrorū sunt immuniti, ut esset quisquā
 qui ad abolendum dedecus in aciem produci non cu-
 peret. Ita Vitellius ad faciendū incōmodum dolore ue-
 hementer incitatus, satis iam cognita natura hostium
 & perspecto pugnandi more, confirmatis accensisq;
 militibus, hosti insidias parare constituit. ante alios Pe-
 rennum admonet, ut occasione gerendæ rei paratus &
 intentus esse uelit. Considerabat Vitellius in hortis regijs
 muro precinctis, qui aequali mille passuum spatio à
 maioribus castris & ab oppido distabant. ex his hor-
 tis duodecim cohortes sub signis educit, reliquas intra
 septa consistere iubet, progrediturq; magno circuitu
 ad inferiorem fluminis ripam. Nec hesternis successis
 elati hostes, quicquam moræ sibi afferunt, quin conspe-
 cto nostrorum agmine Orientali porta Flumentanaq;
 pariter erumpant, & ad nostros magna alacritate de-
 ferantur. At Vitellius suo periculo cautior factus, uti
 statuerat ac optarat, Turcarum impetum densatis or-
 dinibus excipit, sclopettarios ab hastatis protectos,
 & sese in dextrum genu proclinantes, displodere iu-
 bet: uehementi strepitu praelium miscetur, multi ca-
 dūt, & Turcæ pertinaci audaciæ inuesti cunctis nostro-
 rum aciem effringere conantur, sed cohortes fortissi-
 mē resistunt. Interim quum iam Turcæ equites atq; la-
 nizari frequenti multitudine portis exissent, & multi
 ariter à Buda contemplati certantium agmina, ut ui-
 storie

Florie interessent, transuecti nauigijs citeriorē ripam compleuissent, Vitellius opportunē timorem simulat, sensim, sed conferta acie se recipit. Tum uerò hostes clamorem tollunt, & uehemētius ex omni latere nostros perurgent, & equites ad cādenda terga discurrunt. Id Perenus attentē conspicatus, ubi iam satis magno spatio Turcas insequendi cupiditate abductos, à portis discessisse uidet, expeditas turmas inter oppidū & auersos hostes inducit. celeriter turmæ locum occupant, & regressurum hostem portis intercludunt. Adcurrit cū reliquis Perenus, ualidaq; Germanorū equitū manus duce Mauritio Hungaros consequitur. Tum uerò Turcæ animaduerso periculo, pedem referre, indagine se clausos intueri, in fugam ora atq; animos conuertere. Nec consilio uotoq; Vitelliani desunt: promoto enim hastatorum agmine & utrinq; sclopettarijs in corona expansis, Barbaros inuadunt, eos undiq; circumfusa Hungarorum turmæ & occurrentes Germani equites medio trucidant. Tantus erat conuersis & fugientibus illatus terror, ut pleriq; præcipiti cursu ad portā delati intentis hastis suorum terga configerent, illisq; in angustijs, & mox cadentes sequentibus ingressum obstruerent. Multi quoque, quum è ripa, propellente equitatu, in flumen præcipites agerentur, & naues in tanta perturbatione conscendere nequirent, aut interfecti, aut abrepti flumine perierunt. Nasadaq; una nudata remigib. in littore capta demersaq; est. Eo die Segemenes Ianizeros supra centum desiderauit, quum ex reliquis ad quadringentos omnis generis amisset. Huius editi facinoris summa laus ad Vitellium peruenit,

qui egregiè atq; feliciter structis insidijs suorum cædè
 celerrimè vindicarat. secunda omnium confessione data
 est Pereno, qui peropportuno tempore & acuti &
 pugnacis ingenij insignem operam præstitisse fereba-
 tur. Spectata quoq; est & nobilis uirtus in Mauritio,
 qui inuectus acriter in hostes, & ab his circumuentus
 equoq; deiectus tanto periculo fortiter se eripuit. Ab
 hac uel parua uictoria, nostris adeò creuerunt animi,
 ut Ioachimus proferri tormenta, & continuò quati-
 murum iuberet. Itaq; erectis uimineis corbis, quos
 multa gleba ad altitudinem stature hominis replebāt,
 ut pluteorum more tormenta protegerent, productus
 est omnis tormentorum apparatus, sed longius quàm
 oporteret, tormenta à Germanis constituta, murum
 quanquam ueterem, nec plus quinque pedibus latum,
 languidissimè seriebant. Quòd si paulò demissius aut
 æquo altius librata essent, facile accidebat, ut pile uan-
 nis ictibus solo inciderent, aut trans Pestum ad Budam
 usq; iacerentur. Animaduerso uitio Medices atq; Vi-
 tellius monendo docendoq; à Germanis impetrarunt,
 ut propius admouerentur. Eo modo, quū murus qua-
 draginta maioribus tormentis assidue quateretur, ma-
 gno hiatu ad ingressum patefacto, repente corruit.
 Nec dubitauit Vitellius se primum profiteri, qui primi
 periculi locum atq; discrimen subiret, si Germani cum
 expedita legione, ascendentes Italicas cohortes à latere
 sequerentur. Annuere Germani, atque id se facturos
 sublata manu promissere, segni mox ac indecora cun-
 ctatione à fide discessuri. Plerunq; enim accidit, ut qui
 ante periculum fortè operam pollicentur, in ipso de-
 mum

mum discrimine turpissimam præsent. Ab alio autem
 latere Hungari pedites, agreste hominum genus, & ca-
 teris audacior equitum iuuentus, quæ ad æquandū pa-
 ri uirtute bellicū decus dimissis equis pedibus pugnare
 minimè recusabat, locū desumpserunt, truciq; ululatu
 edito, quo præstandæ operæ studium ostentabant, Ita-
 los tumultuario procursu ad subeundum murum in-
 uitarant. Expectantibus cunctis, ut ineunda pugna si-
 gnum daretur, Vitellius non pluribus uerbis suos co-
 hortatus, quàm ut se in Italia natos in conspectu for-
 tissimarum gentiū pugnatuuros esse meminissent: ipsis
 enim & patriæ maximè decorum fore, si ante alios no-
 bili ausu ad hostem prouecti, præcipua uirtutis laude
 potirentur. Neq; enim de pugna euentu feliciq; uicto-
 ria dubitandum, quum pro superis & dignitate Chri-
 stiani nominis, cum inermi atq; fœdissima gente dimi-
 carent: manere uictoribus amplissima præmia ab opti-
 mo liberaliq; Pontifice, egregiè autem fato functis, uti
 optarent, æternæ felicitatis in cælo sedes. Simili modo
 deuectus ueteranosq; socios nauales, quos è nauibus
 eduxerat, Medices accendebat. Perennis Hungaris,
 Germanis Hæsius aderant. Mauritius Saxo, & Tor-
 niellus ad tormenta cum magna manu equitum & pe-
 ditū in statione constiterant, ut si hostes more suo erum-
 perent, munimenta tuerentur. Erat mirū apud hostes
 silentium usque adeò, ut nonnulli traiecisse flumen &
 Budam effugisse hostes crederent: Segemenes enim
 exactæ disciplinæ ueteranus, compresso omni strepitu
 tacitè cuncta administrabat. Is nouū ab Vlamane præ-
 sidiū acceperat, fossamq; intra murum præaltā declinū

utring; margine perduxerat, interiore autē in labro
 umineos corbes more nostro, atq; item uinaria dolia
 arena cespitēq; repleta collocarat. Post eam munitio-
 nem Ianizeri confidebant. Secundum eos sagittarū, &
 demum equites hastati scutatiq; qui pedibus pugnare
 iussi erant: ad utrumque uerō fossae caput fenestram
 aggerem erexerat, ut qui ē nostris consensu per rui-
 nas muro in fossam se demitterent, non maioribus tan-
 tum tormentis ab utroque latere emissis discerpti, sed
 flamma etiam ex puluere sulphureo aridisq; uirgultis
 repente excitata, ad unum omnes correpti deleteretur.
 Signo dato quatuor signiferi, sequentibus cohortibus,
 audaci cursu in murum per ruina euolarunt, sed dum
 uexilla defigunt, & fossam munitionesq; hostium mi-
 rantur, & pari spe metuq; ad descensum animos pa-
 rant, repentina gradine sagittarum & glandium ob-
 ruuntur. Nihilō secius adhortante Vitellio, alij atq; alij
 intrepidē succedunt. In his eminet Carolus Meliteus
 nobilis adolescens, cui Vitellius erat auunculus, & cū
 eo praefecti aliquot, & strenui centuriones. Ceterū
 Germani pedites neq; spe uictoriae, neq; sociorū peri-
 culo permouentur. Hesius alienae cladis spectator, con-
 ferta legione sub mœnibus cōstitit. Hungari quoq; qui
 alacriter procurrerāt, nec cōspecto quidē hoste a mœ-
 nibus recedūt. Ita fortuna, iam pridē Italica uirtuti plu-
 rimū infesta, nostros deserit. Meliteo humerus glāde
 traiecitur, praefecti cohortiū Rufus & Fiolla Tipher-
 nates cadūt, occisisq; signiferis uexilla deferūtur. Nec
 Turca occasione desunt, partim ē propugnaculo, quod
 biennio antea Barcocio ac Othone Fotisco defendētib.
 erectum

ereclū diximus, partim à transuerso aggere prosiliūt,
& tota muri corona diffunduntur, spirantibus spolia
destrahunt, & capita detruncāt, & mox glandibus, sa-
gitis, & multo maximè lapidibus deiectos, nec se reci-
pientes nostros incessunt. Eadē quoq; telorū uis legio-
ni Germanorū incidebat, ita ut multo plura, quā quæ
nihil audendo, uti egregia cunctatrix, uulnera deuita-
rat, ab ignobili demū constantia exciperet. Pudore si-
quidem locum tenebat, ne quæ turpiter sub mœnibus
hæssisset, si se prima reciperet, secundi dedecoris infā-
mia subire uideretur. Idem spectās sed diuersa ratione
Vitellius nullū timoris, nullum receptus signū dabat,
utpote qui uniuersas cohortes multas sterni, quam ul-
lum uel minime laudis locum legioni relinqui mallet,
quū se ab ea desertū, et penè proditū, maiore ira quam
dolore quæreretur. Audita præclare uox est Turcæ
Italica lingua proloquētis, cur uobis Itali uiri fortis nō
parcitis, nec segnibus Germanis pugna locū relinqui-
tis? mens una nobis est Italici parcere, & Germanis uti
maximè ignauis temulentia excutere, ne amplius nos
laceessant. Tum uerò Hæsius, pertinacia multis uulneri-
bus expugnata, legionem reduxit, & cohortes Italicæ
cōtinuò se receperūt, adeò dissipatis omniū ordinibus,
quum à tormētis hostiū celeri fuga se eriperēt, ut mul-
torum opinione cōstaret, si Turcæ omnibus portis eru-
pissent, magno detrimēto nostros affici, & castra ad sin-
gularem ignominiam cōturbari posse uiderentur. Eo
conatu potius, quàm prælio septingētos è nostris des-
deratos ferūt, sed aliquanto plures ex fœditate uulne-
rum, nullis aut certè absurdis ad ea remedijs, toto de-

mum itinere perierūt. Medices quoq; dum ad cohortandos milites discurreret, immanis tormenti afflatu potius quàm ictu humi cū equo prostratus, summum uitæ periculū adiit. Quum in muro pugnaretur, Ioa-
 chimus ipse & Hungenadus usq; adeo infami consilio & loco ab omni tormentorū discrimine subducti, pug-
 næ euentum expectabāt, ut Torniellus atq; Fotiscus ad eos accersendos nō obscura eius flagitij cum obiur-
 gatione contenderint, ut confirmādis militum animis collocādisq; præsijs, qui uni summæ imperij potesta-
 tem tenerēt, adesse & conspici uellent: sed nostris for-
 tititer repulsis Barbari nihil se commouerunt, ita in ca-
 stris sublatus est omnis tumultus, & curādis uulneri-
 bus militi quies data. Sub noctem uerò Ioa-
 chimus in consiliū uocauit, disputatumq; est grauib; sen-
 tentijs, an abscedere incepto quàm expugnandi oppi-
 di discriminē iterum subire satius foret, quum à plerisq;
 Germanis ea, quæ tutissima, uti lōgè optima, probare-
 tur. Tum Vitellius, an hoc, inquit, turpe sit uos ipsi ui-
 deritis, uiri Germani, qui uobis præceptum, militaris
 disciplinæ decus perpetua laude ab inuitis maiorib;
 uestris traditū, non iniquo iure uindicatis. Quis enim
 uel gregarius miles est, qui Christianæ militiæ nomē,
 si pari cū ignominia tam propere reuertimur, quàm
 tardè descēdimus, non in præsens modò (tanto scilicet
 admissō dedecore) quàm in reliquū tempus existima-
 tione spoliari nō uideat? exultabit certè Barbarus, uti
 iam aliquot inflatus uictorij, & Germaniæ uires, Ro-
 manis olim gētium uictoribus formidabiles, inani tan-
 tū fama constare conspiciet. Ego quidem & cohortes

tes meas, uel accepto incommodo, alacres & praelium
 poscetes uideo, nec oppidum posse capi diffido, si uno
 atq; altero in loco murum quatiamus, paribusq; ani-
 mis ac uno simul tempore, triplici constatiq; acie in-
 uadendos hostes arbitremur. Neq; enim fortis, uel exi-
 mius imperator esse potest, qui non omne uel iniquæ
 sortis periculum contemnit, ut publicæ dignitatis &
 priuati nominis decus defendat. Hæc dicente Vitellio,
 introductus est speculatpr qui Achomatem superato
 ad Belgradū Sauo, ad Drauum peruenisse referebat.
 Huius aduētū uel astutē simulato, uel inaniter credito,
 Germani deliberationibus finem imponunt, atq; inde
 mouēda castra, redeundūq; Viennam censent, quod
 præcipiti autumno matura hyems suberat, quod multi
 ex legionibus uulgis morbis deperibant, quod ma-
 ximè timendos imbres diuturna serenitas prænuucia-
 ret, quod deniq; fossa interior, ante spem conceptæ ui-
 ctoriæ nostrorum cadaueribus replenda uideretur,
 nec tutus demum receptus foret, si Achomates expedi-
 ta suorum agmina de more præmissurus, ad Tolnam,
 traiecto Danubio, hærentibus in oppugnatione oppi-
 di superueniret. Erant militū omnium animi, si iterum
 moenia quaterentur, ad præstandam supremi conatus
 operā intenti paratiq; sed dux ipse reputatione peri-
 culi, ab omni sua parata laude discesserat, uti ignarus
 belli, aut certè, quod potius de generoso credi uelim o-
 clouirali iudicio circūscriptus: quanquā hesterno cer-
 tamine, dum cuncta armis tormētisq; perstreperent, ita
 cruento spectaculo subtractus fuerat, ut nusquā cōspi-
 ceretur, uno firmè ex omnibus regulis Mauritio Sa-

xone excellenti uirtute Germanorū decus tuēte. Ob id ueteres pleriq; Germani milites, eius ignobilis consilij dedecus, cōfusus tristī pudore animis nō ferebāt, atroci quodam fremitu indignantes paucorū ignauia publicū inuictæ gentis nomē prodire. & Hungari quoq; feris ululatibus amissam spem recuperāde patriæ deplorabāt, incusantesq; Deos atq; Germanos, de infesta ipsorū gēti Fortuna querebātur usq; adeo, ut tāti roboris exercitu dignus imperator inanibus uotis optaretur. Maximilianus quidē Caesar Germanis, Matthias uerō Coruinus Hungaris, qui iam pridē consummata belli gloria fato functi posterorum ignauie locum reliquisserent. Ceterū iōachimo decreti propositum tenente, Itali duces, qui discessum dictis sententiis improbant egre impetrarunt, ut sequenti die in speciem renouandi certaminis, tormentis mœnia quaterentur, nihilq; milites ad iter pararent, sed sub signis, nullo tumultu edito, in statione cōsisterent, quo susceptæ profectionis consiliū regi posset, & disineri hostis, qui nullam ad insequendū morā facturū esse uidebatur. At Segementes, ubi nostros tanto fortissimarū cohortium detrimēto perterritos uidet, prima luce equitatū omnē & ualidas peditū manus, quæ refugientibus equitibus præsidio forent, audacter emittit: pluribus in locis cū Hungaris pugnatur: nec uirtute, aut eludendi arte nostri hostibus cedunt, resq; eō deducta erat, ut in conspectu Germanorū ac Itatorum indictis induciis singulari certamine, ex utraq; acie conspiciui, & promptissimi quiq; infestis hastis concurrerēt usq; adeo fide integra, ut utrinque Barbari Hungaris, & Hungari Barbaris inuiolata

inuolata comitate miscerentur, nostriq; duces tanquam ludicro spectaculo uirtutis ac ignauie iudices interessent: acciditq; ut insignis dux Turca Vitellium sibi ostendi posceret, atq; ad eum (nam armis satis erat conspicuus) uirtutis nomine amplexandum procurre-
ret. Eo die supra quingentos equites nonnullis utrinq; interfectis ac uulneratis concurrisse constat. sequenti porro nocte, reducto omni tormentorum apparatu, exercitus ad classem ripamq; Danubij iter extendit. Tum uerò Barbari nostros discesisse conspicati, sese omnes effuderunt, clamoreq; sublato, quo nostris turpē fugam exprobraret, postremis agminibus insiterunt. Traiecerat & ipse Vlamanes, premebanturq; adeo nostri, ut nisi magno accepto incommodo sese explicare & agmen consequi posse uiderentur, nisi Vitellius uexilla sisti conuertiq; ordines suos iubēs monuisset Hungaros, & secundum eos Germanorū cataphractos, ut impetu facto & densatis turmis urgentē hostem impeterent. Ita armatus equitatus intētis hastis inuectus nō summouit modò hostem, sed perturbatum & frustra terga dantem latè cecidit. Nam postrema Turcarum agmina, uti procul à periculo, nec perspecta nostrorū acie, quæ repente se conuerterat, nondum equos ad oppidum conuerterant, ita primi intēperanter urgentes præcipitis audacie poenas dederunt. Durauit ea tumultuosissima hostiū fuga pugnaq; in multā noctē, quum clausis portis exclusi hostes ad Danubium usq; secundum moenia cursum intenderent, nostriq; auidè persequerentur, & cuncta tormentis undiq; emissis, in cōmuni periculo perstreperent. E nostris autem ducibus

Suprema insignis uirtutis opera egregiè nauata interijt Iacobus Truces nobilissima stirpis Valpurgæ regulus, qui Sueuorum equitatui præerat. Is quæ equo ex uulnere procumbente oblatum alterum conscendere conaretur, interfectus est, caputq; eius hastæ præfixum ad Vlamanem miles detulit. Trunco autem nostri potiti sunt, qui demum Vacciæ omni funeris honore collato tumulatus est, hoc ipso publicæ pietatis officio dignissimus, quod eius sacri suscepti belli præcipuus adhortator extitisset. Eo accepto incamodo multisq; desideratis Vlamanes equitatû continuuit, patuitq; inde expeditum iter nostris infami festinatione Germaniâ repetentibus, quibus magno usui classis fuit. Medicis enim præfecti diligentia, tormenta omnia in naues sublata sunt, egrorum tamen perampla manus segniter extremum agmen subsecuta, classem conscendere nequiuuit, ita ut superuentu Barbarorum septingenti ferè Germani semianimes, crudelissimè in oculis nostrorum obruncarentur. Duces uerò nostri iam tertio ac infelici ad grauem ignominiam conatu Turcarum uim atq; peritiam experti, amissum militare decus tristi cogitatione deplorabant, quum iam Pannonici regni obliuiscendû, et pro salute Germaniæ consilia capienda faterentur, postquam summi reges, obliti ueri decoris ueræq; pietatis, dum priuatis odijs decertant, rempub. Barbarorum commodo, eneruandam perdendamq; immani animorum obstinatione suscepissent. Italis ab rege dimissis, redeuntibusq; in Italiâ egregia fide stipèdia persoluit Angelus Medices præfecti classis frater, quem Pontifex ob singularem industriam

striam Vitellio quaestorem dederat, ut fratrem Vitel-
 liumq; iisdem sensibus coniunctos in amicitia contine-
 ret. Ab rege autem, cum multa uirtutis commendatio-
 ne, Vitellio atq; Angelo aurata pocula dono data. Sed
 eas copias per Villacum & Carnicas Alpes atq; Vene-
 tiam domum iter habentes lentus potius, quam seuus
 morbus à castrensi illuue, ac alieni celi, & pestilentis
 autumnus iniuria conceptus, uehementer afflixit usque
 adeò, ut ferè dimidia pars militum desiderata sit, &
 Tiphernates principem ciuem, cum meritis laudis lau-
 rea redeuntem ex domesticis funeribus atra in ueste sis-
 sceperint. Sfortiani quoq; equites, cunctis sermè equis
 macie eneatis, pedibus in patriam redierunt. Ceterum
 ut rei malè gestæ fœdus exitus, ad minuendam infamiã
 auertendosq; hominũ sermones alicuius insignis facti
 nouitate tegeretur, Petrus Perenus affectati regni su-
 spicione, regionumq; liuore circumuentus in arce Stri-
 gonij à Liscano Hispano iussu regis capitur, traditurq;
 exemplò Medici præfecto classis Viennã deducendus.
 Quũ caperetur, auarè ac inhumaniter agens Liscanus
 aureũ torquẽ collo detraxit, exuitq; ueste quæ pretio-
 sis Sebelinarũ pellibus suffulta erat. Id factum, uti cla-
 rissimo uiro atq; insoniti indignum, adeò Hungarorũ
 animos contumeliæ dolore consternatos perturbauit,
 ut supra duodecim millia equitũ maledictis Germani-
 cum nomen incescendo sublatis continuo signis domũ
 redierint. Per eos enim dies nunciatũ erat, Pereni filiũ
 ex aula Solymani à Raschiano seruo felici astu eductũ
 in Transyluaniam euasisse. Is admodum puer Solyma-
 no fidei obses datus intra septa regiæ cum nobilibus

coataneis adoleuerat. Nā Perenus pater deuicto sub-
 latoq; Ludouico, quum Ioannem nequaquam regia
 stirpe progenitū, Pannoniæ regno potiri uehementer
 indignaretur, ad Ferdinandum uti summæ nobilitatis
 principem, Cesaremq; in concilio Germaniæ designa-
 tum transferat, ea spe, ut primum sibi post regem in
 Pannonia potentiæ locum pararet. Sed pari quoque
 ingenij mobilitate, quod omnia apud Ioannem sub ma-
 iestate Solymani tuta atq; felicia, apud Ferdinandum
 autem dubia ac infirmissima spectarentur, cogente pu-
 dore (ne Germanis æternis hostib. Hūgarico sanguini
 imperij decus crepturis fauere uideretur) auctore Ha-
 braymo Bassa, cum Ioanne in gratiam redijt, agere ut
 reciperetur impetrante Solymano, quum Ioannes Pe-
 renum fluxa fide, uario instabiliq; iudicio hominem
 testaretur, proindeq; iterū ab se defecturum esse præ-
 dicaret. Ad ea Solymanus in hanc sententiā grauissimè
 respondit, sicuti ab his qui sermoni interfuerunt didi-
 cimus. Quid tu igitur, Ioannes, ad gloriā maius à Deo
 magno, si sapis, exoptare potes, quā ut Perenus à fide
 discedens, dum ingrati atq; improbi nomen subit, ge-
 nerosæ clemētiæ decus tibi relinquat? Exinde Perenus
 in honore habitus integra fide regē coluit, sed mortuo
 denum Ioanne ad ingenium redijt, quum Georgium
 tutorio nomine regnantem ferre non posset, & à Fer-
 dinando sollicitatus eadē ambitiosè affectata transfugij
 præmia mani spe præsumeret. Itaq; filius Byzātio fuga
 elapsus, quum incredibile gaudium asferre uideretur,
 summam calamitatē misero patri attulit: à regijs enim
 ignauisq; hominibus, quibus aliena uirtus oneri, &

calumnia

Calumnia uirtutis odio genita magno quaestui semper
fuit, excitatus erat rumor, Perenū adolescentem simu-
lata fuga elapsū, cum Solymano trāsegisse, ut pater
Hungaros propositis rerū omnium immunitatibus ad
Turcarū studia traduceret, prēmiumq; illi foret Pan-
nonici regni praefectura, in spem quoq; propinquam
regij nominis, si fata Stephano infanti Ioannis regis
filio adolescentiam inuiderent. Perenus quoque non
leuem aut obscurā uim famae suspicioniq; praebuerat,
quum per hybernorū tempus ab Agria cum praefectis
Turcarum comiter & liberaliter agendo amicitiam
mutuis magnisq; muneribus coluisset, & id quidem
aliquanto studiosius & luculentius quā deceret, cum
eo praesertim hoste, cum quo nullum esset ab aduersa
religione commercium, nec ullae tum publicae ad otium
induciae uigerēt. Sed tantus inerat Pereni ingenio fa-
stus & splendor propē regius, ut ei fermē centū gene-
rosi & militares equi, uacui sessoribus praeducerētur,
ob idq; Ferdinando regi parum cultu decoram aulā,
aut certē exhaustas opes exprobraret, quū ille usque-
quaque à familiaribus suis immaniter direptus tenui
apparatu, egrē regij nominis splendorē tueretur. Ea
luxus ostentatio regiorum animos nefaria direptionis
conscientia percultos, ita altē perstrinxerat, ut cuncti
ad opprimendum Perenum coniurantes, cum digito
cōmonstratum, olere diadema regium, nec priuatum
pati nomen posse praedicarent, adeo pronis & suspi-
cibus ad id Ferdinandi auribus, ut quum uera testa-
taq; de familiaribus minimē crederet, genio deceptus,
falsa de alienis libentissimē ad animum transmitteret.

Eam quoque affectati regni nutantisque ingenij suspicio-
nem uehementer auxerant literæ Pereni ipsius manus
ad quosdam duces Hungaros scriptæ, proditæque regi à
Francapane Agriensi antistite: hic enim Pereno ualde
insensus erat, quòd ille militari licentia totius Agrien-
sis sacerdotij per amplos redditus alendis suis equitibus
intercepisset. his autem literis opima nouaque stipendia
suam auctoritatem sequentibus polliceri uidebatur.
At Perenus cum omni honore uerborum à Medice
Viennam perductus, quum portæ appropinquaret,
audiretque obuiam Medici aduenisse Philippum Tor-
niellum, rogauit ut sibi ad aperta rheda alloqui uiros
fortes generososque liceret. id uerò facile concessum est,
quòd tanta uiri claritas et spectata uirtutis studium
non custodia modò et carcere, sed nec ambiguae fidei
suspicionem digna uideretur. isque ad eos conuersus: Me
miserum, inquit, quem insontem immanis inuidia cir-
cumuenit, sed multò miserior Ferdinandus, cui dome-
stici latrones et fortunas, et amicos, et denique regium
decus eripiunt. Ita enim fit, ut hac præcipiti delati no-
minis mei iniuria Hungaricam gentem à studio fideique
penitus auertat, ac ob id de Pannonia regno non temere
desperet: post quàm mihi claritate natalium nulli se-
cundo, et iam tribus bellis fortis fidelisque nauata ope-
ræ præmia ab iusto rege promerenti, de filio Barbaro-
rum seruitute crepto letari non licet, quum pro incõ-
parabili gaudio iniqua mea sorte, non dubius uite me-
tus ante oculos obuersetur. An delatores ignauia suæ
conscij in ipsa de me calumnia præcipui testes, capto
custoditoque parcent? qui nec famæ unquam regis pe-
percerunt;

percerunt: clarissimus enim quisq; uel criminis insons, quum capitur, non conceptæ quidem noxæ pœnas, sed aduersam fati sui sortem subit, me tamen animus integer seclerisq; insons, quod unum Dij certi iudices calumnia circumuentis & miseris solatio relinquūt, hæc cura liberat, liberabitq; hoc creduli infamiae onere Ioachimus imperator, cui oborta suspitione tale mihi periculum imminere prædixerim, & me obiter inson tem interfici malle, quàm iudicio corā non adesse confirmarim, & tum quidem, quum tantis meis septus copijs nullius uim timerem. Hæc obsecro nobilis officij uerba Ferdinando renunciate, ut in discrimine mei capitis maturè generoseq; deliberet, & quantum inter amicos & delatores inter sit suo non alieno ingenio fretus intelligat. Nimis profecto miseri sumus duces, si re malè gesta ita plectimur, ut præuertisse belli Fortunā uideamur. Deserti certè ad Exechium, fœdeq; amissi exercitus Cazianer iustas fortasse pœnas dedit, quum inusitato oppressus metu imperij munus defereret, nec in ipso duce dedecoris quā mortis metus grauior esse uideretur. Vltrò enim sese custodiæ dedēs, ita concepti pauoris crimine damnatus est, ut desperatis causæ suæ presidij effracto carcere, tam scelesto quàm infelici consilio ad Turcas trāsugerit. Sed neq; summum imperium apud me dudum fuit, neque nos uicti sumus, si non uicimus, quòd nobili certè receptu persequentis hostis insolentiā egregiè reprefferimus. Pannonia autem regnum affectare, & tum promereri beneficio Solymani facili potui, quum Ioanne rege morte sublato, expedienteq; arma Ferdinando, clientelæ opesq; meæ

Et Hungarorum in me studia, non leui ad uictoriam
 momento, ualitura spectarentur, nec absurdam ob id,
 uel intempestiuam spem consilij uiro Christiano in-
 dignis afferrent. Pugnaui igitur, pugnaboq; dum ui-
 uam, contra Turcas, si se æquum Ferdinandus in hac
 calumnia inimicorum malignitate conflata iudicem
 præstiterit. Perorantem Medices, ut in clementia æ-
 quissimi regis spem reponeret, humaniter adhortatus
 est, moxq; fidele officium præstitit: ipseq; demum Tor-
 niellus uenantem nactus regem, ne quid durius de Pe-
 reno statueretur, opportunis precibus molliuit. Nec
 multò post Perenus, quum in dicenda causa, ut palam
 audiretur, impetrare nequiuisset, in Ciuitate noua cu-
 stodie traditur, uel nouæ perfidiæ, uel, ut credi par est,
 antiquæ leuitatis diuturno carcere pœnas daturus. Ita
 tres omnino reliqui antiquissimæ stirpis Hungari prin-
 cipes promerendo Pannoniæ regno pares, Valentinus
 atq; Maylatus, ac ipse Perenus, paribus propè insidijs
 uirtutis inuidia circumuenti, omnem spem excitandi
 Hungari regis discordi ac ob id afflictæ ipsorum genti
 sustulerunt: quum hic sera instabilis iudicij sui pœnitenti-
 a fortè lugeat, illi uerò ad Euxinum Pontum, in catenis
 mortem miseriarum finem expectent, grauiore tamen
 Pereni conditione, quum illis à religione desciscenti-
 bus, maximi militiæ honores à Solymano liberaliter
 offerantur, hic uerò nihil à deprauato rege mitius
 expectet, quàm ut in carcere mœrore ac illiuiæ con-
 fectus intereat. Hunc habuit euentum id bellum ex
 concilio Germaniæ aduersus Turcas susceptum, quod
 magnæ cladi plerisq; æquandum uidetur, quum Fer-
 dinandus

dinandus à Boemis & Slesis atque Morauis, qui militum delectum collata pecunia redemerant, subsidia instantis belli nequicquam absumpserit, amissaq; estimatione Germaniæ uirium, uti iniuriæ expositus, ac inermis, audaces alioquin Barbaros, & tum ab ipsa uictoria insolentes aduersum se concitarit. Sub id tempus Paulus Pontifex suo uetere indicendi consilij proposito innixus, Tridentum tanto conuentui maxime opportunum delegit. Cupiebat enim satisfacere Cesari, indulgereq; his Germanis, qui ab auctoritate Romani Pontificis Christianisq; ceremonijs desciscissent, ac tum maxime ullam urbem extra Germaniæ fines ipsi tutam aut commodam fore pernegarent. Eo autem, uti plerique putabant, audaci periculofoq; decreto, Pontifex eleuandam omnem timoris suspensionem existimabat, quo celebri edicto, si qua omnino aut cæci metus, aut improba cunctationis nota superioribus Pontificibus inhæssisset peculiari sua cum laude penitus detergi atque aboleri uideretur. Ita enim fiebat, ut Tridentinos Germanica loquentes lingua in ditioneq; Cesaris constitutos, nec ipse quidem Lutherus reformidaret, quum patrum memoriam, Vicleffum & Hussium, impietatis nomine damnatos & Constantiæ concrematos audisset. Sed postea præclare compertum est, Pontificem hac in re Cesari in spem priuati commodi obsequi uoluisse. Igitur circiter calendas Nouembres anno à partu Virginis supra millesimum quingentesimo & quadregesimo secundo Pontifex ex senatusconsulto, tres senatorij ordinis Cardinales Tridentum misit, qui bene auspica-

inchoande synodi, futuraeq; tot gentium frequentia
 sedem pararent, Paulum Parisium diuini ac humani
 iuris professione insignem, Reginaldumq; Polum Bri
 tannum, qui supra regie stirpis claritatē, & latina fa
 cundia laudem nemini ferē felicius partam, perfectum
 Christiana uirtutis habitū præferebat, Ioānemq; item
 Moronum, secunda morum atq; doctrina fama per om
 nes Germanie conuentus legationis munere persun
 ctum. Hos secuti sunt aliquot præclari nominis episco
 pi: nam Pontifex ad representandam eius ordinis di
 gnitatem excellenti ingenio doctrinaq; supra centum
 descripserat, qui de ueritate rerū diuinarum saluteq;
 labantis Reip. in confessu gentium omnium disputa
 rent. Venientes Christophorus Madrucius Tridentinus
 episcopus, pari splendore humanitateq; uir liberaliter
 excepti: nec multos post dies Peronotus Granuelius
 ab Hispania Genuam triremibus delatus, profectusq;
 inde Tridentum inchoate synodi famā excitauit. Cæ
 saris enim occultē mandata detulerat, quibus indictis
 concilij decretum locumq; ad eam celebritatē oppor
 tunē atq; rectissimē delectū approbat, testabaturq;
 eo usum esse Cæsarem maximo Reipublicæ cōmo
 do. Quoniam ipse ad prima Veris signa naues conscen
 surus, ut corrigendis publicis moribus censuram age
 ret, impiasq; aut certē obscuras in religione opiniones
 inuenta uera luce reuelleret, concilio adesse statuisset,
 nobili pioq; Sigismundi Cæsaris exemplo, qui constan
 tie rebus ritē compositis terrarum orbem diris errori
 bus & pestilētissimo schismate liberasset. In eam quo
 que sententiam Antonius ipsius Granuelij filius, præ
 cellentis

cellentis ingenij iuuenis, Atrebatum antistes, luculentā
 habuit orationem, non obscure emisit quibusdā acu-
 leis in Pontificium nomen, quod sacrorum principes
 perpetuis ludificandi artibus, tandiu tergiuersando,
 necessaria atq; ideo suprema publicæ salutis remedia
 distulissent. Negauere tres legati se quicquam publicè
 de mandatis audituros, ne uno eius aduentu synodus
 ritè cœpta crederetur. Eam enim grauissimarū rerum
 et dogmatum cognitionem ad uniuersas Christianæ
 professionis gentes pertinere, expectādoq; propterea
 sacros uiros, qui ab ultimis Hispaniæ Galliaq; finib.
 et à Germanico Sarmaticoq; Oceani littore uenturū
 crederentur. Tum enim de Rep. optimè sperandum uī-
 deri, quum saluberrimo omnium consensu ad impe-
 trandam pacem sanandosq; mores, et decernenda pia
 arma aduersus Solymānū, ingenia, studia, ac uniuersæ
 deniq; omnium opes conferrentur. Eò enim Granue-
 lius tendebat, ut Pontifex terrore concilij iniecto, ab
 instituta sacrosancti parentis ac iudicis æquitate di-
 scedere, proferreq; arma aduersus Gallū pro Cæsare
 cogeretur: cum immeni enim hoste fœderatum, exitio
 samq; in immensum Christiano nomini Barbarorum
 amicitiam colentem, eo titulo maioribus quondā eius
 maxime specioso, quē præserreret, indignum dicebant.
 Putarat etiam ab initio Cæsar, uetere suo incēsus odio
 aduersus Gallos Pontificem in partes facile perducen-
 dum, uti maximis obsequijs atq; muneribus deuinctum
 concessa paulò ante Nouaria, prælataq; demum Far-
 nesia domo, in qua (repudiatis aliquot illustribus gene-
 ris, ipsoq; præsertim Cosmo Etruriæ principe exclus-

fo)unicam filiam, Mediceas opes dotali hereditate se-
 cum trahentem, nec tum Octavio quidem coniuge ad
 nuptias satis maturo liberalissime collocasset. Quibus
 de causis amarior factus Cæsar legē in Hispania pro-
 mulgarat, ne cuiquam externo pensiones, auctoritate
 Pontificū sacerdotiis impositæ, soluerentur, Michae-
 leinq; Sylvanum Lusitanum Cardinalem legatum, pias
 dignasq; periculo cohortationes afferentem cōtumaci
 contemptione reiecerat, quum Sylvæ collega Sadole-
 tus Cardinalis in Gallia perhumaniter esset auditus.
 Certissimis enim speculatorum nuncijs ac literis com-
 pertum habebat Pontifex, Solymantum ea quæ immi-
 nebat æstate terra mariq; atrox bellum Christianis il-
 laturum: & tum quoque circiter quatuor Hispanorū
 millia ad extremos Sabinorum fines hyberna protu-
 lerant, imminebantq; ita per Valeriā viam Tyburinis
 montibus, ut quum non longē à Pontificijs finibus Fa-
 britius Columna, & Franciscus Vrsinus (ille paterna
 ditione exutus, hic iudicio rerum capitalium absens
 damnatus) exules uersarentur, non inanem metū Ro-
 manis incuterent, omnino similes ex sineſta memoria
 ualde Columniorum & Cæsarianorum casus faciliè ti-
 mentibus. Sed in Pontifice ad nulla unquam terricula
 trepidanti, & Reip. nunquam oblito, ea inerat æquita-
 tis atq; iustitiæ cura, ut privato nomine ingratus, quā
 publico incommodo parū grauis disceptator, Chri-
 stiani; officij prorsus imperitus existimari mallet.
 Providebat enim Franciscum, præclaro recentiq; suo
 & superiorum Gallie regum studio de Pontificio no-
 mine benemeritum, nequaquam temerè alienandum,
 utpotè

ut pote qui laceſſitus iniuria, à Romani Pontificis au-
ſpiciis indignanter diſceſſurus eſſe uideretur. His de
cauſis pleriq; ſenatores in contraria ſtudia diducti, uti
antea capti ſacerdotiorum muneribus, magnæ partis
ſenatus cum pudore ac infamia diuēditæ libertatis Cæ-
ſari & Gallo diuerſis ſententiis fauebant uſq; adeo in-
temperanter, ut Dionyſius ex ordine ſeruorum cucul-
latorum in ſenatum traductus, Franciſcum auito Chri-
ſtianiſſimi cognomine ſpoliandum, perſequēdumq; ar-
mis & diris imprecationibus diceret, obſtrepente ſena-
tu intempeſtiuēq; ſacundie inſolentiā reprehendente
quum Dominicus Cuppius Romanus ſenatus princeps
interrogando preſſo diſſet, in cuius ergo tutela rei Ro-
manæ ſalus & dignitas erit? ſi pro Cæſare, à quo pro-
diti perditiq; ſumæ calamitatis incūmoda pertulimus,
contra eum quem inſigni merito liberatorem urbis ſa-
temur, diuina ac humana arma neſario decreto expe-
diamus? non inſacetē quoq; alius ſenator ad proximos
conuerſus ſubiunxerat: Parcite, inquit, patres, non in
quo enim iure latrat, qui fameſcit: ad opimum enim ſa-
cerdotium inops Dionyſius quum anhelaret, libe-
ralitatem Cæſaris peracri ſtudio prouocare niteba-
tur. At Pontifex ſermones graui admodum aure ex-
ceptos, ita contracta uel remiſſa fronte transmittē-
bat, ut nihile a patrum contentione grauari putare-
tur: ingenio ſiquidem egregiē compoſito, & per
omnem ætatem ſenatorijs artibus exaggerato, maxi-
mum prudentiæ munus exiſtimabat, detegere homi-
num ſtudia, nudare uoluntates, ſcrutari atque intro-
ſpicere ſenſuum recessus, in magnos ſcilicet uſus pu-

blicarum actionum, quæ omnia tum solerter adsequē-
batur, quum in negotio dissentendi materiam simula-
ta cōsultatione præbuiſſet. Hinc collecta paratq; ha-
bebat respōsa, quæ legatis daret, excusationeq; legiti-
ma in alternos usus opportunè trāslata, utriusq; prin-
cipis offensiones eruditissimè deuitaret. Detexerat &
tum latè profundeq; principū animos, tametsi eos an-
tea tanquam à concordie nomine plurimum abhor-
rentes, satis habebat exploratos, quum fortè Cæsar ad
eum uti communem omnium parentem, sacrosanctiq;
iuræ omnis humanæ litis disceptatorē, literas perscri-
psisset, quibus in Franciscum uehementer inuectus su-
periorum temporum iniurias, ruptaq; toties fœdera,
& concitatum ad Christiani nominis perniciem Soly-
manum querebatur. Nec ideo dubitasset Franciscus,
quum publicato ad defensionem insigni uolumine obie-
cta confutaret, adeo ut binis criminosis libellis ad
inexpiabilem contumeliam editis, utrinq; regij hono-
ris fama immaniter dilacerata spectaretur, eaq; obiter
arcana prodita, inusteq; diræ factorum notæ omnem
spem conciliandæ pacis excluderent. Ea siquidem male
dicta in grauissimo momento læse maiestatis insanis
peruicacibusq; animis, uti uerè propria ducebantur,
quando omnis calamitas conflantis orbis non ad
ipſos, sed ad miseræ alienasq; gentes pertineret, quum
integro pudore tueri regium decus uellent, & tamen
hoc duorum & uiginti annorum curriculo supra du-
centas urbes euastatas, castella amplius tria milia dele-
ta, totaq; ea contentione ducenta milia hominum Chri-
stiani sanguinis interfecta faterentur, & subinde nihil

permoti

permoti uel accerbissimo humani generis odio, Deos ipsos uti nunquam miserorum precibus affuturos, abdicata pietate contemnerent. Ceterum Granuelius Tridento profectus, eadem, qua uenerat celeritate ad Germanos peruenit, qui conuentum ad Nurnbergam indixerant. Deserebat enim certissima Caesaris animi decreta, quibus grauissimarum rerum munus expediret. Ante omnia Guilermus Cleuensis regulus ad auctoritatem Caesaris erat traducendus: cohortandæ liberæ ciuitates, ut Ferdinando regi tuendo Pannoniæ regno adessent: Saxonum, Chattorumq; principes Henrico Brunswicensi conciliandi, quorum armis propter sacerdotij controuersiam ditone nuper esset expulsus: prouidendum ne Germaui milites impune ad Gallorū stipendia transirent: & commouenda deniq; omnium studia ad concilium celebrandum, qua in re Lutheranorum uoto potius, quam æquissimæ Pontificis causæ fauere uidebatur. Neque enim concilium libero gentium omnium concursu celebrari poterat, nisi prius pax ipsa regumq; concordia pararetur, atque ita fiebat, ut promissiones Caesaris, quibus Lutheranorum animos promerebat, nec ambigua ad id Pontificis uoluntas, tanquam inanes & nihil ad causam profuturæ à plerisque iriderentur. Quis enim ab Hispania clarus antistes (quum in Gallia Georgius Maximiliano Cesare genitus Valentinus episcopus, in itinere sub ipsam Rinconis atque Fregosij cædem esset interceptus, & Oceani Mediterranei; maris nauigationes Punicarum & Gallicarum classium metus sustulisset) Tridentum omnino cundum esse arbitraretur? Quis

demum è Gellia insignis uir sacratus per Rheticas Al-
 pes in eam urbem se conijcere auderet? quæ ad unum
 buccinæ cantum in potestate Germanicæ multitudinis
 futura crederetur, uel nolente obstanteq; Ferdinando,
 cuius eximiam fidem in ipso periculo implorasse fru-
 stra esset. Nemini enim in dubium uerti poterat, quin
 legitimam atq; solenne concilium ipsa pace natura
 posterius censeretur, quoniam sublati undique bellis
 humanas res tranquilla pace constitutas rerum quoq;
 diuinarum concordia sequeretur. Sed hæc cunctis
 exoptata parari minimè potest, nisi uiri Christiani de
 interitu religionis ualde solliciti, pacem ante omnia ab
 obstinatis principibus uel coniurantibus exposcunt. In-
 terea tantis in Belgio detrimētis affectus Cesar, et ue-
 hementer indignatus Gallos ab se toties deuictos, se
 presente Hispaniæ fines intrare ausos, ingens bellum
 parabat. Coniunxerat enim sibi nouo fœdere Henricum
 Britannię regem, ut eius gentis auxilijs, quibus
 Galli antiquitus magnopere terreri consueuissent, di-
 tissimiq; regis auro adiutus, multo quàm antea ualidior
 impetu Galliæ fines ingrederetur. Fuit ea societas in-
 grata suspectaq; Pontifici, utpote quæ sacrosanctæ ma-
 iestatis nomen maligna contemptione suggillaret. Vix
 eam enim homines qui pacem sperarent, non imitam-
 modo, sed ne tentatam quidem credebant. Mirum e-
 nim plerisq; uidebatur, Cesarem tanta pietate, tan-
 taq; honesti decoris existimatione præditum, summas
 iniurias animo deponere, inexpiabilisq; odij penitus
 obliuisci posse, ut cū in Galliam atroci odio deferretur
 atque ei omnino grauissimè nocere uellet, nullam uel
 pontifi-

pontificiæ dignitatis, uel obligatæ fidei rationem habendam putaret. Henricum antea Clemens Catharinâ uxore, quæ Cesaris erat matertera, periniqua animi libidine repudiantem, filiamq; subinde, ut spuriam à regni successione procul abdicantē posulantē urgentēq; Cesare sacris interdixerat, iusta quidem sed intempestiua seueritate: quum ille contumelia perturbatus ab auctoritate Romani Pontificis repente discesserit, sacrorū imperium & templorum opes inuasit, ac immani demum truculentia Rossensem Cardinalem & Morum Christianæ uirtutis exempla, multosq; itē sacratos ac insontes uiros occiderit. Non se fellerat quidem exiniæ alioqui prudentiæ Pontificem eius accipitis iudicii euctus, sed Cesari iusta petenti, prolixeq; item pollicenti, nunquam se cum Henrico sine auctoritate Pontificis in gratiam rediturum, supremæ potestatis officium diuino iure uel negari uel differri nō poterat. Itaq; exitialis ea simultas, causa commodoq; Cesaris suscepta eò recidit, ut Henricus omnem iracundiæ suæ impetum in Pontificium nomen uerteret, consumptoq; ob id uetere odio, Cesari iungeretur, repudiata paulò ante Gallorum amicitia, quod Iacobum Scotiæ regem antiquo ipsis iure foederatū, ascitumq; à Francisco generum, contra Anglos de finibus contententes adiunxissent. In ea autem contentione quum æquatis cladibus esset dimicatum, Iacobus florenti corporis specie insignis (ueneno an fato suo incertum) subito certè correptus interiit, defecitq; in eo Stuardæ familiæ generosa progenies, quæ à Roberto rege, eodem nomine quinq; Iacobos reges non intercisâ stirpis

serie tulerat. Sed occulta & admirabili sorte id regium decus singulis maximè funestum fuit, primò scilicet à coniuratis in conclauitruccidato, secūdoq; demum diffracti tormenti, dum id probaretur, uiolentia discerpto: quum mox tertium parricida filius, iusta acie ad Sterlingum occiderit: ut is demum ordine quartus, nobis memorie prodecentibus, ab Anglis ad Floddon prælio cæsus meritis sceleris poenas daret, quintoq; filio eadem infauste domus damnata regni hereditas pareretur. Eo mortuo, regnum rege orbatū, ambiguis primo hereditibus, uagiète scilicet in cunis regia prole, ac mox uictoris Henrici arbitrio gubernandum cecidit. Scotorum enim procures, & in his Maxuuelum regulum auctoritate insignem, exoptata libertate, multoq; insuper auro donatos, eo cōsilio in Scotiam dimiserat ut Anglicam factionem excitarent, cuius auspiciis rex nouus eoq; beneficio Anglis astrictus, qui ad Henrici nutus imperaret, corruptis comitiis crearetur, pulso ante alios Dauide Betonio Cardinale, qui Anglis æternis hostibus prodi patriam paucorum flagitio pati non poterat. Is non multò post, uti suo loco dicemus, cum Grimano Patriarcha: Pontificis legato, qui è Gallia in Scotiam traiecerat, communicatis consiliis Anglicos conatus fregit Gallorum ope, & fortissimarum gentium auxiliis reductus, quæ prisce uirtutis ac innocentie decus tuentes, Picti olim dicti, hodie Syluestres appellantur. Is Scoticarum rerum tumultus Henrico, cur à Gallis discederet, non inanem causam præbuit, parauitq; inexpectatam occasionem Cesari, qua recēsis inimici opibus fretus antiquos hostes Gallos persequeretur.

queretur. Itaq; Caesar, cum Britanno idis foederibus, & ad gerendum bellum tempore constituto, Hispania excedere, ac in Italiam ut in Belgas properaret, adnavigare constituit: ante omnia Philippum filium sextūdecimū ætatis agentem annum, Hispaniæ regē appellat: ei totius regni civitates per legatos sacramentum dicunt: deligitur ipse Franciscus Conos, qui adolescentis ætatem regat, & negotiorū omnium summæ præsit, Ferdinandus uerò Toletanus Albanus regulus militaribus copijs præficitur. Peractis autem cōuentibus, in quibus multa Caesar, supplicibus libellis subscribendo indulgendq; liberaliter concesserat, supra quadraginta myriades aureorum nummūm conferuntur, rexq; Lusitaniæ Ioannes grandi pecunia Caesaris tantos ex futuro bello sumptus subeuntis inopiam subleuat. Erant enim uno tempore conscribendæ cohortes quæ secum nauigarent, & quæ præstō essent, ut eas Martinus Corduba, Alcaudetus regulus aduersus rebellantes Tremisenios in Mauritaniam transportaret. Postremò quæ per Oceanum in Belgas ad Gallicum bellū ducerentur, earum numerus duodecim millium Hispanici generis peditum summā implebat. Germani uerò ab Genua superiore autumnus ad Perennianum transuecti, Hispaniæ presidio relinquebantur. His administratis, & confectis rebus Caesar Auriæ perscripsit, ut rostratas naues ad idus Apriles Barcinonem adduceret, ut quum onerarijs equitatus esset impositus, expeditè conscensuro nulla omnino mora ad nauigandum afferretur. Non desuere pleriq; procures, qui eo discessu Caesaris, uti minimè redituri, non ob-

scire gauderent, quod sub nimis magno principe, imminuta licentia seipsis minores facti uiderentur. Mos enim erat Hispania regibus eos indulgenter obseruare, à quibus coli quàm metui mallent. Ita fiebat, ut nobili pudore potius, quàm terrore regie potestatis adducti imperijs & legibus parerent, quum incidente bello, rogati humaniter liberali studio grauiq; sumptu operam nauare consueissent. Elata enim generosaq; ingenia certam fidem præstant, nec ab æquitate discedunt, at si contempseris facile coniurant. Propterea Caesar Padillianæ rebellionis tantiq; tum popularis periculi memor, liberas quorundam uoces indignas regijs auribus, famososq; item libellos, & atrox Mendocij Infantastorum reguli facinus, mira prudentia deuorat, ut Philippo conciliata tranquillaque omnia traderentur. Mendocius enim, quod ad exemplum memoriæ prodendum uidetur, in ipso ludorum equestrium spectaculo præfectum rerum capitalium, sceptro turbam superbe dimouentem, quod nec sibi parceret, discissa gladio facie uiolarat. Is conspectus cruor proiecti ad pedes, ac iniuriam deplo- rantis usqueadè Caesarem commouit, ut quum in reum lege acturus uideretur, uniuersi Hispani proceres spectaculo ac ipso denique Casare deserto, ad Mendocij domum accurrerent, uel contra prætorianos, si uis afferretur, ianuam defensuri. Sed Caesar graui iudicio totum iuste uindictæ impetum ad dissimulationem reuocauit. Hispania enim eo tempore, quanquam non insida Casari, aliena tamen ab eius consilijs, quibus bella ex bellis ferebantur, uideri poterat: quod per-
petui is

petuis pecunie collationibus uarijsq; delectibus per
 tot annos grauissimè fatigata, magnum incommodum
 publicè sentiret: tanta siquidem uis auri contra legem
 commeantibus præsertim Ligusticis trirēibus fuerat
 exportata, ut illa grata oculis Ferdinandi ac Isabellæ
 aurea numismata nusquam comparerent: Nihil enim
 ad publicas opes pertinere censebatur, si qui milites,
 aut quæstuosos in prouincijs gerentes magistratus,
 conuecta in priuatas domos peregrina præda diuites
 euasissent, & publico malo uirorum passim in oppidis
 numerum, ipsa sceminarum multitudo superaret, nec
 requiescendi coalescendiq; prouinciæ auri atq; homi-
 num feraci ulla spes, exercente Christiana arma Caro-
 lo, relinqueretur: quum Hispanorum legiones singulis
 propè annis, non in omnes modò Europæ regiones,
 bellicosæ gentis uictorijs atque sepulchris claras, &
 totam deniq; Africam, sed ad beatas quoq; noui
 orbis insulas in tanta siti gemmarum
 & auri condendis colonijs
 aduehantur.

PAVLI IOVII NO-
VOCOMENSIS EPISCO-
PI NVCKERINI HISTO-
riarum sui temporis.

LIBER XLIII.



MAGNVS & nunquam antea
gravior Orientis undique belli
metus, usque adeo desperata pa-
ce, Europam inuaserat, ut ne-
mo esset, qui non maximè time-
dum putaret, nec Solymano clas-
sicum canente, concursuris in-
ter se uestano impetu nostris regibus, humana diuinâq;
omnia miscerentur. Conspecta quoq; naturæ prodigia
quæ non temerè maioris semper mali prænuncia cre-
duntur, multorum mentes nouæ cladis expectatione
suspendebant. Rubentes enim locustæ, satorum dira
perniciēs, stupendis agminibus ab Oriēte per Illyricū
in Italiam conuolarant, quo itinere Turcarum aduen-
tus portendi uideretur. Tanta autem famelicis eroden-
di rabies inerat, ut præter absumptas segetes, prata
quoq; uel rigua, uiriditate graminis, & magnas fron-
dosasq; arbores, ocissimè toto foliorum honore spolia-
rent. Tremuerat etiam in Etruria iuxta Florentiam
Mugellus ager in radicibus Apœnini, qua Sena fluvius
decurrit, cultura, amœnitate, frequētia nulli secūdus.
Ea subita clade, quæ noctu circa solstitiū incidit, Scar-
pariam

pariam oppidum totum ferè prostratum, aut magnis deformatum hiatibus uidimus: quum septingentæ nobiles aut rusticane domus in eo tractu centum stadiorum oppressis multis mortalibus miserabili ruina corruissent. Læto tamen Cosmi principis augurio, quum tot ædificijs circûquaquæ laceratis & haustis, una ipsius Trebia uilla stupente populo illæsa consisterit. Qua de causa Paulus Pontifex cognito Cæsaris decreto, ac exploratis Solymani consilij post indictas supplicationes Vrbe profectus Bononiam iter extendit, uel niuoso Veris initio atq; eo maximè senibus maligno. Neque enim grandæuus princeps uel in præsentis uitæ periculo committendum existimabat, ut de pace desperasse uideretur. Maturata siquidem profectione Cæsaris aduentum præoccupare, atq; à Tridentinis actionibus, si frequentes episcopi undiq; conuenissent, ex propinquo uenturi famam præbere cupiebat, sed arcani consilij aliæ grauioræ causæ suberant, quàm Mediolanensis imperij dominatum affectaret: quod præsentis pecunia comparari posse uideretur ab egente Cæsare, & ad Belgicum bellum properante. Quo suscepto itinere ita Romanorum obtestationes, detrimenta uectigaliû, propinquorum preces, & quorundam senatorum incommoda contempsit, ne suo peculiari officio deesset ut alterutro euentu certam laudem petere crederetur, quum propositus esset amplissimus laborum fructus, si ipso pacificatore atque auspice reges ad concordiam redirent. Quod si illi fatali correpti morbo insanire pergeret, nihilo secius uirtute et pietate æquè magnus & felix esset: cum sua saltem illustri conscientia, tum

bonorum omnium iudicio, postquam uel obscuri uel
 desidis animi suspicione atque onere liberatus, totum
 quesita pacis euentum Dei optimi prouidentia reli-
 quisset. Discedente Pontifice, Rodulfus Pius Carpensis
 Romæ legatus, eximie uirtutis atq; prudentie Cardi-
 nalis, urbanarum rerum curam suscepit. Alexandro
 autē Vitellio, qui præsidij bellicisq; operib. præerat,
 Leonine urbis muro cingende munus impositum, ut
 postquam Roma ad orientem solem uasta intus et an-
 tiquis utiq; moenibus à frequentia adium remotis, re-
 ctè communitri non poterat, uel paruis copijs defendi
 certum saltem, et tēporarium ad salutem perfugium
 in repentino periculo per Aelium pontem ad Vati-
 nas ædes populo pararetur. Id opus insigni iudicio
 sumptuq; Nicolaus V, inter optimos Pontifices li-
 terarum amore perillustris inchoarat: intermiserat
 successor Pius scribendi potius quàm edificandi laudē
 sequutus. Paulus quoq; Martiane suæ domus amœni-
 tate captus, confususq; longiori uitæ distulerat. Inde
 Sixtus inuidiosè pertimuit, ne ad auctorem primum,
 si persiceretur, coepti simul et cōsummati operis glo-
 ria rediret. Innocentio autem defuit uoluntas, quum
 Vaticanæ domus elegantie quàm securitati studere
 mallet. Alexāder porrò inaurasse testudines, arcemq;
 Hadriani insigni corona nobilitasse contentus, ut uel
 Dijs inuitis filio imperium strueret, aliò quàm opor-
 teret ingenium detorsit. Iulium item excelsa ac admi-
 randa passim insanis prope sumptibus inchoantem,
 exorta bella ab ea cogitatione reuocarunt. Nec Leo
 extructis in Vaticano prealtis porticibus, et portu ad

Centum-

Centum-
 Roman
 immine
 exitum
 tota cor
 quidem
 gligent
 fert, m
 isdem
 matura
 Hadria
 noniam
 cibus in
 Barbar
 micis l
 belli in
 rheno
 pedire
 agitata
 præsen
 post L
 sarum
 ingent
 Is non
 laudis
 ri par
 perora
 imper
 modis
 en a C

Centumcellas magnificè repurgato, in ea aurea re Romana tranquillitate, qua beatus uideri poterat, de imminente clade dubitauit. Ab Hadriano autè ad uitæ exitum properante urbs ipsa neq; planè cognita neq; tota conspecta est: ut ipse demum Clemens appetente quidem ingenio, sed deterrente sumptu, dum fatali negligentia destinatum ad publicam salutem id opus differt, molienti urbi exitium Fortunæ limen aperiret. Iisdem fermè diebus quibus Pontifex Roma discedere maturabat, Polinus Galliæ regis legatus hyemantem Hadrianopoli Solymantum, appetenteq; Vere in Pannoniam graue bellū parantem secutus, accuratis precibus impetrauit, ut Othomannica classis Hariadeno Barbarussa præfecto Masiliam mitteretur, qua inimicis littoribus infesta distraheret opes Caesaris, ualida belli mole Galliæ finibus incubentis, interclusoq; Tyrreno mari insularum ac Hispaniæ nauigationes impediret. Ea res multis purpuratorum deliberationib. agitata graues difficultates habuerat, contradicente præsertim obstanteq; eodem Solymano eunucho, qui post Lustibeium uxoris iurgio dignitate exutum, Basfarum ordinis princeps euaserat, ualebatq; ingenio et ingenti auctoritate, Indicis Parthicisq; bellis quæsitæ. Is non obscure oderat Barbarussam, obtrectationeq; laudis omnem eius existimationē tantis laboribus mari partam, otio nauali conuellere contendebat, ita ut perorādo nullam aliā educendæ classis causam, quā ut imperator uel periculo publico priuatis Hariadeni cōmodis indulgeret, se uidere testaretur. Nec desuere qui eū à Cesarianis, et Venetis pecunia inductū putarent:

nam postea literas à Ferdinādo Gonzaga Siciliae praefecto, sibi scriptas Polino tradidit, quibus ille per idoneum hominem Hispanum promissis muneribus petebat, ut eius ingenio solertiq; opera Solymanus cum Carolo Caesare honestis amicitiae legibus iungeretur: & ipse quoq; Barbarussa quatuor aureorū nummūm myriades ab Hieronymo Zanio legato Veneto sibi oblatas iactanter retulit, si ea aestate minimè nauigaret. Erat enim formidanda Veneto Barbarorū classis, totius maris impotenti imperio superba, quae assuesceret littoribus Christianis, & magni sumptus necessitatem adduceret, si ornanda classis foret, quae Hadriaticum sinum & insulas tueretur. Itaq; Polinus, qui inter tot curarum aestus, desperata classe animum desponderat, nuncio decretae classis exhilaratus Solymano gratias egit. Is enim auditis & graui iudicio repudiatis suorum sententijs, datam fidem praestare suae dignitatis esse statuebat, uel cū discrimine tantae rei, cuius iacturā uel immensum auri pondus minimè resarciret. Biduo post Rostanes gener, ac ipse demū Eunuchus, quod ita cordi erat Solymano, Polinum honoris causa solennibus epulis exceperunt, amicitiam et gratiam eo classis munere benignè adauctam gratulantes. Polino demū dono datae sunt pretiosae ex auro textili talaris togae, bini quoq; insignes equi eximie phalerati, & pocula aliquot argentea. Dignioribus uerò ex eius comitatu sericae uestes impositae. Discessuro autem Solymanus, classē ut incolumē praestaret atq; reduceret magnopere commendauit, eiq; literas in hanc sententiam cōscriptas ad Franciscū regem deferēdas dedit, praescriptis

ptis quidem glorioso fastu tot regnorum titulis. Clas-
sem, qualem quantamq; petisti, omnibus rebus ornatis-
simam Polino fraterna liberalitate concessi. Impera-
tumq; est Hariadeno maris præfecto, ut eius consilijs
obtemperet, ac arbitrio demum tuo cum hostibus bel-
lum gerat. Tu uerò rectè amiceq; feceris, si clas-
sis re-
bus feliciter gestis Byzantium reducet. Cuncta autē
tuis meisq; uotis prosperè cedent, si grauissimè caueris
ne te iterū Carolus rex Hispaniæ æternus hostis tuus
pacis mentione decipiat. Tum enim æquisimā pacem
dabit, quā regiones eius omni belli clade uastatas ex-
usseris. At Polinus extemplò Byzantiū reuersus, clas-
sem ab Hariadeno, qui diu noctuq; multus in nanali-
bus fuerat, egregiè refectam instructamq; remigibus
repperit, tanta adhibita celeritate, ut ad quartum calen-
das Maias conscenderint, petita primò Eubœa ad Ca-
ristium promontoriū, quod hodie Mantelium uocant,
ut inde coniunctis sibi aliquot triremibus, quæ tardius
exornatæ sequebantur, ad Meleam contenderent. Su-
perata autem Malea, tota clas-
sis, resstantibus Etesijs, in
Laconicum sinum coniecta, Matapanium caput, quod
Tenarum antiquis erat, superare non potuit. His ad-
uersis uentis allata mora est nouem dierum, sed secun-
da demum tempestate Hariadenus Methonem adiit,
atq; inde cum classe cenium & decem triremiū, bire-
mium uerò circiter quadraginta, quas prædones addu-
xerant, Ionium præteruectus ad Messanæ fretum per-
uenit. Conspecto Rhegio prædones descenderunt, Bar-
barussa ad idoneam stationē classē promouit. Rhegi-
ni deserta urbe profugerant, sed Didacus Gaetanus

Hispanus arcem tenebat. Is Polino colloquū petenti, quū nihil responderet, & in subiectis collibus prædones spectarentur, tres Turcas tormentis interfecit. Eo sociorum casu accensi prædones urbem irruerūt, & quōd inanes essent domus incenderunt, egrē id ferēte Polino, & Barbarussa incendiarios ad poenam à trierarchis deposcente: inde quoq; tormenta muralia in aduersum arcis tumultū comportata. Ea paucis ictibus ita Hispanū, lachrymante uxore, terruerunt, ut se atq; omnia dedens muro demiserit. Ei Barbarussa, orante Polino, uxoriq; & liberis libertatē concessit. Reliquis autem in tēplo ab iniuria custoditis, arcem militi diripiendā dedit. in his fuēre circiter septuaginta Hispani milites, et multo plures Rhagini ciues, qui in seruitutē abducti sunt. Sed demum Didaci filia, eximia uenustatis uirgo, in quam senex Barbarus procaces oculos coniecerat, ad prætoriam nauem sic perducta est, ut eam ilico Mahometanis initiatā sacris legitime uxoris loco habuerit, & Didacū patrem aliquot post menses ad portum Herculis inuisentem filiam, tanquam socerum humaniter, liberaliterq; suscepit. Iisdem fermē diebus circa solstitiū, quibus Barbarussa magnæ Græciæ, & citra Messanæ fretum Brutiorum orā percurrebat, Carolus Cæsar, aliquot cohortibus, & septingentis circiter equitibus in onerariis naues distributis cum quadraginta triremibus è Barcinone Genuam peruenit, tardiore ob id nauigatione, quōd onerarias extra conspectum rostratæ classis minimē relinquendas existimabat, ut si mare tranquillum, & solstitiali malacia constratū foret concidentibus omnino uentis, rostratæ

rostrata demum onerarias, uel immobiles remulco, ad
 conficiendum cursum protinus adiunxerent, elusa &
 despecta Gallorum classe, quæ tutissimo in portu, ut
 errantes aut uento destitutas inuaderet ad Massilienses
 insulas excubabat. Exceptus est Cæsar ornatissimo Au-
 rianæ domus apparatu, præstog; ei affuere Alphon-
 sus Daualus, & Ferdinandus Gonzaga, ipseq; mox è Flo-
 rentia Cosmus Medices, ac è Bononia missus à Pontifi-
 ce Petrus Aloisius Farnesius, Octauij Cæsaris generi
 pater. Hic adolescens diu in Hispania socero comes ea-
 dem uectus prætoria nauim Italianam redierat, iturus
 ad uxorem, quæ Ticinum usq; progressa patrem &
 maritum expectabat. Ceterum Farnesius qui ea de cau-
 sa uenerat, ut ad explicanda maximarum rerum con-
 silia, colloquio dies & locus diceretur, ad id prædu-
 rum atq; difficilem Cæsarem reperiebat. Erat enim
 tum Cæsar contracto uultu sermoneq; factus amarior
 quòd Hispanico simul & Belgico lace situs bello, nul-
 lam opem ab affine Pontifice, atq; eo sæpius ab se ami-
 cè ac liberaliter exculto, contra Gallos impetrasset.
 Propterea minime, uti alias familiaris, nihil sibi in Ger-
 maniam properanti colloquio opus esse respondebat,
 ne reliquum æstatis tempus. Sicambrico destinatū bel-
 lo, inutiles mora deperiret, quando recentibus iniurijs
 affecto nullus conciliandæ pacis locus esset relictus,
 nec decorū Cæsari uideri posset de cōcordia cogitare,
 nisi prius uindicatis iniurijs, tū demū matura & certa
 pax ac ipso uictore peteretur. In hæc quoq; declinan-
 di colloquij sententiam abruptè filiam à Bononia lite-
 ris acciuerat, ut eam ex itinere apud Ticinū inuiseret,

postquam Pontificem minimè uisurus esse uideretur. His cognitis Pontifex Cæsarem reip. causa demulcendum ratus, Alexandrum Farnesium Cardinalem magnis itineribus Genuam misit, breuiq; eius iuuenis maxime illustri solertiq; ingenio, quum summa quoq; ad persuadendum inesset auctoritas, Cæsar adductus est, ut ad Buxetum cum Pontifice iungeretur: id est oppidum Palauicinae familiae inter Cremonam atq; Placentiam, sed ea conditione, ut triduo plus colendo audiendoq; Pontifici se daturum negaret. Euere qui existimarent Cæsarem ad id se inuitum trahi uideri uoluisse, ne Britanniae regem, dudum non obscuro fœdere contra Gallos percusso sibi coniunctam offenderet. Hominem enim ingenio suspicaci repentinoq; eo congeßu alienari posse putauerat, quoniam ex diuini iuris censura impietatis crimine damnatus, Pontificium nomen immani odio persequeretur. Sed Cæsari arma paranti cogenda in primis erat ingens pecunia, quæ expectari posset à Pontifice, si Octauius gener, ut fama ferebat, Mediolani princeps Augusta auctoritate crearetur: ea res uideri poterat decora Cæsari, honosta Pontifici & Venetis longè gratissima, quòd ille sese, eo liberali facto, affectatæ summæ potentiae inuidia liberaret, filiamq; obiter tanto dotali munere supra Alexandri Medicis titulos ornatam, beatiorem efficeret: hic uerò singulari cum laude exoptatam afflictis gentibus pacem pararet, ut inde expedita arma Turcis inferrentur, & Veneti Neapolitano fœderi sincere satisfactum esse iudicarent: quum in conditionibus prolixè cauissent, ne quisquam Austriani sanguinis Mediolani princeps

ceps à Cesare diceretur. Apparabat quoq; Frācis cum Galliae regē, qui pari iudicio Sforiam Mediolani principem tulisset, ac eum deniq; à Caesaris iniuria magnis opibus defendisset, haud grauatē expectationi Veneti senatus, & uoto Pontificis assensurum. Quid enim commodius Gallo quāri, uel exoptari melius posse, si attenuatis atque defessis Galliae uiribus expedita requies quereretur, quā ut Gallia Cisalpina Hispanis atq; Germanis militibus exonerata, Carolus Sabaudius reliquis Subalpinis populis, ac Octavius Insubribus imperarent; quum ille dimidio exutus regno ab infirmis opibus, opportunus iniuriae fieret, nec Octavius, si fata Caesari longiorem uitam inuiderent, Hostium Gallorum impetum esset laturus. Verum tantae rei negotium magnas ad explicandum difficultates includebat: quod praesto consilio Caesar, si transigendum foret, suis omnino praesidijs munitas arces tueri uellet, nec ipsi Pontifici, pari solertia rationes subducēti, expedire pecuniam placeret, nisi omnino libera atq; integra ditionis possessione potiretur: nec aliter quoq; Venetus senatus Octauij tutelam esset suscepturus. Huic consilio unus omnium Alonsus Daualus uehementer incumbebat, quum diuersi Gonzaga atque Auria grauissimē dissentirent. Is enim praestaro studio Caesari simul atq; Pontifici gratum facturus eō tendebat, ut Insubres, apud quos in honore militari uiginti annos fuisset, pietatis & clemētia nōmine ab acerbissimis tributis ad inopiā redactos inuecta pace subleuaret. Propterea in eam spem à Cesare missus, Parmā ad Pontificem uenerat. Sed Caesar uetere suo innixus consilio, ne

Mediolano unquam excederet, in itinere cum Cosmo de redimendis arcibus opportunè transiit, ita ut supra ducēta milia aureorum nummū in bellicos sumptus soluerentur: Florentinæ quoque arcis, ac item eius quæ est ad Liburnum præsidia, nutu & sacramento Caesaris tenerentur. Eas inimici Caesaris, ad cumulantam concepti dominatus inuidiam, & hostes Cosmi ad eleuandam eius existimationem, Etruriæ compedes appollabant: quasi Cosmus temporario beneficio regnare uideretur, & Caesar dissimularet, ac ideo lentis passibus ad Italiæ principatum contendens, & tempus idoneum expectans, quo Etruria in prouinciam redigi tutò posset, Cosmo Fortunam atq; potentiam, uti aliunde ab initio partam, inuideret. Ea itaq; celebri liberalitate Caesar, insignem beneficii moderatq; animi laudem tulit, quum malignis suspitionibus extincta inuidia inexpectatus occurrisset. Nec minore præstantis ingenij iudicio expetiti muneris beneficio Cosmus respondit. Deductis enim omnibus Hispanis, qui in arcium præsidijs erant, non Italis demum, uti plerique crediderant, sed Germanis ac Hispanis ab se delectis custodiendas arces attribuit; ad declarandam gratissimam & maximè fidelis animi magnitudinem, ut aliquanto arctius beneficio nobiles animos obstringi, quam metu contineri Caesar agnosceret. His de causis Pontifex, cum personæ, tum Reipublicæ dignitatem domesticis commodis anteferre non dubio pudore coactus, priuati eius consilij cogitationes penitus abiiecit, in eamq; unam omnino curam totus incubuit, ut Caesar, representatq; Ferdmandi fratris periculo, & propo-

propositis æquissimis de pace conditionibus, ab instituto bello contra Solymantum uerteretur. Pontifex prior Buxetum uenit. Postero autē die, occursu totius aule Caesar exceptus est, complectente demum Pontifice, et honoris causa supra medium conclaue summa arcis cœnacula tanto hospiti concedente, ita ut bina cohortiū et equitum præsidia, sub signis pari propere numero, pariq; uigilia, arcis ac oppidi portas æquata securitate custodirent. Caterum Paulus nel tridui colloquio, quanquam singulari memoria summaq; prudentia et pietate, ea sedulo commemorasset, quæ graui momento ad impetrandam pacem pertinerent, prædurum inueteratōque odio à Gallarum amicitia penitus abhorrentem expugnare non potuit. Totus enim Caesar ira turgidus in Cleuensē intento ad uindictā animo ferebatur, tanta uehementis ingenij contentione, ut cum Austriam Barbarorum incendio breui arsuram crederet, nihil se eam patrimonij misere deflagrantis flammam respecturum esse testaretur. Indignum enim esse nomine Caesaris, à subditis imperio benesciarijsq; suis cōtumeliā ferre, nec ulcisci eos, qui malignitate atque perfidia inducti, nullaq; prouocati iniuria geminato scelere, et ab se legitimo Augustæ potestatis imperatore, et quo nihil flagitiosius patrari posset, ad infestissimos hostes defecissent. Francisci porro regis amicitie nunquam se confisurum, quod ille toties ruptis fœderibus fidem fefellisset: quod more gentis immodicos ac aliena semper appetentes spiritus gereret: nunquam pacem pati posset, nec toties fracta, atq; perdomita arma deponeret. Casare pacem

abnuente, Pontifex postulauit, ut postquam ipse hortando nihil profecisset, senatores Cardinales de concordia Reipub. Christiana commodo discretè uerba fa-
 cturos audire minimè graualetur. Pertinere enim plu-
 rimùm ad eleuandā, uel parùm equi, uel omnino per-
 tinacis animi opinionem, si in senatu libera uoce pro-
 ferret, cur à communi concordia dissentiret. Id uerò
 Caesar honorì senatus facile tribuit, nec multò post uo-
 catis Cardinalibus, Marinus Grimanus eius ordinis
 princeps, ita locutus est: Nisi longè maximum, quod
 Reip. futuris affecta malis discriminè imminet, Augu-
 ste, Caesar, omnium animos uehementissimè cōmoueret,
 rem profectò toties acitatum, rursus agere maximè
 absurdum putassemus. Sic enim hic frequens senatus,
 cum pristinae tuae constantiae, tum modestiae suae memi-
 nit, ut priuatis colloquijs uigilantissimi atque optimi
 Pontificis officio grauissimè satisfactū intelligat. Sed
 dirus hostis in limine crudelia arma concutit, mareq;
 Ionium magnis eius classibus constrictū esse nūciatur.
 Et tu tanta animi magnitudine, tantis opibus, et tāta
 deniq; fortuna summus imperator, neglecta Pannonia
 deserto fratre, Italiae, Siciliae q; littoribus Barbaro pe-
 ne proditis, auersus in Belgas contendis, scilicet ut quū
 ignobili uindictae studio rebellantem regulum debella-
 ris, peruersae laudis famam queras: quasi rectissima, et
 perillustis laus aliunde, quam à consecrata pace, susce-
 ptoq; sacro bello petenda uideatur. Aeque igitur ani-
 mo tuleris, Auguste, si decreti tui nouitatem nō insulsi
 homines admirantur: nam quum in periculo publica
 sit salus, occultas consilij tui ratione excutunt, omitti
 uictoriam

uictoriam, parari cladem, religionē altius reuelli maxime dolent, agnatasq; Caesaribus, & tibi proprias uirtutes requirunt, uerā scilicet gloria cupiditatem, dedecoris metum, & presentis animi pietatem, quarum rerum, quum tibi esses omnino persimilis, præclara nō uno in loco, & quidem imitanda posteris documenta reliquisti. Sed in te una maxime pietas refulsit erga Deum diuosq; immortales, qui te hac incedentem uia, & ritē uota nuncupantem nusquam sefellerunt. No, si enim quanta euentus felicitate responderint, quum in Pannonia Solymanum tantarum uirium tumentem, fastu solo propē castrorum tuorum fremitu profligasti, Barbarussamq; acie deuictum ac exutū regno, terra Africa depulisti. At illi tibi demum ad intestina bella, si non iniquē, importunē tamen cōuerso, minus arriserunt, scilicet, ut salutem tuam, non uictoriam sibi curā esse ostenderent, & præclare monerēt, ut à Christiano sanguine temperares. Rediisti siquidem è Pro-uincia incolumis, quum tertia ferē pars exercitus non hostili gladio, sed tabe consumpta perierit: uerū aliquanto certius deorum numen apparuit, quum è Germania, Solymano ad occupandam Budam aduentate, in Africam traicere properasti, quū à te supplex frater opem imploraret, retentarēt Germaniæ procures, mœssiq; Hungari tuo discessu se proditos quererentur: traiecasti scilicet durissimo anni tempore, ut cuncta terra marisq; pericula, ad exiguam nec satis nomini tuo decoram uictoriæ spem subires: neq; enim & Eunuchus & feruus Asanagas cum ipso nobilissimo imperatore hoste, tum præsertim Christiana terga immaniter

cedente, uideri poterat comparandus. Sed te, nosq; tecum omnes, capitis tui aleam subituros, Dijs superi preclara miseratione conseruarunt usque adeo clementer ut tibi in eo calamitatum omnium concursu, incomparabile trophæum de deuicta Fortuna concesserint. Ergo si tam grata, quam pia mente, Deorum beneficio commoueris, te ipsum hodie profecto uinces, quod certe magis pulchrum decorumq; fuerit, quam fortunam rerum omnium dominam admirabili constantia superasse. Hec quidem agnoscis, Caesar, & quæ tua iudicij atq; memoriæ uis est, ad gloriam tuam, & seculi felicitatem pertinere confiteris: sed cum Gallo nunquam stabilem amicitiam, nunquam securam pacem parari posse contendis, quod tibi ea gens è summis regni opibus facile infrenis, alienæ ditionis appetens, noua spe, noua libidine semper inquieta uideatur. Hæc certe suspicantem à communi concordia auertunt, auertentq; semper. Nulla enim grauior pestis humano ingenio insidet, quam altè concepta suspicio. Ea enim quum te semel irrepserit, egerrimè uel maxime illustri ratione conuellitur. Noli, generose, pieq; Caesar, ullo modo pati, ut in te uel minima suspicacis ingenij nota resideat. Patere autè si quid prædurum in intimis sensibus obcalluit, ut id totum Christiana pietate molliatur. Honestissimis siquidem nominiq; maxime decoris conditionibus, quas prudentium & reipublice amantissimorum hominum iudicio descriptas dudum perlegisti: rex Gallorum pacem petit, affinitatem, opes, copias offert, occupata restituit, ut Mediolano tua liberalitate, beneficiarijque iuris nomine recuperato, communem

hostem

hostem Barbarum, coniunctis armis persequatur. Ut
 nihil porro, uel occulte fraudis, uel parum sincera fi-
 dei pertimeas, qui nihil unquam cuncti animi fretus
 altitudine timere didicisti, cuncti fere principes, inita
 societate foederum sponsores, et adesq; aderant, ut ius-
 tis armis sanctas pacis leges, iuraq; omnia lacantur.
 Hanc à te pacis conditionem ante alios orat et exigit
 Carolus Allobrogum regulus, innocentia tantum sua
 depulsus regno, et quod longè miserrimum uidetur,
 per septem annos ancipiti duorum propinquorum
 iniuria fatigatus. Hanc item Veneti, tanquam ex foe-
 dere debitam reposcunt. Eandem regna tua, perpe-
 tuis tributis enervata, tuorumq; praesertim, ac hostium
 rapinis crudelissimè diuexata, suppliciter efflagitant.
 Valeant aliquid, obsecro Caesar, fraterna pericula,
 Hungarorum supplicantium lachrymae, senatus pre-
 ces: Valeat ipsa sacrosancti Pontificis auctoritas,
 pijs, atque optimis nunquam spreta regibus, ut Chri-
 stianus orbis, luctu, miserijs, et Barbarorum metu
 liberatus, post impetratam tuo incomparabili mune-
 re pacem atq; concordiam secundissimè reflorescat.
 Ad ea Caesar, ut à uetere consilio discederet, nihil o-
 mnino, uel amplissimi uiri facundia, quae in Grimano
 summa censebatur, uel eius sacraei ordinis dignitate
 permotus, grauius respondit. Nihil à se in toto ui-
 ta cursu uel ad gloriam, uel amplitudinem compa-
 randam publica pace commodius et melius concu-
 pisse, quam ut exoptata seculi securitas, cum tran-
 quillitate rerum omnium pararetur, nihilque de-
 mum antiquius habuisse, quam pace potiri, ut

inde aduersus Barbaros arma distringeret, cuius uoti ac instituti sui præclara exempla, in Pannonia, Græcia Illyrico, & tota deniq; Africa rebus gestis ostenderit: sed laceßitum Gallorum iniurijs, retractumq; à nobili incepto bella cõficere nequiuisset. Nemini enim tutam pacem, utiliorẽ, chariorẽq; uideri, quàm ei ad quem iure optimo ex sacri belli uictoria, cùm speciosissimi spes triumphi, tum inusitatae laudis prouentus obuenerent: sed Gallos semper noua odia ex antiquis simultatibus serentes, ipsius semper, maiorumq; suorum obtristasse laudibus, ac potentia, amplitudini, & legitimis regnorum hereditatibus inuidisse, quod rite nuptas letissimas uirgines impudentissimè repudiarint, sacramenta fœderum abiurarint, nihilq; unquam sanctius habuerint, quàm quum ex commodo luberet, à fide ac amicitia defecisse: id præclare perspectum esse planeq; cognitum imperatorijs comitijs, quibus multo auro suffragia prauertere conati, ambitiosa malignitatis, atq; stultitiæ graui sumptu ignominiam retulerint. Postremo ab ipsis concitados Menapios atq; Sicambros, ut Brabantiorum regionem incenderent, euocatumq; nefaria crudelitate ad omnium perniciem Solymanum, ut Austriana domui quàm maximè noceretur, quum nunquam antea in eam maleficio & contumelia temperassent. Ab his autem obiectari sibi inducias Rinconis atq; Fregosij cæde uiolatas, cuius patrati facinoris ipse prorsus fuerit ignarus, & pœnam deniq; Georgio patruo pecunia redepto nuper exoluerit. Proinde nunquam se ad animum concordia mentionem admissurum, nisi Belgarum suorum iniurias de rebellibus incendia-

incendiarijsq; latronibus vindicaret. Id enim dignum
 uideri Caesaris maiestate, omnia belli detrimēta aequo
 animo perferre, sed nullam dignitatis pati contume-
 liam. Sibi autem, & summi Pontificis, & totius deniq;
 senatus gratiam, honori, ac emolumento esse debere,
 non detrimento atq; dedecori. quid enim in re sua po-
 tius quā aliena sapienti, & satis superq; Gallum si-
 dem experto, absurdus atq; dementius, quā iniqua
 pacis cōditione, Cisalpinæ Gallie imperio spoliari, ut
 Francisci regis minori filio, Britānia citerioris hære-
 ditate penitus excluso, nouum ex alieno patrimonium
 paretur, quo demum Gallie augeātur uires in Italia,
 & sue protinus minuantur? Ea quoq; insana aut certē
 præpostera liberalitate, liberas nauigationū, ac itine-
 rum sibi eripi facultates, quum repetere Hispaniā &
 Germaniam inuisere singulis propē annis necesse fo-
 ret. Malle se Augustæ dignitatis penitus obliuisci, &
 acclamatum Caesaris nomē ultro deponere, quā in-
 dignanter pati, ut terra mariq; portus, hospitia, trās-
 tus, a dubijs uel ingratis clientibus impetranda uideā-
 tur. Postremò Caesar sensim exardente facūdia, eadem
 ferē commemorauit, quæ superioribus annis, cum Ro-
 mæ, tum Nicææ etiam & Lucæ expetentibus pacē re-
 sponderat, quum eā causam diserte atq; accuratē per-
 orasset. Adeo enim constanti ingenio, præsentis potē-
 tiæ suæ iura defendebat, ut remotas etiā spes, amplio-
 ris fortune solerti ratione tueri, proferreq; non impe-
 ritis rerum non obscure uideretur. Ita uerò flagranti
 animo in Cleuensē iracundiam intenderat, ut Soly-
 mani impetum facile cōtemneret, neq; multum fratris

periculo commoueretur, & mihi demum, quod minime pratermittendum uidetur, ipsius discedentis manum osculanti, alacri familiarique uultu diceret. Expedire te, inquit, Ioui calamos oportet, ut quæ iam gesta sunt in historijs tempestiue perscribas: nam hoc armorum motu, magnus profectò tibi noui operis labor paratur. Ceterum Pontifex, quanquam conciliandæ pacis consilio deiectus, rationem & studiū æquitatis, ueræq; gloriæ decus, alioqui semper eximium in Cæsare, ceca obstinatione superari mirabatur, Fedinandi tamen regis pericula, Reipublicæ pariter ac amicitie causa se minime neglecturum Cæsari cõfirmavit. Nec multò post, Baptistam Sabellum prætorij præfectum, & Iulium Vrsinum cum triginta cohortibus tuendo Norico ad Pannoniæ fines transmisit. Quinq; diebus eo colloquio frustra consumptis, & Cæsare in Germaniam contendente, Pontifex pari digressu Bononiam est reuersus, ut festū diem, Petro Apostolorum principi dicatum, solenni ceremonia celebraret, quo die Barbarussa à Pontijs insulis ad Tarracinenisum littora delatus, Oshā peruenit, tanto terrore hominum ab ora in montes refugientium, ut populus Romanus subito metu concitatus in fugam, Urbem omnino deserturus esse uideretur, nisi à Polino. literæ ad Rodolphum legatum conscriptæ perlatae; Romā per Tarracinenisum prætorem tumultū magna ex parte compressissent. in hanc enim sententiam ille perscripserat: Classis, quæ à Solymano ad præsidium Gallia Barbarussa præfecto mittitur, ex præscripto mihi paret, ut nemini præterquam hostibus nostris noceat: itaq; edicto

cito Ro
lentibus
fidem ab
ce uiola
Gallie
manam
ac ideo
dem qu
Ostensi
Turcis
duceret
quum e
phore,
uendere
aut bin
donibu
metu co
ne prop
animi s
quam d
poterat
fecto u
fugā,
classen
dam pr
tare co
num tr
tur, et
decede
foda e

cito Romanis, ceterisque Pontificie ditionis oram incolentibus, ut nihil hostile à nobis timeant. Nusquā enim fidem ab eorum imperatore mihi præclare datā Turcæ uiolabunt, & uos pro cōperto habetis Franciscum Gallie regē nihil habere antiquius, quā ut rem Romanam non incolumen modo, sed maximè florentem, ac ideo ab omni impiorum iniuria defensam uelit. Eadem quoque usus diligentia Polinus Neptunianis ac Ostiensibus adeò animos confirmauit, ut expetentibus Turcis uenale pecus, & reliqui commeatus copiā adduceret, & ex nauigijs Campano uenali uino onustis, quum ea in portu hæssent, trierarchis aliquot amphoræ, in usum seruorum remigum præsentī pecunia uenderentur: acciditq; ut nonnulli quaternis arietibus aut binis iuuenis singulos ex Brutijs captiuos à prædonibus impetrarent. Sed ciuitas nocturno præsertim metu consternata, uel ipso legato ex aliena promissione propriam obstringente fidem, & uultu interrito animi securitatem in eo periculo præferente, ut quicquam de salute publica Barbaris crederet, adduci non poterat, quanquam & P. Antonius prætor, cum præfecto uigilum, multis accensis funalibus ad coercendā fugā, per omnes regiones discurreret, passimq; abire classem nemini infestam, & nihil propterea metuentam prænunciando, timore in fugam præcipites retentare conaretur. In Sabinum enim agrum & Tyburtinum trepida mulieres cum paruis liberis effundebantur, eratq; eius nocturni tumultus facies, sicuti mox decedente periculo ridēda iuuentuti, ita tum omnibus fœda & miserabilis, quum matronæ, nobilesq; puellæ,

& sacratæ quoque uirgines è claustris in publicum se
 proriperent, oblitæ pudoris, ab obuio quoq; in tene-
 bris, ut ad proximas portas iter monstraret, lumenq;
 præferret luctuosis uocibus exorantes. Romani inte-
 rim ciues, & diuites inquilini concursu ad legatum
 facto, apud quem erat Vitellius ad ferendam opem op-
 portunus, ut præsidia pararet acciretq; ad Urbem co-
 pias, flagitabant: nulle enim erant in Vrbe ad custodi-
 cohortes, quum antea nihil ab ea classe hostile ueritus,
 non temere ad inanes metus æreio parcendum iudi-
 caret. Sed ita demum euenit, ut quum salua Urbis digni-
 tate præsidium negare uix sibi tutum foret, subitarie
 cohortes è proximis Tuscis, & abeunte iam classe, in
 Urbem graui ac inutili sumptu uocarentur. Barbarus
 sa autem ad ostium Tyberis aquationem longè optimam
 nactus, triduo post inde discessit, Etruriæq; oram atq;
 Liguria sine maleficio præteruectus, Massiliam rectam
 contendit. Eodem quoq; tempore & ipse Solymanus
 ab initio maturandum sibi ratus, ne ultra Budam pro-
 uecto, æstatis tempus ex natura Pannonij cali in plu-
 uias autumnales præceps, in cursu gerendarum rerum
 deficeret. Itaq; Sauro flumine ponte traiecto, Amura-
 them Dalmatam, Persamq; Vlamancem, ad expugnan-
 dum Valponium præmittit, hos quoque Achomathem
 Europæi equitatus magistrum subsequi iubet. Erat id
 oppidum ad Draui fluminis ripam positum, non longè
 ab Exechio, foeda Austriani exercitus fuga, & Bacchi-
 thij Pauli, Ludouiciq; Lodronij fortissimorum ducum
 cede, percelebre. Tuebatur autem locum præsidio ex-
 clientibus imposito, Petri Pereni uxor, eadè & Alexij
 Tursonis

Turfonis soror, quæ marito ab rege custodie tradito, virilem animum induerat: sed defensores, quanquam egregie munitum erat, vim Turcarum non tulerunt. Amurathes enim Hungaros omnes in deditionem clementi consilio accepit, seruauitq; ut, qui agros colebant, proposita libertate in provincia relinquerentur. Inde uero ad Soclos Perentianæ etiam ditionis oppidum exercitus ductus, ubi aliquandiu & quidem acerrime, inuadentibus Turcis repugnatum est, quod amplius ducenti nobiles Hungari, uti erant ueri Turcarum hostes, multitudinem incolarum ad perferendos labores continendaq; pericula cohortando, ante alios fortissimè Turcarum audaciam propulsarent: sed ubi multis acceptis uulneribus, territaq; & recedente à muro Soclensium turba, irrumpentium hostium impetus sustineri non potuit, in arcem confugerunt, ut inde Valponiensium exemplo, facta deditione salutem ac libertatè impetrarent: sed his iratus Amurathes, nulla pactione, sed arbitrio se dedentes egredi passurum respondit, atq; ita exeuntes porta ad unum omnes interfecit, ut ea crudelitate reliqui, qui spè in armis potius quàm in Solymani clementia reponerèt, collata utriusque oppidi fortuna terrerentur. His cognitis rebus Solymanus capta oppida Amurathi dono dedit, & paratis exploratisq; rebus omnibus, è Buda cum uniuerso terrestri naualiq; exercitu ad expugnandum Strigonium contendit. Erant in presidio Liscanus Hispanus, arcis custos, senioris Liscani propinquus, qui ad Cassonium, uti supra docuimus, ob ereptas fruges ab agrestibus fuit interfectus, uir cogendo auro aptior, quàm bel-

licis muneribus obeundis. In urbem autem missus ab rege Salamanca pariter Hispanus, non admodum peritus belli, et ante periculum uanissimus hostium contemptor. Is præter paucos Hispanos eius amicitiam familiaritatemque secutos, Italicæ cohortes duas effecerat ex his militibus, qui Medice præfecto classis, Alexandroque Vitello in Italiam redeuntibus, in Pannonia remanserant, Alexij Nardoï et Vicentij Matricij signa sequentes. Ad hos accesserant uexilla duo Germanorum, quorum duces erant Tristanus Fortaler, et Franciscus Munechius, qui militum omnium numerus mille et trecentorum summam efficiebat. Paulus autem Strigoniensis antistes, præclaræ erga Ferdinandum fidei, in pacatam regionem abierat, quod desperata uenia à Solymano certum cruciatum expectaret, quod eo deprecatore in gratiam Ioannis regis semel restitutus, iterum ad Ferdinandum defecisset. Strigonium in præalta ripa arcem habet, indeque Danubium subterlabentem latè prospicit, ex aduerso editum habet colem, qui portæ urbis imminet, moenibus autem extantia propugnacula desunt, per quæ emissis tormentis subeuntium hostium latera feriuntur. Is structuræ mos antiquis erat, quum nondum reperto bombardarum artificio, arietibus et balistis ingentibus et turribus ligneis urbes caperentur. Propterea Vitellius et Torniellus superiore anno ad inspiciendam loci muntionumque naturam à rege missi, ægerrimè defendi urbem à maximis præsertim copijs oppugnatam retulerant, quod ab eo colle tormentis statuendis à Barbaris occupato, cuncta introrsus supernè conspecta ferirentur, et ea esset natus

set natura moenium, ut quanto propius hostes succederent, tanto tutius protecti ab imo subruere murum possent: quibus difficultatibus, ueteres peritiq; milites, qui Strigonij præsertim hybernarant, nouis operibus occurrebant, magnaq; alacritate ante periculum, ut iactabundis accidit, mirifica uirtutis operam pollicentes, Solymani aduentum expectabant. Sed ubi Barbarus hostis undique promotis castris latè campos collesq; omnes erectis tabernaculis occupauit, classemq; pariter ornatissimam aduerso flumine subeuntem prospectantibus ostendit: nemo erat qui non deposita animi ferocia magnopere de salute dubitaret, quòd pauci, quanquam eximia uirtute, cum numerosissimis hostibus, atque his pertinaci admodum deuoti animi proposito mortem petentibus, pugnaturi uiderentur. Adauxit quoque metum legatorum aduentus: Solymanus enim tres prætorianos e gente Christiana iam pridem ad Mahometis sacra traductos, Italum scilicet, & Hispanum atque Germanum, cum præsidium ex his constare didicisset, ad urbem miserat, ut quisque sine interprete suæ nationis homines alloqueretur. Hi nanque admissi per ampla præmia atque stipendia se deditibus ita promiserat, ut quum prolata constitutaq; iam essent tormenta, abnuentibus extrema supplicia denunciarent. Ad ea quum à signiferis præclara uoce responderetur, milites fide uirtuteq; præstantes, neque præmijs turpiter capi, neque minis ac ignominia terreri solitos, extremas spes in armis habituros. Turcæ in castra redierunt, eodemq; die tormenta in collem imminen-

tem urbis summa celeritate subuecta sunt, et delecta
 toto ambitu ad oppugnandum infirmiores incenium
 partes, tanto quidem Barbarorū iudicio, ut neq; peri-
 tius neq; opportunius quicquam ad nocendum excogi-
 tari potuerit, uel ab his, qui cuncta interius diligenter
 explorassent, ita ut credi par sit, non fortunam modò
 Christianis hominibus, sed fidem quoq; aduersus Bar-
 baros omnino defuisse. Salamanca diffusus suburbanis
 munitionibus, secus ac antea iactanter nequaquam se
 deserturum prædicarat, in urbem se recepit, quæ ho-
 die Castelli nomen habet: superioribus enim hybernīs
 exteriores Strigonij partes antiquitus muro cinctas,
 usq; adeò milites, naualesq; socij defomarant, ut subla-
 tis ad usum ignis tabulatis et contignationibus, semi-
 cadentia tecta spectarentur: ea frequenti tractu per de-
 cliuia ad flumen usque pertinebant, ubi tabernæ et no-
 biles quoq; domus à fortunatis Hungarorum regibus
 extructæ uiscebantur. Ceterum Achomates, Europæi
 equitatus magister eam ad oppugnandum muri partem
 accipit, quæ episcopalibus hortis annectitur. Vlami-
 ni autem Persæ data est: quassanda subruendaq; ea tur-
 ris, quæ porta Budanæ imminet. Is enim ingenio soler-
 ti, horumq; operū maximè perito, ea merita laude fa-
 mam apud milites fuerat cōsecutus: quum in expugna-
 tione Castrinoui ad sinum Rizonicum cum Barbarus
 sa, admirabilis artifex extitisset. Asappi ad opus faci-
 dum idonei, gregatim à singulis ducibus ad perducen-
 das fossas, attollendosq; aggeres ducebantur. Incredibi-
 le dictu est, quanta ui tormenta displodi cœpta sint: cō-
 tinenti namq; ordine nusquam cessabatur, et erant eo-
 lubrine

lubrine ingentis magnitudinis, quarum ictibus non
 modò superiora mœnium decussis pinnis nudaban-
 tur, sed turris ipsa, deraſo item ſaſſigio quaffata in-
 ferius ac immanibus pilis perforata, nequaquam de-
 fenſores uel adire, uel conſiſtere auſos admittebat,
 adeò ut proximus ex tantis corona murus omnis cum
 ingenti fragore prorueret: & terribili continuo ter-
 ramotu cuncta quati uiderentur, nec conſiſtendi in
 muro propugnantibus facultas erat. Nam Iani-
 zeri ſclopettarij, aut perſoſſas ſubter ſumma obiecti
 aggeris labra diſpoſiti, aut è ſuperiore loco protecti
 equitum ſcutis, quum maiora tormenta ceſſarent,
 excitatusq; inde ſumus ſubſideret, certisſimis icti-
 bus apparentium capita ſeriebant, & multi interius
 in ſtatione perſeuerantes, incidentibus ab alto ſa-
 gittis uulnerabantur: ſed multò grauiorem cladem
 fragmenta lapidum noſtris inferebant, dum diſru-
 pta minutim, diſſipataq; tormentis, euitari non
 poſſent, illiſq; membris militum inutiles redderent
 quos attigiffent. Quibus malis adducti milites, de-
 ſerta exteriore corona, interiores munitiones cele-
 riter erexerunt, ut minore cum periculo in deſen-
 ſione uerſarentur. Nec animus Barbaris deſuit, quin
 audacter ſubirent, ter enim inſtaurata pugna ma-
 gno clamore edito in urbem inrumpere conati, ad
 congreſſum uſque noſtrorum peruenerunt: ſed den-
 ſiſſima phalangis frontem prælongis hiſpidam ſa-
 riſſis, Barbarus hoſtis leuibus haſtis equeſtribus, &
 graui gladio, aut parua tantum ſecure armatus per-
 rumpere non potuit, locoq; detrufus multis acceptis

uulneribus se recepit. In ea contentione Baltaces Selimbriae quæ ad Pontum est, nobilis Sanxacus, quum suos ad irrumpendum uehementer urgeret, interfectus est. Subierat ad eam ripam, quam diximus, Turcarum classis, ac omnia, quæ ad oppugnationem pertinebant, tormentorum instrumenta, commecatimque affatim à Buda subuehebat, nostrisq; uehementer occupatis classiarij milites, & remiges ad suburbanas domos tanquam in foro rerum uenaliu ociosè uersabantur. Id nostri ab arce despectantes, impunè fieri non tulerunt, conglobatisque repente ex sua quisque cohorte singulis centurijs, Michael Rauasburgus Germanus, Nardoúsque Italus eruperunt. Tantus fuit eorum impetus, ut Turcæ improviso hostium superuentu perterriti, quum pars arma capere, pars ad classam cursu se proripere uellet, tumultiuosissimo pugne fugæq; genere, aut intercepti caderent, aut adnatantes rapti flumine mergerentur. Sed qui in classe erant, oportunam planè profligatis & perditis opem tulerunt: sagittis enim & glandibus in nostros coniectis, ita incumbuntium impetum retardabant, ut iam admotis undique nauigijs, aliquanto quietius, quàm paulò ante & tutius suos exciperent. Perière è Barbaris circiter ducenti, & ipse Zirmar natione Persa, cuius erat classis imperium, ut eius audacis facti nomen maxime celebre redderetur, quum in eo discrimine perurbatis opem ferens, & fugam increpitans, prætoriam birimem admonisset, glande traiectus interijt.

terijt. Dum hæc fierent, & Barbari stratis mœnibus effosisq; cuniculis, quibus turris excinderetur, ualidiore in dies impetu expugnandæ urbi uires intenderent, & contra nostrorum animi cùm multis acceptis incommodis, tum una maximè auxilij desperatione frangerentur, senex Calaber è Crotone artificio tormentorum assuetus ad Barbaros transfugit. Eius autem nefarij impij; facinoris causam prædicabat, quòd plura sibi seni & inopi stipendia rex deberet, ac ideo liberalis militiæ dominus uitato præsentì uitæ periculo, adeundus esse uideretur. Is benignè susceptus à Solymano, interrogatusq; diligenter à purpuratis, si urbe Strigonio maturè potiri uellent, Aquariam turrim omnino expugnandam esse perdocebat. Erat ea turris in extrema ripa, sub ipsa arce Strigonij, loco, ædificiòque Budanæ persimilis, quum eodem machinationis artificio aquam exorbendo è flumine haustam uarijs siphonibus in arcem effunderet: ab ea enim Nasadæ subeuntes onustæ commeatu, directis ad aquæ libram tormentis, magno Turcarum incommodo ita petebantur, ut noctu tantum, & secundum ulteriorem amnis ripam pilarum uolitantium metu solliciti nauigarent. Hanc Habrymus Eunuchus, Asiatici equitatus magister, admotis tormentis expugnandam susceperat, sed irritò conductu cuncta moliebatur, quum ripæ margines statuendis tormentis perangustæ magnas Turcis afferrent difficultates, & milites præsidio impositi, directis ex aduerso falconibus constantissimè repugnarent.

Monstrante itaq; transfuga insulam in Danubio desertam, qua contra frõtem turri obiecta spectabatur: in eam Vlamanes noctu scaphis traiecit, erectoq; subitario aggere, conuectisq; eò tormentis, nonnullos ex defensoribus interfecit, nudauitq; eorum latera, ita ut Asiatici, non apparentibus præ metu nostris, murum subire auderent, & scalas expedire properarent. Interea Turcæ à maioribus castris exteriora urbis undiq; maximis tormentis uerberare, prægrandibus uerò globis per aeneæ mortaria in sublime iactis ut cum ruina tectis inciderent, interiora deuastare, subterq; magnos cuniculorum specus, sicuti alias inexpugnanda Rhodo, perfecisse docuimus, excauare non cessabant, in quibus Barbari, corpore pariter ac animo aduersus omnes bellici laboris asperitates indomito, interdiu noctuq; cibum & somnum cum multa nostrorum admiratione capiebant. Accidit autem, ut aeneæ crux inaurata, ob idq; percussa solis radijs latè resurgens, qua maximi templi fastigium ornabatur, assiduo collimantium Barbarorum studio contortis in eam pilis reuulsa, atq; deiecta frangeretur, qua cadente Solymanum felicitis ictus casum, more gentis ad letum augurium facile uertentem exclamasse ferunt, expugnatum esse Strigonium, postquam signum inani superstitione à Christianis hostibus adoratum è templo decidisset: neque id omẽ pro uano à nostris acceptum est: defessis enim territisq; militibus, quibus nulla gleba saxeo in solo, ad extruendas munitiones suppetebat, Liscæanus & Salamanca de rerum exitu timidè deliberrantes, & secretò demũ inter se collocuti, seruare sese & dedi-

& deditionem facere decreuerunt. Erat Liscanus pa-
 rum militia uersatus, & multo ex continua præda cō-
 gesto auro prædiues, sic, ut sibi planè opulento, pro
 inani constantiæ laude, Barbarico cædi gladio nimis
 miserum putaret. Idem quoq; effugiendi periculi sen-
 sus erat in Salamanca, apud quem certa salus, & bona
 peculij, labore ac industria castrensi parta, omni, uel
 maxime decora laude potiora ducebantur. Ceterum
 eius occulti consilij fama adeò adstrictè contineri non
 potuit, quin ad milites emanaret, quorum tertia frè
 pars, aut interierat, aut ægra morbis, & uulneribus
 debilitata decumbebat, una tamen omnium uox au-
 diebatur, satis adhuc uirū superesse, ut interiora de-
 fendi posse minimè desperarent. Sed centuriones atq;
 signiferi, præfectis adulari soliti, si honestis conditio-
 nibus à Solymano fides præstaretur, omnium certissimæ
 neci, & nihil demum Ferdinando regi profuturæ, de-
 ditionē præferebant. Fortibus enim uiris, aut egregiè
 pugnando cadendum esse, aut postquam suprema ne-
 cessitas id ferat, honestissime paciscendum. Nec multò
 post noctu demissus ē muro signifer, acceptaq; per in-
 terpretem fide, Salamancā exiuit, ut is æquiore con-
 ditione de deditione trāsigeret. Nec mora occultè ex-
 iens ad Achomatem contendit, admonitis prius Aqua-
 riæ turris defensoribus, ut inde ad salutem celeriter in
 urbem se receiperent: sed eo nuncio territis, & cum tu-
 multu euadētibus nostris, Turcæ intenti, animaduersa
 fuga, protinus irruperunt, interfectis quibusdam, qui
 tardius elabentes efferendis sarcinis occupati inhone-
 stè conciderant. At Salamanca ad purpuratos dedu-

ctus, quum accuratè loquendo multa sibi concedi po-
 stulasset, nihil explicatius aut mitius impetrauit, quàm
 ut maturè se dedentes, cuncta quæ salutè libertatemq;
 respicerent, ex liberalitate clementissimi imperatoris
 expectarent. Itaque Hispanas acri iudicio Turcarum
 ingenijs diffidens, nec tamen desperans, quum redire
 uetaretur, Liscano quæ retulerat perscribit, monetq;
 si saluus esse uelit, extèplò & maximè liberaliter sese,
 atq; urbem dedat. Acceptis literis, Liscanus ad milites
 prodiens, deditionis necessitatem, & propositam spem
 uitæ & libertatis cunctis exponit: nec mora ambiguo
 & fremente adhuc milite, Halis aperiri sibi portam,
 ex deditione in castris facta, lato potius quàm feroci
 uultu postulat: eaq; statim patefacta à Liscano intro-
 ducitur, clauēsq; traduntur. Ianizeri pacato agmine
 ingressi, munitionem, totamq; muri & aggeris coro-
 nam occupant, milites nostros secedere iubent: imber-
 bes ex his ad unum secernūt, reliqui hastas deponere,
 & selopettos in unum acervum proijcere coguntur.
 Nemo est omnium qui recuset, edictoq; non pareat.
 Improviso nanq; & contra spem minis accelerato præ-
 torianorum introitu terrefacti, seipsos demissis pu-
 dore oculis intuentes, pristinam animorum ferociam
 exuerant, nihilq; nisi ualde sæuum à Barbaris expe-
 ctabant. Id enim deceptis, & circumuentis facile eue-
 nit, quibus expediendi consilij ratio omnis & uirtutis
 usus excutitur. Intendit quoq; nostris pauorem casus
 insolitus: nam quum milites, uti imperatum fuerat,
 ipsas etiam cum selopettis sulphurei pulueris lage-
 nas in acervum coniecissent, ab accenso fortè funicu-
 lo, exci-

lo, excitata repente flamma, earum rerum cumulum corripuit, usque adeo consternatis ira metuq; Barbaris, ut non temere insidias ueriti, è nostris nonnullos interfecerint: sed deprecantibus præfectis, et nihil do- lo, sed casu factum, oris et manuum gestu significanti- bus, ipsoq; Hali facile persuaso, et celeriter commota claua signum dante, Ianizeri à cædibus temperarunt. Tum uero Halis, cōpresso tumultu, apud nostros per interpretes pronunciari iussit, parata fore per ampla stipendia, ac honesta militiæ loca his omnibus, qui ad Solymantum transire uellent: nec plures quàm septua- ginta, ex omni natione milites reperti sunt, qui con- ditionem acciperent. Barbarorum enim perfidiam ti- mentes, et de uita solliciti, abnuentibus parari cædem et cruciatum, propter naturæ immanitatem, existima- bant. Hos Halis comiter allocutus, et cum his, quos diximus, delectos impuberes nauigijs deuehi Budam iussit, reliquos ab omni defensus iniuria ad repurgan- dam arcem, æquato cum Turcis labore delegauit. At Liscanus, qui ut aurum seruaret, admissi flagitij dede- cus subsequenterq; ob id poenā ac ignominia contrito pudore neglexerat, aureum torquem, quo tam auarè quàm insolenter Perenus fuerat spoliatus, dono dare cogitur, quum illum Halis alioqui per uim erepturus militari comitate, tanquam nouum apud Turcas cer- uicis ornamentum expetisset. Eo nanque munere Hi- spanus reliquæ suæ prædæ periculum redimi posse co- gitauit, sed auaro imbelliq; fortuna nihil indulsit: nam quū insignes equos aleret, ut his arce excedēs in pacæ- cum cueheretur, signatumq; aurū in ephippijs subter

pulvinos accuratè condidisset, ei postremò Barbarus equos iam ephippiatos conditumq; simul intus aurum ridendo ademit, quòd nauigaturo nihil equisopus esse diceret. Atq; ita duces, militesq; omnes exuti præsertim galeis atq; thoracibus, ac ad naues deducti traiectiq; incolumes in ulteriorem Danubij ripam, Posonium pedibus contenderunt. Ibi autem Salma iussu regis Liscanum & Salamancam prodicionis accusatos custodie tradidit, & cum his laxiore tamen custodia Matricium, Alexiumq; Nardoum, & Tristanum Germanum, ut quomodo deditio cœpta, patrataq; esset in ipso de reis iudicio testarentur. Occupato Strigonio, Turcæ egris nostris ac uulneratis, qui unà proficisci nequiuierant, omnia pietatis officia usque adeò diligenter præstiterunt, ut quum recreati demum, dimissi q; ad Tornielum in Comaram peruenissent, reliqui milites tantam in Barbaris humanitatem extitisse mirarentur. At Solymanus expiato templo, & uti Budæ fecerat, ad sacrorum suorum ceremonias traducto, superis gratias egit, quòd eo præsertim die, quo Baiazetes auus Methonem cepisset, Strigonio capto, se quoq; similis uoti cōpotem fecissent. Erat is dies Augusti mensis decimus, diui Laurentij memoriæ consecratus. Nec mora accitis Buda fabris, atq; omni propè genere militū ad opus coacto, admirabili structura celeritateq; urbē restituit atq; muniuit, tanto quidem studio apparatuq; uti in posterum Christianis recuperandæ urbis spem omnem adimere uideretur, exprobrata hercle segnitie ac imperitia Germanis & Hungaris, qui per quatuordecim posseßam annos pingui semper in otio

nuntiare

munire nesciissent. Nec multò post Solymanus Offai-
 no viro impigro Strigonij custodiæ præposito, emis-
 sisq; ad leuam Tartaris Scythis, qui ad Albam Rega-
 lem prædabundi excurrerent, ad expugnandam Tat-
 tam, quæ olim Theodata fuit, iter intendit. Id oppi-
 dum valde exiguum, arcem dixeris, distat à Danubio
 introrsus, contra Comaram, paucis miliaribus Hun-
 garicis: ei Torniellus Annibalem Tasium Bononien-
 sem & Antium Germanum cum octoginta militibus
 præfecerat. Si siquidum ante alios id munus sibi dari
 deposcentes, quòd quæstui simul ac laudi futurum re-
 bantur, omnem uim Turcarum se contempturos affir-
 mabant, siue quòd Strigonium egregiè defensum iri
 crederent, siue quòd Turcas ad ignobile castellum, cum
 tota mole copiarum minimè deflexuros putarent. Sed
 capto demum Strigonio, & aduentantium hostium
 cōspectis castris, & Achomate, qui præcedebat, si uim
 experirentur, grauissimos cruciatus denūciante, quin
 se extemplo dederent uti uiribus impares & uitæ cu-
 pidi, nullam expediendo consilio moram fecerunt.
 Excuntes Solymanus, & scripto abeundi fidem acce-
 pturos, de more sericis uestibus donauit atq; omnes di-
 misit. Tāta uerò funditus euersa est, uetere Ottoman-
 norum instituto, quum raris, sed ualidis omnino præsi-
 dijs partas bello prouincias, minoribus passim delectis
 arcibus, tuendas existimant. Torniellus autem, ipsum
 Annibalē frustra humani uiris æquitatē pro salute im-
 plorantem, aliquanto seuerius atq; turbidius, quàm ea
 ualde lugubris rerum conditio postulare, capitali sup-
 plicio affecit. Eo enim pergraui discipline exēplo in-

eligi edicq; uolebat cunctis, qui muniti loci custodire
 præsent turpissimæ mortis metu egregiam constan-
 tissimè propugnando mortem minimè fugiendam. An-
 tium porro, quod erat Germanus, ad Ferdinandi regis
 arbitrium reiecit, quum præclare similem de Liscano
 & Salamanca, uti grauiora meritis, sententiam ferre
 uideretur. Sed rex ingenio mitis ac facilis & nunquam
 cruentas, de Hispanis leuissimè statuit, & diuturni tan-
 tum carceris poena contentus fuit, quum Antium ad
 parem cum Tassio supplicij sortem atroci Tornielli
 iudicio reliquisset. Acquata solo Tatta, Solymanus ad
 expugnandam Albam profectus, circa lacum paruum
 aquationi maximè opportunum positis castris, non
 procul ab urbe confedit. Ea urbs ob id Regalis cogno-
 mentum tulit, quod ibi per antiquo solenni q; gentis ri-
 tu noui reges coronentur, ac eodem in templo prisco-
 rum regum sepulchra cum rerum gestarum titulis ui-
 santur. Ceterum Buda, Strigonium, & Alba Panno-
 nici regni nobilissimæ urbes, paribus ferè interuallis
 inter se distantes, trianguli figuram efficiunt, cuius am-
 bitu, dimensisq; lateribus, milliaria circiter centum in-
 cluduntur. Albam, reliquas duas alluente Danubio,
 perpetua palus undiq; præcingit, situ quidè aduersus
 hostes ualde mirabili, nisi per æstatem consumptis hys
 malibus aquis, decrescenq; palude foret insalubris.
 Ab urbe tres lati, præ aliq; aggeres (iacentis rotæ ra-
 dios dixeris) ad extremam circumfusa paludis margi-
 nem porriguntur. Hi longorum pontium similitudinè
 reddunt, habentq; suburbanas domos, & utrinq; hor-
 tos, intercedente lata regione, qua uiatores in conti-
 nentem

nentem deferuntur: ad extremam uerò frontem, ubi desinit palus, ac inde exitus atq; aditus in urbē datur, erecti firmi aggeres singulas portas com muniūt, quas Albani, suspectis tantum belli temporibus, obserare noctu solent. Suburbana itaq; domus his portis, ab hostibus sunt tuta, quum interiecta pontibus spatia palus latissime inundet, propter coenosa uada omnino inaccessiblei equiti, praepedientibusq; iuncis & calamis natandi plurimum importuna. Urbs autem interior, muro satis firmo, & praesta fossa, quae paludem excipit, ad circumum praecincta, difficilem habet oppugnationem. Quibus de causis, aduentante Solymano, in eam praemetu, tanquam in arcem longe tutissimam, magna hominum, agrestiumq; praesertim multitudo praefectis pecoribus confugerat. Albanis praesidio erant uexilla duo Germanorū, & ducenti ferme equites, eorum numero, qui in custodia à Leonardo Velfio relictī fuerant, quum Albani mutata fide à regina defecissent. Ad has quoq; copias accesserāt quingenti Hungari equites, ex his qui in pace, quum bellum desit, latrocinij se exercent, infamq; nomine Vsarones appellantur. Sub id uerò tēpus, quo Turcae Strigonium oppugnabant, Torniellus cum Italicis cohortibus Lauarum peruenerat. Hunc Ferdinādus, de Strigonienfium fortuna sollicitus, & Albanis quoq; rebus uehementer timēs, literis ac nuncijs hortabatur, ut tuēde Albani munus susciperet: ipse enim tum cogendae pecuniae intentus, in Boemia conuentus peragebat. Id se alacriter suscepturū pollicebatur Torniellus, sed graui, uti regis uidebatur, adiecta conditione, Quippe dux uictus &

periculorum casuumq; militiæ cautus æstimator, ea præsidia postulabat, quæ opportuna forent capeßenti iter, ac in primis ituro per infesta loca Tartarorum incursionibus, & demum defensuro urbē aduersus eos hostes, qui nūquam irritō conatu cæptis abscessissent. Hec omnino erāt Germanicæ cohortes quatuor, alaq; una equitum grauis armaturæ, & tormenta decem, atque item centum currus, quibus de more apertis in locis castra permuniret: & ante omnia trimestrem pecuniam petebat, ne tractu longæ obsidionis, inter tot linguarū milites, uti plerunq; accidit, tumultus efflagitatis frustra stipēdijs oriretur. At regij togati homines quibus ætarij facultates erant pertenuēs, quoniam pecunia omnis superiore anno à Boemis contributa, Pestano bello consumpta perierat, ante omnia periculū profectionis eleuare, situm urbis atq; munitionē extollere, incolarum & militum, qui in præsidio essent numerū augere, polliceriq; non defuturos diuites Albanos eiues, qui pecuniam conferrent, liberaliq; studio milites inter se distributos priuatim alerent: postremo confirmare, testariq; nō magno discrimine ab his insignem gloriam peti, qui clarissimam urbem omnino defendendam conseruandamq; susciperent. Ad ea Torniellus, ut quicquam de eare statuatur, priusquam singula exploret, adduci posse negat, mittiturq; Albā Octavianus Scrofaßus Insuber, qui post Pestanū bellum in Pannonia remanserat. Is felici usus profectione redituq; retulit Albam inexpugnabilem reddi posse, si aliqua excogitata, atq; ante prouisa inchoatis operibus adderentur, pleniq; imbres inclinante autumno minime

minimè defuturi ad augendam paludem, replendasq;
exteriores fossas opportunè deciderent. Tantan uero
commeatus, & maioris minorisq; pecoris copiam è
uicinis pagis in urbem esse conuectam, ut famem, uel
tota hyeme minimè timendā putaret, & eam esse præ-
sidiij ac urbanæ multitudinis alacritatem, ut hostes iana
planè despici uiderentur. Fortè enim Albani sustulerāt
animos paruo admodum successu, quum excurrētibus
illac Tartaris, in eorum postrema agmina, aliquot in-
terfectis, erupissent. His cognitis Tarniellus, nihil te-
mere de se constituit, nec sibi ullo modo eundū censet,
mediam tamen consilij uiam tenet, mittitq; Albanis
auxilio quatuor præfectos, ante omnes nauandæ ope-
ræ cupidos cum singulis cohortibus. Hos cū ala equitū
Barcocius sequitur, apud quē iussu regis suprema erat
militaris imperij potestas. Vbi Albam est peruentum,
extemplò Solymanus non procul abesse nunciatur:
itaq; Barcocius præfectos centurionesq; omnes in cō-
cilium uocat, unā etiam conuenit Birrous Albanorum
prætor, cum toto ordine decurionum. Disputatur ap-
positè atq; acriter, an suburbana ædificia, quæ dixi-
mus, deferere atq; incendere præstet, quā tueri, ut te-
cta Barbaris desint, & urbs interior paludis circum-
fusa munitione tutissima, minore militum labore, mi-
noreq; periculo defendatur. Conclamāt repentē Alba-
ni, nec se passuros dicūt, ut suburbia tot templis & ædi-
ficijs magnitudine urbis æquata, euersis subinde mul-
torum ciuium fortunis deleantur. Quid enim tam de-
forme ac miserum cogitari posse? quā ad incitandam
Barbarorū audaciā extremi timoris significationem

dare, ac ea ultro subditis flammis excindere, quæ forti
 manu, nisi animis turpissimè deficiant, egregiè tueri
 possunt? Fauebat Albanis Octavianus, uti cæteris eius
 urbis ac regionis superiore anno sæpius explorata,
 usu peritior, docebatq; pari conditione periculi, et ur
 bem et suburbia defendi posse: quandoquidem pari
 paludis beneficio munirentur, nec etiam, si quid extra
 pugnancibus ab hoste durius accideret, defuturus esset
 tutus atq; certissimus in urbem receptus, quo demum
 temporis spatium, inclusi urbe, supremi consilij delibe
 rationes expedirèt. Postremo exurgens, cum suo tum
 publico impulsus fatus: Quod inquit, uiri fortes, uirtu
 tis specimem dabitis? quàmue demum nauata operæ
 laudem feretis? si tantæ claritatis urbem suburbijs tan
 quàm brachijs ante periculū detruncatis deformatam
 ultro et nimis celeri desperatione deuastatā defensuri
 estis? Nihil certè uel ad utilitatem regis, uel ad sp̃e glo
 riæ profeceritis, nisi Alba, si Dijs placet, incolumi atq;
 integra, integrū ab animi magnitudine decus petatis.
 Hæc eo dicente, cuncti consurgunt, prudentes gnariq;
 militiæ imperitis atq; ferocibus parent, ipseq; Barco
 cius, ancipiti suspensus cura, uanissimoq; aliorū iudi
 cio planè uictus fatali sententiæ accedit. Fit enim sæ
 pius, ut qui pericula ratione solerter expendunt, ac
 ob id de rerum exitu timidè deliberant, et fortiores
 plerunq; pugnacibus sententias dicant, quum alienæ
 temeritatis comites esse, uel ad nō dubiā mortē, quàm
 ab ignobili decreto minus fortes uideri malint. Eo mo
 do Barcocius, noua uel simulatæ spei plenus, et repete
 factus alacer ad milites egreditur, cur suburbia defen
 denda

denda censuerint, edocet, ac hortatur, ut parem deco-
 ro consilio uirtutis operam prestare uelint: ipsum au-
 tem enixè curaturum, ut opportunè parentur, quæ ad
 uictoriam pertineant, et fortissimè propugnantibus
 supra perennem facti laudè et triplicis stipendij pro-
 uentum, honesta mansurâq; ipsis ac posteris præmia
 persoluentur. Hæc læto ore prædicabat, ut Albano-
 rum animos eo beneficio in seruanda fide uehementer
 obstringeret, tegeretq; timorem nequaquam temere
 conceptum, utpote qui sæpius Turcarum uires infeli-
 citer expertus, minimè dux fortis et strenuus apud mi-
 lites haberetur. Itaque promiscuo concursu studioque
 militum ac urbana multitudinis suburbia muniuntur,
 instruunturq; idonea loca maioribus tormentis, et cu-
 stodie diurnæ noturnæq; diuisis spatijs, certis ducibus
 tribuuntur. Sed Turcæ appropinquantes, Budanæ
 tantum portæ suburbij incubuerunt: explorato nan-
 que situ, et per speculatores Hungaros facillè cognito
 sicciorem ab ea parte paludem reperiēbant, solumq;
 ibi ualde sabulosum, et cespiti atque aggeri faciundo
 penitus importunum esse didicerant, quum à reliquis
 duabus portis terra nequaquam arida, sed deuexæ pa-
 ludis humore crustosior, et latas passim glebas et soli-
 dos cespites ad opus egregium largissimè præberet.
 Perspecto hostium consilio, Barocius Italos Germa-
 nosq; omnes à reliquis portis ad Budanam traducit
 Hungaros agrestes, qui in urbem confugerant, item-
 que Albanorum iuuentutem in deducti præsidij locum
 succedere iubet, institutumq; antea propugnaculum
 educere atque perficere aggreditur. Id erat inter bina

templa diuo Francisco, & Deiparae uirgini dedicata, prominebatq; exterius nota ratione, ut bina utrinque munitionis latera, directis tormentis contra subeuntes Barbaros defendi possent. Hæc parante administranteq; Barcocio, quum prima Turcarum agmina in conspectum se darent, atq; procurrerent, Vsarones, & secundum eos Germani equites, adiunctis pedib. Italis alacriter eruperunt, confertaq; leui pugna, utrique ad suos se receperunt, eodemq; modo ac ordine per triiduum est decertatum, nullo tamen memorabili euictu. Nam duces proximam portæ regionem, certo breuiq; spatio, ad procurrendum nostris præscripserant, & Turcæ prouolantes celeriter cedendo gyros dabant, ut incautos, aut graues armis Germanos longius elicerent. Vbi uerò Solymanus aduenit, complexusq; latè urbē, spectantes admirabili, atq; stupenda castrorum specie conterruit, nostri obstructis repente portis, omnes exitus sustulerunt. Ea res Vsarones, liberis excursionibus assuetos, tempestiuè admonuit, ut sibi consulerent, nec se munitionibus includi paterentur. Ita quum missionem peterent, nec tutò retineri possent, frustra deprecante Barcocio, & reiectis Albanorum precibus, nocturno syluestriq; itinere protinus abierunt. Interea Turcæ, confectis pluribus uincis more nostro, perductisq; sinuosis fossis ad munitiones intra sagittæ iactum processere: tecti nanq; antè præfixis frōdibus, ita opus ex tuto faciebant, & summam aggeris coronam sagittis & glandibus detergebant, ut nemo iam nostrorum conspici posset, quin binos ternosq; simul graues ictus ostēsa parte corporis exciperet. & ea uis erat

erat ingentium tormentorum, ut totam planè munitio-
nem pile perforarent, fractisq; & per aera dissipatis
textentis materiæ stipitibus, uel distantes inde milites
uulnerarent. Ob ea nostrorum pericula, subeuntibus
Asappis tutum erat implere fossam, uti ualde siccata
serenæ æstatis solibus, abscessuq; paludis omni penitus
humore destitutam. Id fiebat multis uirgultorum fasci-
bus arena seriatim superiniecta. Perpetuò enim totius
exercitus labore, quum equites lignatum irent, & pe-
dites in opere uersarentur, in omnes usus, cum frondo-
sa, tum solida pariter materia suppetebat, & Dij no-
stris irati, exactatos imbres cælo & nubib. suspensos
pertinacissimè denegabant. Exæquata itaq; fossa, Bar-
bari audacter subeuntes propugnaculum ab imo scal-
pere, suffodereq; cœperunt, ut agger interior sub-
tracto fundamento concideret, quòd nequaquam ex
solida constructus gleba, sed ea ualde sabulosa fluen-
teq; astringentibus tabulis & tignis, non ad robur,
sed ad inanem ferè speciem esset erectus. Verum a-
nimaduerso hostium conatu, ita à nostris pari cuni-
culo obuiam est itum, ut quum infelici cœpto, atque
exitu, præparatus intro ad Barbarorum exitium sul-
phureus puluis fortuito flammam concepisset, mul-
ti ex nostris, nemine hostium concremato, scedè
perierint. Post id factum Turcæ, uera ui nitentes,
triplici acie instructa propugnaculo successerunt.
præcedebant Asappi, uti minime iactura homines, à
ducibus primis periculis obijci soliti: hi pro scutis
planas tabulas, ostiorum ualuis similes recentib. boum
corijs protectas, ne deiecta muro cuppæ ardentes

tes nocerent, in capita elatas bini terminiq; testudinis modo præferebant. Sequebantur ex equitū ordine scutati pedites cum equestribus hastis, aut descriptis incuruis gladijs: ab his lanixeri tegebantur, qui dextro genu supplicato scloppetis longioribus ad destinatos ictus rem gerebant. Singulis autem ordinibus suis dux adhortator, & uirtutis ac ignauie testis aderat, sepe ferre a claua segnes castigans, uulneratosq; subducens, & recenti milite fessam aciem reparans: & id quidem mira celeritate, cum ad circūductæ clauæ signum omnes intentis oculis cbedirent. Certatum est amplius tribus horis, pari spe uirtuteq; sed ad extremum Turcæ, multa inique pugnae uulnera perferentes, occisis & deiectis nostris propugnaculum ceperunt, ac expedito statim consilio tres in eo paruos falcones statuerunt, ut utrinque è tota munitione propugnantes & discurrentes nostros deturbarent. Eodem quoque tempore bina templa ab irrumpentibus occupata sunt, eorum parietibus usqueadè quassatis & perforatis, ut per hiantes rimas & pilarum ui patefacta foramina, ex occulto conspecti nostri sagittis & glandibus peterentur. Verum munitiones cohortium Italicarum mira constantia, adiuuantibus etiam foeminis cucullatisq; sacerdotibus egregiè eo die sunt defensæ. Is erat diuo Ioanni Baptiste decollato dedicatus, quo Barbari Belgradum expugnatum, & cesum in acie Ludouicum regem meminerant. Ob id rebantur augurij & dierum sortibus dediti, auspicato mense & felici die, oppugnare adortis uictoriam minime defuturam. In eo certamine, quod minime prætermittendum

uide-

videtur, excelsæ staturæ Hungaræ mulier, consensu
inter milites aggere, virilis audaciæ facinus edidit,
quum prægrandi scœnaria falce, scandentibus duobus
Barbaris uno ictu colla secuisset. Vnus autem ante al-
ios Carolus Rufus è Brixia, qui componendis ordini-
bus apud cohortes officio fungebatur, aduersus labo-
rem atq; pericula indefessi atq; inuicti prorsus corpo-
ris ac animi laudem tulit. Signiferi etenim plures præ-
fectiq; ac ipse quoq; Barocius de euentu prælij ma-
gnopere dubitantes, ut celerius in urbem se reciperet
interiore in loco sub ipsa munitione constiterant. Fe-
runt Solymanum ad se in prætorium uocatos, Ha-
braymum, Achomatem, & Halim grauissimis casti-
gasse uerbis, quòd propugnaculo fortiter atq; feliciter
occupato, nulla demum peracri facta impressione, &
quòd pudendum esset, nimis celeri receptu partæ
prope uictoriæ defuissent, iussisseq; minaci uultu, ut
tridui spatio cuncta quæ usui forent, diligenter para-
rent, nec ad se, nisi Alba capta, reuerterentur. Ad eâ
duces nihil plus responderunt (neq; enim uel culpa ua-
cantibus excusare sese licet) quâ ut confirmarent bre-
ui futurum esse, ut uoto ipsius & militum uirtuti for-
tuna responderet. Itaq; in unum supremi certaminis
conatum delectis accensisq; militibus, postridie calen-
das Septembris, prælij signum dederunt, terribiliq;
impetu ab omnibus partibus munitiones adorti, ma-
gnum terrorem stationibus nostris intulerunt: nocte
enim matutinam crassio rem nebulam, uti palustribus
accidit in locis, non prius à nostris in dubia luce con-
specti sunt, quum nec ab inusitato eorum disciplina

silentio sentiri possent, quàm ad congressum peruen-
 rint. Pugnabatur maximo tumultu, clamorēq; edito
 ad diui Francisci templum, sed uehementissimē ad eam
 munitionem, quæ est inter propugnaculum, ut dixi-
 mus, ab hostibus occupatum, & Dei paræ uirginis æ-
 dem, quoniam ualida lanizerorum manus in eum ma-
 ximē locum incubuerat, qui ad tuendum Germanis e-
 rat attributus. Li densata acie, descensum Turcarū ex-
 pectantes, ita per acliuem aggerem inclinatas hastas
 continebāt, ut extantes earum cuspides in summa mu-
 nitione conspicerentur: idcirco mirabili astu Barbari,
 ne temerē desiliendo, irruendoq; sese hastis induerent,
 oblonga tigna capitibus ferentes euadentesq; in sum-
 mum aggerem, transuersa ea supra hastarum seriem
 in subiectos Germanos prouoluerunt, casu usq; ad eō
 repentino infestoq; ut primorum ordinum milites cō-
 tuis manibus & brachijs hastas deserere cogerentur.
 Tum uerō Turcæ clamore sublato præcipiti agmine
 saltuq; proruerunt, nec quisquam fuit, qui ingruentiū
 impetum sustineret. eodem quoq; tempore Italica co-
 hortēs, multitudine hostium potius quàm uirtute supe-
 rata, deiectaq; toto aggere, terga uerterunt. Sed pau-
 cis festinatus ad salutem receptus profuit, quum per an-
 gustus ad cancellum, qui exteriorem portæ aream ue-
 stibuli modo claudit, aditus pateret, & Albani nulla sto-
 gientium misericordia permoti, muralis portæ pontē
 sustulissent: natura enim plerunq; fit, ut præsentis peri-
 culi metus sine pudore perfidiam excuset. Per totum
 itaq; suburbanæ regionis spatium cædendo terga, ster-
 nendoq; Barbarus processit. Cecidēre in ea rerum per-
 turbatione

turbatione
 re inclina-
 eo aliquo
 qui uanit-
 tus temer-
 quum in-
 ingressus
 reiq; flus
 perirent,
 ei manus
 tur. Don-
 gnis, in e-
 batus inte-
 gregie so-
 hastam ue-
 pectora
 deserere
 portulan-
 banorum
 ultimam
 se coniec-
 erat, quæ
 rum com-
 urbis adit-
 exciperent
 quærente
 ferienda
 fuere Co-
 Verellen-
 in ipso tr-

turbatione egregiè propugnantes conantesq; retenta
 re inclinatam in fugam aciem, Carolus Siccus, & cum
 eo aliquot cœiuriones atq; signiferi. Octavianus quoq;
 qui uanitate consilij tantam cladem attulerat, trucidatus
 temeritatis suæ pœnas dedit: ipse uerò Barcocius,
 quum incitato equo ad portam se proripuisset, nec
 ingressus per cancelli portulam equiti daretur, ora-
 retq; frustra fugientes, ut maiorem cancelli ualuam a-
 perirent, tanizerorū superuentu conciditur, dextraq;
 ei manus multis gemmatis annulis adornata detrunca-
 tur. Dominicus etiam Torniellus aurata casside insi-
 gnis, in eadem desiliendi cunctatione ex æquo detur-
 batus interiit. Hunc aliquandiu defenderat signifer e-
 gregiè fortis, nomine Cecolinus, quum intorto circa
 hastam uelo serico, acri cuspidē inermia Barbarorum
 pectora perfodiens, honestè cadere, quàm præfectum
 deferre mallet. Reliqua autem multitudo, q; cancelli
 portulam occisorum cadaueribus obstructam ac Al-
 banorum malignitate sublatum pontem uidebat, ad
 ultimam uite spē, in fossam præaltis aquis profundam
 se coniecit. Ea fuge facies maximè fœda & miserabilis
 erat, quū pleriq; tranantes ab imperitis natandi cru-
 rum complexu mergerentur: alij euadentes ad certos
 urbis aditus, capitibus ac humeris frequentes sagittas
 exciperent: alij uerò per cœnosæ paludis uada fugam
 querentes, deuoratis cruribus impliciti, per ludibriū
 ferienda sagittis & glandibus terga præberent. In his
 fuere Conradus Motta Nouariensis & Rapizonius
 Vercellensis nobiles, adolescentes, qui sagittis confixi
 in ipso traiectu fossæ perierunt. Carolus autem Rufus,

desperatis rebus ad urbem feliciter enatauit. Erant in urbe Germanorum equitum præfectus, & Vscasales Cremonensis, qui ex uulnere domi subsisterat. Hi confirmato animo reliquias militum colligentes, in muro præsidia posuerunt, tãta Albanorum trepidatione, ut nullibi publico consilio locus esset, & prompta cibaria, quibus labore metuq; exanimati milites reficerentur, minimè reperirent. Iam enim conspecta nostrorũ strage, Birrous prætor & senatores primarij q; ciues animos desponderant, nec ab armis atq; præsidio, sed ab una Solymani clementia petendam salutem existimabant. Nam multis ante diebus, priusquàm noui præsidij cohortes è Iauarino mitterentur, Albani quidam (priuato an publico consilio incertum) ad notos ipsis Turcas nuncium miserant, pollicentes, si Strigonio potirentur, nullam demum, quin continuò se dederent, Albe appropinquantibus moram allaturos: ob id facilem ueniam sperabant, parata excusatione, quod id præstare præsidij regij metu, nequiuiissent. Hac de causa fiebat ut defensionis studium tota urbe remitteretur Vscasaliq; omnes & Rusi, ea manu quæ supererat urbem se defensuros ingenti animo pollicentibus, gratias agerent, & iam nequaquam perplexè responderent, cunctis omnino de conditione deditionis esse cogitandum. Prodituri enim uidebantur, & suam ipsorum salutem & totius uiciniæ fortunas, si desperatis auxilijs ab rege, apud remotas gentes occupato, exitiabili defensione, superbos uictoresq; Barbaros irritassent. Itaque Birrous de muro cum Turcis colloquitur, peti. ut tutò liceat mittere legatos, qui à Solymano deditionis

tionis con-
mates. qu-
unà cum l-
præsidij p-
Hungaros
dentibus l-
his ea data
uideretur,
felliissent,
cos eius re-
fus porro
libertatem
nam redit-
nente Ger-
serat. Qu-
Solymani
comiter in
proposito
hortis præ-
to militar-
pus imple-
bus, uirt-
ipsis Turc-
spectatus,
tibus etia-
rant Barb-
monitu u-
litiæ certa-
ret. quid e-
bellum u-

tionis condiciones accipiant: id facile concedit Achomates. quo cognito, nostri milites Rusum deligunt, qui unà cum legatis eat, & coràm de salute, libertateq; præsidij paciscatur. Legati ad purpuratos deducti, per Hungaros interpretes postularunt, ut in fidem sese dependentibus libertatis & ciuitatis iura seruarentur. Sed his ea data sunt responsa, ut non omnibus uenia dari uideretur, quod promissæ deditiois insturandum sefellissent, imminuebat tamē eorum metū, quòd ad paucos eius rei conscios ac authores pœna pertineret. Rusus porrò perhumaniter susceptus, omnibus uitam ac libertatem & res incolumes, & tutum deniq; ad Vienne nam reditum impetrauit: eandem conditionem obtinente Germanorum præfecto, qui Ruso comes adhaeserat. Quum uerò datæ fidei diplomata scriberentur, Solymanus Eunuchus purpuratorū princeps Rusum comiter inuitauit, ut Solymano imperatori militaret, proposito liberali stipendio, ac oblata quingenarie cohortis præfectura. Sed cum abnucret, quòd sacramento militari præoccupatus à rege, nondum militiæ tempus impleuisset, purpurea ueste aureis distincta floribus, uirtutis ergò donatus est. Notus enim erat uel ipsis Turcis ab aenea barba, quòd sæpius in aggere spectatus, longe omnium acerrimè dimicasset, indicantibus etiam Strigoniensibus transfugis, qui tum aderant Barbarico cultu conspicui, atque eum Eunuchi monitu uehementer hortabantur, ut honoratioris militiæ certam sp̃ dubijs atq; tenuibus stipendijs præferret. quid enim forti ac egeno militi sperandum, si quū bellum uigere desineret, stipendia penitus interirent?

In his erant Ioannes Neapolitanus, Vincentius Vener-
 tus, & Hieronymus Faentinus noti militie, potius
 quam domi clari, qui admissi sceleris notā eo nomine
 protegebant, quod nequaquam ad Mahometis sacra
 defecissent. Legatis in urbē reuersis, ac omnia clemen-
 ter & commodē impetrata narrantibus, ciuitas paulō
 ante percussa metū, ad spem salutis, & uenie, pro qui-
 bus uota susceperat, extemplo redijt. Nec multo post
 Achomates per singulos linguarum interpretes in fo-
 rum premissos, pronunciari iussit Italis Germanisq;
 militibus, ut in crastinum diem, ea quę professioni o-
 portuna uiderentur collectis sarcinis expedirent, dili-
 genterq; cauere, ne quisquam Hungarus ipsorum
 agmini misceretur. Albanis uerō grauer imperatur,
 ut limine sese contineant, donec externi milites emit-
 tantur. Exiūere ad condictum Itali Germaniq; duce
 agminis Homare alē equitum præfecto, qui profici-
 scentes ab iniuria tueretur, & ad regios fines integra
 fide deduceret: nec quicquam nostris ademptum est,
 præter selopettos paruos, quos nouo more hastati e-
 quites Germani ab ephippijs uti mortiferum atq; ha-
 bile telū suspendunt. Hos maximē concupiebant Bar-
 bari, nouitate capti, quod ita mirum esset artificium, ut
 sine succenso funiculo, quū luberet, per machinæ pa-
 uę rotulā, percusso pyrite lapide, ignem repente con-
 ciperent, & celerrimē disploderentur. Barcoij quoq;
 currus, ab Homare sine tumultu retentus est, quod in-
 terfecti ducis suppellex nullos heredes respiceret, sed
 ipsos tantū uictores lege bellica sequeretur. Petijt etiā
 comiter Homar ab Vscasale, ut sibi nō iniqua muneris
 permuta-

permutatione thoracē auratū plicatilem dono daret: quo alacriter exuto traditoq; Vscasales contra spem ab Homare nobilem equum retulit. Per totum autem id iter Tartarorum excursionibus infestum, nostros Homar singulari fide laboreq; tutatus est. Euolabant enim Tartari passim è syluis, tanquam ad oblatā prædam, & in sarcinas præsertim impetum faciebant, & si quem tyronem imberbem, aut armigerum puerum uidissent, arreptos cursim celeriter asportabant, ita ut reluctantes in equi cervicibus collocati captæ pecudis modo raperentur. Nostri erant auxilio Turcæ equites, quum intercurrento comminandoq; turbam aspectu foedam atq; terribilem abigere & fugare properarent: neq; enim quisquam Tartarorum sagittas expediuit, aut omnino gladium eduxit: conspecto enim Turcarum præsidio, non certam & cruentam, uti ab hostibus, sed à dubijs socijs, & negligentibus fortuitam prædam petebant. Sed postquam ad regios fines est peruentum, Homarq; discessit, nostri in multo infestiores socios Tartaris hostibus, Hungaros inciderunt, qui iusta propè pugna conferta laceffentes multis illatis uulneribus nullam propè euadendi spem nostris reliquerant, nisi regij equites è proximis castellis maturam opem circumuentis attulissent. Alia porro Albanorū conditio fuit: nam Solymanus, emissis, qui in urbē confugerant, & solitos agros colere iussis, eos, qui antea dedendæ urbis spem dederant, conquisitos cōprehendit, atq; eos pariter Albanos ciues, qui in magistratu fuerūt, quā ciuitas à regina infantisq; regis fide, intro ducto Germanorū præsidio defecisset. Ex eo numero

aliqui interfecti sunt, ceteris partim Budam, partim Belgradum relegatis, quod recentis perfidiæ nota uel alieno iudice punienda censeretur. Ceterum Solymani, Balibcio Albæ præfecto, munireq; urbem iussit (satis sibi gloriæ partem ratus, postquam duabus summæ claritatis urbibus in potestatem redactis, Germanorum ac Hungarorum animos cōtudiisset) Byzantiū redire cōstituit. Iam enim non dubia ingruētis hyemis signa maturandum omnino reditum indicabant. Nunciabatur quoq; ab exploratoribus, Torniellū in insula Comara Danubij sinistram partem ualidis subleuicis inuado defixis, & cratibus intertextis subitūe classis aditū præcepisse, eo consilio, ut eius insule oppidum maius atq; ualidius, cum reliquis cohortibus tueretur, & iam Pontificie cōhortes, quæ integræ ac ornatissimæ legionis numerum implebant, Baptista Sabello & Iulio Vrsino ducibus Viennam peruenerant. Nec longè aberat Ferdinandus, adductis Marcomanorum & Boemorum auxilijs, ut ascensuro hosti, & comitatu atque tormenta nauibus aduehenti, terra, & flumine obuiam iretur. Sed qui perditis iam rebus opẽ laturus ferò aduenerat, tempore demum exclusus, ut amissa recuperaret, nihil regio nomine dignum perficere potuit. Discedente autem Solymano, unus ante alios uetus imperator & nostris maximè cladibus insignis, Mahometis Iahaglis (is à præfectura Belgradensis dicebatur) graui iudicio delectus est, qui toti Pannoniæ cum imperio præsideret. Ab hoc prædabundis agminibus uehementer uexata est ea regio, quæ ad Iaurinū & Quinque Ecclesiensium fines pertinet: cui malo cum à nostris

à nostris occurri minimè posset, quodam genere indu-
ciarum impetrato, coactas copias rex utili consilio di-
misit, & Pontificie cohortes in Italiam redierunt. To-
to autem eo bello Georgius Varadimensis episcopus
Stephani pueri regis tutor, qui summæ auctoritatis
atq; potentie nomen apud Transylvanos obtinebat,
nihil se commouit, quanuis cum Solymantum cum eius
gentis auxilijs euocaret. Se etenim prohiberi distine-
riq; Moldauorum incursionibus, quo minus imperio
parèret, predicabat, quum prouinciam ipso custode
presidioq; uacuum irrupturis hostibus minimè relin-
quendam arbitraretur, & satis superq; satisfecisse offi-
cio uideretur, postquam ingentem commeatus copiam
in castra transmississet. Ita uir ille eximie fortis & cau-
tus, incolumi uel in speciem tantum apud subiratum
Barbarum amicitia, sese atq; prouinciam Christiano
nomini conseruauit. Eam rem enim dissimulatione
transmittendam Solymanus existimabat, ne inanibus
minis illum offenderet, què omnino amicū uel incerta
fide, quàm patefacto odio certū hostem experiri mal-
let. Tanto autem in Pannonia accepto detrimento, nō
desuere, qui ab insigni publicæ pacis & sacri belli stu-
dio recordiam principū execrantes, magnopere lata-
rentur, quando nulla iam alia spes parandæ cōcordiæ

superesset, quàm ut dimicantes inter se reges ab

extremo ignominia pudore ad pietatis

accus reuocati, territiq; metu

tanti hostis, insanire

desinerent.

PAVLI IOVII NO-
VOCOMENSIS EPISCO-
PI NV CERINI HISTO-
riarum sui temporis.

LIBER XLIII.



TEMPVS & ordo, quibus u-
nis rerum gestarum series, ra-
tioq; omnis totius historie cer-
tissime constat, & scriptor ex-
plicatus perpetui operis sui fi-
dem tuetur, nos admonent, ut
unde discesimus opportunè re-
uertamur. Neq; enim emulatione pictorum fieri po-
test, ut quæ diversissimis in locis uno tempore gesta
sint, ea scriptor tanquam in tabulam collata, sciteq;
depicta, sub unū oculorum aspectum legentibus osten-
dat. Igitur Cæsar ab Italia Pontificeq; discedēs, ad Bel-
gicum profectus bellum ad Bonnam Vbiorum oppidū
iuxta Coloniam Agrippinam, copias coegit atq; recen-
suit. In his fuere Germanorum peditum quatuordecim
millia mercede conducta, atq; item singula quaterna
millia Italarum & Hispanorum. His præerant duo tri-
buni, Aluarus Sandeus, & Ludouicus Peretius: illis ue-
rò Camillus Columna, & Antonius Auria, qui illos ex
sibi notis ueteribusq; militibus in Italia conscripserāt.
Ad hos quoq; Aurantius regulus Belgarum, peditum
duodecim, equitum uerò armatorū duo millia ad Cæ-
sarem

sarem perduxit. Aderant autem partim Germaniciꝝ
partim Sequanici nominis galeatorum equitum qua-
tuor millia, & Italici Epiroticiq; generis leuis arma-
turæ equites sexcenti. Cæsar diuſis muneribus Stepha-
num Columnam, auctoritate militari uirum inſignē,
ut eo bello operam nauaret à Cosmo Medice ſibi tradē-
tum, caſtrorum magiſtrum effecerat. Tormentis autē
præfecerat Iacobum Medicem, quem bellicæ uirtutis
merito iam pridem dignitate Marchionē appellarat.
Totius uerò equeſtris leuis armaturæ tribuerat Fran-
ciſco Ateſtino, qui erat Ferrarienſis principis Germa-
nus frater. His tamen omnibus uices Cæſaris implens,
imperabat Ferdinandus Gonzaga, cuius uirtuti Cæſar
plurimum tribuere erat ſolitus. Quibus inſpectis or-
dinatisq; copijs Cæſar cunctis agminibus ſeſe armatū,
auratq; purpura paludatum oſtendens, adhortansq;
ut ad prædam & laudem ire pergerent, ad Duram op-
pidum tertijs caſtris peruenit. Id erat primum in Ebu-
ronum finibus, quod tanquam eximie munitiōis ad-
uentanti Cæſari obiectū, Guilermus opinione ſua, uti
mox apparuit, inexpugnabile rebatur. Id lateritio mu-
ro & ſoſſa duplici ita erat præcinctum, ut inter exte-
riorem interioremq; ſoſſam perpetuus agger ea altius
dine eſſet erectus, qua totius ſerè muri ambitus, uſq; ad
ſummam coronam protegeretur: appareretq; murum
nequaquā commodè tormentis poſſe quati, niſi prius
tanti aggeris deiecta atq; proſciſſa munitio, tormento-
rum globis uiam aperiret. Ea uerò neque facilè dirui
poterat neq; ſine certa inuadentium pernicie conſecen-
di, intercedente præſertim priore ſoſſa, quoniam toto

aggere opportunis in locis propugnacula eminebāt,
 in omnes aspectus ad usum tormētōrū aptissimē fenest-
 rata, quæ Durenſes tormentis instruxerant. Vir
 quoq; Menapius nomine Flattes, præsidij præfectus,
 qui ualidas cohortes in oppidū adduxerat, & Duren-
 siū iuuentutē armauerat, se omnium salutem, & anti-
 quum Sicamborum decus aduersus Cæsaris iniuriam
 constantissimē defensurum profitebatur. Neque enim
 deerant ueteris historiæ regionisq; periti, qui non lon-
 gè à Dura, sub Titurio Sabino, & Caio Cotta, Iulij Cæ-
 saris cohortes olim concisas fuisse memorarent: nec
 eius gentis milites, tanquam astutos maximeq; pugna-
 ces, Cæsariani contemnebant. Nam biduo antè leuis ar-
 maturæ equitum alam exploratum præmissam, hostes
 egregia ineundæ pugne, & mox fugæ simulatione in
 insidias pertractam, subito prouolantes è syluis, &
 more Germanorum per equites sclopettarios rem ge-
 rentes, insigni illato detrimento perturbant, quum
 ante alios ex præfectis Vbertum nobilem Mantuanū,
 & Marcum Buluanum, illustris nominis Epirotam,
 occidissent, Ioanne etiam Zucero uetere Grecorum
 duce intercepto. Cæsar ex propinquo, nec sine peri-
 culo loci situm contemplatus, ut repentinum hosti me-
 tum inferret, primis conatibus celeritatem adhibendā
 iudicauit, extemploq; confici & promoueri uincas, et
 tormenta produci iussit. Expugnandi autem, inuaden-
 diq; oppidi negotium, pari conditione Hispani atque
 Itali tanquā agilitate corporis, ac ingeniorū expediti
 ui promptiores, primaq; pericula contemnere soliti,
 desumpserē, quū in proximo Germani, gemina pha-
 lange

lange constituta, quadratisq; totidem equitum agmini-
 bus instructis cōstitissent, ut oppugnationis successum
 aduentumq; exteriorum hostium, parati ad prælum,
 expectarent. Nam rumor increbuerat non longe
 abesse Martinum Rossenium, cum uelidissimis Mena-
 piorum & Sicambrorum copijs, qui Cesarianos in
 oppugnatione oppidi occupatos adoriretur. Is Belga-
 rū populis superiore anno, Antuerpinsibutq; præfer-
 tim (ut diximus) profligato Aurantio, graue detriment-
 um, & multo maximum terrorem intulerat. Sed eos
 rumores de Rossenij aduentu, nequaquam importunè
 excitatos, uictoria Cesaris paucissimis horis extinxit:
 Namq; oppugnatio quadraginta maioribus tormantis
 ante auroram cœpta, neque per totam ferè diem un-
 quam intermissa, eum habuit euentū, ut deiectis ex co-
 rona defensoribus, & perfossis undiq; lateq; disruptis
 editioribus propugnaculis, milites Itali Hispaniq; pari-
 ter emulatione laudis, iniussu, nulloq; accepto signo
 certatim procurrere, prioremq; fossam, non superāte
 umbilicum aqua transire, & in aggerem conscendere
 minimè dubitarent, grauius primò id ferente Gonza-
 gas, sed mox eorum audaciam, quā imperio reprimere
 non poterat, bono euentui commédante. Erat enim a-
 trox spectaculum, quū ij qui aggerē occuparāt, exposi-
 ti ad hostiles ictus, è muro assidua gladium procella, &
 maioribus pilis sternerentur, necessarioq; aut in exte-
 riorem, aut in secundam fossam deturbati procide-
 rēt. Verū qui audacia & temeritatis poenas dabant,
 ne inulti caderent, incredibili animorum fortitudinis
 in præaltam fossam sese gregatim intulerunt, hastis &

plicatilibus uti scalis, quas ad murū deferebant, & acritum multosq; impetu ad conscendenda moenia transnatarunt, quanquam multi grauati armorum pondere, pressiq; ab alijs incumben- tibus absorberentur, atq; itidem in transitu ab imminēte paratoq; hoste uulnerarētur. Erat muro coniuncta excelsior domus, in qua Flat- tes cum delecta suorum manu uersabatur, magnaq; inde hostium strages edebatur: nam & aggerem & fossam hostium cadaueribus compleuerat: quo animadu- uerso detrimento magistri tormentorum demonstrante iubentēq; Cesare, maiores aliquot in eam domum globos statim coniecerunt, præsactisq; tectorum contignationibus, & Flattem & reliquos omnes ingenti ruina oppresserunt. At Flatte cum promptioribus miserabiliter interfecto, Duren- sibus usq; adeo comminuti sunt animi, ut iam languidius sese defenderent, atque ita eorum pristinus ardor remitteretur, ut Cesariani sese subleuantes, reptantesq; per ruinas, in murum uexilla efferrent, cōtemptisq; ignibus inanium circularum ex resina & pice ardentium, uasorumq; huiusmodi scutillium, quæ prouoluebat hostis, muro atq; urbe incredibili celeritate potirētur. Duren- ses ad unum omnes, & præsidiij milites, se- uiente uictore trucidati sunt, coacerbius, quod ex Italis ac Hispanis sexcenti ferē aut in promurali aggere occupando, aut in superanda fossa peris- sent. Ex his longē promptissimos centuriones Facium Pisanum, & Sanseuerinum Neapolitanum, qui ceciderant, spectator pugnae Caesar, uirtutis nomine publice laudauit. Quum uerò muralis coronæ decus premium q; duo ante alios signiferi peterent, alter

Randola

Randola
Gregorio
duceret, a
dijs, res
consilio si
amborum
tione aug
utrisque c
seditione
Dura, ad
ter capta
ditis facib
grauit, si
gio consp
Cesar ea
qui Dur
stium op
lit: nam
dium, qua
tur, adm
peruerun
suum clad
salutis &
Cesaris c
ductus
bus supp
in gratia
mine ab
saris Gb
drensi bu

Randolazus, natione Cantaber, & alter Ligur, cui Gregorio nomen fuit, & uterque testes suos produceret, accensis utriusque gentis ad fauendum studijs, res ad iudicium Caesaris delata est, qui graui consilio suspensa sententia, ut neutrum offenderet, amborum spes longissimè extraxit, ne ex ea contentione auferentur odia iam pridem multis de causis ab utrisque concepta, quæ non semel aliàs in cruentam seditionem exarsissent. Eo modo Sicambrorum urbs Dura, ad septimum Calendas Septembris tam fortiter capta, quàm sæuè trucidatis ciuibus direpta, subditis facibus aut sponte exortis incendijs tota conflauit, sic ut templum cum sacra turre, insigni fastigio conspicua, penitus cremaretur. Existimabat enim Caesar eam cladem meritis rebellibus incidisse, utpote qui Durensum acerbissimo exemplo reliquam hostium oppida perterreri uellet. Nec eum opinio fefellit: nam proximæ urbes Ruremonda & Vantholdium, quæ Guilermi præsidij duce Cortopia tenebantur, admoventi iam castra Cesari continuo portas aperuerunt. Nec multò post ipse Guilelmus Durensum clade perculsus, usq; adeò animum despondit, ut salutis & fortunarum suarum reliquas spes omnes in Caesaris clemètia collocandas arbitraretur, in castraq; deductus à Brunswico atque Aurantio deprecatoribus supplex à Cesare ueniam petijt, eaq; conditione in gratiam est receptus, ut in posterum principis nomine abstineret, præfectusq; tantum auctoritate Cesaris Gheldrensis appellaretur, eiusq; nomine Gheldrensibus imperaret, & Gallicæ amicitie penitus obli-

uisceretur. Ei Caesar ad Genua pronoluto, dedentiq;
 se nihil arrisit, quum infensi seneriq; oris habitū cum
 dignitate retineret, quanquam postea ei Ferdinandi
 fratris filiam nuptui dederit, quando ille iam pridem
 spōsalia dissoluisset, quæ cum Henrici Navarrae regis
 filia suo loco celebrata fuisse docuimus. His pactio-
 nis legibus cognitis Guilermi mater uirilis animi mulier
 concepto animi dolore indignibunda excesit è uita.
 Caesar quoq; Martino Rossenio clementer ignouit, ac
 cum cum sua legione, tanquam rei bellicæ peritum a-
 cerrimumq; ducem, militiæ suæ adscripsit, & aduer-
 sus Gallos cum ingētib. copijs est profectus, inito per
 eos dies foedere cum Henrico Britanniae rege, ut ex
 composito duobus exercitib. Gallie fines inuaderent.
 Quum pleriq; mirarentur, quod Guilelmus adeo pro-
 pere abiecti belli consilijs, uel pudendam pacem non
 indecoro dubij belli periculo prætulisset (quando ei
 cum frequentes tum exercitæ fidorum militum co-
 pie, peritiq; duces Longaualles, atq; Rossenius super-
 essent, quibus nuper Arescotum Belgarum ducem ca-
 stris atq; tormentis exuisset, & aliquot quoq; oppida
 castellaq; ad sustinendam uim hostium mirifice munita
 dicerentur: nonnulliq; item amicorum Francisci regis
 auxilia intra paucos dies superuentura differerent)
 reperiēbamus duas commutati repente animi causas
 fuisse, quarum altera ferebatur, quod à quibusdam e-
 ius primatibus, qui Reipublicæ potius, quàm priuati
 Guilermi dignitati studerēt, populares inductos affir-
 mabant, qui ingruentis belli incommoda formidātes,
 arma deprecari, & pacem expetere liberis uocib. au-
 derent,

derent, quod parum necessaria ipsis incolis, et ualde importuna Gallorum amicitia putaretur, propter quam princeps grauiter offenso Casare, ad excidium totius prouinciae bellum longè grauius inueheret: alteram porro fuisse Gallici auxilij irritam spem, Francisco rege scilicet in continendis in fide Leucorum oppidis, quæ ceperat, occupato. Neque enim rex iustas copias, uti Sicambrorum pericula flagitabant, celeriter cogere atque summittere potuit, quum minus expedita ipsius consilia uis ardens Caesaris, miraque celeritas antecesset. Galli per uernum aestiuumque tempus superioris anni Carolo Aureliano in Leucis prosperè bellum gerere, et Vandomio inferiores Belgarum fines peruastrante, grauius detrimenta Casarianis intulerant, Landresiumque oppidum, id metu deserentibus incolis occuparant, propinquum Cameraco, quod est urbs libera et immunis, mediaque inter Gallos et Belgas, utpote quæ pari studio Belgarum principum et Gallie regum amicitiam colat. Cameracum antiquitus Samarobrinam, Iulij Caesaris hybernis celebrem fuisse nonnulli existimant. Nos eam hodie S. Quintini oppidum potius esse credimus, quod Somme fluuiio adiaceat, et Samarobrinæ cum oppidi tum præterlabentis amnis nomen fuisse locorum peritis uideri possit. Landresium itaque quod ad inuadendos hostium fines magnam opportunitatem esset habiturum, rex Franciscus ingenti studio ita muniendum existimauit, ut suis inde frequenter erupturis, et facilis egressus, et tutissimus receptus daretur. Regis studium procures emulantur, suoque sumptu singula propugnacula, conductis undique operis

erigenda suscipiunt, usque adeo feruidis singulorum ingenijs, ut intra paucissimos dies perpetuam muniti-
nem extruxerint, & sibi quisq; totius impesi sumptus absolutiq; operis nomen, honestissima laudi cessurum duceret. Perfectis aggeribus, oppidoq; egredie undiq; permurito, Landa praeficitur, uir apprimè fortis & strenuus, cui collega & adiutor additur Deceius cum expeditis equitum turmis. Landresio per hunc modum in oculis Belgarum iustis Gallorum praesidijs confirmato, proximi Caesarianae ditionis incolae, utpote qui quotidianis Gallorum iniurijs se expositos providebant, magnis precibus à Caesare postularunt, ut ante omnia Landresium ex hostium manibus eripere, regionemq; graui incommodo atq; periculo liberare uellet prius quam in anteriora Galliae peruaderet. Hoc idè uehementer expetebat Arescotus peculiari incensus dolore, quod Landresium eius ditionis fuisset. Indulsi-
facile Caesar æquissimis suorum precibus, quod erepta uindicare suae dignitatis esse statuebat, coactoq; exercitu per Cameracensium fines ad Guisiam, non longè à Landresio, profectus est. Subijcitur Guisa oppidum, antiquissima turre in signe, his à tergo collibus, è quib. Scaldis fluij fontes erumpere dicuntur. Non longè autem ab oppido, Gonzaga positus ad Marollam castris cõsedit. Hæc opulenti permunitiq; coenobij uicus est, unde Guisiam, si ex commodo fieri posset, adoriri cogitabat. Sed iam eum imminuentem noui praesidij aduentus, & Francisci Atestini casus facile auerterunt. Petrus enim Strozza lectissimos sclopettarios numero ferè quingetos, qui ad conficiendū iter, ut integris uiribus

rem gererent, singulis equis uehebantur, peropportu-
 nē in oppidum introduxit: quū fortē Atestinus explo-
 ratum incautius procurrisset, cōspectoq; hoste & con-
 cidente equo ferē incermis & pedes esset interceptus.
 Amisso leuis armaturæ equitum præfecto, nihilq; ten-
 tata Guisa, Ferdinandus ad Landresium se conuertit:
 ad id enim oppidū Arescotus, & Hadrianus Beurenus
 ē Croia familia summi Belgarum procures, Mariaq;
 regina copiarum duces, multis ante diebus castra po-
 suerant. Apud eos fuere, præter Belgarū copias, qua-
 tuor millia Germanorum, & Hispanorum tria millia
 peditum, quæ ab Hispania per Oceanum aduecta fue-
 rant à Petro Toletano, cui Nocturno cognomen fuit.
 Iuxta eos, Britānorum exercitus, qui ex fodere paulō
 ante in continentem traiecisset, duce Galoppo, uallatis
 castris constiterat. Britannorum copię ex sagittarijs
 magna ex parte cōstabant, quū uix quarta pars hastis
 nō multi roboris, aut alabardis uteretur. Equites leuis
 erant armaturæ, semicermes, exili lancea, aut leuibus
 iaculis pugnātes, qui seorsum à Belgis sua castra, con-
 nexis inter se curribus interpositisq; tormētis claude-
 bant. In ipso autem castrorum umbilico paruam muni-
 tionē erexerant, in quā tormentarij pulueris copiam
 omnē procul ab omni incendiorum periculo contule-
 rant. Inter eorum tormenta uisebantur patuli oris
 mortaria, quibus interiora hostiū ædificia, more iam-
 pridem apud nostros exoleto, decidentibus ē sublimi
 lapideis globis, diruerent. Gonzaga iussu Caesaris, qui
 ualetudinis causa Canouo in oppido subsederat, uni-
 uersum exercitum Landresio admonuit, ab ea parte ca-

strametatus, qua decurrens amniculus sua castra à Belgicis atq; Britannicis dirimebat, sic ut inde tres exercitus aquarentur, & à triplici loco certatim admotis tormentis Landresiana propugnacula uerberarent, maximeq; unam omnes lateritiam turrem, quæ muro prope coniuncta altius eminebat, diruere conarētur. Sed ueteris structuræ tanta erat firmitas, ut quū media turris nō caua et inanis, uerū solida terrenoq; repleta esset, omnem uim tormētorum facile perferret, elisaq; tantum incrustatione indomita persisteret. Qua in re peragēda Britanni simul & Belgæ pertinacius hærentes irritō conatu magnam uim tormentarij pulueris et pilarū, acerrimē sese tuentibus Gallis consumpserunt, & Gonzaga studium operamq; omnem ab oppugnatione ad obsidionem, scalpendasq; subtus aggerū radices, uertendam censebat: quōd Landa uir indefessus et acer, rerū inopia potius, & auxiliorum desperatione, quā ui tormentorum subigi posse uideretur. Sæpius enim eruperat, noctuq; semel egressus, graue tormentum sopitis Belgis & nequicquā demum experrectū ademerat, & impune per fossam uel profunda aqua redundantem ergatarum funibus extraxerat. Neque Deceiani equites unquam cessarant, quin erumpendū pabulatores & lixas hostiū intercipere niterētur. Per hunc modū, quū Belgæ, Britanīq; in ea oppugnatione multos dies contriuisent, & qui ab imo fundamentū operū subtrahere conati fuerant, uti crebrō tormenti istī, nihil proficerent, Gonzaga fit certior, Franciscum regem, ut Landæ opē ferat, aduentare: uisq; est Cesarianis sese offerri occasio (uti maximē cuperent) cōserendū

serendū
renum,
taturq;
iungat,
nimē ere
petum s
copias t
nihil ad
ingenio
animos a
ne addu
nerent:
obstinat
discrime
atq; uict
eos cast
rum ser
negliger
tisq; lab
fortunæ
stituit, n
subituru
crimimis
auxilijs
præfero
quum G
quando
ptisimū
uictorie
nis discip

Serenda manus. Itaq; pugnae avidus Arescotū, et Beurenū, atq; ipsum Galoppū opportunē admonet, hortaturq; ut motis castris, superatoq; flumine sibi se coniungāt, quoniā Gallis aduentantibus is amniculus minime erat superandus, et ipse ad excipiendū regis impetum futurus esset infirmior, nisi ad se in una castra copias traducerent, quando disunctae singulorū vires nihil ad uictoriam parandā prodesse possent. Sed uir ingenio pertinaces in animis inducti argumentis, neq; animos ad salubre consiliū admouere, neq; ulla ratione adduci potuerūt, ne in suis ueteribus castris permanerent: sic ut Gonzaga spe sua deceptus imperitis et obstinatis parēre mallet, quam solus indubiā pugnae discrimen deuenire: atque ita se sperni, amittiq; pugnae atq; uictoriae occasionem querens, ultra fluuiolum ad eos castra sua traduxit. Interea Franciscus sibi indecorum fore iudicans, si Landae de se bene meriti salutem negligeret, sineretq; amitti oppidū tanto sumptu, tantisq; laboribus permunitum, generoso consilio totius fortunae uirtutisq; suae supremū periculum facere constituit, nihil reformidata pugnae alea, quā proculdubio subiturus esse crederetur. Prouidebat enim summi discriminis esse rem, quando Caesar omnium ferē gentium, auxilijs confirmatus, numerosas et ex recēti uictoriae praeferores copias, in acie esset producturus. Sed antiquum Galliae decus tot aduersis amissum praelijs, ut aliquid quando reciperetur, magnanimū et ad arma promptissimū regem plurimum accendebat, eiq; nō incertā uictoriae spē faciebant Helvetiae legiones, quae Germanis disciplina pares, et aequato numero, quibusdā etiā

rebus superiores forent: quando his lectissimæ etiam cohortes Italarum & Vasconum accessissent, & præter has noua legio Gallicæ iuuentutis ex ordine nobilium sponte gratuitoq; nomina dantium, decora armis plenaq; ingenuæ alacritatis insignem spectanti regi operam præstare perciperet. Equitatus quoque ex omni Galliæ provincie nominatim euocatus, se domum non nisi uictorem rediturum profitebatur, cui neque animi uirtute, neq; equorum robore, neq; armorum peritia Cesariani equites cõparari posse uiderentur. Ab hoc animi decreto Fræscus, uti erat egregie pius sacris insauratis, religiosa lustratione sese & liberos ab omni criminum labe puriter expiat, & à Guisa oppido explicatis uexillis descendit, conspectoque decem milliarum spatio, acie instructa ita Landressio appropinquat, ut in conspectum hostium atque obsessorum daretur. Primo agmini præerat Henricus Delphinus, secundo rex ipse duplici subsidiaria acie circumseptus: subsequabantur carri cõplures & sarcinaria iumeta, quibus magna uis commeatus obseſis importabatur: claudebat agmē Hanebaldus dignitate Ammiras. Quū rex appropinquaret, atq; hostes coniuncti in unū, instructisq; ordinibus parati ad pugnam nihil se commouerent, leuem armaturam equestrem, Brisacco atq; Decarso impigris ducibus, emisit, qui excitatis diuerso in loco leuib; prælijs, hostes distinerent, uniuersaq; pugne spem & speciem præberent. Non desuere Cesariani, qui pari pugne studio incitati procurrentibus Gallis occurrerent, intercursuq; expeditorum peditū contracto tumultuosissimo certamine præliarentur.

Interim

Interim
sag, pen
rat, con
labore a
egrog; q
summa
quum B
uniuers
rem loc
culpa s
pedes
nij, et M
Francis
ausu cor
ferē sta
gros di
statem
ad exer
senij &
prælijs,
tormen
prodien
stam ex
eam ad
contin
cui selo
nulli ea
& uari
neutri
accensi

Interim Franciscus dextro cornu latè extento, præmis-
 saq; peditum atq; equitum ualida manu, quos aduexe-
 rat, conuocatus in oppidum intramissit, præsidiumq;
 labore atq; uigilijs consecrū recenti milite renouauit,
 egroq; et multum defesso Lada Varminium suffecit,
 summa in his conficiendis rebus usus tranquillitate,
 quum Ferdinandus nisi lacefferetur, nequaquam sibi
 uniuerso prælio decertandū existimaret, quod equio-
 rem loci situm, quem ultra flumen paulo ante tenuerat
 culpa sociorum amisset, nec absente Cesare collatis
 pedestribus copijs dimicare uellet, quē Martini Rosse-
 nij, et Mauritijs Saxonis copias expectare intelligebat.
 Franciscus totum id quod propositi sui fuerat egregio
 ausu consecutus, ad Cambasium uicū, inde centum
 ferè stadijs distantem castra uertit, moratusq; ibi inte-
 gros dies duos, Casarianis committendæ pugnae pote-
 statem fecit: quandoquidem Caesar è Canouo oppido
 ad exercitū peruenerat, auctus his quas diximus Ros-
 senij et Saxonis auxilijs, usque adeo audius ineundæ
 prælij, et in eam occasionē intentus, ut intra minoris
 tormenti iactū, castra castris hostium conferret: ipseq;
 prodiens cum imperatorijs insignibus equestrem ha-
 stam experiundo corripere, et uti mox concursurus
 eam ad femur alacriter coaptaret. Pugnabatur enim
 continenter omnibus horis et locis ab leui armatura,
 cui selopettariorū dispersæ manus miscebantur. Non-
 nulli eadebant, multi uulnerabantur, præliumq; atrox
 et uarium alternante euentu passim edebatur, sic ut
 neutri, aut uindictæ cupiditate, aut nimia spe uictoriæ
 accensi, instante nocte facile dirimi, reduciq; possent:

et legiones ex propinquo in acie constitutæ spectan-
 tesq; modò sociorum ægrè sustinentium, modò hostiū
 gnaviter urgentium alternos impetus, non diu quin
 gradum inferrent pugnamq; capefferent, contineri
 posse uiderentur. Et tum animaduersa fuerat à quibus-
 dam ducibus non iniqua occasio inuadendi regis, si
 proximos colliū uertices undiq; hostibus circumiectos
 promotis castris occuparent, quod fieri non poterat,
 nisi copiae omnes amniculum, quem diximus, traduce-
 rentur, qui propter abruptas et coenosas ripas nequa-
 quam commodè transiri posset, ob id præsertim, quod
 imita eius consilij ratio celeritatē exigeret. Non deerat
 tamē Castalius, in locū discedentis Stephani Columnæ
 castrorū magister effectus, qui se nauiculis subitariaq;
 materia plurib. simul in locis angustj eius amnis ripas
 condundurū, et maturè copias omnes constrato pōte
 transmissurū polliceretur. Caterūm Caesar, quod diei
 serum esset, et uti hybernis et caliginosis diebus tum
 accidit, parum lucis superesset, in posterum diem eius
 consilij rem deferendam censuit. ob id quoq; libentius,
 quod equos leuis armatura, scelopettariosq; præsertim
 pedites, longo fessos prælio, si uniuersa pugna casus
 posceret, nimio labore fatigatos nollet, per quos illu-
 stres sæpe uictorias esset consecutus. Multi enim utrin-
 que consauciati fuerant: in partibus scilicet Gallorum
 Andouinus, Delphini gratia clarus eques, glande tra-
 iectus occubuit, apud Casarianos uerò Hieronymus
 Paccus, Hispanorum tyronum, qui nuper ab Oceano
 ad Belgicam oram uenerant, præfectus. At Franciscus
 qui se eo consilio nenisse meminerat, ut Landresium
 obsidione

obsidione liberaret, abundè dignitati suæ satisfactum esse ratus, q̃ hostes pugnam detrectasse uideri possent, de secunda uigilia castra mouit, nonnulla impedimenta, & uarij commeatus uasa, ignesq; de industria relinquens, ut præsentis exercitus specie hosti præberet, nec prius quàm dilucesceret, de eius discessu hostis certius cognouit. Accidit autè, quod minimè prætermittendū uidetur, ut Salazarius uetus aliqui & astutus miles, dubia sub luce speculatum missus, renunciaret hostium castra eodè loco, quo interdum fuerant, Heluetiasq; legiones in statione conspici, & maiora aliquot tormèta obuersa spectari. Verum non multò post eius errorem certior dies detexit: nam eas quas putarat hostium copias Germanorū esse, & quæ tormenta apparuissent, arborum truncos fuisse compertū est, sic ut is diu apud Cæsarē ridiculus & infamis extiterit. Perspecto itaq; hostium discessu, Cæsar serius quàm oporteret leuem armaturam & expeditos pedites postremū abeuntiū agmen insequi iussit. Verum Frāciscus ad Guisam iter extendens, Delphinum tueri terga, & idoneo in loco inter syluas consistere iusserat, ut hostes si persequi auderent, auideq; & festinanter more suo tanquam ad paratam prædam longius à castris prouherentur, ex insidijs inuaderet, atq; reprimeret. Nec inanis consilij res fuit: nam uti Franciscus præsenferat, quum plures hostium disunctæ manus insequerentur, in Delphini turmas inciderunt, à quibus repente factio impetu facile cæse pulsæq; sunt, iniquiore sorte Germanorum equitū, qui ex ala Brunsvici reguli fuerant: nam in eos ardentissimè res gesta est, à Græcis præsertim equiti-

bus, quos summa peritiae atque uirtutis dux eorum Theodorus Bedenius Spartanus, ex insidijs in perterritos emiserat, eo pugnae euentu, ut nonnullis interfectis et captis, reliqui ferè omnes in facie scæda uulnera susciperent, mira Græcorum agilitate, qui in apertas subducta buccula galeas transuersim graues gladios adigebant. Delphinus re bene gesta patrem est consecutus, qui iam totum iter quietissimè consecerat. Huius strenuè initi consilij, feliciterq; susceptæ expeditionis euentum ita plerique rerum periti laudabant, ut non immeritò inter præclara fortiaq; regis facta numerarent, quanquam hostes pleniorẽ ei laudẽ inde obuenturam fuisse dicerent, si se patrato negotio maturius explicasset: quando nequaquam cauti boniq; imperatoris fuerit, sese ex bidui mora, ad maximè periculosi certaminis discrimen ferocissimis et inuictis gentibus obiecisse. Quid porrò alienius à disciplina, quàm propter inane ostentationis decus, non necessarium cum sepe uictoribus, æquato etiam uirium numero, pugnae casum subijssè? Caesar uerò, quod hyemis iam suberat, et lethales morbi ex uentris profluuio uulgari inter corpora militum cœpissent, itineraq; maximè essent lutulenta, et celũ pluuia nuncq; turgidum uideretur, nihil ultra sibi tentandum decernens, exercitum ferè totũ dimisit, et à Cambresio ad Cameracum profectus est: ubi aliquãdiu peculiare aulæ suæ copias in hybernīs continuuit, quod ea ciuitas erga Gallos æquo propensior uisa esset, utpote quæ se toto eo bello grauiā detrimenta à Cesarianis copijs perpeti quereretur. Sed primores senatus aduentati continuò portas aperuerunt,

ruerunt, ab hisq; factus est intēpestiue consternationis
author, & reus urbis antistes: cui quòd esset ex Croia
familia, facìle Caesar ignouit, sic tamē ut leuis populi,
qui nouum & inane neutralis (ut aiunt) studij nomen
arroganter desumpserat, ceruicibus munitam arcem
imponeret, qua se non dubij, sed Casariani iuris esse in
posterum faterentur. Nec multò post Caesar ad conuē-
tus peragendos, quos Germanis indixerat, Spirā Ne-
metum urbem ascensurus, Ferdinandum Gonzagam
& cum eo Castalium, in Britanniam ad Henricum re-
gem misit, ut eum aduersus Gallos diu antea multis de
causis, multisq; legationibus concitatum, ad traisciē-
dum in proximam Gallie continentem adhortando
solicitarēt: & quæ usui ad bellū terra mariq; geren-
dum uideri possent, sigillatim perdocerēt. Grauiissimū
enim uterq; bellū, antiquis atq; recentibus odijs incita-
tus, aduersus Gallos moliebatur. Ferdinandus Gonza-
ga ad Casarem reuersus, Henricum regem, à quo cla-
borati argenti preciosa supellestile ad ornamentum
abaci fuerat donatus, renunciavit suo pte ingenio ad-
uersus Gallos uehementer esse concitatum, sequentiq;
estate proculdubio cum ingentibus copijs in continen-
tem Gallie traiecturū, ut totius Britannici regni pro-
latis opibus, longē maximum Gallie bellum inferret.
Neq; eum uel grauiissimo sumptu posse deterreri, quo-
minus liberaliter Casari expetenti in stipendia militū
pecuniā conferret, sicuti antea Maximiliano eius auo
Neruiorū et Morinorū bello largissimē suppeditasset.
Interim Caesar omnibus consilijs ad Gallicum bellum
intentus, operā dabat, ut quosdā Germanos proceres

in fide atq; amicitia contineret, qui per causam Lutheranae seditionis à uetere erga se Austriamq; domum officio discessisse ferebantur. id enim unum Caesar sibi contendendum existimabat, ut quàm plurimos è bellicosiss regionibus Germanos militiæ suæ adscriberet: nullos uerò, quantum per leges seuerissimi edicti fieri posset, mutantibus magnaq; proposita mercede conducentibus Gallis relinqueret. Transseuntibus enim in Galliâ, perpetui exilij, interceptis uerò ultimi supplicij poena imponebatur. Sed populosissimæ liberæq; gentis uiri militares, tanquam uberimis inuitati præmijs, nullo poenæ metu deterreri, nullaq; custodiarum diligentia prohiberi poterant, quin in Galliam manipulatim inusitatis præsertim tramitibus transirent: tantum enim ualebat apud quosdam odium contra Austriam domum conceptum, tantaq; erat uti certissima Gallici auri spes, ut cuncta edicta facile contemneret, & quisq; ex egentissimo longè ditissimum exiguo tempore se euasurum arbitraretur. Guilermi Fustembergi exemplo, qui nuper à rege repudiatu & exauthoratus, quod legiones prædæ habuisse, regiamq; pecuniâ interuertisse accusaretur, inestimabile auri pondus domum retulisset. Eiusdem anni Augusto mense, quo Strigonium in Pannonia à Solymano captum, & Dura in Belgis à Casare expugnata est, Hariadenus Barbarus sa ad Niceâ Prouinciæ classem admouit. Premebat enim Barbarus quidâ tantum maris spatium emensus, frustra uenisse existimari posset, cum iactura suæ dignitatis, postquàm rex Gallus magno hostium suorum comodo, inita agitataq; toties consilia ad gerendum bellum explicare

plicare terminareq; nesciret, & totius suscipiendæ ma-
 ritimæ expeditionis tēpus segniter effluere pateretur.
 eius siquidem ignauia, uel inepta cunctationis, se in
 primis reum Byzātij futurum, Solymantum uerò, qui
 amicissimo regi opem ferre, eiusq; hostib; maxime noc-
 cere percuperet, ægerrimè laturum, si tāto sumptu in-
 structa, & in extremas maris oras trasmissa classe,
 inanem opem socio, & tum ualidis hostium armis cir-
 cumuēto, tulisse diceretur. Ipsi uerò nequaquam segni-
 ter, quum tempus ferret, rerum occasione ad expediē-
 da arma uti solito, multum existimationis & pristina
 laudis deperiret, si tota iam æstas in autumnū præceps
 Masiliensi in portu, ubi cunctis per ignauiam torpe-
 scerent manus, absumeretur. His de causis idem Poli-
 nus, qui à Byzantio classē adduxerat, & legationis
 munere apud Barbarussam fungebatur, ad regem cō-
 tendit, expositisq; ordine rebus quæ in negotio opus
 forent, & Barbarussa superbo conuitio flagitaret, re-
 gis decretum ad classē retulit, quo Nicæam aggredi,
 & oppugnari terræ mariq; iubebatur. Iudicabat enim
 rex, nequaquam ab æquitate discedens, ea quæ suæ di-
 tionis antea, nec omnino dubij iuris essent, armis repe-
 tenda. Nicæam nanque urbem à maioribus suis urgē-
 tis belli necessitate pecuniæq; inopia coactis, Sabau-
 dio regulo oppignoratam fuisse constabat, quam obla-
 ta eadem, amplioreq; pecunia, iustis primò præci-
 bus, & graui demum obtestatione, sibi reddi frustra
 postulasset. Neq; enim aliò Turcarū arma uertēda re-
 batur, quòd odiosum nomini suo, & infame prorsus
 futurū prospiceret, si immanium Barbarorū classens

inexpiabiles & funestas allaturam elades, Christianis littoribus immitteret, quando infensi infestiq; sibi Caesaris iniurias, miserorum & nihil tale, merentium populorum detrimēta minimē subleuarent. Præfecerat Gallicæ classi Anghianum adolescentem, è Borbonia familia regie stirpis, Vandomij reguli germanum fratrem, ut trierarchi, & nonnulli item Galli nobiles è classe, qui Virginij Vrsini tanquā externi ducis imperio probè prudenterq; obedire nollent, nobilissimo suæ gentis præfecto obsequentissimè parerent. Classis constabat uiginti duabus rostratis, & decē & octo nauibus onerarijs, quibus imposita sunt octo milia peditum, præter commeatus in multos dies suffesturos. Quaterna enim milia Polinus in Narbonensi Gallia, è Vasconibusq; præsertim, altera uerò quaterna Scrocchius, Sabaudio ex priuatis odijs factus hostis & exul, ex citiore Prouincia, gentibusq; Lemano lacui & Alpibus propinquis conscripserant. Classis è Massiliensi portu lambendo orā in Monæci Herculis portum se intulit, biduoq; post eodem cursu Barbarussa cum centum & quinquaginta nauibus, quæ remis agerentur, subsequutus est. Primum omnium Polinus, iussu regis, Genuēsibus scripsit, ut nihil timere uellēt. Turcarum enim classē quæ regijs auspicijs regeretur, nemini præter quā Nicensib. ni se dederent, esse nociturā, & ut regie uoluntatis decretiq; fidem faceret, nonnullos Ligures in biremibus catenatos à Turcis impetrauit, eosq; Genuam remissos propinquis & parentibus insigni benignitate restituit. Nicenses uerò humaniter est adhortatus, ut ueterem iustumq; ipsorum principem, non

minus

minus liberalitate quàm potentia inclutum suscipere,
 quàm supremæ cladis discrimen subire mallent, eius
 egentis perplexiq; principis gratia, qui cum à Cesare
 tum ab ipso rege, cunctarum propè regni sui urbium
 dominatu spoliatus, nullum omnino alium difficultati
 bus suis exitum reperiret, quàm ut utriq; impotenter
 occupanti fortune suæ reliquum, iniquissimæ prædæ
 sciēs & uolēs esse sineret. Nemo enim eo tēpore prin-
 cipum omnium ipso Sabaudio miserior uideri poterat,
 quum eius regnum paulò ante opulentū, ultra citraq;
 Alpes auitæ atq; antiquissimæ hereditatis, à propin-
 quo rege pariter & ab affine amicoq; Cesare indignè
 lacerari conspiceretur. Proinde Nicēses nihil omnino
 uel in præsentia tutius atq; salubrius, uel in posterum
 fructuosius ac honestius esse facturos, quàm si necessa-
 riæ deditiōis consilium celeriter expedirent, quando
 ipsi ultro se dedentes summa beneficia publicè & pri-
 uatim expectare possēt ab eo rege, qui idcirco eos ex-
 peteret, ut indulgentissimè complecteretur, & urbem
 Masiliensium coloniam nouis immunitatum commo-
 dis augeret & perornaret. Decuriones nihil se fide
 potius habere responderunt, quam tueri uellent erga
 Carolū Sabaudium, quod eum putarent legitimū esse
 principem, & æquitatis clemētiæq; nomine longè o-
 ptimum experiretur. Proinde literis & nuncijs ciues
 sollicitare desineret: se enim eos omnes qui se in cōspe-
 ctum darent, pro hostibus habituros. Hæc eadem ora-
 tores à senatu ad Anchianum missi detulerunt. Itaque
 Galli à cohortationibus ad nūm consilia atque arma
 uertentes, expositis copijs, trimisq; promotis castris,

urbem oppugnare cœperunt. Nicæa excelsa adiacet promontorio, quod initium habet ab Alpibus, perpetuôq; dorso descendens in mare excurrit. Huius extremo in iugo arx posita est, antiquorum provincie regum opus, clarissimorum sæpe ducum carcere & misero uite exitu nobilitatum. Hæc subiecta maria late despectat, arduoq; calle urbi coniungitur. Sub rupes iuxta litus salubris aquæ copiosissimus fons erumpit, maximarum classium aquationi peropportunos. Mœnia urbis, uti uetusti operis, non magnopere munita sunt, sed ea paulo ante Nicenses nouis propugnaculis adauxerant, docente atq; administrante Paulo Simcone arcis præfecto. Is magnum habebat militie usum, & uti erat Rhodia militie adscriptus eques, à predonibus olim captus, Barbarussæ aliquandiu seruierat, hortabaturq; ciues, ut Turcarum uim constantissimis animis contemnerent. Hoc ut alacrius & peritacius facerent, uxores eorum & liberos, imbellemq; turbam, in arcem receperat, & quicquid militaris instrumenti præsens periculum deposceret, studiosè suppeditabat. Polini ab ea muri parte quæ uergit ad septentrionem, portamq; habet ad Villafiancham perducentem, oppugnabat. Anghianus intercedente amniculo, qui torrêti similis saxeo alueo nõ longè à mœnibus decurrit, subductus in accliuem locum tormenta cõtulerat. Turcæ uerò nõ longè à Polini castris admirabili celeritate atq; peritia productis operibus, consitutisq; tormentis, mœnium coronâ decusserant. Gallorum interea classis circumuecta promontorium, in urbè ita tormēta dirigebat, ut nonnunquam præ

præteruolantes pile in aduersa Turcarum castra deciderent. Quo animaduerso periculo Turcæ ad eam partem, quam Leo Strozza iuxta Polinum uerberabat, sese applicarunt. Id erat propugnaculum nequaquam durata calce confirmatum, uti paulò ante à Nicensibus ædificatum. Itaq; tantum muri, tantumq; eius propugnaculi à Turcis uehementissimè rē gerenibus, dirutū prostratumq; est, ut prælatis uexillis conscendere auderent, pariq; audacia Etrusca Leonis cohors æmulatione uirtutis Barbaros æquare conaretur. Verum Nicenses magno præsentiq; animo propugnantes, multis interfectis et uulneratis, Turcas simul et cohortem per ruinas depulerunt. Eo die captum est Turcarum uexillum interfecto signifero, alterū uerò Leonis discerptum, quum cum tamen uulneratus uexillifer egregiè pugnas seruauisset. Perire ex Turcis, aut tum, aut postea ex uulneribus, paulò minus centū, ex cohorte uigintiduo. Sed mox Barbarussam uim omnem conferri iussit ad diruendam eam turrē, quæ portæ imminēbat, maximeq; emissis inde tormētis opugnātib; nocebat: qua non diu quassata lacerataq; et prostratis non uno in loco mœnibus, Nicenses desperatis auxilijs, præsidioque suo militari, quod erat exiguum, magna ex parte sagittis conuulnerato, de deditōne è muro proloqui cœperunt: eaq; conditione Anghianus eos in fidem recepit, ut iurciurando confirmaret, eos iisdem legibus sub rege futuros, quibus hætenus sub Sabaudij imperio fuissent. Veritus autem Polinus, ne Barbari transactæ deditōnis pactiones impedirent, doloreq; amissorum commilitonum, et

spe præde irritati, in urbem irrumperent, ab Hario deno impetrauit, ut milites reuocaret, & ad classem redigi iuberet. Qua de causa non multo post Ianizeri uti fraudati sua spe, & Polinum & Leonē à colloquio Barbarussæ redeuntes interficere conati sunt. Vrbe in potestatem redacta, consultatum est de expugnanda arce, cuius consilij duæ rationes à Barbarussa proponebantur: quarum altera in custodia urbis posita uidebatur, ne eam ab arce impronius hostis inuaderet & in tutandis suburbanis capis, ne alicunde hostes in oppugnatione occupatis superuenirent. Altera erat posita in administratione tormentorū, ipsoq; quassandæ urbis negotio. Vtram mallent muneris conditionem accipiendam Barbarussa Gallis offerebat, se paratum professus uel adoriri arcem tormentis, uel tutari campos. Visus est Polinus herere, quum non facile in uestigio quid sibi potius eligendum foret, explicare posset. Atq; ita Barbarus nostrorum ingenia tanquam ad bellicum facinus audendum minimè prompta contemnens, explorato in loco & celerrimè suis aggeribus permunito, tormenta septem collocari iussit, in quæ suære duo eximia magnitudinis, quum reliqua iustam more nostro amplitudinem non excederent. His summa arcis propugnacula idoneaq; ad excubias ædificia celerrimè perfregit, sic ut propugnatorum in corona consistere auderet nemo, & imbellem turbam uel impauido Simeone magnus inuaderet pauor. Galli etiam partiti inter se munera, ab alijs uehementer oppugnabant locis, singularemq; cum summa agilitate Turcarum peritiam in producendis dirigendisq; tormentis

mentis admirabantur. Verum tot ictibus ad tantam
deuentum erat tormentarij pulueris & pilarum ino-
piam, ut hæc Polinus, aut mutuo, aut pretio à Barba-
russa petere cogeretur, fremente atq; obiurgante Bar-
baro, quod in Gallia alieno apparatu indigerent, qui
Masilie multis uini dolijs, quam rebus ad bellum ne-
cessarijs nauigia onerare maluissent. Neque enim uir
seuerus & ferox à iaciendis probris abstinebat, quere-
baturq; se elusum spe rerum ingentium, quas Polinus
Byzantij longè amplissimas promississet, & tanta qui-
dem iracundia, ut Polino catenas se iniecturum mina-
retur, qui eò ipsum à Byzantio perduxisset, ubi aut
existimationis iacturā facere, aut classem consumpto
tormentorū instrumēto inutilē reddere necesse foret.
Quibus de causis uehementer Gallis iratus, repente
diuaniū indixit, id est militaris concilij genus, ad quod
erecto pro castris tribunali alloquendi consultandiq;
causa tricerarchi, præfectiq; omnes, signiferi & centu-
riones aduocantur. De reditu namq; ad Orientem, ma-
turaq; profectioe se decreturum dicebat, postquam
apud imperitos rerum, sepeq; mendaces & ignauos,
secus ac polliciti fuerant, cuncta imparata reperisset.
Qua pronūciatione, Gallis, Polinoq; præsertim nihil
grauius accidere potuit, sic ut mēte percussus, ad infi-
mas preces deprecationesq; turpissimas adulando pol-
licendoq; descendere minime dubitaret, multa atq; opi-
ma, non Barbarussa modo ipsi, uerum sigillatim cūctis
lanizerorum centurionibus præmia ex regia libera-
litate pollicendo: quæ tota penitus essent peritura, si
rege eluso, abruptaq; amicitia importunè discederēt,

cuius temere facti nomen, grauem omnino molestiam Solymano, ipsis uerò non dubiam poenam esset allaturum. His promissis et precibus, ipsoq; praesertim Angbiano iratum senem lenissime demulcente, non aegre est impetratum, ut indictae profectionis consilium abijceretur, nec ab instituta arcis oppugnatione discederetur. Sed uixdum pacato, et ad belli gerendi consilia conuerso Barbarussa, interceptae sunt literae Alfonsi Vastij ad Paulum Simeonem arcis praefectum scriptae, quibus eum prolixè hortabatur, ut tantisper hostium uim sustineret, donec ipse praemissis iam expeditorum militum cohortibus, cum toto robore grauis armaturae superueniret. Se enim per maritimarum Alpium tramites iter facere, affuturumq; biduo, ut cum Turcarum caede, ipsum atq; arcem omni periculo liberet. Ex his literis celeriter in castris euulgatum est, Vastium, qui non procul abesset, cum iustis ad confligendum copiis aduentare: quae emanante fama, adeo grauis et repentinus timor Turcarum pariter, et Gallorum animos incescit, ut quum fortè ea nocte ad consternandos nouo incommodo milites procellosus atq; densissimus imber ingruisset, cuncti munitionis atq; tormenta desererent, armaq; relinquentes, per arduos calles superato dorsi iugo praecipiti fuga descenderent, et ad classem confugerent. Sed dies, qui mox perterritis illuxit et nusquam conspectus hostis, et obortus inde pudor animos restituere. Nec multò post quum arx ipsa omnium prope iudicio, uti excelsa in rupe posita, egerime tormentis quati, neq; cuniculis subter rupem excauatis, nisi longo difficiliq; labore, atque item dubio euentu,

capi

sapi posse censeretur, reduci tormenta communi consilio cœpta sunt. Ea in re administranda, mirifica fuit industria Turcarum, qui non suo modo, sed Gallorum ægrè molientium quæq; grauiora humeris reportabant, non obscure his increpita segnitie, qui corporibus atque animis nimis citò fathiscere uideretur. In eo discessus decreto tumultuarioq; labore, Barbari imperio contineri nequiuērunt, quin in urbem celeriter irrumpentes cuncta diriperent, & in tectis saua incendia excitarent. Discessum autem est à Nicæa, quum iam Scrochius aliquot oppida regionis, hortata suo atque autoritate, qua multum apud eas gentes ualebat, ad deditionem compulisset. Atque eo modo, quum Anghianus ultra flumen Varum copias reduceret, Barbarussa ad Antipolim cum uniuerſa classe concessit, ubi quum stationem haberet ad insulam Lerinam, quam Margaritam nautæ uocant, cognitum est Vastium atque Sabaudium cum Auriana classe in Villafanchæ portum peruenisse, cuius in ingressu Vastius summum naufragij periculum adiit, quum triremis, qua ipse uehebatur, exorta repentini turbinis procella iam sese scopulis illideret, nisi quidam miles rei naualis non imperitus, sublato statim dolore proram inflexisset. Eadem uis subite uehementisq; procellæ quatuor triremes Aurianas, sese in apertum mare eriperè conantes, in rupes exesi promontorij transuersus egit usque adeò uolentis fluctibus, ut seruis ad transtra catenatis ad exuendas compedes spatium defuerit, atque ita submersi ad unum omnes interirent, & tormenta hiantes carinas grauantia

profundo mergerentur. Eo hostium periculo aduentuq; cognito, Polinus tanquam explorata occasione delendæ hostium clæssis, Petrum Angelium Bargeum poetam, uirum Græce peritū linguæ ad Barbarussam legatum misit, quod ei usq; à Byzantio notus esset, qui insignem ab hoste procellaq; oblatam pulcherrimi edendi facinoris occasionem demonstraret, studioseq; eum hortaretur, ut eximia laudis certissimiq; prouentus educta in hostem classe fructū percipere maturaret. Annuuit consiliū Barbarussa, sibiq; ubi laus spectaretur, minimè desitutum promissit, sed quo minus id audacter expediteq; tentaret, persflantes Euri prohibere uisi sunt, quibus tamen citò subsidentibus, quum fluctuosum mare mitesceret, ipseq; educta classe cōtra consuetudinē consideratius & segnius prouheretur, circa Antipolitani littoris uineta cursum suppressit, admirātibus primò, & mox ridētibus trierarchis atq; Sanzachis usqueadē liberè, ut per ironiam dicerent, æquū esse, ut Hariadenus Aurie tanquā fratri, & ex pyratice conspiratione legeq; ad mutuam salutē fœderato, nihil officeret, parq; illi beneficiū optima fide redderet, quod aliquot ante annis ad Hipponā liberaliter accepisset. Ex his qui eam cunctationem carpendo ad inuidiam uerterent, erat Cayeroglis Sanzachorum facile princeps, eius Mēphitici Cayerbei filius, qui prodito Campsone Sulthano, totius Aegypti præfecturam à Selymo meruerat. Eius autem omisse rei nomen, & tum & Byzantiij Hariadenus ita refellit & diluit, ut diceret multa sibi exactæ ætatis duci, uel hebetibus oculis, clarius & certius quàm iunioribus uideri, et quū de

de Cayerogle mentio inferretur, renidens inquit ad suos conuersus: ergo non dissimili ratione magna mihi præmia ab hostib. erunt expectanda, dum eis lubenter parco, postquam pater eius ad Singam ab suo dextro cornu obiectos hostes Turcas non inuadens, cessantis operæ premium Aegypti præfecturâ, ab hoste uictore tulerit. Caterum desinente procella, mitescenq; mari, Salechus cum uiginti quinque truremibus, & cum totidem Gallicis Leo Strozza ad portû contenderû, potitiq; sunt eius naufragij reliquijs, sic ut per urinatores alligata funibus tormenta è profundo ergatarû molimine extraherent. Nec diu post Barbarussa uersus Masiliam ad Tolonis portum, qui Taurenta antiquitus fuit, est reuectus. Vastius autem cum Sabaudio Nicæam inuisti, laudatoq; Simeone miseros ciues consolatus est, & inspectis Turcarum operibus eorum solertiam ac artificium in construendis aggeribus sic mirabatur, ut nostros Barbarorum comparatione, huiusmodi in reb. multo inferiores sibi uideri nobis hæc scribentibus fateretur. Exinde Vastius cum his copijs, quas metu Barbarussæ conscripserat, aliquot etiâ additis cohortibus ad oppugnandum Montenuicum, quæ est amplissima & fertilissima ciuitas inter Subalpinas urbes, duxit. Nam in ea erât ualida Gallorum Heluetiorumq; præsidia, quæ duce Carolo Drosio indigena uiro egregiè forti, frequentia incommoda Cesarianis inferebant. Itaq; magno sumptu magnoq; labore adductis tormentis, urbs non uno in loco quassata est usque adeò uehementer, ut muri undique collaberentur: uerum enixè & uigilanter defendente Drosio, res eò re-

ciderat, ut Vastius penè de expugnatione desperaret. Nam fortè continuis imbribus cuncta oppugnandi munia tardabantur, & uix miles aduersi celi iniurias ferebat, quanquam ex omnibus locis cohortes murum alacriter subirent, & inter ruinas acerrimè certarent. Sed deditio, quæ ab obstinatis hostibus ui atq; tormentis exprimi non poterat, dolo quodam, quod præmittendum non uidetur, expressa est. Implorarat sapius opem Drosius à Buterio, qui summæ rei Gallicæ imperium apud urbem Taurinum obtinebat. Hoc ex difficultate periculoq; hostium, interceptis eorum literis, Vastius didicerat. Quamobrem literas Buterij nomine Gallica conscriptas lingua effingit, quibus gemmæ eiusdem sigillum apponit exemptum ex ueteribus literis. Eæ erant in hanc sententiam, ut sibi consuleret, neq; opem expectaret, quoniam rex Belgico bello occupatus, supplementa cohortium in Italiam submittenda non putaret. Idcirco, si rebus atq; opibus suis diffideret, nec defendi urbem posse his quas obtinebat militum & necessariarum rerum copijs arbitraretur, æqua atq; honesta deditiois conditione accepta cum hoste pacisceretur. Has literas Vastius resignatas tanquam ab se interceptas, Drosio mittit, hortaturq; ut pertinaciæ finem faciat, ne sese totq; milites egregiè suo munere sanctos, & inbellem ciuium turbam in non dubium summæ calamitatis discrimen denocet. Se enim deditioem extemplo facièti ea omnia integra fide, quæ honesta conditione tribui possent, concessurum, ne sibi necesse sit multo sanguine uictoriam parare, quæ iam esset explorata, Drosius perle-

ctis

Etis literis, Buterij signum agnoscens, nec quicquam
 de earum fide subdubitans, multumq; in Vastij hostis
 elementi ingenio reponens, uti multis rerum difficul-
 tatibus circumuentus, deiecitq; spe auxiliorum dedi-
 tionem facere constituit, scilicet, ut urbanam multitu-
 dinem, copiasq; omnes & sese seruaret. Itaq; pacisci-
 tur, ut sibi cum praesidio saluis omnium rebus, sub ue-
 xillis egredi liceat. Id unum postularat Vastius, ut ca-
 stellum, quod erat in proximo Drosij praesidio custodi-
 tum, sibi dederetur. In eosliu puerilis admodu aetatis
 Drosius habebat. Veru abeunte iam Drosio, qui id se
 dediturum promiserat, & suas copias praecite, quum
 custos castelli, idemq; pueri nutritius, Caesarianos, qui
 eo ascenderant, nequaquam admittere renunciaretur,
 utpote qui esset in colligenda supellectile sollicitu &
 trepidu intentus, Vastius subito in iram exarsit, iussitq;
 nominatim quibusdam equitibus, ut Drosium cotinuo
 persequerentur, eumq; tanquam fidem fallentem re-
 traherent. Tanta autu fuit aliorum equitum, uel simul
 praestanda opera, uel (quod credi par est) praede cu-
 piditas, ut integre turma tumultuario pro cursu, ultro
 se primis aggregaret, & quum Drosius pernici equo
 uectus in fugam se extenderet, milites praesidij, ipsosq;
 praesertim Helueticos lentius suo more iter habentes,
 nec tale quicquam ueritos hostiliter inuaderent, mul-
 tisq; occisis & uulneratis iniustate crudelitatis & a-
 uaritie facinus admitterent, uel reclamante Vastio,
 & unum tantum Drosium deposcente. Sed tanto tu-
 multu inconsulte proruentium Hispanorum res cee-
 pta patratuq; est, ut Vastius pene sero perturbatis,

& direptis, maleq; multatis opem attulerit. Id uerò
 præter spem, & secus quàm imperarat, Vastij animo
 molestissimum incidit, tãto cum dolore pudoreq; per-
 turbata mentis, ut omni benignitatis officio illata de-
 trimẽta resarciri iuberet, occisorumq; propinquis &
 uulneratis dona conferret, opportuna placandæ feri-
 tati eius gentis, quæ truculentis uocibus & nimis con-
 tra ius gentium insigni se affectam detrimento quere-
 batur. Hoc apud Vastium receptæ urbis atq; uictoriæ
 letitiam minuebat, sic tamen, ut nulla seueritate erga
 suos qui authores cædis fuerant, uteretur, quum Hel-
 uetiorum dolorem, paucis capitis supplicio punitis,
 expiare posse uideretur. Nec multo post diuasis per
 municipia ueteribus cohortibus, nouisq; dimissis, Asta
 concessit, indeq; instauratis copijs uicina oppida iam-
 pridẽ occupata à Gallis in deditionem recipit: Ludo-
 uicum Vistarinum, qui erat Cherij, cum omnibus eius
 præsidij copijs egredi, & Carmagnolâ adoriri iubet.
 Is iussa facit, dedentibusq; se oppidanis, arci tormenta
 admouet, eaq; potitur. Gallis tum id erat cõsiliij, ut de-
 ductis præsidijs uires cogerent in tutiorem locum, in-
 firmioraq; oppida ita desererent, ut ea muro & muni-
 tionibus nudarentur, ne Cesarianis paulò longioris
 moræ ad ea receptus foret. Itaq; Osumius Vasco, &
 Vicomercatus Insuber, equitum præfecti, & cum his
 Azalius sclopettariorum cohortem adducens, Cari-
 nianum uenerant ad munitiones euertendas expor-
 tandosq; commeatus: quo in opere quum essent occu-
 pati, Vastius cum globo equitum in aduersa Padi ri-
 pa se ostendit, monuitq; Vistarinum, qui non procul
 aberat,

aberat, ut equites suos Padum uado transire, abeun-
 tesq; hostes aggredi imperet. Federicus Douaria, uir
 impiger, adhortante Vistarino nihil dubitat, quin tra-
 nando cum turma sua in ulteriorem ripam euadat,
 Gallosq; laceſſat, eoq; audacius, quod ei Vastius matu-
 re opem se laturum polliceretur. Eius namq; equites
 turmatim ad ducem undiq; confluebant. Iam accensa
 erat ardentissime inter Oſſumium atq; Douariam pu-
 gna, quum Vicomercatus & Azalius, qui Vastium
 plane cum ex ipso cultu tum præclara uoce alloquen-
 tem cognouerant, Oſſumium adhortantur, ut conten-
 tioni finem imponat & se recipiat, quod in conspectu
 esset Vastius, qui multitudine suorum equitum ipsos ef-
 fet confestim inuasurus. Oſſumius studio pugnae incen-
 sus, quum delendi Douariae cupiditate teneretur, nihil
 eius consilij ad animum adhibet, & multo uehemētius
 præliatur. Illi suo innixi consilio se expediunt, & quod
 iter intenderant proficiſcuntur. Nec mora laboranti
 Douariae auxilio superuenit Hieronymus Sylua cum
 ala equitum à Vastio submissus, à quo Oſſumiani equi-
 tes proſtigantur, ipseq; equo deiectus capitur, & apud
 Vastium se à Vicomercato per ignauiam desertum
 queritur. Quibus ex uerbis superbe irateq; prolatis,
 delatisq; ad Vicomercatum, orta est capitalis odij cō-
 trouersia, usque adeo accensa simultate, ut Vicomerca-
 tus Oſſumium tanquam improbè mentientem, & ini-
 què cōtumeliosum ad singulare certamē prouocaret.
 Sed rex multorū testimonijs comperto eius bellici in-
 cursus euentu, litem autoritate sua diremit, decusq;
 præcipiti cōtumelia ereptum Oſſumius Vicomercato

restituit. Re bene gesta, Vastius Carinianum intrauit, animaduersaq; loci opportunitate, quæ erat maxima atq; idonea ad perturbandos Gallos, oppidum munire, presidioq; confirmare constituit. Erat enim in umbilico medioq; prope sinu eorum municipiorum, quæ Gallorum presidij tenebantur. Probato ab omnibus consilio, restitutisq; operibus, et instituta noua munitione, eius oppidi tutelam Pyrrho Stipiciano, cuius ingenio uirtutiq; multum confidebat, attribuit, et nonnulla inde oppida ad deditionem compulit. Nec multo post diuisis in hyberna copijs, Mediolanum est reuersus. At Barbarussa Tolone susceptus, quum ingenti regionum presidiorum studio et totius Prouinciæ copijs largiter aleretur, inspecta classe, uiginti quinque triremes delegit, quas prædatum ad Hispaniæ oram emitteret, attribuitq; eas Salecho, et Assani Celebo archa propinquitate sibi coniuncto. Ii præteruerti Narbonensem sinum prædabundi, et Caput Ilyberis oppidum antiquæ olim urbis uestigiū, in eademq; ora Cadechesium, et Rhodam, quam Rosam uocant, hostiliter inuasērunt, superatōque promontorio Veneris, quod Creū a nautis uocatur, circa ueteres Emporias magna præda potiti sunt, nauiq; onerariam nauem, et triremem unam in portu, qui dicitur Palamos. His captis, Algerium, ubi imperatum erat, ad deponendam prædam, hyemandumq; traiecerunt, ut primo Vere ad Barbarussam in Prouinciā redirent. Is ea hyeme quum partem clas̄is resciceret et nonnullis armamentis renouato apparatu, instrueretur, Genuensium, ipsiusq; præsertim Auriæ amicitia comiter utebatur, qui

quodam maritimo iure per causam redimendorum captiuorum, quæ usui forent Barbaro lubenter suppeditabat. Ligures enim omnes amicè conseruatos, et nusquam uexatos rex Franciscus præstabat, in id accepta à Barbaris fide, imperio atq; authoritate Selymanni cōfirmata. Neq; enim Auria, exiguis in apparatū rei nautalis obsequijs importunè denegatis, hostile animum ostendere uolebat, quāquam se Cesaris ducē profiteretur, ne patrie noceret, quā expositam tanta Barbarorum clāsi ad omnem iniuriā conspiciebat. Hisdem ferme diebus, quibus Hariadenus Barbarussa legēdo Italiæ oram, ut Galliæ præsidio foret, Massiliam est profectus, Muleasses rex Tunetanus in Siciliā traiecit, eo consilio, ut Casarem ab Hispania Genuam deuectum conueniret. Causa susceptæ nauigationis ferebatur, ut à Cesare maiora præsidia aduersus Turcas impetraret. Nam Turcæ Hariadeni clientes aliquot opportunas regni urbes firmissimis uiribus obtinebāt, in hisq; præsertim Constantinam mediterraneam urbem eximie munitionis, quā antiquitus Cyrtham fuisse alibi ostendimus, et in ora Leptim paruam, quā hodie Mahemediam Poeni, nostri uerò Africam appellant, atque item Adrumentum, quæ Mahometæ hodie uocatur. Eo autem ordine ex Africa discessit, ut in regni tutela sibi maximè fidos atque acerrimos uiros relinqueret, Mahometem in primis, qui urbi præsideret. Is tum erat in summo apud Tunetanos magistratu, qui Maniphates uocatur, et propter oris titubantiam Temtes appellabatur. In arce quoque constituit libertum genere Corsum, cui nomen erat Fares,

quod alacrem exprimit. Copijs Amidam filium præse-
cit, qui suburbanos campos ab hostium Turcarum &
Numidarum incursionibus tueretur. Afferbat autem
Cæsari munera, præciosi operis tapetes, uariaq; orna-
menta lectorum, atque item aliquod nobiles gemmas,
& duos eximia proceritatis Numidicos equos. Verū
quum ē Sicilia solisset, recta cursum Genuam tenere
non potuit, aduersisq; uentis, Caietam primò, & mox
Neapolim est reiectus. Ei prorex Petrus Toletanus, ho-
spitalis munificentie munera, domumq; lautissima su-
pellectile exornatam contulit, Neapolitanis nouum
gentis cultum, uescendiq; morem, & odoriamenti om-
nis generis exquisitam luxuriam admirantibus. Cun-
ctis namq; dapibus insani sumptus unguenta infarcie-
bant, constabatq; pauonem cum duobus phasianis à
structore ex regia culina disciplina conditum, cētum
aureorum impensam excessisse. Quippe non cœnacu-
lum modò, quum in mensa concideretur, sed domum
uniuersam, nouo suauissimoq; nidore compluisse fere-
bant tanta inhalatione, ut à tota uicinia huius inuisita-
te & nō citò euanescentis uoluptatis odor sentiretur.
Exinde terrestri itinere ad Cæsarem proficisci consti-
tuit mare reformidans Barbarussæ hostis classibus oc-
cupatū. Iamq; Rodolphus Pius Romæ legatus, in gra-
tiam Cæsaris, uel alienos colentem deos regem Barba-
rum, præmissis qui inuitarent lautaq; hospitia offer-
rēt, erat suscepturus, nisi eum Neapolim subsistere Cæ-
sar inuississet. Erat enim uehementer intētus grauissimis
rerum consilijs, Buxetoq; in oppido cum Paulo pōtifi-
ce collocutus ad Sicambricum bellum iustis itineribus

coten-

contendebat. Sed ego postea ab ipso Muleasse regno pulso, orbatoq; luminibus didici, eum supra illas quas diximus susceptæ nauigationis causas, idcirco Africa libèter excessisse, ut magnū, quod sibi imminabat periculum effugeret. Nam uti erat astrologia peritissimus, fatali astrorum influxu amittendi regni, et saua necis cladem sibi portendi diuinabat. Quum unum uerò maxime Barbarussam sibi timendum existimaret, propterea se facile credidisse eā classē, quæ Byzantij ornabatur, aduersum se omnino parari. Quid enim absurdius uideri posset, quā Ottomannicam classē, non excidio sicuti soleret, sed auxilio Chistianis aduenturam iudicasse? Atq; ita iudicio suo potius quā syderum monitu deceptum, in eam calamitatem fuisse præcipitatum, quam tamen et exul, et inops, et utroq; captus oculo fortissimè perferret. Dum Neapoli moraretur Muleasses, intentēque spectaret, quorsum Barbarussa consilia euaderent, qui tanta instructus classe, irritō incepto ab oppugnatione Nicææ discessisset: quid Solymanus Strigonio atque Alba Regia clarissimis Hungarici imperij urbibus expugnatis moliretur: quò denique Cæsar post Duram urbem in Sicambri manu captam, arma uersurus esset, certis ab Africa nuncijs didicit Amidam filium exrepentina defectione regni Tunetani sedem inuasisse, interfectisq; ipsius amicis atque præfectis, et gynæceo incesta libidine profanato, arcem occupasse. Quibus cognitis rebus grauissimè perturbatus, in Africā omni postposita mōra traicere, et perditis rebus uel seram opem afferre constituit, ratus se excitatā re-

bellionis initia, filiumq; prius oppressurum, quàm ille collectis uiribus sese confirmaret. Illum nanque precipiti consilio asciturum sibi Turcas in auxilium putabat, qui ex Lepti, Adrumento, Cyrthaq; facile accersiri possent, ut Hispanis apud Guletam opponerentur, si ipsius Muleassis causam tueri uellent. Itaque quanta potuit festinatione prolata pecunia milites cōscribit, probante Petro Toletano prorege, & ueniā exulibus concedente, qui nomina darent, in Africamq; traicerent. Ad huius edicti famam, malefici, iudicijsq; damnati homines, Neapolim confluxere adeò frequentes, ut ex eo genere hominum iustus exercitus conflare posse uideretur, quum quisq; stipendia facere, exilij nomē abolere, atq; experiri dubij Martis fortunam mallet, quàm domo profugus & nemoribus inerrans à cōquisitoribus rerum capitalium teterriam laquei necem expectare. His ducem se præbuit è patritiorum ordine Ioannes Baptista Lofredius ingenio acer, gloriæ militaris & certii questus ex præfectura impensè cupidus. Is cum Muleasse trimestre pactus stipendium, quod statim persolueretur, delectum habuit, conscriptisq; cohortibus, milites mille & octingentos nauigijs imposuit, retenta apud se magna parte pecunie profectus in Africam, cum rege ad Guletam applicuit. Quomodo autem Amida filius à Muleasse patre defecerit, & quis eius cruentæ rebellionis fuerit exitus, non alienum erit ab instituto opere strictim enarrare. Erant apud Amidam summæ auctoritatis proceres, qui iuuenem alieno consilio obnoxium facileq; parètem pro libidine regebant, & ante
alios

alios M
 Mahon
 tus regi
 tulerat.
 haman
 nis arc
 nuptijs
 Mahon
 quod id
 occasio
 eundum
 metes co
 pettorū
 liam nec
 tum alio
 rumori
 cōcesiss
 qua mor
 fama reg
 fissent, a
 aduole
 obfes da
 haberet
 duodeu
 referens
 simus. It
 dam pati
 netum co
 dierat, a
 rig; mir

alios Mahometes eius Bohamaris filius, qui regnante
 Mahomete fuerat Maniphates. Huic Muleasses poti-
 tus regno, defectis uirilibus contumeliosam necem in-
 tulerat, obtreffatione amatoria incensus, quod Rha-
 hamanam incomparabilis formæ puellam Abderome-
 nis arcis custodis filiã, quam ipse deperiret, maturatis
 nuptijs præripuisset. Ab hac paterna necis iniuria
 Mahometes capitale in Muleassem odiũ conceperat,
 quod ideo multis compressum annis fuit, ut demum ex
 occasione patrandæ ultionis grauius erumperet. Se-
 cundum hunc erat uetere gratia insignis alter Maho-
 metes cognomento Adulzes ex Granata Maurus, sclo-
 pettorũ mirus artifex, quem Muleasses per contume-
 liam nequissimum seruorum appellare solitus ab se to-
 tum alienarat. Et cū paucis coniurantes, excitatis falsis
 rumoribus, effingunt Muleassem apud Neapolim fato
 cõcessisse, admissõq; suprema impictatis flagitio, prius
 quã moreretur, ad Christiana sacra defecisse. Hac uerò
 fama repente permotum excitatumq; Amidam circũ-
 sistunt, adhortaturq;, ut ad paternam sedem prope-
 aduolet, ne Mahometes frater, Christianis ad Guletam
 obses datus, studio fauoreq; Touarris, qui expeditas
 haberet uires, ipsi præferretur. Erat enim Mahometes
 duodeuiginti natus annos, toto ore atq; ingenio auum
 referens, & propterea Tunetanis ab ea indole gratis-
 simus. Itaq; Amida nequaquam impiger ad capeffen-
 dam patris fortunam, citato cursu è statiuis castris Tu-
 netum contendit. Populus, qui nihil de regis morte au-
 dierat, ambiguus uultibus eum excipit: & quum ple-
 riq; mirarentur, cur iniussu patris ad urbem temere

uenisset, prodijt ipse Maniphates, ut diximus, cognomento Tentis: hic Amidam seuera obiurgatione tanquam capitalis audaciæ facinus ausum uehementer increpitat, & ut in castra reuertatur suadet, resistentemq; occursum multitudinis extra urbem propellit. At Amida consilio deiectus, deceptusq; sua spe, ad Martiã regionem deflexit, quæ à portu Viçæ ad promontorium diruta Carthaginis pertinet, insignium edificiorum frequentia, & regionum hortorum amoenitate pernobilis. Ceterum Maniphates reiecto Amida, celeriter nauigio ad Touarrem se confert, ut si quid aduersi rumoris ex Sicilia allatum esset, ab eo certius exploratusq; cognoscat, & de Amida temeritate, intolerandaq; audacia conqueratur. Erant apud Touarrem dati obsides Abdalages, ipsius Maniphatis frater & Corfi Faræ arcis custodis filius. Cum his diu colloquutus Maniphates, reuersus Tunetum in suspicionem uenit perfidiosi initi consilij, quum ipse authore subleuantemq; Touarre, Mahometes obses paternum regnum affectare diceretur. Poeni siquidem suo pte ingenio mobiles, repentini, suspicaces, incertis rumoribus facile seruiunt, & quæ audierint sæpius etiam falsa temere interpretantur, pro commodo scilicet studioq; suarum factionum quibus pertinacissime sese addicunt. Exoritur itaq; per urbem rumor ambiguus, & gliscente suspicionis fama non leuis populi tumultus. Nec diu post huius turbulentæ commotionis casus, causa per quosdam ciues, quibus odiosum erat Muleassis nomen, ad Amida Martijs in hortis crebro suspirio Fortunæ suæ indignantem, celerrime defertur. Is ab eo nuncio redinte-

dinte grata spe, et certis augurijs confirmatus, Boha-
 maris et Adulcis, suorumq; omnium hortatu, Fortune
 rursus non semper incertæ bonoq; euentui occurren-
 dum ratus, Tuncum reuertitur, patentiq; ingressus
 porta, ad Maniphetis domum decurrit, quo absente,
 propinquos eius et familiares crudeliter obruncat,
 patratq; eade cruento cum agmine ad arcem conti-
 nenti cursu protinus ascendit. Ingressurū Fares custos
 cancellata exteriori ianua, prohibere conatur, cōpre-
 hensiq; audacter equi habenis inuectum urgēs retro
 auertit. Sed Fares ab Aethiope Amida promptissimo
 satellite, adacto per latus mucrone confoditur, renoua-
 toq; equi impetu, Amida per expirantis prostratq; Fa-
 re corpus equum adigit et irrumpit, repertumq; Ma-
 niphetem extemplo iugulari iubet, et per hunc mo-
 dum unius horæ momēto, urbe, arce, regnoq; potitur.
 Exinde in minores patris liberos cædibus grassatus est
 usque adeo insolenter conturbatis rebus omnibus, ut
 patris etiam concubinas cruentus sine pudore consti-
 praret. Harum rerum, uti acciderant, Muleasses cer-
 tior factus, nihil differendum esse iudicans, cum tumultu-
 arijs, ut diximus, copijs, in spem recuperandi regni
 in Africam traiecerat. Igitur Franciscus Touarres re-
 ge atq; Lofredio appulsis, uti erat prudenti perspicaci-
 q; ingenio uir, ideoq; solerti ratione imminentes ca-
 sus expendens, regi suadere cœpit, ne his cum copijs
 Tunetū ire properaret, prius quàm de Tuncanis re-
 bus, ciuiumq; animis certius cognosceret. Sustinebat
 enim Punicam fidem, et uenaliū Arabum insidias.
 Eo autē grauius ac apertius Lofredium, ne ire perge-

ret admonerat, quod in mandatis, quæ discedenti pro-
rex dedisset, disertè perscriptum erat, ne regi auidè
ituro procedentiq; parèret, nisi ualida Numidarum
manus auxilio uti promiserat aduenisset. Sed regem
atq; Lofredium in sua fata præcipites uehementer in-
citabant aliquot Asrorum procures, qui simulatione
officij egressi urbe præstò fuerant, eiq; solenni cerimo-
nia, gladijs iugulo admotis more gentis, fidei militaris
sacramentum dixerant, testabanturq; Amidā pudore
metuq; perterritum, ubi ipse in conspectum se daret,
urbe arceq; arrepta fuga protinus excessurum. Nec
mora Touarre frustra obtestante prædicenteq;, ut à
Punicis insidijs sedulò cauere, Muleasses explicatis
uexillis ad Tunetum iter intendit, subsequente alacri-
ter Lofredio. Nec defuere nonnulli periti militiae ex
cohortiū præfectis, & ante alios Cola Thomasius, &
Iacobus Macedonius, qui Lofredio suadere niteretur,
ne inexploratò progredi, & fallacissimæ gentis pro-
misso incautè credere uellet, sed tantisper cunctaretur,
dum promissa expectatq; ab rege propinquorū
Numidarum auxilia superuenirent. Ad quos superbo
ore conuersus Lofredius: desinite, inquit, qui scdò me-
tu corrupti estis, ea impudenter commemorare, quæ
uiris fortibus animos comminuant. Tantum uerò ab-
est, ut paratæ uictoriæ deesse uelim, ut rectius me sa-
cturum arbitrer, si uos ad consternendam inani metu
multitudinem, quàm ad feriendum hostem promptio-
res, ultimo supplicio puniendos iudicem. Ad ea Tho-
masius respondens: fortuna, inquit, Lofredi, non sera
unquam temeritatis ultrix, breui ut uideo, utrique
nostrum

nostrum testandæ uirtutis expeditum iter aperiet. Ego
 certè præfecturæ honori quem dedisti, non ignobili
 uitæ exitu honestè satisfaciam, tu uerò uideris, an tuo
 muneri, qui tuorum monita usque adeò superbè fasti-
 dis atq; contemnis, male consulendo inconsultèq; pu-
 gnando satisfactorius sis. Antecedebat rex cum ala fa-
 miliarium, uexilla regiorum insignium præferens,
 subsequerantur compositis ordinibus cohortes, iamq;
 ad cisternas, ubi Cæsar cum Barbarussa paucis ante
 annis confugerat, tertio ab urbe lapide erat peruen-
 tum, quū magna celeritate Hispani equites à Touarre
 missi superuenerunt, nunciantes à Barbaris procul-
 dubio instructas esse insidias ad oliueta, quòd multa
 Numidarum agmina in hiscondita ab exploratoribus
 referrentur. Sed hæc rex ipse atq; Lofredius faciliè con-
 tempserunt, quum in fata sua prouerent, et tam feruidè
 quàm incautè ad eam portam prouherentur, quæ na-
 ualibus portuiq; imminet. Tum uerò è mœnibus con-
 specto Muleasse, Afrorum equitum ualida manus ho-
 stili impetu portam erumpit, et magnis clamoribus edi-
 tis pugna committitur. Ala regia familiarium, erum-
 pentes egregiè sustinet. Sed Muleasses impigrè hastam
 quatiens, et obuios quosq; saucians in fronte uulnera-
 tur. Cruenta regis facies suos magnopere conturbat,
 et terga uertere cogit. Nec mora ex oliuetis frequen-
 tes equitum ala, peditemq; cohortes sese undiq; Lofre-
 dianis circumdant, in quos nostri aliquot minora tor-
 menta curulia emittunt. Verū his semel dispositis ad ite-
 randos ictus spatium nostris deest. Tanta enim incurren-
 tiū Barbarorū uis atq; celeritas fuit, ut nostris, ubi se cir-

cum uentos ac indagine clausos uiderunt, animi conciderent, & sedē abiectis armis occupante pauore in paludem se conijcerent, & enatando apprehendēdoq; nauiculas sese à Barbarorum gladijs eripere niterentur. Eæ nauicula magno usui fiēre profligatis, quum instructæ minoribus tormentis Barbaros, admissis etiā in paludem equis, nostros auidē consecretantes dispendendo perterrerent, atq; ipsos adnatantes exciperēt. Lofredius inopinato hostium incurſu attonito similis, equum Thracium natāre solitum, in paludem adegit, ubi nequiequam per uoraginosā uada eluctāte equo, ut in siccum rediret littus, ac honestius caderet, à Barbaris confossus atq; equo deturbatus in palude periit, & cum eo Carolus Toccus illustri Græcorū sanguine progenitus. Solus ferē omnium Cola Thomasius, uti prædixerat, constantissimē occubuit, adhortatus notos centuriones atq; præfectos, ut secum impigrē dimicantes decoram pro dignitate antea actæ militiæ, mortem potius oppetere quā turpissimē in paludis cœno perire mallent, atq; ita multis Barbarorum confossis & obtruncatis inter cadauera hostium non inulti ceciderunt. In his fuēre infauste uirtutis laude digni, Iacobus Macedonius, Antonius Grandillus, & Laurētius Mōfortius Neapolitani honesti ciues, Reliquos hausit palus aut hostilis gladius absumpsit, quum melior sorte Franciscus instruendæ aciei magister, cum Antonio Buccaplana, & Lucio Brutio incolumis enataſset. Mule asses suo eruoze, & multo puluere sedatus quum inter turbam terga uertentium profugeret, nulla alia re magis cum hostibus prodēte, quā unguentorū odore agnitus ca-

tus captusq; est. Desiderati sunt ex ea cæde supra mille & trecenti, reliquos Touarres uestiendos recreandosq; curauit, qui non multò post transportati in Siciliam, à Messanæ freto pedibus redeuntes, ab egestate squaloreq; deformes, eam cladem Neapoli miserabilè fecère. At Amida uictor nihil antiquius habuit, quàm ut patrem, adempto ei oculorum lumine, immaniter obcæcaret, quod fiebat candenti scalpello, proscissa utriusq; oculi pupilla. Eandem fraternæ seuitiæ iniuriam tulère Nahasar & Abdalas cum Muleasse patre capti. Francisco autem Touarri significauit apud se seruari paucos, & hos quidè imberbes captiuos. Muleassi uerò patri atrociora promerito, uti ille fratribus suis olim fecisset, oculorū se usum ademisse, reliquisse autem uitam, ut cæteris crudelissimè seuientibus exemplo foret, & ipse erga perfidiosum patrē à clementiæ nomine non abhorruisse testaretur. Firmavit demum certis conditionibus eandem, quæ cum patre fuerat, amicitiam: quum eam sibi magno usui, in ea præsertim noui regni perturbatione, futuram existimaret, nihil aspèrnante Touarre, quod præsentì commodo seruire posset. Nam percussis inducijs Amida aliquantum pecuniæ representauit, quæ stipèdij nomine præsidiarijs Hispanis solueretur, reddiditq; nonnullos captiuos, et in his è Rabatimorum ordine circiter uiginti equites Christianos, quos custodiæ antea tradidisset, tanquam in fide patris contumacissimè perseuerantes. Ad hæc quoq; restituta sunt cuncta ad unum Lofredij uexilla, cadauerq; eius, adempto tamen capite, ad sepulturam remissum est. Dedit etiam obsidem Sehitem filium an-

norum nouem, quod nomen apud Pœnos bene fortuna
 tum significat, ea tamen conditione, ut si ex his in-
 ducijs, quæ temporariæ uidebantur, pax esse non pos-
 set, atq; inde oriretur bellum, Sebitem sibi Touarres
 incolumem continuò redderet. Impetrata quoq; sunt
 à Touarre Lofrediana tormenta, quorum iacturam
 quanquā non magnificeret, Tunetanis tamen hostibus
 aliquando profuturam indicabat. Eæ induciæ quan-
 quam non iniquæ & multis de causis necessariè uide-
 ri poterant, ideoq; à multis probarentur, nequaquam
 tamen Touarres ex dignitate Cæsaris esse statuebat, q;
 indignum foret eum potiri regno, qui inmani persi-
 dia, nefarioq; scelere, id contra Cæsaris auctoritatem
 occupasset. Quamobrem Touarres noua agitât con-
 silia, quibus uel ingrati, uel auari animi ratio inclusa
 uideri poterat, accersendumq; legitimæ hæreditatis
 regem statuit, qui nutu Cæsaris Amide iniuria uehe-
 menter offensi, apud Tunetum Christianis auspicijs im-
 peraret. Erat Apud Numidas Adamelech exul ab eo
 tempore, quo Roscetem ad Barbarussam confugisse
 docuimus. Hūc, quod esset Muleasis germanus frater,
 ad spem regni euocat, confisum Anemsehæ Numida-
 rum reguli opibus. Nam apud hunc benignè exceptus
 hospitio diu permanerat, quum è Biscari mediter-
 ranea urbe, occupantibus eam Turcis, ad interiora Nu-
 midie profugisset. Nec oblata occasione deest Abda-
 melech, hortante præsertim Numida, & prædicenti-
 bus iam pridem astrologis, cum proculdubio regem e-
 uasurum, & regni compotem in ipsa regia Tuneti
 excessurū è uita. Patrandæ autem rei peropportunum
 tempus

tempus aduenisse uidebatur, quod tum abesset Amida, uti compositis urbanis rebus, ad Bisertam profectus, ut ibi piscosi lacus magnam uestigal exigeret. Itaque Touarres, ut factionis fidem tueatur, Sehitem puerum nauigio Tunctum remittit, excipiturq; ab eo Abdamelech, qui noctu maximè confectis itineribus ad Guletā peruenerat. Is celeritate speculatores praeuertendos ratus, paucarum horarum quietem equis recreandis tribuit, et cum globo Numidarum ad Barbasuccā Tuncti portam peruolat, ingressusq; confestim ad arcem contendit. Nec cum portæ custodes morātur, rati cum esse Amidam, qui à Biserta redisset. Nam Abdamelech felici dolo totam faciem linteis sudarijs inuoluerat Pœnorum more, qui eo uelamento uti solent, ut ora à solibus puluerq; defendant. Eo cognito attoniti custodes, quum ad arma discurrerent illico trucidantur, unusq; ante alios aduersari ausus primæ custodiæ prepositus Nanserhalla natione Siculus confoditur, atque ita Abdamelech deterritis cæteris, et nihil præ metu se commouentibus, admissaque in arcem Tunctanorum ciuium manu, rex salutatur. Is ante omnia Sehitem puerum custodiæ tradit, et in eandem formulam Touarri tributum pollicetur, qua Muleasfes à Casare regnum accepisset, eique in partem stipendiij aureorum nummum sex millia dinumerat. Neo multo post in lethalem incidit morbum, et ut diuinantium mathematicorum fidem impleret, trigesimo sexto imperij die uita excedens, regio funere elatus est. Pontentissimi autem amicorum et Tunctani principes, obnixè fauente cohortantēque

Touarre, Mahometem filium annorum ferè duodecim regem crearunt, eiq; statim adhæserè, qui etatem eius regerent, muneraq; rerû publicarû ex arbitrio obirèt, Abdalages Maniphates, qui interfecti Temtis erat frater, & qui tum erat Mesuar Abdelchirinus, quæ uox seruum exprimit liberalem. Secundum hos Scyrisus Mahometane peritus legis, ex Bugæa origine Maurus, & Ioannes Perellus ex equitum Rabatinorum ordine patria Tarentinus. His cuncta parebant, sed Abdelchirinus intempestiu & probitatis atque prudentiæ consilium coquens, quum diceret Tunetane ciuitati ne quaquam puero rege esse opus, sed statæ etatis maturiq; ingenij uiro, qui alienis consilijs circumduci non posset, exitium sibi citò peperit. Excogitans enim quonam modo regiæ strpis regem efficeret, frustra circûspiciens, nec consilium maturè explicans, præoccupantibus collegis est interfectus, ea crudelitate, ut nec propinquis eius nec clientibus parceretur. Eo sublato, ceteri quos diximus, summæ potentiæ ueræq; tyrannidis triumuiratum condiderunt. Sed Perellus gynæceum inuasit, quod ei tanquam professione Christiano tum licebat, & in libidinem effusus, Amidæ cōcubinas ad unâ omnes constuprauit singulari cum dolore Amidæ, qui Tuneto exclusus, errabundusq; ad Leptim, atq; inde nauigijs ad Sceccum Gyrapolitanum Mænicis pertinule regulum confugerat, passim ab omnibus opem implorans ad repetendum regnum, quod è nefarijs hominibus summa perfidia occupatû indignissimè uastaretur, quum regi puero impotenter atq; improbè dominari, quàm ei sincera fide in administranda Republica

adesse

adesse mallont. Hæc eadem uera esse Tunetani sentie-
 bant, querebanturq; de Abdelchirini morte, qui opti-
 matum princeps paterq; patriæ, à perditissimis homi-
 nibus nefarie fuisset interfectus: neq; pati poterat ciui-
 tatē gubernari à triumuiris, qui nullum auaritiæ, libi-
 dini atq; seuitiæ modum imponerent, quorum domi-
 natus, si regis pueri maturior ætas foret expectanda,
 crescente in dies licētia, multo durior ac acerbior eua-
 surus crederetur. Dū eo modo Amida notos sibi adiēs,
 & à singulis auxilia postulans, ciuitatū erga se uolun-
 tates excuteret, multisq; pollicitationibus nouas pas-
 sim sibi amicitias parare cōtenderet, Muleasses pedore
 carceris, & suæ calamitatis deformitate miserabilis, à
 fratris filio rege impetrauit, uti arce egredi adireq; tē-
 plum sibi liceret Ameti Benaros uiri olim sanctissimi,
 quod apud Afros in urbe Tuneto asyli inuiolabilis no-
 mine augustissimum habetur. Nec diu post, quum Ber-
 nardinus Mendocius Hispanicæ classis præfectus ad
 Guletam applicuisset, expetente Touarre, è templo ad
 stagnum, atq; inde nauigio ad Guletam perductus est,
 ut consultationibus interesset, quibus arma aduersus
 Amidam, totiusq; eius oræ Turcas pararentur. Mu-
 leasses antea Tunetanorum sibi ualde insensuorum gla-
 dios effugerat, mulierculæ inopis misericordia serua-
 tus, quæ eum anili pietate in scrobe multis alij sertis
 coopertum aduersus queritantes abscondisset. Nec mi-
 nore quoq; salutis sorte mortem effugit, quum oppor-
 tune ad Guletam esset aduectus, quando ei Amida uir
 seuus, qui mox Tunetum repetijt, uel in augusti tēp lū
 asylo, uti ipse referebat, minimè esset parsurus. Ma-

leasses paulò ante filiam nomine Meluccam, quæ uox
 Angelam exprimit, Touarre auspice, puero regi, uel
 improbantibus Tunetanis, desponderat. Ea res ciuium
 animos ita exacerbauit, ut Amidam euocare literis,
 nuncijsq; accersere maturarent. quibus ille confusus, ne
 occasione iam planè suo arridenti uoto deesset, è Gyra
 poli profectus, biremibus Turcæ prædonis, cui debili-
 tati cruris uitium Claudii cognomen fecit, Leptim ad-
 uehitur, atq; inde coacta equitum manu Tunetū per-
 uenit, tanta celeritate, ut regi puero uix euadendi, &
 scapham conscendendi spatium daretur, cunctaq; ei
 paterent, nec quisquam arma corripere, aut hiscere
 auderet. Primum omnium Amida Perellum è latebra
 erutum omnibus tormentis excruciat, abscisisq; uiri-
 libus uiuum in foro comburi iubet. Nec Perello animi
 constantia defuit, quum oblato uitæ munere adduci
 non posset ut à Christiana religione deficeret. Nec mil-
 tò post quæstione habita, Maniphatem, quem Adame-
 lech crearat, interficit: atque item urbis prætorem, &
 secundum hos ex ordine Rabatimorum circiter qua-
 draginta, quorum cadauera rex inhumanae feritatis
 laceranda canibus obiecerat, aliàs solitus in uiuos etiã
 homines mordaces molossos, diuturna q; fame, ut aspe-
 rius seuirent, efferatos immittere. In eo quoq; supra
 crudelitatem incesta libido uehementer efferbuit, quæ
 nec sorori quidem parceret, & in omnem sexum, ut è
 forma ad genii respöderet, improbissimè debacchare-
 tur. Ceterum Muleasses non diu apud Guletã subsedit
 ut ipse aiebat, Touarris auaritia grauitè offensus.
 Querebatur enim ab initio deposita apud eū regiam
 gazam

gazā nequaquā integra fide tam iniquē à fortuna multato reddita fuisse, preciososq; suppellectilis partē cū insignib. gēmis certoq; auri pōdere, sibi misero iniquissimē surreptā. Quū autē eius cōtumelia notā Touarres pluribus argumentis diluere properaret, cō res est perducta, ut Touarres ab rege furti et peculatus apud Cesarē reus efficeretur, et uterq; in Germaniā cōtenderet. Verū Cesar ad æquitatē facti cōtrouersia adducēs cōposita potius quā dijudicata lite, eo exitu utrūq; dimisit, ut Touarres ex Guleti præfectura detractus sit, Muleasses uerò in Siciliā perduceretur, publico Siculorum sumptu alendus. Filius autē eius Mahometes qui obses fuerat, ad ultiores Numidas Lentigesie aduie propinquos, ut fraterni imperij successum tulius ab insidijs expectaret, auis itineribus cōfugit. Quū ex itinere Muleasses Romā uenisset, excipereturq; cōuiuiō ob Alexandro Farnesio Cardinale, ita se ad uarias per cūctationes humanū facilemq; præbuit, ut insigni cultus et gustus grauitate ueteris fortuna maiestatem tueretur. Nā ab elati ingenij more Barbaris insito, deductus ad Pōtificē, nequaquā maiore honorē impedit, quā ut ei gēnu tantū oscularetur. et qui oculorū orbes lintea uitta occultatos gerens nihil intueretur, obfusa tamen et erecta ceruice regie superbie insolentiam referret. Ab eo demū narrante multa literarū memorie digna, de recentibus bellis, Punicisq; rebus, et institutis didicimus: et quū non iniptē de Philosophia sermones illati essent, quanquā per idiotas interpretes colloqueremur, perspicuē tamē eū Auerrois studiosum et sectatorem disputādo deprehēdimus. De natalibus

autem suis ita differuit, ut Chorreae familiae nomē, ex qua ipse prealto stemmate natus est, ad Homarem Mahometis pseudopropheta cōsanguineum atq; discipulum referret, cuius stirpis Tunetani reges, nihil inter-cisa, aut alieno sanguine deprauata serie per noningētos supra quinquaginta quatuor annos regnarint. Propterea affirmabat Tunetanū regē, augustiore cōgnomento appellari, Emir Mumenim, hoc est in religione optimē credentium principem. Memorabāt autem familiares eius neminem ei uirtute equestri peritiāq; armorum posse comparari, quum ex edulatione iactarent eum, quod ad uenatoriæ artis decus pertineret, non multis ex quo imperasset annis, ducentos amplius iubatos leones in syluis equestri lancea confixisse, quorum tergora siccata repletaq; paleis, ad imaginem uiuorum, tēstimoniumq; uirtutis, tanquam decora proximaq; militiæ honestissimæ exercitationis trophæa, in peramplis hortorū porticibus spectarētur. Quibus de causis, Mulcasses tam seuo diræ calamitatis infortunio prorsus indignus nobis etiā uideri possit. Eodē hyemis initio, quo Mulcasses ab aduersa fortuna acerbissimē multatus est, & Barbarussa Nicææ arce nequicquā oppugnata, ad Tolonem in hyberna concessit. Franciscus rex à Belgico bello honesta cum laude reuersus, quod Lādresiano præsidio opem fortiter attulisset, productaq; acie Cesari maximis gentiū ferē omnium aucto copijs pugne potestate fecisset, noua copiarū supplemēta in Italiam misit, ut amissi Mōteuici detrimentum Buterius nouo ausu resarciret. Iā enim Hipporegiam tormentis adortus, eodē præsidium Cesariano

Cæsarianorum adduxerat, ut prostrato muro egerri-
 rimè Gallorum impetum sustineret, & deditionē bre-
 ui facturum uideretur. Sed aduētū Anghiani noui du-
 cis ex Gallia, Buterius quum ab eo cessare oppeririq;
 se iuberetur, cum recentibus scilicet copijs appropin-
 quantem, ut praelio & expugnationi urbis interesset,
 indignabundus ita impetum represit, ut hosti ad eri-
 gendos nouos aggeres, cōfirmandosq; animos spatium
 daret, & parte propè uictorie deesse mallet, quàm e-
 ius propè confecti negotij laudem cum adolescente im-
 peratore communicare. Is erat regie stirpis è Borbo-
 nia familia, quem Masilia Barbarussam excepisse do-
 cuimus: cui Buterius uetus miles, & dux ingenio turbi-
 do nihil præter honoris nomen militiæ concedendum
 existimabat, amissaq; proinde uictoriæ cūctū malignè
 letaretur, quā ille imporiūno imperio iuuenilq; libi-
 dine interpellasse uideri posset. Hoc enim ingeniorum
 habitu, & tum, & sæpe aliās Galli duces inter diras
 obrectationes bella administrare ita erant soliti, ut
 rempublicam post priuatum decus facillè haberent:
 neq; ob id pœnam à mitissimo rege uererentur. Galli
 etiam per eos dies Crescentinum oppidum tormentis
 quassatum, & Desannam, sanctiq; Germani uicina op-
 pida Cæsarianis ademerant, magno cum dolore Vastij
 qui frustra diu postulata à quæstoribus Insubrum pe-
 cunia, ut nouas conscriberet cohortes, imparatus, in-
 feriorq; multis rebus per hyemem bellum gerere coge-
 batur. Processerat tamen Nouariam usq;, quantis po-
 tuit coactis copijs, ut provincie presidio foret. Nam
 Galli intra Montisferrati, & Sabaudie ditionis fines

se intulerant, & circumfessuri Carinianum oppidum, quod est iuxta Padum positum, uidebantur. Id Vastius paulo ante occupatum (ut diximus) ualidis aggeribus munerat, praefeceratq; ei Pyrrhum Stipicianum summae uirtutis atq; constantiae uirum. Ei autem aderant Felix Archius, cum Germanorum cohortibus tribus, & Michael Hispanus cum totide Hispanorum uexillis congestisq; omnis generis comœatu Gallorū impetum expectabat, quod summa opportunitatis esset id oppidum ad gerendum bellum aduersus Gallos, qui obiectu eius munitissimi loci magnopere tardabantur, ne ulterius profferrent uires, & liberius reliqua oppida tentarēt. Gaudebat Vastius accessione eius oppidi multis de causis, eaq; praecipue quod amissi superiore anno Claraschi par detrimentum hostibus rependisset. Itaq; obstinatis animis, & Vastius id tueri, & Anghianus obsidere atq; recipere contendebāt tanto studio, ut Anghianus longā obsidionē institueret, castris in conspectu hostis positus: & Vastius ē Germania in auxilium duas legiones accerseret. Tota namq; utriusque imperij, existimationisq; ratio in eius oppidi defensione, expugnationeq; posita erat, sic ut plerique facile praedicarent, uti mox euenit, eam contentionem uniuersae pugnae casum allaturam, quod antea per octo annos inter perpetuum gerentes bellum nunquam accidisset. Proinde futurum, ut una insigni pugna diuturno bello, intolerandisq; miserorum incolarum calamitatibus finis imponeretur. Iam plures menses Pyrrhus obsidionem atque inedia fortissime sustentarat, sic ut praesidij lectissimi milites ab inopia rerū extremaq;

tremāq; desperatione auxilij, de eruptione cogitarēt. Sed eos Pyrrhus animo corporeq; ad perferendas totius inopie difficultates paratissimus, blandis honorificisq; alloquijs in officio continebat, quum nullam edendo praelio, si erumperent, occasionem ad uictoriam ostendi differeret, proindeq; eum conatum felici euentu cariturum, quoniam Galli nequaquam temere, uti alijs, sese circumuallassent, multisq; tormentis atq; equitatu essent instructi, sperarentq; sine sanguine uictoria potiri: quando etiam ab oppugnationis consilio propter mirificos aggeres, praestantisq; praesidij opinionem, non ineptē discessissent. Neque deum de Vastij studio diligentiaq; esse dubitandum: cum enim & suae laudi, & publicae causae, totq; militum obsessorum saluti magnificē atque impigrē satissaturum. Propterea aequis animis uini desiderium tantisper ferrent, & his quorum copia adhuc superesset, uitae alimentis contenti essent, postquam uiri fortes non ad fursures tantum, sed ad inusitati generis cibaria, pro commodo principum peculiariq; sua laude, aliquando descendissent. Ea quoq; erat Pyrrhi commitas externis iucunda militibus, ut uini lagenas, quas sibi expetenti Angbianus hostis humanitatis causa dono mittebat, nequaquam sibi reservaret, sed uirum praefectis atq; signiferis quadam parui calicis libatione, quod pleno potui non sufficeret, hilariter dispariretur, Germaniq; uel natura uini appetētes, patienter & iucundē puteali aqua sitim leniret, & cuncta obsidionis incommoda prius se fortiter perpassuros, quā indignum quicquam uctere gentis constantia de

deditioe auribus admitteretur, per centuriones atq[ue] auctoritate
 signiferos confirmarent. Vastius quoq[ue] eorum animos sicque mu-
 per literas, quum speculatoru[m] facultas dabatur, bonis aliecti m-
 spei implebat, salutemq[ue] totius presidij & singuloru[m] busq[ue] pen-
 prefectorum de cuius summa cura sibi futurum pollice- iligentia p-
 batur. Eo tempore Caesar ueteribus suis innixus con- lectatur pro-
 filijs, ingens agitabat bellum, quo Galliam in eunte & tus in cons-
 state inuaderet, experireturq[ue] maioribus coactis ui- arent, qua-
 bus, an Franciscus rex elici pertrahiq[ue] posset ad sum- positam esse
 mam dimicationem uniuersae pugnae, in spem amplif- anquam ex-
 sinnae uictoriae, quam sibi nuper ad Landresium propo- de uero ita
 sitam, e manibus elapsam fuisse iudicabat. Hoc ut asse- anuum nouis
 qui posset, assidue dabat operam per legatos, ut Hen- Neapolitan-
 ricus Britanniae rex in Galliam matur e traiceret, suo- nices, duas
 pte ingenio, & more gentis Gallico nomini insensissi- uibus inuio-
 ma magnopere concitatus. Cum eo nanque ita foedus emu, si ita u-
 percusserat, ut Galliae regnum certa conditione cum- or. His praec-
 Anglis partiretur. Tantum enim Caesaris odium uale- is, & Bre-
 bat aduersus Gallos ab auorum usq[ue] memoria conce- principum e-
 ptum, ut grauissimarum offensionu[m] ex repudiata ada- stius, quod
 ctatq[ue] ad necem matertere penitus obliuisceretur, nec- orici splen-
 iniquum & fide sua indignum existimaret, ad contu- fuerant in
 meliam Pontificij nominis, cum eo rege foedere con- agnu[m] inde
 iungi, qui propter euersa sacra, despectamq[ue] & con- no, agrestiu[m]
 uulsam Romani Pontificis existimationem, Christiano- bus magni-
 iure anathemate a Romano senatu fuisset damnatus, nis generi-
 ipso praesertim Cesare id orate postulanteq[ue], quum se- equanquan-
 in Britanni regis gratiam nunquam redituru[m] iurasset, tate admod-
 nisi Pontificiae dignitatis Henricus satis faceret, & ad- us Baro Sc-
 ueteres sacrorum ritus, pristina[mq[ue] Romani Pontificis quin pro-
 auctori-

auctoritatem se conferret. Quod autem erat reliquū,
 assidue inuigilabat, ne Germani milites Gallicis stipen-
 dijs allecti in Galliā transirent. propositis edictis atro-
 cibusq; pœnis, his, qui id ausi deprehensiq; essent. Pari
 diligentia pagorum Heluciorum principes aggre-
 dicbatur promissis atq; muneribus, ut Gallorum dele-
 ctus in conscribendis cohortibus impediret, aut retar-
 darent, quando in eius gentis auxilijs salutem Galliæ
 positam esse prospiceret, quæ Germanicis legionibus
 tanquam ex æquata uirtutis opinione opponi possent.
 Ne uerò Italia negligeret, ipsumq; præsertim Medio-
 lanum nouis Anghiani copijs ad prædā expositum,
 Neapolitanosq; Barbarussæ classis reditum extime-
 scentes, duas Germanorum legiones in Italiam misit,
 quibus iniunctum est, ut Vastio operam præstarent, ac
 demū, si ita usus posceret, mari Neapolim deueheren-
 tur. His præerant duo Scaligeri procures, Christopho-
 rus, & Brennor, qui stirpis ueterum Veronensium
 principum esse dicebantur. Harū spe legionū confusus
 Vastius, quòd erant ex delectu Vindeliciæ, Baioariæ, et
 Norici, splendentibusq; thoracibus & galeis Mediola-
 ni fuerant instructi, e Vercellis Astam se contulit, &
 magnū inde sarcinariorū iumentorum usq; a Medio-
 lano, agrestiumq; carrorum numerum contrahi iussit
 quibus magna uis instituti & antea parati comæatus
 omnis generis, Carimianum ad obfessos conueheretur.
 Et quanquam non multi apud se essent Hispani, nec
 plene admodū essent ueterum Germanorū cohortes,
 quas Baro Seisnechus ducebat, tamen non deterreba-
 tur quin prodiret, confirmatus præsertim Italicis co-

hortibus, quæ amplius sex millium militum numerum implebant, eorumq; magna ex parte sclopettariorum, qui assueti inueter atq; perpetuis Subalpini belli expeditionibus, egregiæ exercitationis opinionem fuerant consecuti. His omnibus præerat Robertus Sanseuerinus, princeps Salernitanus, cui adiutor et propè magister à Vastio fuerat attributus Caesar Masius è Neapoli uetus peditum præfectus, quo nemo plura stipendia meruerat, quàm per triginta annos Casari integra uirtutis et fidei fama operâ nauasset. Vna tantum Vastiusangebatur equitum paucitate infirmitateq; , quàm uix septingenti galeati recenserentur, qui etiam leuis erant armaturæ comparatione Gallorum equitum, apud quos iusti roboris cataphractorum alas esse didicerat, quarum impetum Casariani apertis in campis nequaquam laturos uiderentur: ob id præcipuè, quod illustres aliquot iuuenes, quorum principes erant Vidamius summo loco in Carnutibus natus, et Asseius Aruernus Galeoti totius Galliæ tormentorum præfecti filius, pingne studio è Gallia hortatu regis in castra uenisse, secumq; adduxisse plures eximie alacritatis equites, exploratum habebat. Quibus de causis coactus est confugere ad Cosmum Medicem, implorando ut sibi in tanto periculo, tantaq; exiguitate temporis, nouos conscribere milites nequeat, ab Etruria equites submittere. Cosmus, tametsi cauendum sibi ab insidijs exulum, qui aduersus se parari audiebat, et tuendam à Barbaruss impetu maritimam oram arbitraretur, quâdo apertam Vere Barbari ad nauigandum idoneum tempus habere uiderentur, Casari tamen, cui summa omnia de-

bebat.

bebat officia, & Vastio aqua postulanti, communi in
 rerum discrimine deesse noluit, misitq; Rodulphum
 Balconum Malatestæ filium cum insigni ala ueterano
 rum equitū: cuius accessione Vastius adeò letatus est,
 ut in spē ueniret confirmandi equitatus sui, experiun-
 daq; prælii fortunæ, quū peditatu superior, aut certè
 par tuto configere se posse speraret. Nam eo animo
 hostes duce Anghiano, apud quem erant periti atque
 acerrimi duces Thermeus atq; Buterius, ad uillam Stal-
 loniam castra posuerant, ut Vastium illac pertransire
 conantem, iusta edita pugna adorirentur. Erant non-
 nulli, togatq; præsertim, qui pugna casum Casaria-
 nis, tanquam minus necessarium omnino uitandum
 esse prædicarent, ob idq; ducendū quoquomodo bellū,
 ut Gallorū feruida gentis impetus, non collatis in acie
 uiribus, sed uti sæpe aliàs, spatio, & mora, leuibusq;
 prælijs frangeretur, nec tamen aduersas, quæ summæ
 erāt in negotio, difficultates explicarent, sic ut Vastius
 ea tanquam uetera, & in præsentī rerum momento
 parum opportuna aptè reselleret, atque eas quæ aliter
 euadi nequirent, fortiter audendo superandas esse de-
 monstraret. Nam præterquàm quòd receptus omnis,
 segnisq; cūctatio ignominia & durissimi exitus peri-
 cula ferrent, triplex etiam incommodum, quod immi-
 neret, cum magnopere de summæ rei euentu sollicitum
 reddebat, hortabaturq; ut suscepti consilij propo-
 situm teneret. Primam erat pecuniæ inopia, instantibus
 iam stipendijs: quando per mensarios curata Genus
 uel magnis usuræ impendijs ægerrimè representa-
 retur: nec quæ erat Insucribus imperata tanquam

ab assidue expilatis, facile exigi et comportari posset, sic ut non temere timendum foret milites posse dilabi, qui sine stipendijs, propinquo praesertim ualido hoste contineri non possent. Secundum positum erat in salute tot fortissimarum cohortium, quae cum Pyrrho, cui propter datam fidem desse non poterat, extremū uite ac existimationis discrimē se adire, literis et varijs significationibus ostendebant. Postremū erat defecturi cito commectus timor: nam ex cōtinua pluuia, durisq; subuectionibus per lutulenta itinera, penuria adeo creuerat, ut paratus ad subleuandos obsessos commectus, in alimenta praesentis exercitus absumeretur. Porro apud Gallos cuncta erant paratiora, et rerū omnium opulentiā pleniora. Nam Anghianus, quanquam adhuc imberbis imperator, ueterum ducum suorum consilia secutus, Carinianum duplici fossa, perpetuaq; munitione circumuallarat: binos in Pado pontes statuerat, lunatisq; aggeribus utraq; pontium capita munierat, per quos quotidiana omnis generis commectus copia nusquam impeditus utebatur, et ad uillam Staltoniam, qui est uicus ultra Padum, positis castris, atq; his aggere et fossa permunitis (ut supra diximus) hostium aduentum expectabat. Erat in conspectu Carinianum, intercedente Pado: ad dextram relinquebatur Carmagnola oppidum, et ad leuam Montecaleriū, quae Gallicis praesidijs tenebantur, ita ut Caesarianis inter castris praesidiaq; hostium ab Asta mouentibus, iter esset habendum. Interim Vastius missis ad Montemclariū Salernitano cum Italoꝝ cohortibus, quum illac se transi-
turum simularet, eo non multo post reuocato, ad leuā
per

per superiora uersus Summaripæ oppidum exercitum
duxit: eodemq; die Montatam castellum, quod ex iti-
nere occuparat, peruenit, ratus se postero die Sum-
maripæ, tertio Casalem, quod appellatur Crassum, quarto
Carinianum omnino peruenturum. Cuius suscepti iti-
neris rationes disertè explicabântur, quod superiori-
bus locis Padum uado transire, eoq; itineris flexu
Transpadanos hostium comiteatus intercipere, & si
hostes superuenirèt, erûpentis præsidij certissima ope,
incipitiq; acie inclusos, aut auertere, aut profligare so-
luta obsidione sperabat. Verum hæc uel appositè con-
sulta Fortuna irrisit, uti impotēs bellicarum rerû pro-
libidine gubernatrix. Nam cælum densa nube turgidiâ
tantam uim imbrium iter habenti superfudit, ut riuû
agrorum dudum sine aqua in speciem annuum atque
torrentiû intumescerèt: itinera præalto obsita cœno,
carrorû rotas deuorarent, equi tenaci luto semibauisti
ad incessum cogi nequirent, & milites amissis calceis
ægrè eluctando madesacti, iniquitatè itineris, nec de-
sinentem cæli iniuriam deiectis animis non perferrèt.
Augebat tanta incommoda comiteatus propè immi-
nens desperatio. Nam assiduo imbre infusus humor,
cruda pariter & cocta cibaria corruperat, tam foedo
tristiq; incommodo, ut milites quatuor dierum cibaria
secum ferre iussi, cum publica tum priuata alimentorû
iactura magnopere turbaretur. Tum uerò Vastius fru-
stra indignari infestæ fortunæ, ab Asta noui comiteatus
supplementum adduci iubere, cōsolari, passim milites,
ut id pluuiæ detrimentum constanter ferre, & non du-
biam cæli serenitatem ad uictoriam expectare uellent.

interim per Salernitanū italicasq; cohortes castellum
 Sancti Stephani expugnari iubet, grauioraq; duo tor-
 menta ibi deponit, quod ea, propter iniquitatem itine-
 ris, uel duplicatis equorū & boum iugis perducī non
 possent. Cunctis difficultatibus remedia quæ ferri po-
 terant diligenter adhibet, & cohortando milites spe
 prælii atq; uictoriæ implet. Non deerat peritus loco-
 rum Vistarinus, qui ē Chorio per Federicum Douariā
 Vastium hortaretur, ut omīssa priore uia, ad se iter
 conuerteret, quod Sanctanna amēis facīle uado supe-
 rari, & Cherij amplissimo oppido exercitus aliquan-
 tiſper recreari posset, indeq; apparatis pontibus, ob-
 sessis opem ferendi, & si hostis sese offerret, a quiorē
 conditione configendi facultatē esset habiturus. Iam
 designati itineris quartus effluxerat dies, quum Mon-
 tata nondum excessisset, grauiſimis atq; inopinatis re-
 rum casibus retardatus. At Galli de consilio itinereq;
 hostium nō inani coniectura iudicantes, ē uilla Stallo-
 nia, ubi aliquandiu confederant, motis castris, ut hosti
 propinquioreſ essent, ad Carmagnolam oppidum se
 contulerunt, intentiq; & cuncta explorantes, ad o-
 mnem pugnæ occasionem corpora atq; animos para-
 runt. Sequenti die Vastius, quum sol uel ambiguus cæ-
 lum serenasset, uti statuerat, iter à Montata ad Summa
 ripam direxit. Ipse ad dextram cum manu equitum ad
 Stallonia castra unde hostis discesserat, & ad Carmag-
 nolam usq; lustrando loca prouectus, reperti hostes
 contra consuetudinem ad lenia certamina elici non
 posse, eosq; tormentis tantum instructos in muro con-
 sistere. Excepit tamen duo milites fortē uagos, à qui-
 bus

bus eadem, quæ de hostibus antea didicerat, certius cognovit: paratum scilicet esse Anghianum prælio decertare, cumq; ornatissimo abundare equitatu, quo se cæteris rebus parem, hosti superiorem, et deniq; victorem euasurum confideret. Vastius interea, quod magno usui fuit, ex itinere Ceresolam vicum à præeuntibus occupari iussit, eiq; Guterium Chesadam corporis custodiæ præfectum, cum ducentis scelopettarijs præsidio imposuit. Et quanquam ad Summaripam, quod magnopere cupiebat, peruenire contenderet, Ceresole tamen necessario castra ponere coactus est, quod Germani tardius subsequerentur propter tormenta, quæ nisi difficili magnoq; conatu pertrahi non poterant, et Hispani ad postremum agmen relictæ, ingruente iam nocte, redintegrataq; pluuia, à reliquis longe abessent, ac Salernitanus Italos, uarijs atque durissimis afflictos incommodis, extremæque lassitudine fatigatos adduxisset: quibus omnibus, si Summaripam petere uellet, uallis frequenti aquarum uoragine et alnis, multisq; huiusmodi arbusculis impedita, per tenebras erat superanda, atq; eo incommodius, quod nisi ualde angustos et raros aditus ab agrestibus subdita materia constratos transituris præberet. Vlra eam uallem paulò ante extraordinarij recentioresq; Itali leuis armaturæ processerant, ductante Cesare Massio, cœptisq; et protrahitis leuibus prælijs propinquo hosti speciem præsentis atq; instructi Cæsariani exercitus fecerant, sic ut Galli, qui densa acie incumbabant, aliquandiu sustentati atq; repressi, transcundæ uallis consilium abijcerent,

quam si transissent, Cesarianis profectò magna ex-
 ta clades erat expectanda, uti postea Vastius animad-
 uerso disiuncti imparatiq; exercitus sui periculo, con-
 fessus est. Is postero die à Ceresola discedens cunctum
 exercitum tormentaq; traduxit, sic ut distincta suorū
 agmina aduentanti à Carmagnola hosti, patentibus in
 campis ostenderet, & per leuem Italarum armaturam
 pugna accendi iuberet. Nec defuerunt oblatae pugnae
 Gallorum duces, qui se alacriter ad committendam pu-
 gnam accinxerant, eam multo tubarum clangore de-
 poscentes. Iam utriq; leuis armatura disperso tumul-
 tuarioq; certamine pugnauerat, quum fortè Itali tor-
 menta duo audacius in aciem producta Gallis ademe-
 runt, indeq; clamor ingeminatae uictoriae sublatus est.
 Tū uerò Anghianus uniuersas copias hoc ordine con-
 stitutas promouit: in media acie Vascones, & reliquos
 Gallici nominis ueteres pedites optimè armatos, deco-
 ro cultu cristisq; fulgentes ita collocarat, ut eis Helue-
 tiorum iam pridem Subalpino bello inueteratorū ua-
 lidam manum applicaret, quibus tota frons latè exten-
 sa & equata certo subsidio firmabatur. Dextrum cor-
 nu Heluetijs, qui nuper aduenerant, insigni animorū
 ardore pugnam poscentibus, attribuit. In sinistro autē
 cornu consistere Gruerij non multi usus, & subagreste
 militum genus. Hic erant ex regionibus quae ad Losan-
 nam & Geneuam, Lemannumq; lacum pertinent, Hel-
 uetijs Bernensibus & Sedunis finitimi. His admixtae
 erant Italicae exulumq; praecipue Insubrū & Allobro-
 gum, Subalpinorumq; aliquot cohortes, acies quidem
 magna multisq; uexillis conspicua, sed quae ex tyronū
 magna

magna ex parte diuersa utentiū lingua, & tumultuarijs delectibus conflata, nullam propè certæ uirtutis aut firmi consensus opinionem præberet. Triplicem peditum aciem, triplex equitum agmen distinguebat: nam interualla, quæ relicta erant inter utrumq; cornu, & mediam aciem, diuisi per alas equites occupabant. Inter hanc & Heluetiorū phalangem constiterat Thermeus, apud quem erat tota uis leuis armaturæ equitū, unius cataphractorum alæ præsidio confirmata. Buteus cum reliquo equitatu Grueriorum apertum latus tueri iubetur. Ex aduerso Vastius hostium ordines conspicatus integrā Germanorum phalangem, quam inuicti roboris existimabat, mediæ hostiū aciei, ipsiq; Vasconibus opposuit, eo ordine, ut in prima fronte Aliprandum Madruccium Tridentini Cardinalis fratrem ipso id ad decus deposcente, collocarat. Nam superioribus etiam diebus generosus & egregiè pugnax iuuenis alacriter fuerat professus, se Heluetios, quorum impetū nequaquā imperiæ Vastius uereri uidebatur, cum sua tantum legione, quæ trium millium summam non implebat, inuasurum & strenuè prostraturū. Secundum eum Scaligeri fratres uexillis in mediam aciem collocatis suas cohortes confertis ordinibus ductabāt. Cornu dextrum Gruerijs oppositum Hispanis concedit, sic ut his statariæ militiæ quinq; Germanorum cohortes, duce Scisnecho, adiungeret. In sinistro Italos omnes constituit, iussitq; ut sese in tumultum, quæ modica Heluetiorum agmina sensim tanquam in auiore locū erigerent, nec inde se commouerent, ne inordinatè ab Heluetijs, qui erant in aduerso loco, uti disciplina

impares funderentur, sed persistentes in acie Salernitani & Massij iussis obtemperarent, & uti fors praelij deposceret, per sclopettarios operam praeſtaret. Philippus Belgae Lanoij filius, qui toti praeerat equitatui, eo spatio, quod inter Germanos & Hispanos intererat, consistere est iussus. Idem ut faciat Baleonus Thermeo oppositus, iubetur. Praecipit autem Carolo Gonzaga, ut Buterianos contra instructos diligenter obseruet & inuadat. Eo modo constituta directaq; utrinque acie, & disſpſis utrinq; tormentis, signa cecinerunt, appropinquareq; acies coeperunt, inter quas magno cum periculo uolitantium undiq; pilarii & glandium Vastius obequitans, collustrando cuncta oculis, Germanos segnius quā uolebat progredi animaduertit, sic ut propius accederet, & praefectos ad intendendum gradum comiter hortaretur. in uultu Scaligerorum fratrum deprehendit non dubia, ab inusitato tristitia, pallore, lethalis metus indicia. Proinde cōuersus ad familiares Scalengum, Landrianumq; & Saiuedra, qui eum ad excipienda reddendaq; per acies imperia sequebantur: Deus, inquit, magnus hoc omen auertat, & uti maxime indigemus, hodie praesenti numine nobis adſit, postquam in his Germanis in quibus tota spes & ratio parandae uictoriae posita est, quod antea nusquam accidit, praesente prouocanteq; hoste ad dimicandum nullam alacritatem conspiciamus. Primi omnium accepto pugnae signo, quod Vastius suorum hortatus dederat, Thermei & Baleoni equites concurrerunt, usque adeo graui impetu, ut multi utrinq; sternerentur, magnoq; ardore post abiectas hastas clauisatq; mucro

nibus

nib. res gereretur. Ibi Thermicus, quū in pedites Italos procurrisset, ab his repulsus, uulnerato et cadēte equo a tyronē pedite capitur. Baleoni autē ala, quæ numero equitū erat inferior, quanquā uirtute præcelleret, cata phractorū inuadentiū uim sustinere non potuit, sic ut multi in eo per acri cōgressu in hisq; Iulius Actius, tyranni Tudertis filius, caderēt: ipseq; Baleonus suffosso et moriente equo oppressus uix eriperetur, et pedes et saucius ad Italos pedites se reciperet. At in altero cornu fortuna ludo quodā prælij euētum alternare solita, Hispanis et ueteribus Germanis arridere uisa est. Nā Raimūdo Cardonio et Scisnescho ducētib. exporrecta sclopettariorū ala, quam Manicā uocāt, tāta ui Grue-rios inuasērunt, ut eorum acie totam perturbarent, et in fugā uerterent, rusticaq; casa, ad quā se applicarāt, et aliquot tormentis potirētur, et alā Gallorum equitum suis subsidio missam cruēta cōditione perrumpērēt. Cecidēre in eo conatu Scrocchius et Carolus Drossius, qui in eo cornu summam nominis authoritatem obtinebāt: Asseius quoq; summæ spei iuuenis seruidius irrumpens, Germanicis hastis ab ephippio deiectus, et geminato uulnere triduo post interiit. Eo celeri quam incerto uictoriae prouētū Hispani accēsi animis fusos ad multum spatium persecuti ita procurrerunt, ut cadendo capiendōq; ad Carnagnolam usq; cursum intenderent. Eodem tempore Germani, qui humi procubuerant, ut tormenta uitarent, imperante Vastio consurrexerunt, colleclumq; puluerem, quæ est uetus et religiosa eius gentis consuetudo, post terga proiecerunt, quum ea cerimonia conciliari uictoria nuncem

arbitrarētur. promotisq; signis hastas inclinarūt. Aliprandus qui in prima phalangis fronte cōsiterat, paucis passibus extra aciem prodiens, Molam in Gallica acie ducem, insignibus cōspicuum, manu ad singulare certamen prouocauit. Nec detrectante Gallo ita concurrat ut mutuis ictibus ora perfossis ambo corruerēt. Mola quidem lethifera cuspide supra oculum ad oram galeae recepta, & Aliprandus gena usq; ad aurem perforata. Cadentibus itaq; ducibus asperum & maximē cruentum praelium à primis ordinibus confertum est, quum utrinq; robora lectissimorum militum & centurionum pro dignitate nominis & pro uictoria dimicerent. Aliprandi aciem ardentius promotam, Scaligeri aliquanto lentius quā oporteret secuti sunt propter depressi & inaequalis loci impedimentum, quo neque haste aequa serie ferri, neque aptē coherentes ordines deusari poterant. Eodem temporis momento, quum inter utraq; mediam aciem commissa pugna ardentissimē certaretur, Caesariani equites sinistrū hostium cornu, ubi cum suo agmine Buterius ad procurrēdum paratus & intentus uidebatur, adorti sunt, alacri quidem sed inani, & mox uti apparuit maximē incōmodo & fœdo procursu: nam profecti ad hostilē aciem, nulla facta impressione nec inclinatis hastis, sese in gyrū lunato cursu prouoluerūt, siue, ut leuē hostium armaturam equestre extra cataphractorum subsidia ad pugna elicerent, siue quod aciem perpetuo rigentem ferro ipsi leuius armati tentare non auderent, siue adducti incerta uoce à Goito, ut dicebatur, praefecto edita, qua equos flectere iuberentur, quasi non collatis equorum pectoribus

ribus et conferta acie, sed per iteratos incurfus et re-
cursus Maurorū more cū cataphracto hoste foret dimi-
candum. Ea sese præter spem inflectentium species ad-
mirationem primò Gallis, et mox socijs non incertæ
fugæ suspicionem præbuit: sic ut repente Buteriani
terga uertentium ualido procursu insequerentur: nec
Caesariani, clamante increpitanteq; Vastio sisti possent
sed præcipiti cursu in transuersam Germanorum pha-
langem deferrentur, eamq; paululum post signa laxa-
tam ueluti adacto cuneo totam aperirent atq; proscin-
derent. Quo casu Galli hisdem uestigijs in hiatū per-
ruptæ phalangis insinuati, cunctos eius postremos or-
dines foedè turbatos, quod neq; galeis, neq; thoracibus
uti anteriores, essent muniti, paruo negotio trucidar-
unt, quum latis et prægrauibus gladijs, quos à ue-
natorijs cultris non absimiles suspensos ab ephippijs
gestabant, integros inermium artus faciliè detrunca-
rent. Tum uerò Heluctij, qui Italici erant oppositi, con-
specta Germanorum fluctuatione et cede, neglectis
omissisq; Italici, ad Germanos infesta signa uerterunt,
ut pote quos ab naturali odio ueros propriosq; hostes
ducerent, nec Italos per cauum et inaequalem locum
adoriri possent, et deletis opportunè Germanis par-
tam fore uictoriam iudicaret. Is repente suscepti con-
siliij exsus non dubiam salutē Italici, Germanis uerò cer-
tissimā attulit cladem. Nam sicut illi armis et numero
inferiores, conspecta præsertim suorum equitum fu-
ga, Heluetiæ impressiōis impetum nequaquam diu
laturi uidebantur: ita Germani, qui à fronte Vascones
et ueteres Heluetios summa ui certantes constantissi-

me propellabant, inuadentium ex obliquo Heluetio-
 rum recentem uim sustinere nequuerunt, sic, ut à so-
 cio equitatu uesana & miserabili irruptione pertur-
 bati, & à nemine adiuti, quum in tergo à Gallis equi-
 tibus cederentur, & in fronte urgente hostium pedita-
 tu amissis ducibus stratisq; uexillis terga uerterent, ad
 unum prope omnes interficerentur. Cecidere cum Scā
 ligeris fratribus uiri illustres, aut uarijs militiæ hono-
 ribus clari, præfectiq; cohortium, ante alios Vulcanus
 Furstembergi reguli filius, Michael Preussinger in re-
 genda ductandaq; phalange Brannoris Scaligeri le-
 gatus, & Antius Vrsus multorum stipendiorum fama
 notus, & præter hos Hildebrandus Tunnius, Baltha-
 sar Chaldeus, Iacobus Figer, Martinus cognomento
 Bursa, Adamus Bralius, et Baro Grinistenus. Aliprā
 dus uerò Madruccius multis uulnerib. susceptis, inter
 suorum & hostium cadauera semianimis repertus, in
 Anghiani potestatem deuenit. Eam uerò cladem meri-
 to Germanis incidisse tanquam impijs, Lutheranq;
 superstitionis piaculo damnatis, multi prædicabant,
 quòd pridie, qui fuerat resurrectionis Dei Christi solē-
 nis dies, sacris interesse noluerint, talisq; saepe, quū ad
 iactus leuigata marmora quæritarent, in altariorum
 sacratis mensis lussissent, & ligneam Christi seruatoris
 statuam diris contumelijs, & multo demum coeno
 conspurcassent. At Itali, ubi strata phalangis uexilla,
 & equites iusto cursu in fugam extentos conspexere
 necessario & utili, uti mox apparuit, potius quàm
 honesto consilio subducere se in tutum reformidato
 uictore, & per depressam, quem diximus locum, con-
 seruatis

seruatis tamen ordinibus, se recipere cœperunt, nulla
 ualidiore hostium manu eos laceffente aut persequen-
 te: eoq; modo ante mediam noctē Astam peruenērūt.
 Eò multò ante Lanioius cū suo equitatu integer appli-
 carat, sub occasum uerò Solis ipse Vastius superuenit,
 quum selopetti glande per ferream ephippij, frontem
 supra genu uulnus accepisset, aliquotq; clauarum icti-
 bus collisa casside nequaquam hosti cognitus, gladioq;
 se defendens, è medio aduersæ pugne tumultu se eri-
 puiſſet. Tū enim secus ac aliàs soleret, nō imperatorijs
 insignibus, sed atro & mediocri sagulo, ne facile agno-
 ſci poſſet, uſus fuiſſe dicebatur. Cur autem Italos Galli-
 cus equitatus nec inuaſerit, nec ſit perſecutus, hanc
 fuiſſe cauſam reperiēbamus, quòd amiſſo Thermeo du-
 ce ſeſe diſperſim ad opprimendū dextri hoſtilis cornu
 milites conuerſiſſent. Hiſpani enim Scisneebaniq; Ger-
 mani, qui Grucrios laſe proſligarāt, longeq; fuſos fue-
 rant perſecuti, quum redirent, perſuſi nauata fortiter
 opere gaudio, ſociorumq; ignari cladis, ſuſpenſis ſtu-
 pentibusq; animis ad conſpectam ſtragem, in uictores
 Gallos inciderunt: à quibus circunſo equitatu tan-
 quam indagine clauſi, propè ſine uulnere capti ſunt:
 quòd uiri ſortes perditis rebus Fortune cedere, quam
 ſulta exitiāliq; pertinacia repugnare ſatius exiſtimā-
 rent. Ante alios ſeſe deditit Raimundus Cardonius;
 caſtrorum magiſter, eius filius qui cum Gallis, Geſto-
 neq; duce ad Rauennam improſperè conſluxit, & cum
 eo Hiſpani clariores cohortium præſecti, Ioannes
 Beamontius, Ludouicus Chexada, Conſalius Her-
 mandius, atque Cheuedius. Baro autem Siſnechus,

oblato sibi equo periculum euasit, & Carolus Gonzaga, quum pedites turpiter effugere conspexisset, ne id dedecus subiret, in Gallos irrupit, deiectusq; equo captus est. Pari etiam pudore, sed iniquiore honesti conatus forte accensus Hercules Martinëgus, illustri loco Brixie natus, quum in confertam hostium aciem cum ala sua sese, uti Vastij alumnus decebat, uehementer intulisset, cum Attilio fratre interfectus est. Pugnatum est ad Ceresolam postridie Idus Apriles, quarto & quadragesimo anno supra quingentesimum atq; millesimum Christiane salutis. Occisa autem refruntur ad duodecim millia hominum, sed multo maxima ex parte Germanorum. Neq; enim, quum in acie uirinq; equato ferè numero supra quadraginta millia pedum constitissent, omnino incruenta uictoria Gallis obtigit, sinistro præsertim eorum cornu magnis cædis & fugæ detrimentis affecto, & aliquot ex illustri Gallica nobilitate desideratis, quorum cadauera Anghianus exquisito funeris honore profecutus, in Galliam ad sepulchra maiorum deferri iussit. Dum Vastius acceptæ cladis dolore, & totius summæ rei periculo percussus, seruatas uel ex turpi fuga copias colligeret & inspiceret, in spem uenit uictores Gallos his præsidij posse sustineri, dissimulabatq; nõ obseura quorundam delicta, eo uultu, ut nemini palàm succenseret, & de una tantum Fortuna quereretur, Balconum uerò eximia ornaret laude, quem ferè unum, fortissima edita opera, & Cosmo principi à quo erat missus, & paterno auitoq; suo nomini egregiè satisfecisse, attestare etiam Thermeo, differebat. Hortabatur autem La-

noium,

noium, ut fatalis erroris notam noua uirtute abolen-
 dam existimaret. Salernitani quoq; & Massij consilia
 probabantur, qui in eo per angustū atq; difficili aduer-
 se rei momento cohortes Cæsari magno usui futuras
 seruauissent. Verū eius iusto prælio inuicti antea du-
 cis existimationē, præsentemq; omnem militaris pro-
 uidentiae diligentiam, odium (uti sæpe fit) ex re malē
 gesta repente obortum, & pleriq; ex amicis obrecta-
 tores facti uehementer obtrebant: iniqua hercle &
 planē misera imperatorum conditione, quod saluber-
 rimæ cunctationi periculosam pugnae aleā pratulisse
 diceretur, quasi flagitantibus quibusdam suorum, qui
 hostes arroganter despicerēt, dimicādo obtemperare,
 ne pristini sui decoris iacturā faceret, quā bono pu-
 blico præliū uitare differreq; maluerit. Sed uti postea
 ex eius ore accepimus, nunquā futurum putarat, quin
 aliqui metuendam Gallici equitatus uim, per sclopet-
 tarios, sicuti ad Ticinum feliciter accidisset, sustineret
 & funderet, ipsoq; robore densatæ phalāgis hostiū pe-
 ditatū egregie superaret. Sed cuncta eo bello prælioq;
 uel rectissime ordinata, unū, ut credi par esset, diuinū
 magni ultoris numē uiolenter eueritisse, scilicet ut ela-
 tos uirtutiq; suæ insolenter cōfisos, & nihil de uictorie
 euentu dubitantes leniter castigaret, & Ger-
 mani obiter fædo impietatis scelere
 contaminati grauissimē
 plecterentur.

PAULI IOVII NO.

VOCOMENSIS EPISCO-
PI NVCKERINI HISTO-

riarum sui temporis.

LIBER XLV.



OST eam pugnam in subie-
ctis Ceresole campis à Cesa-
rianis male pugnatam, Anghia-
nus uictor, quanquam effuse læ-
taretur, sese tamen commouere
ultraq; progredi in Insubrum
fines, & denique uictoria uti
non potuit, quòd multis rerum difficultatibus esset cir-
cumuentus. Ante omnia ueteranæ cohortes, promptis-
simo quoq; militum ocoiso aut uulnerato, uehementer
attenuatæ, orbatæq; multis centurionibus atq; signife-
ris, nouo supplemento erant instaurandæ, & cuncti
pariter equites & pedites ex uetere militari consue-
tudine, uti acie uictores, dignum fide & felicitate ge-
nerosi nouiq; imperatoris donatiuū postulabāt: quod
tametsi prolixa pollicitatione & datis uadibus differri
extrahiq; posse uideretur, nihil tamen quæstorum ino-
piam subleuabat: quoniam Heluetijs persoluendi sti-
pendij dies aderat, quibuscū nulla excusatione utēdum
foret. Cuius negotij difficultates, neq; facile neq; cele-
riter poterant explicari, propter præsentis rei num-
marie defectum, quæ nequaquam commodè nisi ab
argentarijs

argentarijs Lugdunensibus dissolui posse censebatur, et ob id aliquanto acrius et tardius, quam temporis exiguitas et præceps occasio postularet, quum audendi procedendiq; ratio omnis in festinatione posita putaretur. Nouum quoq; expediendis consilijs impedimentum attulerant Heluetij, quum in consultis pagorum suorum magistratibus se Caesaris fines inuasuros pernegarent. Dicebant enim se ea præcipue de causa in Italiam missos fuisse, ut Subalpinae ditionis oppida, quæ regijs præsidijs tenebantur à Caesarianorum ui iniuriæq; defenderent, atq; obiter integra fide renouati sæpe fœderis iura tuerentur, quæ uigerent inter Heluetiam gentem, cui Grisones socij antiquitus essent annexi, et ipsas Mediolanensis imperij ciuitates, quibus tanquam uicinitate finium, et mutuo mercaturæ commercio amicissimè coniunctis, inferre arma neq; ex fœdere liceret, neque ex commodo suæ gentis expediret. Sed quanquam Heluetij precibus et seuerâ obtestatione flecti, in sententiamq; perduci possent, illud unum præcipue progrediendi tentandæq; iterum fortune deliberationes suspendebat, quod relictis in tergo tot hostium præsidijs, nequaquâ prius in insubres signa ex tuto uerti possent, quam Cariniane obsidionis euentum expectarent, propter quam multo susceptam labore, et singulari perseuerantia continuatam, summæ rei discrimen dimicando subire, quam inde irritò incepto abscedere maluisset. Quantû uerò qualeq; præsidium obsideretur, quânamq; opportunitatem id oppidum si reciperetur, ad parandam uictoriam esset habiturum, peritiores Galli sa-

cile intelligebant. Itaque Anghianus, qui mederi prius
 suis malis, quàm properantius quicquam audere mo-
 liriq; uolebat, Tesciũ, qui pedestribus præerat copijs,
 ad occupanda Montisferrati oppida, cum parte copia-
 rum misit, & Carinianum arctius obsidere constituit.
 Pyrrhus enim, nihil aduerso Vastij successu terrefac-
 tus, hortanti comminantiq; Anghiano, ut dijudicata
 belli fortuna cederet: desinere expectare nouam opẽ,
 & pertinaciæ finem imponeret, postquàm uirtuti exi-
 stimationiq; suæ tandiu perpeffus in ediam cumulatẽ
 satisfecisset: elato animo respõdebat, ipsius atq; omnium
 militum, qui essent in præsidio, unum esse decretum,
 perferre cuncta obsidionis incommoda, donec extre-
 mæ alimentorum quisquilie superessent: his uerò con-
 sumptis, ad cruentam eruptionem corpora atq; ani-
 mos parare. Ab alia quoq; parte Vistarinus è Cherio
 sæpe erumpendo obsidendoq; itinera, magna quotidie
 inferebat detrimenta: sæpe raptis impedimentis, & e-
 quis iugatis, qui tormenta conueherent, interceptis,
 aut ad suffragines, ut operi inutiles forent, grauiter
 uulneratis. Hoc facile Gallis accidebat, quòd se uicto-
 riæ fama tutos rati, plerunq; remissa diligentia inex-
 plorato & sine præsidio, inter amica hostiliaq; oppida
 commeando, in prædatores inciderent. Certior etiam
 fiebat Anghianus, Vastium integris Salernitani cohor-
 tibus, & incolumi toto ferè equitatu confirmatum, si
 ipse progredi inciperet, continuo prouehentis sese ue-
 stigijs institutum: aut adiuncto sibi Vistarino, & edu-
 ctis coactisq; in unum omnibus prædijis, Pyrrhum
 obsidione liberaturum. Is tum ab Asta secundo Pado
 ad

ad Ticinum urbem descenderat, ut uulnus quanquam
minimè sauum, & obortam inde podagram curaret:
& ex propinquo Mediolanenses praesides, reliqua-
rumq; urbium praefectos hortaretur, ut timere desi-
nerent, confirmarentq; praesidia: & studiosissimè, uti
semper fecissent, in stipendia pecuniam expedirent,
sustinendo hosti, si fortè uel grauius affecto & semi-
lacero exercitu, conari aliquid, & progredi auderet.
Nec multò post Anghianus, ut captiuorum multitu-
dine exoneraret castra, uberioreq; annona exercitus
aleretur, generoso consilio omnes dimisit, ea condi-
tione, ut Hispani in Hispaniam, Germani in Germa-
niam per Galliae fines reuerterentur. His praesidium
est datum, quod passim inuiolatos praestaret atque de-
duceret: edictoq; regio cautum est, ut commeatus
transseuntibus pagatim praeretur. Ière Hispanici no-
minis milites sexcenti & quadraginta tres, Germani
uerò supra mille, liberauitq; demum certa permuta-
tione Raimundum Cardonium, & Carolum Gonzaga-
m, ut Thermeum, cuius uirtuti plurimum tribuebat
pro duobus acciperet, quibus etiam liberaliter additus
est Aliprandus, Cardinale Tridentino fratre eum ac-
curatis precibus impetrante. Interea Vastius crebris
speculatorum nuncijs certior fiebat, regè Franciscum
uni huic consilio maximè incumbere, ut Anghianum
nouis augetet copijs, & bellum multo priore acrius
& intentius in Italia accenderet, ut Caesaris & Henri-
ci impetum auertere aut retardare conaretur. Eos
nanq; aduersum se refrigatis odijs acerbissimè concita-
tos bellum parare didicerat. Apparebat enim Cesa-

rem, si amittendæ Cispalinæ Galliæ periculo distine-
retur, remissione quàm statuisset uirium apparatu
Galliam inuasurum. Quamobrem Petrum Strozcam,
qui Florentinorum exulum erat princeps, regiæq; do-
mum arcta propinquitate coniunctus, per Rheticas Al-
pes in Italiam misit, datis secretioribus mandatis, qui-
bus Galliæ factionis studiosos ad nauandam operam
excitaret: quibuscum communicatus consilij & coa-
ctis copijs, instauratoq; propere bello Cesarianos ado-
raretur. Erat Strozza elato ardentiq; ingenio, & opti-
mis exculso literis, sed eo plerunq; infreni, & aduer-
sus pericula prorsus indomito, quum ardua quaq; atq;
aspera tentando, excelsæ & immodicæ laudis famam
appeteret. Is nauandæ operæ cupidus, totius obeundi
atq; implendi consilij uim omnem in una maxime ce-
leritate positam iudicabat. Itaq; quæstores Gallos nihil
expectandos decernens, ex sua pecunia circiter septē
millia hominum conscribit, & apud oppidum Miran-
dulā cogit: quibus Georgius Martinengus nobilis Bri-
xianus cum ala equitū adiungitur. Inde Venetias per-
uolat, ut cum Hippolyto Atestino Cardinale, apud quē
instruendæ rei & consilij explicandi summa erat au-
thoritas, colloqueretur. Is acciuerat Petrum Mariam
Roscium Italicis cohortibus Belgico bello præesse so-
litum, & Galeotum Picum Mirādulæ Comitem. Quū
de tota itineris capiundi, faciundæq; irruptionis ra-
tione disputaretur, Roscius id maxime iter rectā per
Aemiliam uiam probabat, quo paucis ante annis Cæ-
sar Fregosius, Guido Rangonus & Caninius Gonzal-
ga ad oppugnandam Genuam contēdissent. Futurum
enim

enim esse, ut prius Placentiam & Derthonam præter-
ueherentur, quam Vastius pares numero expediret co-
pias, quas ad præoccupandū impediendūq; iter con-
ferto agmine trāsituris opponeret Anghianum autem
cognito sociorum aduētū, minimē dubitaturum, quin
illico partem equitatus, quæ aduentantes opportuno
præsidio confirmet & excipiat, Tanarum amnē traif-
cere iubeat. Altera erat quorundam opinio aliquanto
maturior atq; securior, sed quam uel tantula expecta-
tionis mora plurimum infirmaret. Dicebant enim eas
omnino expectandas esse copias quæ Romæ paraban-
tur, iustisq; coactis uiribus uno consensu, grauiq; im-
petu bellum gerendum. Quum uero ad Placentiam in
una cæstra peruenirent, si id perterritæ gentis Insubrū
famā, & imparati hostis motus deposcere uiderentur,
superato Pado, recta ad Ticinum urbem, & Mediola-
num usq; signa promouerent, excito scilicet ad cōmu-
nem uictoriæ spem Anghiano. Quod si uel ille nihil se
commoueret, uel urbes Insubrum opinione firmiores
forent, tum secundi consilij occasionem sequeretur, &
continuato itinere per Æmiliam uiam contenderent,
coniunctisq; uiribus cum ipso Anghiano imperatore
gerendarum rerum consiliū explicarent. Sed Strozza
cui omnis tum inepta tum aduersa audacibus eius con-
silij tarditas erat, se suo usurum consilio & bellum ge-
sturum dixit, illacq; perducturum copias suo sumptu
conductas, quæ eius suscepti belli fortuna iter monstra-
ret. Proinde æquo animo perferret, si non ignarus re-
rum suarū ab aliena sententia dissentiret, & celeritate
sibi utendum arbitraretur, quando ipse peculiari suo

periculo, quod salutem, famam, & opes respiceret, sui studij operam insignem regi esset probaturus. Hippolytus hæc Strozze deposcenti, enixeque uolenti uel inuitus concessit, ratus cum ex arcano consilio quod detegi nollet, nequaquam temere, sed explorato aliquatentaturum, quæ subsequenter copijs Romanis, aperienda uictoriae initium præberet. Habebantur interim Romæ, omnibusque Pontificiæ ditionis regionibus militum delectus, pari studio Cæsarianorum & Gallicarum partium, quum utrinque factiosi procures, Cardinalesque beneficijs obstricti pecuniam proferrent, in neutram partem inclinante Pontifice. Franciscus Ursinus, magni Pitiliani nepos, & cum eo duo Sanseuerini familie reguli, exules Neapolitani, Sommeus, & Cappaccius, aliquot ueteranas cohortes ex factiosis, Guelphoque nomini addictis, instruxerant: parique contentione Martius Columna, & Iulianus Cæsarinus ueteres suos milites, partiumque studiosos ad signa uocauerant, magno armorum strepitu in Galliam Cisalpinam properantes: hi ut Vastio laboranti opem ferrent, illi uero ut Strozzeanis copijs iungerentur. Verum Cosmus Etruriæ princeps, expeditione feliciorque in Cæsarem studio, labantem Mediolanensium rerum statum, & Vastium asperissimis difficultatibus implicitum, opportunissimo tempore erexit atque firmavit. Is enim post aduersam Ceresole pugnam, perspecto summæ rei discrimine, nihil antiquius habuit, quam ex templo delectas parare copias, quibus Vastij uires, quæ erant exiguæ atque disiunctæ, perturbatosque item metu Insubrum animos Etrusci auxilij noua spe confirmaret. Itaque coniecto

confecto maxime consilio, quid paret ad Andream
 Auriam perferibit, postulatq; ut sibi classem uiginti
 triremium ad Etruscum littus mittat, quod ea auxilia,
 multo celerius ab Genua Mediolanum, quam alio itinere,
 peruentura iudicet. Probat ab Auria consilium, mis-
 sisq; triremibus, duo millia ueteranorum pedum im-
 ponuntur. Hi summa celeritate Genuam deuecti, mi-
 nimamq; sibi ad quietem horam tribuentes, Apennini
 iugum transcendunt, incredibiliq; festinatione, Pado,
 Graualone, & Ticino superatis, Mediolanum magna
 omnium alacritate perueniunt, adducente Rodolpho
 Baleono, qui eis obuiam ierat, ut singulos ad consue-
 dum iter hortaretur. Præerant cohortibus Otho Mon-
 tacutus, Federicusq; eius frater, & Iulianus Strozza
 egregie uiri fortes. Hac conspecta manus, quod ex ue-
 teranis notisq; militibus constabat, Insubrum iuuentuti,
 quæ iam animos, consilij & opis inops prope despon-
 derat, pristinam spem alacritatemq; restituit. Fama e-
 nim erat edita in uulgus ab his, qui Gallico nomini fa-
 uebant, Strozzam multo maiores quam haberet, tra-
 here copias, & Gallos occupata Nouaria in Ticino
 pontem parare, quo paucissimis horis Mediolanum
 peruolarent. Quibus falsis rumoribus, in tanto tumultu
 metuq; urbana res erant, ut nonnulli senatores tre-
 pide uasa colligerent, alij ciues opulenti cum liberis &
 uxoribus se conijcerent in fugam, & Vastius ipse per-
 territis omnibus ægerrime nomen imperij sustineret.
 Strozza enim sua usus celeritate, educlis Mirandula
 copiis, padum traiecerat ad Casale maius oppidum,
 indeq; recreatis copiis oppidi comæatu, præterueclis

Cremonae moenia, Abduam amnem iuxta Castellionē
 nauculis coniunctis ita superarat, ut in margine ulte-
 rioris ripae crecta statim munitione, primi qui transie-
 rant, dum reliqui transueherentur, egregie sese ab ho-
 stibus defenderent. Eo nanque Hieronymo Sylua cum
 duabus turmis equitum, & quibusdam Cremonensium
 peditū uexillis aduolarat, ut Strozzeanos amnis trāsi-
 tu prohiberet. Sed in ea contentione Sylua glande bra-
 chium traiectus, ab eo conatu sic discesserat, ut hostes
 quo uellent nemine qui resisteret inuento, iam adesse
 trepidis agricolarum nuncijs crederentur. Timebat
 Vastius Laudi Pompeiae, propterea eō Caldaronem
 Hispanum cum turma equitum miserat, qui Laudem-
 ses in fide contineret. Verum Mediolano multo maxi-
 me timere cogebatur, quod cum Strozza Pallauicinus
 Vicecomes aduentarat, qui apud Insubres tanquā ex-
 uetere principum stirpe ortus magnas & illustres ha-
 bebat cognationes, multasq; popularium clientelas,
 quibus inductis & concitatis, tumultus facile posset
 excitari in perampla ciuitate, quae assiduīs ac intole-
 randis tributis alienata, parata credi poterat ad no-
 uandas res, ut inuisum & prae graue Hispanici imperij
 iugum excuteret. Sed postquam Rodolphus Balconus,
 ad quem antea Cosmus ad recuperandam aliam dono
 pecuniam miserat, Etruscis cohortibus obuiam profe-
 ctus, redire atq; adducere magni roboris auxilia nun-
 ciatus est, deferbuit in populo conceptus timor & tre-
 pidatio, mirasq; tranquillitas urbi dudum attonita red-
 dita est. Nam callide & compositē Balconus cohortes
 certis flexibus iteratō circūductas, ut amplioris multi-
 tudinis

tudinis speciem facerent, ea ordinum celeritate populo auidis oculis spectanti gratulantiq; ostentarat, ut tanquam conseruator publicæ salutis à quibusdā primoribus appellaretur. Quibus rebus cognitis Strozza, quod Etruscarum cohortium celeritate se uictum uidebat, nec sese populus, uti sperasset, commouere sentiretur, inanesq; omnino Pallauicini exulis spes esse conspiceret, ad læuam deflexit, Lambrumq; annem subitario ponte iunxit, eo quidem indignantiùs & properantiùs, quòd Anghianum, secus ac eum facturum crediderat, nihil sese in ea rerum occasione prouehere, sed Cariniano lentè obsidentem inefficaciùs & pertinaciùs quàm oporteret herere didicisset. Is nanque paulò antè præclare audenti, atque expedita inferenti arma literis ac nuncijs significarat, se nullam rei ex composito bene gerendæ occasionem esse prætermisurum. Interim vastius explorato, animaduersoq; hostium itinere, multum diuerso ab eo quòd antea fuerat suspicatus, tanquam liberatis metu insubribus, lectica sese efferi iubet, eductisq; copijs Lanoium cum equitatu ad Belgioiosum oppidum præmittit, pedestres uerò copias administrante Casare Massio, idoneis in locis, quæ hostis impetum sustineant & motum obseruent, properè disponit, leuiaq; passim prælia ab extraordinarijs committi iubet. Sperabat enim se hostem magnis inclusum fluminibus, raptòq; tantum sese alentem planeq; irretitum, nullo negotio deleturum. Tum uerò Strozza, qui ad Orium uicium castra habebat, promisso rerum suarum periculo, cōsiliū, quod neces-

fitas afferret, repente commutat, & ad Padum soluto
 Lambri ponte, ne per eum hostis insequeretur, signa
 conuertit. Id iter concepti timoris plenum, tumultuo-
 saeq; fuga simile, ac exitu perniciosum uideri poterat,
 nisi Petrus Aloysius Farnesius e Placentia aliquot lin-
 tres ad parandum transitum, per opportunè atq; ami-
 cissime suppeditaſſet, sic ut eius matura opportunèq;
 ope Strozza subleuatus, summum quod instabat salu-
 tis discrimen euaserit, quum ex aduerso Vastius obla-
 tam delendi hostis occasionem inſperato effugio sibi
 ereptam frustra quereretur. Eo erat tempore Farnesius
 alieno erga Caesarem animo, quod à patre Paulo
 Pontifice, Parma atq; Placentiae princeps & dynasta
 constitutus, nunquam id Pontificium munus uel in gra-
 tiam Margaritæ filiae enixè orantis, Caesar Augustali
 authoritate confirmare uoluisset. Hæc enim gemellos
 pueros rara felicitate, in spem auiti principatus Octa-
 uio pepererat, durioſemq; in ea re cōcedenda patrem
 Caesarem fuerat experta. Sed in Farnesio irritæ peti-
 tionis dolorem mirum in modum augebant multa ad-
 uersa, quæ de Caesaris animo nusquam sibi propenso
 nunciabantur. Nunquam enim cum uel in præscriptio-
 ne literarum, uel in legatorum colloquijs honestiore
 titulo ducem, aut principem appellare uoluerat, ne uel
 inanis tituli præiudicio imperatorij iuris authoritatē
 abrogare uideretur. Quæ contumelia offensus, studiū
 suum ad Gallicas partes conuertisse credi poterat, non
 ignaro, aut dissimulante Pontifice, qui in omni actione
 Tridentini concilij Casarianos præsides Pontificiæ di-
 gnatati grauiter maligneq; aduersos extitisse cogno-
 uisset

uisset & Britannici foederis contumeliā subamaro animo toleraret, Caesare id totum de Paulo Farnesioq; facile suspicante: cum aliquot in rebus nequaquam leuissimis, tum eo praesertim lintrium beneficio in Strozza collato grauissimè perstrictus, parem iniuriam Farnesio aliquando se relaturum palam dixisset. Ceterum Strozza circa Placentiam recepto, multis ex numero suorum militum dilabentibus, Petilianus, qui erat Farnesio arcta propinquitate coniunctus, sese cū Romanis quas adduxerat copijs Strozze coniunxit, ut secunda suscepti belli consilia, postquam eos prima fefellerent, nouo consensu sequerentur. Coniunctis apud castrum sancti Iohannis in una castra copijs, Strozza ad Padum se conuertit, occupatoq; Riuosredo oppidulo, quod est Padanae ripae finitimum, traiectioni speciem praebat, ut hostes distineret & falleret. Nā cum Vastius Petiliani auctum copijs, confisumq; Placentinorum nauigijs, id ausurum non temerè suspicatus, adiuncto sibi cum equitatu Philippo Lanoio, & adducta Germanorum & Hispanorum manu, ad tuendam Padi ripam, è Ticino sese contulerat (praemisso antea Salernitano cum reliquis copijs ad Vicum, qui antiquitus nō procul à Clastidio, iterobuium appellabatur, hodie uerò Stratellae nomen habet Aemiliae uiae impositum) eo consilio, ut Salernitanus, ubi arctior est uia, aditu conciso praeseptoq; transversam munitionem erigeret, tormentisq; in ea constitutis ad uersarios illac percurrere audentes deterreret, & lo cum hosti iniquissimum summa suorum securitate tueretur. Eius institutae rei negotium Salernitanus ita op

portunè atque celeriter exequutus est, ut Stroxam cuncta explorantem suscipiendi eius itineris tota spe deijceret, proptereaq; hostis multus uersaretur in simulatione traiciendi amnis, quum ad ripam semel atq; iterum signa uerteret, & rursus copias in castra reduceret, utpote qui per asperos montes ad leuam secundum Apœnini radices agmen ductare decreuisset, quod omnino insanum arbitraretur, uel Salernitani munitiones aggredi, uel cõtemnere insequuturi hostis equitatum, si per loca plana id rectum iter esset habiturus. Itaq; prouisis quatuor dierum cibarijs, silentio noctuque se proripuit in montes, arduumq; iter Placentinis usus ducibus insigni studio, & tolerantia militum per impeditissimas conualles, & confragosa collum iuga, triduo confecit, sæpe laceffit in tergo, & in lateribus, ab his qui Salernitani iussu abeuntiumuestigij institerant. Is enim cognita hostium profectioe Casarem Massium, & Rodulfum Balconum, qui nouissimos consecrarentur, Sfortiamq; item sanctæ Floræ Comitē, & Sfortiam Pallauicinum, qui notis tramitibus altioreque circuitu hostes antecederent, & circa saltus demorari, retardareque contenderent cū expeditis equitibus, & sclopettarijs præmiserat. Ipse uerò, ut imperarat Vastius, recto uia militaris itinere Vicum Iriæ & Derthonam præteruectus, egrè raptatis atque demulsis cohortibus, quæ tot itineribus fatigatæ certa stipendij subsidia flagitabant, tertijs castris ad Scriuiam flumen peruenit. Id ex Apœnino præceptum datum, ubi Liguriæ rupes desinunt ad Sarauallē oppidum, uti per plana loca diffusius uadabile

uadabile se præbet, innominatumq; antiquis scripto-
ribus, ab uno tantum Paulo Diacono Scriuiâ uocatur.
Iam Strozzeana uexilla conspici, appropinquareq;
coeperant, quum Lanolius cum suo equitatu Salerni-
tano se coniunxit, & ij qui per montes persequuti ho-
stis fuerant, è iugis ad castra descenderunt. Nec mora
leuibus, & tumultuarijs prælijs certari cœptum est.
Quum uerò Strozzeanæ cohortes amnis uadum su-
perantes, ad accliuia uineta metu equitum se subduce-
rent, & lentior ad uada amnis esset pugna, Cæsarianæ
aliquot cohortes proximum hosti collem occuparunt.
Id non ferentes Strozzeani, eas usque adeò uehementi
impetu adorti sunt, ut neq; consistere, neq; uim susti-
nere possent, & compulsi in fugam, tormenta duo a-
missis signis deferere cogerentur. At Strozza secundo
suorum successu, tanquam oriente uictoria maximè
latus cohortante Mattheo Forosemproniano præ-
fecto audaci potius quàm perito, se continere non po-
tuit, quin è uinetis erumperet, ingeminateq; uictoriæ
clamore edito, Petiliani agminis præfectos admoneret
& accerseret, ut cum phalange postrema subsequi in-
tento passu & cœptæ uictoriæ adesse uellent. Petilia-
nus ipse in crure, suo an alieno gladio incertum, gra-
uiter uulneratus, Placentia subliterat, sic ut apud eius
copias, non unus sed plures imperij authoritatem ob-
tinerent, nec peritiis præfectis, sed honore præ-
stantibus regulis milites parerent. Quamobrem exau-
dito uictoriæ clamore, quanquam Sōmeus, atq; Capæ
eius densata phalange, eundem esse ad uineta præcipe-
rent, noui milites cōtimeri nequiuērūt, quin dissolutis

ordinibus procurrerent, extenuatoq; agmine hostium equitibus occasionem irrumpendi præberent: cui non defuit Salernitanus, increpitis equitibus, qui aliquandiu infami segnitie cessatores, neque equos tanquam fessos acriter incitare, neq; alacriter phalangem adoriri uoluerant. Quando, inquit, accepta dudum ignominiam prælio Ceresola, aliquo forti facinore abolendam existimabitis? si hanc fessi hostis laxatis ordinibus raram aciem ex transuerso non inuaditis? Erubuit eques, & extēplō uehementē equos incitauit, irrumpentēq; antē alios Bartholomæo Græco Volaterranæ stirpis Baleoniana alæ præfecto, perrupta est hostilis acies malè coherens: inuadentēq; demū ex omni parte equitatu, & consequētib; cohortibus, tota scedē profligata dissipataq; est, eo euentu, ut paucis occisis, integri fermē omnes caperentur, renouata memoria incruentæ patrum nostrorū militia: nam Italus clementer deditis parcebat, spolio contentus. Nec aderant Germani Hispaniue, quorum seuas manus cædibus gaudentes, pauci effugissent. Bona quoq; sorte Sanseuerini proceres Sommeus atq; Capaccius exules Neapolitani, qui capitis non dubium discrimen adibant, dimissi sunt, quum quisq; miles Vastio & Salernitano sanguine coniunctos, humaniter potius dimittendos, quam seuerè ad necē teterrimam externo iudicio tradendos existimaret. Vnus omnium nobilissimi sanguinis, & summæ sp̄ei indolis adolescens Vlysses Vrsinus, in acie glande træticius cecidit. Ipse Strozza cum Nicolao Petiliani filio, Flaminioq; Angullario in finē sociorum Gallorum proximos euasit, sæpe detestatur

Tessij

Tessij seg
qui uti pr
ferrati op
tum præse
tuisse mul
mittere sin
lis, tanqu
uolebat. C
tis ferrati
nati quæst
tot Italia
iudicaret.
nictos sp̄i
ustata, se
enim ad e
quis, & n
celeritas f
miliam ui
cis insigne
bens, Cæs
lerans, ne
solita ora
busdam p
spatio em
tibus equi
tes collige
id consiliū
tus de Gab
cus terran
hil ultra t

Tesij segnitiam, non obscura malignitate cōiunctam, qui uti promiserat, alam equitum ē proximo Montisferrati oppido sibi obuiam non misisset: eius enim equitum presidio famaꝫ hostes deterveri superariꝫ potuisse multi prędicabant. Sed Tesius neꝫ alam summittere sine pedestri subsidio, neꝫ idcirco ē suis castris, tanquam paratis ad defectionē, pręsidia deducere uolebat. Ceterum rapaci in homine, expilandisq; Mōtisferrati populis intento, publicum commodum priuati quęstus męsis opima superabat, quam aduentu tot Italicarum cohortium steriliorem sibi obuenterā iudicaret. Nec multō post Strozza, qui in aduersis inuictos spiritus gerebat, experiri iterum Fortunam, inusitata, sed felici temeritate constituit. Confluentibus enim ad eum ex fuga militibus, conquisitisq; multis equis, & nemini cōmunicato consilio, quod tutum sua celeritas faceret, inopinantibus hostibus rectā per Acemiliam uiam Placentiam est regressus, quū rubrę crucis insigne militaribus sagis insuisset, ut passim iter habens, Cęsariana alę speciem pręberet. Eo modo accelerans, nec usquā cōquiescens, ita obuios quosq; insolita ora mirantes fefellit, ut mox non obscure a quibusdam pro hoste notatus & agnitus, uix sesquihorę spatio ē manibus persequentium, multo sudore satifectibus equis, elaberetur. Is ad Placentiā receptus, milites colligere, suoq; sumptu cohortes scribere cępit, uel id consiliū nequaquā probante Anghiano, qui sollicitus de Gallici belli euentu, quando iā Cęsar & Henricus terra marisq; ex cōposito ualida inferrēt arma, nihil ultra tentādum, perspecto Strozzeane expeditio-

nis fœdo exitu, iudicaret. Sed Strozza nihilo secius
 pertinaci incitatus studio, subleuandâ nouo ausu par-
 tium Fortunam ratus, inefficaciq; Gallorum ducum
 consilia, nec ea quidem usquam tempestiuè satis expli-
 cata despiciens, collegit copias, inusitatisq; tramitibus
 per Ligustica saxa, ad Mantoculum Fliscorum castel-
 lum eas perduxit, atq; inde commeatu adiutus, in Pul-
 ciferam se demisit uallem, eo tutius atq; facilius, quod
 sese Genuenses in neutram partem commouerent, pa-
 catumq; iter transeuntibus præbere mōtanos Ligures
 iuberent, grauitèr id ferente Figaroa Cæsaris legato,
 qui ciuitatem eos quos Cæsar inimicos duceret, pro
 hostibus habituram persuasum habebat. Eo enim tem-
 pore senatus Genuensis Gallicum nomen, quod in ne-
 gotiationibus et mercaturis ipsorum nauigantiū ma-
 gnopere conducebat, amicè colendum esse statuebat.
 Itaq; Strozza intra Gallica præsidia sine ullo incom-
 modo penetravit, Albamq; Pompeiam adortus, eiectio
 Capinio Mantuano, qui urbi præerat, in potestatem
 redegit, amisso ibi Matthæo Forosemproniano, quē
 intempestiuo hortatu suo uictoriam corrupisse ad Scri-
 uiam supra docuimus. Iisdem diebus, quibus Strozza
 conscribendis cohortibus erat intentus, ut acceptū ad
 Scriuiam detrimētum aliqua ex parte resarcire cona-
 retur, Ioannes Vega Hispanus ad Vastū ab Vrbe per-
 uenit, ut collegæ nomine administrādis rebus esset ad-
 iutor. Is apud Paulum Pontificē Cæsarianæ legationis
 munere fungebatur, uir efficax et seuerè grauis, et
 quod reipublicæ intererat, partiū maxime studiosus.
 In conscribēdis enim italicis cohortibus, quas diximus,
 conqui

conquirendaq; pecunia, enixè operam dederat, ut Västio certa spe auxiliorum maturè confirmato Cisalpine Gallie succurreretur. Discesserat demum à Pontifice alienato planè animo, quòd illū à Gallica amicitia non abhorreere, Caesaris incommodo atq; periculo letari, eumq; grauib; diuersi belli difficultatibus implicari premique percipere crederet. Eius aduentus quanquam Västio parū gratus, & Salernitano præcipue grauis, non obscura honoris oblectatione uideretur, tamen in unum cōmunicatis consilij Caesaris causa consenserunt, Vega sese apertiore & æquiore præbente, quàm crediderant. Præferebat enim ingenium more gentis elatum, & uulium ab Italica comitate prorsus alienum, sed qui suas partes inspicendis præsidij, & parandis comitatibus diligenter obibat. Neq; tamen Strozzeam per Apenninū euadentem impedire, neq; per præmissas cohortes & equites eum consequi potuit, quanquā ex Strozzeanis multos dilabi, ducemq; deserere ex timere coegisset. Conuertit se demum Vega ad oppugnandum Anxianum oppidum, quod eo euentu expugnatum est, ut oppidanos ad unum omnes cum præsidio trucidari sineret, seuas manus ad eam cædem præbentibus Hispanis & Germanis, qui seruatos ad Scriuiam hostes ab Italis, nequaquam eo die sanguinarijs, ægerrimè ferebant. Vega quoq; eius cruenti facti seuiticem inuidiosa scueritate cumulauit, quū deditos præfectū præsidij & signiferū cum centurione, nōnullisq; militibus Insubri nominis, ad subgrundia particus laqueo suspendi iussisset, quòd aliquanto pertinacius & insolentius quàm deceret,

aduersus Caesarianos tanta ui oppugnātes propugnassent, uictiq; demum extrema necessitate sese ad arbitrium uictoris dedere, quā in ipso suscepti conatus uestigio constanter interfici maluissent, sic ut Itali iniquis animis eam Hispani noui ductis acerbiter ferrent, quando ij, qui sese perseverantius pugnādo, cum fidei, tum militie decus tueri uellent, inhumano prorsus more latronum supplicio punirentur, & eo quidē indignantiū, quōd ipsorum cohortes post diu oppugnatum murum ex ipso cruento conatu Vega reuocasset, ut succedentibus Hispanis, qui recentes & integri fuissent, expugnati oppidi laus ipsaq; praeda omnis pararetur. Sed Vega seuerioris eius facti inclementiā eo nomine excusabat, quōd transfugas & exules, apud Gallos stipēdia facientes, tanquam Caesariana ditionis iusta poena damnandos iudicasset. Ab hoc etiā terrore hostibus resistere paratis illato, Vega Andesanam oppidum sine uulnere recepit, ob idq; gratiae eiactae sunt ingētes à Carolo Sabaudio: quoniam ipsum Vercellis commorantē, propinquos urbi Gallos hostes, & perpetuis incursionibus infestos ultus, utroq; erepto oppido, in reliquū tēpus non obscuro metu, & sumptuosa cura liberasset. Nec multō post his rebus gestis Vega, ad suum susceptae legationis munus Romam est reuersus, ipso Vastio disponente praesidia, & Cariniana obsidionis successum, Anghianiūq; motus obseruante. Nec multis inde diebus Pyrrhus extrema alimentorum inopia compulsus, honesta conditione Anghiano deditio-nem fecit, ita annuentibus Germanis pariter & Hispanis, quos diu eruptionis sustentatos in officio cōtinuerat.

rat. Ea autem re transacta, Vastius Pyrrho uehementissime successit, quasi falso sibi denunciata cibariorū omnium penuria sollicitus, & properantius quā necessitas periculosaq; praelij alæ casus flagitarent, sibi opem ferri postulasset, importuro maximè tempore, caloq; pluuiò, quibus tantum Casarianis partibus incommodum esset acceptum. Quadraginta siquidem amplius dies, postquā ad Ceresolanū fuerat dimicatum, obsidionem tolerarat. Quo spatio citra periculū inedia cōcesso maturius & apparatius opem ferre, & cum hoste confluere potuisse Vastium apparebat. Verū priores difficultates noua plenioris cōmeatus copia sustulerat, reperta quidem in recōditis abstrusisq; oppidanorum horreis, satagentiū & cuncta scrutantium militum diligentia, quanquam Vastius ex dolore accepti detrimētī succensus, eam Pyrrhi satisfactionē agrè acciperet, eoq; etiā grauius, quò deducta esse Carminiano multa iumenta didicisset, quibus occisis, totius assumptæ frugis defectus tolerari potuisse crederetur. Cuius rei opinionem præclare confirmabant obsessorum uultus, nequaquā, uti ab inusitatis cibis accidere solet, ulla macie, aut insolito pallore deformati, quum gregarij etiam milites ora saluberrimi coloris præferrent. His uerò conditionibus deditio facta est, ut Germani in Germaniam continuò redirent, Hispani extra ueteres Subalpinae ditionis fines, quò uellent, demigrarent, neq; intra quartum mensem Casari militare operam præstaret. Pyrrhus ipse sub fide dimissus, ad Franciscū regē in Galliā statim profiscisceretur, & ab regia clementia libertatem peteret. Bellicus uerò apparatus

omnis qui Cariniani esset, Gallis cederet. Eo modo Pyrrhus à Gallis Cherium deductus, non multo post ad regē se cōtulit, à quo singulari humanitate suscipitur: nam Franciscus uel in hoste ueræ uirtutis admirator, facile eum ad libræ stipendium inuitauit, abnuentem affecit donis, et ut transiret ad Cesarem, potestatem fecit. Sed præfectus Hispanorum, cui cognomen fuit Sæstus Michael, nequaquam sincera fide cōditionibus stare uisus est, quod nonnulla à Gallis sibi uiolata fuisse diceret: atque ita conuiente Vastio, secundus deuectus Pado, ad Brixellum Atestinorū ditionis cohortes exposuit, expeditisq; tormentis oppido ita potitus est, ut præfectum oppidi cognomine Bellingambam tormentis excruciaret, et oppidani gratuito uberioresq; conuictu Hispanos alere cogerentur. Hoc indulgisse Vastius non inuitus credi potuit, quod eius oppidi copijs cohortes alendas putaret, atq; odium in Cesarem Hippolyti Atestini Cardinalis ulcisceretur. Is namque Gallicas professus partes, omnibus rebus Strōzzā adiuuerat. Eisdem fere diebus quibus hæc inter Cesaria nos et Gallos in Subalpina regione gesta sunt: honesto pioq; consilio rex Franciscus Barbarussam censuit dimittendum. Barbarus namq; sibi satagere, undiq; prædari, neque otium pati solitus, querebatur se non sine cōtumelia sui nominis retineri, utpote qui neq; Gallo utilis, neq; Cesari hosti infestus foret, et sibi opportunum ad nauigandum tempus elabi prædicaret, quo minus flauibus Etesijs Byzantium reuerti posset, ideoq; excludi prorsus reditu, nisi discedere maturaret. Accedebat ad hoc regij promissi fides, qua eodem anno ad

Solymanum

Solymanum
mora
bili on
alieno
ciosu
sari im
quo tur
alta et
mis fer
promot
Id cons
quantiq
Cur en
parent
baris d
sui uer
adeo d
posteri
rex, ut
ponere
sita na
ripere.
supple
rex Tu
fermē
ad rem
meatus
conger
recta
qui est

Solymanum se rediturum fuerat pollicitus. Ea porro mora Gallis inutili, sibiq; damnosa emarcescere ignobili otio reniges, hebetari naualem disciplinā, & sub alieno celo Turcas mortiferis morbis absumi, conuicio sa uoce dictitabat: addens, si iuberetur, & rex Cæsari implicabili suo hosti in Galliam irrupienti æquo iure nocendum putaret, se paratum fore, ut expedita & strenua excursionē totius Hispaniæ oram summis ferro atq; igne illatis detrimētis, a primo Pyrenæi promontorio ad Gaditanum usq; fretum peruastaret. Id consilium rex ab insita sua pietate prorsus alienū, quanquam amicissimè oblatum continuò repudiavit. Cur enim Christiani nominis gentes nihil tale meritas, parentesq; tantum imperio Cæsaris, immanibus Barbaris delēdas concederet? Cur in hoc tam atroci facto sui uetustū cognominis obliuisceretur? Cur deniq; usq; adeò detestabilis & impiæ cladis inuidiosam sibi & posteris memoriam relinqueret? Admonebatur quoq; rex, ut prouinciæ incommodis ac oneribus finem imponeret, quòd Barbari lignatū euntes, non modò confita uastarent, sed uagos etiam homines insidiosè corripere, & ad transtra catenare dicerentur. Itaque in supplementum demortuorum Turcarū condonauit ei rex Turcici Puniciq; nominis seruos omnes numero fermè quadringentos, qui essent Gallicis in irremisibus ad remū damnati, ipsoq; instruente omni genere comæatus, multaq; insuper munera in ipsum Barbarusā congerente, Ottomannica clāsis oram soluit, tenuitq; rectā cursum à Leronijs insulis ad Vada Sabatia, qui est portus Sauonæ propinquus. Ibi ab Genuensi

senatu multa tela serica, multisq; recentibus cibarijs
benignè donatus est: indeq; exiens professus se in Li-
guria nemini nociturum, ad Iliam insulam contendit.
Vbi uerò appulsa est tota classis, Barbarussa literas ad
Appianum eius insulae Populiniq; regulū, in hanc sen-
tentiam perscripsit. Scio apud te seruire adolescentem
Turcam, Sinæ praefecti trirremium cognomento Iudaei
filium, iam pridem Tuncti captum. Hunc uelim ut ami-
cè restituas, quod munus ostendam mihi fuisse gratissi-
mum. Nam haec nostra ingens classis dum praeteruehe-
tur, ab omni hostili iniuria & maleficio integra fide
temperabit. Quod si mihi obsequi hac parua in re
grauaberis, scito eam eladem in ora ditionis tuae esse
expectandam, quae ab insensissimo hoste inferri possit.
Ad eas literas Appianus ita respondit, ut dissimulare
metum ostentatis in muri corona armatis hominibus,
& munitioni loci cōfidere uideretur, diceretq; se, quo-
minus petiti obtemperaret, prohiberi religione, quod
adolescentem Christianis initiatū sacris sine piaculo
tradi non posse sacerdotes confirmarent. Ceteris autē
in rebus cuncta humanitatis officia transeunti praesti-
turum, & iuuenem nequaquam serui sed filij loco ab
eius commendatione semper habiturum. Addidit etiā
munera recentis cōmeatus, quibus minus grati resposi
sui conditionē leniret. Haec ubi à legato suo renuncia-
ta sunt, Barbarussa uehementer iratus Appiano, quod
cunctantius & perplexius quā ipse cuperet, respon-
disset, occupatis cunctis insulae littoribus, ut milites
descensiones facerent, & ad praedā discurrerent pro-
nunciavit. In Iliam, quae Aethalia etiam dicitur, gemini
sunt

Sunt portus, procurrente inter ambos enormi quodā concisi littoris anfractu, ad latioris isthmi similitudinem, cuius dextra pars in oblongam exporrecta frontem promontoriū efficit, iuxta Magnetis rupes, quod Caput Liberum incolæ uocant. Huic introrsus subiacet portus, quantumuis magnæ classis capax, sed Vulturini & Euronoti flatibus expositus. Is propter sinus hiantis longitudinem, Longonis nomen obtinet. Alter uerò in diuersa insulæ parte, qui olim Argous fuit, & hodie Ferrarius uocatur, uergit ad septentriones, & aduersam Etruriæ continentem spectat, contra Baractum antiquæ Populoniæ portum: Longone quidem tutior atq; nobilior, uel ob id, quod adunco mollioris pelagi sinu profundissima atque optima uel octoginta triremibus statio arctis adeò faucibus includitur, ut catena aduersus omnem impetum præcingi possit. Binis quoq; editis arcibus latè maria spectantibus, & portū aptissimè protegentibus, quas hodie Cosmus Medices opportuno inaccessæ utrinq; rupis supercilio imposuit. Harū alteram ab ipsa radiosi edificiij figura Stellam, alteram ab excelsa structura Falconem appellauit, ut portus usum Barbaris prædonibus metu imminentium tormentorum eripiat: eo etiam grauiore consilio, quod magnis circumductis operibus peramplam coloniam ad tuti celebrisq; emporij nomen condat, maxime salubri in loco, piscosq; littore, ad quam incolis omnibus conspecto hoste tutissimus sit receptus. Primum omnium Barbari oppidum, Caput liberum de proximi promontorij nomine uocatū, ea celeritate aggressi sunt, ut oppidanos ferme omnes interciperēt,

effusiq; undique ad prædam incolas frustra in rupes
 senticosas, & nemorosa loca fugientes, uenantium more
 consecrantur, conuersiq; inde ad Vulturium excel-
 sum prærupta in caute castellum missilibus frustra ten-
 tarunt, lateq; munita loca prædæ ad classem redie-
 runt. Quæ suorum calamitate nunciata, Appianus, ne
 eius insula, quæ sibi ferrariæ secturæ, multarumq; re-
 rum uberrimum uectigal præbet, supremum excidium
 lugeret, consilium mutauit, redditoq; adolescente pa-
 cem redemit, non temere iudicans se tantæ classis uim
 non esse laturum, si irati Barbari impetus esset expe-
 ctandus, quanquam Cosmus integræ cohortis præsi-
 dium sibi præmississet, id cum publicæ causæ facile tri-
 buens, tum priuata item amicitia, quæ Saluata ipsius
 matertera in Appiani matrimonio esset. Itaq; recepto
 adolescente Barbarussa ab reliquis insule oppidis &
 maleficijs abstinens, adolescentem, quem Salecus ad-
 duxerat, Italica insigni adornatum ueste, tanquam for-
 tissimi uiri ueterisq; sodalis sui filium, paterna chari-
 tate complexus est, gratiasq; agens Appiano, promissi
 fidem nusquam ei postea iniurius impleuit. Hunc ado-
 lescentem honoris causa septem triremibus præfecit,
 sic, ut postea mitteretur tanquam postliminio redditus
 ad patrem Sinam usq; ad Suetiæ rubri maris portum,
 Memphi urbi propinquissimum, qui antiquitus Arsi-
 noes fuit. Ibi enim Sinas, propter naualis discipline pe-
 ritiam, magnumq; usum in re militari, ædificandæ ad-
 ducendæq; in Indiam classi aduersus Lusitanos à Soly-
 mano fuerat præpositus. Verum senex inexpectatam
 singularemq; ex recepto filio lætitiā diu sustinere non
 potuit,

potuit, quam præ gaudio supremum animæ deliquit
incurrisset. Erat Sinas, ut sæpe alibi diximus, ipsi Ha-
riadeno opinione uirtutis ferè par, & etate æqualis,
prudencia uerò æquitatēq; iudicij facili superior, uel
ipso captiuorum testimonio, qui eum, Barbarussa uti
sæpe iracūdo atq; acerbissimo, mitiorem dominum ex-
perti fuisset. Interim Cosmus per Græcū speculatōrē,
quem opimo stipendio in ipsa Barbarussæ nauæ præto-
ria diu aluerat, de prosecutione arcanisq; etiam Barba-
ri consilijs certior factus, sicuti Etruriæ principem de-
ceret, frequentibus literis Senenses admonebat de ad-
uentu Turcarum classis, hortabaturq; ut quā maxi-
ma possent præsidia per oram ipsorum ditionis accu-
ratè disponderent, ne aliquod repentino Barbarorū in-
petu detrimentum acciperetur, quòd Barbarussam in-
hiate Etruscæ oræ portabus, & tutam sibi stationē in
Italia parare uelle didicisset, Gallorum maxime horta-
tu, impulsuq; etiā Leonis Strozze, quem rex Franci-
scus cum aliquot triremibus Barbarussæ comitem de-
derat, unā iturum cum munere legationis ad Solyma-
num. Propterea ad auertēdam communem immanium
hostiū perniciē, quas ipse haberet paratas peditū atq;
equitū copias illis offerebat, si eas intra fines reciperēt
ut eius oræ littoribus atq; hosti, quū expediret, essent
propinquiore. Cosmus nāq; cōmunicatis cum Steph-
no Columna consilijs (hunc enim Etruscis omnibus co-
pijs præfecerat) in spem ueniebat, Turcas, si descensio-
nes facerent, subito atq; inexpectato impetu facili re-
pelli ad naues, insigniq; illata clade perturbatos, in ma-
re detrudi posse, quoniam tormenta triremium nulli

usui futura uiderentur, quæ nisi paricum periculo in
 permixtos expediri dispendi; nequirent. Sed Senenses
 nusquam sibi tempestiue consulentes, uti homines natu-
 ra suspicaces, ueriq; & antiqui Florentini nominis ho-
 stes, ea tota consilia atq; præsidia repudiarunt, quod fi-
 nitimorum ualida arma intra fines recipere minus tu-
 tum putarent, stultaq; ratione proprijs uiribus Barba-
 ro resisti posse considerent. At Barbarussa illa exce-
 dens, Telamonemq; delatus, expositis illico tormentis
 oppidum adoritur, iuxtaq; arcem, qua murus erat
 debiliior, magna pinnarum strage edita, ingressum sibi
 parat. quo periculo territi, qui exiguo præsidio præ-
 erant Hieronymus & Ambrosius cum Verdone cēturi-
 one, perforato muro ad aduersam oppidi partem ef-
 fugere conantes, à Turcarum circumsisorum corona
 capiuntur: oppidumq; ita diripitur, ut Barbarussa in
 domum Bartholomæi Telamonij igne defauiret, sepul-
 chrumq; eius paulò ante defuncti uiolatis osibus disij-
 ceret, quòd is superioribus annis Pontificiarum præ-
 fectus triremium prædabundus ad Lesbum insulã usq;
 prouectus, Mitylenæum agrum, paternasq; Barbarus-
 sæ possessiones euassasset. Eadem ui celeritateq; Barba-
 ri introrsus à littore octo milib. passuum distans Mon-
 teanum oppidum noctu peruenere, Monteanensesq;
 ad unum ferè omnes miserabili captura oppressere, sic
 ut pauci tantum aratores & agricolæ, qui in opus exie-
 rant, seruarentur. His nuncijs territi Senenses, quum
 Barbarussam ad portus Herculis oppidum imperitè
 inualideq; munitum, contendere serò prouiderent,
 Ioannem Lunam urbis præfectum cum manu Hispano-
 norum,

norum, & tumultuarijs civium cohortibus, ad mare
 descendere iusserunt, & quod hæc præsidia infirmio-
 ra quàm periculum flagitaret fore perspiceret, ad Cos-
 mum tandem confugere coacti sunt, atq; ita Ambro-
 sius Nucius legatus, mutatis ad celeritatē equis ad Cos-
 mum contendit, postulavitq; ut rem Senensem in sum-
 mum adductā periculum & prope oppressam, celeri
 ope præbita subleuaret. Cosmus, etsi eos indignos puta-
 ret auxilij, qui nuper secus ac oportuisset, tanquā su-
 specta repudiassent, tamen ne Reipub. quæ religionem
 & Caesaris cōmodum simul respiceret, deesset, ad digni-
 tatem Etrusci nominis obliuiscēdum subagrestis cōtu-
 meliæ, & opem maturē ferendam censuit, sic, ut statim
 Stephanus Columna cohortes deduceret, & festinādī
 causa Cepinius Vitellius cum duabus turmis equitum,
 & expeditis selopettariorū cohortib. præmitteretur.
 Sed interim Barbari singulari usi diligentia atq; incre-
 dibili artificio, eductis in præaltā rupē tormētis sup-
 positam arcem ipsumq; oppidum tanta vi diuerbera-
 runt, ut Carolus Manutius Senensis, & Coranza Hispa-
 nus inusitato summæ cladis periculo territi, cum præsi-
 dio in servitutē se dederēt, oppidum incēderetur à Bar-
 baris & Chisianæ magnificentissimæ domus delitiæ us-
 starentur. Chisius enim Senensium uir elegantissimus,
 qui summæ opulentie erat publicanus, hoc oppidum
 operosis edificijs exornarat. Fumante autem oppido
 Luna serus aduenit, & quū amisso deflagrantiq; oppi-
 do opē ferre nō posset, in oppidum Orbatellum, quod
 in palude media situm est, se intulit. Is locus admonet,
 antiquis parū celebratus, ut eius regionis faciem breui

descriptione legentibus ostendam: In medio fere totius Etrusci litoris spatium, à Tiberi ad Macram, nullum omnino maius atq; porrectius promontorium uisitur ipso Herculeo, quod hodie Argëtarium uocat. Id præcisus undiq; cauitum lateribus ita exurgit, ut tanquam naturæ circumo circumductus sese reflectat introrsus in geminos sinus, qui ceruici extentæ, qua continenti iungitur, aptissime coheret & humani capitis affixi trunco, corporis figuram exprimunt, non secus ac Peloponnesus Corinthiaco isthmo Achilæ connexus cernitur. In his cauis sinibus utrinq; ad continentis humeros patefcunt gemini portus, ad ortum quidem solis, qui Hercules uocatur, ad occasum uerò Stephanus, ab antiqua æde sancti Stephani sic uocatus. In summo autem promontorio planicies letissimi prospectus purgatissimiq; aeris fontibus scatens, olea & palmis, lauro & myrto conuetsita, in spatium centum ferme stadiorum expanditur, condendæ prorsus magnæ & perbeatæ urbis sedem ostendens, si regibus nostri seculi inesset laudis amor & extendendæ fame studiū, uti olim id in Græcis atq; Romanis, Gallisq; Transalpinis uiguisse perspiciamus. Quando duo tutissimi portus, ad omnes mercaturæ inuectiones fructumq; exportationes commodissimi, & ager intus frumentarius, & uberrimæ alendo pecori pastiones, syluæq; cædæ, & uitiferi colles urbi nondum conceptæ, neq; unquam fortasse nascituræ, rerum omnium copiam, & non dubiam toto anni tempore firmitatem repromittant, & supra hæc benigno naturæ munere argentarijs fodinis ditescere possit, quum etiam in tergo piscosissimo lacu

inter

inter utrumq; portum dicitur. In hoc lacu, qui à quibusdam olim Prilinus fuisse putatur, situm est media in insula oppidum Orbatellum angusto ponte continentì iunctum, contra omnem prædonum & hostium vim munitissimum. In id, ut diximus, Luna cum præsidio se contulerat, Barbarussaq; inuasurus credebatur, quum ab expugnatione oppidi Portus Hercules, nihil eius peritiæ & uiolentiæ imperium fore constaret. Iam enim cæsa materia parabat rates, quibus maiora tormenta oppido admoventur. Qua re animaduersa tātus Lunæ præsidioq; incesit timor, ut uno consensu, desperata defensione, inde per fugere cogitarent, & nemo uel Senensium ciuiū, quibus imperare poterat ex senatus autoritate Fantocius Senensis, consistere auderet. Sed hunc terribilem metum opportunè sustulerunt aduentantes Cosmianæ copię, præeunte Vitellio qui intrauit oppidum, moxq; uti erat uir impiger, in hostes in littus expositos cum ipso Luna erupit, sic, ut productis equitibus & sclopetarijs, hostes præsertimq; Strozzeanos, qui audacius in littus exierant, in mare propelleret, & qui scaphatim accedebant Turcas descensione prohiberet. Quamobrem Barbarussa, quod sibi ab armato equitatu, quem turmatim augeri conspiciebat, militaribusq; cohortibus, quæ sub signis in conspectum se dabant, non temere cauendum existimaret, & capta iam passim multa præda satis in Etruria profecisset, ad Igilium se conuertit. Hæc insula suauissimo uino celebris, duodecim miliaribus à portu distat. Itaque extemplo facta descensione, ac expugnato tormentis oppido, magnum numerum

omnis sexus & etatis mortalium in seruitutem abduxit. Hoc subito, ac propè inexpectato Barbarorum discessu, Orbatellani non presenti tantum timore, sed grauioris etiam futuri incommodi suspitione liberati sunt, quòd Barbarus supè ingenio peracutus, edoctusq; impiè à nostris hominibus, uti quibusdam rerū peritis facile ausurus credebatur, ibi sedem minimè figendam iudicasset. Cur autem rei aggrediendæ perficiendæq; occasionem omiserit, has fuisse causas reperiebamus, quoniam Byzantium eadem æstate omnino redeundum esse statuisset, ideoq; iusto maiorem morā nusquam trabendam, ne in dubias incerti autumnī tempestates incideret, quibus superioribus annis, uel nondum adulto autumnō bis naufragium, semel ad Acroceranios Chimæra scopulos, iterum in Proponitide ad Cherronesum, quam Marmora uocant, multis amissis triremibus fecisse meminerat. Neq; tum sibi satis paratos Gallos ut oppidum portus Herculis instaurare minuireq; & firmo demum præsidio teneri posse prouideret, quanquam occultiore quodam grauioreq; consilio, una temporis exiguitate se excludi & detereri fateretur. Vir enim immensæ prudentiæ, ac imperij gloriæq; audius, cogitabat (sicuti didicimus) ab ipso Stephanio portu fossam ad altitudinem commeantium triremium, perpetuo seruorum labore producere ad proximam Orbatelli paludem, quam inde non plus quàm ad sagittæ iactum abesse iam pridem nouerat, scilicet, ut ibi capacissimum & aptissimum tantæ classi portum efficeret ad uisitanda maria, inuadendumq; totius Italiæ imperium, ad quod non obscure Solyma-

num

num aspirare didicisset. Quandoquidem nullis se inde uiribus, uti gnarus nostræ infirmitatis atq; discordiæ, depelli posse confideret. Quum præteruheretur Linarium promontorium, olim Pyrgæum, quod supra Centumcellas eminet, eam urbem inuadere atq; incendere uelle comminatus est ex eadem causa, qua Telamonem deleuisset. Sed deprecante Leone Strozza, ne tanta inde Francisco regi inuidia conflaretur, uix impotenti iracundiæ obstitens, ab iniuria temperauit: indeq; directo cursu in Aenariam delatus, odij sui ad Nicæam in Alfonso Daualum concepi, omnem acerbitatem effudit, quum nocturna descensione facta, undiq; insulam complexus, omnes propè incolas, nequicquam in altissima Aboceti montis culmina euadentes interceptisset, tresq; præcipuos eius insulæ pagos, Forrinum, Pansam & Varranium euastasset. Ipsum uerò oppidum Pythacusas Dauali sedem, abrupto in colle disunctoq; à mari positum, quum tormentis egregiè esset permunitum, aggredi non potuit. exinde abradès Prochytam illato minore detrimento, quòd incolæ demigrantes magna parte Pythacusas confugissent, in Puteolanum sese intulit sinum eo ordine, ut classis à Miseno ad Auernū toto Baiano littore extenderetur, tutaq; esset à tormentis eius excelsæ arcis, quæ est ad Baulos antiquis Hortensijtoris delitijs nobiles. Tū uerò Salecū cum parte classis in aduersam litus transire, & tormentis à mari Puteolana moenia ferire iussit, ut si quid de oppugnatione effici posset, explorata urbis munitione tentaret. Magnus inceserat Puteolanis timor, quòd nullo militari presidio confirmarentur,

conscijq; essent ipsorum inopiæ, nec eis in triduum
 molita frumenta sufficerent. Accidit etiam importunè
 ad terrorem augendum, quòd Hispanus Saiuedra uir
 militaris, dum in muri corona discurreret, tormento
 fuisset abreptus, sic ut Puteolani ingèti periculo essent
 circumuenti. Sed prorex ipse Neapoli Petrus Toleta-
 nus cognito Turcarum aduentu, nullam sibi moram
 attulit, quin Neapolitanos circuendo, singulas tribus
 ad capièda arma splendidissimis adhortationibus ex-
 citaret, statimq; nihil recusantes, & pro patriæ digni-
 tate saluteq; armatos ad opem ferendam Puteolos ad-
 duceret. Fuere cum eo amplius mille galeati equites, et
 secundum eorum multuaria strenuorū peditum manus,
 quorum multitudinem descendente è collibus con-
 spicatus Barbarussa, descensiones militum suorum in-
 hibuit, segniusq; iam Puteolanos oppugnantem Sale-
 cum reuocauit: ne si, ut acrius murum feriret tormèta
 maiora in litus exponere, & militum uim ad mouere
 cogeretur, inermes turba naualis cohortes, tot arma-
 tis equitibus proculcandas obijceret, quòd erat pror-
 sus alienum à consilio, utpote qui improuisis tantum,
 & tutis sibi expeditionibus obuia tètare, nec exposito
 milite usquam cum armato hoste congregi statuisset.
 Atque ita Barbarus uno tantum Hispano equite cata-
 phrasto iuxta proregis hortos intercepto, quòd ille
 audacius procurrisset, orā soluit, sub Capreis cursum
 dirigens, quum in tergo Ioannes Auria cum rostratis
 uiginti quatuor è Pauonis portu, Euripoq; Nistæ in-
 sula profiliens, nouissimi agminis hostium nauigia tor-
 mentis procul impeteret. Superato autem Athenæo
 promon

promontorio, quod nauta Campanellam uocant, ea mente in leuam deflexit, ut urbem Salernum inuaderet. Verum oborta tempestas, eam ab amœnissimo litore perniciem auertit, eo euentu ut disiecta classis inualescentis Cori flatibus ultra Palinurum raperetur, Brutijsq; litoribus & Carreato præsertim oppido, luctuosa inferret detrimenta. E Brutijs demum multa onustus præda profectus Liparas, quadraginta maiora tormenta exposuit: cuiusq; insula urbem usque adeo pertinaci atq; terribili oppugnatione concussis, ut Nicolai primarij ciuis meticulosi hominis opera deditio-nem exprimeret, ipsoq; uno tantum Nicolas conseruato, ceteros omnes Liparitas comprehensos in seruitutem abduceret, qui septem millium humanorum capitum summam impleuere. Hæc clades euerso oppido longè omnium miserrima uideri potuit, quæ nefarius ciuis, uitam & libertatem suam publicæ saluti turpissimè prætulisset. Tantam autem omnis generis mortaliû prædam, qui in classe erant fuisse retulerunt, ut in toto cursu ad Byzantium directæ nauigationis, plura captiuorum enecta fame, siii, mœroreque corpora, uti erant in infimis carmis inter naturæ sordes angustissimè constipata, omnibus prope horis in mare projicerentur, execrantibus cunctis immites Gallie regis & Cesaris animos ideo studentes ueteribus odijs, ut subdite ipsorum imperio gentes nihil tale merita plesterentur: quandoquidem ex sua effræni obstinataq; libidine, à communi abhorrentes concordia, tãtis calamitatibus graui cû infamia causam præbere diceretur. Hunc annû tot diuersis clarû bellis subsequutus

est quadragesimus quartus supra quingentesimū atq;
millesimū à partu Virginis, post grauisimum bellum
inexpectata pace ualde insignis, quanquam ea uti ma-
ximè exoptata, non ita firmis ex æquatisq; legibus cō-
stituta esset, ut diu statuta crederetur, utpote quam ne-
cessitate potius, quam sincera regum uoluntate ex-
pressam hi mortales iudicārēt, qui rerū periti, gnariq;
consiliorum et sensuum Caesaris atq; Francisci regis,
nunquam sīre stabilem arbitrarentur, nisi utriq; eorū
aliquid seuera transactione demeretur, quod ab ambo-
bus non planè conciliatis sponte præstari nō posse in-
telligerent. Caesar siquidē et Henricus Britanniae rex,
antiquis atq; recentibus incitati odijs, aduersus Fran-
ciscum ita conspirarant, ut consociatis uiribus uno tē-
pore diuersas Galliae regiones irrupturi, exuturiq;
proculdubio eum magnae partis Galliae regno puta-
rentur: nam imperitē prorsus et segniter superiore
anno ad Landresium bellatum fuisse meminerant: exi-
stimabatq; Caesar Franciscum ē manibus sibi elapsum,
quum ille contempto ingenti conserenda pugnae pe-
riculo, post solutam Landresij obsidionē, tumultuoso
quodam receptus genere, congressum dimicaturi atq;
insequētis hostis, non temere deuitans, et obscurae no-
ctis tenebris utens in pacatā Galliae regionem absces-
sisset. Tum uerō apparebat Gallos nequaquam tantas
habituos copias, ut in diuersam regionem utriq; dis-
iunctim irrupenti iusto cum exercitu obsistere pos-
sent, quū hinc Caesar Germaniae atq; Hispaniae robora
cū bona spe uictoriae in aciem esset producturus: inde
uerō Britāni olim maximae partis Galliae imperio po-
titi,

titi, qui omnibus ferè praelijs superiores ingentes Gal-
lorum aliquot exercitus eorum etiā rege capto, pro-
strauissent, uulgo Gallis essent formidabiles: quippe
qui ipsam Parisiorum Lutetiam, ubi arcē gloriosum
uictoriæ suæ monumentum reliquissent, repetituri di-
cerentur. Ea autem Henricus ceteris regibus, qui un-
quam bellum Gallie intulissent, grauior atq; ualidior
Gallos inuasurus uideri poterat, quoniam sublato Sco-
tiæ rege, qui Gallie regib. antiquo iure foederatus esse
consueffet, nulla omnino spes esset inferendi belli Bri-
tannicis finibus, quo minus audacter Angli in Galliam
traijcerent, domestico metu atq; periculo retineri pos-
sent: quandoquidē Scotici regni hæreditas ad uagien-
tem in cunis puellam peruenisset, nec ullus ei certus ad
huc adesset primarius tutor, cuius authoritas esset tāta
ut ad sumenda arma inferendumq; ultro Angliæ bellū
ualitura putaretur: uiolatis præsertim inducijs, quas
non temere Scoti in uniuersum recenti atq; sancto Ia-
cobi regis exēplo admoniti, religiosè obseruandas du-
cebant. Terrebat autem Gallos non mediocriter An-
glus, auri potens, bellicosus & acer, præter opinionem
multorū Cesari conciliatus, foedereq; coniunctus. Qua
in re Paulus Pōtif. Cesarem, aliquanto iniquius quā
Christiana pietas flagitaret & Pontificia maiestas re-
quirere uideretur, Anglo adhæsisse in contumeliam
suam assidue prædicabat, quod ille hæreseos notatus,
uti sacrorum expilator & euersor, & super hæc in in-
fontes probitateq; conspicuos crudeli seuitia infamis,
ob idq; in gratiam ipsius Cesaris à Clemente damnatus
ab authoritate Rom. Pontificis discessisset. Ita ut Cæ-

far cum promissi sui, tū religionis obliuisci, quā con-
 cepto in Gallum odio non satisfacere maluisse uide-
 tur, predicaretq; se æquissimo iure contra Gallum ar-
 ma cepisse, quod ille accitis Turcarum clasibus Euro-
 pæ littora peruastanda obijceret, qua noxā omne sce-
 lus implere & superare a pijs hominibus credi posse.
 Caesar à tota fere Germania legiones quatuor lectissi-
 marum cohortium conscripserat. In his plurimum e-
 minebant duces, qui paulo ante hostes fuerant, Marti-
 nus Rossenius Elādrico bello clarius, & Guilelmus ipse
 Furstembergus, qui multos annos Gallica stipēdia me-
 ruerat, indeq; maxime diues factus, sed propter auari-
 tiam malignitatemq; impij & ualde rapacis ingenij,
 crescente undiq; in eum odio, Gallia finibus exactus,
 Cesari sese applicarat, & secundum hunc Conradus
 Hessius Italicis bellis illustris: Mauritius quoque Saxo
 nobilissimæ stirpis, cuius Pestano bello spectatam uir-
 tutem fuisse meminimus, armatorum equitum ingentē
 alam adduxerat, alteramq; ei parem uirtute, & nume-
 ro Albertus Brandeburgus. Reliqui equites erant par-
 tim Belgæ, partim Menapij, & Burgundiones, qui u-
 rijs præfectis parentes, unum præ cæteris Maximilia-
 num Burram, singularis animi regulum, obseruabant.
 Veteres autem equites Italicis & Gallicis exercitati
 bellis, sub præfectura erāt Francisci Ateſtini Ferrarien-
 sis, qui superiore anno ad Guisam captus, non multo
 post à Francisco rege in gratiam Hippolyti fratris Fer-
 rariensis Cardinalis humaniter fuerat dimissus. Reliquæ
 copię Hispanicis cohortibus constabant, quæ septem
 millium peditum numerum implere dicebantur. In his
 duo

duo primores duces, reliquos omnes auctoritate nominis anteibant, Aluarus ipse Sandeus, disciplina militaris corrector acerrimus, tã bello militiaq; probatus, quã Hispano militi propter seuã in exigenda poena acerbiter odiosus. secundum eum manebat egregie uirtutis fama penes Aloysium Peretium, & Alphonsum Viuesium. Eo bello Caesar Italico pedestri subsidio incommode caruit, quod a superiore anno Italici, quia stipendijs egrè sibi persolutis, nequaquam honestè atq; amanter habiti fuissent, ueluti indignantes ipsorũ Romani ducis inclementiam, & subagrestes erga se contumelias ad Gallica Britannicãq; stipendia tanquam uberiora certiorãq; se contulerant. Nam tum apud regem gratia maximè ualebant, qui Italicis obnixè studerēt, Petrus Strozza Florentinus, qui ualidam Etruscorum & ciuium suorum manũ circum se habebat, & Petrus Maria Roscius Sancti secundi comes, apud quem ex omni Italiae factiosa regione Gallici nominis studiosi milites faciliè coibāt. Penes hos fortissimo cuiq; notoq; militi ad liberale stipendium erat locus, utpote, qui non in lucro interuersis militum stipendijs, sed in laude & gloria uerum militiae fructum reponerent. Caesar quoque ad suas lectissimi generis copias maiorem quã unquam antea tormentorum apparatus adiunxerat. Ante omnia autem quæ sui iuris antea fuissent manu repetenda iudicans, ad Lucemburgum, uti ferunt, urbem olim Leucorum rectã duxit. Eam Gallipaulo ante Aureliani uirtute in potestatem redactam, magnis operibus additis, peregre munierant: & quum aliquanto post à Cesarianis oppugnaretur,

ita per Sergianum Caracciolum Melphitanum regulū
quem rex conchyliato torque nobilitatis atq; uirtutis
causa donauerat, omnium rerum copijs, ui facta, feli-
citer illatis opportunē seruauerant, ut in ea supra se-
ptuaginta mediocris maiorisq; generis aenea tormēta
relinquerent. Sed non satis magnum aut ualidum ar-
matorum praesidium, quod moenia tueretur, ibi restitit
neq; tantum penuarij commeatus in urbe reconditum
ab initio fuerat, ut obsidio diu sustineri posset. Atq; ita
usu euenit, ut Caesar celeritate usus omnem hostium di-
ligentiam praeueniret, et inopia potius rerum premē-
dos, quā tormētis adaētis uera ui subigendos esse sta-
tueret. Praerat praesidio uir nequaquam animo fortis,
ideoq; aliquāto uite salutisq; cupidior, quā egregie
laudis. Is itaq; per sesquimensē, quo statio annona
ei egregie suffecit, incorruptus est, sed mox adeo igno-
bilem fecit deditionem, ut territus amplitudine castro-
rum hostilium, et desperatis auxilijs, tormenta Caesari
atq; arma concederet. Lucemburgo per Gonzagam in
potestate redacto, Caesar qui in Mediomatricibus sub-
sisterat, Arduennae syluae finibus egressus, et Mosae flu-
mine superato, ad oppidum Comersium recta duxit,
prolatoq; toto tormentorum apparatu, et constitutis
uincis, grauem Gallorum oculis uti mox oppugnaturi
speciē praeiuit. quo terrore adducti qui erant in praesi-
dio, quatruidui spatio deditionem fecerunt. His duobus
oppidis foede amissis, magnus illico Gallis omnibus in-
cessit timor: ob id praesertim quod Caesar ipsorum opi-
nione celerius coactis copijs, et confectis timoribus in
Galliā perripisset. Putabant enim Caesarianos omnem
adipiscen

adipiscendi comitatus spem & facultatem in eius
presentis & nondum maturæ aut defectæ segetis esse
posituros. Sed Cæsar omni superioris anni frumento
diligētissimè conquisito, non nouo, sed uetere comatu
ideo sibi utendum censuerat, ut imparatos hostes, nec
adhuc collectis aut recōditis frugibus perturbatos ado-
raretur. Quo admissō consilio apparebat etiam regem
aliquāto tardius quā usus imminentis belli posceret,
Heluetiarum legionum auxilia accersenda curauisse,
quandoquidem penè improuisus Cæsar Lucēburgum
occupasset, & Galliæ fines terribili expeditōq; exer-
citu prius intrasset, quā Heluetij, in quorum auxilio
præsentiq; manu regni constaret salus, nondum erectis
uexillis ad profectionē parati dicerentur, admiratibus
plerisq; tanta in re uel ipsius regis incuriam, uel quæ-
storum segnitiam, qui cunctantius pecuniā in eius gen-
tis stipendia depromendam existimassent: quæ una res
non mediocri incōmodum & dedecus Gallico nomini.
postea parasse uisa est. Gonzaga Comerio potitus, in-
de properè discedens, ad Ligninium castra posuit. Id
oppidum satis frequens, uetereq; arce munitum, rex
omnino defendendum esse censuerat, quod Birennium
& Rosinium è Lucemburga familia regulos, quorum
ditionis erat oppidum, nouis auxilijs confirmasset, eò
scilicet intrōmissis duabus Etruscis cohortibus & to-
tidē Gallicis, duce Scencio Tintauilla iuue impigro.
Gonzaga nihil spatij hostibus dandum ratus, Ioanne
Iacobo Medice, qui tormentario negotio præerat, ad-
positē atq; celeriter administrāte, à quatuor partibus
tormenta incēnibus admoxit. Is autem erat oppidi si-

tus, ut duobus aduersis utrinq; collibus subiectum, tanquam media in ualle facillimè cum grauisimo etiam interiorum ædificiorum detrimento uerberaretur, & à planioribus item locis directus murus tanto impetu quateretur, ut ingenti ruina edita, peramplus aditus non pediti modò, sed equiti ad irrumpendum paratus esset, ne quicquam laborantibus Gallis, qui nouos aggeres introrsus erigere contendebant. Nam tanta erat uis incidetium undiq; pilarum, ut nemo in munitione consistere auderet, quum magna ipsorum pars tormētis discerpia perisset, aut debilitata uulneribus tueri locum nequiret. Quibus rerum difficultatibus Galli duces facillè perterriti, uti ex mutuo susurro deprehendi potuit, de deditione cogitare cœperunt, ob idq; festinātius, quod Hispanos iam ad irrumpendum paratos in acie conspicerent, quorum uim & multitudinem multis de causis se nequaquam laturos esse fatebantur: quāquam aliqui non deessent animo firmiore, qui indecorum cunctis, ipsiq; præsertim regi maximè detrimētosum fore testarentur cum hoste pacisci, priusquā eius uirtutis atque audacie periculum facerent. Cuius sententiæ princeps erat Petrus Paulus Tosingus nobilis exul Florentinus, quanquam ei contradiceretur à Vincentio Taddeo collega, qui quanquā egregiè strenuus, in sententiam regulatorū, nihil ex uano hostis uim formidantium inclinabat. Illi nanq; malesana periculoq; in resistendo constantia publicam omnium salutem, suiq; patrimonij oppidum in summa calamitatis discrimen adducere nolebant. Itaque Rosinius peruersam portulam ad colloquium Gonzagam sub fide uoca-

de uocauit, demissęq; se uictos confessus, & accuratis precibus molliores conditiones a uictore impetrare contendens, seuero & duriore quā putat in eare Gonzaga reperto, eo modo deditionem fecit, ut cuncta prater omnium uitam, uictoris arbitrio concederet. Nec mora Gonzoga cum familiarium militum caterua in oppidi possessionem manu ductus, Briennium ipsum atque Rosinium ipsumq; Seneiun iure belli captiuos fecit, & ad exprimendam grauiorem redemptionem, in castella Cesariane ditionis separatim custodiendos misit. Ea inexpectata foedatq; prorsus trium insignium oppidorum deditione Franciscus magnopere perturbatus, intentiore cura, quę ad sustinendum bellum opportuna uidebantur, parare coepit, ita ut nobiles quosque ē singulis prope regni oppidis equites euocaret, & per eos extraordinaria usus opora, remotius conuechi frumenta, & quę nondum in agris desecta essent, comburi & proprios hostium commeatu obsequis itineribus intercipi iuberet. Quibus curandis muneribus intentum, & incautē sese offerentem Surionum ē Borbonia familia domui regię propinquum Cesariani equites interceperunt. Re feliciter ad Ligninium per Gonzagam gesta, Cesar singulari affectus letitia, quod nusquam Galli in aciem prodirent, & negligentissime singula oppida, per quę transire hostes oporteret, permunisse uidebantur, castra promoueri iussit ad proximum oppidum satis munitum atque opulentum, a templo sancti Desiderij a Gallis Sandesiriu appellatū. id in satis magna purgataq; planicie sē

tum, à Septentrionibus mediocri interiecto spatio Ma-
trona amne permunitur, reliquis partibus circumdatur
densissimis syluis, murum autem habet nouis operibus
auctum. Ibi nāq; Hieronymus Marinus, Bononiensis ar-
chitectus, opportuno in loco moenium propugnacula
fenestratis lateribus accuratè perfecerat, nouasq; quo-
tidie munitiones insituebat. Præerat presidio uir Gal-
lus singulari uigilantiā, fortitudineq; animi, nomine
Landa, quem superiore anno cum insigni gloria apud
Landresium binas uno tempore Casarianorū & Bri-
tannorum oppugnationes pertulisse memorauimus.
Ea autem uis oppugnantiū fuit, ut à meridie subue-
cta tormenta à spatio trecentorum passuum incredibi-
lem procidentium moenium ruinam ederent, & duo
turrita propugnacula ab utroq; moenium angulo asi-
duè colubrinis terebrata quassataq; prosternorent, sic,
ut prius quā à Gallis interior agger tuto erigi posset
illac Hispani non omnino incommodè in oppidum per-
rumpere se posse distarent. Sed ea militū alacritas du-
cibus inanis & periculi plena uidebatur, quoniam ta-
met si oppidi in plano siti murus tormētis abrasus erat
& solo penè æquatus, frequentior tamen edificiorum
pars in mollem tumulum, qui in medio oppidi paulu-
lum assurgebat, ita erat subducta, ut inuasuris denūm
ferè pedum scalis opus esse perspicerent, prius quā
ad paratos in statione Gallos conferendis manibus per-
ueniri posset. Hoc impedimento deterriti Casariani du-
ces, in labro fossæ quadratū & solidum aggerem, tur-
ris instar, è cespite glebaq; erigere cœperunt, in cuius
superiore platea aliquot maioris generis tormēta edu-
cenda

cenda
dine ho
Id uerò
animad
no, par
tanto an
tis prop
ta inferi
spei sign
lijs, ut R
xerat p
ne mun
risimus
nim qu
milites
nis sup
lam su
ab hosti
ait ut di
in hum
uist Ca
ta ben
fudit. N
uerso p
cibus p
minim
ra in o
Landat
Gonza
locum

cenda constituendaq; censabant: ut his superante alitit-
dine hostes depresso in loco cōsistentes uerberarent.
Id uerò opus, quum ab hostibus inchoari Galli duces
animaduertissent, præmonente demonstranteq; Mari-
no, parem ex aduerso munitionē edificare cœperunt
tanto animo, tantaq; industria frequentissimis tormen-
tis propugnantes, ut multa quotidie hostibus detrimen-
ta inferrent, nec ullam perterriti animi, aut demissæ
spei significationem darent. Accidit autem Idibus Iu-
lijs, ut Renatus Aurantius regulus, qui Belgicum addu-
xerat peditatum, iuuenis omnibus naturæ atq; fortu-
næ muneribus ornatissimus, ideoq; Casari longè cha-
rissimus, tormenti mortifero ictu uulneretur. Is e-
nim quum fortè ad Gonzagam, ad opus faciendum
milites cohortantem assidentemq; in fossa muniti-
onis superuenisset, eiq; honoris causa ille assurgens sel-
lam suam concessisset, paulò post in eum loco directo
ab hostibus tormento, ita globus ferreus aggeri inci-
dit ut diffracti resilientisq; lapidis frustulo lethaliter
in humero uulneretur. Eum iacentē humaniter in-
uisit Caesar, expirantemq; complexus nequaquam fi-
ctæ beneuolentiæ in ea casus acerbitate lachrymas ef-
fundit. Nec multò post Hispani milites non satis animad-
uerso periculo, ab incondita quadam alacritate à du-
cibus postularunt, ut adoriendi oppidi signum dare
minimè dubitarent. Ipsos enim accepta uictoriæ tesse-
ra in oppidum fortiter atque feliciter irrupturos.
Laudauit eorum alacritatem magnitudinemq; animi
Gonzaga, atque ita eos periculi admonuit, ut prius
locum propius explorare, præmissa perniciem sclo;

pettariorum manus, quàm murum aggredi iuberet. Sed res ita cecidit, ut quum audacissimus quidam Hispanorum nomine Chirosa, Aloisij Braniij cohortis signifer, id munus explorandi loci deposceret, & sublato vexillo ad murum oppidi ire contenderet, reliqui ad unum signiferi omnes emulatione laudis eum audè atque certatim subsequerentur, atque uniuersi demum milites, eadem spe potiundi oppidi uehementer incitati, quàm fossam superarent, & per ruinas crepere conarentur, nullo uetantium & deterrentium præfactorum imperio retinere possent, tametsi nullum adhuc committendæ pugnae signum à ducibus esset propositum. Quis affreni atq; immoderata milium cupiditate permotus ipse castrorum magister Aluarus Sandeus, uti erat singulari animi fortitudine præditus, ne in omnem temeritatis atq; fortunæ euentum certus dux suis deesset, inuocato magna uoce uictoriæ nomine, quin procurrentibus se immisceret minimè dubitauit: hunc statim subsequente collega Aloisio Peretio, qui uirtute animi nequaquam ei inferior putabatur. Verum ubi ex eo tumultuario pro cursu ad hostes appropinquatum est, inanis ea alacritas & plurimum sinesta extitit: nam Landa peritiosissime tormenta collibrari, & sclopettarios continuo displodere iubens, tantam in subeuntes & confertos tormentorum omnis generis procellam effudit, ut totius fossæ spatium intersectorum cadaueribus compleretur. Nam quod antea à Caesarianis animaduerti nequiebat, hostium tormentarij magistri binas in aduersis duorum aggerum lateribus fenestellas in eius dici
usum

usum astute constitutas, & tenui gleba contextas, repente aperuerant: e quibus directus in latera colubrinis miserabilis fortium uirorum strages edita est. Ad hæc etiam Galli fistilibus & tubis ligneis, nota atq; usitata ratione, bituminosi & sulphurei ignis flammæ iacentes, quæ thoracibus & galeis adhererent, multum profecerant, tanta quidem propugnantium simul atque inuadentium constantia audaciâque, ut Germani hærentes Hispanos, & planè magno cum incommodo repulso conspicati, insilire in fossam, eisq; succedere minimè recusarent. Verùm nequaquam tanta fuit apud Germanos persecrantia, ut egregio conatu, iam reiectis Hispanis, ferre niteretur. Nam ubi appropinquatum est, paria propè ac Hispani pilarum, uolitantiumq; ignium uulnera susceperunt, eo exitu, ut aliquanto celerius quàm pugnam appetissent, pedem referrent. Ea die ex Hispanis ad quingentos, partim in fossa occisos, partim grauib; affectos uulneribus, desideratos ferunt. In his perière signiferi tres, saluis tamen uexillis, Saccoratus, qui pridie inauspicatò ad Mendocia cohortis præfecturam uirtutis nomine fuerat traductus, & Romerius Solerius, atque Spinosa. Ex præfectis autem Alfonsus Caruaial nobilissimo ortus genere, & Monsaluus Valentinus atrocibus flammis circumuentus. Caterum ipse Aluarus Sandeus manus atque ora deformiter ustulatus, & Aloysius Peretius femore glande traiecto uix sese à tanta clade eripuerunt. Germanorum autem qui ceciderunt inclyti nominis fuèrè, Eytel-frictius, Hohenzollernus, & Ludouicus Curtauilla.

Chirofa ipse, qui exitiose temeritatis author fuerat, quum omnium uoce damnaretur, poenam ueritus, neque ignarus seueritatis Caesaris ad Barium oppidum Gallicæ ditionis perfugit. Biduo postrescitum est Landam pari propè sorte, qua Aurantius è uita sublatus est, tormèto ereptum fuisse: cui cum imperio successit Sanferrius regulus iuuenis impiger, sed fortitudine animi, usuq; militiæ nequaquam Landæ par, eo Sanferrio patre genitus, quem apud Mediolanum Heluetio prælio cecidisse memorauimus. Eo tam audaci atque improspéro suorum conatu permotus Cæsar, usque adeò appetenter Italicâ legionem desiderasse dicitur, ut se parum prouidi consilij sui poenitere fateretur, quod Italicos parcendo pecuniæ ab initio secus ac aliàs fecisset, & nuper ad Duram fuisset expertus, non conduxisset. Expeditas siquidem atq; promptissimas aggregandiis muris Italicorum cohortes Hispanicis admixtas proculdubio in oppidum peruasuras arbitrabatur, quod Germani armis atq; corporibus graues, neq; suo pte ingenio multa agilitate pollètes, quadam incessus tarditatem è disciplina campestribus prælijs requisitam præferrent, quæ aliena prorsus à subitarijs extraordinarijsq; inuasionibus censebatur, quibus id oppidum proculdubio capi posse uideretur. His de rebus existimabat Cæsar huiusmodi certamina minime instauranda repetendæ, quæ in his asperissimis conatibus florem militum absumi, augeriq; inde hostibus animos, tanquam ex æquissimo semper loco pugnaturis manifeste prospiceret. Itaque ut cuniculis res ageretur, ducibus præcepit, quibus supposito atq; incenso

tormen-

tormentario puluere hostiū agger superstitibus defen-
soribus excinderetur. Quo iam inchoato productoque
opere, cognitum est, hostes ex aduerso pares cuniculos
uti discipline consuetudo postulabat, diligenter insti-
tuisse, sic, ut ea oppugnatio ad obsidionem deducta ui-
deretur, nec tamen Caesarianos expugnandi oppidi to-
tam spem abiicisse appareret: nam magno molimine
machinā instituebant instar antiquae testudinis, quam
subiectis rotis ergatarum beneficio ad murum produ-
cere cogitabant. Eius latera permunita erant crassīs as-
seribus, ac exterius lanarum saccis conuicta, superne
autem pedalibus tignis inter se consertis ualida conca-
meratione protegebatur. Tanta uero erat amplitudi-
nis, ut integram, & in ordine constitutam fortissimo-
rum militum centuriam contineret, qui densata acie
sublatis statim à fronte pluteis quum satis promota fo-
ret machina, per ruinas munitionesque hostiū peruasuri,
atque inde deiectis propugnatoribus in oppidum ir-
rupturi credebantur. Sed eius operis labor subtiliter
institutus successu caruit. Nam Caesar consiliū mutare
coactus est: quum certior esset factus, Gallorum equi-
tum & peditum per amplam manum ad Vitriacum
oppidum duodecim inde millibus passuum distans, Bri-
sacco duce peruenisse. Is aliquā non omnino periculo-
sam ferendae opis occasionem expectās, inde ad obses-
sos penetrare statuebat. Propterea Caesar, ut obsessis
expectandi auxilij spem minueret, & quantum nouus
hostis in congressu ualeret, statim experiretur, eum
nocturno praelio adoriri constituit. Itaque sub occasum
solis missus est Erastiscus Atestinus cum Italico equitatu.

cui ducenti Sequanici generis galeati equites adiuncti
 fuerāt. Datus est etiam Francisco comes Castalius dux
 uetus, et secundum hos Mauritijs Saxo, cum duobus
 millibus Germanorū equitum, cuius uestigijs hærebat
 Gulielmus Fustembergus cum peditum suorum legio-
 ne, qua cum septem muralia tormenta trahebantur.
 Continenti igitur agmine euntes, interfecti ex itinere
 Gallorum excubijs, ad secundum à Vitriaco lapidem
 trecentorum equitum alam, quæ hostium motum præ-
 senserat, atq; equos ascenderat, acri impetu facto pro-
 fligarunt, multis utiq; interfectis et captis. Tum uerò
 Brisaccus ex suorum fuga cognito hostium aduentu,
 certius agnoscendi hostis explorandiq; suorum casus
 cum ualida manu prouehitur. Circiter autē duo millia
 peditum, quæ partim ex Gallicis, partim ex Italicis
 cohortibus constabant in acie cōsistere iubet, reliquas
 equitum alas præterfluentis Matronæ amnis pontem
 tueri, iussaq; sua opperiri præcipit. Eo modo Brisac-
 cus seruido ingenio prouectus, in Atestini equites in-
 cidit, et quum conferta statim pugna incumbentium
 hostium impetum sustinere nō posset, ad suos refugere
 cœpit, ita à tergo instantibus hostibus, ut grauissimè
 premeretur, et nequaquam contentis habenis tumultu-
 oso incursum peditum suorum ordinem perturbaret.
 Quo casu puncto temporis tota Gallorum acies dissi-
 pata est, eo euentu, ut nisi Sanpetrius Corsus sclopet-
 tarios suos urgētibus Cesarianis opposuisset, ipse Bri-
 saccus in uado fluminis opprimeretur, et permixti
 Gallis hostes in oppidum irrumperēt. Reliqui Gallo-
 rum equites cōtinuò fuga se mandarunt, et bona pars
 peditum

peditum interfecta est, Sanpetrius tamen, qui ducem seruasse uideri potuit, cum ea, quam diximus, manu, infestos hostes glandibus coniectis repellens, seipsum cum sua cohorte tenebris tectus seruauit. Ex numero Gallorum Italicorumq; peditum circiter trecenti in templum se contulerunt, quod erat iuxta oppidum, atque inde sclopettis emissis se defendere coeperunt, frustra eos Atestino atque Castalio hortantibus, ut se dederent, neque tormenta, quæ cum Germanis adducebantur, expectanda ducerent. Id uerò milites egregie fortes minimè credebant, quum hæc terrendi sui causa ab hostibus dici arbitrarentur, atque eo modo his conditionibus, quæ militare decus offenderent, repudiatis, in eodem proposito sustinendi hostis per aliquot horas perseuerarunt, donec Fustembergus superuenit. Is dum templi situm inspiceret, glande circa cervicem ictus, idèoque crudeli ira percitus, templo suorum legione circumdato, admotisq; muralibus tormentis, id immaniter quaterere cœpit, ita ut perforatis laterib; & perforatis columnis, integra prope testudo concideret, obiterq; infelicitis uirtutis atq; constantiæ homines, ne fornicum & totius contignationis ruina opprimerentur, clamore sublato ad easdem, quas repudiarant, deditiõis conditiones recurrerunt. Sed eo tempore, neque Atestini, neque Castalij, apud inexorabiles Germanos iustæ deprecationes ualebant, utpote qui deditis seruare uitam cuperent, atque ita patetfacto templo à Germanis ad unum omnes crudelissimè trucidati sunt, oppidumque direptum. Apparuit uniuersum Brisacci equitatum, magno regis

detrimento, quod ex nobilissimis Gallicæ iuuentutis
 constaret, deleri potuisse, si Saxones equites iter confi-
 cere maturassent. Quo casu Germanicos equites suo
 graui et cōtento incessu trāquillius et tardius equos
 agitare solitos stataria in pugna, quā in procursa-
 tionibus fortuitorum certaminum aptiores et firmio-
 res esse perspectum est. Hæc nocturna uictoria nun-
 ciata Cæsari, et obfessis ad illudendum significata, mi-
 rum in modum eorum animos contriuit: nam uti erāt
 auxiliorum expectatione suspensi, et ad summam mul-
 tarum rerum, tormentarijque præsertim pulueris ino-
 piam redacti, de fortuna sua conquerebantur, quādo-
 quidem plerique eorum amissis commilitonibus, acce-
 ptisque uulneribus et perpetuis uigilijs seminecti, iamque
 deficientibus esculentis nequaquam abunde recreati
 de deditioe cogitarent: nec pari autoritate ac antea
 facere solitus esset Landa, Sanferrius desperantium a-
 nimos confirmaret. Ceterum Cæsar Vitriacum suis co-
 pijs obtinendum ratus, ut hosti eriperetur, ibi in præsi-
 dio quinque cohortes Fustembergæ legionis remanere
 iussit, quæ demessa frumenta colligerent, et ea munia
 capefferent quibus hosti maxime nocere possent. Sed
 Germani triduo consumptis omnibus comœatibus,
 quum ibi diutius subsistere nollēt, concremato oppido
 iniussu Cæsaris in castra redierūt, ita ut subiratus Cæ-
 sar Gulielmo acerbissime succenseret, et in locum ca-
 rum cohortium, quæ oppidum deseruissent, Alipran-
 dum Madruccium Tridentini Cardinalis fratrem cum
 quatuor cohortibus, et quadringentis equitibus suf-
 fecit. Per eos dies Calendis Augusti aliquot Galli equi-
 tes,

tes, quum in syluis aliquandiu Caesianorum exploratorum oculis obuerti essent speculantes occasione ferendi obseſis auxilij, ingenti ausu globo facto triginta equites ad Sandesirium percurrerunt, singulos tormentarij pulueris sacculos à tergo deferentes. Sed is eorum exitus fuit, quanquam citatissimis equis uterentur, ut non omnes, aut metu deterriti, aut intercepti à Caesianis, oppidum ingrederentur. Qua re ex captiuis cognita, Caesar facile intellexit summam esse apud obseſſos sulphurei pulueris inopiam, sic, ut milites æquiore iam conditione murum se inuasuros, si Caesar iuberet, pollicerentur. Re ad Vitriacum à Caesianis bene gesta, nihilo secius Galli pleni fiducia rei bene gerendæ, si hostis mœnia repeteret, uigilantissimè oppidum tuebantur, cunctaq; opportuna ad defensionem ex Marimi architecti præceptis solertissimè comparabant, quum repente oppido emissus tubicen postulauit, ut sub fide legatos colloquendi causa obseſis emittere liceret: factaq; potestate, Vicontius, Riueria, & Sineus cohortis præfectus ad Gonzagam uenerunt. Summa mandatorum hæc fuit, Sanferrium, quāquam ea uirtutis atq; constantiæ documenta dedisset, ut sibi nullo pacto timendum arbitraretur, alienum tamen non esse à deditioe oppidi, si honestis conditionibus ageretur. Petebāt Galli, ut ipsis excedētibus, arma, resq; omnes, & cuncta tormenta concederentur: mensis unius induciæ fierent, inter quas, nisi rex iusto cum exercitu obseſis opem ferret, & Casarem soluta obsidione depelleret, continuò oppidum Casari traderetur, ea tamen cōditione ut reficere mœnia, & construere nouas ope-

rum munitiones intra sex menses Casariensis non liceret. Hæc tanquam insolentius postulata, Ferdinandus ita reiecit, ut legati facile intelligerent quanta sperate uictorie confidentia hostis niteretur, atq; eo modo redeuntes in oppidum, non multo post iterum atque iterum equioribus cum mandatis remitterentur, atq; eo die præter omnium opinionem de oppidi deditio-
ne transigeretur his conditionibus: Duodecim dierum induciæ sunt, intra id spatium ni Franciscus rex promoto exercitu obsidionem soluat, Sanferrius oppido statim excedito: à Casariensis exeunti præsidij causa duo tantum tormenta concedantur: Gallis omnibus sub uexillis ad tympanorum sonitum more militiæ, abeundi quò uelint, potestas esto: reliquum omnem tormentorum apparatus totamq; commeatus copiam Casari relinquanto: de hisq; rebus quatuor obsidibus caueto. Ab hac pactioe acceptis obsidibus, Gōzaga in oppidum intromisit Hispanum equestris ordinis nomine Contreriā, qui accuratè obseruaret, ne Galli noctu uel interdum munitiones augerent. His cōfectis rebus, quum id rescisset Franciscus, nec, ut opem ferret, ex usu esse indicasset, à Sanferrio integra fide traditū est oppidum. Ferunt Sanferrium fictitijs Claudij Guisij primarij ducis literis deceptum, aliquanto maturius quàm expediebat, ad deditiois consilia descendisse. Hæ literæ apud Granuelium confictæ fuerant, & ex-
pto cera sigillo ex ueterib; Guisij literis, usq; adeo arguta falsarij manu exarata, ut pro ueris agnoscerentur, ab his præsertim, qui eo obsidionis periculo solliciti & trepidis animis celeriter eximi cupiebāt. His siqui-
dem

dem literis
tanquam
gem gran-
opis, ne se
unius pug-
Proinde i
gni regis
hostium u
retur à fr
si sese atq
dum existi
pecunia co
infutas ad
in cor
qui à dedi
visu Galli
quid sibi
perplexu
hodie Gal
cundum
ad Luteti
consilij ra
nes confir
nitissimi o
que recen
operibus,
fuisse coi
obsidioni
inutili pr
adeunda

dem literis Guisius Sanserrio respondere fingebatur, tanquam intempestive ferri sibi opem postulanti, regem gravi de causa alienum esse à cogitatione ferenda opis, ne sese, & liberos, fortunasque omnes regni in unius pugnae non necessarium discrimen adduceret. Proinde ipsum, qui amplius quadraginta diebus instigni regis commodo summaq; sua laude acerrimorum hostium vim sustinuerit, si urgeretur acrius, & desereretur à fortuna, non indecorè aut turpiter facturum, si sese atque praesidium honesta pactione conseruandum existimaret. Quibus litiris à Gallo lixa praesenti pecunia corrupto in oppidum delatis, qui eas calceo insutas ad simulandam periculi diligentiam afferebat, & in corona à Sanserrio perlectis, nemo militum fuit qui à deditione dissentiret. Per hunc modum non sine risu Gallicae simplicitatis Sandesirio potitus Caesar, quid sibi agendum foret in consilijs agitabat ualde perplexus, an Catalaunū oppidum, quod Sciallonum hodie Galli appellant, in eodem fere itineris cursu secundum Matronam amnem positum oppugnaret, an ad Lutetiam usq; progrediretur. Huius explicandi consilij ratio in eo uertebatur, quod duces ferme omnes confirmarent difficilem atq; arduam fore munitionis oppidi expugnationem. Id enim ualidis atque recentibus copijs confirmatum auctumq; magnis operibus, & instructum magna tormentorum copia fuisse constabat, uti regem ex tanto Sandesiriane obsidionis spatio prouidisse credi fas erat, ita, ut ex ea inutili propè, quanquam decora ad Sandesirium morae aduēdae Lutetiae occasionem pleriq; milites praedae

auidi amissam fuisse quererentur. Regem porro, qui
 Heluetiorum auxilia diu expectata dudum in castra
 recepisset, aduenissentq; ei ueteres nouiq; Vascones,
 ita esse confirmatum, periti milites dictitabant, ut quū
 in proximo castra haberet, praelio dimicaturus esse
 censeretur, si nō iniquo loco periculi faciendi faculta-
 tem nancisci posset. Erant enim multae undiq; coactae
 peditū atq; equitū copiae, ut refutandus potius quam
 lacessendus a cautis maximeq; prudentibus, qui erant
 apud Caesarem crederetur, uel ob id praesertim quod
 multis ex numero Hispanorum aut interfectis aut gra-
 uiter debilitatis, & rarefcentibus Germanorum legio-
 nibus, Caesar neque peditatu neque equitatu superior
 existimari posset: propterea Henricum regis filium id
 pro comperto agnoscentem, pugnaeq; audum, segnia
 parum generosa patris consilia detestari uulgo prae-
 carēt. Sed hos sermones grauius expendens Caesar, in
 arcano pugnae cupidus ita admittebat, ut secretum te-
 geret, ostentandiq; animi causa ad Catelaunum castra
 moueret, tanquam oppugnare uellet, hostibus metum
 iniecturus. Caterū suo innixus consilio, repente motis
 castris ad Aspernetum oppidum destinato itinere
 impositum contendit, praterq; opinionem regis atque
 hostiū eo potitus, opulenta omnis generis commeatus
 copia largissime sese recreauit. Tum uerō rex adiun-
 cto sibi cum reliqua copiarum parte Claudio Guisio
 promotis castris in conspectum Caesaris se dedit, inter-
 cedente Matrona amne, qui uado transiri non pote-
 rat, certatimq; utrinque excitata per agros incendia
 uiscebantur, quum Galli sua omnia, ne his potiretur
 hostis,

hostis, ultro peruastarent, & Caesariani Germaniq;
praesertim, ut Gallis maximè nocerent, incendijs effu-
sissimè grassarentur. Erat eius horrendae cladis aspe-
ctus planè miserabilis, quum fertilissimae regionis in-
colae, neutram in partem opportuna ipsorum malis
remedia reperirent. Ab Aspernecto Caesar in Parisios
iter habebat, quum in altera amnis ripa regionum agmi-
na uiserentur, ideo pari instructa acie, ut si Caesar in
amne pontem faceret, aut uado transire conaretur, in
margine fluminis praelio decertarent. Quod quum à
Caesare ex non iniqua cōditione tentari posset, Guliel-
mus Fustembergus, odio suo peculiari in rem incensus,
quod ueteribus stipendijs cū ignominia exauthoratus
fuisset, uti erat peritus regionis, noctu in amne tutum
uadum quæritabat, uerum incaute ripis inherens, à
quibusdam exploratoribus Gallis pro speculatore in-
terceptus est, deductusq; ad regem & agnitus, cunctis
propè eum ad laquei necem deposcentibus, custodia
traditus est. Eius uiri casu spe pugnae decidit Caesar,
quum in eius audacissimi hominis industria superan-
di amnis conferendaq; pugnae facultatem se reperire
posse confidisset, & regem tumultu Lutetiano percul-
sum non temere pugnae potestatem facturum arbitra-
retur. Peruaserat enim ad Parisios usque non falsus ru-
mor, Caesarem passim expugnatis oppidis uictorè ap-
propinquare tanta omnium perturbatione, ut urbs
totius Europae amplissima & copiosissima ingenti me-
tu quateretur, atque incolae confusissima trepidatione
chariores res suas, liberos & coniuges nauigijs impo-
nerent, ut per Sequanā elaberentur, & nemo ferè esset

ex indigenis Gallis qui arma caperet, ut sese & patriā ab hostis iniuria tueretur: neq; ipse Medonius Cardinalis, qui Lutetiæ regio nomine cum imperio præsedebat, tantum ualebat autoritate, ut fugam perterriti populi usquam sisteret. In eo tamen tumultu peregrini omnes, qui ibi per gymnasia liberalibus studijs operā dabant, arma sumpserunt, præbente se eis ducem Caracciolo Sergiani Melphitani reguli filio, qui Lutetiæ sacerdotium inter cucullatos opulentum liberalitate regis fuerat consequutus: impigro namq; ingenio iuuenis, uti militari patre genitus, armis potius quàm pijs ad diuos supplicationibus immanes hostes arcendos existimabat. Quæ armata manus studiosæ iuuentutis alacriter digesta in cohortes, tametsi impar sustinendis hostibus uidebatur, nouo tamen & numerofo armatorum subsidio populus confirmatus, quod pari passu instructo exercitu regem aduentare didicerat, fugam repressit. Quum eo modo nullo congressu, sed crudelibus incendijs bellum gereretur, de pace per idoneos homines agi coeptum est: nam paulò ante per Bertouillam equitem Ligninij captum, dimissumq; per Iacobum Medicem & Franciscum Somalium Insubreuiurum clarissimum, qui Cæsaris consilij adhibebatur, Hanebaldo Amiranti significarant, Cæsare usque adeò diri atq; exitialis belli pertæsum, eo esse animo, ut si honestis conditionibus pacem rex peteret, ab æqua concordia minimè discessurum, ipsos autem Medicem atque Somalium, ueteris suæ militiæ stipendijs & beneficio regis addictum, profiteri fidelem operam suam, quam ea in re non ingratam Cæsari futuram scirent.

scirent. His à Bertouilla nunciatis, neque ipse Amiras, neque rex postea surdas aures prabuerunt, ita ut Bertouilla cum Bailuo Digionio rerum perito sene cum mandatis remitteretur, quibus colloquio locum et diem primarijs constitui postulabant. Eius autem actionis exitus fuit, ut Granuelius atque Gonzaga cum Hanebaldo atque Nulleio uiro togato colloquuti, eo facilius de pace transigerent, quod in eius rei negotium iam antea Gabriel Gusmanus Hispanus cucullatè ordinis, à regina Gallia ad fratrem Caesarem missus, se Christianæ pietatis nomine insinuasset. Dum hæc in spem pacis tractarentur, Caesar Antonium Peronotum ipsius Granuelij filium, iam pridem ad arcana scrij consilia admissum, ad Henricum regem Bononiæ oppugnantem misit, ut per eum Britannus natura suspiciosus, de his rebus, quæ de pace actitata fuerant, sed nondum planè constitutis legibus transacta, accuratissimè doceretur. Sed plerique existimarunt Antonium peculiari de causa ad Henricum fuisse transmissum, ut Caesaris difficultates, adeundæq; Lutetiæ consilium explicaret, peteretq; ut castra in Parisios mouere uellet, ut communibus uiribus Lutetiam occuparent. Quod si proprio occupatus bello id facere nollet, saltem hoc sibi indulgeret, ut incolumi sedere amicitia, de pace cum Francisco transigere liceret. Quamobrem Henricus sua certa spe expugnandæ Bononiæ inuixus, Antonio ita respondit, In potestate Caesaris fore eum Gallo rege de pace pacisci, idq; se æquo laturum animo, modo recentis inter ipsos idli fœ-

deris iure nequaquam praeuenteret. Pluris namq; Henricus propinquā obtinēda Bononiæ spem, quam Lutetiae possessionem existimabat, quod a Motrellū quoq; magnis uiribus à Talboto oppugnatum, sibi cessurum confideret. Itaq; Caesar redeunte Antonio consilia pacis explicauit: nam pleriq; nihil stultius et perniciosius fore iudicabant, quam si Caesar in urbem Lutetiam longē omnium amplissimā irrumperere properaret, instante ualidissimo regis exercitu, quandoquidem irrumperentes milites ad praedam ita dilapsuri crederentur, ut nō faciliē, quum exteritor hostis ingrueret, cogi, aut in aciem produci aduersus regios posse quisquam ducum existimaret: quandoquidem certa fames, obsidēte suburbana rege, uictoribus et incolis extimescenda censeretur. Quod si cuncta prosperē Casari prouenirent, nihil tamen eum tanto periculo quasitum apparerebat, quam ut alieno commodo salutem et dignitatem suam intempestiuo tempore periclitaretur: quoniā fœdere erat adscriptū, ut si parta uictoria, Parisiorū Lutetia potirentur, ea urbs, uti superioribus seculis fuisset, nō Casari sed Britānico imperio cederet. Urgebat etiam Casarem ad complectendam pacem pecuniarum inopia, usq; adeo, at quum fremerent Germani praeiteritaq; iam et instantia stipendia arrogantius flagitarent, ipse ingenti animo ad limites prodiret molliendis eorum animis, sic, ut paucorum dierum sibi dari spatium, ut debita dissolueret, indignis prope precibus peteret, et se ipsum in promissa pecuniae fidem, in ipsorum manus dediturum esse profiteretur. Quo pudore adducti milites Germani, ad unum

omnes

omnes manum sustulerunt, quod pacati animi signum: atq; inde Caesaris uexilla in Sueſiones uerſa ſunt, apud quorum urbem perſcriptæ ſunt diſtinctius pacis leges: cuius compoſitionis tabulæ poſtea hinc atq; inde, modò ad Caſarem modò ad regem delatæ ſunt, donec in hunc maxime modum, conſentiente utriuſq; uoluntate, & Caſar & Franciſcus conditionibus ſubſcripſerunt: quæ pari utrinque letitia ſuſceptæ fuere, quum Franciſcus grauiffima calamitate miſeros Gallie populos liberatos perſpiceret, & Caſar ipſe difficili periculoſq; negotio cum dignitate ſe explicaffet. Vnus omnium ægerrime tuliffe pacem Henricus Delphinus traditur, qui Caſarem raptò uiuentē, copiasq; eius multis affectas incōmodis, ſibiq; impares, è manibus eripi, bellicis uigoris atq; ira turgidus, uel in coronis perſtrictò patre differebat. Sed Franciſcus, factò ſæpe & improſperè quidem fortunæ ſue periculo, quum Caſaris genium reformidare diceretur, cuncta Caſaris concedenda rebatur, modò ei uel iniqua conditione Gallie Ciſalpinæ imperium eriperetur, quòd, quæ ſuæ paulò ante ditionis fuiſſent, pro dignitate Gallici nominis uel ingenti pretio redimenda ſtatucret. Eo etiam ſolicitiuſ atque cupidius, quòd Caſarem ad totius Italiae imperium aſpirare plerique prædicarent, uel uno argumento, poſtquàm Pontifici, ne uſquam uti publicæ libertatis deſenſor commouere ſe poſſet, graues Tridentini concilij compedes inieciſſet, quæ eo nomine uidebantur honeſtiſſimæ, quando quidem ex eo digna ſacerdotibus morum cenſura, & deprauati Chriſtiani dogmatis ſalubrior interpretatio, & conſtitutio quæ-

reretur. Quam rem tametsi Pontifex non obscure providebat, tamen ad retinendā sinceræ pietatis estimationem, non prius producti concilij quibusdam sanctionibus odiosa disputatione ad decretum relatis admonitus est, quàm se acerrimè perstringi, nec iam perplexè offendi uir prudentissimus agnouit, ita ut ex autoritate Pontificia, quæ malignitate quorundam subornatorum præsulum in dubium reuocari uidebatur, de suspensione translationeq; concilij apud Bononiam cogitare inciperet. Itaque inter reges dissidentes totius causæ iugulum ab utroq; grauitè petebatur: id enim unum et certum erat Mediolanensis imperij exposulatio: qua re impetrata, Franciscus se domui suæ peregre regiè consuluisse uidebatur. Ceterum Cæsar adeò perplexa dubiaq; conditione id se concessurum promittebat, ut neq; Pontifex, neq; pleriq; alij ullam ob signato foederi fidem haberent, quando ea liberali concessione, reliqua Cæsaris consilia euerti iudicarent, appareretq; Cæsarem ea astutè polliceri, ut aliquod maius inde nancisceretur munus, aut aliquam non omnino indecentem uel ineptam à foedere discedendi ex interuallo temporis causam reperiret. Summa siquidem conditionum ineundæ concordie hæc erat, ut uterq; ueterum contentionum et odiorum memoriam ex animis expelleret, et nouo affinitatis uinculo iungeretur. Promittebat Cæsar se aut filiam, Plilippi Hispaniæ regis designati successorisq; sui sororem, Carolo Aureliano nuptui daturum, cui dotali nomine Belgarum regna obuenirent, aut si quid hanc affinitatem impediret, loco filie, Ferdinandi fratris Pannoniæ

nonie atque Boemie Austriæq; regis filiam eidem Aureliano in matrimonium collocaturum, quæ dotali iure Mediolanensem principatum secū traheret. Quæ in re deliberanda Cæsar octimestrū spatium deposcebat, quo spatio, tū ipsius Philippi filij, tum Ferdinandi fratris uoluntates certius exploraret, ut inde intra quatuor demum menses, hoc est, post integrum annū, cum alterutra uirgine nuptiæ celebrarentur. Si autem Cæsari magis expediret fratris filiam, quàm suam ipsius natam Carolo desponsare, confectis statim nuptijs, Mediolanensis imperij possessionem Aurelianus hac lege acciperet, ut donec masculam susciperet prolem, Mediolani & Cremonæ arces Cæsariano præsidio custodirentur. Tum uerò Carolo Sabaudio cuncta quæ illi uel in Allobrogibus uel in Subalpinis adempta fuissent, optima fide restituerentur, liceretq; Gallo regi eas retinere arces tandiu Gallicis præsidijs custodiendas, quandiu Galliæ Cisalpinæ arces, quas diximus, Cæsariano præsidio tenerentur. Reliquæ uerò conditiones initæ pacis atque percussæ fœderis eò pertinebant, ut de iurisdictione quorundam oppidorum Belgicæ prouinciæ præclare diffinirent, restituerenturq; ea omnia utrinque, quæ mutuis armis ex usu belli occupata fuissent post inducias ad Nicæam Prouinciæ authore Paulo Pontifice confectæ: relinquere-turq; locus his principibus nominatim tanquam socijs atque amicis, si noui fœderis beneficio uti uellent. Hi fuere ipse Henricus Britannicæ, Sigismundus Sarmatiae, Ioannes Lusitaniæ, & Christiernus Danimarchiæ reges, atque item singuli sacri uel prophani iuris

Germanie procures, qui ad dicendum creandumq;
 Casarem suffragiorum iura obtinent: & præter hos
 dabatur etiam aditus ad idem pacis & foederis benefi-
 cium Heluetiorum Reip. tredecim pagis, cui annexa
 est trium Grisonij nominis gentium foederata ciuitas:
 atque item in Italia, principi Venetorum: atque item
 Dynastis Carolo Sabaudio Allobrogũ, Cosmo Medici
 Florentie, Herculi Atestino Ferrarie, Guidobaldo
 Urbini, liberisq; ciuitatibus Genuensium, Senensium,
 atq; Lucensium. Hæc confecta transactaq; sunt apud
 Crepinium in Suefionibus castellum, ad stipulantibus
 utrinque mutuo sacramento Casarianis, & Regijs ei
 negotio prepositis. Hi fuere Nicolaus Peronotus Grã-
 uelius Casariani scrinijs magister, & Ferdinandus Gõ-
 zaga, primam apud copias post Casarem in exercitu
 militaris imperij authoritatem obtinens. Ab regijs ue-
 rò Hanebaldus ipse Amiras, & Nulleius senator sup-
 plicibus libellus præfectus. Dati autem sunt obsides in
 fidem concepti foederis duo Cardinales, Ioannes ipse
 Lothoringus, & Medonius, quem dudum Lutetia in
 eo propinqui belli metu, tumultuq; præfuisse diximus.
 Ad hos sacratos uiros accessere Valleijs citerioris
 Britannie opulentissimus regulus, & Agnodeus ado-
 lescens ipso Amirante Hanebaldogenitus, decimo
 quarto Calen. Octobris, quarto & quadragesimo an-
 no supra quingentesimum atque millesimum à partu
 Virginis. Hoc confecta pacis nomen incredibilem
 cunctis mortalibus letitiam attulisse uisum est, pro-
 pter speratam diu exoptati otij tranquillitatem. Sed
 non deerant, qui eam successu carituram prædicarent,
 quod

quod Caesar tam graui pondere obligata fidei disten-
tus esset, ut ægre promisso staturus crederetur. Nam
apparebat eum summo cum incommodo, alterutra
quam uellet nuptiarum pactione, aut patrimonio Bel-
gico cessurum, aut Mediolanense imperiū importuna
sibi ratione in dotem collaturum. Neq; enim erat exi-
stimandum tante grauitatis tantæq; religionis princi-
pem adduci posse, ut eius initi fœderis leges, arctæq;
obligatam fidem suam ulla ex parte uiolaret. Sed for-
tuna Caesaris uotis & commodis secundissimè semper
arriuens, ex arcano fatorum uiam inuenit, ut eum da-
mnoſa transactionis sollicitudine curaq; uel in alteram
partē, si à fide data discedere uellet, probroso pudore
atq; dedecorosa inuidia liberaret. Carolus enim Aure-
lianus, postquàm in complexū Caesaris deuenisset, in
pestiferum incidit morbum, ita ut paucissimis diebus
apud Firmum monasterium saua morte eriperetur, iu-
uenis omnibus corporis atq; animi, quæ conferri à na-
tura possent, muneribus, totius Gallie iuuenum floren-
tissimus, quem unum præter ipsos Gallos, populi insu-
bres tanquam exoptatum summæ benignitatis princi-
pem maximè luxerunt, quum de fortunis suis & tran-
quillitate seculi faciliè desperarent. Ceterum rex Hen-
ricus post expugnatam Bononiam, atq; eam expulso
Varuenio Obiei Marescalchi prouinciaq; Morimorū
præfecti genero, Anglicis præsidij confirmatam, &
desperatam Motrelli oppidi deditionē, quod Obicus
defenderat, pacē cum Gallo rege facere recusauit, uel
satagētē plurimū in eam rem Ioāne Bellaio Parisiensi
Cardinale. Quibus de rebus contentente iam Casa-

re, ad Samarobrinam, quæ Cameracum dicitur, uni-
 uersæ Gallorū copię duce Delphino discedentis Hen-
 ricī regis, & Britannorum uestigijs ita insilire, ut pe-
 nē nouissima hostium agmina consequerentur, atque
 eos multis impedimentis exuerent, conuersisq; conti-
 nuò signis Delphinus Bononiam repentinus inuade-
 ret, tanto impetu, ut inferiore oppidi parte, multis An-
 glorū interfectis, atq; obiter magna præda potiretur,
 uideriq; posset graui metu hostium, superiore etiam
 oppido, in quod Angli confugerant, uim admouere
 eum bona spe uictoriæ potuisse, nisi hæc strenuè au-
 denti aduersæ tempestates uentorum & imbrium, quæ
 tolerari non poterant, impedimento fuissent. Instituta
 demum est à Francisco rege cū terrestres, tum naua-
 lis obsidio: nam præter copias, quæ opportuno in loco
 castra fecerant, atq; importari conuectus ē proximis
 regionibus prohibebant, ad onerarias ingētes naues,
 quæ passim ex Armorici Oceani portubus cogeantur,
 rostratæ etiam naues Massiliensesq; triremes, per fre-
 tum Gaditanum Hispaniam circuire iussæ, onerarijs
 nauibus accesserant. Quarum agilitate Britannicis na-
 uigationibus multa inferebantur detrimenta, usque
 adeo ut Hanebaldus, cui aderat Petrus Strozza, et Leo
 frater triremibus præfectus, prælio nauali cum Dum-
 bleio Henrici præfecto, magna loci & uentorum con-
 spirantium opportunitate prosperè certaturus crede-
 retur. Quibus de rebus fiebat, ut Henricus longè ma-
 ximis sumptibus fatigatus ad consiliū pacis, quod nu-
 per reiecerat, reueteretur. Ea uerò celerius opinione
 omnium confecta est hac lege, Vt Frācisco regi Bono-
 niam

niam certo auri pondere redimere liceret, quod aurū
resarciendi bellici sumptus octo pensionibus in singu-
los annos à Gallis penderetur. Sed per hunc modum
Henricus & Franciscus nequaquam diu ea parta pa-
ce letari potuerunt. Henricus enim iam planè in seniū
uergens, & multo succi abdomine grauis & iners ef-
fectus laceffente atroci febre, propter seuā inflamma-
tionem in crure uirulenti herpetis, uitam cum morte
commutauit, quum etatis annum quinquagesimum
septimū ageret, & ferè triginta octo annis regnasset,
relictō regni hærede Odoardo puero ex Ioanna Se-
mera suscepto, ea cōditione, ut à Thoma Semero auū-
culo instruendus regni administrandi artibus regere-
tur. Post quinquagesimū autem diem ab Henrici mor-
te, ipse quoq; Franciscus rex apud Rambuletum op-
pidum in finibus Parisiorum, atroci cum quatiēte
morbo, è uita migravit. Natum ei erat circa sedem ma-
lignum ulcus, quod serpēdo ad nesciā penetrālia per-
uadebat, & cūcta humani ingenij remedia respuerat.
Is erat duobus ferè annis Henrico atate minor, ceteris
in rebus uera æstimatione morum, & naturæ dotium
planè equalis, nisi Hēricus ingrauescēte atate oblitus
pristinæ religionis, nobile alioquin ingenium Luthē-
ranis institutis deuouisset. Caterum Franciscus decum-
bens, quum exquisito animo fatalē horam sibi adesse
præsentiret, & Christiano ritu sese religiosè & puri-
ter à delictis expiasset, Henrico filio pietatem in omni
re constantissimè colendam commendauit. & quædam
ei arcana tuendo regno opportuna communicauit, &
quibus maximè artibus gentium subiectarum certissi-

mum studium promereretur, præcepit, ut populos tri-
 butis propter immodicos alendi belli sumptus, à se ne-
 cessario institutis, & acerbius quàm deceret, exactis
 subleuaret, scilicet, ut hac liberalitate firmior atq; an-
 tiquis Gallie hostibus superior euaderet. Peculiari au-
 tem nomine Hanebaldum Amirantem propter specta-
 tam eius fidem atq; uirtutem mirifice commendauit.
 Antecefferat pari fato Frâciscum regem, eodem fortè
 mense dieq; superioris anni Alfonsus Daualus Vastius,
 propter admirabiles corporis atque animi uirtutes,
 quas eximia liberalitas aptissimè condebat, regali for-
 tuna dignus cui in imperio copiarû, Mediolanensisq;
 dominatus præfectura Ferdinandum Gonzagâ Caesar
 suffecerat. Sed priusquàm horum duorum insignium
 regum interitus incideret, Caesar acre bellum suscepit,
 perdomandæ Germaniæ causa, quæ non modò multò
 maxima ex parte ab institutis maiorum suorum pla-
 citisq; religionis deſciuerat, sed etiam à maiestate impe-
 rioq; Caesaris reſcellarat. Deficiētes autem Germaniæ
 duo duces extiterunt, Philippus Lātgrauius Chatterû
 princeps, & Ioannes Fridericus Saxonum antiquissi-
 mæ stirpis regulus, qui contumaci animo pro tuenda
 libertate Germanici nominis, excitis in id bellum libe-
 ris ciuitatibus, arma sumpserant. Cæterum Caesar pro
 dignitate sua nequaquam id ſeuū bellum reſformidans
 ita illud inchoauit, ut quum initio parum paratus ar-
 ma cepisset, in Vindelicia ægrè promptissimorum atq;
 urgentium hostium impetum sustineret, & sese in Ba-
 ioariam, amicitia Gulielmi principis fretus, recipere
 cogeretur, donec ei Italicorum tres ornatissima legio-
 nes,

nes, et
 tifice
 pes m
 oppid
 tre du
 subſeq
 Quibu
 quod in
 lit, ut p
 manor
 dimica
 bim, &
 subact
 tu, ut
 de

Trigin
 Egreg
 Causa
 Faciun
 Omni
 Cū lib

nes, & sexcentenaria galeatorum equitum ale à Pontifice Paulo religionis atq; amicitiae nomine trans Alpes missæ, opportunissimo tempore iuxta Lanzutum oppidum Farnesio Cardinale legato, & Octavio fratre duce superuenerunt: quas Pontificias copias statim subsequutæ sunt ueteranæ Hispanorum cohortes. Quibus tantis confirmatus auxilijs Cæsar, bellum quod inferebatur, conuersa fortuna, ita hostibus intulit, ut protracto bello per aliquot menses, fractoq; Germanorum impetu, quum nusquam iusto prælio fuisset dimicatum Germania omnis inter Danubium, & Albim, & Rhenum etiam incredibili felicitate gloriaq; subacta sit, utroque etiam duce capto eo rerum exitu, ut ipsis uinctis atque productis nobilissimum de Germania triumphum, quem Romanis olim ducibus denegatum constat, instruere potuerit.

F I N I S.

BENEDICTI VARCHII

Triginta totus, quæ gessit mundus in annis
Egregiè hoc unum cuncta uolumen habet.
Causam operis tanti Thusci Dux & decus orbis
Facundum IOVIUS præbuit ingenium.
Omnibus ergo locis omnes secla omnia laudes
Cū tibi PAVLEIOVI tum tibi COSME dabunt.

INDEX NOMINVM VRBIVM, IN-
*fularum, Fluminum, Promontoriõrũ &c. quæ in
 hac tertia parte Iouij leguntur: Ve-
 tera nouis preposuimus.*

Achelous Ætolię fluuius, Aspropotamus f.	23
Actiacum promontorium	67.103
Acroceraunij populi, Vſchochi & Martelofij	
Adrumentũ vrbs, Mahometa	268.543. (18
Africa Pœnis dicitur, Mahemedia	268
Albani populi, Daſſaretę atq; Dardani	11
Aluthas fluuius, Oltha	312
Amphipolis, Seres hodie	11.14
Amphimaleus ſinus, Suda	91
Apollinis promot. Caſſineum	344
Aractus, Arcteus fl.	22.23
Argous portus Iluę inſulæ, Ferrarius	605
Argyrutum, Obroatiũ	24
Arſinoes portus maris rubri, Suetia	5
Aſia minor, Natolia	593
Athenæũ promont. Campanella	614
Axius fl. Vardaris	11
Budrogus amnis	48
Balato lacus	297
Baractus Populonię antiquę portus	605
Bonę ſpei promont.	130
Carabogdana minor, tranſyluania	312
Carpatus mons in Sarmatia	313
Cariltium promont. Mantelium	416
Catalaunum, hodie à Gallis Sciallonum	635
Cepellia inſula Danubij	272
Cherro-	

Cherronesus Propōtidis, ad Marmora hodie dicitur	612
Chimera mons, Acroceranij	18
Chimeriotæ populi, idē, & Haidones, Vſcho- chi & Morlachi	19.119
Clupea Calibia hodie	268
Cluenses, Menapij	
Corcyra nigra, Cursula insula	20
Cressus amnis	29.38
Cydonia vrbs, Canea hodie	91
Cyanum, Spathæ promont.	91
Cyrtha, Africa, Constantina	543
Cytheum vrbs, Candia	92
Delacia insula	129
Dion promont. Fraschea	92
Dobouiza amnis	312
Drausus amnis	29.37
Drepanum promont. Melacha	91
Ebura, hodie Helna	396
Elaphusa & Malthace insulæ, Merleia	15
Enans amnis, Vagiussa	18
Epidaurus, Maluagia	214
Ercocchus portus	126
Ericusa, Merathe insulæ. Merleia	15
Ficerium, Leucadia oræ portus	11
Fossæ Marianæ	82
Galerite oppidum	85
Gheldrij, Sicambri	219
Gomunitia portus, Regius fons	104
Haliacmon amnis. Asambaba	11

Haidones, Vſchochi, Chymeriotæ Morlachi	
Hebrum amnis, Mariza	II. (19. II5
Heraclea Sentica, Scopia	II
Herculeum promont. Argentarium	610
Herculis Monæci portus, Villafranca	78
Hippagogæ, palandria navis	13
Hierallus amnis, Pruthes	311 & inde
Iapygium promont. Hidrutum caput	12
Iulia Cæſara, Algerium	349
Iterobuium, Stratella	593
Lacinium promont. Columneum	18
Leptis parua, Mahemedia Pœnis, noſtris Afri ca	543
Lerina inſula, Margarita	535
Leucade, Sueſſula	109
Lithoſtomum, Iſtri oſtium	313
Marathe & Malthace inſulæ Merleia	15
Maripetrus Scopulus	21
Megara in Sicilia, Auguſta	99
Menapij, Cleuenſes	219
Neapolis olim, Suſa hodie	268
Peuces inſula, Barillana	311
Phalacrum, Corcyra promont.	114
Picti populi, Sylueſtres	451
Populonia antiquæ portus, Baractus	605
Poſſega Pannonia regio	29
Prilinus antiquis, Orbatellum	611
Pyrgæum promont. Linarium	614
Rascia patrimonium, Boſnæſis præfectura	30
Regius fons, Communitia	18
	Ritimna

chi	Ritimna vrbs, Retimum	92
.115	Rizzonius sinus, Cathareus	115
11	Rhoda, Rosa	542
610	Ruspina, Monasterium in Africa	268
78	Salsulæ, Salsæ	392
13	Samarobrina antiquis, Iouio S. Quintinus, a-	
nde	liis Cameracum	515. 646
12	Scriuia amnis	594
49	Sicambri, Gheldrij	219
593	Sicum antiquis, Sibenicum	25. 399
18	Strimo amnis, Marmarius	11
Afri	Syracusas portus, Bonifacium	343
	Tapfus, Sfaxia	268
535	Taulâtij, Albani populi, Daffarete, Dardani	11
09	Taurenta, Tolonis portus	537
313	Theodata vrbs, Tatta	489
15	Theodosia, Caffa	313
21	Tipfæ antiquæ, Matafusum	349. 363
99	Triatium, Randatium oppid.	95
219	Triballi, Seruiani	312
68	Tyras flu. Nester	312
311	Vada Sabatia, portus in Liguria	603
14	Veneris promont. Creum	542
451	Volcarum vrbs, Mompelerium	396
105	Vticæ portus, Farinas	368
29	Vzicatha, Buzia	367
611	Vicochi, Martelosij &c.	19. 24. 119
14	Zephirium promont. Spartiuentum	14

Finis.

INDEX SECVNDI TOMI: QVI

quum duas habeat partes, prima quidem no-
tatur litera a. secunda uero b.



Bezes & Fe- cognomēto dict^o a. 218
tuches Hi- Alaria uilla a. 11
spani Mu- Albert^o Petra Heluetiorū
leassem pro dux in prelio cadita. 16
dunt a. 578 Alexāder Cōtarenus b. 13
Ablichirinus Tunetanus in Turcas inuehit ib.
ad Haridenum a. 572 Alexāder Farnesius à Cle
Achangi a. 280 mentelandatus a. 527
Achomates Michaloglis à quibus primo Papa
a. 281 cadita. 138 salutatur ib. Pau. 111
Acilia urbs, Strabinga di- Pōtīfex coronat a. 528
citur a. 438 Alexander Medices Flo-
Acoceraunij homines rentinæ Reip. caput &
quales b. 18 Cæsaris gener a. 402
Adamus Cēturio Genuē- dux appellatus a. 404
sis a. 668 arcem edificat a. 615
Adruentinus sin^o a. 669 Carolum focerū susci-
Africa urbs, Leptis fuir. pit Florentiæ a. 698
Barbaris Mahemediā ib. Alexāder Vitellius in Vo
Afri & Numidē insidiosū laterranos a. 332
militum genus a. 630 Alexandria capitur a. 54
Africanum imperiū quas Alexandria à Prospero ca
mutationes sit passum pta a. 17
a. 560 Alfonso Piccolomineus
Africanos inter, qui præ- a. 330. 697
scent a. 561 Alfonso Petruccius Car
Agiamij sunt Sophiani. dinalis necatur a. 2
a. 582 Algerium, fuit Iulia Cæ-
Ajax Habray milocū ob- farea a. 545
tinet, & Vefir creatur Alois^o Guicciardi n^o a. 34
a. 610 Aloysius Alamannus poe
Aiadis consilium b. 7 ra Etruscus a. 299
Aidinus Smyrnæus archi Aloysius Ripa Corcyræ
pirata Caccindiabolus præfectus b. 20
Aloy-

Aloy
Aloy
cu
sus
Amal
mi
Ambr
Ambr
a. 13
Ameri
sylva
Epi
sis a
Amieu
tenf
Amida
die
Amide
plav
Amida
nup
Amyra
nis d
Amphi
vrbs
Amurat
uis
Amurat
stellu
occup
Anallus
Andega
Admira
Andreas
præfe
Andreas
cis su
a. 608
Andreas

INDEX.

Aloysius Pisanus	a.44	per Ioniū vela dat b.14
Aloysius Gritrus	a.281	a Gallis Venetisq; op-
cur in Pannoniam mis-		pugnatur a.140
sus.	a.528	Amiras Mediterranei
Amalphis.vrbs quib. no-		maris appellatura a.143
minibus celebris a.105		Venetis minatur gra-
Ambrosius Florētī ^o a.60		uiter b.17
Ambrosij Florentij mors		classemin Turcas pa-
a.136		rat a.467
Americus Cibachas Trañ		Turcarum nauigia in-
sylvanię Vayuoda a.269		cēdit b.14
Episcopus Varadinē-		Cæsarem proprijs ædi-
fisa a.532 obruncat 536		bus recipit a.498
Amicus Venafranus in-		Andreae Auria iustaseue-
terfectus a.325		ritas a.477. classis ad
Amida Mesopotamię ho-		prælium parata 468
die Caramida a.602		Andreol ^o Nicolīn ^o a.380
Amidę Christianorum tē		Andrussa oppidū, hodie
plavifuntur ib.		Petalidia a.512
Amidę Muleasis filijs		Adurnius moritur a.151
nuptiæ a.567		Anguillotus Pisanus a.313
Amyrasis & Rayfalomo		interclusus iugulat 314
nis dissidia b.4		Angli Bastardi virt ^o a.349
Amphipolis, Macedonia		Anna Bolenia a.484
vrbs b.1		Anna Bolēiacapitali sup-
Amurathes Sici oppidi ci-		plicio affecta patre in-
uis b.25		dicante a.728
Amurathes Nadinum ca-		Annæ Boleniæ impudici
stelum Saderēsis agri		tia nō credenda a.730
occupat b.28		Anneus Memorantius e-
Anasius amnis a.438		quitum magister a.717
Andegavēsis factio a.108		Antipolis capitur a.703
Admirabilis piscina a.152		Mntonius Franciscus Al-
Andreas Iunius. Empolis		bicius a.72
præfectus a.335		Antonius Nerlius a.35
Andreas Quirinus à Tur		Autonius Barbadicus cu-
cis supplicio affectus.		stodię traditur b.7
a.608		Antonius Cusanius In-
Andreas Auria a.98		uber a.706

INDEX.

- Antonius Leua furnarius a. 548
 ridiculè appellatus a. 153
 182 Bourbonij copias Afnellorum turris miræ
 fundit a. 185 Cæfare ad altitudinis a. 247
 bellum instigat a. 214 Asta à Cæsare, Carolo Sa
 articulari morbo labo baudio donata a. 672
 rata. 184 moritur a. 719 Auerna ab Hispanis oppu
 Antonij Leuæ encomion gnatur a. 131
 a. 186. 213 consilium de Auerran^o Petrinus a. 307
 inuadēda Gallia a. 700 Auersani Auratio sese de
 pessimum a. 712 dunt a. 135
 Anronij Alberti contra Aurum in India ubi inue
 Carducciū oratio a. 204 niatur a. 684
 Antropophagi qui & Ca Auria cur Alfonso V
 nibales a. 685 stium & Afcanisi Co
 Apōtius Hispanus a. 446 lumnam dimittere po
 Apostoli sepulchrum li luerit a. 156
 quorem salubrem funi quā ob causam à Gal
 dit a. 105 lo alienatus & Cæsari
 Aquæ Sextiæ a. 710 conciliatus a. 157
 Aquaria turris a. 625 Genuensium trire
 Arabes ubi sint a. 562 mes capit a. 146
 Arabum studia & mores. è Genua Erycen sese
 ibid. confert a. 157
 Arabicarū literarū studia principatum renuit
 ubi floruerint a. 561 a. 163
 Aracosij & Margiani Sog Auria sollicitudo a. 493
 dianæ Bactrianæq; op milites à Turcis fun
 puli a. 582 duntur. a. 223
 Ariouistus Patauensis e Trophæum erigitur
 piscopus a. 450 Genuæ a. 164
 Arrianum oppidū à Cæsa Auriam non esse dimit
 rianis direptum a. 91 tendum Pontifex Gal
 Arni vallis a. 257 lum monet a. 157
 Arpias Centurio, potan Auriæ classis dispo
 do perijt a. 655 sitio a. 495
 Arsacidæ a. 582 Auriani à Spinula pro
 Artesia a. 725 ligantur a. 145
 Asanes Barbarus filius. Auxilia à Cæsare ad Co-

INDEX.

ronem missa a.145
 Axis flumen b.11

B

Babylon amplissima
 cogniti orbis urbs
 a.597
 Euphrate interfeca-
 tur ibid.
 Babyloniae descriptio a.
 797
 Babylonij horti & reli-
 quamirabilia nō sunt
 extra fidem a.598
 Babyloniorum cultus &
 mores a.597
 Baetius Hispanus Turca
 factus Ramada uoca-
 tus a.575
 Bagadat Babylon Semi
 ramis fuit a.581
 Bagrada amnis a.564
 Baiana arx a.152
 Baracanes Cantaber dux
 solertiss. a. 326. oc-
 cubuit 327
 Balthasar Carduccius a.
 68
 Bapalma a.721
 Baptiste Cei Florentini
 dira uerba a.394
 Barbarussa, Hariadenus
 uult appellari a.220
 apud Solymanum la-
 borat inuidia, ad Ha-
 braimū mittitur a.550
 à Solymano creatur
 Bassa & imperium ma-
 ris ei traditur a.555

Ammiras declaratus
 a.610
 urbem Gades adori-
 tur. a.221
 ad suos a.517
 ad Ficerium portum
 peruenit b.11
 Moenicem insulam si-
 bi fœdere iungit a.220
 Barbarussæ pater, patriâ
 fortuna, studia, facta
 egregia & mors a.
 544.555.556.
 557.
 aduentus Solymano
 gratus a.549
 ad Solymanum pro-
 loquium a.557
 capitanei a.628
 prima nauigatio a.556
 letitia ex Aidini uictio-
 ria concepta a.219
 astus a.559
 prelium a.549
 Barbari oppidum diri-
 piunt b.12
 Barbarorum in Venetos
 odium b.15
 Barbesius Gallicæ clas-
 sis prefectus a.116
 Bartholus Tedaldus Vo-
 lateræ præfectus a.
 331
 Basiliscum tormentum
 a. 99
 Batilus instrumentum
 a. 631
 Belgæ profligati a.11
 Belgarum tumultus a.11
 Belgradum oppidum a.13

INDEX

- 13
 ab Amurathe & Mahomete frustra oppugnatum a.14
 Bellum ingens in Muleassem a.566
 Belli rumores a.505
 apparatus ad Tunetū a.618.620.621
 Belli sacri Germani duces a.439
 exercitus imperante Carolo Cæsare a.450
 Bellicus apparatus à parte Gallorum a.614
 in Turcas a.414
 Benedictus Bondelmontes dictator Florentinæ reip, a.403
 Bernenses & Seduni Lotrechio opem ferunt a.16
 Bethis oppidum a.604
 Biordus Agnesius a.97
 Biscaris vrbs a.565
 Biserta vrbs astu à Barbarussa capitur a.571
 Blascus Nonius Cortesio par a.687
 mors immerita ibid.
 Bodo Sepussij dux in carcere moritur a.273
 Bohemiæ rex septimio suffragio potens a.449
 Bonæ spei promontorium a.691
 Borbonius capitur a.186
 Borbonij & Aurantij similis interitus a.370
 Borbonij interitus a.33
 Bornæ Lucensis a.343
 Boscum oppidum à Lotrechio expugnatum a.54
 Brugnola diripitur a.710
 Brunsvicum olim Tullisurgum a.164
 Brunsvicensis dux Cæsaris copijs præfictur a.164
 Brunsvicenses in Italia laus a.169
 Buda à Solymano capta a.30
 à Solymano capitur a.264
 à Ferdinando recipitur a.271
 Byrsa a.625

C

- Caballerij a.289
 Cædes Tuneti edita a.664
 Cæsar Feramusea a.32
 cadit a.101
 Cæsar contra Spinulam prælio contendens victoria potitur a.149
 Cæsar quibus parentibus prognatus a.150
 Cæsar Carolus Romanorum imperator appellatur a.242
 à Clemente inauguratur a.242

INDEX

- à Clemente Pontifice imperatoris ornamentis decoratur a.238
 concordiae studiosissimus a.231
 Caesar & Franciscus pacem ineunt a.175
 Caesar à Pontifice sacramento obstringitur a.213,240
 Hispaniae hereditatem adit a.11
 ex Isabella coniuge Philippum filium suscipit a.233
 de summis rerum negotiis cum Pontifice familiariter confert a.229 (quitur a.226
 cum Pontifice colloquium appellat a.208
 ut equestri dignitate ornet a.648
 à Ferrariensi principe honorifice excipitur a.225
 Placentiam uenit a.213
 Caesar Carolus & Franciscus Gallorum rex Britannum sibi socium adiungere contendunt a.13
 Caesar in Germaniam militem conscribit a.164
 quo ordine militum in Italiam tēdat a.461
 expulsa morbum contrahit a.235
 cur in Galliam ad regem proficiscatur a.501
 ad Muleaslem a.645
 Placentiam & Parmam à Pontifice repetit a.213
 Pontifici reconciliatur a.32
 Caesaris inaugurandae remonia a.239
 Caesaris Caroli inaugurati in diuersas sententias distractum omen a.249
 inaugurationi qui interfuerint a.244
 Astorgius omnium splendidissimus a.264
 inaugurati mirificacena a.249
 regius animus a.232
 lenitas a.209
 ad Pontificē deprecatorie literae a.32
 ad Pontificē Clementē supplex oratio a.229
 excusatio apud Iouem pro Pontifice a.462
 virtutum praconium a.227
 habitus a.228
 ob expugnantam Saonam premia a.151
 ingenium a.62
 diplomata a.401
 timor a.462
 Caesari Carolo in Germaniam proficiscendi multae causae a.237
 Caesare Carolo inaugurato, mirabilia Romani & in primis Papae

I N D E X

laticiz signa edunt a. 242	Capitanei Itali aduer- sus Turcas a. 423
Cæsaribus coronæ tres debentur a. 237	Caponius à Gerardo ac cusatur a. 192
Cæsariani Gallorum ca- stra sollicitant a. 128	contumelijs à iuveni- bus Florentinis pro- scinditur a. 72
casam à Gallis extru- ctam oppugnant a. 112	à curiæ honestissimè domū reducitur a. 208
Gallorum equitatum ante Neapolim fun- dunt a. 128	Caponij consilium in re- primenda Florentino rum ferocia a. 75
ad nocturnum prælium albicibus tunicis in- duuntur a. 113	erga Pontificem stu- dium a. 11
Cæsarianorū minæ a. 76	defensio a. 193
stratagema quo Gal- lis illudunt a. 88	Captivi in prælio Ferruc- ciano a. 371
Cæsarianæ classis cruen- tissima clades a. 103	Capua à Cæsarianis re- cipitur a. 133
Caij Maccijsupplicij a. 7	Capucia Etruscorū a. 45
Calcemitus Helvetius dux strenuus a. 716	Carduccius dictatura se abdicat a. 307
Caliphæ sacrorum princi- pis sedes & authori- tas a. 596	vt Rempubicam Flo- rentinam administra- rit a. 202
Callamata, olim Phare: a. 519	Carducij virtutes a. 192
Camales archipirata Ho- ruciū Hariadenum in- stituit a. 544	captiuitas a. 399
Campanella promon- torium a. 97	Caralis vrbs a Rentio oc- cupatur a. 154
Campso Memphiticus Sulchan⁹ magnā in ma- rirubro classē ædifi- cat b. 4	Carafulla morio capti- uus ducitur a. 311
Cādalius intercipiū a. 117	Carol⁹ Ceuri⁹ Belga a. 11
Capita procerum Hun- garie septem, Solyma- no oblata a. 264	Carolus Cocchus poena capitis afficitur a. 310
	Carolus Burgundiæ dux interficitur a. 124
	Carolus Borbonius a. 21
	Carolus Cæsar Maximi- liano succedit a. 8
	apud Vangiones concii

I N D E X.

- lium Germaniæ proce-
rum indicit a.14
Ratisponā uenit a.409
ad Germaniæ princi-
pes a.413
cum Leone Pontifice
foedus percutit a.14
Romā ingreditur a.693
à Sueuis ducatū Vuir-
tenbergenſē emit a.507
illiberalis in Chriſto-
phorum Vuirtenber-
gicum a.508
Feltrio Soram ciuita-
tem dono dat a.510
cur liberalis a.510
manu pugnāt a.649
ad milites a.620
Tunetum capit a.662
ſeruos Tuncti liberos
facit a.665
in Gallos irasciūt a.694
Sabaudiū ab amicitia
Gallorū auellit a.672
Prouinciā inuadit a.703
Caroli magni enſis a.408
Caroli Lanoi cum Pōti-
ficijs conflictatio a.31
Caroli Caſaris ingeniū
a.464
potentia a.8. ingreſ-
ſus in Italiam a.466
indignatio a.613
preſens conſiliū a.616
in Turcas expeditio a.
414
in mari periculū a.624
apparatus ad oppu-
gnandū Tunetū cedi
ſpoſitio copiarū a.653
copiæ cum Prouinciā
ingrederetur a.704
caſtra ad Tunetū a.630
adhortatio ad milites
a.654 egregia fa-
cta ad Tunetum a.650
reditus ex Tuneto a.
669
oratio Romæ habita
in Gallos a.694
ad Alexandrum gene-
rum admonitio a.698
apparatus in Gallos a.
68.683
Carthago vbi fuerit a.
569
Carthaginis promonto-
rium a.571. (629
Carthaginenſis ſinus a.
Caruenna vrbs in Africa
celebris a.561
Caſonus Turca vir impi-
ger a.437
interficitur 442
Caſpius mons a.593
Caſtorum diſpoſitio in
Florentina obſidione
a.325
Caſtellum ſancti Angeli
capitur a.215
Caſtellum cui nomen E-
xechium à Mahomete
communitum b.30
Caſtelleti arx à Genuen-
ſibus recipitur a.163
Caſtelleti arx expugna-
tur à Caſſarijanis a.18
Catherina Laurentio Me-
dico genita Hérico Gal-
liæ regis filio traditur

I N D E X.

- | | | |
|--------------------------|---------------------------|------------|
| a 500 | tus | a 613.614. |
| sponsa Massiliā deve- | Christiani orbis status | |
| hitur a.501 | & habitus a. 542.543. | |
| Gatherinæ Clementis | Circellum olim Carcen- | |
| neptis dos a.503 | na colonia a.545 | |
| Cazzianer Viennæ præ- | Clades à Turcis illata a. | |
| fectus a.418 | 437 (navium a.625 | |
| Causæ cur Florentini ci- | Classis ad Tumeri quot | |
| ues à Clemente fue- | Clemens Anconam fau- | |
| rint sublatis a.395 | de occupat, arcem adi- | |
| Cecina amnis a.332 | ficat a.491 | |
| Cencius Perusinus a.358 | à Casare offensus a.488 | |
| Cencius strabo Perusinus | Pontifex bellum Cæ- | |
| a.383.387 | sari infert a.30 | |
| Cecotus Toslingus dicta | iudiciū Cæsaris graui | |
| toris animum miti- | ter tulit a.503 | |
| gat a.385 | simulationis fructum | |
| Celoces, hodie Galeo- | capit a.511 animum | |
| nes a.622 | Cæsaris qua re pupu- | |
| Centuriones illustres | gerit a 500 Massi- | |
| qui perièrè in Coro- | liam ad nauigat a.501 | |
| nis oppugnatione a. | Francisco Regi cornu | |
| 474 (a.636 | monocerotis dono | |
| Certamen ad Tunetum | dat a.505. quantum in | |
| cum Barbaris a.648 | Etrusco bello exposue | |
| Cetriscus armiger Lu- | rita.415 statum Flo- | |
| douici Hungariæ re- | rentinū instituit a.393 | |
| gis a.29 (a.74 | qua poena inimicos | |
| Chiurlus Macchiaeuellus | multatit a.400 | |
| Christophorus Auria a. | Clementis Pontificis cu- | |
| 481 | ra a.387 | |
| Christophori Pallau- | intempestiua tyran- | |
| cini audax facinus a. | nis a.485. pollicita | |
| 493 | tiones Gritto a.589 | |
| Christophorus Virtem- | Clementis & Cæsaris fœ- | |
| bergicus militari in- | dus & conditiones a. | |
| dole a.508 | 488. reditus ad Vr- | |
| Christiani ducis infi- | bema.505 lctitia a.392 | |
| gnia a.618 | mores, natura, in- | |
| Christiani orbis habi- | genium, vita & mors, | |

I N D E X

a.523
 Clupeg promontorium
 Calibia hodie a.669
 Clupeg promontorium
 olim Mercurij & pul-
 chri a.629
 Coathrax mons a.593
 Cois, olim Artaxata a.
 593
 Colloquij Clementis &
 Francisci regis suspi-
 ciones a.503
 Colubraria insula ubi si-
 ta a.217
 Gollumellæ a.261
 Columnæ æneæ à Buda
 Byzantium asportan-
 tur a.266
 Comaria insula a.419
 Communitia, Butrociæ
 regionis locus b.18
 Coniurationis in Grit-
 tum capita a.538
 Conradus Hefsius dux,
 felix aleator a.358
 Coronis ubi situs & op-
 pugnatio à nostris a.
 471.472
 Consilium Florentinū de
 mittendis legatis a.309
 Constantina vrbs a.577
 Copiæ à Ferruccio Vola-
 terras adductæ a.336
 Corcyra vrbs in expu-
 gnabilis b.20
 Corcyreorum 16000 ca-
 pti b.23
 metus b.29 detrimen-
 tis sub æquinoctium, si-
 nis imponitur b.23

Corforum in Ferruccium
 seditio a.341
 Cortona ab Hispanis op-
 pugnatur a.255
 Corporan⁹ ferox a.420
 presidiarijs sese Hispa-
 dedunt a.256
 Cosmi Medicis sepul-
 chrū à Florentinis vio-
 latura.74 (Cum a.36
 Cosmi Saxeti falsum di-
 Cremona à Prospero re-
 cuperatur a.17
 Cremonius Turriani
 præfectus unā cum pe-
 ditibus interficit b.27
 Croscius implorat o-
 pem Pontificis b.26
 Cumerum promonto-
 rium a.593.691
 Curtius medicus Cle-
 mentis a.526
 Cuschana regna a.688
 Cuselbasæ a.582 (a.578
 Cyrrha Numididæ regia
 Cytherea insula a.470

D

Damartinus regulus
 a.723
 Damianus latronum dux
 b.18 à Ianizeris captus
 miserere occisus b.19
 Dantes Castellioneus cu-
 culla monachi libera-
 tur a.397
 Dardanelli olim q. a.478
 Decebalus Dacus a.534
 Deliqui sint a.603
 Delimethes Carama-
 nus Solymantum se-

I N D E X.

quitur	a.603	Empolis antiquitus
Desimenthis temeri-		Emporium fuit a.298
tas felix	a.604	Empolis oppugnatio a.
Demetrius Spartanus	314	capitur a.344
pestilentia Romę gra-		Ennius Philonard ^o a.53
fantem magico carmine		Epirota equites a.173
pellit	a.19	Episcoporum Hungaro
Dictator Florentinus a-		rum mos a.532
mens	a.385	Eryx oppidum a.157
Didacus Abyla occum-		Erosia Venti a.494
bit	a.637	Exercitus belli sacri di-
Didacus Touares mo-		spositio a.451
ritur	a.515.517	F
Dina Catharina delu-		Abagręca Genua a.18
brum	b.6 (541	Fabaches Hispanos in
Docia discerptus est a.		uadit a.634
Docie Hungari Gritti		Fabritius Maramaldus in
assentatoris dictu a.534		proditionis suspicio-
Dorbinus Salsedo bra-		nę uocatus, atque ab ea
chium discindit	a.91	memorabili exemplo
Dorax Numida	a.566	liberatus a.122
Doracis amicitia	a.577	Fabritius Maramaldus ad
Draus amnis	a.464	Fanum Fortunę a.298
Druidarum disciplina a.		Federicus Carrectus glā
686		de ad Tunecum perijt.
Ducis munus	a.187	a.631
Duces Empolim missi		Federicus Riccius uulne
a.335 ad Senatū Flo-		ratur a.35
rentinum	a.373	Federicus Toletan ^o a.622
Duces Itali pro rege Gal		Federici Palat. laus a.447
lia	a.707	Federici Bozzoli ad Flo-
Duces ad Africanū bel-		rentinos oratio a.38
lum delecti & copię		Feltrius Mediceis infen-
a.619		sus a.510
Duces qui Sabaudia pro		copias suas Romam du
Gallo ceperunt a.673		cir a.45
Duces illustres Viennam		Feltrij peritia militaris a.
c onfluunt	a.582	179
E		Ferdinandus Austria rex
Eurones	a.722	Bohe-

I N D E X

- Bohemiae creat⁹ a.269
 Cæsar appellat⁹ a.407
 Hungaria repetit a.270
 cum Sepulchri copijs con-
 fligit a.272 Hungariae
 rex proclamatur a.273
 officia Hungaris distri-
 buit a.274. cōtra Soly-
 manū arma parat b.31
 de inducijs cum Turca
 frustra agit a.276
 vndiquaq; milites col-
 ligit b.32
 Ferdinandus Toleta-
 dus a.623
 Ferdinandus Buda poti-
 tur a.271
 Ferdināus Gōzaga exer-
 citus imperator a.381
 Ferdinandus Cortesius
 Maxicana regna sube-
 git a.685
 Ferdinandi regis edictū.
 a.460. ad Solymanum
 legatio a.413. copiae cō-
 tra Lantgrauium a.521
 Ferdinādi Gōzaga in pu-
 gna virtus a.657
 Ferdinandi Rubrij suppli-
 cium a.7
 Ferdinando regi ad Exe-
 chium à Turcis illatū
 detrimentum b.29
 Ferentius Bodo dux sin-
 gularis a.272. capitur,
 incarceration & mori-
 rur ibid.
 Ferreocastrum a.446
 Ferruccijs Volaterras oc-
 cupatui a.337
 timpani istam suspendit
 a.341. ad senatū scribit
 a.334 Florentiam reuo-
 catur a.359. qua via Flo-
 rentiam tendat a.362
 quos duces Pisius reli-
 querit ib. pecuniā Pi-
 sanis imperat, iuuentu-
 tem educit a.360
 Ferruccijs seueritas a.338
 responsio ad Maramal-
 dum a.369 mors & de-
 scriptio 370
 copiae a.360 verba fa-
 talia 361
 Ferruccianum supremum
 praelium atrox a.368
 Ferruccianae cladis nūcio
 Florentini consternan-
 tur a.379 (a.371
 Ferrucciani pugnatōres.
 Ferruccianorū certamē
 ad Volaterras a.347
 Fessani regni vires a.562
 Ficinus Marfilij nepos ple-
 ctitur capite a.310
 Flammurani a.280
 Florantius Sedanius a.722
 Florentia obsidetur a.359
 Florētia corruptissimus
 status a.201
 Florentiae tumultus ma-
 gnus à Iacobo Gerar-
 do excitatur a.190
 Florentina iuuentutis se-
 rocia a.35
 Florētia atrox pugna cō-
 mittitur a.37
 Florentiae inopia rerum
 laboratur a.357

INDEX

- Florentini cuiusdam sal-
 sum dictum contra Ca-
 ponum a.70
 Florentini Casari ne an
 Gallo sese foedere iun-
 gant, deliberant a.77
 Florentini rebellant a.34
 relicto pontifice & Ce-
 sare Galli ac Venetorum
 partes sequuntur a.78
 cum Gallo, & Venetis
 pactum ineunt a.44
 iterum à Medicea fami-
 lia deficiunt a.48
 novos creant magistra-
 tus a.51. qui magistra-
 tus a.403 miserabili
 Pontificis casu letan-
 tur a.34 ob liberatum
 Clementem Pontificem
 solliciti a.67. à Raphae-
 le contra Casarē & Pō-
 tificem irritantur a.213
 Malatestam imperio
 abdicant a.384. histrio-
 nibus cōparati a.45 le-
 gatos ad Casarem mit-
 tunt a.207 Pōtifici Cle-
 menti reconciliantur.
 a.189. quibus conditio-
 nibus Mediceæ familie
 fuerint reconciliati a.
 431 quātas Pontifici co-
 pias militum promit-
 tant a.44. ciues qui li-
 berantur a.397. quidam
 ciues capite mulctan-
 tur a.20.394
 Florentinorum natura.
 a.45 de vexillo pro-
 mulgata lex. a.73
 optimatum habitus.
 a.404. legatorum
 & Casaris colloquium
 a.209. obstinata mens
 a.382. animi peruiçaces
 a.332. pertinax uolun-
 tas a.259 infamia a.372
 in Cosmum puerū mā-
 data 304. vrbes & op-
 pida munita a.298. iu-
 uenū conciones a.295
 iuuenum singulare cer-
 tamen a.321. eruptio a.
 325 ducum qui cecide-
 rint uno prælio a.328
 profanatio iuxta Ioui-
 um a.329. legati ad Cle-
 mentē Pontificē a.318
 ridenē à Clemente 321
 legati ad Ferdinandū
 Gonzagam qui a.387
 obsides a.389. simulati
 vultus a.45. conatus in
 Alexandrum Medicem
 a.675
 Florentinis maximus in-
 cutitur metus a.258
 Florentinis à Malatesta
 salubre consiliū com-
 municatur a.250
 Florentina libertas in se-
 natu quærebatur a.317
 obsidio a.312. militia
 a.296
 Florentiæ reip. habitus
 a.380. turbæ erga Medi-
 ceam domum odium.
 a.68. iuuentutis tumultus
 a.70. Foian² cuculla-
 tus

INDEX

- tus a.394 fœda morte
interijt a.598
Foreſtius Gallia regis le
gatus moritur b.12
Poſſanum à Cæſare capi-
tur a.699
Frahate a.96
Franciſcus Gallia rex cō
peritor Caroli repulſa
patitur a.9
Franciſco Cæſaris ſoror
cōnubio iungitur a.24
Arcis montē hodie Pel-
licardum à Virtember-
genſibus emit a.509
cur Carolo Cæſari in-
ſenſus a.9
in prælio ad Ticinū cō-
miſſo capitur a.23
in Hiſpaniam perduc-
tur a.24 in grauē mor-
bum incidit ib. obſi-
dibus datis, à Cæſare
dimittitur ib. ad Can-
tabria recuperationē
animum adjicit a.12
cura 671 cur in Sabau-
dū arma verterit a.671
Franciſcus Delphinus Gal-
lia moritur a.710
Franciſcus Sfortia calum-
nijs inimicorum impe-
titur a.25 à Cæſare e-
uocatus a.253. deditio
nem facit a.25
Franciſcus Borbonius Ve-
netis ſeſe cōiūgit a.180
Franciſcus Sfortia ab In-
ſubrib. defenditur a.21
moritur a.669
Franciſcus Cechingus a.9
Franciſcus Ferruccius Flo-
rentinus a.302
Franciſcus Somalius a.58
Franciſcus Soderinus e-
piſcopus in cuſtodiam
traditur a.20
Franciſcus Roſcius Aretiū
ſibi deſtinat a.393
Franciſcus Bardus a.313
Franciſcus Brocca occi-
ſus a.347
Franciſcus è Medelino Hi-
ſpanus ſeruorum libera-
tor ad Tunetum a.660
Franciſcus Salafforum re-
gulus a.486. à Gallis
ad Cæſ. deſicit a.699
Franciſcus Borbonius Ge-
nuenſibus bellum in-
fert a.179. ut in pote-
ſtatem Antonij Leuæ
reductus ibid.
Franciſcus Viſtorius a.41
Franciſcus Niger a.49
Franciſcus Boticella a.56
Franciſci regis animus
a.613. liberalitas a.504
præſertim in literatos
505. tres filij & eorum
ingenia a.504
Franciſci Gallia & Hen-
rici Anglia regum col-
loquium a.12
eorundem laus ibid.
Franciſci cum Cæſare i-
nitum fœdus ſuſpectū
a.24. conſilium in bel-
lo contra Cæſarem ſu-
ſcepto a.92. expoſtula

INDEX

tio apud Clementem
à 486. dona Clementi
data & Hyppolito Me
dici a. 505
Francisci Sfortia & Chri
stiana nuptia regie
a. 509. obsidione Me
diolano cincto Veneti
opem ferunt a. 25
Franciscum G. R. Cesar
Carolus cōsolatur a. 24
Fronatores a. 440
Frusino in Hernicis oppu
gnatur a. 31
Fundi vrbs à Barbarulla
capit & diripitur a. 558
G
Abellus amnis a. 423
Gabinianum oppidu
a. 364
Gabriel Merinus Batic^o
cardinalis creat a. 490
Gabriel Ripæus Obroa
tium oppidum oppu
gnat b. 24. à Pisauro pre
fecto capite plectitur.
b. 25
Galeaci^o Vicecomes a. 54
Galeon Lusitanus in
gens a. 623
Gallia reges bellum con
tra Italiam moluntur
a. 52. Romano Pontifici
obstricti ibid.
Gallia rex Franc. Papam
adorat a. 502 (mit a. 176
obsides à Cesare redi
Gallus Flandros inuadit
Hedinum capit a. 725
Galli & Hispani captiuos

ad Neapolim permu
tant a. 117
Hispanos equites fun
dunt ib. Gonzaga co
pias ante Neapolim
fundunt a. 110
ante Neapolim à Gon
zaga pralio superati.
a. 109 à Prospero, & à
Francisco Sfortia præ
lio superati a. 16
ad Ticinum pralio su
perantur a. 23
è castris Auerfam sese
recipientes à Casaria
nis miserè trucidantur
a. 130. è castris Neapo
litanis crumpunt & fu
ga salutē quærunt a. 128
Sabaudiam armis sibi
vendicant a. 673
Cardinales à Clemen
te electi quatuor a. 505
capiuntur a. 710
Gallia Hispanis ad Al
grunium pralio supe
rati a. 12
Galli promotorium, an
tiq. Acrite fuit a. 740
Gallorum castra à Neapo
litanis presidarijs sol
licitatur a. 124
castra ante Neapolim
inuaduntur & diripiū
tur a. 132
primores castra ante
Neapolim deserūt a. 123
defuncto Lotrechio cō
sultatio a. 126
cum pontificio equita
tu

INDEX

- tu congressus a.17
 sub Valerio victoria a.
 & duces à Florentinis
 excipiuntur a.37
 castra summo artificio
 constructa a.332
 in Prouincia a.718
 Gallis Neapolim obside-
 ribus pecunia aduehi-
 tur a.116
 Gallica classis Neapoli-
 tano excedens littore
 ab Auria inuadit a.142
 Gallica castra tabificis fe-
 bribus infestatur a.122
 Gallicæ & Venetæ copię
 ab Hispanis fusæ a.16
 Galletus Barga a.52
 Garlasum expugnatur.
 a.21
 Gatti a.97
 Gazelles Caietbeium Ae-
 gypti præfident ad de-
 fectionem à Turcis sol-
 licitata a.10. Mamalucho-
 rû manus cogit ib. Sy-
 riæ præpositus rebel-
 lat Solymano a.9
 à Frahate Solymani du-
 ce uincitur a.10. lega-
 tos Rhodum mittit ib.
 Genua Liguriæ caput.
 a.81. à Cæsarianis ob-
 fidetur & expugnatur
 a.8. diripitur ibid.
 Genuæ fame simul & pe-
 stilentiâ laboratur a.143
 Genuenses præfidiû à Cę-
 sare missum respuunt.
 a.180. Saouensibus in-
 fensi a.163
 Genuensium & Senensium
 de loco pugna a.242
 Georgius Franispergus.
 a.25
 Georgius Santacrucius
 interficitur a.306
 Germaniæ regulorum
 mos pius a.520
 Germani aquæ potû abo-
 minantur a.95
 Germani milites in eua-
 cuandis dolijs Græci
 vini strenuos sese præ-
 stant a.95 à Gallis apud
 Neapolim in fugam cõ-
 iecti a.111. nisi numera-
 ta à Pontifice pecunia
 Roma decedere nolūt
 a.63. ex Italia domum
 redeunt a.168
 pestilentiam contem-
 nunt ib. in fugam con-
 iecti a.185 Gallis mili-
 tant ibid.
 Germanorum equitum
 robur a.165
 Germanorum Hispano-
 rumq; copię in Etru-
 riam descendunt a.234
 Germanici Hispanicique
 præsidij alacritas a.121
 Germanici motus a.410
 Giahenna Bæthicus Gal-
 lorum castra magna
 audacia inuadit a.115
 Gihenna à Lotrechianis
 capitur a.116
 Giaser pugnando cadit.
 a.637
 Giana-

INDEX

- Giannarius amnis a.260
 Gibertus Veronensis epi
 sc. vir insignis a.524
 Gofferij copia à Casa-
 rianis & Venetis proli-
 gata a.22
 Gonzaga Gallorū manus
 vix euadit a.111
 Gordi populi latrocinij
 infames a.583
 Gratia Stiria Metropolis
 deditur a.438
 Gratia vrbs deditur a.70
 Græci aliquot equites ce-
 leberimini necantur a
 .172
 Gritus Eeoglis à Turcis
 vocatus a.531. dux egre-
 gius, quæstor Hunga-
 riae ib. ad Hieronymū
 Lafchum & Lafchi re-
 sponsum a.537
 deceptus à Moldauo
 capitur a.540. decapita-
 tura a.541 obfessus & op-
 pugnatus a.529
 Gritti cū Solymano gra-
 tia & Habraymo a.530
 horti & domus ib. co-
 pia a.529 ipes a.532 a-
 dulatores ib. animus
 elatus, mores, & flu-
 dia a.530 consiliū a.419
 deliberatio perniciofa
 a.535. iudicium in gem-
 mis a.531 superbè di-
 ctum a.534
 Guicciardin⁹ Parma præ-
 ses a.17
 Guido Rangonus Genuū
 tendit oppugnandum
 a.713. Casinianum ca-
 pit & Carmagnolam
 a.715
 Quintium oppidū a.424
 Guildermus Baioariae re-
 gulus queritur de Au-
 striacis a.410
 Guletta in Africe a.571
 Guletta situs a.628
 oppugnatio accerrima
 a.640 & expugnatio
 641
 Gusmani Citharædi in-
 teritus a.100

H

- H Abraymus Bassa Visir
 a.276
 Bassarū principes Guin-
 tium tentat a.425
 Christianis non infen-
 sus a.520. increpatus
 ingulatur a.609
 Habraymi Bassa virtutes
 & auctoritas a.429
 mensa.588. consilium,
 oratio ad Solymanum
 a.585 suspicio a.608
 modestia & à Solyma-
 no postulatū a.609. in-
 uidie femina a.607
 conditiones, mores,
 & honores a.534 existi-
 matio cur pregraua-
 tur a.608 exitus a.610
 Hadrianus Florētinis Bel-
 ga Cardinalis a.12
 Leoni surrogatur a.17
 Romam adpellit a.18
 Rhodij opem laturus
 imped-

INDEX

- impeditur a.19
fato concedit a.20
Hadinn Smyrnæus cognomine Cacciadabolus a.593
Hadiadentus per Sardum & Hispanum homines Africa tota potitur a.580. ad Sinam Iudæum a.643. quibus formidolosus a.612. classē amittit a.641. fugit a.661. nouam classē parat a.667. Minoricam dolo expilata. 678. Hadiadentus & Sinas Iudæus ad Solymanū ne niunt a.606
Hadiadenti consiliū a.641 & facinus 658 ad. Turenanos oratio a.5-8 ad suos a.667 fugaa. 666
Hastasus Rauennas a.55 amplissimum è Ticinē sib. munus accipit a.58
Heluetij Iulio Medici præsidium mittunt a.20 opem Pontifici contra Gallum ferunt a.15 Gallis contra Hispanos fortiter auxilium ferunt a.117. uoluntarij ad Gallum proficiuntur a.716
Heluetiorum titulus à Pontifice acceptus a.83 animi contra Cæsare extulantur a.53 prudens responsum ad Cæsarem a.682
Henricus Ammiras a.11
Henricus Britannia rex ab Romano pontifice discedit a.729
Henrici Britannia Regis repudium a.482
Hercules Attestinus Florentinorum dux a.305
Hercules Rongonus locū tenens Herculis Attestini ibid.
Herculis Ferrariensis principis nuptiæ a.76
Hermanduri a.449
Hermolaus Barbarus custodiæ traditur b.7
Hieronymus Tranensis tormentarius a.101
Hieronymus Plegafetta Vicentinus, noui orbis nauigator a.691
Hieronymus Canales Morum Alexandrinum capit a.499
Hieronymus Tuttanilla Italorum præfectus a.473
Hieronymus Pisaurius præfectus b.11
Hieronymus Leua iugulatur a.436
Hieronymus Mendocius Hispanorū præfectus a.473
Hieronymus Lascus vir clarissimus Ioanē regē Hungariæ recipit & uiuat a.274
Byzantium legatus præfiscitur a.275. spectat

INDEX

- stratur a. 535. capitur,
& liberatur a. 542
Hieronymi Lasci cōsiliū
ad Ioannem Sepusium
a. 734. petitio ad Soly-
manum a. 276
Hieronymi Mendocij li-
teræ de Corone obsef-
sa a. 492
Hieronymo Spinula ca-
pur amputatur a. 630
Himeralis classis Turci-
ca præfectus a. 470
Hippona, hodie Bona di-
citur a. 661
Hircani, hodie Caraxeni
a. 581
Hispani Liguribus inuisi
a. 181. ex Italia abducti.
a. 488. Gallorū hyppa-
gis equos eripiūt a. 111
a Gallis, & Heluetijs
fusi a. 114. duces a. 327
Hispani Coronem relin-
quunt a. 519
Hispanorum à Liguribus
accepta clades a. 181
Hispanicarum copiarum
præfectus ad Tunetū.
a. 623
HisPELLUM oppidum op-
pugnatur a. 252
Horatius Baleonus a. 112
Hungariæ corona regum
a. 268. vbi feruetur 269
Hungar. fluxa fide a. 819
Hungarorū clades à Tur-
cis accepta a. 29
triginta milia à Turcis
trucidata a. 265. teme-
- ritas à Solymano irrita
a. 30
Hungarici regni compe-
titores a. 270
Hippolytus Medices Car-
dinalis a. 37. Legatus ad
Cæsarē a. 415. capitur
a. 462. Alexandro Medi-
ci machinatur a. 676
moritur non veneno
a. 677
Hypolyti Medicis inge-
niū a. 461. mors a. 675
liberalitas & forma a.
416 amulatio a. 615 pœ-
nitentia a. 676
Hismaelis Sophi immu-
tura mors & filij a. 581
- I
Ioachimi Serralij ad Ca-
ponium literæ a. 192
Iacobus Bichius Senēsis
interficitur a. 316. 315
Iacobus Alamannus sup-
plicio afficitur a. 72
Ianus Mari⁹ Græcusa a. 471
Incisa uicus, quam olim
Hanibal transijt a. 258
Insula noui orbis a. 690
Insula desertæ ibid.
Insulæ ab externo mili-
te granantur a. 181. fa-
me pereunt a. 182
Ioannes Sepusius a. 28
uir illustis ad Hūga-
riæ regnū aspirat a. 267
rex Hungariæ à Soly-
mano creatus a. 266
Budæ rex a. 233
salutatur a. 268
coro-

INDEX

coronatura a. 269 ad So
lymanum uenit. a. 281
Buda fugit a. 271
Ioannes Lotharingus car
dinalis plus Gallis no
cuit, quam vnquam p
fuerit a. 673
Ioannes Vecturius, Vene
tae classis prefectus b. 19
Ioannes cardinalis a. 51
Ioannes Bellaius episco
pus Parisiensis oratio
nem habet ad Papam
& Regem a. 502
Ioannes Taurinus a. 299
Ioannes Brauius a. 11
Ioannes Bandinus a. 244
Ioannes Dorbinus pedi
tum Hispanorum opti
mus interit a. 252
Ioannes Corsius dicta
tor Florentinus a. 393
Ioannes Padillia a. 11
Ioannes Fraciscus a. 35
Ioannis Hungariae regis
ducum consilium a. 271
Ioannis Sepusij ad Hun
garos oratio a. 267
coronatores a. 269
proceres in coronatio
ne comitatus ibid.
Ioannis Forestij Regis Gal
liae legati consilium b. 8
Isela urbs a. 141
Italia atroci pestilentia
infestatur a. 168
Italiae latitiae ex Hispanis
abactis a. 489
Italorum in Turcas ala
critas a. 423 (nus a. 11

Indicus Velasus Hispania
Iulius Medices in Hadri
ni locum suffectus a. 20
Florentia pellitur a. 2
Pontificius legatus
a. 15
honorarij inter Cae
sam & Gallum arbitrij
specie praefert a. 20
Iuncus hodie Nauarrin
a. 476
Iunus beius ab Acrocerau
nis captus b. 15
Iunij praefecti respon
sum a. 343

L

Lacinium promontorium
hodie Coluncu a. 467
Lacus Tritonius a. 571
Lantgrauij rumor a. 509
Landus Venetae classis
praefectus a. 152
Lascus solerti ingenio a.
274 munera Byzantiu
desert a. 1275
Lustra oppidum occupa
tur a. 302 capitur a. 303
Laurétius Soderin^o strā
gulatur a. 310
Laurentius Granius in
Clementem orationē
funebrem habuit a. 526
Lus Pompeia à Caesaria
nis oppugnatur a. 166
Lecheus portus hodie di
ui Demetrii a. 1483
Lentigesia Muleassis ma
ter a. 563
Leo Pontifex Gallos Me
diolano extrudere, idē

INDEX

- que Sfortiz restituere
conatur a.14 morit a.17
Leopoldus vicus a.427
Leres, antiquitus Lero-
nes insulæ a.793
Lescut & Lotrechius fra-
tres bellum Pontifici
iuserunt a.15
Liburnus portus quem
Cicero Labronem uo-
cat a.155
Liburni arx a.52
Londarium olim Mega-
lopolis a.519
Lodronij castra ad Floré-
tiam a.353 adorta 354
Lotrechius vrbium expu-
gnator a.126
omnium ducum con-
cilium indicit a.119
copias suas in picenum
ducit a.79
nouas ad oppugnandā
Neapolim copias con-
scribit a.120 pecuniarū
penuria laborat a.118
moritur a.125 tumula-
tur a.126
Lotrech. descriptio a.125
pertinacia a.119 in ex-
cubijs conseruandis se-
ueritas a.113 fuga a.116
mors Romanis lucto-
sa a.139 cadauer è sabu-
lo erutum, & Neapo-
lim delatum a.138
Lotrech. o parentalia-
à Romanis decernunt,
a.139
Lotrechianorum militū
contagiosa lues a.115
Lucani & Apulifese Gal-
lis dedunt a.91
Lucenses Carol. Cæsare
splēdidissimē recipiūt
a.698 honorificē Medi-
ceos excipiunt a.50
Ludouicus Hungarie rex
a.14 auxiliū contra Tur-
cam petit a.26
Ludouicus Lusitaniz re-
gis frater a.623
Ludouic⁹ Lodroni⁹ a.54
Ludou. Balbianus a.54
Ludouici acies contra
Turcas vt instructa
a.28
Ludouici regis castra à
Turcis obfessa a.28 mi-
serabilis interitus a.29
cadauer inuentum &
sepultum a.268 tumu-
latur a.30
Ludouico sepulturæ ho-
nos ab Hungaris præ-
stat a.268
Lucidij oppidum, Tem-
psa olim capitur & di-
ripitur a.556
Lupercalēs apud Christi-
anos a.674
Lutheromastix Alber-
tur Fighi⁹ Belga a.239
Lustibei⁹ Passa 276
ad Ficerium pertum p-
uenit b.11 increpatur
a.497
Lustibei⁹ consilium b.7
puder & integritas b.13
Lusitani sclopettarij tor-
men-

ment
b.4
à mar

M
agit
inter
Macici
lites a
erupt
Magalan
clytus
tio
Magonis
capitu
Haria
Mahona
Magnei
rus
Mahome
to C
præfe
Mahom
Barba
Maimo
inter
Mal'athi
a.593
Malatest
putat
num l
a.384
Malatest
prude
tas di
obtre
aldon
Maldon
pliciu
Manfre

INDEX

- mentorumq; magistrum, a.171
 b.4 Lusitanorū clades Marcus Foscarus a.44
 à mari a.406 M. Antonij Colūnæ mors a.16
 M
 Macicus castrorū magister a.436
 interficitur a.517
 Macicai responsum ad milites a.513 ingenium 514
 eruptio a.515
 Magalanes Lusitanus inclytus & eius navigatio a.515
 Magonis portus a.624
 capitur & eripitur ab Hariadeno a.679
 Mahonæ naues b.7
 Magneticus usus ubi inuentus a.105
 Mahometes cognomento Catis Babylonie præfectus a.595
 Mahometes Iahiaoglis Barbarorum dux b.30
 Maimo Muleassis frater interficitur a.564
 Malathia, olim Amalthia a.593
 Malatesta dubie fidei reputatur a.380. Nicolinum legatum vulnerat a.384
 Malatestæ laus a.329
 prudentia a.324. libertas dicendi a.381
 obtestatio a.356
 aldonatus a.11
 Maldonati Hispani supplicium a.9
 Manfredonia obsidetur

- a.171
 Marcus Foscarus a.44
 M. Antonij Colūnæ mors a.16
 Marcomanni a.407.449
 Maramaldus violentus o dio habetur a.454
 Maramaldi ad Ferruceium insulatio a.369
 excusatio de Ferruciana cæde a.370
 More mortuum a.152
 Maria Paceca exercitum coniugis ducit a.11
 Martius Vrsinus interficitur a.306
 Marius Bandinus Senensis Carolum Cæsarem hospitio excipit a.697
 Marefcalchi munus apud Gallos a.772
 Meterianus Insuber capitur a.125
 Martis Lucus a.460
 Martinus Luthernus a.14
 Martini spectrum a.431
 Martyres christiani a.265
 Massilia à Piscario obfatione cineta a.22
 Mastria oppidum oppugnatur a.9
 Matthias Hungarie rex a.30
 Matthie Apost. dies Cæsari Carolo faustæ a.237
 Maximiliani Cæs. mors a.8
 Medicea domus à Lucensibus seruata a.51
 quando Florentinis

I N D E X.

- imperarit *ibid.* *magicae artis doctus a.*
 Medicei à Florentinis ho- *590*
 stes Reipublicae decla-
 rati *a. 36*
 Mediceorum statuae à Flo-
 rentinis deiectae *a. 74*
 clementia ergo Floren-
 tinos *a. 38*
 Medina Campi vrbs igne
 extincta *a. 11*
 Mediolanum à Gulielmo
 Goffetio obsides *a. 21*
 ab Hispanis recupera-
 tum *a. 16.* à Francisco
 recuperatur *a. 23*
 Menapij *a. 722* (*a. 175*)
 Mendanij insigne facinus
 Mercadus Hisp. *a. 464.* Me-
 schines Numida *a. 566*
 Mexicorum regum an-
 nales apud Iouiū *a. 686*
 Michael Montopolis in-
 terfectus *a. 391*
 Michaelis portus *a. 637*
 Milites ad Tunetum ex-
 ponuntur *a. 630*
 Militum quærela de Au-
 ria & cōternatio *a. 479*
 ad Coronem expostu-
 latio *a. 513*
 Mitylenei fratres ab una
 tantum bireme ad re-
 gni fastigium deuene-
 re *a. 544*
 Moluchæ insulae *a. 686*
 Montis Sinæ altitudo *b. 6*
 Morgantes Castalionis *a. 348*
 Morus Alexandrinus *a. 494*
 Mule arabes Damascus
magicae artis doctus a.
 Muleas in modum præ-
 liantis *a. 646.* ad Cas-
 rem in castra venit ad
 Tunetum *a. 644.* quæ
 damna acceperit in di-
 reptione arcis Tuneti
a. 665. edocet euentum
 pugnae *a. 647.* ex Cas-
 ris autoritate rex cō-
 stituitur *a. 669*
 Muleas pater 200. for-
 minas aluit *a. 565*
 Muleas doctrina *a. 646*
 crudelitas in fratre sa.
 564. effigies & oratio
a. 644
 Mura amnis *a. 433. 438*
 Mustaphas Solymani fi-
 lius Cappadociae præ-
 festus cur *a. 607*

N

 Ansous semigermanus
 regulus *a. 722*
 Narcissus Neapolitanus
 medicus valde peri-
 tus *a. 235*
 Nasadia naues *a. 418*
 Nasus à medio surgens
 quid donotet *a. 228*
 Nauarrus captus, Neapo-
 limus perductus *a. 130*
 in carcere mori *a. 137*
 Neapoleon Vrsinus à Vi-
 tellio funditur *a. 299*
 Neapolis obsidetur *a. 93*
 Neapoli mira arte ab Hi-
 spanis & Italis farinae
 penuria occurrit *a. 95*
 Nea-

Neapol
 uerna
 cepta
 Neapol
 panem
 & Cas
 a. 94.
 fare
 Neapol
 interci
 Nechar
 Nicolau
 Nicolau
 Nicolau
 Nicolau
 urxill
 Nicoliz
 Nicoliz
 Nilotica
 copia
 Norius
 abdica
 Norici
 prio
 Nyphat
 O Bfid
 et
 ta
 Ocean
 fufus
 & op
 a. 40
 Octau
 gland
 Octau
 Octau
 Octon
 Octon
 Odoar

INDEX.

Neapoli pestilentia ab A
uernanis cōtagione ac
cepta grassatur a.138
Neapolitani varijs artib.
panem conficiūt a.107
& Casarianis deficiunt
a.94. rebellant à Cæ-
sare a.108
Neapolitanis cōmeatus
intercipitur a.106
Necharus amnis a.525
Nicolaus Scōbergusa.138
Nicolaus Strozza a.335
Nicolaus Rodulph⁹ a.50
Nicolaus Caponius a.41
urxillifer a.51
Nicolizza vir fortis a.424
Nicolizza altus a.432
Nilotica aquæ usus, &
copia b.5
Norius sese magistratu
abdicat a.51
Norici prouinciæ descri-
ptio a.440
Nyphates montes a.593
O Bfidio Coronēsis re-
ctē à Tarcis institu-
ta a.512
Oceanus in Belgicū es-
sus a.405. quas vrbes
& oppida submerferit
a.406 (a.299)
Octavianus Signorellus
glande traijcitur a.328
Octavianus Fregosi⁹ a.17
Octavianus Medices a.49
Oetowiri Florentiæ a.393
Oetowirorū officiū a.44
Odoardus Giachinort⁹

a.343. capite plectitur
Oen⁹ amnis a.424 (a.392)
Olinecti ad Tunetū com-
bustio a.570
Oppidum Hala a.424
Oppidi Clisg ad sustinen-
das Turcarū incurfio-
nes commoditas b.26
Orlandini flagitiū a.344
Orma fluius a.341
Othonis Montacuti car-
cer & cur a.305
Ottomannorū lex a.264
regni a.412. mos ibid.

P

P Accionus Pistorien-
sis a.52
Paetrana coniuratio a.43
Padillæ supplicium a.11
Ralandriarum nauium
utilitas b.13
Palinurus a.500
Panis biscoctus a.221
Pannonia à Turcis crude-
liter depopulat⁹ a.266
Pannoniæ regis interi-
tus b.8
Pānoniorū centū & quin-
quaginta milia in cap-
tuitatem à Turcis ab-
ducuntur a.266
Parma à Pontificijs oppu-
gnatur, dimidiatq; pars
capitur a.13. à Gallis op-
pugnata a.17
Paulus Manfronus a.179
Paulus Ceres a.718
dux impiger a.360

INDEX

Paulus Bachitius Manho	tur	a.421
metanis sacris initiat ⁹	Petouia vrbs	a.455
ad Christianos redit.	Petrus Cardonius Sicut	a.100
a.270	lulus cadit	a.34
Paulus Iouius à Philippo	Petrus Saluiatus Floren-	a.37
victore humaniter ex-	tinus	a.118
ceptus	Petrus Honofrius Mon-	a.268
Paulus III. conciliū in spe	tedolus	a.296
ciem apperit a.612. Cæ	Petrus Crofsicius oppi-	a.193
fari gladium dono mit	di Clisse præfectus b.25	a.9
tit	Petrus Naurrus	a.268
Pauli III. pffessio	Petrus Victorius	a.296
a.612	Petrus Toletanus prorex	a.106
legatio ad vtrosq; re-	b.9	a.726
ges	Petrus Perenus nobilissi-	a.726
Pauli Tomarçi Archie-	mus Hungariæ	a.19
pifcopi Collocensis te-	Petrus Philippus Pandol-	a.674
meritas	phinus	a.299
a.27	Petrus Baccionius	a.674
Paulo Iouio Vastij arma	Petrus Crofsicius aufu-	a.299
donantur	git	a.299
a.104	Petrus Martyr Anglerius	a.299
Pasquinus Corfus dux co-	noui orbis scriptor	a.299
hortis	687	a.299
a.377	Petri Ladi victoriæ	a.299
Pax inter Florentinos &	Petruciana coniuratio	a.299
Clementem Pontificē	a.7	a.299
& conditiones	Philippus Arefcotus è	a.299
a.388	Croia familia nobilis	a.299
Pecore uallis propè Nea-	a.726	a.299
polim	Philippus Aladamus Rho-	a.299
a.110	diz militiæ magister.	a.299
Perenei fera prudentia a.	a.19	a.299
264	Philipp ⁹ Ammiras cur ex	a.299
(721)	poliatus, & ie exillu-	a.299
Peronà, & eius fitus a.	actus	a.299
a.724	a.674	a.299
Peronēsis turris ignibus	Philipp ⁹ Nerlius cōmēta-	a.299
subruitur ibid. (a.723)	rios diurnales rerū Flo-	a.299
Peronensium responsum	rétinarū scripsit	a.299
Perfæ Solymannum abeun-	Philip. Lātgramius Ferdi-	a.299
tem laceflunt	dan-	a.299
a.601		a.299
Perurana regna		a.299
a.688		a.299
Perufini capitanei in ob-		a.299
fidione Florētina a.325		a.299
a.325		a.299
Pefa amnis		a.299
a.335		a.299
Pestanus vir fortis mori-		a.299

I N D E X

- nādo bellū infert a.520
Cæsari infensus a.506
Philippus ex atrocissimo
nauali prælio victoriā
reportat a.102
Philippus captiuos red-
dere detrectat a.105
Philippi Lantgrauij ap-
pellatio à Cæsaris sen-
tentia ad Martem a.50
Philippi Strozze falsè di-
ctum a.503
Philippi victoria Pon-
tifici nunciatur a.105
Philippi ad milites ora-
tio a.98
Philippi Melioris Floreo
tini ad senatum oratio
a.317
Piscarius moritur a.25
Pisæ obsidentur a.391
Pisana arx Florētins tra-
ditur a.51
Pisanus Venetorum lega-
tus a.59
Pisaurius Venetæ classis
præfectus b.23
Pisleon à Prospero oppu-
gnatur a.17
Pomperani admiranda
mors a.135
Pompei⁹ Columna aqua
& igni à Pontifice in-
terdicitur a.30
Pontifex à Florentinis
grauiter exareebat a.201
offensus a.78 cum Cæsa-
re Carolo in gratiam
redit a.44. Clemens &
Cæsar Carolus eodem
publicè titulo ornan-
tur a.232. amicitiam
Cæsaris ambit a.189
è custodia dimitten-
dus a.63. euadit a.66
honorificè excipit a.67
Pontifex Clemens collo-
quium cum Paulo lo-
uiohabuit a.79
quos Germāis dedit ob
fides a.64. conditiones
quas Florentinis pro-
posuit a.196. lethali
morbo laborantis uo-
ta a.71
Pontificij Gallos nauali
tumultuaria pugna vin-
cunt a.15
Pontificij in nauibus qui.
a.100
Populi imbellis multitu-
do magna, ex Corcyra
expellitur b.21
Populatio horribilis in
Hungaria a.266
Portundi Hispanicæ clas-
sis præfecti temeritas
a.217
Præteus captus a.117
Præxiū pmonitoriū a.691
Prælium equestre ad Pra-
tensem portam Florē.
a.315 ad Crucianapor-
tam Florentiæ a.315
ad Tuncetum a.569 in-
ter Turcas & Palatinū
a.442. inter Turcas &
Hispanos a.440. in-
ter Gallos & Cæsaria-
nos ad Brugnolā a.709

INDEX

- cum Hispanis ad Florē
tia a. 326. Ferruccianū
ad Volaterras a. 336. na
ualead Coronē Auriē
& Mori a. 496. nauale
in Danubio a. 420
Prosper Columna a. 15
Prosperi Colūnæ mors
eiusq; in imperio succes
sores a. 21
Provincia abundantia a.
707 (b. 6
Ptolemeus Philadelphus
Pugna ad Tunetum a. 656
ad Genuā a. 614. atrox
ad Gabinum a. 368. pu
gnæ genus ad Tunetū
a. 649 (exemplū b. 16
Pugnacissimorū militū
Q
Quintini oppidū clarum
a. 722
R
Ada vrbs a. 629
Rhacos apud Hunga.
a. 268
Rhacos Hungarorum cō
cilium a. 26
Rambattæ a. 99
Ramadas Hispanus im
pi⁹ a. 660. capite ab Ha
riadeno truncat⁹ a. 675
Ramazottus a. 262
a. 203
Raphael Hieronimus di
ctator Florētīn⁹ a. 307
Rebatini christiani a. 563
Regium à Gallis oppu
gnatur a. 11
Rentius a. 120
Rentius Ceres dux a. 31
cum Scipione Colum
na pralio cōtēdit a. 127
Sardorum equites fun
dit a. 154
Rium oppidum à Barba
russa captum a. 549
Robertus Marchius Ebu
ronum regulus a. 9
Rodericus Ripalta mo
ritur a. 637
Roffensis Cardinalis in
terficitur a. 730
Rhodusa Solymano cur
oppugnari cœpta a. 18
Rhodij deditiōem fa
ciunt a. 19
Roma à Germanis Hispā
nisq; expugnata a. 33
Roma quo anno à Cæsa
raianis expugnata a. 143
Roma à Germanis penē
oppressa a. 25
Roma pestilentia infe
statur a. 19
Romani hodierni Vindi
ctæ memores a. 371
Romanis à Barbarussa
terror incussus a. 558
Roscettes Muleassis fra
ter regno pulsus a. 551
ad Barbarussam confu
git a. 570
Roscinius Ciarius a. 94
Rossolana Solymani u
xor cur Habramum
oderat a. 607
Rossolanæ peruerse ar
tes

I N D E X.

- tes a.608 Sarnensium cades & di-
 Rotundā Romæ, olim Pā- reptio a.633
 theon Cæsar admira- Sauona vrbs a.147
 tur a.694 Sauona Genuensibus pa-
 Rufius captus absolui- ruit a.156
 tur a.462 expugnatur a.162
 Sauona capitur a.149
 Sauus fluuius a.291
 Sauus & Drauius amnes
 possagæ ciuitatis b.29
 Scanderbassa vsq; Vene-
 tias infestis armis pe-
 netrauit a.584
 Scimitarra quid a.69
 Scriuia amnis a.707
 Scultenna amnis a.423
 Sebastian⁹ Mōtecniculus
 disceperitur a.710
 Seditio militaris ad Athe-
 sim amnem a.422
 Seditio militaris ad Vien-
 nam a.434, 455
 Seditio Florentiæ orta
 a.389 (tur a.621
 Seditiosi à Vastio mergū
 Selymi Turcarum Impe-
 ratoris victoriæ a.9
 mors ibid.
 Semern uirgo auptui re-
 gi Britaniæ traditur
 Odoardum parit & pe-
 rit a.731
 Senenses mulieres inter
 Italicas elegantissimæ
 a.698
 Senenses Carolum Cæ-
 sare m triūphaliter re-
 cipiunt a.697
 Septempedani Camer-
 tes, Sanfenerinates ho-

INDEX

die a.491
 Serrani Hispani nauiga-
 tio a.690
 Seruorum ad Tunetum
 facinus a.959
 liberatio a.669
 Sesostris Aegypti rex b.6
 Sfortia Baleonus a.438
 Sicambri, hodie Cleuen-
 ses a.722
 Sigismund⁹ Sarmatiae rex
 Lascumiuuat a.725
 Simo Theobaldus a.108
 Simon Leonius Corcyre
 praefectus b.20
 Sinas Smyrnaeus a.628
 Sinas Iudaeus ad Hariade
 num a.643
 Sinas Iudaeus pirata a.500
 Sinas Iudaei probum con-
 filium a.659
 Smarum regna a.686
 Smaragdus Parmensis a.
 Soderinus a.51 (300
 Sophia Triballoru a.280
 Solymanus patri Selymo
 succedit a.9
 quibus oblectetur re-
 bus a.275
 in hortos Aloysij Grit
 ti ingressus a.282
 ad suos a.291
 in Hungariam profi-
 ciscitur a.281
 Pannoniae eblum in-
 er a.26
 cur Pannoniae bellum
 intulerit Viennamque
 obsidione cinxerit a.
 264

de reducendo Ioanne
 Sepusio in regnum ce-
 set a.278
 Pannoniae regnum Se-
 pusio dono dat a.265
 Pannonia inuadit a.206
 Buda potitur, arcē op-
 pugnat & potit a.282
 Belgradū expugnata
 13 Altaburgum
 expugnat a.284
 tres miri artificij aene-
 as statuas Buda tollit
 a.266
 Viennā peruenit a.286
 Viennam cingit a.286
 ad Viennenses a.293
 occisorum capitibus
 illudit a.264
 Episcopi Strignoniensis
 auaritiam detestatur
 a.264
 sortem Ludouici regis
 miseratur a.265
 Byzantium reuertitur
 & reliquis Veneti im-
 perij vrbibus bellum
 infert b.23
 ab Hungaria Byzantini
 reuertitur a.266
 è Thracia proficisci-
 tur b.11 in Persidem
 contra Sophū reuertit
 a.399 Taurisium de
 vastat a.600. Indiae
 bellum infert b.3
 aggreditur Lusitanos
 b.4. Babylone potitur
 a.596 Babylonię spe-
 ctacula edit: Et Caro-

INDEX

- 1^o Caesar Neapolia a. 599
Mesopotamia: vrbibus
potitur a. 598 de Ita
liapetenda consultat
b. 12 Italia: bellum co
natur inferre b. 10
bellum decernit aduer
sus Venetos b. 18. de
oppugnanda Corcyra
consultat b. 19. obfi
dionem Corcyrae sol
uit, & Byzantium re
vertitur b. 22. Barba
ruffam acciuit a. 547
cur Africam innadit a.
543 Habraymo su
biratus a. 605
praefectus Aegypti b. 5
So lymani animus a. 583
dignissima vox a. 294
liberalitas a. 265
mos: cu Christianis a.
276
in re militari solertia
b. 5 consilium a. 411
434 egre
gium faciunt a. 283
exercitus descriptio a.
429 exercitus a. 427
Castra ad Viennam a. 286
prada: ingens a. 455
clades ab Delimethe
illata 604 expedi
tio in Persas a. 591
petitio a Ioanne Sepu
lio a. 294
literae ad Ferdinan
dum a. 427. ad Fer
dinandum responsum
a. 277

in Hungaria expeditio
a. 280
sententia de 7. proce
ribus Hungariae a. 264
odium in Venetos b. 4
mater & vxor Habray
mo infensa a. 590
Vlamanes Persa trans
fuga a. 591
Spelunca oppidum ca
pitur a. 557
Spharagia insula hodie sa
pientia a. 470
Spira Nemetum vrbs a. 277
Statuae aeneae tres Byzan
tium ab Hungaria a
sportatur a. 266
Stoichadae insula a. 491
Stephanus Bator Prorex
Hungariae a. 274
Hungarorum clarissi
mus a. 268
Stephanus Verbeti^o a. 27
Stephanus Columna Ma
latesta: emulus a. 352.
vulnera: 355 dux Flo
rentinae militiae a. 299
Stephani Columna: au
Strigonij arx a. 417
Subases a. 280
Sulthania Persarum re
gia olim a. 593
Surranus capitur a. 691
Sycion Vetus hodie Ba
silisca a. 483
Sylvius Cardinalis a. 58

T

Agus flumen a. 406
Talis manes sacer
dos

INDEX

- dos Turcam iusu-
randum interpreta-
tur a.610 (542
Tamas Hismaelis fili⁹ a.
Persarum rex a.581
fugit a.599
Solymanū persequitur
a.603 fugatus b.8
Tamasiconsilium a.593
Tanarus amnis 715
Taprobana olim quæ ho-
die Cherfoenus aurea
a.691
Tedaldus Volaterras ex
arce oppugnat a.333
Tēpestas i Perſide a.594
Teroana à Fandris op-
pugnata a.727
Terracina à Barbaruſſa
capitur & diripit a.558
Theias Agħularius a.87
Themistana vrbs Vene-
tiarum similis a.685
Theodor⁹ Spinula a.475
Theodorus Triuultius
Venetorum impera-
tor capitur a.16
Thomas Volſcius Cardi-
nalis interficitur a.729
Thomas Eburacensis
Cardinalis repudij
Henricifautor a.484
Thoma Eberocēſi Cardi-
nali, nemo pestilentior
Britaniæ fuit a.729
Thomas Nedastus vir
fortis & nobilis a.283
Thomas Morus interfi-
citur a.730
Ticannuſa insula, Teneti-
cā hodie uocant a.499
Ticinum frustra à Lotre-
chio oppugnatum a.16
obsidetur a.178 Lo-
trechio deditur a.55
capitur a.178 occu-
patur a.215
Ticini miserabilis deu-
statio a.15
Ticinenses Hostasio
Rhauennati supplices
fiunt a.56
Tiliauētū flumen a.465
Tingus Battifolius in-
terficitur a.342
Tissa amnis olim Tybi-
scus a.538
Titus Marconius Vola-
terranus ad milites o-
ratio seditiosa a.455
Titus Orlandius a.343
Tolona portus, olim tau-
renta a.707
Tomorreus cucullatus
imperator a.264
Tormenta Bombardica
tria à Buda Byzantium
asportata a.266
Transyluanorum in Grit-
tum conspiratio a.537
Troia Apulia vrbs a.84
Troilus Pignatellus e-
xul b.8
Troili uafricia & pru-
dentia a.613 b.9
Tunetum Piratarū em-
porum a.567
Tunetū diripitur a.963
Tunetanus tumultus a.
574

INDEX

- Tunetani portus descriptio a.580 (562)
Tunetani regni fines a.
Tunetani Muleassi in-
fensi a.572 (2.573)
decepti ab Hariadeno
a Barbarussa occisi a.577
Turca in Ponnonia mo-
nitus ne decertaret a.
487
Turca de abruptenda pa-
ce consultant b.15
in Noricos effundun-
tur a.216
in destruenda Corcy-
ra, nihil efficiunt b.22
Hispanos nauali præ-
lio superant a.216
Petri Grossicij caput
adempum, ad Amura-
them referunt b.27
Turcarum strages ad Vi-
ennam a.292
erga cadauera crude-
litas a.120
de oppugnanda arce
Clissa consilium b.26
certamen ad Viennam
a.291
excursiones a.284
manus à nostris pro-
figata a.443 444
Tybis animis a.271.266
- V
- Vacorum hodie Villa-
cum a.464
Vadum castellum expu-
gnatur a.162
- Valachia, olim Mysia a.
529
Valdemontius Lother-
ringus a.30
Valdemotij genus a.124
mors a.123
Valerius Vrsinus ab Hi-
spanis captus a.140
Valerij contra Cæsaria-
nos successus a.81
Venetarum cohortium
miserabilis clades a.81
Veleria prouincia hodie
Stiria a.424
Valmontonium Latij
oppidum oppugna-
tur a.83
Varus amnis a.703
Vastius Volaterram ten-
dit a.345
ad milites a.454
Carolo Cæsari impe-
rat a.657
Vastij & Ferdinandi Gó-
zagæ sententia de Gal-
liæ inuadenda a.701
ad milites adhortatio
a.637 635
consilium ad Cæsa-
rem a.656
clementia erga sup-
plices a.92
Vayuoda rex Budæ a.237
Vayuodæ a.280
Vbertus Farinata Floren-
tinus cuius optimus a.
318
Vbertus Gambara a.52
Vdelricus Vitemberg-
cus Langrauij armis
8.

INDEX

- recipitur à suis 322
 Veneti nouū in Italia bel-
 lum mouent a.171
 Græcis equitibus u-
 tuntur a.172
 Turcis Ostrouizzam
 oppidum expugnant
 & Obroatium recupe-
 rant b.28
 Dalmatiæ finem ag-
 grediuntur, urbemque
 destruunt b.24
 Veneti conspectis Tur-
 cis, in fugam conij-
 ciuntur b.25
 Veneri senatus præpo-
 siterum iudicium, con-
 tradicere Gritto prin-
 cipe a.680
 Veneti pacem inter Cæ-
 sarem & Gallum ægre
 fuerunt a.176
 Sfortiæ opē ferūt a.21
 Venetorum ad Pontificē
 & Cæsare legatio a.235
 legati amplissimo mu-
 nere à Cæsare Carolo
 ornati a.236
 & Gallorum copiarū
 quantæ contra Cæsa-
 rem & Pontificem a.82
 prudentia a.478
 Veneta classis ad pugnam
 parata a.468
 Vēti, Euris, Vulturis Fa-
 uonius, Corus a.472
 Veromanduri a.421
 Verticillus Neapolitanus
 obsessis mul tabenefi-
 cia confert a.108
 famosus latro a.107
 furca suspenditura.108
 Verreius a.93
 Veterani milites pacis
 nomen odio prose-
 quuntur a.233
 Vgo Pepulus a.113
 Vgo Gallus capis a.117
 Vgonis cadauer tumu-
 latur a.105
 Venusini Gallis deditio-
 nem faciunt a.90
 Vienna obsidione libe-
 ratur a.224
 Viennæ propugnatores
 a.290
 Viennensis obsidio a.287
 Viennēses muri a.288
 Viennensium dama à
 Turcis a.293
 Vicentius Carrafa a.94
 Vicentius Capellius clas-
 sis Venetæ præfectus
 a.467
 ad Auriam a.469
 Vincentius Cathareus
 Dalmata seruorum
 liberator a.660
 Virunus antiquit⁹, sancti
 oppidum hodie a.464
 Virginius Vrsinus classis
 Pōtificis præfect⁹ a.617
 Vitellius Tiphernas a.31
 Wirtembergenses reguli
 Austriæ domus bene-
 ficiarij a.55
 Valmanis consiliū a.592
 Vmbrii belli finis a.254
 Vocantia regio a.704
 Volfgāgus Hoder a.287
 Vola-

INDEX

Volaterræ à Pannonijs	nus præfectus inrerit	
capitæ a.346	(331 b.13	
Romanorū colonia a.	Vtica vrbs	a.571
Volaterrarū situs a.345	Vtica portus, hodie Fari-	
præsidium a.331	na dicitur	a.624
oppugnatio initia		
342.150.151	Z	
Volaterrani à quo origi-	Z Adares à Lacædemo	
nem repetant a.346	ne interficitur a.	
bellicosi a.331	475-476	
deditionem cogitant	Zafranum promonto-	
a.332 Mediceos reci-	rium hodie, olim Apol	
piunt a.333	linis	a.629
Vrbanus Isthmus a.690	Zagataij antiquitus Arij	
Vrbinæ mœnibus nu-	a.581	
dantur a.8	Zagrus mons	a.593
Vrsi caput a.97	Zanobius Bartholinus	
Vscoci prædones b.19	a.357	
Vastamænes, Gallipolita	Zeilainfula	a.593

FINIS

PAVLI IO-
VII NOVOCO-
MENSIS EPISCOPI
Nucerini ELOGIA virorum bellica
virtute illustrium, ueris imaginibus
supposita, quæ apud Musæum
spectantur, in libros se-
ptem digesta.

*Doctorum item uirorum ingenij monumentis illu-
strium ab Auorum memoria publicatis, al-
tero tomo comprehensa.*

BASILEAE

M. D. LXXI.

INDEX.

Petri Angelij Bargæi.	
De Dauide Abyssinorum rege.	546
Federico Feltrio.	269
Francisco Sfortia.	223
Iuliano Medice.	260
Ludouico Pannonia & Bohemie rege.	430
Piratis tribus inclytis.	527
Petri Aluari Romani.	
De Andrea Gritto.	594
Ptolemæi Gallij.	
De Actio Vicecomite.	130

FINIS.



304



Biblioteka Jagiellońska



stdr0025750



